



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>













Bible. O.T. Pentateuch. Choctaw. 1867

THE BOOKS
OF
GENESIS, EXODUS, LEVITICUS, NUMBERS,
AND DEUTERONOMY,
TRANSLATED INTO
THE CHOCTAW LANGUAGE.

CHENESIS, EKSOTUS, LEFTIKUS, NUMBAS,
MICHA TUTELONOMI HOLISSO

AIENA KUT TOSHOWUT
CHAHTA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCKVI.

1867.



42
345
.C6323
1867

CHENESIS HOLISSO.



MOSES I HOLISSO UMMONA KVT

CHENESIS HOHCHIFO HOKE.

CHAPTA I.

UMMONA ka Chitokaka yvt vba, micha yakni aiena ka ikbi tok.

2. Mihma yakni vt shahabbi bieka, micha nana kvv vlhtai-yaha iksho bieka tok; mihma okhlili hvv oka hofobi chito paknaka ya onvtoyula tok: mihma Chitokaka imi Shilombish vt oka pataiya paknaka ai o kanghanli tok.

3. Mihma Chitokaka yvt, Tohwikelashke, achi tok: mihma tohwikeli tok.

4. Mihma Chitokaka yvt towikeli hvv achukma hvv pisa tok: mihmvv Chitokaka yvt tohwikeli ash okhlilika ai iti filvmmichi tok.

5. Michu Chitokaka yvt tohwikeli ash, Nitak hochifo tok, mihmvv okhlilika, Ninak hochifo tok: mihma opia kvv, micha onnahnli kvv nitak ummona hatok.

6. Mihma Chitokaka yvt, Oka pataiya ka itintakla ya shutik osh talaiashke; micha mihi yosh oka ya oka bika iti filvmmichashke, achi tok.

7. Mihma Chitokaka yvt shutik a ikbi cha, shutik nutaka oka aiasha ka, micha shutik paknaka oka aiasha ka iti filvmmichi tok: mihma yvmohmi tok.

8. Mihma Chitokaka yvt shutik a Vba hochifo tok: mihma opia kvv, micha onnahnli kvv nitak atukla hatok.

9. Mihma Chitokaka yvt, Oka pataiya shutik nutaka aiasha kvv itiba fohkvv atalaia achvfa hvv ai itvnashke, mikma a shila yvt haiakashke, achi tok: mihma yvmohmi tok.

10. Mihma Chitokaka yvt ashila yash Yakni hochifo tok;

mihmut oka itiba fohkut itvnaha yash, Okhvta hochifo tok : mihma yummvt achukma hō Chitokaka yvt pisa tok.

11. Mihma Chitokaka yvt, Yakni vt hvshuk, haiyukpulo vt nihi waya, micha iti vni vt ilap aiachvfa vnit, nihi mut ilap akinli hō fōka hō, offochi na yakni paknaka ya aia-shashke, achi tok : mihma yvmohmi tok.

12. Mihma yakni vt hvshuk, micha haiyukpulo ilap aiachvfa nihi waya, micha iti vni ilap aiachvfa vni, nihi mut ilap akinli hō fōka hō, offochi tok : mihma yummvt achukma hō Chitokaka yvt pisa tok.

13. Mihma opia kv̄t, micha onnahinli kv̄t nitak atuchina hatok.

14. Mihma Chitokaka yvt, Nitak a ninak itī filvmmicha chī kv̄t tohwikelichi hv̄t vba shutik a hiohmayashke : micha nana isht v̄lhpisa kv̄t kocha ilaiyuka nitak, micha afv̄m̄mi aiena k̄a isht v̄lhpisashke.

15. Micha yvm̄mak osh tohwikelichi yosh vba shutik a ataloha cha, yakni ya on tohwikelichashke, achi tok : mihma yvmohmi tok.

16. Micha Chitokaka yvt tohwikelichi chito tuklo hō, tohwikelichi i shahli kv̄t nitak ak o ayakma, tohwikelichi ik lauwo hokv̄to ninak ak o aya hi yō ikbi tok : mihmut fochik puta k̄a aieninchit ikbi tok.

17. Micha Chitokaka yvt yakni ya on tohwikelicha he yō,

18. Micha nitak ma aya he, micha ninak ma aya he, micha tohwikeli kash okhlileka itī filvmmicha he yō, vba shutik a talohli tok : mihma yummvt achukma hō Chitokaka yvt pisa tok.

19. Mihma opia kv̄t, micha onnahinli kv̄t nitak ai ushta hatok.

20. Mihma Chitokaka yvt, Oka puta kv̄t nana ilhkōhonli im ilhfiopak āsha ya lauachit ikbashke ; mikma hushi vt yakni paknaka vba shutik takla ya helit itvnowashke, achi tok.

21. Micha Chitokaka yvt n̄vni hochito, micha nan okchaya ilhkōhonli ilap aiachvfa aiyukali oka yvt lauachit ikbi ya moma, micha hushi sanahchi āsha puta ilap aiachvfa aiyukali

kə ikbi tok: micha yummvt achukma hō Chitokaka yvt pisa tok.

22. Mihma Chitokaka yvt yukpalit, Chelit hvsh apakna cha, okhvta puta oka ya hvsh alotashke; mikma hushi vt yakni ya apaknashke, achi tok.

23. Mihma opia kv̄t, micha onnahinli kv̄t nitak ishit tahlapi hatok.

24. Mihmvt Chitokaka yvt, Yakni vt nan okchaya puta ilap aiachvfa aiyukali, micha nan vlhpoa, micha nana aka balvlli, micha nampoa yakni paknaka aśha ilap aiachvfa aiyukali kə tobachashke, achi tok: mihma yvmohmi tok.

25. Michā Chitokaka yvt nampoa puta ilap aiachvfa aiyukali, micha nan vlhpoa puta ilap aiachvfa aiyukali, micha nana hosh yakni paknaka om balvlli puta ilap aiachvfa aiyukali kə ikbi tok: mihma yummvt achukma hō Chitokaka yvt pisa tok.

26. Mihmvt Chitokaka yvt, Hatak a ila hobachit pishno pi holba hō kiloh ikbi: mikma nvni okhvta aiasha, micha hushi vba itvnova, micha nan vlhpoa puta, micha yakni moma, micha nana balvlli puta yakni ya om balvlli ya a mominchi hosh i shahlashke, achi tok.

27. Yohmi cha Chitokaka yvt ilap akinli holba hō hatak a ikbi tok; Chitokaka holba hō ikbi tok; nakni, micha tek itatuklo hō ikbi tok.

28. Michā Chitokaka yvt yukpali tok, micha Chitokaka yvt, Wayvt hvsh apaknashke, micha yakni ya hvsh alotowa cha, hvsh imaiyachashke: micha nvni okhvta aiasha, micha hushi vba itvnova, micha nan okchaya puta yakni paknaka itvnova moma kə hvsh i shahli hashke.

29. Michā Chitokaka yvt, Yakeh! haiyukpulo puta nihi waya yakni paknaka moma aiasha, micha iti puta iti nan vni nihi waya moma kə hvchim issa lishke: hvchim ilhpak ahi oke.

30. Mikmvt nampoa puta yakni paknaka aiasha kə, micha vba hushi puta, micha nana puta yakni paknaka om balvlli ilhfiopak aśha ya, im ilhpak ahe mak o, haiyukpulo okchaki moma kə im issa lishke, achi tok: mihma yvmohmi tok.

31. Mihma Chitokaka yvt nana moma ikbi tuk vt pisa ma, yakeh! achukma fehna tok. Mihma opia kvt micha onnahinli kvt mitak ishit hannali tok.

CHAPTA II.

YAKOHMI hosh vba moma, micha yakni, mikmvt nana ai i puta kvt momvt vlhtaiyaha tok.

2. Mihma nitak ont isht untuklo ma Chitokaka yvt natoksvli ikbi tuk vt atahli tuk atok: micha nitak ont isht untuklo ma natoksvli moma isht ahanta tuk vt foha tok.

3. Micha Chitokaka yvt nitak ont isht untuklo kak o, Chitokaka nana isht ikba chi hosh ikbi tuk toksvli puta kvt yummak o isvt a foha hatuk okvt, holitoblichit hullochi tok.

4. Ilvppa puta kak osh Chihowah Chitokaka yvt yakni, micha vba moma aiena ikbi tok, nitak a vba moma, micha yakni aiena kvt toba tok a isht annoa hoke;

5. Chihowah Chitokaka yvt yakni, micha vba moma ikbi tok nitak a, haiaka itvpushi moma kvt yakni ya ik ai iksho ma, haiaka haiyukpulo moma kvt ik ai offo kisha tok: Chihowah Chitokaka yvt yakni paknaka ik on umbacho hatuk o, mihma yakni toksula hi vt hatak nana kia iksho tok.

6. Yohmi tuk kia yakni ya a kifillit vba ia cha, yakni paknaka moma ka shummichi tok.

7. Mihma Chihowah Chitokaka yvt yakni ya lukfi ak o ai ishi cha, hatak ikbi mvt, ilhfiopak okchaya ya ibishakni chiluk ak o fiopvt fohki tok; mihma hatak ash osh shilombish okchaya toba tok.

8. Mihma Chihowah Chitokaka hvt hvshi akochaka imma yo Eten a osapushi ya ahokchi tok; micha yummak o hatak a ikbi tuk vt bohli tok.

9. Micha Chihowah Chitokaka yvt iti pisa achukma puta, micha vpa achukma aiena, iti aiokchaya, micha iti nana achukma, micha nana ik achukmo aiena isht ai ithona yak kia osapushi iklvna hikia ka, yakni ya ai offochi tok.

10. Mihma okhina yvt osapushi yash shummicha chi kvt Eten a ai atehli cha, yvmma ont ia mvt, iti filamohli cha, okhina ushta toba tok.

11. Ummona hohchifo kvt Pison oke: yvmmak osh Hafilah yakni moma, yvmma tvi lakna vt aiasha ka apakfoyupa mak oke.

12. Micha yakni yvmma tvi lakna asha kvt achukma hoke: yvmma betellium micha oniks tvi vt asha hoke.

13. Mikma okhina atukla hohchifo kvt Kihon oke: yvmmak osh Ehliopia yakni moma ka apakfoyupa mak oke.

14. Mikma okhina atuchina hohchifo kvt Hittekel oke: yvmmak osh Assilia i hvshi akochaka imma pit yanvlli mak oke. Mikma okhina ai ushta kvt Euflates ak oke.

15. Mihma Chihowah Chitokaka yvt hatak ash ishi cha, Eten osapushi ya a toksvlit atona chi ho bohli tok.

16. Micha Chihowah Chitokaka yvt hatak ash im apesvt, Osapushi ya iti aiasha puta ka pilla ish ai vpashke.

17. Amba nana achukma, micha nana ik achukmo aiena isht ai ithvna iti ak okvno chik ai vpo kashke: yvmmak o ish ai vpa hokvto, i nitak makinli ho chilli pulla hi okvt, achi tok.

18. Mihmvt Chihowah Chitokaka yvt, Hatak vt ilap banet ahanta kvt ik achukmoshke: apelvchi ilap a im vlpiesa ho im ikbi lashke, achi tok.

19. Micha Chihowah Chitokaka yvt nampo a yakni haiaka aiasha moma ka yakni ya ai isht ikbi tuk atok; micha hvshi vba itvnowa moma aiena ka ikbi tuk vt Alam vt nana ho hohchifo na pisa chi kvt pehlichit isht im ona tok; atuk o nan okchaya puta ka nana ho Alam vt hochifokma, yvmmak osh hohchifo hatok.

20. Mihma Alam vt nanvlhpoa moma, micha vba hvshi puta, micha nampo haiaka aiasha puta aiena ka hohchifo imvt tahli tok: yohmi kia Alam ak okvno apelvchi ilap a im vlpiesa kvt iksho tok.

21. Mihma Chihowah Chitokaka yvt Alam a nusi kvillo ho nusechi na, nusi tok: mihma naksi foni ya achvfalit ishi cha, yvmmak atuk a nipi ya it afemmichi tok.

22. Micha Chihowah Chitokaka yvt hatak ash naksi foni im ishi tuk vt ohoyo hō ikbi cha, ilauelet hatak ash isht im ona tok.

23. Mihma Alam vt, Himak a sa foni ya ai achvfa foni yoke, micha sa nipi ya ai achvfa nipi yoke : hatak o ai ishi tuk oka, Ohoyo hohchifashke, achi tok.

24. Yvmohmi hoka hatak vt iki, micha ishki ya issa cha, tekchi ak o asitia hi oke : mikmt itatuklo kvt nipi achvfa hi oke.

25. Mihma hatak ash osh micha tekchi itatuklo kvt nipi bano hosh ahashwa cha, hofahya iksho tok.

CHAPTA IIL.

ATUK o sinti ak osh nahaksichi imponna kvt nampoa haiaka itvnawa Chihowah Chitokaka yvt ikbi tuk a moma i shahli tok. Atuk osh ohoyo hash, Yohmi mvhli cho? Iti puta osapushi anuka aiasha ka hvch ik ai apo kashke, Chitokaka yvt achi tuk oh cho? im achi tok.

2. Mihma ohoyo hash osh sinti ya, Iti osapushi anuka aiasha ka vni ya il ai vpa hinla hoke :

3. Amba iti osapushi-iklvna hikia vni ak o, Chitokaka yvt, Hvsh ai vpa he keyu, micha hvsh potola he keyu, yohmi cha hvch illi ná, achi tuk oke, achi tok.

4. Mihma sinti yash osh, ohoyo ha Hvch illi pulla he keyu hoke.

5. Yvma hvsh ai vpakmt i nitak mak inli hō, hvchi nishkin vt fatuma hi yō Chitokaka yvt ithana hoka; mikmt Chitokaka chohmit, nana achukma, micha nana ik achukmo aiena ka hvsh ithana hi oke, im achi tok.

6. Mihma ohoyo hash osh iti ya vpa achukma hō, micha nishkin ishit pisa ka achukma hō, micha hopoyuksula hi ya iti ya bvna he vhpesa hō pisa mvt, yvmak ash o vni ya ishi cha, vpa tok : mikmt i hatak ash kia aieninchit ipeta na, vpa tok.

7. Mihma itatuklo kvt nishkin vt fatuma cha, nipi bano

hatuk vt akostininchi tok; mihmvt fik hishi yo it achonli cha tikba takali ikbit isht il atahlit okla tok.

8. Atuk osh nitak vt kapussvchit taha ho, Chihowah Chitokaka yvt osapushi aya na, im anumpa ha haklot okla tok; mihmvt Alam, micha tekchi itatuklo kvt Chihowah Chitokaka ya osapushi iti hiohmaya ka ai in lumbovt okla tok.

9. Mihma Chihowah Chitokaka yvt Alam a pit i howvt, Katima ak o ish anta cho? im achi tok.

10. Mihma Osapushi ya chim anumpa ha a haiyaklo li mvt, sa nipi bano hatuk osh, sa nukshopa cha, luma li tuk oke, achi tok.

11. Mihma, Kvta hosh chi nipi bano hoka, chim anoli tuk o? Ish ai vpa he keyu chim apesa li kash o iti ya ish ai vpa tuk o? achi tok.

12. Mihma hatak ash osh, Si awant ahanta chi ho ohoyo is suma kash osh, iti ya ai ishit vma na vpa li tuk oke, achi tok.

13. Mihma Chihowah Chitokaka yvt ohoyo hash, Ilvppvt nanta mak o ish yvmihchi tuk oh cho? achi tok. Mihma ohoyo hash osh, Sinti ak osh sa haksichi na vpa li tuk oke, achi tok.

14. Mihma Chihowah Chitokaka yvt sinti yash, Ilvppa ish yvmihchi tuk okvt, kalakshi kvt nanvlhpoa moma, micha nampo moma yakni haiaka aiasha ka ish i shahlishke: chikfoka ak o ishit shalvllit ish aya cha, chi okchaya takla nitak moma kvt lukfi ak o ish pa hi oke.

15. Mikma chishno, micha ohoyo hash micha chishtaiunchololi micha ohoyo ishtaiunchololi aiena ka hvch itin tanampichi la chi hoke: yvmmak okvt chi noshkobo ha lito-likma, chishno mvt iyikotoba ya ish litola hi oke, im achi tok.

16. Mich a ohoyo hano, Chakalit isht chilbvsha hi ya chim apaknvchi li fehna chi hoke; ilbaiyvsha hosh vlla ish esha hi oke; mikmvt nana ish ahni kvt chi hatak ak o ish anukchietokma, yvmmak osh chi shahlit chilauela hi oke, im achi tok.

17. Micha Alam ano, Chi tekchi im annmpa ha ish i haponaklo cha yummak oka chim apesvt, Ish ai vpa he keyu hoke, achi li tuk iti ya ish ai vpa tuk oka, chishno ak atuk pulla kak o yakni vt kalakshi hoke; chi okchaya nitak moma kvt nukhaklo hosh ish ai vpa hi oke.

18. Nana halupa puta, micha shumo aiena ka chi wayvcha he; mikma osapa haiyukpulo aiasha kak o ish ai vpa hi oke.

19. Chi nashuka yvt laiyaksha hosh pvska ihishpa tuk osh falamvt lukfi ish toba hi oke; yummak o a chishi tuk oka: lukfi chia hokvt, falamvt lukfi ish toba hi oke, im achi tok.

20. Mihma Alam vt tekchi ya Ef hochifo tok: yummak osh okchaya moma ka ishki yoka.

21. Mihma Alam micha tekchi aiena ka Chihowah Chitokaka yvt na hakshup o nafohka isht im ikbi cha, fohkvchechi tok.

22. Mihmvt Chihowah Chitokaka yvt Yakeh! hatak ash osh hvpushno akinli chohmi ho tobt, nana achukma, micha nana ik achukmo aiena ka ithanvshke: yohmi kvt himak a ibbak a pit weli cha, iti aiokchaya ak kia ai ishit vpa cha, okchaya na bilia yoba na, achi tok.

23. Yohmi hatuk osh Chihowah Chitokaka yvt yakni yummak o ai ishi tuk a atoksula chi ho osapushi Eten a a kochi tok.

24. Yvmohmi hosh hatak ash kocha pit chvffichi tok: mihmvt osapushi Eten hvshi akochaka ont vhli ka Chelubim vhleha, micha iti aiokchaya aiona ya atoni yosh bvshpo falaia lihimbi, kanima moma pit bihliblit fullota aiena ho hilechi tok.

CHAPTA IV.

MIHMA Alam vt tekchi Ef a ithana tok; mihma yummak ash osh chakali tuk osh Ken a eshi mvt, Chihowah vt ahni ho hatak o eshi lishke, achi tok.

2. Atuk osh anonti nakfish Abel a eshi tok. Atuk o

Abel ak osh chukfulhpoa apesvchi yokma, Ken ak osh osapa toksvli atok.

3. Atuk osh nitak vt ont ai vhlpiesa yvt vla ma, yakohmi tok, Ken vt yakni nana awaya ya nan im issa yo Chihowah ya isht im ona tok.

4. Mihma Abel yvmmak kia nan im vhlpoa chipinta che-lahpi puta, micha i nia aiena ka isht ona tok. Mihma Chihowah vt Abel micha nan im issa aiena ka im aiokpanchi tok:

5. Amba Ken, micha nan im issa aiena ka ik im ahnincho tok. Mihma Ken vt nukhobela fehna cha, nashuka vt ilapissa tok.

6. Mihma Chihowah vt Ken a Nanta katiohmi ho chi nukhobela cho? micha nanta katiohmi ho chi nashuka vt ilapissa cho?

7. Ai vhlpiesa ho ish yvmohmikma chim aiokpvchi kak a hetuk keyu cho? micha aivhlpiesa ho ish yvmhichi keyu hokma nanashvchi vt okhissa yakinli ho itoyula hoke. Mikma Abel nana ahni kvv chishno ak o chi pihisakma, ish i shahla hi oke, im achi tok.

8. Atuk o Ken vt itibapishi Abel a im anumpuli tok; atuk o yakohmi tok, yakni haiaka ashwa ma, Ken vt itibapishi Abel a i sanalit wakaya cha, vbi tok.

9. Mihma Chihowah vt Ken a, Chitibapishi Abel mvto? im achi tok. Mihma, Ak ithano; vno ak osh itibapishi li ha apistikeli sia hoh cho? achi tok.

10. Mihma, Nanta mak o ish katiohmi tuk oh cho? chitibapishi im issish vt anumpulit aka ya, auet ai a pahayvshke.

11. Yohmi ka himak a yakni ya yvmmak okvt itakha ya wakvmmi cha, chitibapishi im issish a chibbak a ai ishi tuk ash a kalakshi hosh ish ayashke.

12. Yakni ya ish a toksvli hokma, himak pilla ka im i hlampko hosh chi waya he keyu hoke: i yakni kohcha yosh yakni paknaka ya fullokahanchit aya hatak chia ha chi hoke, im achi tok.

13. Mihma Ken vt Chihowah ya, Nan ashvchi lish nan isht vm a palvmmi vt chito kvv vm atampa fehuvshke.

14. Yakeh! himak nitak a yakni paknaka a kohchit is sa chvffichishke: yohmi na chi nashuka yatukma ai in luma la chishke; micha hatak kvnia, micha yakni paknaka ya fullo-kahanchit aya hatak sia ha chi hoke; atukma yakohma chi hoke, kvna hosh si ahayuchikmt, svba chi hoke, im achi tok.

15. Mihma Chihowah vt, Yvmohmi hoka kvna hosh Ken a vbikma napalvmmi vt mihinlohmi untuklo hosh onvtola chi hoke, im achi tok. Mihmt kvna hosh ahayuchikmt, ik bo ka hi yo, Chihowah vt Ken a inchuwa ka lapalichi tok.

16. Mihma Ken vt Chihowah itikba yash a kohchvt ia cha, Eten i hvshi akochaka Not yakni ak o ont vtta tok.

17. Michu Ken vt tekchi ya ithana tok: atuk o chakali tuk osh Enok a eshi tok; mihma tumaha holihta ya ikbi mt, tumaha holihta yash ushi hohchifo ha a hochifochit Enok hochifo tok.

18. Atuk o Enok a Ilat vt im vtta tok: atuk o Ilat vt Mehuchael a tobachi tok: atuk o Mehuchael vt Mehulusael a tobachi tok: atuk o Mehulusael vt Lamek a tobachi tok.

19. Atuk o Lamek vt ohoyo tuklo ho ishit itauwaya tok: achvfa yvt hohchifo kvv Atah yokma, achvfa yvt hohchifo kvv Sillah atok.

20. Mihma Atah vt Chabal a eshi tok: yvmmak okvt vlhtipo anuka asht aya, micha nan vllhpoa im asha chohmi kak o iki atok.

21. Mihma itibapishi hohchifo kvv Chubal atok: yvmmak okvt hap, micha vllhpa chito olachi chohmi kak o iki atok.

22. Atuk o Sillah vt yvmmak kia Tubal-ken asonak lakna, micha tuli pilesa puta ithvnanchi ya eshi tok: mihma Tubal-ken in tek vt Naamah atok.

23. Atuk o Lamek vt tekchi tuklo Atah, micha Sillah yash, Um anumpa ha ho haklo; anumpuli li ka oh a hapo-naklo Lamek tekchi hvchia ma: Uno ishit sa hotopa chi mak osh hatak a, micha ishit sa hotopa chi mak osh hatak himita ya vbi li tuk oka.

24. Ken a vlhtoba kv̄t mihinlohmi untukla hetuk okma, Lamek a mihinlohmi pokoli untuklo akucha untukla he vlhpesvshke, im achi tok.

25. Atuk o anonti Alam vt tekchi ya ithana tok: mihma vlla nakni yo eshi cha, hohchifo ha Selh hochifo tok: Ken vt vbi tuk Ebel ash o vlhtomba ho Chitokaka yvt vlla inla ho auet vma hoka, achi tok.

26. Atuk o Selh yvmmak kia ushi vt im vtta tok: mihma hohchifo ha Enos hochifo tok: yohmi ma hatak puta kv̄t Chihowah hohchifo ha i payvt wakaya tok.

CHAPTA V.

ILUPPAK osh Alam isht-atiaka isht annoa holisso hoke. Chitokaka yvt hatak a ikbi tuk nitak fehna ka Chitokaka hak o holba ho ikbi tok.

2. Nakni, micha tek itatuklo ho ikbi tok; mihmvt yuk-pali cha, tobtv okla nitak makinli ho hohchifo ha Alam hochifo tok.

3. Atuk o Alam vt okchayvt ahanta tok afvmmi tahlepa achvfa cha, pokoli tuchina mvt, vlla nakni ilap chohmi, micha ilap holba ho tobachi tok; micha hohchifo ha Selh hochifo tok.

4. Atuk osh Selh a tobachi hayvt nitak ahanta kv̄t afvmmi tahlepa untuchina tok; micha ushi vhleha, micha ushetik vhleha ha tobachi tok.

5. Mihma nitak moma Alam vt okchayvt ahanta kv̄t afvmmi tahlepa chakkali cha, pokoli tuchina tok; atuk osh illi tok.

6. Atuk o Selh vt okchayvt ahanta tok afvmmi tahlepa achvfa cha tahlapi mvt Enos a tobachi tok.

7. Atuk osh Selh vt Enos a tobachi hayvt afvmmi tahlepa untuchina cha untuklo ho okchayvt ahanta cha, ushi vhleha, micha ushetik vhleha ha tobachi tok.

8. Mihma nitak moma Selh vt ahanta kv̄t afvmmi tahlepa chakkali cha, anah tuklo tok; atuk osh illi tok.

9. Atuk o Enos vt okchayvt ahanta tok afvmmi pokoli chakkali mvt Kainan a tobachi tok.

10. Atuk osh Enos vt Kainan a tobachi hayvt afvmmi tahlepa untuchina cha auah tahlapi ho okchayvt ahanta cha, ushi vhleha, micha ushetik vhleha ha tobachi tok.

11. Mihma nitak moma Enos vt ahanta kv afvmmi tahlepa chakkali cha tahlapi tok ; atuk osh illi tok.

12. Atuk o Kainan vt okchayvt ahanta tok afvmmi pokoli untuklo mvt, Mahalaleel a tobachi tok.

13. Atuk osh Kainan vt Mahalaleel a tobachi hayvt afvmmi tahlepa untuchina cha pokoli ushta ho okchayvt ahanta cha ushi vhleha micha ushetik vhleha ha tobachi tok.

14. Mihma nitak moma Kainan vt ahanta kv afvmmi tahlepa chakkali cha pokoli tok ; atuk osh illi tok.

15. Atuk o Mahalaleel vt okchayvt ahanta tok afvmmi pokoli hannali akucha tahlapi mvt, Chalet a tobachi tok.

16. Atuk osh Mahalaleel vt Chalet a tobachi hayvt afvmmi tahlepa untuchina cha pokoli tuchina ho okchayvt ahanta cha, ushi vhleha micha ushetik vhleha ha tobachi tok.

17. Mihma nitak moma Mahalaleel vt ahanta kv afvmmi tahlepa untuchina cha pokoli chakkali akucha tahlapi tok ; atuk osh illi tok.

18. Atuk o Chalet vt okchayvt ahanta tok afvmmi tahlepa achvfa cha, pokoli hannali akucha tuklo mvt Enok a tobachi tok.

19. Atuk osh Chalet vt Enok a tobachi hayvt afvmmi tahlepa untuchina ho okchayvt ahanta cha ushi vhleha micha ushetik vhleha ha tobachi tok.

20. Mihma nitak moma Chalet vt ahanta kv afvmmi tahlepa chakkali cha, pokoli hannali akucha tuklo tok atuk osh illi tok.

21. Atuk o Enok vt okchayvt ahanta tok afvmmi pokoli hannali akucha tahlapi mvt Mehluselah ya tobachi tok.

22. Atuk osh Enok vt Mehluselah ya tobachi hayvt Chitokaka ya ibanowvt ahanta na afvmmi tahlepa tuchina cha, ushi vhleha, micha ushetik vhleha ha tobachi tok.

23. Mihma nitak moma Enok vt ahanta kvf afvmmi tahlepa tuchina cha pokoli hannali akucha tahlapi tok.

24. Micha Enok vt Chitokaka ya ibanohowa tok, atuk osh iksho tok : Chitokaka yvt ishi tuk oka.

25. Atuk o Mehluselah vt okchayvt ahanta tok afvmmi tahlepa achvfa cha, pokoli untuchina akucha untuklo mvt Lamek a tobachi tok.

26. Atuk osh Mehluselah vt Lamek a tobachi hayvt afvmmi tahlepa untuklo cha, pokoli untuchina akucha tuklo ho okchayvt ahanta cha, ushi vhleha micha ushetik vhleha ha tobachi tok.

27. Mihma nitak moma Mehluselah yvt ahanta kvf afvmmi tahlepa chakkali cha, pokoli hannali akucha chakkali tok : atuk osh illi tok.

28. Atuk o Lamek vt okchayvt ahanta tok afvmmi tahlepa achvfa cha pokoli untuchina akucha tuklo mvt vlla nakni yo tobachi tok.

29. Micha hohchifo ha Noah hochifot, Ilvppak osh Chihowah yvt yakni ya kalakshichi tuk ak o, pibbak na toksvli a pilbvsha pulla ka pi hopohlvla hi oke, achi tok.

30. Atuk osh Lamek vt Noah ya tobachi ha yvt afvmmi tahlepa tahlapi cha pokoli chakkali akucha tahlapi ho okchayvt ahanta cha, ushi vhleha, micha ushetik vhleha ha tobachi tok.

31. Mihma nitak moma Lamek vt ahanta kvf afvmmi tahlepa untuklo cha, pokoli untuklo akucha untuklo tok : atuk osh illi tok.

32. Mihma Noah hvf afvmmi tahlepa tahlapi tok : mihmvt Noah hvf Shem, Ham, micha Chafelh a tobachi tok.

CHAPTA VI.

ATUK o yakohmi tok, hatak vt yakni paknaka ya ai apaknvt ishtia cha, ushetik puta kvf im asha ma,

2. Chitokaka ushi vhleha hvf hatak ushetik vhleha hvf

aiokli hō pisa tok : mihmvt aiahni tuk aiyukali kv̄t ishi cha, itauwaya tok.

3. Mihma Chihowah yvt, (Hatak vt nanashvchit ahanta ka,) Ūmi Shilombish vt hatak takla ahanta na, bilia he keyu hoke, hatak vt nipi akinli hoka : yohmi kia i nitak vt afvmmi tahlepa achvfa cha, pokoli tuklashke, achi tok.

4. Nitak yv̄mma foka k̄a hatak hofaloha yvt yakni paknaka ȳa aiasha tok ; atuk o i himmak ak kia Chitokaka ushi vhleha hv̄t hatak ushetik vhleha h̄a itauwayvt maya na, v̄lla ȳa okla im eshi tok o, yv̄mmak ash osh hatak hlampko chilita cha chashpo k̄a annohōwa fehna tok.

5. Atuk o hatak vt yakni paknaka ȳa a haksi kv̄t atampa fehna mvt, chukvsh im anukfila nana isht ahni puta kv̄t peh ik achukmo banot nitak bilia hō Chitokaka yvt pihisa tok.

6. Mihmvt Chihowah yvt hatak a ikbit yakni paknaka ȳa o hilechi tuk vt nukh̄aklot chukvsh hotopa tok.

7. Micha Chihowah yvt, Hatak a ikbi le tuk vt yakni paknaka ȳa a mosholechit, hatak, micha nampoa, micha nana aka balv̄lli, micha hushi v̄ba itv̄nowa aiena k̄a yv̄mihchi lashke ; ikbi le tuk vt sa nukh̄aklo hokvt, achi tok.

8. Yohmi kia Noah hv̄t Chihowah itikba ȳa isht i kana ȳa ai ahayuchi tok.

9. Ilv̄ppak osh Noah ȳa anoli holisso hoke : Noah hv̄t hatak aiv̄lhpiessa, micha ai itishali yv̄mma aighli hosh ahanta tok ; micha Noah hv̄t Chitokaka ȳa iba nōhōwa tok.

10. Micha Noah hv̄t ushi tuchina Shem, Ham, micha Chafelh a tobachi tok.

11. Yakni ak kia Chitokaka itikba ȳa okpulo tok : micha yakni ȳa nan ik v̄lhpeso bano kak osh alotowa tok.

12. Atuk o Ckitokaka yvt yakni ȳa et pisa tok, mihma yakeh ! okpulo tok ; nipi moma kv̄t yakni paknaka ȳa ai il aiokpvnit tahli hatuk oka.

13. Mihmvt Chitokaka yvt Noah ȳa Nana nipi moyuma kv̄t sa tikba ȳa ant aighli hoke ; Ilv̄ppa pulla hatuk mak o yakni paknaka ȳa nan ik v̄lhpeso bano kak osh alotowa

hoka: yohmi hoka yakeh! yvmmak atukma mosholichit yakni ya ai okpune la he akinli hoke.

14. Kofi iti yo chi peni chito ish ikbashke: micha peni chito anukaka ya abohushi puta ish ai ikbashke; micha anukaka, micha kocha aiena ka tiak nia isht ish apolushashke.

15. Micha yakohmichit ish ikbashke: Peni chito yvt falaia kvt kubit tahlepa tuchina, putha kvt kubit pokoli tahlap, micha chaha kvt kubit pokoli tuchinashke.

16. Peni chito ya atohwikeli ya ish ai ikbi cha kubit achvfa ho paknaka ya ish ai atahlashke: micha peni chito okhowata yak o okhissa ya ish hilechashke: micha aka ishtaiyopi, atukla, micha ont atuchina patulho yo ish ikbashke.

17. Atuk o yakeh! vno, vno fehna kvt nipi puta ilhfiopak okchaya a foyuka ka mominchit shutik nutaka ya a mosholichi la chi kvt oka falama yo yakni paknaka ya isht aya la chi hoke: mikma nana puta yakni paknaka aiasha kvt illa chi hoke.

18. Amba chishno yano kullochit na chitim apesa la chi hoke: mikma chishno vt, micha chiso vhleha, micha chi tekchi, micha chiso vhleha tekchi aiena kvt chi apiha ho peni chito ya ish chukowa hi oke.

19. Mikmut nan okchaya nipi puta moma tuklo bieka ho pehlinchit peni chito ya ish chukowana, chibai okchayashke; nakni, micha tek ashke.

20. Hushi puta kvt ilap ai achvfa aiyyukali, micha nampoa puta kvt ilap ai achvfa aiyyukali, micha nana aka balulli yakni paknaka aiasha moma ilap ai achvfa tuklo aiyyukali hosh okchaya chi hosh chim ai vla hi oke.

21. Micha nan ilhpak vpa chatuk a mominchit chishno inli osh hoyot ish itvnahlashke; mikma yvmmak osh chishno, micha yvmmak ash aiena kvt hvchim ilhpak ashke, im achi tok.

22. Ilvppak o Noah hvt yvmihchi tok: Chitokaka yvt im apesa tuk mak o moma yvmihchi tok.

CAPTA VII.

MIHMA Chihowah vt Noah ya, Chishno, micha chin chuka achvfa moma aienvt peni chito ya ant hvsh chukowashke: aaitishali achvfa ilvppa chishno ak osh aivlhpiessa kv̄t sa tikba ya ish ahanta na chi pihisa li hoke.

2. Nampoa kashofa puta kv̄t nakni, micha tek itichapa hosh untuklo bieka, micha nampoa kashofa keyu vt nakni, micha tek itichapa hosh tuklo bieka,

3. Michā hushi vba itvnova nakni, micha tek itichapa hosh untuklo bieka h̄ ish ishi cha, ish okchalinchi na, ishtai unchuloli vt yakni paknaka moma k̄a aiashashke.

4. Nitak untuklo momakma, nitak pokoli ushta, micha ninak pokoli ushta h̄ yakni paknaka ya on umbuche la chi hoke; micha nan okchaya puta ikbi li tuk vt yakni paknaka ya a mosholichi la chi hoke, im achi tok.

5. Mihma Chihowah yvt im apesa tuk mak o Noah hv̄t mominchit yvmihchi tok.

6. Mihma Noah hv̄t afvmmi tahlepa hannali h̄ oka falama vt yakni paknaka ya onvtola tok.

7. Mihma oka falama yvt aya chi pulla kak o, Noah hv̄t ushi vhleha, micha tekchi, micha ushi vhleha h̄ tekchi vhleha aiena kv̄t apiha h̄ peni chito ya chukowa tok.

8. Nampoa kashofa, micha nampoa kashofa keyu, micha hushi puta, micha nana hosh yakni paknaka ya om balvlli chatuk moma mvt,

9. Chitokaka yvt Noah ya im apesa tuk mak o, tuklo aiyukali hosh nakni, micha tek ita tuklo hosh Noah ya im onvt peni chito ya chukowa tok.

10. Atuk o yakohmi tok, nitak untuklo ha ya, oka falama yvt yakni paknaka ya onvtoyula tok.

11. Noah hv̄t v̄tta tok a afvmmi tahlepa ishit hannali hosh hv̄shi atukla, hv̄shi yash nitak ont isht auah untuklo, mih nitak fehna h̄ oka hofobi chito oka akohcha puta kv̄t momvt mitahli tok, mikma vba shutik okhissushi puta kv̄t tiwa tok.

12. Mihma nitak pokoli ushta, micha ninak pokoli ushta hō yakni paknaka yā ai on umba tok.

13. Nitak ymma fehna akinli hō Noah, micha Shem, micha Ham, micha Chafelh Noah ushi vhleha hash, micha Noah tekchi, micha ushi vhleha tekchi tuchina aiena kut apiha hō, peni chito yash chukowa tok.

14. Ymma, micha nampoa puta ilap ai achvfa ai yukali, micha nan vhlpoa moma ilap ai achvfa ai yukali, micha nana balvlli puta yakni paknaka om balvlli ilap ai achvfa ai yukali, micha hushi puta ilap ai achvfa ai yukali, hushi chipinta ai il ai yukali puta aiena tok.

15. Michā nanipi āsha puta kut ilhfiopak okchaya mvt atakali hatuk vt momvt tuklo bieka hosh Noah yā im onvt, peni chito yash ibachukowa tok.

16. Michā chukowa kut, Chihowah yvt im apesa tuk mak o, nanipi āsha puta moma ai achvfa vt nakni, micha tek aiena kut chukowa tok: mihma Chihowah yvt im okhishta tok.

17. Mihma oka fālama yvt nitak pokoli ushta hō yakni paknaka yā onvtoyula tok: mihma oka yvt i shahlit mahaya mvt, peni chito yash shalit wakeli na yakni yā ai vba takali tok.

18. Mihma oka yvt yakni paknaka yā okchito kut i shahlit mahaya fehna tok; mihma peni chito vt oka paknaka yā takalit āya tok.

19. Mihma oka yvt yakni paknaka yā okchito atampa fehna tok; mihma nvni h chaha moma, shutik, nutaka moma aiasha tuk vt ompoholmo tok.

20. Oka chito isht i shahlit vba ia kut kubit auah tahlapi hō isht vbanvbli tok; mihma nvni h chaha puta kut ompoholmo tok.

21. Mihma nana nipi moma yakni paknaka yā ai itvnowa tuk, hushi, micha nanvhlpoa, micha nampoa, micha nana balvlli puta yakni paknaka om balvlli tuk, mikmvt hatak puta aiena kut illi tok:

22. Ilhfiopak okchaya vt ibishakni yā foyuka hatuk moma yakni shila aiasha tuk vt momvt illi tok.

23. Micha nan okchaya moma yakni paknaka ya aiasha tuk, hatak, micha nan vllhpoa, micha nana balvlli puta, micha hvshi vba itunowa aiena kvt illit taha tok; yvmmak osh yakni paknaka ya ai illit taha tok: mihma Noah, micha apihvt peni chito ya aiasha tuk ak illa hosh okchaya tok.

24. Mihma oka yvt yakni paknaka ya ai okchito kvt onvto-yula na nitak tahlepa achvfa cha pokoli tahlapi tok.

CHAPTA VIII.

MIHMA Chitokaka yvt Noah ya, micha nan okchaya moma, micha nampoa moma apihvt peni chito ya alhto tuk ash ithaiyana tok: mihma Chitokaka yvt yakni paknaka ya mahli hlopullich ma, oka yvt halata tok.

2. Mihma oka hofobi chito oka akohcha puta, micha shutik okhissushi puta aiena kvt vllhkuma ma, umba chito vba minti kvt oktpa tok.

3. Mihma oka yvt yakni paknaka ya a falamvt yanghanli na bilia tok: atuk osh nitak tahlepa achvfa cha pokoli tahlapi kvt ont taha ha ya oka yvt shipa tok.

4. Mihma hvshi isht untuklo, hvshi yvmmvt nitak ont isht auah untuklo kak o, peni chito yvt nvni chaha Alalat paknaka ya ontula tok.

5. Mihma oka yvt tahvt mahaya na hvshi ont ishit pokoli tok: hvshi ont ishit pokoli hvshi yvmmvt nitak vmmo-na ma, nvni chaha puta paknaka yvt haiaka tok.

6. Atuk o yakohmi tok, nitak pokoli ushta kvt ont taha ma, Noah hvt peni chito ikbi tok ash okhissushi ya tiwi tok:

7. Micha fva chito yo kohchechi na, kohcha mvt il afalamahowa na, yakni paknaka ya oka yvt a shipvt taha tok.

8. Micha oka yvt yakni paknaka ya a shipvt tahakma, nana tukma akostinicha chi hosh pvchi yoshuba ak kia kohchechi tok.

9. Yohmi tuk kia pvchi yoshoba yvt iyi yvt ai o hikivt foha hi vt ik ahayucho mvt, falamvt im vla cha, peni chito

yash chukowa tok: oka yvt yakni paknaka moma ka onvto-yula hatuk oka: yohmi ma ibbak a pit weli cha, ishit peni chito et il iba fohki tok.

10. Atuk osh anta na nitak untuklo akinli ma, anonti pvchi yoshuba yash peni chito ya kohchechi tok.

11. Atuk o opia ma pvchi yoshuba ash osh falamvt im vla mvt, yakeh! itih ha alif hishi okchaki vt foyuka tok. Yohmi ho yakni paknaka ya oka yvt a shipvt taha tuk a Noah hvt akostininchi tok.

12. Atuk osh anonti nitak untuklo ho anta tuk osh, pvchi yoshuba yash a kohchechi tok: mihma yvmmak osh himakma falamvt ik im alo tok.

13. Atuk o yakohmi tok, afvmmi tahlepa hannali cha achvut aiena, hvshi vmmona, micha hvshi yvmmvt nitak vmmona ma, oka yvt yakni paknaka ya a shipvt taha tok: mihma Noah hvt peni chito isht ompoholmo ash kanvlichhi cha, hopokoyo ma, yakeh! yakni paknaka yvt shila atok.

14. Atuk osh hvshi atukla, hvshi yvmmvt nitak ont ishit pokoli tuklo akucha untuklo ma, yakni vt shilvt taha tok.

15. Mihma Chitokaka yvt Noah a im anumpulit,

16. Chishno, micha chi tekchi, micha chiso vhleha, micha chiso vhleha tekchi puta aiena ka pehliechit peni chito ya ish a kohchashke.

17. Nan okchaya nipi il aiyukali puta moma chi apehvt maya tuk, hushi, micha nan vlpoa, micha nana balvlli yakni paknaka om balvlli aiena ka pehliechit ish kohchashke; yohmi na yakni paknaka ya alauachi fehvt chelashke, micha yakni paknaka ya a wayvt apaknashke, achi tok.

18. Mihma Noah hvt ushi vhleha, micha tekchi, micha ushi vhleha tekchi puta itvpehvt kohcha tok.

19. Nan okchaya puta, nana balvlli puta, micha hushi puta, micha nana hosh yakni paknaka om balvlli, ilap aiachvfa aiyukali momvt peni chito ya kocha wiha tok.

20. Mihma Noah hvt Chihowah ya alta im ikbi cha, nan vlpoa kashofa puta, micha hushi kashofa puta ai ishi cha, alta yash onochit hukmit isht aiokpvchi ya im issa tok.

21. Mihma Chihowah yvt na balama achukma ka huwa tok; micha Chihowah yvt ilap chukvsh akinli ka, Hatak atuk pulla mak o himakma anonti yakni ya kalakshichi la he keyu hoke; hatak chukvsh im anukfila hvv vlla tomba makinli ho ik achukmo hoka: micha yvmihchi li tuk a anonti himakma chohmichit nan okchaya moma, ka issot kanchi la he keyu hoke.

22. Yakni vt talaia moma ka, nahokchi nitak, micha nawayo vmo, micha kapvssa, micha lvshpa, micha toffa, micha hushtula, micha nitak, micha ninak aiena kvv hokofa he keyu hoke, achi tok.

CHAPTA IX.

MIHMUT Chitokaka yvt Noah ya micha ushi vhleha aiena ka yukpalit, Hvsh wayvt apakna cha, yakni paknaka ya hvsh alotowashke.

2. Yohmikma isht a hvchi nukshopa, micha isht a hvchi komota aiena kvv nampoa puta yakni paknaka aiasha ka moma, micha hushi puta vba itvnova moma, micha nana hosh yakni paknaka aya moma, micha nvni okhvta aiasha ka moma onvtoyula hi oke; hvch ibbak a fohka hoke.

3. Nan okchaya itvnova moma kvv hvchim ilhpak achi hoke: haiyukpulo okchaki atok akinli ho ai itilauechit nan okluha ka hvchim issa li hoke.

4. Amba nipi vt isht okchaya yvmvvt im issish ak oka aieninchit hvsh pa na,

5. Atukma hvchim ilhfiopak hvchim issish ak o a hoyo li pulla hi oke: nan okchaya moma ka im a hoyo likvvt, hatak ibbak a a hoyo la hi oke; hatak a itibapishi puta hatukma ibbak a hatak im ilhfiopak a a hoyo la hi oke.

6. Kvna hosh hatak im issish a hlatvblikma, ilap im issish ma hatak osh hlatvbla hi oke: Chitokaka ya holba ho hatak a ikbi tok oka.

7. Yohmi ka hvchishno vt wayvt hvsh apaknashke; yakni paknaka ya a waya fehvvt ai apakvvt hvsh aiashashke, im achi tok.

8. Micha Chitokaka yvt Noah, micha ushi vhleha aiena ka im anumpulit,

9. Uno, yakeh! vno vt hvchishno, micha hvchim ishtatika chi akaiya aiena,

10. Micha nan okchaya puta hvch ibafoyuka ka, hushi, nan vlhpoa, micha nampoapa puta yakni paknaka aiasha hvch iba foyuka kvv peni chito yash kohcha tuk, nampoapa puta yakni paknaka aiasha ka kvullochit nana itim apesa lishke.

11. Micha kvullochit nana hvchitim apesa la chi hoke: mikma himakma nanipi moma kvv oka falama isht illit taha he keyu hoke; micha himakma oka falama vt aya cha, yakni ya okpona he keyu hoke, achi tok.

12. Micha Chitokaka yvt, Ilvppak osh vno, micha hvchishno ya micha nan okchaya moma hvchi apeha ka ai itishali bilia ka nana itim apesa itim ikbi li ka isht atokowa yoke.

13. Uno vt a hinakbitepuli ya hoshonti anukaka ya takalichi li hoke; mikma yummak osh vno vt yakni ya nana itim apesa li tuk isht atokowa yosh talaia achi hoke.

14. Atukma yakohma hi oke, hoshonti ha yakni paknaka isht aya likma, hinakbitepuli hvv hoshonti ha takaliti haiaka hi oke.

15. Mikma vno, micha hvchishno, micha nanokchaya nipi asha moma aiena ka nana itim apesa vt a pitin takla takali ka ithaiyana la hi oke; mikma himakma oka yvt oka falama toba cha, nana nipi asha moma ka oka temola he keyu ka hi oke.

16. Mikma hinakbitepuli hvv hoshonti ha takala hi oke; mikma nana itim apesa ont ataha iksho vt Chitokaka, micha nan okchaya nipi asha moma yakni paknaka aiasha aiena kvv im ai itin takla takali ka ithaiyana la chi kvv pihisa la hi oke, achi tok.

17. Micha Chitokaka yvt Noah ya, Ilvppak osh nana itim apesa vno vt nan okchaya nipi asha moma yakni paknaka aiasha ka kvullochit itim apesa li tuk a isht atokowa yoke, im achi tok.

18. Mihma Noah ushi vhleha peni chito ya asht kocha

wiha kv̄t Shem, micha Ham, micha Chafelh ak atok : atuk
o Ham ak osh Kenan ā iki atok.

19. Illeppak osh Noah ushi v̄hleha tuchina mak oke ;
atuk o yummak atok ak o yakni moma k̄a ai ita fimimpa tok.

20. Mihma Noah hv̄t yakni a toksulit wakaya cha, osa-
pushi pakvpi ahollokchi ȳa ikbi tok.

21. Atuk osh oka p̄aki ȳa ishko cha haksi tok ; mihmv̄t
i shahbi hosh im v̄lhtipo anukaka ȳa itonla tok.

22. Mihma Kenan iki Ham vt̄ iki vt̄ nipi bano k̄a pisa
mv̄t, itibapishi tuklo kocha ashwa tuk ā im anoli tok.

23. Mihma Shem, micha Chafelh ita tuklo kak osh
anchi ȳo ishi cha, tahchi h̄a onochit bika cha, olbulh-pelvt
ia hosh iki nipi bano tuk ā ont ompohomo tok : micha
nashuka vt̄ i filummi hatuk osh iki nipi bano k̄a ik pesot
okla tok.

24. Atuk o Noah hv̄t oka p̄aki ishkot haksi tuk vt̄
kostini mv̄t, ushi nakfish ak osh nana im akaniohmi tuk ā
akostininchi tok.

25. Michā, Kenan vt̄ kalakshashke ; tishu v̄hleha in tishu
hosh itibapishi v̄hleha h̄a i nutaka hosh aiasha hi oke, achi
tok.

26. Mihmv̄t Shem in Chitokaka Chihowah yvt̄ holito-
pashke : mikma Kenan vt̄ in tishu ha hi oke.

27. Chitokaka yvt̄ Chafelh ā im auatv̄chikma, Shem im
v̄lhtipo puta k̄a vt̄vt̄ aya hi oke ; mikma Kenan vt̄ in tishu
ha hi oke, achi tok.

28. Atuk osh Noah hv̄t, oka falama vt̄ aya ha ȳa okcha-
yvt̄ ahanta na, afv̄m̄mi tahlepa tuchina cha, pokoli tahlapi
tok.

29. Mihma Noah hv̄t nitak moma ahanta kv̄t afv̄m̄-
mi tahlepa chakkali cha, pokoli tahlapi tok : atuk osh
illi tok.

CHAPTA X.

ILUPPAK osh Noah ushi v̄hleha, Shem, Ham, micha
Chafelh aiena k̄a isht annoa holisso hoke : yohmi k̄a

yummak okvt oka falama vt gya ha yak o ushi vt im aiasha tok.

2. Chafelh ushi vhleha hvt, Kome, micha Makok, micha Matai, micha Chafan, micha Tubal, micha Meshek, micha Tilas ak atok.

3. Mikma Kome ushi vhleha hvt, Ashkenas, micha Lifalh, micha Tokamah ak atok.

4. Mikma Chafan ushi vhleha hvt, Elishah, micha Tashish, Kittim, micha Totanim ak atok.

5. Yakohmi kak osh i yakni Chentail i yakni tashaiyi puta ka ilap aiokla achufa im anumpa achufa cha, in chuka achufa ishtatiaka aiyyukalit ita kvshkoa tok.

6. Mikma Ham ushi vhleha hvt Kush, micha Mislaim, micha Fut, micha Kenan ak atok.

7. Mikma Kush ushi vhleha hvt Seba, micha Hafilah, micha Sabtah, micha Laamah, micha Sabteka ak atok : mikma Laamah ushi vhleha hvt Sheba micha Tetan ak atok.

8. Mihma Kush vt Nimlot a tobachi tok : atok o yummak osh hatak palvmmi tobtv ishit mghaya tok.

9. Chihowah itikba ya hatak owvta fehna yosh ahanta tok : yohmi tok mak o hatak owvta fehna mak osh Chihowah itikba hikia Nimlot atok mak o chohmi hoke, achi beka tok.

10. Yohmi ka im apehlichika ishtia vmmona kv Shina yakni taloha Babel, micha Elek, micha Akkat, micha Kalneh ak atok.

11. Yakni yummak o Asha vt kohchvt ia hosh Ninefeh, micha tmaha holihta Lehobolh, micha Kalah ya ikbi cha,

12. Ninefeh, micha Kalah iti takla ak o Lesen a ai ikbi tok : mih mak osh tmaha holihta chito atok.

13. Mihma Mislaim vt Lutim, micha Anamim, micha Lehabim, micha Naftuhim,

14. Micha Pahlusim, micha Kasluhim (yummak o Filistim okla hvt a kohcha tok,) micha Kaftolim aiena ka tobachi tok.

15. Mikma Kenan vt ushi akni fehna Siton, micha Helh,

16. Micha Chebusait, micha Amolait, micha Kikasait,

17. Micha Hifait, micha Akait, micha Sinait,

18. Micha Afatait, micha Semalait, micha Hamahlait aiena ka tobachi tok: atuk o i himmakma Kenanait okla in chuka achvfa vhleha hvt ita fimimpa tok.

19. Micha Kenanait okla im aivhli vt Siton a vttvt ia hosh Kela isht ona ka maya hosh Kasa ya ona tok: Sotom, micha Komolloh, micha Atmah, micha Seboim ish ia ka maya hosh Lasha ya ont vhli tok.

20. Ilvppa puta kak osh Ham ushi vhleha ilap in chuka achvfa ishtatiaka aiyukali, anumpa aiachvfa, okla talohvt ilap i yakni aiyukali aiasha mak oke.

21. Mihma Ebe im vlla vhleha moma ka iki, akni Chafelh a itibapishi Shem ak kia vlla vt im aiasha tok.

22. Shem im vlla vhleha hvt Elam, micha Asshu, micha Afaksat, micha Lut, micha Alam ak atok.

23. Mikma Alam im vlla vhleha hvt Us, micha Hul, micha Kehle, micha Mash ak atok.

24. Mihma Afaksat vt Salah ya tobachi tok: mihma Salah hvt Ebe ya tobachi tok.

25. Atuk o Ebe vt ushi tuklo hosh im ashwa tok: achvfa kut hohchifo kut Pelek atok: yumma i nitak ak o yakni vt itakvshkoa tok: mikma itibapishi hohchifo kut Choktan atok.

26. Mihmvt Choktan vt Almotat, micha Shelef, micha Hasamafelh, micha Chelah,

27. Micha Hatolam, micha Usal, micha Tiklah,

28. Micha Obal, micha Abimael, micha Sheba,

29. Micha Ofa, micha Hafilah, micha Chobab aiena ka tobachi tok: ilvppa puta kak osh momvt Choktan a ushi vhleha hatok.

30. Mihmvt abinili kut Mesha ak o aivhli ia hosh, hvshi akochaka nvnih Sefa ak o ont ai vhli tok.

31. Ilvppa puta kak osh Shem ushi vhleha ilap in chuka achvfa ishtatiaka aiyukali, anumpa aiachvfa okla talohvt ilap i yakni aiyukali aiasha mak oke.

32. Ilvppa puta kak osh Noah im vlla vhleha in chuka achvfa puta ilap ishtatiaka aiyukali okla taloha mak oke:

micha oka falama vt aya ha ya ilvppa puta tok ak o oklushi puta kut yakni ya itakvshkoa tok.

CHAPTA XI.

MIHMA yakni moma kut itih, micha anumpa aiena kut achvfa tok.

2. Atuk o yakohmi tok, hvshi akochaka imma ya ashtv itunovvt mihinti mv, yakni patali vt Shina yakni ya talaya na, ant ahayuchi tok: mihmv yvmmak o okla aiasha tok.

3. Mihmv, Inta! lukfi nuna kiloh ikbi, micha achukmalit eho huknashke, itim achi tok. Mihmv tvli a hetuk a lukfi nuna yokma, anonti isht vhlpolosa ya na shinvshbi yosh okla im aiasha tok.

4. Mihmv, Inta! hvvimmi hachi ka tumaha holihta micha chuka chaha ai atoni paknaka yvt shutik a ona ho iloh ikbashke; micha pi hohchifo iloh ikbashke; keyukmv ita fimimpvt yakni paknaka moma ka il itunowa yoba na, okla achi tok.

5. Mihma Chihowah vt hatak im vlla vhleha hv tumaha holihta, micha chuka chaha ai atoni ikbi ka pisa chi hosh akovvt vla tok.

6. Michi Chihowah vt, Yakeh! okla hv achvfa, micha moma kut im anumpa hv achvfshke: atuk osh ilvppa yvmihchit isht ivshke: yohmi ka himak a yvmihcha chi im anukfila tuk a nana hosh im ai ataklvmma hi vt ikshoshke.

7. Inta! pit kil akowa cha, im anumpa ha kil im it aio-komi na, ilap bika yvt im anumpa ha ik itim akostinincho, kashke, achi tok.

8. Yvmohmi ho Chihowah vt yvmma a kanvlichit yakni paknaka moma ka ita fimibli tok: mihma tumaha holihta ikbi tuk vt issa tok.

9. Yvmohmi hatuk o yvmmv Babel hohchifo tok: yvmmak o Chihowah vt yakni moma im anumpa ha ai it-

im aiokomi tok oka: micha yvmma Chihowah vt akanvlichit yakni paknaka moma ka ita fimibli tok.

10. Ilvppa puta kak osh Shem isht ai unchololi hoke: Shem vt afvmmi tahlepa achvfa hosh oka falama vt aya ha ya afvmmi tuklo ma, Afaksat a tobachi tok.

11. Atuk osh Shem vt Afaksat a tobachi ha yvt afvmmi tahlepa tahlapi ho okchayvt ahanta cha, ushi vhleha, micha ushetik vhleha ha tobachi tok.

12. Atuk o Afaksat vt okchayvt ahanta tok afvmmi pokoli tuchina akucha tahlapi hosh Salah ya tobachi tok.

13. Atuk osh Afaksat vt Salah ya tobachi ha yvt afvmmi tahlepa ushta cha tuchina ho okchayvt ahanta cha, ushi vhleha, micha ushetik vhleha ha tobachi tok.

14. Atuk o Salah vt okchayvt ahanta tok afvmmi pokoli tuchina hosh Ebe ya tobachi tok.

15. Atuk osh Salah vt Ebe ya tobachi ha yvt afvmmi tahlepa ushta cha tuchina ho okchayvt ahanta cha ushi vhleha, micha ushetik vhleha ha tobachi tok.

16. Atuk o Ebe yvt okchayvt ahanta tok afvmmi pokoli tuchina akucha ushta hosh Pelek a tobachi tok.

17. Atuk osh Ebe yvt Pelek a tobachi ha yvt afvmmi tahlepa ushta cha, pokoli tuchina ho okchayvt ahanta cha ushi vhleha, micha ushetik vhleha ha tobachi tok.

18. Atuk o Pelek vt okchayvt ahanta tok afvmmi pokoli tuchina hosh Leu ya tobachi tok.

19. Atuk osh Belek vt Leu ya tobachi ha yvt afvmmi tahlepa tuklo cha chakkali ho okchayvt ahanta cha, ushi vhleha, micha ushetik vhleha ha tobachi tok.

20. Atuk o Leu vt okchayvt ahanta tok afvmmi pokoli tuchina akucha tuklo hosh Seluk a tobachi tok.

21. Atuk osh Leu vt Seluk a tobachi ha yvt afvmmi tahlepa tuklo cha, untuklo ho okchayvt ahanta cha, ushi vhleha, micha ushetik vhleha ha tobachi tok.

22. Atuk o Seluk vt okchayvt ahanta tok afvmmi pokoli tuchina hosh Naho ya tobachi tok.

23. Atuk osh Seluk vt Naho ya tobachi ha yvt afvmmi

tahlepa tuklo hō okchayvt ahanta cha, ushi vhleha, micha ushetik vhleha hā tobachi tok.

24. Atuk o Naho vt okchayvt ahanta tok afvmmi pokoli tuklo akucha chakkali hosh Telah yā tobachi tok.

25. Atuk osh Naho vt Telah yā tobachi ha yvt afvmmi tahlepa achvfa cha ahbichakkali hō okchayvt ahanta cha, ushi vhleha, micha ushetik vhleha hā tobachi tok.

26. Atuk o Telah vt okchayvt ahanta tok afvmmi pokoli untuklo hō Eblam, Naho, micha Halan aiena kā tobachi tok.

27. Yohmi kā ilvppa puta kak osh Telah isht aiunchololi hoke: Telah vt Eblam, Naho, micha Halan aiena kā tobachi tok: atuk o Halan vt Lot ā tobachi tok.

28. Mihmvt Halan vt iki Telah ya tjkba, yakni aivtta tok Kaltea talaia Uh ai illi tok.

29. Atuk o Eblam, micha Naho ita tuklo kvv ohoyo itauwayvt okla tok: Eblam tekchi hohchifo kvv Salai atok; mikma Naho tekchi hohchifo kvv Milkah atok, Milkah yā iki, micha Iskah yā iki Halan ā ushetik atok.

30. Yohmi kia Salai vt ushi iksho yatuk osh vlla ik im iksho tok.

31. Mihma Telah vt ushi Eblam, micha Halan ushi Lot, ilap ushi akinli ushi, micha ushi Eblam tekchi ipok Salai aiena kā pehlichī cha Kenan yakni yā ona chī hosh Kaltea yakni talaia Uh hā kohchvt ia tok: atuk osh Halan ā ona cha, yvmmak o aiasha tok.

32. Mihma Telah i nitak puta kvv afvmmi tahlepa tuklo cha tahlapi tok; atuk osh Telah vt Halan ak o ai illi tok.

CHAPTA XII.

YOHMI kā Chihowah vt Eblam ā, Chī yakni chī kanomi vhleha micha chīki in chuka achvfa aiena kā i fivmmi a kohchvt ayvt yakni chī pevchi la chī kā ish onashke:

2. Mikma okla chito fehna a chikbi la he, mikmvt chī

yukpali likmut, anonti chi hohchifo ha holitoblichhi la hi oke; mikma ishit na chi yukpa yachi hoke.

3. Atukma kuna hosh anumpa yukpali chi onochikma yukpali la hi oke; mikmut kuna hosh anumpa kalakshichi chi onochikma, kalakshichi la hi oke: mikma chuka achufa puta yakni paknaka aiasha kut chi aiyukpa hi oke, achi tuk atok.

4. Yohmi ma Chihowah yut im achi tuk mak o, Eblam ut ia tok, mihma Lot ut awant ia tok: mihma Eblam ut Halan a kohchut ia mut, afummi pokoli untuklo akucha tahlapi tok.

5. Micha Eblam ut tekchi Salai, micha itibapishi ushi Lot, micha i nanvlhpoa ahayuchi tuk ut moma, micha Halan a tishu okla ai ahayuchi tuk ut pehlichhi cha, Kenan yakni ya okla ona chi hosh kohchut ia tok; atuk osh Kenan yakni ya okla ona tok.

6. Mihma Eblam ut yakni yash hlopullit ayut Moleh i baiyi hielhi Sikem a ona tok. Yohmi ma Kenan okla hut yakni ya aiasha hatok.

7. Mihma Chihowah yut Eblam a i haiaka cha, Yakni ihppa chim ishtatiaka ya ima la hi oke, im achi tok: mihma yummak o Chihowah yut i haiaka tuk ash alta ya im ikbi tok.

8. Atuk osh yumma uttut kanvllit ia mut, Behlel i hvshi akochaka imma nvnih chaha hak o ona cha, Behlel ut hvshi ai okatula pilla talaya ho, micha Hai ut hvshi akochaka pilla ma, talaya ho im vlhtipo ya hilechi tok: mihmut yummakma Chihowah ya alta im ikbi cha, Chihowah ya hochifot i pahaya tok.

9. Mihmut, Eblam ut ivt oka mahli pilla ho mahaya tuk ut moma hosh aya tok.

10. Atuk o yakni yash hohchvfo hut asha tok: mihma Eblam ut Echip yummak o anta chi hosh ia tok; yakni yash hohchvfo kut palvmmi fehna hatuk oka.

11. Atuk osh yakohmi tok, Echip a chukowa chi mak osh bilikasi ona mut, tekchi Salai ya, Pisa ka ohoyo chi aiokli ka himak a ithana lishke:

12. Yvmohmi hoka yakohma chi hoke, Echip okla hut chi pisakmut, Ilppak osh tekchi oke, acha chi hoke; mikmut vno ya svi cha, chishno yano chi okchalincha chi hoke.

13. Chishno vt, In tek sia hoke, ish achashke, chim asilhha lishke: yvmohmi ho chishno ak atuk pulla mak o nana isht vm achukmashke: micha chishno atuk pulla mak o vmi shilombish vt okchayashke, im achi tok.

14. Atuk o yakohmi tok, Eblam vt Echip a ont chukowa ma, Echip okla hut ohoyo hut aiokli fehna ho pisa tok.

15. Falaoh i holitopa vhleha hak kia pisa mut ahnichit Falaoh itikba ya anohonli tok; mihma ohoyo hash ilauelet Falaoh in chuka ya isht ona tok.

16. Mihma yvmmak atuk pulla mak o Falaoh vt Eblam a i kana fehna tok: mihma chukfulhpoa, micha wak, micha issuba nashoba nakni, micha hatak tishu vhleha, micha ohoyo tishu vhleha, micha issuba nashoba tek, micha kamel puta aiena kut im gsha hatok.

17. Mihma Chihowah yvt Eblam tekchi Salai ak atuk pulla mak o Falaoh micha in chuka achufa aiena ka napalvmmi chinto ka onochi tok.

18. Mihma Falaoh vt Eblam a hoyo cha, Ilppak osh nanta mak o is sa yvmihchi tuk oh cho? nanta katiohmi ho chi tekchi atuk a chik svm anolo tuk oh cho?

19. Nanta katiohmi ho, Ilppvt an tek oke, ish achi tuk o? yohmi na, ishit sa tekchi ikbit itauwaya la he tuk oka; yohmi hoka chi tekchi ya ish ilauelet cha, ish iashke, achi tok.

20. Michi Falaoh vt in teshka vhleha ha yvmmak ash nana ish, i miha na, yvmmak ash micha tekchi, micha nana im asha tuk moma aiena ka ik ia, okla im ahni tok.

CHAPTA XIII

MIHMA Eblam vt ilap, micha tekchi, micha nana im gsha tuk moma aiena kut Echip a kohchot mintit, micha Lot vt ibafohka ho oka mahli ka ai vla tok.

2. Micha Eblam vt nanvlhpoa, micha tvli hvta, micha tvli lakna aiena kvt in laua fehna hatok.

3. Atuk osh oka mahli ya vttvt falamvt mintit Behlel, yvmmvt Behlel micha Hai iti takla yakni talaia hq vmmona ka im vlhtipo vt a hikia tok atok;

4. Ummona ka alta ai ikbi tok yakni talaia yo vla tok: micha yvmmak o Eblam vt Chihowah ya hochifot ai i pa-haya tok.

5. Mihma Eblam a awant ia tuk vt Lot ak kia nanvlhpoa chipinta, micha nan vlhpoa hochito, micha vlhtipo puta aiena kvt im aasha hatok.

6. Mihma yakni vt ik im ono hatuk osh, itvpehvt ahashwa he keyu tok: imilayak chinto hatuk okvt, itvpehvt ahashwa he keyu tok.

7. Atuk o Eblam i nan vlhpoa apistikeli vhleha, micha Lot i nanvlhpoa apistikeli vhleha aiena kvt itachowa tok: micha mihmvo Kenanait okla, micha Pelissait okla aiena kvt yakni yvmma aasha hatok.

8. Mihma Eblam vt Lot a Uno, micha chishno piti takla, micha a nan vlhpoa apesvchi vhleha, micha chi nan vlhpoa apesvchi vhleha aiena iti takla ya itachowa kvt iksho kashke; chim asilhha lishke, itibapishi vhleha pia hokvt.

9. Yakni vt moma hosh chi tikba itoyula keyu cho? Is sa filvmashke, chim asilhha lishke: vlhfubek imma hak o ish ia hokma, ishtimpak imma hak o ia lashke; keyukmt ishtimpak imma hak o ish ia hokma, vlhfubek imma hak o ia lashke, im achi tok.

10. Mihma Lot vt akachakali mvt, Chatan yakni patali moma kvt kanima moma kia oka laua achukma kvt aasha; Chihowah yvt Sotom, micha Komollah ya okpvnit ik tahlo kisha ma, Chihowah im osapushi ak o chohmi cha, Soa ish chukowa Echip yakni ak o chiyuhmi tok a pihisa tok.

11. Yohmi mvt Lot vt Chatan yakni patali moma ilap immi achi hosh atokoli mvt, Lot vt hvshi akochaka pilla hq ia tok: yohmi ma iti filvmmmit okla tok.

12. Eblam vt Kenan yakni ak o ai ahanta tok; mikma

Lot vt yakni patali tumaha holihta taloha kak o ai vttā cha, Sotom pilla hak o im vlhtipo ya hilechi tok.

13. Yohmi kia Sotom hatak vhleha hv̄t haksi fehna cha, Chihowah itikba ya nanashv̄chi atampa fehna tok.

14. Atuk o Chihowah yvt Eblam a Lot vt i filimmi ha ya, Himak a akachakali cha, ish aivtta ka hiki vt falv̄mmi imma, micha oka mahli imma, micha hv̄shi akochaka imma, micha hv̄shi ai okatula imma aiena ka pit ish hopokoyashke :

15. Yakni ish pisa ka mominchit chishno, micha chim isht aiunchololi aiena ka immi bilia he mak o ima la chi hoke.

16. Mikma chim isht aiunchololi ya lukfi pushi yakni paknaka aiasha kak o chiyuhmichi la hi oke : yohmikma hatak nana hosh lukfi pushi yakni paknaka aiasha ka hotihv̄t tahla hinla hok mak o, chim isht aiunchololi ak kia holhtina hi oke.

17. Wakaya cha yakni afalaiaika, micha apv̄thaka nowvt hlopulli, chima la chi hoka, im achi tok.

18. Yohmi ma Eblam vt im vlhtipo ya kanv̄llichit Mamli i baiyi Heblon yakni talaia hiei ka ont ai vttā tok : micha yv̄mma Chihowah ya alta im ikbi tok.

CHAPTA XIV.

ATUK o yakohmi tok, Shina i miko Amlafel, Ellasa i miko Aliok, Elam i miko Chetolaoma, micha oklushi puta i miko Tital aiena kv̄t aiasha nitak ma ;

2. Ilv̄ppa puta kv̄t Sotom i miko Bela, micha Komollah i miko Besha, Atmah i miko Shinab, micha Seboim i miko Shemebe, micha Bela yv̄mmvt Soa ya i miko aiena ka in tanampi tok.

3. Ilv̄ppa moma kak osh okfa Sittim, yv̄mmvt hv̄pi okhv̄ta ha ai itahov̄t aiasha tok.

4. Afv̄mmi auah tuklo ho Chetolaoma ya i nutaka tok ; atuk osh afv̄mmi ont isht auah tuchina ho i filv̄mmi i sanali tok.

5. Atuk o afummi ont imi auah maha ma. Chetolaoma yrt. micha miko vbleha ymama apha kash aiena krt vta cha, Lefaim okla Ashalela Kamin aisha, micha Susim okla Ham aisha, micha Eaim okla Shaleh Kithakim aisha tak aiena ka iset kanchi mt.

6. Michs Hofim okla i vnañ Sei aisha tuk aiena ka ai iset kanchi El-palm ymmrt yakni chukushani bālika talia ka ont vñichi tok.

7. Mihmrt falmrt En-mibpat, ymmrt Katesh a ai vta cha, Amalek okla i yakni moma ka, micha Amolait vbleha ymmrt Haseson-tama apha tuk a iset kanchi tok.

8. Mihma Sotom i miko, micha Komollah i miko, micha Atmah i miko, micha Seboim i miko, micha Bela ymmrt Soa ya i miko aiena krt kebchrt ilhkoli mt Sittim okfa ha ont ai itafamt,

9. Elam i miko Chetolaoma, micha okushi puta i miko Tital, micha Shina i miko Amalef, micha Ellasa i miko Ahok aiena kash itba chi krt il atahli tok : miko ushta hosh tahlapi ho itafama tok.

10. Mihma Sittim okfa hrt bitumoa aisha yakni mitahli yosh alotowa tok : atuk o Sotom i miko, micha Komollah i miko vt tihlaya tuk osh ymmak o ai akakoha tok : mihma hlakoffi tuk vt yihlept nñih chaha ya ona tok.

11. Mihma Sotom, micha Komollah i na chukushpa, micha im ilhpak moma ka ishi cha ilhkoli tok.

12. Michs Eblam itibapishi ushi Sotom vta hatuk Lot, micha im vhpoyak aiena ka ishi cha ilhkoli tok.

13. Atuk o hlakoffi tuk achvfa kvf Heblu hatak Eblam a ont im anoli tok : Eahkol itibapishi, micha Ane itibapishi, Amolait hatak Mamli i baiyi hiel ka bālika ya vta yatuk oka : micha ymmrt Eblam a anumpa itibai achvft itapela hatok.

14. Mihma Eblam vt itibapishi ha yukachit ishi tuk o haklo mt, ilap in chuka akinli ho ai vttot, nan im vlvuchit hofantit aisha ya tahlepa tuchina cha auah untuchina ho nahalupa im atahlit pchlich cha, hliolit Tan a ona tok.

15. Mihma ilap, micha in tishu vbleha aiena kvf itakush-

koa cha, ninak o issot kanchi mvt, hliolit isht ayvt Tamaskva im vlfvfbekimma talaia Hobah ya ona tok.

16. Micha vlpoyak moma ka falummichit isht vla mvt, anonti itibapishi Lot ash kia, micha im vlpoyak aiena, mikmvt ohoyo puta, micha okla hash aiena ka falummichit isht vla tok.

17. Mihma (Eblam vt Chetolaoma micha apehvt aya tok, miko vhleha ha vbi cha, falamvt aya ha ma) Sotom i miko vt Shafeh yummvt miko im okfa ha aiafama chi hosh kohchvt ia tok.

18. Mihma Salem i miko Melkisetek vt pska, micha oka paki aieninchit i kohchechi tok; micha yummvt vba chaha moma i shahli Chitokaka ya naholitompa isht im vtta yatok.

19. Micha anumpa yunkpali Eblam a onochit, Vba chaha moma i shahli, vba, micha yakni aiena ikbi Chitokaka ya Eblam vt i holitopashke.

20. Mikma vba chaha moma i shahli Chitokaka, yummak osh chin tvnvp vhleha ha chibbak fohki tuk vt holitopashke, achi tok. Mihma moma ka ishit pokoli aiyyukali ho ai ishit Melkisetek ash ima tok.

21. Mihma Sotom i miko vt Eblam a, Hatak vhleha hano vno ak o is sama cha, nachukushpa ya chishno akinli hosh ish ishashke, im achi tok.

22. Mihma Eblam vt Sotom i miko ya, Chihowah vba chaha moma i shahli Chitokaka, vba, micha yakni aiena ka ikbi ya subbak a vba pit i wieli li kv,

23. Ponola honnula achvfa kia, shulush isht talakchi peh nana kia ishi la he keyu, micha nana hosh chimmi atuk a ishi la he keyu, miha li tuk oke; yummak keyukma Eblam a vno ak osh nan in lana ikbi lishke, ish acha hinla hoke.

24. Peh hatak himithoa hvvtpa tuk ak illa, micha hatak si apehvt aya tuk ai isha he vlpesa kak illa Ane, Eshkol, micha Mamli aiena kak osh ai isha he vlpesa kvv ishahke, achi tok.

CHAPTA XV.

ILUPPA puta kut yvmohmi ha ya, Eblam vt na pisa ho Chihowah im anumpa hut im aya cha, Chi nukshopa ná, Eblam ma, chin teliha, micha nan isht chim vlhtoba chito atampa fehna sia hoke, im achi tok.

2. Mihma Eblam vt, Nanta ho is suma chi cho? Chihowah Chitokaka ma, vlla ik im iksho yosh aya li hoka, mikma an chuka achvfa apesvchi vt Tamaskvs hatak Eliese ilvppak oke, achi tok.

3. Mihmt Eblam vt, Yakeh, vno ya vlla nana kia chik samoshke: yohmi ka an chuka ai vta tuk achvfa hosh vmmi hash ai isha he vlhpesa kak oke, achi tok.

4. Mihma yakeh, Chihowah im anumpa hut im aya mt, Ilvppeto chimmi ha ai isha he vlhpesa ya he keyu; amba chikfoka akinli a kohcha he ak osh chimmi ha ai isha he vlhpesa ya hi oke.

5. Mihmt ilauelet kocha isht ona mt, Uba pilla ha pit ish hopokoyo cha, fochik puta ka ish hotihna hinlakmt, ish anolashke, achi tok: Chim isht aiunchololi hut yvmmak o chiyuhma hi oke, im achi tok.

6. Mihma Chihowah ya i yimmi tok: mihma yvmmt aivlhpiesa im ai itilauechi tok.

7. Mihma, Uno ak osh yakni ilvppet chimmi hachi mak o, chima la chi kut, Kaltea yakni talaia Uh ha ai ishit chi kohchi li tok vt Chihowah sia hoke, im achi tok.

8. Mihma, Chihowah Chitokaka ma, yvmma ishi la hi vt nanta ho isht ithana la chi cho? achi tok.

9. Mihma, Wak tek afvmmi tuchina, micha issi kosoma tek afvmmi tuchina, micha chukfulhpoa nakni afvmmi tuchina, micha pvchi yoshuba achvfa, micha pvchi himita achvfa aiena ka is sa hoyashke, im achi tok.

10. Mihma ilvppa moma kash ishit im ona cha, iklvnna ita pahlvlli mt, pahlata ai yukali ka iti chablit kahpuli tok: yohmi kia hushi ano ik ita pahlalo tok.

11. Atuk o hushi puta kv̄t nipi yash ant o fohopa ma, Eblam vt helihinchi tok.

12. Atuk o hvshi vt okatulvt ishtia ma, nusi kv̄llo kv̄t Eblam a onvtola tok; mihma yakeh, okhlili chito nukshob-lichī fehna hosh onvtola tok.

13. Mihma Eblam a, Chim ishtatiaka yvt okla inla yosh i yakni keyu k̄a aiasha cha, i yuka hosh ahashwa he ȳa ish ithana pullashke: mikma afvmmi tahlepa ushta h̄o ilbvshahancha hi oke.

14. Atukma i yuka hosh ahashwa he oklushi yv̄mma nana im apesa la hi oke: atukma i himmakma v̄lhpoyak chito fehna h̄o isht kohcha hi oke.

15. Micha chishno yokv̄to nuktaiyav̄t chiki v̄hleha hash o ish im ona hi oke: chi sipoknit taiyaha hosh chi hollohpa hi oke.

16. Yohmi kia aiitishali ont aiusha kv̄to anonti ilv̄ppa ai v̄la hi oke: Amolait okla nan ai ashahanchi kv̄t ik aloto k̄iasha hoka, im achi tok.

17. Atuk o yakohmi tok, hvshi vt okatula na okhlili ma, yakeh, shuti shobulli, micha p̄la libbi aiena kv̄t nipi pahlahli, kanohmi kash iti takla ȳa ant ia tok.

18. Mih nitak fehna Chihowah yvt Eblam a nana itim apesvt, Echip okhina yak o aivhlit ia hosh okhina chito Eufates okhina ont v̄hli;

19. Kenait okla, micha Kenissait okla, micha Katmonait okla,

20. Micha Hittait okla, micha Pelissait okla, micha Le-faim okla,

21. Micha Amolait okla, micha Kenanait okla, micha Kikashait okla, micha Chebusait okla aputa aiasha yakni ilv̄ppa chim ishtatiaka ȳa ima lashke; achi tok.

CHAPTA XVI.

YOHMI ma Eblam tekchi Salai vt ulla ik im esho tok: mihmvt Echip ohoyo, tishu ohoyo hosh hohchifo kv̄t Haka yosh im anta tok.

2. Atuk osh Salai vt Eblam a, Yakeh himak a Chihowah yvt vno vlla eshi la he tuk a vm oktyblishke : an tishu ohoyo ak o ish iba chukowashke, chim asilhha lishke ; yvmmak o vlla isht vm aiasha hinla yoba ka, im achi tok. Mihma Eblam vt Salai im anumpa ha i haponaklo tok.

3. Mihma Eblam vt Kenan yakni ya ahanta tok afvmmi pokoli ma, Eblam tekchi Salai vt in tishu ohoyo Echip ohoyo Haka yash eshi cha i hatak Eblam a tekchi ya chi ho i bohli tok.

4. Mihma Haka ya ibachukowa ma, chakali tok ; micha chakali hatuk vt akostininchu mvt, i nahullo ohoyo yash kanimanchi tok.

5. Mihma Salai vt Eblam a, Nana ik svm achukmo kvv chishno ak atuk pulla kak o yvmohmishke : an tishu ohoyo hatuk a chi shakba fohki li tuk oke : atuk o chakali kvv il akostininchu mvt, sa kanimanchishke ; Chihowah yvt vno, micha chishno pim itin takla nana ai apesashke, im achi tok.

6. Yohmi kia Eblam vt Salai ya, Yakeh, chin tishu ohoyo hvv chibbak a foka hoke ; nana hosh chim vllhpesakmvt, ish yvmihchashke, im achi tok. Atuk o Salai vt i kvvlo ma itikba ya i maleli tok.

7. Atuk o chukushmi foka oka kvli, Shu hina oka kvli hikia ka asha na, Chihowah im enchel vt ahayuchi tok.

8. Micha Haka Salai in tishu ohoyo ma, katima ish minti cho ? micha katima ish ia chi cho ? achi tok. Mihma A nahullo ohoyo Salai itikba yak o i maleli hosh aya lishke, achi tok.

9. Mihma Chihowah im enchel ash osh, Falamvt chi nahullo ohoyo ha ish im ona cha, im antia achukma hosh ibbak nutaka ma ish ahantashke im achi tok.

10. Micha Chihowah im enchel ash osh chisht aiunchololi ka apaknvchit atamblichu la hi oke, yohmi na apakna kvv a holhtina hi vt iksho ka hi oke, im achi tok.

11. Micha Chihowah im enchel ash osh, Yakeh, chi chakalishke, yohmi kvv vlla nakni yo ish esha hi oke : micha chilvusha ka Chihowah yvt haklo tuk oka, hohchifo ha Ishmael ish hochifa hi oke.

12. Atukma hatak kostina he keyu ya hi oke: ibbak vt itak moma ka i sanalikma, hatak moma ibbak vt i sanala oke; mikma itibapishi vhleha moma ka itin takla yo anta hi oke, im achi tok.

13. Mihma Chihowah yvt im anumpohonli tuk ash chifot Chitokaka chia hvt is sa pihisa yoke, achi tok: ihmvt, Uno vt ilvppa pisa li ha yak kia hopokoyo li ha a? achi tok.

14. Yohmi hatuk o kvli hofobi yash osh Bee-lahai-loi hchifo tok; Yakeh Katesh, micha Belet iti takla ya hikia oke.

15. Atuk o Haka vt Eblam a vlla nakni yo im eshi tok: ihma Eblam vt ushi, Haka vt im eshi tuk ash hohchifo ha hmael hochifo tok.

16. Mihma Eblam vt afvmmi pokoli untuchina akucha nnali ho, Eblam a Haka vt Ishmael a im eshi tok.

CHAPTA XVII.

ATUK o Eblam vt afvmmi pokoli chakkali akucha chakkali ma, Chihowah yvt Eblam a i haiaka cha, Chitokaka Nan isht im aighli ataha iksho sia hoke: sa tikba ya ish ohowa cha, ish aighlashke.

2. Mikma vno vt chishno ya nana chitim apesa li pulshke; micha chi apaknvchit atambliche lashke, im achi k.

3. Mihma Eblam vt hlipvt itoyula tok; yohmi ma Chitokaka yvt im anumpulit,

4. Uno yokvto yakeh, nana chitim apesa li vt itoyulvshke; hmi ka oklushi lava ho iki chia ha chi hoke.

5. Micha himak pilla hoka chi hohchifo hvt Eblam ah he ya, amba chi hohchifo hvt Eblam ah hi oke: oklushi wa ho iki ya chi ho chikbi li hoka.

6. Micha chi wayachi li fehnvt, oklushi puta chi ai ikbi ma, miko puta kvt chi akqhoncha hi oke.

7. Micha vno vt chishno, micha chim ishtatiaka et chi-

akaiya aiena kvt ai itishalit mihinti ka nana itim apesa bilia mak o, kullochit chitim apesa lish, chishno, micha chim ishtatiaka et chiakaiya aiena ka in Chitokaka sia ha chi hoke.

8. Mikmut Kenan yakni vt moma, okla inla yosh ish ai ahanta yakni ya chishno, micha chim ishtatiaka et chiakaiya aiena kvt hvchi yakni bilia chi ho hvch ima la chi hoke: mikmut in Chitokaka sia ha hi oke, achi tok.

9. Micha Chitokaka yvt Eblaham a, Yvmohmi hoka a nan itim apesa ya chishno, micha chim ishtatiaka et chiakaiyvt ai iti shalit mihinti aiena kvt hvsh holitoblashke.

10. Chishno, micha chim ishtatiaka et chiakaiya aiena kvt hvsh holitoba he a nan itim apesa pitin takla takali kvt ilvppak oke: Ulla nakni yosh hvch iti takla aiasha kvt momvt hakshup tvpashke.

11. Micha hvchi tikba hakshup nipi ya hvsh tvblashke; mikma yvmmak osh nan itim apesa yash osh vno, micha hvchishno hvpitin takla ya itoyula ka isht atokowa ya hi oke.

12. Mikma hvchim ai itishali puta ka vlla nakni yosh nitak untuchina ho hvchitin takla ya aiasha kvt momvt hakshup tvpashke; chuka ai vta tuk, keyukmt okla inla, chim ishtatiaka keyu puta ho chin tvli holisso ha isht vltoba tuk.

13. Chin chuka ai vta tuk, micha chin tvli holisso ha isht vltoba tuk aiena kvt hakshup tpa pullashke: mikma a nan itim apesa yvt hvchi nipi ya nana itim apesa bilia mak o foyuka hi oke.

14. Atukma vlla nakni hakshup ik tapo, tikba hakshup nipi vt ik tapokmt, shilombish yvmmt im okla achvfa ai iti takla ya, fiopa vt tpa hi oke: a nan itim apesa ya kobvfi hoke, im achi tok.

15. Mikma Chitokaka yvt Eblaham a, Chi tekchi Salai ak okvno Salai ish hochifa he keyu, amba hohchifo hv Salah yashke.

16. Mikmut yukpali la chi hoke, micha yvmmak kia vlla nakni yo a chima la hi oke: ghli yukpali la chi hoke; mik-

ma oklushi laua hō ishki yā chī hoke : okla i miko puta kv̄t a tohomba hi oke, im achi tok.

17. Yohmi ma Eblaham vt hlipia cha, yukpa mvt, chukvsh anukaka, Afummi tahlepa achvfa kv̄t vlla im asha chī cho ? mikma Salah vt afummi pokoli chakkali kv̄t vlla esha chī cho ? achi tok.

18. Micha Eblaham vt, Chitokaka yā Ishmael vt chi tikba yā okchayvt ahantakbano, im achi tok.

19. Mihma Chitokaka yvt, Chi tekchi Salah vt vlla nakni yō chim eshi pulla chī hoke ; mikma Aisak ish hochifa chī hoke : mikma nan itim apesa bilia mak o yvmma, micha im ishtatiaka et iakaiya aiena k̄a kullochit nan itim apesa la hi oke.

20. Ishmael ak okvno chī haponaklo lishke : yakeh, yukpali lishke, wayvchit apaknvchi kv̄t atamblichī la chī hoke ; miko auah tuklo hō tobacha chī hoke ; micha oklushi chito hō ikbi la chī hoke.

21. Yohmi kia Aisak yvmmak oka afummi inla nitak vlhpisa vt ont vlhpesa himak a chohmikma, chi tekchi Salah vt chim esha he ak o, kullochit nan itim apesa la hi oke, achi tok.

22. Mihmvt im anumpuli kv̄t issa cha, Chitokaka yvt Eblaham a i filvmm̄it ia tok.

23. Mihma Eblaham vt ushi Ishmael ishi cha, in chuka achvfa ai v̄tta tuk moma, micha in t̄vli holisso isht vlhtoba tuk moma, micha Eblaham in chuka achvfa hatak nakni puta moma, Chitokaka yvt miha tuk mak o, mih nitak akinli hō tikba hakshup nipi yā in tv̄ptuli tok.

24. Micha Eblaham vt afummi pokoli chakkali akucha chakkali mvt, tikba hakshup nipi vt in t̄vpa tok.

25. Mihma ushi Ishmael vt afummi auah tuchina mvt, tikba hakshup nipi vt in t̄vpa tok.

26. Mih nitak akinli hō, Eblaham vt tikba hakshup t̄vpa ma, ushi Ishmael vt yohmi tok ;

27. In chuka achvfa hatak puta moma chuka ai v̄tta tuk, micha okla inla ai achvfa t̄vli holisso isht vlhtoba tuk aiena kv̄t tikba hakshup t̄vpa tok.

CHAPTA XVIII.

ATUK o Chihowah yvt baiyi vt Mamli a hielī k₂ ai i haiaka tok: mihmvt nitak lvshpvt taha h₂ vlhtipo okhissa y₂ bininli tok.

2. Atuk osh akachakali cha, hopokoyo ma, yakeh, hatak tuchina kv bilika hielī tok: atuk o pisa mvt, vlhtipo okhissa yash hikivt malelit ont afama cha, aka pit hlipia mvt,

3. A shahli ma, himak a holhponayo hanta h₂ chi tikba ai ahayuchi likma, chin tishu h₂ i filvmmmit chik aiyo kashke, chim asilhha lishke:

4. Oka kanomosi k₂ isht vla na, hvch iyi y₂ hvsh achifa cha, iti nuta y₂ chieyvt hvsh fohashke, hvchim asilhha lishke:

5. Mikma pvka vpa achvfa isht vla likma, hvchi chukvsh a hvsh fihoblashke; yohmi ha yosh hvsh ayashke: yvmohma chi kak o, hvchin tishu h₂ hvsh im vla tuk okvt, achi tok. Mihma, Ish achi tuk mak osh ish yvmohmashke, okla achi tok.

6. Mihma Eblaham vt tushpvt vlhtipo y₂ ont chukowvt, Salah y₂ im ona cha, Tushpvt atahlit bota tohbi lepihbi vlpisa tuchina h₂ yamvsi cha, luak ituksita pvka lumbos y₂ ai apushli, achi tok.

7. Mihmvt Eblaham vt malelit wak aiasha k₂ ona cha, wak ushi nipi ik kvllō achukma h₂ ont isht vla cha, hatak himita y₂ ima tok; mihma tushpvt atahli tok.

8. Mihmvt pishukchi nia, micha pishukchi, micha wak tshi atahli kash aiena k₂ ishi cha, itikba talohli tok: micha bilika iti nuta y₂ hikia ma, okla impa tok.

9. Mihmvt, Chi tekchi Salah mvto! okla im achi tok. Mihma, Yakeh, vlhtipo y₂ ashvshke, achi tok.

10. Mihma, Aiokchay₂ he nitak vt takanlik mak o falamvt chim aya li pulla hi oke; mikma yakeh, Salah chi tekchi vt vlla nakni y₂ esha hi oke, achi tok. Mihma vlhtipo okhissa vt im ashaka yatuk o, Salah vt anyakaka y₂ asha hoah haklo tok.

11. Yohmi ka Eblaham, micha Salah vt sipoknit nitak in lauvt taiyaha hatok; mikma Salah vt ohoyo nana im a kani-ohmi vt issa tok atok.

12. Yumohmi hatuk osh Salah vt ilap inlit yukpet, Sa sipokni hay vt vm achukma hiala? a shahli hvv sipokni akinli ka, achi tok.

13. Mihma Chihowah yvt Eblaham a, Nanta katiehmi ho Salah vt, Sa sipokni kvv vlla eshi li pulla chi ho, achit yukpa cho?

14. Nana kia Chihowah ya i kullo kvv im atampa hinla cho? Nitak vllpisa yvt ont ai vllpiesa ka aiokchaya he nitak vt takanlikmak o falamvt chim aya li pulla hi oke, mikma Salah vt vlla nakni yo esha hi oke, im achi tok.

15. Yohmi ma Salah vt holabit, Yukpa li tuk keyu, achi tok; nukshopa hatuk okvt. Mihma, Aha, yohmi kia ish yukpa tuk oke, achi tok.

16. Mihma hatak ash osh ymma chieya tuk vt wakaya mvv, Sotom pilla ho pit hopokoyo tok: mihma Eblaham vt hina fohkit pila chi hosh awant ia tok.

17. Mihma Chihowah yvt, Nana yvmihchi la chi kvv Eblaham a in luhmi la chi cho?

18. Eblaham vt oklushi chito, micha kullo hosh toba pullakma, oklushi puta moma yakni paknaka aiasha kvv yummak o a yukpa hi oka.

19. Yummak ash osh im vlla vhleha ha, micha in chuka achvfa et iakaiya ka im apihisakma, Chihowah i hina ya holitoblit aivllpiesa ai atokowa kak o yvmihcha hi ya ithana lashke; yumohmi ho Chihowah yvt Eblaham a isht anum-puli tuk vt im aighlichia hi oke, achi tok.

20. Mihmvv Chihowah yvt Sotom, micha Komollah ya ishit pahaya kvv chito, micha i nanashvchi vt weki fehna hatuk o.

21. Himak a akowa lish, ishit pahaya na vm ahanla tuk mak osh ahli bieka yomohmi tuk okma pisa lashke; amba keyu hokma ithuna lashke, achi tok.

22. Mihma hatak ash osh ymma hielit nashuka ya filimmi mvv, Sotom pilla ha itiachi tok: amba Eblaham vt Chihowah itikba ya hikia moma tok.

23. Mihmvt Eblaham vt bilika ona cha, Aivlhpiesa ak kia hatak haksi aieninchit ishit ish kancha chi cho ?

24. Tumaha holihta anukaka ya aivlhpiesa vt pokoli tahlapi hosh asha yoba hokmvno ; aivlhpiesa pokoli tahlapi vt yvmma asha pulla kak o, tumaha holihta ya chik apoancho hosh ishit ish kanchi hak inla hinla cho ?

25. Aivlhpiesa ya hatak haksi aieninchit vbi, yvmma chohmi ka chi ahalaia he keyu hoke ; micha aivlhpiesa vt hatak haksi ya itilaua he, yvmmak okvt chi ahalaia he keyushke : yakni moma Nan im apesa yvt aivlhpiesa kak o yvmihcha he keyu cho ? achi tok.

26. Mihma Chihowah yvt Sotom a tumacha holihta anukaka ya hatak aivlhpiesa pokoli tahlapi ho ai ahayuchi likmvt, yvmmak atuk pulla mak o tumaha holihta ya mominchit apoanchi la chi hoke, achi tok.

27. Mihma Eblaham vt afalamichit, Yakeh, himak a lukfi pushi, micha hituk chubbi ak o sia hakinli kia Chihowah ya im anumpulit pisa lishke :

28. Aivlhpiesa pokoli tahlapi kash tahlapi hosh isht ik ono yoba hokmvno, tahlapi hosh ik ono ma, tumaha holihta ya mominchit okpvnit ish kancha hinla cho ? achi tok. Mikma Pokoli ushta akucha tahlapi ho yvmma ai ahayuchi likmvt, okpvnit kanchi la he keyushke, achi tok.

29. Mihma anonti im anumpulit, Pokoli ushta hosh yvmma asha yoba hokmvno, achi tok. Mihma, Pokoli ushta hatuk pulla mak o yvmihchi la he keyu hoke, achi tok.

30. Ikikkeh, Chitokaka yvt ik a nukhobelo kashke, mikma anumpuli lashke : Pokoli tuchina hosh yvmma asha yoba hokmvno, achi tok. Mihma, Pokoli tuchina ho yvmma ai ahayuchi likmvt, yvmihchi la he keyu hoke, achi tok.

31. Mihma, Yakeh, himak a Chihowah ya im anumpulit pisa lishke : Pokoli tuklo hosh yvmma asha yoba hokmvno, achi tok. Mihma, Pokoli tuklo hatuk pulla mak o okpvnit kanchi la he keyushke, achi tok.

32. Mihma, Ikikkeh, Chitokaka yvt ik a nukhobelo kashke, mikma himakma himonna illa ho anumpuli lashke : Pokoli

hosh yvmma asha yoba hokmvno, achi tok. Mihma, Pokoli hatuk pulla mak o okpvnit kanchi la he keyushke, achi tok.

33. Mihmt Chihowah yvt Eblaham a itim anumpulit issa mt ia tok: mihma Eblaham vt falamvt aivtta ya ona tok.

CHAPTA XIX.

ATUK o opia ma, enchel tuklo kash osh Sotom a ona tok; mihma Lot vt Sotom holihta okhissa ya bininli tok; mihmt Lot vt pisa mt, wakayvt afamvt ia tok: micha nashuka ya isht akachunolit aka hlipia tok.

2. Mihmt, Yakeh, a shahli ma! himak a fullotvt hvchin tishu im aboha ya hvsh chukowa cha, hvsh asha na onnashke; micha hvch iyi ya hvsh achefashke; atuk mt onnahnli fehna hvsh wakaya cha, hvchi hina ya hvsh ayashke, achi tok. Mihma, Ahá, amba aiitvnova ak o il asha na onna chi hoke, achit okla tok.

3. Mihma im achunanchi fehna tok: mihma im a fullota cha, im aboha ya chukowa tok; mihma impvchi im ikbi cha, pvska ik shatvmmo i nunachi ma, impvt okla tok.

4. Yohmi kia okla ik tvshko kisha ho, tvmaha holihta hatak vhleha, Sotom hatak vhleha fehna kv sipokni, micha himita aiena okla moma kanima moma ka minti hosh aboha yash apakfoyubli tok.

5. Micha Lot a i howa mt, Himak ninak a hatak vt chim vla tuk mvto? kohchit isht ish pim vla na, il ithvnashke, okla im achi tok.

6. Mihma Lot vt okhissa ya kohchvt im ona cha, okhissa isht vlvkva yash okhishtvt kohcha mt,

7. Itibapishi li vhleha ma! nanashvchi ilvppa chohmi ka hvch ik yvmohmo kashke, hvchim asilhha lishke.

8. Yakeh, himak a svso tek tuklo kv hatak haleli keyu hosh vm ashwvshke; hvchim asilhha lishke, isht ak hvchi kohchi na, kaniohmi kak osh hvchim vlvpiesakmt hvsh yv-mihchashke: peh hatak ilvppak okvno nana hvchik kanioh-

mecho kashke; yvmohmi kak o vm aboha ishitholmo a hoshonti ka nuta ya vla hatuk oka, achi tok.

9. Mihma, Misha hikiá, okla achi tok. Micha anonti, Hatak achufa ilupput cheki itintakla pi takla anta chi hosh vla tuk vt nanapesa ya chi hotuma! Himak a chishno ak o yvmma e yvmihcha hetuk i shahlichí hosh e chi yvmihcha chi hoke, okla achi tok. Mihmvt hatak Lot ash okla i kvllo fehna tok; micha okhissa ya tivbla chi hosh bilika ai vla tok.

10. Yohmi tuk kia hatak ash osh ilap ibbak a pit weli cha, Lot a halvllit aboha ya fohki cha, okhissa yash okhishta tok.

11. Micha hatak okhissa aiasha kash hochito, micha chipunta moma ka nishkin a lvblichit okla tok: yohmi ho okhissa ya ahayuchi bvnvt okla ile tikambichi tok.

12. Mihma hatak ash osh Lot a, Ilvppa inla kvv chim gsha moma cho? chiyup, micha chiso vhleha, micha chisotek vhleha, micha nana hosh tmaha holihta ya chim gshakmvt, ilvppa isht ish kohchashke.

13. Ishit pahaya kvv Chihowah itikba ya chito fehvvt taha hatuk o, tmaha holihta ilvppa okpvnt e kancha chi hoke; mikma okpvnt e kancha chi ho, Chihowah yvt et pi pila tuk oke, im achi tok.

14. Mihma Lot vt kohchvt ia cha, iyup vhleha hvv ushetik vhleha ha itauwaya tuk a ont im anumpulit, Ho wakaya, ilvppa hvsh kohchashke; Chihowah yvt tmaha holihta ilvppa okpvnt tahla chi hoke, achi tok: yohmi kia yopula nana ho iyup vhleha hvv im itilauí tok.

15. Atuk o onvt minti ma, enchel ash osh Lot a tushpa-lechit, Wakaya cha, chi tekchi, micha chisotek tuklo ilvppa gshwa hokvno pehlichí, yohmi hosh tmaha holihta nana shvchika iba takla luvv ik hvchi tamoo kashke, achi okla tok.

16. Atuk o svlaha ma, hatak ash osh ibbak a halvlli mvt, tekchi ibbak a halvlli mvt, ushetik tuklo ibbak a halvllit okla tok: Chihowa yvt i nukhgklo hatuk o; micha tmaha holihta ya ishit kohchit hilechit okla tok.

17. Atuk o kocho ya isht ona ma yakohmi tok, Malelit chi okchayashke: chim ashaka ya filemvt ish pisa ná, micha

yakni patali kanima chik anto kashke ; malelit nvnih ha ish onashke, luvt chi taha ná, achi tok.

18. Mihma Lot vt, Ikikkeh, ik yohmo kashke, an Chitokaka ma !

19. Yakeh, himak g chin tishu hv̄t chi tikba ya chi holhponayo hanta ai ahayuchishke, micha vm ilhfiopak g ish okchalinchi, yv̄mma ish yvmihchi kv̄t nan ish i nukhaklo vt ish chitolichishke : atuk o malelit nvnih ha ona la he keyushke, nan ik achukmo kia si onvtola cha, sv̄lli yoba na.

20. Himak g yakeh, tmaha holihta ilv̄ppvt olanlosi, malelit ona hinla hoke ; micha iskitinesishke : ikikkeh, yvmak o malelit ona lashke, (iskitinesi keyu cho ?) mikma vmi shilombish vt okchaya chi hoke, im achi tok.

21. Mihma, Yakeh, nana ilv̄ppa chim aiokpanchi li ak inli hokvt, isht ish anumpuli tuk tmaha holihta ilv̄ppa okpv̄nit ak kancho ka chi hoko.

22. Tushpa, malelit yv̄mmak o ish onashke : yv̄mma chik ono kisha ka nana kaniohmichi la he keyu hoka, im achi tok : yvmohmi hoka tmaha holihta yv̄mmvt Soa hohchifo tok.

23. Lot vt Soa ya ont chukowa ma, hv̄shi vt kohchvt yakni ya on tom̄mi tuk atok.

24. Yohmi ma Chihowah yvt hituk lakna micha luak Chihowah ya a minti Sotom micha Komollah aiena ka vba et ai on umbv̄chi tok.

25. Michā tmaha holihta yv̄mma puta kash, micha yakni patali moma, micha tmaha holihta yv̄mma puta kash okla moma, micha yakni ai offo aiena ka okpv̄nit kanchi tok.

26. Amba tekchi vto im ashaka ayvt olbv̄l pit hopokoyo cha, hv̄pi hikia tobt̄ hikia tok.

27. Mihma Eblaham vt onnahinli fehna h̄o wakaya cha, Chihowah itikba ya hikia tuk ash osh ona tok.

28. Mihmvt Sotom pilla, micha Komollah pilla, yakni patali moma pilla ka pit hopokoyvt pisa ma, yakeh, yakni yash shobulli kv̄t tvi abila shobulli chiyuhmit vba mahaya tok.

29. Atuk o yakohmi tok, Chitokaka yvt yakni patali tmaha holihta puta ka okpv̄nit tahli mvt, Eblaham a'ithaiyana tok ; micha tmaha holihta puta Lot vt ai v̄tta yash ok-

pvnit tahli mvt, nana okpulot taha kash im itin takla ya ai ishit Lot a kohchi tok.

30. Mihma Lot vt Soa ya kohchvt ushetik tuklo ka peh-linchit nvnih ha ont ai vttta tok: Soa ya vttta kvv nukshopa hatuk okvt; micha ushetik tuklo kash aienvt hichukbi yo asha tok.

31. Atuk o akni ash osh nakfish a, Piki vt sipoknishke, mikma yakni moma a yvmohmi chatuk a yvmohmit piba tvshka hi vt hatak nana kia yakni paknaka ya ikshoske.

32. Inta piki ya oka paki il ipeta cha, il iba tvshkashke, yvmohmi hosh piki im ishtatiaka ya il apoanchashke, im achi tok.

33. Micha mih ninak a iki ya oka paki ipetvt okla tok; micha akni hvv iki ya iba chukowa cha, iba tvshki tok; mihma itola tuk osh tani ka ik akostinincho tok.

34. Atuk o ont onna ma yakohmi tok, akni hvv nakfish a, Yakeh, pilashash okhlili ma aki ya iba tvshki li tuk oke: himak ninak ak kia oka paki il ipetashke; mikma ish iba chukowa cha, ish iba tvshkashke, yvmohmi hosh piki im ishtatiaka ya il apoanchashke, im achi tok.

35. Micha ninak yvmmak kia iki ya oka paki ipetvt okla tok; mihma nakfish ash osh wakayvt ont iba tvshki tok; mihma itola tuk osh tani ka ik akostinincho tok.

36. Yakohmi hosh Lot ushetik ita tuklo kvv iki ya vlla i shalit okla tok.

37. Atuk osh akni hvv vlla nakni yo sholi cha, hohchifo ka Moab achi tok: mihi yosh Moabait okla ha iki yosh himak nitak a ant ai vhli hoke.

38. Mihma nakfish yvmmak kia vlla nakni yo sholi cha, hohchifo ka Ben-ammi achi tok: yvmmak osh Ammon im vlla vhleha ha iki yosh himak nitak a ant vhli hoke.

CHAPTA XX.

MIHMA Eblaham vt yvmma vttvt apoyua cha toshowvt oka mahli pilla yakni yo ia mvt, Katesh micha Shu

itin takla ak o vttvt, cheki itin takla Kela ak o ai vtta tok.

2. Mihmvt Eblaham vt tekchi Salah ya, An tek oke, achi tok. Mihma Kela-i miko Abimelek vt Salah ya pit hoyo cha, ishi tok.

3. Yohmi tuk kia Abimelek vt ninak a holhpokuna ho, Chitokaka yvt im ona cha, Yakeh ! ohoyo yvmma ish ishi tuk pulla kak osh hatak illi chia hoke : hatak tekchi yoka, im achi tok.

4. Yohmi kia Abimelek vt i bilika ik ono ke tuk atok : mihmvt Chitokaka ma, oklushi aivlhpiesa yak kia ish ba chi cho ?

5. An tek oke, vm achi tuk keyu cho ? mihma ilap fehna ak kia, A nakfi oke, achi tuk oke ; sa chukvsh vt aivlhpiesa hosh, micha subbak vt nana okpvi keyu hosh ilvppa yvmihchi li tuk oke, achi tok.

6. Mihma Chitokaka yvt holhpokuna ho, Ahli, chi chukvsh vt aivlhpiesa hosh ish yvmihchi tuk a ithana lishke ; chik sa yoshubo ka chi ka, vno ak kia chi halanli li tuk oka : yvmohmi kak o ik potoli, ak chim ahno tuk oke.

7. Yvmohmi hoka himak a hatak ash tekchi ya ish i falvmmichashke ; hopaii yoka, mikma anumpa ilbvsha ishit chi anumpulikma, chi okchayashke ; atuk o chik i falvmmechokmvt, chishno, micha nana hosh chimmi moma ka aienvt chilli pulla chi kvv ish ithaiyanashke, im achi tok.

8. Yvmohmi na Abimelek vt onnahinli fehna ho wakaya cha, in tishu vhleha moma ka hoyo cha, nana ilvppa moma ka im anolit haklochi tok : mihma hatak vhleha hash osh nukshopa fehna tok.

9. Yohmi ma Abimelek vt Eblaham a hoyo cha, Nanta mak o ish pi yvmihchi tuk oh cho ? micha nanta ho chim ashvchi li tuk o, vno, micha vm apelhichika ya nanashvchi chinto ish pi onochi tuk oh cho ? nana kvv a yvmohma he vlpesa keyu ho is si yvmihchishke, im achi tok.

10. Michi Abimelek vt Eblaham a, Nanta ho ish pisa hosh nana ilvppa ish yvmihchi tuk oh cho ? im achi tok.

11. Mihma Eblaham vt, Yakni ilvppa Chitokaka ya i

nukwia kv̄t iksho pullvshke; micha sa tekchi pulla kak o sv̄ ba ch̄i hoke, ahni li kak atuk oke.

12. Atuk o yohmi kia an tek o mv̄hlishke; aki yō ushetik, yohmi kia hv̄shki yā ushetik keyu hoke: atuk osh sa tekchi toba tok.

13. Atuk o yakohmi tok, Chitokaka yvt aki in chuka yā issv̄chit fullohlihinchit sv̄sht aya ma, Iluppak o is s̄a kana kv̄t ish otv̄nichashke; yakni moma kanima yō il onakma, vno yā, A nakfi yoke, is si achashke, im achi li tuk oke, achi tok.

14. Mihma Abimelek vt chukfvlhpoā micha wak, micha hatak tishu, micha ohoyo tishu aiena k̄a ishi cha, Eblaham a ima mv̄t tekchi Salah yā i falm̄michi tok.

15. Micha Abimelek vt, Yakeh, a yakni vt chi tikba itoyulvshke: kanima yō chim v̄lhpiesakmv̄t, ish ai ahantashke, achi tok.

16. Micha Salah yā, Yakeh! ch̄i nakfi yā tv̄li hv̄ta tushahli tahlepa sipokni achv̄fa hō ima lishke: yakeh, chi apeha moma, micha inla aiena moma k̄a yvm̄mv̄t nishkin ishit chim ompoholmo yā ch̄i hoke, im achi tok: yvm̄ihchi hō Salah vt nan ashv̄chi tuk vt nukfohka tok.

17. Yvm̄ohmi ma Eblaham vt Chitokaka yā im ilbv̄shvt isht anumpuli tok: mihma Chitokaka yvt Abimelek, micha tekchi, micha in tishu ohoyo moma k̄a hlakofichi tok: mihma v̄lla okla eshi tok.

18. Chihowah yvt Eblaham tekchi ak atuk pulla kak o Abimelek in chuka achv̄fa im oshv̄tto moma k̄a katalichit im okshita tuk oka.

CHAPTA XXI.

ATUK o Chihowah yvt achi tuk mak osh Salah yā i nowa tok: micha Chihowah yvt anumpuli tuk mak osh Salah yā i yvm̄ihchi tok.

2. Eblaham vt sipoknit taiyaha hō nitak v̄lhpisa Chihowah yvt im anoli tuk a ont v̄lhpiesa ma, Salah vt chakali cha, v̄lla nakni yō im eshi tok oka.

3. Mihma Eblaham vt vlla nakni im vtta kash Salah vt im eshi kash hohchifo hā Aisak achi tok.

4. Mihmut Eblaham vt, Chitokaka yvt ī miha tuk mak o, ushi Aisak vt nitak untuchina hō hakshup in tvbli tok.

5. Yohmi kā Eblaham vt afvmmi tahlepa achvfa hō, ushi Aisak vt im vtta tok.

6. Mihma Salah vt, Chitokaka yvt sai yukpvchi tuk oke; yohmi kā kvna hosh haklo moma kv svbai yukpa chī hoke, achi tok.

7. Micha, Kvta hosh Eblaham ā Salah vt vlla pishecha chī hoke, im acha hinla tuk oh cho! sipoknit taiyaha hō vlla nakni yō im eshi li hoka, āchi tok.

8. Mihma vlla yash osh hofantit ivt, pishit issa tok: atuk o pishi kā issvchi nitak makinli ma Eblaham vt impvchi chito ikbi tok.

9. Atuk o Echip ohoyo Haka ushi Eblaham im eshi tok vt ishit yopulvt anta na Salah vt pisa tok.

10. Yohmi kak o Eblaham ā, Ohoyo yuka ilvppa, micha ushi itatuklo kā ish kampilashke: ohoyo yuka ilvppa ushi vt aiisha he vlvpesa yā svso Aisak fehna kā ibai isha he ke-yu hoke, achi tok.

11. Mihma ushi ak atuk pulla mak o nana kā Eblaham vt ik im vlvpeso fehna tok.

12. Mihma Chitokaka yvt Eblaham ā, Vlla ak atuk pulla mak o, micha chī yuka ohoyo ak atuk pulla mak o isht ik chim vlvpeso kashke: Salah vt nana chim achi tuk mak o moma kā im anumpa hā ish ī haponaklashke: Aisak ak o chim ai unchololi hvv iba holhtinvv hohchifa hi oka.

13. Mikma ohoyo yuka ushi ak kia chim ai unchololi yoka, oklushi ikbi la hi oke, im achi tok.

14. Atuk o Eblaham vt onnahnli fehna hō wakaya cha, ilhpak, micha oka kotoba alhto hō Haka yā imvt tahchi yā abanvli hosh vlla yash ima cha, chvffichi tok: mihma Haka vt ia tuk osh Bee-sheba yakni haiaka yā fullokahanchi tok.

15. Atuk osh oka kotoba alhto tuk vt taha ma, vlla yash itpushi achvfa hō nuta pila tok.

16. Micha ivt mishema oski naki a pila hotuk ohmi hō

ona cha, et ichapaka yō binili tok: vlla yvt illi kə ak peso kashke, achi hatuk okvt. Mihmvt et ichapaka yə binili cha chitolit yaiya tok.

17. Mihma Chitokaka yvt vlla ilbvshvt paya kə haklo tok: mihma Chitokaka im enchel vt Haka yə vba et ai i howvt, Nanta chi katiohmi cho? Haka ma, Ik chi komun-to kashke; Chitokaka yvt vlla yvt ai itolvit ilbvshvt paya kə haklo hoka.

18. Wakayá, vlla yash wakayachi cha, chibbak ə isht ish ieszashke; oklushi chinto ikbi la hi oka, im achi tok.

19. Micha Chitokaka yvt nishkin i fatummi na, kvli hofobi oka yə pisa tok: mihmvt ivt kotoba yash oka alotoli cha, vlla yash ishkochechi tok.

20. Mihma Chitokaka yvt vlla yə iba foyuka tok; atuk o hofantit taha mvt, yakni haiaka vtta cha, ititanampo eshi imponna toba tok.

21. Micha Palan yakni haiaka ak o vtta tok: mihma ishki vt Echip yakni ak o ohoyo hə ai ishit ima tok.

22. Atuk o nitak yvmma foka ma yakohmi tok, Abimelek, micha Fikol in tvshka chipota pehlich i ita tuklo kv Eblaham ə im anumpulit, Nana hō ish a kaniohmi moma kə Chitokaka yvt chiba foyuka hoke;

23. Yvmohmi hoka himak ə Chitokaka hochifot anumpa kvllo ə mihvt vno, micha svso, micha svso hə ushi aiena kə nana kia haksichit chik pi yvmihcho kashke; amba ch i kana hosh chi yvmihich li tok ə choyuhmit vno, micha okla inla yosh yakni ish ai ahanta tuk vt i yvmihcha he osh (achit) is svv il onochashke, achit okla tok.

24. Mihma Eblaham vt, Anumpa kvllo il onochi lashke, achi tok.

25. Mihma Eblaham vt Abimelek in tishu vhleha hv kvli hofobi yə afvt im ishi tuk ak o, Abimelek ə nukfohkichi tok.

26. Mihma Abimelek vt Kvna hosh nana ilvppa yvmihchi tuk ə ithana li tuk keyu: micha is svv anoli tuk keyu hō himak nitak illa hō haklo lishke, achi tok.

27. Mihma Eblaham vt chukfulhpoa, micha wak aiena kə

cha, ishit hukmit im issa iti ya puhli mvt, wakaya cha Chitokaka vt im anoli tuk mak o ai ona tok.

4. Yvmohmi tuk osh nitak ont atuchina ma Eblaham vt akachakalit hopokoyo mvt, ushi ai im issa chi nvni hvt hopaki ho et hikia na pisa tok.

5. Mihmvt Eblaham vt hatak himithoa yash, Iluppa issuba haksobish falaia ya awant hvsh ai ashwa na vno, micha vlla ya il ita tuklo kvv yvmma ont il ai aiokpvchi cha, anonti e hvchim vlashke, im achi tok.

6. Mihmvt Eblaham vt ishit hukmit im issa iti ya ishi cha, ushi Aisak a shalichi tok; mihmvt luak, micha bvshpo aiena ka ilap ibbak a isht ai ishi cha, itatuklot ia tok.

7. Mihma Aisak vt iki Eblaham a im anumpulit, Aki, achi tok. Mihma, Yakaya lishke, svso ma, achi tok. Mihma, Yakeh! luak, micha iti okvto yak ashvshke, amba hukmit im issa ckukvhlpoa ushi mvto? achi tok.

8. Mihma Eblaham vt, Svso ma, Chitokaka yvt ilap akinli hosh hukmit isht aiokpvchi chukvhlpoa ushi ya ahayucha chi hoke, achi tok: yohmi ma ita tuklot ia tok.

9. Atuk osh Chitokaka yvt im anoli tuk nvni ha ontv okla tok: mihma Eblaham vt yvmmak o alta ikbi cha, iti ya achukmalit bohli tahli tok; mihmvt ushi Aisak a takchi cha, alta paknaka iti on asha tuk a onochi tok.

10. Mihmvt Eblaham vt ushi ya vba chi hosh ibbak a pit welit bvshpo a ishi tok.

11. Mihma Chihowah im enchel vt vba ya et i howvt, Eblaham ma! Eblaham ma! ahanchi tok. Mihma, Yak hikia lishke, achi tok.

12. Mihma, Chibbak a vlla nakni yash ish onochi na, micha nana kia chik i kaniohmecho kashke: himak a chiso hash, chiso yvmmak illa kash chik svv i halvillo hokvt, Chitokaka ya ish i nukshohompa ka ithana li hoka, achi tok.

13. Mihma Eblaham vt akachakalit hopokoyo ma, yakeh, im ashaka ya chukvhlpoa nakni vt abohli ho lapish isht talakchi hosh hikia tok: mihmvt Eblaham vt ivt chukvhlpoa nakni ash ont ishi cha, ushi ya atobbichit hukmit isht aiokpvchi mak o im issa tok.

14. Mihma Eblaham vt yvmma Chihowah-chileh hochi tok: yvmmak atuk mak o, Chihowah i nvni hq nana kv aiylhtaiya hoke, himak nitak a achi moma hoke.

15. Mihma Chihowah im enchel vt atukla ma, Eblaham a vba et ai i howa tok.

16. Micha Chihowah vt, Uno ak o vno akinli hq hochifot anumpa kullo il onochit, Nana ilvppa ish yvmihchi hatuk oka, micha chiso hash, chiso yvmmak illa kash chik sum i halvillo hatuk oka;

17. Nayukpahanlit chi yukpali la hi oke, micha chim ish-tatiaka ya apaknvchi hokvno apaknganchit vba fochik a choyuhmichi likmt, okhvt vlli shinuk aiasha kak o choyuhmichi la hi oke; mikma chim ishtatiaka yvt in tenvp i holihta okhissa ya iesha hi oke.

18. Mikma vm anumpa hq ish im antia hoka, chim ishtatiaka ak o oklushi moma yakni paknaka aiasha kv nan isht aiypka hi oke, achi li tuk oke, achi tok.

19. Yohmi ma Eblaham vt hatak himithoa im aiasha kash osh falamvt im ona tok; micha okla wakaya mvt itapehvt Bee-sheba ya ona tok: mihma Eblaham vt Bee-sheba ak o vta tok.

20. Atuk o ilvppa puta kv yvmohmi ha ya yakohmi tok, Eblaham a im anolit, Yakeh! Milkah yvmmak kia chitibapishi Naho ya vlla im ehishishke;

21. Ushi vta ahpi Hus, micha itibapishi Bus, micha Alam iki Kemuel,

22. Micha Cheset, micha Haso, micha Piltash, micha Chitlaf, micha Behluel.

23. Micha Behluel vt Lebekah ya tobachi tok: untuchina ilvppak o Milkah vt Eblaham itibapishi Naho ya im eshi tok.

24. Mihma im itaiena yvt yvmma hohchifo kv Leumah atuk osh yvmmak kia Tebah, micha Kaham, micha Hlahash, micha Maakah aiena ka im eshi tok, achi tok.

CHAPTA XXIII.

MIHMA Salah vt afvmmi tahlepa achvfa cha pokoli tuklo akucha untuklo tok: ilvppak osh Salah vt okchayvt ahanta tok afvmmi holhtina hoke.

2. Atuk osh Salah vt Kichalh-alba ak o ai illi tok; yvm-mvt Kenan yakni talaia Heblon mak oke. Atuk o Eblaham vt Salah ya ishit nukhaklot yayvt aya hosh vla tok.

3. Mihmvt Eblaham vt wakayvt im illi yash i filvmmiit hikia cha, Helh ushi vhleha ha im anumpulit,

4. Okla inla micha himo wihvt aya sia hosh hvchi takla ahanta lishke: hvchi itin takla ya ahollohpi yakni yosh an talaia chi ho micha vm illi ya a hohpit sa tikba ya a luhmi la chi ka hvs svmashke, achi tok.

5. Mihma Helh im vlla vhleha hvt Eblaham a im afalaminchit,

6. Ish pi haponaklashke, a shahli ma, Chitokaka i holitopa yosh pi takla ahanta chia hoke: pim ahollohpi achukma i shahli kak o chim illi ya ish a hohpashke: e kanima kia pim ahollohpi ya e chi halvlla he keyu hoke, yohmi na chim illi ya chik a hohpo ka he keyu hoke, im achi tok.

7. Mihma Eblaham vt wakayvt hikia cha, yakni yash okla ha, Helh im vlla vhleha kash im akachunolit aka hlipia tok.

8. Mihmvt itim anumpulit, Um illi ya hohpit sa tikba ya a luhmi la hi ya hvsh ahnikmvt, hvs sa haponaklo cha, Soha ushi Eflon a hvs svm ai im asilhashke.

9. Yohmi na Makpelah hichukbi, yvmmt im osapa ont vhli in talaia kv vmashke; hvchitin takla ya ahollohpi yakni yosh an talaia chi ho tvi holisso ho aivli vhpiesakma vmashke, achi tok.

10. Yohmi ka Eflon vt Helh im vlla vhleha takla vta hatok. Mihmvt Eflon Hittait hatak ash osh Eblaham a im afalaminchit, Helh im vlla vhleha, in tvnaha holihta okhissa ya ont chukowa moma kv haklo ho,

11. Aha, a shahli ma, is sa haponaklashke: osapa ya chima li hoke, micha hichukbi vt anykaka talaia ka chima li

hoke: vm okla h₂ ushi vhleha itikba y₂ a chima lishke: chim illi y₂ ish a hohpashke, achi tok.

12. Mihma Eblaham vt yakni yash okla itikba y₂ akachunolit aka hlipia tok.

13. Micha yakni yash okla vhleha hvt h₂klo h₂, Eflon a im anumpulit, Yohmi kia is svma ch₂ hokmvt, is s₂ haponaklashke, chim asilhha lishke: osapa y₂ tvli holisso y₂ chima lashke: is sv₂ ishikma, vm illi y₂ a hohpi lashke, achi tok.

14. Mihma Eflon vt Eblaham a im afalaminchit.

15. A shahli ma, is s₂ haponaklashke; yakni vt tvli hvta shekel tahlepa ushta ai iti vlli vhpeshvshke; yummvt pim itin takla y₂ nanta hoh cho? chim illi y₂ ish a hohpashke, im achi tok.

16. Mihma Eblaham vt Eflon a i haponaklo tok; micha Helh ushi vhleha hvt h₂klo h₂, Eflon vt miha tuk mak o, Eblaham vt tuli hvta y₂ i wekichi tok, nan itatoba vhleha hvt itim ishi chatuk mak osh tvli hvta shekel tahlepa ushta hatok.

17. Mihma Eflon im osapa yummvt Makpelah y₂ talaia Mamle itikba talaia kash osapa, micha anukaka hichukbi talaia aiena k₂, micha iti moma osapa y₂ hiohmaya tuk, micha aivhli fullota k₂ hiohmaya tuk o,

18. Eblaham i yakni ya ch₂ h₂ Helh im vlla vhleha itikba y₂, micha in tvmaha holihta chukowa moma k₂ itikba y₂ ai im aiahlichich tok.

19. Mihma i himmak ak o Eblaham vt Mamle y₂ itikba talaia Makpelah osapa hichukbi hikia ak o tekchi Salah y₂ a hohpi tok: yummvt Heblon Kenan yakni talaia kak oke.

20. Mihma osapa, micha hichukbi anukaka talaia kv₂ ahollohpi yakni ya ch₂ h₂, Helh ushi vhleha hvt Eblaham a im aiahlichich tok.

CHAPTA XXIV.

ATUK o Eblaham vt sipoknit nitak lauvt in taiyaha hatok: mihma Chihowah yvt Eblaham a nana moma k₂ isht yukpali tok.

2. Atuk o Eblaham vt in chuka achvfa tishu sipokni i shahli, yummvt nana im asha tuk moma ka pehlichi yo, Chibbak a saiyubi nuta ya isht ish potolashke, chim asilhha lishke :

3. Mikma Kenan okla takla ahanta li ka ushetik vhleha ha ohoyo ai ishit svso ha chik emo ka he ya, Chihowah, vba in Chitokaka, micha yakni in Chitokaka ya hochifot anum-pa kvillo chil onochечи lashke.

4. Amba a yakni ya, a kanomi i yakni ya ish ona cha, ohoyo ha ai ishit svso Aisak a ish imashke, im achi tok.

5. Mihma tishu hash osh, Ohoyo hvt yakni ilvppa si awant vla he keyu hokmvno, chiso ha yakni aivttvt ish minti tok a anonti isht ona la hi pulla hoh cho ? im achi tok.

6. Mihma Eblaham vt, Ahah, ish ahni cha, svso ha yvm-ma isht chik ono kashke,

7. Chihowah, vba in Chitokaka yvt, yummak osh aki in chuka, micha a kanomi i yakni ya a svshi tok vt, yummak osh vm anumpuli cha, anumpa kvillo vm ilonochit, Chim ish-tatiaka ya yakni ilvppa ima la hi oke, vm achi tuk vt yvm-mak osh im enchel a et pila na, chi tikba ayakma, yummak o ohoyo ha ai ishit svso ha ish ima hi oke.

8. Atuk o ohoyo hvt chi awant minta he keyukma, anum-pa kvillo ilvppak ash ish i mokofa hi oke ; peh svso ha anon-ti yumma isht chik ono kashke, im achi tok.

9. Mihma tishu hash osh i shahli Eblaham iyubi nuta ya ibbak ishit potoli cha, nana yumma isht anumpa kvillo im il onochit anumpuli tok.

10. Micha tishu hash osh i shahli hvt kamel im aiasha kash kamel pokoli ho ishi cha ia tok : (i shahli imilayak mo-ma kvtt ibbak ak o foyuka hatuk okvt ;) micha wakaya mvt, Mesopotamia yakni ya onvt, Naho in tvmaha holihta ya ona tok.

11. Atuk osh opivt taha ma, ohoyo hvt kohchvt oka ochi chatuk vt ont ai vlhpesa ma kvli hofobi tvmaha holihta ko-cha ya i kamel a hvchukbilhkvchi tok.

12. Mihmvt, Chihowah, a shahli Eblaham in Chitokaka

ma, nana ahni li ka himak³ nitak a is sum aighlich³ cha, a shahli Eblaham a ish i kanashke, chim asilhha lishke.

13. Yakeh, oka kvli hofobi bilika ilo³ppa hikia lishke; micha tumaha holihta hatak a ushetik v³hleha hvt oka ocha chi hosh et kohchvshke:

14. Atukma yakohmashke, ohoyo himita nana ho, Chim isht ochi ya akvchi na, ak ishkó, chim asilhha lishke, achi likma, Ishkó, micha chi kamel ak kia oka ya ipeta lashke, achikmt, yvmmak osh chin tishu Aisak a ish im atokoli tuk mak ashke; mikma yvmmak o a shahli ha ish i kana tuk a isht ithvna lashke, achi tok.

15. Atuk o yakohmi tok, anumpulit ont ik tahlo moma ho, yakeh, Lebekah vt, yvmmt Eblaham itibapishi Naho tekchi Milkah ya ushi Behluel im vtta tok vt im isht-ochi vt tahchi ha on talaia ho kohcha tok.

16. Micha ohoyo himita yvt hatak haleli keyu, hatak nana kia ithana tok keyu yosh pisaka aiokli fehna hatok: atuk osh kvli ya ona cha im isht-ochi yash alotoli cha, vla tok.

17. Mihma tishu hash osh malelit ont afama cha, Oka chim isht-ochi alhto ka kanomosi ka ak ai ishkó, chim asilhha lishke, achi tok.

18. Mihma, ohoyo himita yash osh, Ishkó, a shahli ma, achi tok: mihmt tushpvt im isht-ochi ya akvchit ibbak isht ishi cha, oka ya ipeta tok.

19. Atuk osh oka ya ipetvt tahli mvt, Chi kamel ak kia oka ochit ipeta li, ishkot im vhpesashke, achi tok.

20. Mihmt tushpvt im isht-ochi ya tosholit oka aiipeta peni ya pit vni cha, oka ocha chi hosh anonti malelit kvli hofobi ya ona cha, i kamel moma ka oka im ochi tok.

21. Mihma hatak ash osh ohoyo himita yash aiokchifelit pisa mvt, nana ahnit aya li tuk a Chihowah vt vm aiahlichikma, keyukma, nanta tuk oh chishba? ahnit ithvna bonna mvt, nana ik acho tok.

22. Atuk osh yakohmi tok, kamel vt oka ishkot issa ma hatak ash osh tvi lakna ibichilu takali weki kv³t shekel ik-

lvna hō, micha ibbak vlbeha tuklo kv̄t weki kv̄t tvli lakna shekel pokoli hō ishi tok.

23. Micha, Kv̄ta ushetik chia hoh cho? v̄m anoli, chim asilhha lishke: chiki in chuka yā il anusi vt aśha cho? achi tok.

24. Mihma, Milkah ushi yummak oka Naho im eshi tok Behluel ushetik sia hoke, im achi tok.

25. Micha achakalinski mvt, Onush vpi, micha nanvlhpoa vpa aiena kv̄t pin laua achukma, micha ānusi vt aśha hoke, im achi tok.

26. Mihma hatak ash osh akachunoli cha, aka hlipvt Chihowah yā aiokpv̄chi tok.

27. Chihowah ā shahli Eblaham ā in Chitokaka yvt ā shahli hā isht i nukhaklo, micha im anumpa ahli yā ik im ai esho kv̄t holitopashke: hina āya li ma, Chihowah yvt vsht ayvt ā shahli itibapishi v̄hleha hā in chuka yā vsht vlvshke, achi tok.

28. Mihma ohoyo himita yash ōsh malelit nana ilvppa puta k̄a ishki in chuka ai achvfa yā ont im anoli tok.

29. Yohmi k̄a Lebekah vt i nakfi vt anta cha, hohchifo kv̄t Laban atok: mihma Laban vt kohchvt malelit hatak ash osh kv̄li hofobi yā bilika hikia k̄a ona tok.

30. Atuk o yakohmi tok, ibichilu takali, micha ibbak vlbeha aiena kv̄t in tek ibbak ā vlbiha na pisa mvt, micha in tek Lebekah im anumpa, Hatak vt yak v̄m achishke, achi na haklo mvt, hatak ash im ona tok; mihma yakeh, kamel vt kv̄li hofobi aiasha na, hatak ash osh bilika hikia tok.

31. Atuk osh, Ant chukowā, Chihowah i holitopa chia ma! nanta katiohmi hō kocha ish hikia cho? aboha yā atahli li, micha kamel ā aiasha im atahli li hoka, achi tok.

32. Mihma hatak ash osh chuka yā ont chukowa tok: mihma i kamel ash ikfoka isht asheha yā shoeli cha, onush vpi, micha nanvlhpoa vpa aiena k̄a ipeta mvt, iyi, micha hatak apehvt āya tuk iyi aiena k̄a isht achifa chi k̄a oka yā ima tok.

33. Mihma vpa chi k̄a ilhpak vt itikba taloha tok: yohmi tuk kia, Nana aiahnit āya li tuk vt ak anolo kisha kv̄t

impa la he keyu hoke, achi tok. Mihma, Anumpuli', achi tok.

34. Mihma, Eblaham in tishu sia hoke.

35. Atuk o Chihowah yvt a shahli ha nayukpali fehna, na holitopa fehnt tahrshke: micha nanvlhpoa chipinta, micha nanvlhpoa hochito, micha tvli hvta, micha tvli lakna, micha hatak tishu, micha ohoyo tishu, micha kamel, micha issuba haksobish falaia aiena ka ima tuk oke.

36. Mihma a shahli ha tekchi Salah vt sipoknit taiyaha hosh a shahli ha vlla nakni yo im eshi tok oke: atuk o yummak o nana im asha tuk vt mominchit ima tuk oke.

37. Atuk osh a shahli hv anumpa kullo si ilonochechit Kenan okla i yakni ahanta li tuk a ushetik vhleha ha ai ishit svso ha ohoyo ish ima he keyu:

38. Amba ivt aki in chuka, micha a kanomi i yakni ya ish ona cha, ohoyo ai ishit svso ha ish imashke, vm achi tuk oke.

39. Mihma a shahli ha, Ohoyo hv siakaiya he keyu yoba hokmvo, im achi li tuk oke.

40. Mihma, Chihowah yummak o itikba nohowa li cha-tuk vt im enchel a chi apehvchit pila cha, nana ahnit ish aya ka chim aighlicha hi oke; mikma a kanomi yo, micha aki in chuka achvfa yo ai ishit svso ha ohoyo ish ima hi oke.

41. Yohmikma a kanomi ya ish im onakmvt, vm anumpa kullo ilvppa ish i mokofa hi oke; atuk o achvfa ka ik chemokma, vm anumpa kullo ilvppa ish i mokofa hi oke, vm achi tuk oke.

42. Atuk o himak nitak a kvli hofobi ya vla li mvt, Chihowah, a shahli in Chitokaka ma, himak a nana ahnit aya li tuk a is sv aighlichi hokma:

43. Yakeh, oka kvli hofobi bilika hikia lishke; atuk o yakohmashke, ohoyo himita hatak haleli keyu yosh et kohchvt oka ochi na, Oka chim isht-ochi alhto ka kanomosi ka ak ai ishkó, chim asilhha lishke, achi likma,

44. Yohmikma, Ishkó, mikma chi kamel ak kia im ochi lashke; vm achikmvt, Yohmikmvt ohoyo yummak o Chi-

howah yvt a shahli ushi ya im atokoli tuk mak ashke, achi li tuk oke.

45. Atuk o sa chukvsh anukaka anumpuli li kvv ont ak tahlo kjsa hq, yakeh, Lebekah vt im isht-ochi yvt tahchi ha on talaia hq et kohcha tuk oke; micha kvli hofobi ya okvtaha cha, oka ochi tuk oke; mihma, Ak ishkó, chim asilhha lishke im achi li tuk oke.

46. Mihma tushpvt im isht-ochi yvt tahchi ha on talaia ko akvchi mvt, Ishkó, mikma chi kamel ak kia oka ipeta lashke, achi tuk oke: yohmi na ishko li ma, kamel ak kia oka ipeta tuk oke.

47. Mihma i ponaklot, Kvta ushetik chia hoh cho? achi li ma, Naho ushi yvmmak oka Milkah vt im eshi tok Behluel ushetik sia hoke, achi tuk oke: mihma ibichilu takali ibichilu ya takalichi li mvt, ibbak vlbeha aiena ka ibbak abehli li tuk oke.

48. Mihmvt akachunolit aka hlipvt Chihowah ya aiokpvchi li tuk oke; micha Chihowah a shahli Eblaham in Chitokaka, yvmmak osh a shahli Eblaham itibapishi ushetik o ishit ushi ya ima la chi hq hina aivlhpiessa ka vsaht aya tuk a holitoblichli li tuk oke.

49. Yohmi ka himak a a shahli ha i kanvt hvsh im aighla chi hokmvt, hvs svm anolashke: keyukmvt hvs svm anolashke: yvmohmi hq ishtimpak imma, keyukmvt vlhfvbekimma pit fullota lashke, achi tok.

50. Yohmi ma Laban, micha Behluel vt afalaminchit, Nana ka Chihowah ak osh ahni tuk pullvshke: okpulo hokma, achukma hokma nana kia e chi miha he keyushke.

51. Yakeh, Lebekah vt chi tikba ashvshke, ishi cha ia, mikma Chihowah yvt anumpuli tuk mak o chi shahli ushi ya tekchi yashke, achit okla tok.

52. Atuk o yakohmi tok, Eblaham in tishu hvv im anumpa ha haklo mvt, aka hlipia cha, Chihowah ya aiokpvchi tok.

53. Mihmvt tishu hash osh tvli hvta ishit shema, misa tvli lakna ishit shema, micha nafohka ishit kohchi cha, Lebekah ya ima tok. Michah Lebekah i nakfi, micha ishki itatuklo ka naholitopa puta ka ima tok.

54. Mihma yummak ash, micha hatak apehvt aya tuk aiena kv̄t okla imp̄t nan ishko tok, micha aasha na onna tok : atuk osh ont onna ma wakaya tok : mihma tishu hash osh A shahli h̄a pit h̄s sa pelashke, achi tok.

55. Mihma i nakfi, micha ishki yash osh, Ohoyo himita vt nitak holhtina, peh nitak pokoli hokvno pi takla ahan-tashke ; yohmi ha yosh iashke, achit okla tok.

56. Mihma, H̄s sum ataklv̄m̄mi ná, nana ahnit aya li tuk a Chihowah yvt v̄m aiahlich̄i hatuk oka : h̄s sa pila na a shahli h̄a im ona lashke, im achi tok.

57. Mihma, Ohoyo himita ak̄ e hoyo cha, ilap itih akinli h̄o ai il im aponaklashke, achit okla tok.

58. Mihma Lebekah ya hoyot okla cha, Hatak ilv̄ppa awant ish ia ch̄i cho? im achi ma, Ia la ch̄i hoke, achi tok.

59. Mihma in tek Lebekah, micha ilauei yatok, micha Eblaham in tishu, micha hatak apehvt aya tuk aiena kash okla pila tok.

60. Michā Lebekah ya nayukpalit, Pin tek chia h̄vt ; mil-yv̄n tahlepa sipokni puta hoh kia ishki chia hashke ; mikma chim ishtatiaka yvt i nukkilli puta i holihta okhissa ya ie-shashke, im achi tok.

61. Mihma Lebekah, micha ohoyo himita im aasha aiena kv̄t wakaya cha, kamel ash on chieya m̄vt, hatak ash iakai-ya tok : mihma tishu hash osh Lebekah ya ishi cha, ia tok.

62. Mihma Aisak vt kv̄li hofobi Lahai-loi pilla h̄a minti tok : oka mahli yakni ak o v̄tta hatuk okvt.

63. Atuk osh opiv̄t taha ma, Aisak vt osapa ya nan anuk-fillit hikik̄ia ch̄i hosh kohchvt ia tok : atuk osh akachakali cha pisa ma, yakeh, kamel ash osh minti na pisa tok.

64. Mihma Lebekah vt akachakali cha, Aisak a pisa m̄vt, kamel a om binili tuk vt akowa tok :

65. Tishu hash, Hatak ilv̄pp̄t kv̄ta hosh osapa nohov̄vt pi afam̄vt minti cho? im achi na tishu hash osh, A shahli yoke, achi tuk atuk oka ; yvmohmi ma nashuka isht ompo-holmo ishi cha il ompohomo tok.

66. Mihma tishu hash osh nana kaniohmi tuk vt moma Aisak a im anoli tok.

67. Mihma Aisak vt ishki Selah im vlhtipō ak o isht ona tok, micha Lebekah ya ishi na tekchi toba tok: mihma hōlitobli tok: micha Aisak vt ishki illi tuk a hopohla tok.

CHAPTA XXV.

YUMOHMI tuk o anonti Eblaham vt ohoyo ishi tok; mihma hohchifo hvt Ketulah atok.

2. Mihmvt Simlam, micha Chokshan, micha Metan, micha Mitian, micha Ishbak, micha Shuah aiena kak o im eshi tok.

3. Atuk o Chokshan vt Sheba, micha Tetan a tobachi tok. Mihma Tetan ushi vhleha hvt Ashulim, micha Letushim, micha Leummim aiena kak atok.

4. Mikma Mitian ushi vhleha hvt Efah, micha Efe, micha Hanok, micha Abitah, micha Eltaah aiena kak atok. Ilvpa puta kak osh Ketulah im vlla vhleha hatok.

5. Mihma Eblaham vt nana im asha tuk vt moma Aisak ak o ima tok.

6. Amba im itaiena ushi vhleha ha Eblaham vt im asha tuk vt Eblaham vt nahvlbina ima cha, okchaya moma kak osh ushi Aisak a i filvmnichit hvshi akochaka pilla, hvshi akochaka yakni ak o pila tok.

7. Atuk o Eblaham vt okchayvt ahanta afvmmi puta ya nitak puta okchayvt ahanta kvv ilvppak oke, afvmmi tahlepa achvfa cha pokoli untuklo akucha tahlapi tok.

8. Yohmi mvt Eblaham vt fiopissa tok, micha sipokni achukma hatak sipokni, micha afvmmi laua hosh illi tok; micha im okla ha iba holhtina tok.

9. Mihma ushi Aisak, micha Ishmael vt Hittait hatak Soha ushi Eflon im osapa hikia hichukbi Makpelah, yvmvt Mamle itikba ya hikia kak o a hohpi tok.

10. Osapa ya Eblaham vt Helh ushi vhleha ha in chumpa tok ak atok: yvmmak o Eblaham micha tekchi Salah vt a hollohpī tok.

11. Atuk o yakohmi tok, Eblaham vt illi ha ya, ushi Ai-

sak a Chitokaka yvt yukpali tok : mihma Aisak vt kvli hofobi Lahai-loi ak o ai vttta tok.

12. Yohmi ka ilvppa puta kak osh Echip ohoyo, Salah in tishu ohoyo Haka vt Eblaham a im eshi tok, Ishmael Eblaham ushi a im ishtatiaka yoke.

13. Ilvppa puta kak osh Ishmael ushi vhleha hohchifo hosh in chuka achvfa puta kvv vhlpiavt hohchifo hoke : Ishmael a im uttahi Nebayolh : micha Keta, micha Atbeel, micha Mibeam,

14. Micha Mishma, micha Tumah, micha Massa,

15. Hata, micha Tema, Chetu, Nafish, micha Ketemah :

16. Ilvppa puta kak osh Ishmael ushi vhleha hoke, micha ilvppa puta kak osh in tumaha vhlpiavt, micha i holihta vhlpiavt hohchifo hoke ; avehlihi vhlpiavt vehlihi auah tuklo hoke.

17. Atuk o ilvppa puta kak osh Ishmael vt okchayvt ahanta afvmmi puta kvv afvmmi tahlepa achvfa cha, pokoli tuchina akucha untuklo tok : atok osh fiopissvt illi cha, im okla ha ibaholhtina tok.

18. Mihma Hafilah ya vttvt ia hosh Assilia pilla ish ia ka Shu Echip itikba talaia kak o okla aiasa tok : mihma itibapishi moma itikba ya Ishmael vt ai illi tok.

19. Mihma ilvppak osh Eblaham ushi Aisak a in chuka achvfa anoli holisso hoke : Eblaham vt ushi Aisak a tobachi tok :

20. Mihma Aisak vt afvmmi pokoli ushta hosh Silian hatak Patan-alam vttta Behluel ushetik, Silian hatak Laban in tek Lebekah ya ishit itauwaya tok.

21. Atuk osh tekchi vt vlla ik im iksho yatuk o, tekchi ya isht anumpulit Chihowah ya im asihihla tok : mihma Chihowah yvt vhlpesa im ahni na, tekchi Lebekah vt chakali tok.

22. Atuk o vlla yash osh ikfoka alhto kvv itvboa tok : mihma, Yohmi hokma, nanta katiohmi ho si yakohmi cho ? achi mvt, Chihowah ya ont im a ponaklo tok.

23. Mihma Chihowah yvt, Oklushi tuklo hosh chim osh vttto ya alhto hoke ; micha okla nana a katiohmi kvv tuklo hosh chikfoka ya a kohcha chi hoke : mikma okla achvfa

CAPTA XXIII.

MIHMA Salah vt afvmmi tahlepa achvfa cha pokoli tuklo akucha untuklo tok: ilvppak osh Salah vt okchayvt ahanta tok afvmmi holhtina hoke.

2. Atuk osh Salah vt Kichalh-alba ak o ai illi tok; yvmvt Kenan yakni talaia Heblon mak oke. Atuk o Eblaham vt Salah ya ishit nukhaklot yayvt aya hosh vla tok.

3. Mihmvt Eblaham vt wakayvt im illi yash i filvmmiit hikia cha, Helh ushi vhleha ha im anumpulit,

4. Okla inla micha himo wihvt aya sia hosh hvchi takla ahanta lishke: hvchi itin takla ya ahollohpi yakni yosh an talaia chi ho micha vm illi ya a hohpit sa tikba ya a luhmi la chi ka hvs svmashke, achi tok.

5. Mihma Helh im vlla vhleha hvt Eblaham a im afalaminchit,

6. Ish pi haponaklashke, a shahli ma, Chitokaka i holitopa yosh pi takla ahanta chia hoke: pim ahollohpi achukma i shahli kak o chim illi ya ish a hohpashke: e kanima kia pim ahollohpi ya e chi halvlla he keyu hoke, yohmi na chim illi ya chik a hohpo ka he keyu hoke, im achi tok.

7. Mihma Eblaham vt wakayvt hikia cha, yakni yash okla ha, Helh im vlla vhleha kash im akachunolit aka hlipia tok.

8. Mihmvt itim anumpulit, Um illi ya hohpit sa tikba ya a luhmi la hi ya hvsh ahnikmvt, hvs sa haponaklo cha, Soha ushi Eflon a hvs svm ai im asilhashke.

9. Yohmi na Makpelah hichukbi, yvmvt im osapa ont vhli in talaia kv vmashke; hvchitin takla ya ahollohpi yakni yosh an talaia chi ho tvli holisso ho aivli vhpiesakma vmashke, achi tok.

10. Yohmi ka Eflon vt Helh im vlla vhleha takla vta hatok. Mihmvt Eflon Hittait hatak ash osh Eblaham a im afalaminchit, Helh im vlla vhleha, in tvnaha holihta okhissa ya ont chukowa moma kv haklo ho,

11. Aha, a shahli ma, is sa haponaklashke: osapa ya chima li hoke, micha hichukbi vt anykaka talaia ka chima li

hoke: vm okla hq ushi vhleha itikba ya a chima lishke: chim illi ya ish a hohpashke, achi tok.

12. Mihma Eblaham vt yakni yash okla itikba ya akachunolit aka hlipia tok.

13. Micha yakni yash okla vhleha hvt haklo hq, Eflon a im anumpulit, Yohmi kia is svma chi hokmvt, is sa haponaklashke, chim asilhha lishke: osapa ya tvli holisso ya chima lashke: is svm ishikma, vm illi ya a hohpi lashke, achi tok.

14. Mihma Eflon vt Eblaham a im afalaminchit.

15. A shahli ma, is sa haponaklashke; yakni vt tvli hvta shekel tahlepa ushta ai iti vlli vlpesvshke; yvmmt pim itin takla ya nanta hoh cho? chim illi ya ish a hohpashke, im achi tok.

16. Mihma Eblaham vt Eflon a i haponaklo tok; micha Helh ushi vhleha hvt haklo hq, Eflon vt miha tuk mak o, Eblaham vt tvli hvta ya i wekichi tok, nan itatoba vhleha hvt itim ishi chatuk mak osh tvli hvta shekel tahlepa ushta hatok.

17. Mihma Eflon im osapa yvmmt Makpelah ya talaia Mamle itikba talaia kash osapa, micha anukaka hichukbi talaia aiena ka, micha iti moma osapa ya hiohmaya tuk, micha aivhli fullota ka hiohmaya tuk o,

18. Eblaham i yakni ya chi hq Helh im vlla vhleha itikba ya, micha in tmaha holihta chukowa moma ka itikba ya ai im aighlichi tok.

19. Mihma i himmak ak o Eblaham vt Mamle ya itikba talaia Makpelah osapa hichukbi hikia ak o tekchi Salah ya a hohpi tok: yvmmt Heblon Kenan yakni talaia kak oke.

20. Mihma osapa, micha hichukbi anukaka talaia kv ahollohpi yakni ya chi hq, Helh ushi vhleha hvt Eblaham a im aighlichi tok.

ATUK o Eblaham vt sipoknit nitak lauvt in taiyaha hatok: mihma Chihowah yvt Eblaham a nana moma ka isht yukpali tok.

2. Atuk o Eblaham vt in chuka achvfa tishu sipokni i shahli, yummvt nana im asha tuk moma ka pehlich i yo, Chibbak a saiyubi nuta ya isht ish potolashke, chim asilhha lishke:

3. Mikma Kenan okla takla ahanta li ka ushetik vhleha ha ohoyo ai ishit svso ha chik emo ka he ya, Chihowah, vba in Chitokaka, micha yakni in Chitokaka ya hochifot anum-pa kvlo chil onochchi lashke.

4. Amba a yakni ya, a kanomi i yakni ya ish ona cha, ohoyo ha ai ishit svso Aisak a ish imashke, im achi tok.

5. Mihma tishu hash osh, Ohoyo hvt yakni ilvppa ai awant vla he keyu hokmvno, chiso ha yakni aivttvt ish minti tok a anonti isht ona la hi pulla hoh cho? im achi tok.

6. Mihma Eblaham vt, Ahah, ish ahni cha, svso ha yvma isht chik ono kashke,

7. Chihowah, vba in Chitokaka yvt, yummak osh aki in chuka, micha a kanomi i yakni ya a svshi tok vt, yummak osh vm anumpuli cha, anumpa kvlo vm ilonochit, Chim ish-tatiaka ya yakni ilvppa ima la hi oke, vm achi tuk vt yvma mak osh im enchel a et pila na, chi tikba ayakma, yummak o ohoyo ha ai ishit svso ha ish ima hi oke.

8. Atuk o ohoyo hvt chi awant minta he keyukma, anum-pa kvlo ilvppak ash ish i mokofa hi oke; peh svso ha anon-ti yvma isht chik ono kashke, im achi tok.

9. Mihma tishu hash osh i shahli Eblaham iyubi nuta ya ibbak ishit potoli cha, nana yvma isht anum-pa kvlo im il onochit anumpuli tok.

10. Micha tishu hash osh i shahli hvt kamel im aiasha kash kamel pokoli ho ishi cha ia tok: (i shahli imilayak mo-ma kvtt ibbak ak o foyuka hatuk okvt;) micha wakaya mvt, Mesopotamia yakni ya onvt, Naho in tmaha holihta ya ona tok.

11. Atuk osh opivt taha ma, ohoyo hvt kohchvt oka ochi chatuk vt ont ai vlhpesa ma kvli hofobi tmaha holihta ko-cha ya i kamel a hvchukbilhkvchi tok.

12. Mihmvt, Chihowah, a shahli Eblaham in Chitokaka

ma, nana ahni li ka himak' nitak a is svm aighlichi cha, a shahli Eblaham a ish i kanashke, chim asilhha lishke.

13. Yakeh, oka kuli hofobi bilika ileppa hikia lishke; micha tvmaha holihta hatak a ushetik vhleha hvt oka ocha chi hosh et kohchvshke:

14. Atukma yakohmashke, ohoyo himita nana ho, Chim isht ochi ya akvchi na, ak ishkó, chim asilhha lishke, achi likma, Ishkó, micha chi kamel ak kia oka ya ipeta lashke, achikmvt, yvmmak osh chin tishu Aisak a ish im atokoli tuk mak ashke; mikma yvmmak o a shahli ha ish i kana tuk a isht ithvna lashke, achi tok.

15. Atuk o yakohmi tok, anumpulit ont ik tahlo moma ho, yakeh, Lebekah vt, yvmmtv Eblaham itibapishi Naho tekchi Milkah ya ushi Behluel im vtta tok vt im isht-ochi vt tahchi ha on talaia ho kohcha tok.

16. Michi ohoyo himita yvt hatak haleli keyu, hatak nana kia ithana tok keyu yosh pisaka aiokli fehna hatok: atuk osh kuli ya ona cha im isht-ochi yash alotoli cha, vla tok.

17. Mihma tishu hash osh malelit ont afama cha, Oka chim isht-ochi alhto ka kanomosi ka ak ai ishkó, chim asilhha lishke, achi tok.

18. Mihma, ohoyo himita yash osh, Ishkó, a shahli ma, achi tok: mihmtv tushpvt im isht-ochi ya akvchit ibbak isht ishi cha, oka ya ipeta tok.

19. Atuk osh oka ya ipetvt tahli mvt, Chi kamel ak kia oka ochit ipeta li, ishkot im vlpesashke, achi tok.

20. Mihmtv tushpvt im isht-ochi ya tosholit oka aiipeta peni ya pit vni cha, oka ocha chi hosh anonti malelit kuli hofobi ya ona cha, i kamel moma ka oka im ochi tok.

21. Mihma hatak ash osh ohoyo himita yash aiokchifelit pisa mvt, nana ahnit aya li tuk a Chihowah vt vm aiahlichikma, keyukma, nanta tuk oh chishba? ahnit ithvna bonna mvt, nana ik acho tok.

22. Atuk osh yakohmi tok, kamel vt oka ishkot issa ma hatak ash osh tvi lakna ibichilu takali weki kvv shekel ik-

lvna hō, micha ibbak vlbeha tuklo kv̄t weki kv̄t tvli lakna shekel pokoli hō ishi tok.

23. Micha, Kva ushetik chia hoh cho? v̄m anoli, chim asilhha lishke: chiki in chuka yā il anusi vt aśha cho? achi tok.

24. Mihma, Milkah ushi yvmmak oka Naho im eshi tok Behluel ushetik sia hoke, im achi tok.

25. Micha achakalinchi mvt, Onush vpi, micha nanvlhpoa vpa aiena kv̄t pin laua achukma, micha ānusi vt aśha hoke, im achi tok.

26. Mihma hatak ash osh akachunoli cha, aka hlipvt Chihowah yā aiokpv̄chi tok.

27. Chihowah ā shahli Eblaham ā in Chitokaka yvt ā shahli hā isht i nukhāklo, micha im anumpa ahli yā ik im ai esho kv̄t holitopashke: hina āya li ma, Chihowah yvt sv̄sht āyvt ā shahli itibapishi v̄hleha hā in chuka yā sv̄sht vlvshke, achi tok.

28. Mihma ohoyo himita yash ōsh malelit nana ilv̄ppa puta k̄a ishki in chuka ai achv̄fa yā ont im anoli tok.

29. Yohmi k̄a Lebekah vt i nakfi vt anta cha, hohchifo kv̄t Laban atok: mihma Laban vt kohchvt malelit hatak ash osh kv̄li hofobi yā bilika hikia k̄a ona tok.

30. Atuk o yakohmi tok, ibichilu takali, micha ibbak vlbeha aiena kv̄t in tek ibbak ā vlb̄iha na pisa mvt, micha in tek Lebekah im anumpa, Hatak vt yak v̄m achishke, achi na haklo mvt, hatak ash im ona tok; mihma yakeh, kamel vt kv̄li hofobi aiasha na, hatak ash osh bilika hikia tok.

31. Atuk osh, Ant chukowā, Chihowah i holitopa chia ma! nanta katiohmi hō kocha ish hikia cho? aboha yā atahli li, micha kamel ā aiasha im atahli li hoka, achi tok.

32. Mihma hatak ash osh chuka yā ont chukowa tok: mihma i kamel ash ikfoka isht asheha yā shoeli cha, onush vpi, micha nanvlhpoa vpa aiena k̄a ipeta mvt, iyi, micha hatak apehvt āya tuk iyi aiena k̄a isht achifa ch̄i k̄a oka yā ima tok.

33. Mihma vpa ch̄i k̄a ilhpak vt itikba taloha tok: yohmi tuk kia, Nana aiahnit āya li tuk vt ak anolo kisha kv̄t

impa la he keyu hoke, achi tok. Mihma, Anumpuli', achi tok.

34. Mihma, Eblaham in tishu sia hoke.

35. Atuk o Chihowah yvt a shahli ha nayukpali fehna, na holitopa fehntv tahvshke: micha nanvlhpoa chipinta, micha nanvlhpoa hochito, micha tvli hvta, micha tvli lakna, micha hatak tishu, micha ohoyo tishu, micha kamel, micha jssuba haksobish falaia aiena ka ima tuk oke.

36. Mihma a shahli ha tekchi Salah vt sipoknit taiyaha hosh a shahli ha vlla nakni yo im eshi tok oke: atuk o yummak o nana im asha tuk vt mominchit ima tuk oke.

37. Atuk osh a shahli hv anumpa kullo si ilonochechit Kenan okla i yakni ahanta li tuk a ushetik vhleha ha ai ishit svso ha ohoyo ish ima he keyu:

38. Amba ivt aki in chuka, micha a kanomi i yakni ya ish ona cha, ohoyo ai ishit svso ha ish imashke, vm achi tuk oke.

39. Mihma a shahli ha, Ohoyo hv siakaiya he keyu yoba hokmvo, im achi li tuk oke.

40. Mihma, Chihowah yummak o itikba nohova li cha-tuk vt im enchel a chi apehvchit pila cha, nana ahnit ish aya ka chim aighlicha hi oke; mikma a kanomi yo, micha aki in chuka achvfa yo ai ishit svso ha ohoyo ish ima hi oke.

41. Yohmikma a kanomi ya ish im onakmvt, vm anumpa kullo iluppa ish i mokofa hi oke; atuk o achvfa ka ik chemokma, vm anumpa kullo iluppa ish i mokofa hi oke, vm achi tuk oke.

42. Atuk o himak nitak a kvli hofobi ya vla li mvt, Chihowah, a shahli in Chitokaka ma, himak a nana ahnit aya li tuk a is sv aighlichi hokma:

43. Yakeh, oka kvli hofobi bilika hikia lishke; atuk o yakohmashke, ohoyo himita hatak haleli keyu yosh et kohchot oka ochi na, Oka chim isht-ochi alhto ka kanomosi ka ak ai ishkó, chim asilhha lishke, achi likma,

44. Yohmikma, Ishkó, mikma chi kamel ak kia im ochi lashke; vm achikmvt, Yohmikmvt ohoyo yummak o Chi-

howah yvt a shahli ushi ya im atokoli tuk mak ashke, achi li tuk oke.

45. Atuk o sa chukvsh anukaka anumpuli li kvv ont ak tahlo kisha ho, yakeh, Lebekah vt im isht-ochi yvt tahchi ha on talaia ho et kohcha tuk oke; micha kvli hofobi ya okvtaha cha, oka ochi tuk oke; mihma, Ak ishkó, chim asilhha lishke im achi li tuk oke.

46. Mihma tushpvt im isht-ochi yvt tahchi ha on talaia ko akvchi mvt, Ishkó, mikma chi kamel ak kia oka ipeta lashke, achi tuk oke: yohmi na ishko li ma, kamel ak kia oka ipeta tuk oke.

47. Mihma i ponaklot, Kvta ushetik chia hoh cho? achi li ma, Naho ushi yvmmak oka Milkah vt im eshi tok Behluel ushetik sia hoke, achi tuk oke: mihma ibichilu takali ibichilu ya takalichi li mvt, ibbak vlbeha aiena ka ibbak abehli li tuk oke.

48. Mihmvt akachunolit aka hlipvt Chihowah ya aiokprchi li tuk oke; micha Chihowah a shahli Eblaham in Chitokaka, yvmmak osh a shahli Eblaham itibapishi ushetik o ishit ushi ya ima la chi ho hina aivlhpiessa ka vsaht aya tuk a holitoblichli li tuk oke.

49. Yohmi ka himak a a shahli ha i kanvt hvah im aishla chi hokmvt, hvs svm anolashke: keyukmvt hvs svm anolashke: yvmohmi ho ishtimpak imma, keyukmvt vlhfvbekimma pit fullota lashke, achi tok.

50. Yohmi ma Laban, micha Behluel vt afalaminchit, Nana ka Chihowah ak osh ahni tuk pullashke: okpulo hokma, achukma hokma nana kia e chi miha he keyushke.

51. Yakeh, Lebekah vt chi tikba gshvshke, ishi cha ia, mikma Chihowah yvt anumpuli tuk mak o chi shahli ushi ya tekchi yashke, achit okla tok.

52. Atuk o yakohmi tok, Eblaham in tishu hvv im anum-pa ha haklo mvt, aka hlipia cha, Chihowah ya aiokprchi tok.

53. Mihmvt tishu hash osh tvli hvta ishit shema, mieha tvli lakna ishit shema, micha nafohka ishit kohchi cha, Lebekah ya ima tok. Michah Lebekah i nakfi, micha ishki itatuklo ka naholitopa puta ka ima tok.

54. Mihma yummak ash, micha hatak apehvt aya tuk aiena kv̄t okla impvt nan ishko tok, micha asha na onna tok : atuk osh ont onna ma wakaya tok : mihma tishu hash osh A shahli h̄a pit hvs sa pelashke, achi tok.

55. Mihma i nakfi, micha ishki yash osh, Ohoyo himita vt nitak holhtina, peh nitak pokoli hokvno pi takla ahan-tashke ; yohmi ha yosh iashke, achit okla tok.

56. Mihma, Hvs svm ataklvmmi ná, nana ahnit aya li tuk a Chihowah yvt vm aiahlich̄i hatuk oka : hvs sa pila na a shahli h̄a im ona lashke, im achi tok.

57. Mihma, Ohoyo himita ak̄o e hoyo cha, ilap itih akinli h̄o ai il im aponaklashke, achit okla tok.

58. Mihma Lebekah ya hoyot okla cha, Hatak ilvppa awant ish ia ch̄i cho? im achi ma, Ia la ch̄i hoke, achi tok.

59. Mihma in tek Lebekah, micha ilauēli yatok, micha Eblaham in tishu, micha hatak apehvt aya tuk aiena kash okla pila tok.

60. Micha Lebekah ya nayukpalit, Pin tek chia hv̄t ; mil-yvn tahlepa sipokni puta hoh kia ishki chia hashke ; mikma chim ishtatiaka yvt i nukkilli puta i holihta okhissa ya ie-shashke, im achi tok.

61. Mihma Lebekah, micha ohoyo himita im asha aiena kv̄t wakaya cha, kamel ash on chieya mv̄t, hatak ash iakai-ya tok : mihma tishu hash osh Lebekah ya ishi cha, ia tok.

62. Mihma Aisak vt kv̄li hofobi Lahai-loi pilla h̄a minti tok : oka mahli yakni ak o v̄tta hatuk okvt.

63. Atuk osh opiv̄t taha ma, Aisak vt osapa ya nan anuk-fillit hikik̄ia ch̄i hosh kohchvt ia tok : atuk osh akachakali cha pisa ma, yakeh, kamel ash osh minti na pisa tok.

64. Mihma Lebekah vt akachakali cha, Aisak a pisa mv̄t, kamel a om binili tuk vt akowa tok :

65. Tishu hash, Hatak ilvppvt kv̄ta hosh osapa nohov̄vt pi afamvt minti cho? im achi na tishu hash osh, A shahli yoke, achi tuk atuk oka ; yvmohmi ma nashuka isht ompo-holmo ishi cha il ompohomo tok.

66. Mihma tishu hash osh nana kaniohmi tuk vt moma Aisak a im anoli tok.

67. Mihma Aisak vt ishki Selah im vltipo ak o isht ona tok, micha Lebekah ya ishi na tekchi toba tok : mihma holitobli tok : micha Aisak vt ishki illi tuk a hopobla tok.

CHAPTA XXV.

YUMOHMI tuk o anonti Eblaham vt ohoyo ishi tok; mihma hohchifo hvt Ketulah atok.

2. Mihmvt Simlam, micha Chokshan, micha Metan, micha Mitian, micha Ishbak, micha Shuah aiena kak o im eshi tok.

3. Atuk o Chokshan vt Sheba, micha Tetan a tobachi tok. Mihma Tetan ushi vhleha hvt Ashulim, micha Letushim, micha Leummim aiena kak atok.

4. Mikma Mitian ushi vhleha hvt Efah, micha Efe, micha Hanok, micha Abitah, micha Eltaah aiena kak atok. Ilvpa puta kak osh Ketulah im vlla vhleha hatok.

5. Mihma Eblaham vt nana im asha tuk vt moma Aisak ak o ima tok.

6. Amba im itaiena ushi vhleha ha Eblaham vt im asha tuk vt Eblaham vt nahvlbina ima cha, okchaya moma kak osh ushi Aisak a i filvmmichit hvshi akochaka pilla, hvshi akochaka yakni ak o pila tok.

7. Atuk o Eblaham vt okchayvt ahanta afvmmi puta ya nitak puta okchayvt ahanta kvv ilvppak oke, afvmmi tahlepa achvfa cha pokoli untuklo akucha tahlapi tok.

8. Yohmi mvt Eblaham vt fiopissa tok, micha sipokni achukma hatak sipokni, micha afvmmi laua hosh illi tok; micha im okla ha iba holhtina tok.

9. Mihma ushi Aisak, micha Ishmael vt Hittait hatak Soha ushi Eflon im osapa hikia hichukbi Makpelah, yvmvt Mamle itikba ya hikia kak o a hohpi tok.

10. Osapa ya Eblaham vt Helh ushi vhleha ha in chumpa tok ak atok : yvmmak o Eblaham micha tekchi Salah vt a hollohpi tok.

11. Atuk o yakohmi tok, Eblaham vt illi ha ya, ushi Ai-

sak a Chitokaka yvt yukpali tok : mihma Aisak vt kvli hofobi Lahai-loi ak o ai vtta tok.

12. Yohmi ka ilvppa puta kak osh Echip ohoyo, Salah in tishu ohoyo Haka vt Eblaham a im eshi tok, Ishmael Eblaham ushi a im ishtatiaka yoke.

13. Ilvppa puta kak osh Ishmael ushi vhleha hohchifo hosh in chuka achufa puta kvv vhlpisvt hohchifo hoke : Ishmael a im vttahpi Nebayolh : micha Keta, micha Atbeel, micha Mibsam,

14. Micha Mishma, micha Tumah, micha Massa,

15. Hata, micha Tema, Chetu, Nafish, micha Ketemah :

16. Ilvppa puta kak osh Ishmael ushi vhleha hoke, micha ilvppa puta kak osh in tumaha vhlpisvt, micha i holihta vhlpisvt hohchifo hoke ; apelhichi vhlpisvt pehlichich auah tuklo hoke.

17. Atuk o ilvppa puta kak osh Ishmael vt okchayvt ahanta afvmmi puta kvv afvmmi tahlepa achufa cha, pokoli tuchina akucha untuklo tok : atok osh fiopissvt illi cha, im okla ha ibaholhtina tok.

18. Mihma Hafilah ya vttvt ia hosh Assilia pilla ish ia ka Shu Echip itikba talaia kak o okla aiasha tok : mihma itibapishi moma itikba ya Ishmael vt ai illi tok.

19. Mihma ilvppak osh Eblaham ushi Aisak a in chuka achufa anoli holisso hoke : Eblaham vt ushi Aisak a tobachich tok :

20. Mihma Aisak vt afvmmi pokoli ushta hosh Silian hatak Patan-alam vtta Behluel ushetik, Silian hatak Laban in tek Lebekah ya ishit itauwaya tok.

21. Atuk osh tekchich vt vlla ik im iksho yatuk o, tekchich ya isht anumpulit Chihowah ya im asihihla tok : mihma Chihowah yvt vhlpesa im ahni na, tekchich Lebekah vt chakali tok.

22. Atuk o vlla yash osh ikfoka alhto kvv itvboa tok : mihma, Yohmi hokma, nanta katiohmi ho si yakohmi cho ? achi mvv, Chihowah ya ont im a ponaklo tok.

23. Mihma Chihowah yvt, Oklushich tuklo hosh chim osh vtto ya alhto hoke ; micha okla nana a kaniohmi kvv tuklo hosh chikfoka ya a kohcha chich hoke : mikma okla achufa

kvt kullo kvt okla achufa ya i shahla hi oke, mikma akni ak osh nakfish a i nutaka hi oke; im achi tok.

24. Atuk o vlla esha he vlhpesa nitak vt vla ma, yakeh, haiyup vt im oshvutto ya alhto tuk atok.

25. Atuk o tikba kohcha kvt hummut nipi moma kvt nafohka hishi gsha chohmi tok: mihma Esau, okla hochifo tok.

26. Atuk o i himmak o itibapishi mut kohcha mut, Esau iyikatoba ya ibbak ishit hoklit ieshi tok: mihma hochifo kvt Chekob achi tok: mihma yvmma Lebekah vt eshi ma, Aisak vt afvmmi pokoli hannali hatok.

27. Mihma vlla yash osh hofantit taha tok; atuk osh Esau vt ovvutta imponna, kowi aya hatak atok: micha Chekob vt hatak aivlhpiesa yosh vlhtipo ahanta tok.

28. Mihma Aisak vt Esau im issi nipi vpa kak osh holi-tobli tok: amba Lebekah vt Chekob a holitobli tok.

29. Mihma Chekob vt tubi ya honi tok: atuk o Esau vt kowi aya tuk osh vla mut, hoyvbli tok.

30. Mihma Esau vt Chekob a, Chim asilhha lishke, nahonni humma yvmma fehna ka svpetá, sa hoyvbli hoka, im achi tok: yvmohmi kak o hochifo kvt Etom achi tok.

31. Mihma Chekob vt, Himak nitak a vttahpi ish ai isha he vlhpesa ya is sa kanchashke, achi tok.

32. Mihma Esau vt, Yakeh, svlla hosishke, mikma vttahpi ai isha he vlhpesa ilvppvt nanta isht vm achukma hinla cho? achi tok.

33. Mihma Chekob vt Himak nitak a, anumpa kullo il onochit a mihá, achi tok: mihma anumpa kullo im il onochit miha tok: mihmut vttahpi ai isha he vlhpesa yash Chekob a i kanchi tok.

34. Yohmi ma Chekob vt Esau ya puska, micha tubi honni aiena ka ima tok; mihma impa cha, ishkot issa mut, wakaya cha ia tok: yakohmit Esau vt vttahpi ai isha he vlhpesa ya shitilema tok.

CHAPTA XXVI.

ATUK o yakni ya Eblaham ahanta nitak ma, hohchvfo chito vmmona tok vt asha na, anonti hohchvfo chito tok. Mihma Aisak vt Filistin okla i miko Abimelek im onvt, Kela ya ona tok.

2. Mihma Chihowah yvt i haiaka cha, Echip a chik aiyo kashke: yakni chim anoli la chi kak o ish ahantashke.

3. Yakni ilvppak o nowvt aya yosh ish ahantashke, mikma chibafoyuka lish, chi yukpali lashke; chishno, micha chi aiunchololi yak o yakni ilvppa moma ka ima la chi hoka, micha anumpa kullo ymma anumpulit chiki Eblaham a im il onochi li tok vt aighlichi la chi hoke.

4. Mich a chim ishtatiaka ya apaknvchit vba fochik choyuhmichi la chi hoke; mikmvt yakni ilvppa moma ka chim ishtatiaka ya ima la chi hoke: mikma chim ishtatiaka yak o oklushi moma yakni paknaka aiasha kv ai yukpa hi oke.

5. Eblaham vt vm anumpa ha im anti vt, atokolit i miha li, micha vm anumpa vlpisa, micha a nanvlpisa a puta aiena ka holitobli tok oka, achi tok.

6. Mihma Aisak vt Kela ya ahanta tok.

7. Atuk o yakni ymma hatak vhleha hv tekchi ya im a ponaklo tok; mihma, An tek oke, achi tok: Sa tekchi yoke, achi kv nukshopa hokvt; yakni yash hatak vhleha hv Lebekah ak atuk pulla mak o svi yoba na, achi hatok; pi-saka aiokli hatuk oka.

8. Atuk o yakohmi tok, ymma ahanta tuk a hopakit taiyaha ma, Filistin okla i miko Abimelek vt okhissushi pit a hopokoyot pisa ma, yakeh, Aisak vt tekchi Lebekah ya itiba ihlavvli hosh ashwa na pisa tok.

9. Mihma Abimelek vt Aisak a hoyo cha, Yakeh, chi tekchi pullvshke: yohmi hokak o nanta katiohmi ho, An tek oke, ish achi tuk oh cho? achi tok. Mihma Aisak vt, Ishit svlli yoba na, achi li hatuk oke, im achi tok.

10. Mihma Abimelek vt, Ilvppak osh nanta ho ish pi yvmihchi cho? okla hash achvfa kv chi tekchi ya yvmmak

fokalichit iba tushka hinla tuk oke; yohmi tuk ma nan-ashvchi ish pi onocha hetuk oke, achi tok.

11. Mihmt Abimelek vt im okla moma ka atokolit i mihvt, Kuna hosh hatak iluppa, keyukmt tekchi ya potolikmt, illi pullashke, achi tok.

12. Yohmi ma Aisak vt yakni yvmma a hokchi cha, afvmmi mih makinli ka inlohmi tahlepa achvfa ho ishi tok: mihma Chihowah yvt yukpali tok.

13. Mihma hatak ash osh holitopa cha, tikba mahayvt holitopa kvv i shahlit mahaya cha, holitopa fehvt taha tok.

14. Imilayak vhlpoa chipinta, micha imilayak vhlpoba hochito, micha tishu laua fehna aiena kvv im aiasha tok: mihma Filistin vhleha hvv isht i potvno tok.

15. Iki Eblaham ahanta nitak a iki in tishu vhleha hvv kvli hofobi moma ka kulli tok a Filistin vhleha hvv i kamalit lukfi a isht alotoli tok oka.

16. Mihma Abimelek vt Aisak a Ish pi filvmmashke: kullo kvv ish pi shahli fehna hokvt, im achi tok.

17. Mihma Aisak vt yvmma vttvt ia mvt, Kelaokfa ak o vhltpo ha hilechi cha, yvmmak o ahanta tok.

18. Mich a iki Eblaham vt ahanta nitak mvt, kvli hofobi oka okla kulli tok ash Aisak vt anonti kulli tok: Eblaham vt illi ha ya Filistin vhleha hvv i kamali tok oka: micha hohchifo ha iki vt hohchifo tok akinli ho ita hohchifo tok.

19. Atuk o Aisak in tishu vhleha hvv okfa ha a kulli mvt oka tobohonli kvli ho ahayuchi tok.

20. Atuk o Kela ya nan vhlpoa apistikeli vhleha hvv Aisak i nan vhlpoa apistikeli vhleha ha im afvt, Oka vt pimmi hoke, achi tok: mihma kvli hofobi yash hohchifo ha Esek achi tok; im afoa tuk ak atok.

21. Atuk o kvli hofobi inla ho okla kulli tok; atuk o yvmmak kia afoa tok: mihma hohchifo ha Sitnah achi tok.

22. Mihma yvmma vtta tuk vt kanvli cha, kvli hofobi inla ho kulli tok; mihma yvmmvno ik im afowo tok: mihma hohchifo ha Leholb h achi tok: micha, Himak ano Chihowah yvt aiasha pin chitoli hoke; yohmi ho yakni ya waya achukmt il aiasha chi hoke, achi tok.

23. Atuk osh yumma vta tuk vt iut Bee-sheba ya ona tok.

24. Atuk o mih nitak akinli ka Chihowah yvt i haiaka cha, Chiki Eblaham a in Chitokaka sia hoke: chi nukshopa na, an tishu Eblaham ak atuk pulla kak o chibafoyuka lish chi yukpalit chim ishtatiaka ya apakvchi la chi hoke, achi tok.

25. Mihma yumma alta ai ikbi cha, Chihowah hochifvt i pahaya tok; micha yummak o im vltipo ya a hilechi tok: mihma yummak o Aisak in tishu vhleha hv kvli hofobi ya a kulli tok.

26. Atuk o Abimelek, micha i kana vhleha ha achufa Ahus-sah, micha in tvshka chipota i kvpitni chito Fikol aiena kv Kela gsha tuk vt Aisak a im ona tok.

27. Mihma Aisak vt, Hvs sa nukkilli cha, hvchi flvmmi-chit hvs sa chvffichi tuk okvt, nanta katiohmi ho hvs svv vla cho? im achi tok.

28. Mihma Chihowah yvt chibafoyuka pulla ka e pisa tuk oke: mihmvt himak a anumpa kvlo vt pitin takla itonlashke, pishno, micha chishno pulla ka pitin takla itonlashke; yohmi kv chishno ya nan e chitim apesashke.

29. Yvmohmi ho nana e chi kaniohmichi tuk keyu ka, micha nana kv achukma bieka ho e chi yumihchi tuk, micha achukma ho gyashke, e chim ai ahni tuk oka, chiyuhmit chik pi hotopalo kashke: himak a Chihowah yvt yukpali chia hoke, okla achi tok.

30. Mihma Aisak vt impvchi im ikbi na, impvt nan ishkot okla aiasha tok.

31. Atuk osh onnahinli fehna ho okla wakaya cha, anum-pa kvlo itim il onochi tok: mihma Aisak vt ik ia ahni na, i flvmmi it i kana achukma hosh ilhkoli tok.

32. Atuk o mih nitak akinli ka yakohmi tok, Aisak in tishu vhleha hv kvli hofobi kulli tuk vt ant im anolit, Oka il ahayuchishke, achi tok.

33. Mihma Sheba hochifo tok: yvmohmi tok o himak nitak a vmaha holihta yvt hohchifo kv Bee-sheba moma hoke.

34. Atuk o Esau vt avvmmi pokoli ushta hosh Hittait ha-

tak Beeli ushetik Chutilh a, micha Hittait hatak Elon ushetik Bashemalh a itauwaya tok.

35. Yvmmak oka Aisak micha Lebekah vt ishit nukhak-lo beka tok.

CHAPTA XXVII.

ATUK o yakohmi tok, Aisak vt sipoknit taiyaha cha, nish kin vt illi tok; yohmi cha, pisa he keyu mvv, ushi ak ni fehna Esau ya i howa cha, Svso ma, im achi tok; mihma, Yakeh, yak hikia lishke, im achi tok.

2. Mihma, Yakeh, sa sipoknit taiyahvshke, nitak a salla he vt ithana li keyushke:

3. Yvmohmi hoka himak a chi nan ovvttvt ishtaya, chim oski naki aivlhto, micha chim ititanampo aiena ka ishi cha, kowi haiaka ya ivt issi nipi hoyot isht is svm vlashke,

4. Michā nipi champuli an champuli chatuk a chohmi ho is svm ikbi cha, isht is svm vla na vpa lashke: yohmikma ik sullo kisha kak o vmi shilombish vt chi yukpalashke, im achi tok.

5. Atuk o Aisak vt ushi Esau ya im anumpuli ma, Lebekah vt haklo tok: mihma Esau vt issi nipi hoyot isht vla chi hosh kowi haiaka ya ia tok.

6. Mihma Lebekah vt ushi Chekob a im anumpulit, Yakeh, chiki vt chitibapishi Esau ya im anumpulit,

7. Issi nipi isht vm vla cha, nipi champuli vm ikbi na ak pá, micha ik sullo kisha kak osh Chihowah itikba ya chi yukpali lashke, achi ho haklo li tuk oke,

8. Yvmohmi hoka himak a svso ma, vm anumpa nana chi miha li ka is svm antiashke.

9. Himak a nan vllpoa chipinta aiasha ka ia cha, issi kosoma ushi achukma tuklo ho ont ai ishit vm vlá; mikma chiki ya nipi champuli in champuli chatuk a chohmi ho im ikbi lashke;

10. Mikma chiki ya isht ish im ona na vpashke, micha ik illo kisha kak osh chi yukpalashke, im achi tok.

11. Mihma Chekob vt ishki Lebekah ya Yakeh, itibapi-

shi li Esau vt hatuk hishi chito yokma, vno vt hatak hishi iksho sia hoke :

12. Aki vt sa pashohli yoba hokmuno, yohmikma nahak-sichi im i chohmi la chi hoke ; yohmikma ishit kalakshi ak o isht il onochi la chi hoke, micha nan isht aiyukpa achi keyu ka chi hoke, im achi tok.

13. Mihma ishki vt, Uno ak o nan ishit chi kalakshi vt si onvtoyulashke, svso ma, peh vm anumpa hak o ish im antia cha, yvmma ont isht is svm vlashke, im achi tok.

14. Mihma ivt ont hokli cha, ishki ya isht im vla tok : mihma ishki vt nipi champuli, iki in champuli chatuk a chohmi ho ikbi tok.

15. Micha Lebekah vt ushi akni fehna Esau i nafohka holitopa yosh Lebekah vt aboha im asha tuk a ishi cha, ushi Chekob nakfish ak o fohkvchi tok :

16. Mihmut issi kosoma ushi yash hakshup a ibbak a isht ompohomo mv, micha ikunla, hishi ik ai iksho aiena ka isht ompohomo tok.

17. Mihmut nipi champuli, micha pvaka atahli tuk vt ushi Chekob a imvt ibbak fohki tok.

18. Mihma iki ya im ona cha, Aki ma, achi tok. Mihma, Yak asha lishke ; kuta chia hoh cho ? svso ma, achi tok.

19. Mihma Chekob vt iki ya, Chim vttahpi Esau sia hoke ; is sa miha tuk mak o yvmihchi lishke : chim asilhha lishke, ish wakaya cha, binilit vm issi nipi ya ish pashke, yvmohmi hosh chimi shilombish vt si yukpalashke, im achi tok.

20. Mihma Aisak vt ushi yash, Nanta katiohmi ho chekosi ish ahayuchi tuk oh cho ? svso ma, im achi tok. Mihma, Chihowah chin Chitokaka ak osh isht vm vla tuk oke, achi tok.

21. Mihma Aisak vt Chekob a, Bilika minti, chim asilhha lishke, svso ma, chi pashohli lashke, svso Esau chia fehna hokma, keyukma, nana hokma, achi tok.

22. Mihma Chekob vt iki Aisak a bilika ona tok ; mihma pashohlit pisa mv, Anumpa hvto Chekob im anumpa, amba ibbak vto Esau ibbak oke, achi tok.

23. Mihmvt ibbak vt hishi chito itibapishi Esau ibbak chohmi hatuk o ik ithano tok : yohmi mvt yukpali tok.

24. Mihmvt, Svso Esau fehna chia hoh cho? achi tok. Mihma, Mih sia hoke, achi tok.

25. Mihma, A bilika isht ish lashke, mikma svso im iss nipi ya vpa lish, vmi shilombish vt chi yukpalashke, achi tok. Mihma i bilika isht ona na vpa tok : mihmvt oka paki ya isht im ona na ishko tok.

26. Mihmvt iki Aisak vt, Inta, bilika minti, micha is a suksowashke, svso ma, im achi tok.

27. Mihma bilika ona cha, i suksowa tok : mihma i nai fohka balama ka huwa mvt, yukpalit, Yakeh, svso balama kvv osapa yo Chihowah yvt achukmali tuk a balama kak o chohmishke.

28. Yvmohmi hoka Chitokaka yvt vba fichak, micha yakni a nia, micha onush, micha oka paki aiena laua ho chimashke.

29. Okla hvv chim antiashke, micha oklushi puta kvv chim akachunolit aka hlipkaiyachashke : chitibapishi vhleha ha ish ishahlashke : mikma chishki ushi vhleha hvv chim akachunolit aka hlipkaiyachashke : kvna hosh chi kalakshichikmvt kalakshashke, mikma kvna hosh chi yukpalikmvt nayukpashke, achi tok.

30. Atuk o yakohmi tok, Aisak vt Chekob a yukpali kvv ont tahli makinli ho, atuk o Chekob vt iki Aisak itikba ya i filummit peh kohcha makinli ho, itibapishi Esau vt owvttv aya tuk vt vla tok.

31. Michu yvmmak kia nipi champuli ikbi tuk atok ; atuk osh iki ya isht im vla cha, iki yash, Aki vt ik wakaya cha, ushi im issi nipi ya ik pa, micha chimi shilombish vt sa yukpalashke, im achi tok.

32. Mihma iki Aisak vt, Kvta chia hoh cho? im achi tok. Mihma, Chim vttahpi Esau, chiso sia hoke, achi tok.

33. Mihma Aisak vt wvnihinchi kvv atampa fehna tok ; micha, Kvta hosh himak a chik lo kisha ma, issi nipi ishit isht vm vla na moma ka ai ishit apa lish, yukpali li tuk mvt to? ahli, yohmi na nayukpa hi oke, achi tok.

34. Mihma Esau vt iki im anumpa ha haklo mvt, yaiya ilbvsha atampa fehna ho yaiya tok; micha iki ya, Is sa yukpalashke, vno ak kia, aki ma, im achi tok.

35. Mihma, Chitibapishi hvv sa haksichit vla cha, nan isht chi yukpa ya ishi tuk oke, achi tok.

36. Mihma, Aivlhpiesa ho Chekob hohchifo keyu cho? ilvppvt ont atukla mak o sa haksichi hokvt: vttahpi ai isha he vlvhesa ya vm ishi tok; atuk osh himak a, yakeh, nan ishit sai yukpa ya vm ishishke, achi tok. Mihmvt, Nan ishit yukpali ya chik svm ilatombo tuk oh cho? achi tok.

37. Mihma Aisak vt afalaminchit Esau ya, Yakeh, chi shahli ikbi li tuk oke, micha itibapishi vhleha moma kvv in tishu vhleha ha chi ho ima li tuk oke; micha onush, micha oka paki yo ishit hlampkochi lishke: yohmi ka svso ma, himak a nanta ho chi katiohmichi la hinla cho? im achi tok.

38. Mihma Esau vt iki ya, Aki ma, nan isht yukpali vt chim achvfa illa cho? is sa yukpalashke, vno ak kia, aki ma, im achi tok. Mihmvt Esau vt chitoli hosh yaiya tok.

39. Mihma iki Aisak vt afalaminchit, Yakeh, ish aiahanta yvt yakni a nia, micha vba fichak vba a minti ak ahi oke.

40. Michu chi bvshpo falaia ak o ish ieshi kak osh ish ahanta cha, chitibapishi ha ish i nutaka hi oke: atukma yakohma hi oke, ish imaiyakmvt, im ikunla abana chikunla abana tuk a ish kobvffa hi oke, im achi tok.

41. Mihma nan ishit yukpali iki vt ishit yukpali tuk ak o, Esau vt Chekob a i nukkilli tok: mihmvt Esau vt chukvsh anukaka, Aki ishit yaiya nitak vt vla hosishke, yohmikma itibapishi li Chekob a vbe la hi oke, achi tok.

42. Mihma ushi akni Esau im anumpa ilvppa puta kvv Lebekah ya im annoa tok: mihma ushi nakfish Chekob a pit hoyot i howa cha, Yakeh, chitibapishi Esau vt chishno ya chiba chi ka ahni cha, ile nukthalit ahantvshke.

43. Yvmohmi hoka inta, svso ma, vm anumpa ha ish im antiaashke; micha wakayvt malelit a nakfi Laban a im onvt, Halan a ish onashke.

44. Micha nitak ik lauo hō yummak o takla ish ahanta na, chitibapishi nukhobela kv̄t nuktula ha yashke :

45. Chitibapishi nukhobela tuk vt issa cha, nana ish i kaniohmichi tuk a imahaksi ha yashke: yohmika pit chi hoyo lish, ont a chisht vla la hi oke. Nanta katiohmi hō hvchishno ak kia nitak achvfa hō itatuklot hvs san tamos hinla cho? im achi tok.

46. Mihma Lebekah vt Aisak a, Helh ushetik vhleha pulla kak o a nitak a isht an takobit tahvshke: Chekob vt ilvppakinli chohmi yakni ya ushetik vhleha, Helh ushetik vhleha hō ohoyo ai ishikma, a nitak a nanta hō isht vm achukma hinla cho? im achi tok.

CHAPTA XXVIII.

MIHMA Aisak vt Chekob a hoyo cha, yukpali mv̄t, atokolit i mihvt, Kenan okla ushetik vhleha hō ohoyo hā ish ai isha he keyu hoke.

2. Wakaya cha, Patan-alam a onvt, chishki iki Behluel in chuka ya ish onashke; micha chishki ya itibapishi Laban ushetik vhleha yummak o ohoyo hā ont ish ai isha hi oke.

3. Mikma Chitokaka Nan isht im aighli ataha iksho hv̄t chi yukpalashke; micha chi wayvchit chi apaknvchashke, yvmohmi hō okla laua chia hashke;

4. Micha Eblaham isht-aiyukpa ya chishno, micha chi aiunchololi aiena k̄a chimashke: yvmohmi hō yakni ya Chitokaka yvt Eblaham ima tok a okla inla chia hosh ish ai ahanta kv̄t ish ishashke, im achi tok.

5. Micha Aisak vt Chekob a pila tok: mihma Patan-alam a onvt, Silian hatak Behluel ushi Chekob micha Esau ya ishki Lebekah ya i nakfi Laban a im ona tok.

6. Aisak vt Chekob a yukpali cha, Patan-alam yummak o ohoyo ont ai isha ch̄i hō pila hatok, micha yukpali mv̄t, atokolit i mihvt, Kena ushetik vhleha hā ohoyo ish ai isha hē keyu, achi tuk;

7. Mihma Chekob vt iki, micha ishki ya im antia cha, Patan-alam a ia tuk a Esau vt pisa tok.

8. Micha Kenan ushetik vhleha ha iki Aisak vt vhpesa ik ahno ho Esau vt pisa mvt;

9. Yohmi mvt Esau vt Ishmael a im ona cha, Eblaham ushi Ishmael ushetik, Nebayolh in tek Mahalalh a tekchi ya chi ho tekchi im ashwa kash ibafohkit ishi tok.

10. Mihma Chekob vt Bee-sheba ya akohchvt Halan pilla ho ia tok.

11. Atuk osh yakni kaniohmi ho ona cha, hvshi vt okatula hatuk o, itonla na onna tok: micha tvi ya yvmma ai ishi cha, vhpisha chi hosh bohli mvt, yvmak o tushkit nusi tok.

12. Atuk osh holhpokna tok, mihma yakeh, atuya yvt yakni ya o hikia mvt, paknaka yvt shutik a ont bikeli tok: mihma yakeh, Chitokaka im enchel vhleha hv ai atuhuyvt, micha ai akohowa tok.

13. Mihma yakeh, Chihowah yvt paknaka ya hikia cha, Chiki Eblaham in Chitokaka Chihowah sia hoke, micha Aisak in Chitokaka sia hoke: yakni ish ai on itoyula ka chishno, micha chim ishtatiaka ya ima la hi oke.

14. Mikma chim ishtatiaka yvt yakni lukfi pushi ak o choyuhma hi oke; micha fimimpa cha, hvshi ai okatula, micha hvshi akochaka, micha falvmmi, micha oka mahli aiena ka pit ish pataiya chi hoke: mikma chishno, micha chim ishtatiaka pulla kak o chuka achvfa puta moma yakni paknaka aiasha kv ai yukpa hi oke.

15. Micha yakeh, chibafoyuka lishke, micha kanima moma ish onakma, chi halvli la chi hoke, atuk osh anonti yakni ilvppa chisht vla la hi oke: anumpuli li tuk vt ak yvm-ihcho kisha kvt chissa la he keyu hokvt, achi tok.

16. Mihma Chekob vt nusi tuk vt okcha tok; mihmvt, Chihowah yvt ilvppa anta pulla ho ak ithano ke tushke, achi tok.

17. Micha nukahopa tok; mihmvt, Ilvppvt yakni holitopa hatushke; ilvppvt inla keyu, amba Chitokaka in chuka, micha ilvppvt vba yakni holihta okhissa yoke, achi tok.

18. Atuk osh onnahinli fehna ho Chekob vt wakaya cha, tvli vlpishi bohli kash ishi cha, nan-isht-ithana he a hilechi mvt, paknaka ya bila on hlatvbli tok.

19. Mihma vt yakni yvmma Behlel hochifo tok: yohmi kia vmmoma ka tmaha holihta yvmma hohchifo kut Lus atok.

20. Mihma Chekob vt anumpa il onochit, Chitokaka yvt svbafoyukvt iluppa pilla ia li ka sa halvlli cha, vpa la chi ka puska, micha fohka la chi ka nafohka vma,

21. Yvmohmi ho achukmakvt aki in chuka ya anonti va li hokma, yohmikma Chihowah ak osh an Chitokaka yashke.

22. Mikma tvli iluppa nan isht-ithana mak o hilechi li tuk vt Chitokaka in chuka ya hi oke: micha nana is soma moma ishit pokoli ka chima li pulla hi oke, achi tok.

CHAPTA XXIX.

YUMOHMI mvt Chekob vt nowvt aya tuk vt ia tok; atuk osh hvshi akochaka okla i yakni ya ona tok.

2. Atuk osh hopokoyo ma, yakeh, osapa ya kvli hofobi vt hikia na yakeh, chukvlpvpoa aya tuchina kut bilika kahvt aiasha tok: kvli hofobi yvmmak o nan vlpvpoa chipinta ya oka ai ipeta chatuk oka: mihma tvli chito yesh kvli hofobi paknaka ya onvtoyula tok.

3. Michu yvmmak o nanvlpvpoa moma ka ai itvnahli chatuk atok: mikmvt kvli hofobi paknaka ya tvli chito vt onvtonla kash tonolichit kanvllichi cha chukvlpvpoa ya oka ipe-ta mvt, anonti tvli yash ai itola kvli hofobi paknaka ya onochi chatuk atok.

4. Atuk o Chekob vt, Itibapishi li vhleha ma, katima hvsh minti cho? im achi tok. Mihma Halan minti pia hoke, achi tok.

5. Mihma, Naho ushi Laban a hvsh ithana cho? im achi tok. Mihma, Il ithanvshke, achi tok.

6. Mihma Chekob vt, Im achukmaka cho? im achi tok.

Mihma, Im achukmakvshke; atuk o yakeh, ushetik Lechel vt chukfulhpoa pehlichit mintishke, achi tok.

7. Mihma Chekob vt, Yakeh, hvshi vt chaha moma, micha nanvlhpoa yvt itahoba he ai ona keyushke: chukfulhpoa ya oka hvsh ipeta cha, pehlichit ont hvsh impvchashke, achi tok.

8. Mihma, Nanvlhpoa chipinta moma kvv itahobvt taha na kvli hofobi paknaka ya tvli vt itonla ka tonolichit ik kanvllichio kisha ka e yvmihcha he keyu hoke; yohmikmak o chukfulhpoa ya oka il ipeta chatuk oke, achi tok.

9. Atuk o im anumpulit isht anta moma ho, Lechel vt iki in chukfulhpoa pehliehit vla tok: yummak osh pehliechi yatuk okvt.

10. Atuk o yakohmi tok, Chekob vt ishki i nakfi Laban ushetik Lechel a, micha ishki i nakfi Laban in chukfulhpoa aiena ka pisa mvt, Chekob vt bilika onvt, kvli hofobi paknaka ya tvli vt onvtonla kash tonolichit kanvllichit ishki i nakfi Laban i nanvlhpoa chipinta ya oka ipeta tok.

11. Micha Chekob vt Lechel a i suksowa mvt, chitoli hosh yaiya tok.

12. Micha Chekob vt Lechel a iki ya itibapishi, micha Lebekah ya ushi yatuk vt im anoli tok; mihma Lechel vt malelit ivt iki ya ont im anoli tok.

13. Atuk o yakohmi tok, Laban vt in tek ushi Chekob a anoli ka haklo mvt, malelit ivt afama cha, shakba ont afohomi mvt, i suksowa cha, in chuka isht ona tok. Mihma na ilappa puta ka Laban a im anoli tok.

14. Mihma Laban vt, Sa foni, micha sa nipi chia pullvshke im achi tok: mihma hvshi achvfa ho Chekob vt takla ahanta tok.

15. Mihma Laban vt Chekob a, Svtibapishi chia hatuk ak osh peh pillu ho is san toksvla hetuk oh cho? chim vltoba kvv nanta chi cho? vm anoli, im achi tok.

16. Mihma Laban vt ushetik tuklo hosh im gshwa tok: akni hohchifo kvv Leah yokma, nakfish hohchifo kvv Lechel atok.

17. Leah vt nishkin okwilonli yokma, Lechel vto aiokli, micha nipi pisa achukma tok.

18. Mihma Chekob vt Lechel ak o anushkunna tok; mihmvt, Chiso tek nakfish Lechel ak o afvmmi untuklo hq chin toksvli lashke, achi tok.

19. Mihma Laban vt, Chishno ak o chima li kak osh achukma kvv hatak inla ima la hetuk a i shahlishke: sa takla ish ahantashke, achi tok.

20. Mihma Chekob vt Lechel ak atuk pulla mak o, afvmmi untuklo hq toksvli tok: mihmvt anushkunna fehna hatuk osh peh nitak kanomosi in chohmi tok.

21. Mihmvt Chekob vt Laban a, Sa tekchi ya vma, (nitak a holhtina tuk vt taha hoka,) yohmi na iba chukowa lashke, im achi tok.

22. Mihma Laban vt chuka alokoli yvmma hatak vhleha moma ka hoyot itvnahli cha, impvchi ikbi tok.

23. Atuk osh yakohmi tok, opivt taha ma, ushetik Leah ak o ilauehit isht im ona tok: mihma iba chukowa tok.

24. Mihma Laban vt ushetik Leah in tishu ha chi hq in tishu ohoyo Silpah ya ima tok.

25. Atuk o yakohmi tok onnahnli ma, yakeh, Leah ak atuk atok: mihma Laban a, Nanta mak o ilvppa is si yvmihchi cho? Lechel ak achi hq chiba toksvli li tuk keyu cho? yvmohmi hokak o nanta katiohmi hq is sa haksichi cho? im achi tok.

26. Mihma Laban vt, Nakfish ak o akni ha tikba hatak i bohli kvv pi yakni ya a yvmohma he vlvhesa keyu hoke.

27. Leah i nitak untuklo ka'ish onachashke: mikma afvmmi untuklo inla ka is san toksvli chi kak o ilvppak kia e chimashke, achi tok.

28. Mihma Chekob vt yvmohmi cha, i nitak untuklo ka onachi tok: mihma tekchi yachi hq ushetik Lechel ak kia ima tok.

29. Micha Laban vt ushetik Lechel a in tishu ha chi hq in tishu ohoyo Bilhah ya ima tok.

30. Mihma Lechel ak kia iba chukowa tok; micha Le-

chel a i hullo kv̄t Leah ya i shahlich̄i tok; mihmvt afummi untuklo inla hō iba toksvli tok.

31. Atuk o Leah ano ik ahnincho hō Chihowah yvt pisa mvt, im oshv̄tto ya i wakummichechi tok: amba Lechel vto vlla ik im iksho atok.

32. Mihma Leah vt chakali tok; atuk osh vlla nakni yō eshi cha, Luben hochifo tok: Sulvsha k̄a Chihowah yvt sa pisa tuk pullvshke; himak ano a hatak vt a hulla chishke, achi tuk okvt.

33. Atuk osh anonti chakali cha, vlla nakni yō eshi mvt, Ik si'ahnincho k̄a Chihowah yvt haklo tuk; atuk osh vlla nakni ilvppak kia vmvshke, achi tok: mihmvt Simeon hochifo tok.

34. Atuk osh anonti chakali cha, vlla nakni yō eshi mvt, Himak ano a hatak vt si asitia ch̄i hoke, vlla nakni tuchina hō im eshi li tuk oka; yvmohmi hatuk osh Lefai hochifo tok.

35. Atuk osh anonti chakali cha, vlla nakni yō eshi tok: mihmvt, Himak a Chihowah ya aiokpv̄chi lashke: yvmohmi hatuk osh Chutah hochifo tok; mihmvt vlla eshit issa tok.

CHAPTA XXX.

ATUK o Lechel vt Chekob a vlla ik im esho kv̄t pisa mvt, Lechel vt akni hash i potv̄nno tok; micha Chekob a, Vlla vmá, keyukma svlla ch̄i hoke, im achi tok.

2. Mihma Chekob vt Lechel a i sanalit isht im ai i nuk-killi vt libbit, Chitokaka vltobvt hikia li cho? yvmmak osh chim oshv̄tto atoba ka ch̄i katv̄bli tuk oke, achi tok.

3. Mihma, Yakeh, an tishu ohoyo Bilhah ya ish iba chukowashke; yohmi na vlla vm eshit saiyikalaha paknaka ya bohlashke: yohmi na vno ak kia yvmmak a tuk ak o vlla yvt vm ashashke, achi tok.

4. Mihmvt tekchi ya ch̄i hō in tishu ohoyo Bilhah ya ima tok: mihma Chekob vt iba chukowa tok.

5. Atuk o Bilhah hv̄t chakali cha, Chekob a vlla nakni yō im eshi tok.

6. Mihma Lechel vt, Chitokaka yvt si apehpovshke, mi-cha vm anumpa ha haklo cha, vlla nakni yo vmvshke, achi tok: yvmohmi hatuk osh Tan hochifo tok.

7. Atuk osh Lechel in tishu ohoyo Bilhah hvt anont chakali cha, atukla ma Chekob a vlla nakni yo im eshi tok.

8. Mihma Lechel vt, Umoni ya iti kullo fehvvt iti kullo li hosh imaiya lishke achi tok: mihmvt Naftali hochifo tok.

9. Atuk o Leah vt vlla eshit issa tuk vt pisa mvt, in tishu ohoyo Silpah ya ishi cha, tekchi ya chi ho Chekob a ima tok.

10. Atuk o Leah in tishu ohoyo Silpah vt Chekob a vlla nakni yo im eshi tok.

11. Mihma Leah vt, Laua hosh mintishke, achi tok: mihmvt hohchifo ha Kat achi tok.

12. Atuk o Leah in tishu ohoyo Silpah vt Chekob a atukla ma vlla nakni yo im eshi tok.

13. Mihma Leah vt Sai yukpvshke, ohoyo vhleha hvt nayukpa si acha chi hoke: achi tok, mihmvt hohchifo ha Ashe achi tok.

14. Atuk o onush vmo nitak o Luben vt osapa ya ia tuk osh okchak holba ahayuchi cha, ishki Leah ya isht im ona tok. Mihma Lechel vt Leah ya, Chiso im okchak holba kaniohmi ka is svmashke, chim asilhha lishke, im achi tok.

15. Mihma, A hatak a is svm ishi ka nan ik ahobo cho! yohmi mvt svso im okchak holba ak kia ish isha chi cho! im achi tok. Mihma Lechel vt, Yvmohmi hoka chiso im okchak holba atuk mak o himak ninak a chiba nusashke, achi tok.

16. Atuk o Chekob vt opia ma osapa vttvt minti ma, Leah hvt kohchvt ivt afama cha, Is srba nusashke: svso im okchak holba ishit chi tohno li tuk vt ghli hoka, achi tok. Atuk o mih ninak ma iba nusi tok.

17. Atuk o Chitokaka yvt Leah ya i haponaklo na chakali cha, vlla nakni ishit tahlapi ka Chekob a im eshi tok.

18. Mihmvt Leah vt, Um vlhtoba ya Chitokaka yvt vmvshke, an tishu ohoyo yash a hatak a ima li tuk oka, achi tok: mihmvt hohchifo ha Issaka achi tok.

19. Atuk osh Leah vt anonti chakali cha vlla nakni ishit hannali ka Chekob a im eshi tok.

20. Micha Leah vt, Nahvlbina achukma ho Chitokaka yvt sa habenvchishke; himak ano a hatak vt sa takla ahanta chi hoke, vlla nakni hannali ho im eshi li hoka, achi tok: mihmvt hohchifo ha Sebulun achi tok.

21. Atuk osh i himmakma ushetik o eshi cha, hohchifo ha Tinah achi tok.

22. Mihma Chitokaka yvt Lechel a anukfilli cha i haponakto mvt, im oshvttto ya i wakvmmichechi tok.

23. Mihma chakali cha, vlla nakni yo eshi tok; micha, Chitokaka yvt nan ishit sa hofahya ya ishit a kanchishke, achi tok.

24. Micha hohchifo ha Chosef achi tok: mihmvt, Chihowah yvt vlla nakni inla ya vm ibafohka chi hoke, achi tok.

25. Atuk o yakohmi tok, Lechel vt Chosef a eshi ma, Chekob vt Laban a, Ik ia is svm ahni na aivtta li, micha a yakni ya ona lashke.

26. Sa tekchi vhleha, micha vm vlla vhleha yvmmak oka chin toksvli li tuk a is svm na ia lashke; natoksvli chim atahli li tuk a ish ithana hokvt, im achi tok.

27. Mihma Laban vt, Holhponayo hanta ya chi tikba ai ahayuchi li tuk okma, ish antashke, chim asilhha lishke: chishno ak atuk pulla kak o Chihowah yvt sai yukpali hoka, akostininchi lishke, im achi tok.

28. Micha, Chim vltoba ya is svm apesashke, mikma chima lashke, achi tok.

29. Mihma Chekob vt, Kaniohmit chin toksahanli li tuk, micha chi nanvlhpoa vt kaniohmit si apehvt aiasha tuk a ish ithanvshke.

30. Ak lo kisha kano kanomosi hosh chim aiasha tuk osh himak ano wayvt apakvnt taha hoka: mihma Chihowah yvt va li tuk takla ka chi yukpalishke: yohmi ka himak a katiohmik mak o an chuka achvfa yak kia nan im atahlit ahanta la chi cho? im achi tok.

31. Mihma Laban vt, Nanta ho chima la chi cho? achi tok. Mihma Chekob vt, Nana is svm he keyu: ilvppak o

is sa yvmihchikma, anonti chi nanvlhpoa chipinta ya pehliechit impvchi lashke.

32. Himak nitak a chi nanvlhpoa chipinta moma ka iba chukowvt, ahlopullit chikchiki moma, micha bakowa moma ka ila filvmmichit, micha lusbi moma chukfulhpoa ya ibalhto ka, micha chikchiki, micha bakowa issi kosoma ibalhto ka ila filvmmichi lashke: mikma yumma chohmi kak osh vm vltoba yashke.

33. Yohmi ho nitak inla minti ka asitubi li tuk vt hoyo likmvt, aivlhpiesa ho yvmihchi li tuk vt chi tikba si ai atokolashke: chikchiki, micha bakowa keyu yosh issi kosoma ya ibafoka, micha lusbi keyu yosh chukfulhpoa ya ibafkak mvt, moyuma kut hukopa li tuk osh vm anta vlpisashke, achi tok.

34. Mihma Laban vt, yakeh, chim anumpa hatuk mak o yvmohmik bano ahni lishke, achi tok.

35. Mihmvt nitak yummak inli ka issi kosoma nakni tohbit afohoma, micha bakowa, micha issi kosoma tek chikchiki, micha bakowa, moma micha tohbi kaniohmi kut laponli, moma micha lusbi yosh chukfulhpoa ya ibafoka moma ka ila filvmmichit ushi vhleha ha ibbak fohki tok.

36. Micha ilap, micha Chekob itatuklo ka iti filvmmichit nitak tuchina anowa yo ashachi tok: mihma Laban i nanvlhpoa inla ka Chekob vt pehliechit impvchi tok.

37. Micha Chekob vt sipi okchaki, micha hasel, micha oti vpi tvptua aiena ka ishi cha hlohli bvsolichit tohbichi cha, iti tvptua atohbi kash haiakvchi tok.

38. Micha nanvlhpoa chipinta yvt ushi shala chi ho iti tvptua hlohli kash osh nan vlhpoa chipinta yvt ishka chi hosh vlak ma itikba oka a yanvlli, micha oka ai ipeta peni ya a hiohlichit tok.

39. Atuk o nanvlhpoa chipinta yvt iti tvptua yash itikba ya ushi a shali beka tok; micha tohbit afohoma, chikchiki micha bakowa aiena ka cheli tok.

40. Mihma Chekob vt chukfulhpoa ushi yash ila filvmmichi mvt, nanvlhpoa chipinta nashuka ya Laban i nanvlhpoa chipinta yash tohbit afohoma, micha lusbi moma aiena

ka pit apissvlechi beka tok; mihmvt ilap i nanvlhpoa chipinta ya ila ashachi cha, Laban i nanvlhpoa chipinta yano ik ibafohko tok.

41. Atuk o yakohmi tok, nanvlhpoa kullo i shahli vt ushi shalikma no Chekob vt iti tvptua ai itin takla ya ushi shala chi ho nanvlhpoa nishkin itikba oka ayanvlli ya iti tvptua yash ashachi tok.

42. Amba nanvlhpoa hliposhikmuno, ik ashacho beka tok: yvmohmi ho hliposhi ak osh Laban immi hokma, kullo i shahli yak osh Chekob immi hatok.

43. Micha hatak ash osh i shahlit mghaya fehna cha, nanvlhpoa, micha ohoyo tishu, micha hatak tishu, micha kamel, micha issuba haksobish falaia puta aiena kv in laua fehna hatok.

CHAPTA XXXI.

ATUK osh Laban ushi vhleha hvt anumpulit, Chekob vt piki nana immi hatuk a ishit tablishke; micha, piki immi hatuk a nan-isht-holitopa ilvppa moma ai ishishke, achi na haklo tok.

2. Atuk' osh Chekob vt Laban nashuka ya pisa ma, yakeh, tikba chatuk a in chohmi keyu tok.

3. Mihma Chihowah yvt Chekob a, Falamvt chiki vhleha i yakni onvt, micha chi kanomi vhleha ish im onashke; mikma chibafoyuka lashke, im achi tok.

4. Mihma Chekob vt Lechel, micha Leah ya hoyot i nanvlhpoa aiasha yakni haiaka ya isht ona cha,

5. Hvch iki nashuka yvt tikba chatuk vt an chohmi keyu ka pisa lishke: yohmi kia aki in Chitokaka yvt svbafoyuka hoke.

6. Micha nan isht aighlika vm aiokluha hosh hvch iki ya in toksvli li tuk a hvsh ithanvshke.

7. Mihma hvch iki vt sa haksichi cha, nan isht vm vlhtoba ya pokoli ha vm inlvchi tuk oke: yohmi kia Chitokaka yvt ik hotopali, ik ahno tuk oke.

8. Yakohmikma, Chikchiki ak osh ishit chim vlhtobash-

ke, achi tuk ma, yohmikma nanvlhpoa moma kvt chikchiki yq cheli chatuk : mihma, Tohbit afohoma ak osh isht chim vlhtobashke, achi tuk ma, yohmikma nanvlhpoa moma kvt tohbit afohoma hq cheli chatuk oke.

9. Yakohmichi hosh Chitokaka yvt hvch iki i nanvlhpoa ya im ishi cha, vma tuk oke.

10. Atuk o yakohmi tok, nanvlhpoa yvt ushi shali nitak a sa holhpokna cha, hopokoyot pisa li ma, yakeh, nakni vt nanvlhpoa ya oiya kvt tohbit afohoma, chikchiki, micha bakowa aiena tok.

11. Mihma Chitokaka im enchel vt, sa holhpokna hq vm anumpulit, Chekob ma, vm achi tok: mihma, Yak itonla lishke, achi li tok.

12. Mihma, Akachakali cha pisá, nakni moma kvt nanvlhpoa ya oiya kvt tohbit afohoma, chikchiki, micha bakowa aiena hoke: Laban vt nana moma chi kaniohmichi ka pisa li tuk oka.

13. Behlel yvmma nan isht-ithana tvi ya nan ish ahvmmi tok, micha yvmma anumpa kullo is svm il ai onochi tok a in Chitokaka sia hoke: yvmohmi hoka himak a wakaya cha, yakni ilvppa ish kohchashke, micha falamvt chi kanomi i yakni ya ish onashke, vm achi tuk oke, im achi tok.

14. Mihma Lechel, micha Leah vt afalaminchit, Piki in chuka achvfa ya akashapa, keyukmvt il ai isha he vlhpesa yvt asha moma cho?

15. Okla inla yak o yvmmvt pit apesa keyu cho? pi kanchi tok osh pin tvi holisso ak kia tahli tuk oka.

16. Imilayak moma Chitokaka yvt piki ya im ishi tuk vt pimmi, micha pim vlla vhleha aiena kak o immi hoka: yvmohmi hoka himak a Chitokaka yvt nana hq chi mihakma, ish yvmihchashke, im achit okla tok.

17. Yohmi ma Chekob vt wakaya mvt, ushi vhleha, micha tekchi vhleha aiena ka kamel a om binohlichit tok.

18. Mihmvt iki Aisak aivtta Kenan yakni ya ia chi hosh nanvlhpoa moma, micha vlhpoyak ahayuchi tuk vt moma, Patan-alam a nanvlhpoa ya ai ahayuchi tuk vt isht ia tok.

19. Mihma Laban vt in chukfvlhpoa hishi vmot ia tuk

atok: mihma Lechel vt iki i naholbvt toba ya i hukopa tok atok.

20. Atuk o Chekob vt kvnia mut, ik im anolo hatuk osh Silian hatak Laban g haksichi tok.

21. Yohmi hosh nana moma im gsha tuk vt ishi cha kvnia tok: micha wakaya cha okhina ya tanvblit, nvni Kileat pilla hq nashuka ya pit talali tok.

22. Atuk o nitak ont atuchina kak o Chekob vt kvnia tuk g Laban g im anoli tok.

23. Mihma Laban vt itibapishi vhleha pehlichy cha, hliolit, nitak untuklo anowa yo ona tok; micha nvni Kileat ak o ont a sakki tok.

24. Atuk o Silian hatak Laban vt ninak ma holhpokna na Chitokaka yvt im vlv, Ahah, ish ahni cha, Chekob g achukma hokma, okpulo hokma nana kia chik im anumpulo kashke, im achi tok.

25. Yohmi ma Laban vt Chekob g sakki tok. Yohmi ma Chekob vt nvni ak o im vltipo ya a hilechi tok: atuk o Laban vt itibapishi vhleha aiena kv Kileat nvni ak o a binachi tok.

26. Atuk osh Laban vt Chekob g, Nanta mak o ish yvmihchi cho? is sa haksichi cha, bvshpo falaia ishit yukachi tuk chohmichit svstek vhleha hq pehlichit ish kvnia tuk oke.

27. Nanta katiahmi hq lumvt malelit is sa haksichi cha chik sv anolo na nayukpa, micha ilhtlvak, micha vhlepa, micha hap aiena olahanchi hosh ik ia ak chim ahno tuk oh cho?

28. Michasvo vhleha, micha svstek vhleha aiena ka ik i svksowa, chik sv ahno tuk oh cho? himak g im anukfila iksho chohmit ish yvmihchi tuk oke.

29. Chi hotopali la hi vt svbbak g foyuka hoke: yohmi kia chiki ya in Chitokaka yvt pilashash ninak g sv anumpulit, Ahah, ish ahni cha achukma hokma, okpulo hokma nana kia Chekob g chik im anumpulo kashke, sv achi tuk oke.

30. Atuk o himak g ia hosh ish gyvshke, chiki in chuka

ya ish i palata fehna hokvt: yohmi kia nanta katiohmi ho a naholbvt toba ya is sa hukopa tuk oh cho? im achi tok.

31. Mihma Chekob vt afalaminchit Laban a, Sa nuksho-pa hatuk oke: Chisotek vhleha ha afvt is svm isha hila yoba ka, achi li tuk oke.

32. Yvmohmi hoka kvna hosh chi naholbvt toba ya ishi ka ish ahayuchikma, yvmvt ik okchayo kashke: piti-bapishi vhleha itikba nana hosh chimmi hosh svbafoyuka tukma, ish ithana cha, ish ishashke im achi tok: Lechel vt hukopa tuk a Chekob vt ik ithano tuk okvt.

33. Mihma Laban vt Chekob im vlhtipo ya ont chukowa mvt, Leah im vlhtipo ma ont chukowa cha, tishu ohoyo tuklo im vlhtipo ya ont chukowa tok: yohmi kia ik ahayu-cho tok. Yohmi mvt Leah im vlhtipo ya a kohcha mvt, Lechel im vlhtipo ya ont chukowa tok.

34. Yohmi ka naholbvt toba ya Lechel ak osh ishi tuk osh kamel i nachukushpa ibafohki cha, om binili tuk atok. Mihma Laban vt vlhtipo ya a mominchit hoyo kia, ik ahayu-cho tok.

35. Mihma Lechel vt iki ya, chi tikba ya ak wakayo ka a shahli hvt ik nuklibisho kashke; ohoyo nana im akaniohmi vt si onvtonla hoka, im achi tok. Mihma hoyo kia naholbvt toba ya ik ahayucho tok.

36. Mihma Chekob vt nukhobela cha, Laban a itachowa tok: micha Chekob vt afalaminchit Laban a, Nanta ho vbanvbli li tuk oh cho? micha nanashvchi li vt nanta hatuk o achunanchit is sa hlioli kvv chi yvmohmi tuk oh cho?

37. A nachukushpa ya moma ish a hoyo hokvt nana achvfa nanta ho chin chuka achvfa nachukushpa yatuk a ish ahayuchi cho? svtibapishi vhleha, micha chitibapishi vhleha aiena itikba ilvppa talali, yohmi na pim itin takla ya nana a pim apesashke.

38. Afvmmi pokoli tuklo ilvppa chi takla ahanta li cha-tuk; chin chukfulhpoa tek, micha chim issi kosoma tek aiena kvv ushi im akvma chatuk keyu; micha chi nanvlhpoa ya ai ishit chukfulhpoa nakni ya vpa li chatuk keyu hoke.

39. Nampoa okpulo yosh vbi tuk a ishit chim ona li chatuk keyu; vno ak osh a kvnia chatuk; nitak o hukopa tuk okmá, keyukmvt ninak o hukopa tuk okmá nana kia subbak ak o is sa hoyo chatuk oke.

40. Si yakohmi chatuk oke; nitak ma lvshpa, micha ninak ma hotonti hosh sa tahli chatuk oke; mihma nusi hvt sa nishkin a i filvmmi chatuk oke.

41. Yakohmi hosh afvmmi pokoli tuklo ho chin chuka ahanta li tuk oke: chisotek tuklo ka afvmmi auah ushta ho chin toksvli li tuk oke, micha chi nanvlhpoa ya afvmmi hannali ho chin toksvli li tuk oke: micha nan isht vm vlh-toba ya pokoli ha is svm invchi tuk oke.

42. Aki in Chitokaka, Eblaham in Chitokaka, micha Aisak vt i nukshopa vt svbafoyuka hatuk keyukma, nana iksho ho is sa chevffichi pulla hetuk oke. Chitokaka yvt a sulbvsha, micha subbak toksahanli ka pisa tuk osh pilashash ninak ma na chi miha tuk oke, im achi tok.

43. Mihma Laban vt afalaminchit Chekob a, ushetik ilvppvt svvotek vhleha hoke, mikma vlla vhleha ilvppvt vm vlla vhleha hoke, micha nanvlhpoa ilvppvt a nanvlhpoa yoke, micha nana ish pisa moma kvv vmmi hoke; yohmi ka himak nitak a svvotek vhleha ilvppa, micha eshi tok vlla vhleha ha nanta ho katiohmichi la hinla cho?

44. Yvmohmi hoka himak a inta, vno, micha chishno il ita tuklo kvv nan il itim apesashke: mikma nan atokoli yosh pim itin takla ya hikiashke, im achi tok.

45. Mihma Chekob vt tvli ishi cha, nan-isht-ithana ikbit hilechi tok.

46. Mihmvt Chekob vt itibapishi vhleha ha, Tvli .oh aiowá, im achi tok; mihma tvli aiowa cha, itvnahli tok: mihmvt itvnaha ya paknaka okla ai impa tok.

47. Mihma Laban vt, Cheka-sahatuhla hochifo ma, amba Chekob vt Kaleet hochifo tok.

48. Mihma Laban vt, Itvnaha ilvppvt himak nitak a vno micha chishno nan atokoli yosh pim itin takla ya hikia hoke, achi tok. Yvmohmi hatuk o hochifo ha Kaleet; achi tok.

49. Micha Mispah achi tok: Il itifilummit il ayakma, Chihowah yvt pim itin takla ya a pi apesahanchashke.

50. Susotek vhleha ha ish ilboshalikma, keyukmvt susotek vhleha ha aieninchit ohoyo inla ho ish ishikma, hatak nana hosh piba fokvt pi pisa keyushke: Chitokaka ak osh vno, micha chishno, pim itin takla ya pim atokoli yosh hikia hoke, achi hatuk okvt.

51. Micha Laban vt Chekob a, Yakeh, itvnaha ilvppa, micha yakeh, nan isht-ithana ilvppa vno, micha chishno pim itintakla ya hilechi lishke.

52. Itvnaha ilvppvt, micha nan isht-ithana ilvppvt nan okpulo aiahnit, itvnahahchi ilvppa ant ivt ak chim ono ka he, mikma itvnahahchi ilvppa, micha nan isht-ithana ilvppa ant ivt chik svm ono ka he atokoli yashke.

53. Eblaham in Chitokaka, micha Naho in Chitokaka, iki ya in Chitokaka yak osh pim itin takla ya nana ai apesashke, im achi tok. Mihma Chekob vt iki Aisak vt I nukshopa ak o hochifot anumpa kullo il onochi tok.

54. Yohmi mvt Chekob vt i nanvlhpoa ya ai ishit nvnih hash ai vbi cha, pvka vpa chi ho itibapishi vhleha ha hoyo tok: mihma pvka okla vpa cha, nvnih ha asha na onna tok.

55. Atuk o onna kvv onnahnli fehna ho Laban vt waka-ya cha, ushi vhleha, micha ushetik vhleha ha i suksowa mvt, anumpa yukpali onochi tok: micha Laban vt falamvt ivt aivtta ya ona tok.

CHAPTA XXXII.

MIHMA Chekob vt aya tok; atuk o Chitokaka im en-chel vhleha hvv afama tok.

2. Atuk o Chekob vt pisa mvt, Ilvppvt Chitokaka im vlbina hoke achi tok: micha yakni yvmma hochifo ha Mahanaim achi tok.

3. Mihmvt Chekob vt anumpa shali tikba tihlelit, Sei yakni, Etom apelihika, itibapishi Esau aiasa ya pit im pila tok.

4. Micha i miha mvt, Yakohmichi hosh a shahli Esau ya hvsh im anumpulashke; Chin tishu Chekob vt yak achishke, Nowvt aya yosh Laban ak o takla ahanta li chatuk, micha yvmmak o ahanta li himak a hoke:

5. Micha wak, micha issuba haksobish falaia, micha nanvlhpoa chipinta, micha hatak tishu vhleha, micha ohoyo tishu vhleha aiena ka pehliechi lishke: atuk osh a shahli ha pit im anolit, holhponayo hanta ya chi tikba ai ahayuchi la chi hosh pit chi pila lishke, achishke, hvsh im achashke, achi tok.

6. Atuk o anumpa shali ash osh falamvt, Chekob a im vla mvt, Ish itibapishi Esau ya il im ona tuk oke; mihma chi afamvt minti akinlishke, mihma hatak tahlepa ushta hosh apiha hoke, achi tok.

7. Mihma Chekob vt nukshopa cha komota fehna tok: mihmvt okla apehut aya tuk a, micha nanvlhpoa chipinta, micha nanvlhpoa hochito, micha kamel puta aiena ka ita kvshkolit aya tuklochi tok.

8. Micha Esau vt aya achvfa ka ant afama cha, issot kanchikma, yohmikma aya achvfa kuto yihlepvt hlakoffashke, achi tok.

9. Mihmvt Chekob vt, Aki Eblaham a in Chitokaka, micha aki Aisak a in Chitokaka, Chihowah, Falamvt chi yakni, micha chi kanomi ya ish im onashke, mikma achukma ho chi yvmihchi lashke, is svm ahanchi tuk chia ma,

10. Nan isht ish i nukhaklo moma ik lauwo ka, micha chim anumpa ahli moma chin tishu ha ish pisachi chatuk a si ahalaia he vlhpesa keyushke: an tobi ya ieshi hosh Chatan ilvppa hlopulli li tok osh, himak ano aya tuklo toba li hokvt.

11. Itibapishi li ibbak, Esau ibbak a im ai ishit is sa hlakofichashke, chim asilhha lishke, i sa nukshopa hoka: vlvut issot sa kanchikmvt, ishki, micha vlla vhleha ma issot kanchi yoba na.

12. Achukma ho chi yvmihchi li pulla chi hoke; micha chim ishtatiaka ya lana kvv holhtina he keyu, shinuk okhvta aiasha kak o choyuhmichi la hi oke, ish achi tuk oke, achi tok.

13. Micha mih ninak ma yummak inli anta tok; micha itibapishi Esau ya habenvcha chi kvt nana hosh ibbak ant fohkakmut, ishi tok.

14. Issi kosoma tek tahlepa tuklo, micha issi kosoma nakni pokoli tuklo, chukfulhpoa tek tahlepa tuklo, micha chukfulhpoa nakni pokoli tuklo,

15. Kamel i bishahchi pokoli tuchina, ushi aiena, wak tek pokoli ushta, micha wak nakni pokoli, issuba hak-sobish falaia tek pokoli tuklo, micha ushi pokoli aiena hatok.

16. Micha ilap aya achvfa aiyyukali ho in tishu vhleha ibbak fohki tok: micha in tishu vhleha ha, Sa tikba hvsh tanvbli cha, aya achvfa aiyyukali kvt iti mishemanchi hosh hvsh ayashke, im achi tok.

17. Micha tikba fehna aya ka, Itibapishi li Esau vt afama cha chi ponaklot, Kvta immi chia hoh cho? micha katima ish ia cho? micha chi tikba aya iluppvt kvta immi hoh cho? achikma:

18. Yohmikma, Chin tishu Chekob a immi hoke: nahvlbina yo a shahli Esau ya et i pila tuk: atuk o yakeh, olbul minti akinli hoke, ish achashke, achit i miha tok.

19. Micha yvmihchi hosh atukla, micha atuchina, micha aya kaniohmi hosh pit iakaiya moma ka i mihvt, Yakohmichi hosh Esau ya hvsh pisakmut, hvsh im anumpulashke, ahanchi tok.

20. Micha achakalinchit, Yakeh, chin tishu Chekob vt olbul minti akinlishke, hvsh achashke, achi tok. Nahvlbina sa tikba ia kak o ishit nuktalali lashke; yohmi ha yosh nashuka ya pisa lashke: a kanvt vm aiokpvcha hinla yoba ka, achi hatuk okvt.

21. Yohmi ma nahvlbina yvt tikba ia tok; mihma ilap vto mih ninak a abinanchi ya anta tok.

22. Atuk osh mih ninak a wakaya mut, tekchi tuklo, micha in tishu ohoyo tuklo, micha ushi auah achvfa aiena ka ishi cha, Chabbok okhina kohcha ya pit hlopulli tok.

23. Mihmut ishi cha, okhina yash pit hlopullichi mut, moma ishi tuk vt pit hlopullichi tok.

24. Micha ilap bano hosh anta tok; atuk o hatak osh ont itijishi na onnvt minti tok.

25. Atuk osh imaiya he keyu kv̄t pisa mvt, Chekob iyubi itachosholi kolukbi ya potoli tok: mihma itishi mvt, Chekob vt iyubi ai itachasholi vt shufa tok.

26. Mihma, Onnvt minti hoka, ak ia, achi tok. Mihma, Chik sai yukpalokma, ik ia, chim ahni la he keyu, achi tok.

27. Mihma, Chi hohchifo hv̄t nanta hoh cho? im achi ma, Chekob sia hoke, achi tok.

28. Mihma, Himak pilla ma chi hohchifo ha Chekob acha he keyu, amba Israel ahi oke: hatak holitopa chia hosh Chitokaka ya ish i kv̄llo hokvt, hatak v̄hleha ha ish imaiya chi hoke, achi tok.

29. Mihma Chekob vt i ponaklot, Chi hohchifo ha vm anoli, chim asilhha lishke, achi tok: mihma Nanta katiohmi ho sa hohchifo ha ish ponaklo cho? achi tok. Mihmvt yvmmak o a yukpali tok.

30. Mihma Chekob vt yakni yvmma hohchifo ha Penuel achi tok: Chitokaka ya nashuka iti sanalit pisa lish si okchaya moma hokvt, achi hatok.

31. Atuk osh Penuel a hlopullit ia ma, hv̄shi vt kohchvt on tom̄mi tok; mihma iyubi ya ishit shaiiksheli hosh nowa tok.

32. Yvmohmi kak o Israel im vlla v̄hleha hv̄t akshish yvmmvt iyubi itachosholi kolukbi o hikia kv̄t shulla tok ak o ik po chatuk osh himak nitak a moma hoke: Chekob iyubi itachosholi kolukbi ya potoli na akshish vt shulla tuk atok.

CHAPTA XXXIII.

ATUK osh Chekob vt akachakalit pisa ma, yakeh, Esau vt hatak tahlepa ushta hosh apiha ho minti tok. Mihmvt vlla v̄hleha ha ila hiohlichit Leah, micha Lechel, micha tishu ohoyo tuklo aiena ka ima tok.

2. Micha tishu ohoyo tuklo, micha im vlla v̄hleha aiena kak o tikba fehna hiohlichit mvt, Leah micha im vlla v̄hleha

aiena kə iakaiyvchi mvt, Lechel micha Chosef ʔ olbvl fehna hilechi tok.

3. Mihmvt tikba ia tok; micha untuklo ha akachunolit aka hlipivt mǵhaya mvt, itibapishi hǵ bilika ona tok.

4. Mihma Esau vt malelit ont afama mvt, shoyulit ikunla yǵ on hlipia cha, i suksowa tok: mihma yaiyvt okla tok.

5. Atuk osh akachakali cha, ohoyo, micha vlla vhleha aiena kǵ pisa mvt, Yvmmtv kvt hosh chi apiha cho? achi tok. Mihma, Chin tishu hǵ Chitokaka yvt i nukhǵklot ima tuk vlla vhleha hoke, achi tok.

6. Yohmi ma tishu ohoyo tuklo, im vlla vhleha aiena kvt bilika vlt akachunolit aka hlipkvchi tok.

7. Mihma Leah ak kia im vlla vhleha aiena kvt bilika vlt akachunolit aka hlipkvchi tok: mihma iakaiya kvt Chosef, micha ishki itatuklo kvt bilika vlt akachunolit aka hlipkvchi tok.

8. Mihma, Pehlichit isht ʔya na afama li tuk moma ilvppak osh nanta chi katiohmi hoh cho? achi tok. Mihma, A shahli itikba yǵ holhponayo hanta yǵ ai ahayuchi la chin-tuk mak oke, achi tok.

9. Mihma Esau vt, Um vllpesa akinli hoke, itibapishi li ma, nana ish ishi tuk vt ish ieshashke, achi tok.

10. Mihma Chekob vt, Ahǵ, himak ʔ holhponayo hanta yǵ chi tikba ai ahayuchi li hokma, ʔ nahvlbina svbbak foyuka kǵ ish ishashke, chim asilhha lishke: yvmohma he ak ʔ chi nashuka yǵ Chitokaka i nashuka chohmi hǵ pisa li ma, is sa hvllhpǵsha hoka.

11. Nan ishit yukpali li ishit chim vla tuk ʔ ishi, chim asilhha lishke; Chitokaka yvt ʔ kana tuk oka, micha vm vllpesa tuk oka, achi tok: mihmvt im achiba ma, ishi tok.

12. Mihmvt, Wakayvt il iashke, mikma chi tikba ia lashke, achi tok.

13. Mihma, Vlla vhleha hvv ik kvlllo, micha nanvllhpoa chipinta, micha nanvllhpoa hochito vt ushi pehlichi hosh si apihvshke; atuk ʔ hatak vt nitak achvfa hǵ atablit tihlelikma, nanvllhpoa moma kvt illit taha hinla kǵ ʔ shahli hvv it-hanvshke.

14. A shahli hvt in tishu hā itikba iashke, chim asilhha lishke: mikma nanvlhpoa yvt sa tikba aya kak osh kaniohmit ayakma, micha vlla vhleha hak osh kaniohmit ayakma, lumvt mahaya li tuk osh a shahli hvt Sei ai vtta kā im ona lashke, im achi tok.

15. Mihma Esau vt, Yohmi kā hatak kaniohmi kā si api-ha kā ak chim ashachi, achi tok: mihma, Nanta katiohma chi hō? A shahli itikba ya holhponayo hanta ya ai aha-yuchi lashke, achi tok.

16. Yohmi hō mih nitak a Esau vt falamvt i hina fohkvt Sei pilla hā ia tok.

17. Mihmvt Chekob vt aya mvt, Sukkolh a ona cha, in chuka ikbi cha, i nanvlhpoa ya hoshontika im ikbi tok: yvmohmi kak o yakni yvma hohchifo hā Sukkolh achi tok.

18. Atuk o Chekob vt Patan-alam vttvt vla mvt, Shalem, yvmmvt Shekem in tmaha holihta yosh Kenan yakni talaia kā vla tok: micha tmaha holihta itikba ak o im vlhtipo ya hilechi tok.

19. Micha im vlhtipo a a hilechi tuk vt Shekem iki Hamo ya im vlla vhleha hā tvli hvta tushahli tahlepa achvfa hō osapa kashapa yō chumpa tok.

20. Micha yvmma alta hilechi cha, El-elohe-Isael hochi-to tok.

CHAPTA XXXIV.

MIHMA Leah ushetik Tinah Chekob a im eshi tok vt yakni yvma ohoyo vhleha hā kohchvt pisvt ia tok.

2. Atuk o yakni yvma i miko Hifait Hamo ya ushi Shekem vt pisa mvt, hokli cha iba tvshkit litehli tok.

3. Atuk osh Chekob ushetik Tinah ya chukvsh vt asitia tok; micha ohoyo himita ya anushkunna mvt, ohoyo himita yash i kanvt im anumpuli tok.

4. Micha Shekem vt iki Hamo ya im anumpulit, Ohoyo himita iloppa sa tekchi ya chi hō ishit is svmashe, achi tok.

5. Atuk o Chekob vt, ushetik Tinah ya litehli tuk a hak-lo tok: (yohmi kā ushi vhleha hvt i nanvlhpoa pehlichit

yakni haiaka ya asha tok: mihmut ik lo kisha ka, Chekob vt nana ik acho tok.)

6. Mihma Shekem iki Hamo vt kohchvt ivt Chekob a ont itim anumpuli tok.

7. Atuk o Chekob ushi vhleha hv't haklo mut, yakni haiaka ya kohchvt vla tok: micha Chekob ushetik a iba tvshkit, Isael a nana ik achukmo, yvmvt yvmohma he vlpesa keyu ho yvmohmi tuk ak o, hatak vhleha hash osh nukhaklo mut, okla nukhobela fehna tok.

8. Mihma Hamo vt itim anumpulit, Svso Shekem chukvsh vt hvch isotek a ahni fehvshke: tekchi ya chi ho hvsh i bohlayshke, hvchim asilhha lishke.

9. Micha hvsh pim itauwaya cha, hvch isotek vhleha ha hvsh pimakmut, pisotek vhleha ha hvsh ishashke.

10. Micha pi takla hvsh aiashashke: mikma yakni vt hvchi tikba talaia chi hoke; ai itatobvt hvsh aiasha cha, hvch imilayak a hvsh ai ikbashke, achi tok.

11. Mikma Shekem vt ohoyo himita hash iki ya, micha i nakfi vhleha ha, Isht i kana ya hvchi tikba ya ai ahayuchi lashke; mikma nana ho hvs sa mihakma, bohli lashke.

12. Ohoyo isht vltoba, micha nahvlbina laua kv't kaniohmi kia hvs svm apesashke; mikma nana ho hvs sa mihakma bohli lashke: ik kaniohmi kia satekchi ya chi ho ohoyo himita yash hvs svmashke, im achi tok.

13. Mihma Chekob ushi vhleha hv't, in tek Tinah ya li-tehli tuk ak o, Shekem, micha iki Hamo itatuklo ka haksichi hosh afalaminchit,

14. Nana ilvppa e yvmihcha he keyu, kvna hosh hakshup tupa keyu ka pin tek a il ima he keyu hoke: yvmmak okut ishit pi hofahya hinla hoka.

15. Amba ilvppak okmvno vlpesa e chim ahna hinla; Pishno akinli chohmit, nakni hvchia moma kv't hakshup hvchi tupa hokma,

16. Yohmikma pisotek vhleha ha e hvch ima cha, hvch isotek vhleha ha il isha hi oke; yohmi kv't hvchi takla il ai asha cha, okla achvfa eho tobashke.

17. Amba hvchi tupa hi vt hvsh pi haponakla he keyuk-

ma, yohmikma pisotek a il ishikmvt, il ia chi hoke, im achi tok.

18. Mihma im anumpa ha Hamo, micha Hamo ushi Shekem itatuklo kvt im aiokpanchi tok.

19. Mihma hatak himita yash osh Chekob ushetik a anushkunna hatuk osh nana ka ik ahibalo hosh yvmihchi tok: micha holitopa kvt iki in chuka achvfa ya moma i shahli hatok.

20. Mihma Hamo, micha ushi Shekem itatuklo kvt in tumaha holihta okhissa ya ona cha, in tumaha holihta hatak vhleha ha itim anumpulit,

21. Hatak ilvppa puta kvt pit i kana achukmvshke; yvmohmi hokvt yakni ya aiasha cha, ai itatobashke; yakeh, yakni vt chito kvt im vlhpesa hoka: ushetik vhleha ha ishit il itauwayakmvt, pisotek vhleha ha il imashke.

22. Peh yvmmvt hakshup tupa ka chehmit nakni hvpia moma iloh aiasha kvt hakshup hvpi tupa hok mak o, ilvp-pak okmvno hatak vhleha hash osh vlhpesa pim ahni cha, pi takla aiasha na okla achvfa eho toba hinla hoke.

23. I nanvlhpoa chipinta, micha imilayak, micha i nanvlhpoa hochito puta moma kvt pimmi ha chi keyu cho? peh vlhpesa il im ahni hok mak o, pi takla aiasha hinla hoke, achit okla tok.

24. Mihma in tumaha holihta kohchvt ia puta moma kvt Hamo, micha Hamo ushi Shekem a i haponaklo tok: micha in tumaha holihta ya kohchvt ia moma nakni puta moma kvt hakshup tupa tok.

25. Atuk o nitak ont atuchina ma yakohmi tok, hotopvt, taha ma, Chekob ushi tuklo, Simeon micha Lefai, Tinah i nakfi vt nukshopa iksho hosh i bvshpo falaia ieshi bika cha, tumaha holihta ya vla cha, nakni moma ka vbit tahlit okla tok.

26. Micha Hamo, micha Hamo ushi Shekem itatuklo ka bvshpo falaia halupa isht vbi tok; mihmvt Tinah ya Shekem in chuka ai ishit kohchi cha, kohchvt ia tok.

27. In tek a litehli tuk ak o, Chekob ushi vhleha hv illi aiasha ka ont iba chukowa cha, tumaha holihta ya wehpuli tok.

28. In chukfollpoa, micha i wak, micha im isuba haksobish falaia, micha nana tumaha holihta ya gsha tuk, micha osapa ya gsha tuk a ishi tok.

29. Micha imilayak moma ka ishi cha, im vlla chipunta moma, micha ohoyo vhleha aiena ka yukachit ishi tok: micha aboha nana aiasha tuk aiena ka wehpuli tok.

30. Mihma Chekob vt Simeon micha Lefai ya, Hvs ai ataklvmmi cha, yakni ya okla Kenanait, micha Pelissait a im itin takla ya hvs sa shuwvchishke: holhtina kvv ik salauwo hatuk o, iti hoyot itvnaha cha, a sanali cha, svba chi hoke, mikma vno, micha an chuka achvfa aiena kvv illit sv taha chi hoke, im achi tok.

31. Mihma, Pin tek a ohoyo haui yq chohmicha hinla cho? achi tok.

CHAPTA XXXV.

ATUK o Chitokaka yvt Chekob a, Wakayvt Behlel a ish ona cha, yvmmak o ish vttashke: micha yvmmak o chitibapishi Esau itikba ya ish maleli ma: Chitokaka yvt a chi haiaka tok a alta ya ish im ai ikbashke, im achi tok.

2. Yohmi ma Chekob vt in chuka achvfa ya, micha apiha tuk moma ka, Naholvt toba puta hvch itin takla gsha ka hvsh kanchashke; micha hvchi kashofa cha, nafohka inla ishit hvsh fohkashke.

3. Micha wakayvt Behlel ak o il iashke; mikma yvmmak o Chitokaka ya yvmmak osh a svlvsha nitak ma a haponaklo tok, micha kanima gya li ma svbafoyuka tuk a alta im ai ikbi lashke, im achi tok.

4. Mihma naholvt toba puta ibbak fok'a tuk vt, micha haksobish takali haksobish in takohmaya tuk vt Chekob a okla ima tok: mihma Chekob vt baiyi vt Shekem bilika hikia tuk o nutaka luhmi tok.

5. Micha bina ha kanvllichi cha ilhkoli tok: mihma tumaha holihta apakfoyupvt aiasha ka Chitokaka i nukshopa kvv onvtonla hatuk o, Chekob ushi vhleha ha ik hliolo tok.

6. Micha Chekob, micha okla moma apehvt aya tuk vt Lus, (yummvt Behlel) Kenan yakni talaia ka ona tok.

7. Micha yumma alta ai ikbi mvt, yumma El-behlel hochifo tok: itibapishi Esau itikba ya i maleli ma, Chitokaka yvt yummak o ai i haiaka tok oka.

8. Atuk o Lebekah ya sholi atok Tebolah vt illi cha, Behlel nutaka baiyi hikia ho nutaka yo hollohpi tok: mihma hohchifo ha Baiyi a yaiya, achi tok.

9. Atuk o Chekob vt Patan-alam a kohchvt minti ha ma, Chitokaka yvt anonti i haiaka cha, yukpali tok.

10. Micha Chitokaka yvt, Chi hohchifo hvt, Chekob oke; himak pilla ma chi hohchifo ha Chekob acha he keyu, amba Israel chi hohchifa hi oke, im achi tok; micha hohchifo ha Israel, achi tok.

11. Micha Chitokaka yvt, Uno ak osh Chitokaka Nan isht im aighli im ataha he iksho sia hoke: wayvt ish apaknashke; oklushi, micha oklushi kanohmi kia chi atoba hi oke, micha miko puta kvt chi haknip a a kohcha hi oke.

12. Micha yakni ya Eblaham micha Aisak ima li tok vt chishno ak o chima la chi hoke; micha chim isht atiaka et chiakaiya kak o yakni ya ima la hi oke, im achi tok.

13. Mihmvt Chitokaka yvt ai im anumpulit hikia tuk vt ai i filvmmi vba ia tok.

14. Mihma Chekob vt ai im anumpuli tuk a nan isht-ithana, nan isht-ithana tuli yo hilechi tok: micha nan-ishko im issa yo on hlatvbi mvt, bila yo on hlatvbi tok.

15. Micha Chitokaka yvt ai im anumpuli tuk yumma hohchifo ha Chekob vt Behlel, achi tok.

16. Mihma Behlel a ashvt bina ha kanvlichhi cha, ilhkoli tok: atuk o Eflalh a ona chi ka ik hopako tok; atuk o Lechel vt vlla esha chi hosh nukhvmmi cha i palvmmi fehna tok.

17. Atuk osh yakohmi tok vlla esha chi hosh i palvmmi fehna ma, vlleshi ka apeluchi ohoyo hvt, Chi nukshopa na, illeppak kia vlla nakni yo ish esha chi hoke, im achi tok.

18. Atuk osh yakohmi tok im ilhfiopak vt kohchvt ia

mtv, (illi tok okvt,) hohchifo hā Benoni achi tok: yohmi kia iki vto Benchamin hochifo tok.

19. Mihma Lechel vt illi cha, Eflah hina takla, yummvt Behlehem ak o a hollohpi tok.

20. Mihma Chekob vt im abollohpi paknaka ya nan ishtithana hilechi tok: yummvt Lechel im abollohpi nan ishtithana atok osh himak nitak a hikia boke.

21. Mihma Israel vt bina hā kanvllichi cha, aya mvt Eta holihta chaha ai atoni ya misha yo im vhtipo ya ont a hilechi tok.

22. Atuk o yakohmi tok, Israel vt yakni ymma anta ma, Luben vt ia cha, iki im itaiena Bilhah ya iba nusi tok: atuk o Israel vt haklo tok. Yohmi kā Chekob ushi vhleha hvt auhtuklo tok.

23. Leah ushi vhleha hvt Luben Chekob ushi vttahpi, micha Simeon, micha Lefai, micha Chutah, micha Issaka, micha Sebulun ak atok:

24. Lechel ushi vhleha hvt Chosef, micha Benchamin ak atok.

25. Mikma Lechel in tishu ohoyo Bilhah ya ushi tuklo kvv Tan, micha Naftali ak atok.

26. Mikma Leah in tishu ohoyo Silpah ya ushi tuklo kvv Kat, micha Ashe ak atok. Ilvppa puta kak osh Chekob ushi vhleha hosh Patan-alam a ai im asha tok.

27. Mihma Chekob vt iki Aisak vt aivtta Mamle, tvmaha holihta Abah (yummvt Heblon oke,) yummak o Eblaham, micha Aisak vt ai gshwa ygtuk o ona tok.

28. Mihma Aisak i nitak puta kvv afvmmi tahlepa achvfa cha pokoli untuchina tok.

29. Atuk o Aisak vt sipokni, micha nitak lava hosh fio-pissvt illi cha, im okla hā iba holhtina tok: mihma ushi Esau, micha Chekob vt hohpit okla tok.

CHAPTA XXXVI.

YOHMI kā ilvppak osh Esau, yummvt Etom in chuka achvfa ya anoli holisso yoke.

2. Esau vt Kenan ushetik vheha hō ohoyō hā ai ishi tok : Hittait hatak Elon ushetik Atah, micha Hifait hatak Sibeon ushetik Anah yā ushetik Aholibamah ;

3. Micha Ishmael ushetik, Nebacholh in tek Bashemalh ak atok.

4. Mihma Atah vt Elifas ā Esau im eshi tok ; mihma Bashemalh vt Luel ā im eshi tok.

5. Mikma Aholibamah v Cheush, micha Chaalam, micha Kolah yā eshi tok : ilvppa puta kak osh Esau ushi vheha hosh Kenan yakni yā im aiasha tok.

6. Atuk o Esau vt tekchi vheha, micha ushi vheha, micha ushetik vheha, micha nana hosh in chuka achvfa aiasha tuk moma, micha i nanvlhpoa chipinta, micha i nanvlhpoa hochito, micha imilayak moma Kenan yakni ai ahayuchi tuk vt ishi cha, itibapishi Chekob itikba yā i filvmmmit yakni inla yā ia tok.

7. Imilayak laua kak osh itibai ashwa he keyu hokvt : micha i nanvlhpoa pulla kak o okla inla yosh yakni ai ahāshwa tuk vt ai impa yvt taha hinla kak atok.

8. Yvmohmi hō Esau vt Sei nvnih hak o ahanta tok : Esau vt Etom oke.

9. Micha ilvppa puta kak osh Etomait vheha hā iki Esau yā in chuka achvfa yosh Sei nvnih hā aiasha tok ā holisso anoli hoke,

10. Hohchifo ilvppa puta kak osh Esau ushi vheha hohchifo hoke : Esau tekchi Atah yā ushi Elifas : Esau tekchi Bashemalh ā ushi Luel ak atok.

11. Mikma Elifas ushi vheha hvt Teman, Oma, Sefo, Katam, micha Kenas ak atok.

12. Mihma Timna vt Esau ushi Elifas ā im itaiena atok : atuk osh Elifas ā Amalek im eshi tok : ilvppa puta kak osh Esau tekchi Atah yā ushi vheha hatok.

13. Mikma ilvppa puta kak osh Luel ā ushi vheha hatok : Nahalh, micha Selah, Shammah, micha Missah : ilvppa puta kak osh Esau tekchi Bashemalh ā ushi vheha hatok.

14. Mikma ilvppa puta kak osh Sibeon ushetik Anah yā ushetik Esau tekchi Aholibamah yā ushi vheha hatok : mi-

cha Esau ya Cheush, micha Chaalam, micha Kolah aiena ka im eshi tok.

15. Ilvppa puta kak osh Esau ushi hatak pehlichi vhleha hatok: Esau ushi vttahpi Elifas a ushi vhleha hvt hatak pehlichi Teman, hatak pehlichi Oma, hatak pehlichi Sefo, hatak pehlichi Kenas.

16. Hatak pehlichi Kolah, hatak pehlichi Katam, micha hatak pehlichi Amalek ak atok; ilvppa puta kak osh hatak pehlichi vhleha hosh Elifas a akohcha tok osh Etom yakni ya aiasha tok: ilvppa puta kak osh Atah ya ushi vhleha hatok.

17. Mikma ilvppa puta kak osh Esau ushi Leuel a ushi vhleha hatok: hatak pehlichi Nahalh, hatak pehlichi Selah, hatak pehlichi Shammah, hatak pehlichi Missah, ak atok: ilvppa puta kak osh hatak pehlichi vhleha hosh Leuel a akohcha tuk osh Etom yakni ya aiasha tok: ilvppa puta kak osh Esau tekchi Bashemalh a ushi vhleha hatok.

18. Mikma ilvppa puta kak osh Esau tekchi Aholibamah ya ushi vhleha hatok; hatak pehlichi Cheush, hatak pehlichi Chaalam, hatak pehlichi Kolah ak atok: ilvppa puta kak osh hatak pehlichi vhleha hosh Anah ushetik Esau tekchi Aholibamah ya akohcha tok.

19. Ilvppa puta kak osh Esau (yvmmt Etom oka) ushi vhleha hatok: micha ilvppa puta kak osh i hatak pehlichi vhleha hatok.

20. Ilvppa puta kak osh Holait hatak Sei ya ushi vhleha hosh yakni ymma gsha tok: Lotan, micha Shobal, micha Sibeon, micha Anah,

21. Michu Tishon, micha Ese, micha Tishan: ilvppa puta kak osh Holait okla hatak pehlichi vhleha hosh Sei im vlla vhleha hosh Etom yakni ya aiasha tok.

22. Mikma Lotan im vlla vhleha hvt Holi, micha Heman ak atok: mikma Lotan in tek vt Timna ak atok.

23. Mikma Shobal im vlla vhleha hvt ilvppa puta kak atok: Alfai, micha Manahalh, micha Ebal, Shefo, micha Onam ak atok.

24. Mikma ilvppa puta kak osh Sibeon im vlla vhleha

hatok: Akah, micha Anah itatuklo tok: Anah ilvppak osh iki Sibeon im issuba haksobish falaia impuchi hosh yakni haiaka anta mvt, kvli lvshpa ka ai ahayuchi tok.

25. Mikma Anah im vlla vhleha hvt ilvppa puta kak atok: Tishon, micha Anah ushetik Aholibamah ak atok.

26. Mikma ilvppa puta kak osh Tishon im vlla vhleha hatok; Hemtan, micha Eshban, micha Ihlan, micha Chelan ak atok.

27. Ese im vlla vhleha hvt ilvppa puta kak atok: Bilhan, micha Saafan, micha Akan ak atok.

28. Tishan im vlla vhleha hvt ilvppa puta kak atok: Us, micha Alan ak atok.

29. Hatak pehlichi ilvppa puta kak osh Holait okla a kohcha tok; hatak pehlichi Lotan, hatak pehlichi Shobal, hatak pehlichi Sibeon, micha hatak pehlichi Anah.

30. Hatak pehlichi Tishon, hatak pehlichi Ese, hatak pehlichi Tishan: ilvppa puta kak osh hatak pehlichi vhleha hvt Holi ya a kohchvt, hatak i pehlichi vhleha ha iba holhtina yosh Sei yakni ya aiasha tok.

31. Miko ilvppa puta kak osh, Israel ushi vhleha ha i miko vt ik i miko kisha ma, Etom yakni ya a miko tok.

32. Mikma Beo ushi Bela vt Etom a a miko tok: micha in tumaha holihta hohchifo hvt Tinhabah atok.

33. Atuk osh Bela vt illi tok; mihma Boslah vttta Selah ushi Chobab ak osh vltobvt miko tok.

34. Atuk osh Chobab vt illi tok: mihma Temani yakni aivtta Husham ak osh vltobvt miko tok.

35. Atuk osh Husham vt illi tok; mihma Betat ushi Hatat (yummak osh Mitian okla ha Moab i yakni ya ai iset kanchi tok ak osh,) vltobvt miko tok: micha in tumaha holihta hohchifo hvt Afilh atok.

36. Atuk osh Hatat vt illi tok: mihma Maslekah aivtta Samlah ak osh vltobvt miko tok.

37. Atuk osh Samlah vt illi tok; mihma okhina bilika talaia Lehobolh aivtta Sal ak osh vltobvt miko tok.

38. Atuk osh Sal vt illi tok: mihma Akbo ushi Baal-hanan ak osh vltobvt miko tok.

39. Atuk osh Akbo ushi Baal-hanan vt illi tok; mihma Hatat ak osh vlhtobvt miko tok: micha in tvmaha holihta hohchifo hvt Pau atok; micha tekchi hohchifo kvv Meheta-bel osh Matlet ushetik g Mesahab ushetik atok.

40. Mikma hohchifo ilvppa puta kak osh hatak pehlichi vhleha Esau a kohcha tok vt in chuka achvfa vllhpisvt, i yakni ya vllhpisvt hohchifo hatok: hatak pehlichi Timnah, hatak pehlichi Alfah, hatak pehlichi Chehlelo,

41. Hatak pehlichi Aholibamah, hatak pehlichi Elah, hatak pehlichi Pinon,

42. Hatak pehlichi Kenas, hatak pehlichi Teman, hatak pehlichi Mibsa,

43. Hatak pehlichi Maktiel, hatak pehlichi Ilam, ilvppa puta kak osh i yakni aiyukali aiasha kvv vllhpisa hosh hatak pehlichi vhleha hosh Etom g aiasha tok: yvmmvt Esau Eto-mait vhleha ha i iki atok.

CHAPTA XXXVII.

MIKMA iki vt okla inla yosh yakni aiahanta tok; Kenan yakni ak o Chekob vt ai ahanta tok.

2. Ilvppak osh Chekob in chuka achvfa ya anoli holisso yoke: Chosef vt afvmmi auah untuklo hosh itibapishi vhleha ha takla nanvlhpoa chipinta impvchi hosh ahanta tok, micha vlla yvt iki tekchi vhleha Bilhah ushi vhleha micha Silpah ushi vhleha hak o takla ahanta tok; atuk osh Chosef vt nana ik achukmo yvmohmi tuk g iki ya ont im anoli tok.

3. Sipoknit taiyaha hosh ushi im vtta tok, atuk osh Isael vt Chosef g holitobli kvv im vlla vhleha moma ka i shahlichi tok: micha nafohka pisa il aiyukali yo im ikbi tok.

4. Atuk o iki vt itibapishi vhleha moma ka i shahlichit holitobli na itibapishi vhleha hvt pisa mvt, okla i nukkilli sha, i kanvt im anumpula he keyu tok.

5. Atuk o Chosef vt naholhpokna ho holhpokna cha, itibapishi vhleha ha im anoli tok: mihma i shahlichit i nukkilli tok.

6. Micha, Naholhpokna ilvppa sa holhpokna tuk a ho hakló, hvchim asilhha lishke.

7. Yakeh, osapa anukaka ya onush takchi hosh il gsha tuk o, yakeh, a sita hvt wakaya cha apissvt hikia tuk oke; mihma yakeh, hvchi sita hvt a sitha ha hiohlit apakfoyupa cha, im akachunoli tuk oke, im achi tok.

8. Mihma itibapishi vhleha hvt, Ish pi mika chi ho mvhli cho? micha ish pi shahla chi ho mvhli cho? im achi tok: micha holhpokna, micha im anumpa aiena atuk pulla kak o i shahlichit i nukkilli tok.

9. Atuk osh himakma naholhpokna ho holhpokna cha, itibapishi ha im anolit, Yakeh, himak a naholhpokna ho sa holhpoknavhke: mihma yakeh, hvshi, micha hvshi ninak aya, micha fochik auahachvfa hash osh vm akachunoli tuk oke, achi tok.

10. Mihmvt iki, micha itibapishi vhleha ha im anoli tok: mihma iki vt im alvmmi, Ilvppak osh holhpokna nanta mak o chi holhpokna tuk oh cho? Uno, micha chishki, micha chitibapishi vhleha il aiena kvv ant akachunolit aka pit e chin hlipkvcha chi ho mvhli cho? im achi tok.

11. Mihma itibapishi vhleha hvt i potvno tok: amba iki vto anumpa ha ithaiyanvt aya tok.

12. Atuk o itibapishi vhleha hvt iki i nanvlhpoa chipinta ya impvcha chi hosh Shekem a ilhkoli tok.

13. Mihma Israel vt Chosef a, Chitibapishi vhleha hvt Shekem a nanvlhpca chipinta ya ai impvchi keyu cho? Inta, pit i chi chvffichi lashke, im achi tok. Mihma, yak hikia lishke, im achi tok.

14. Mihma, Ia, chim asilhha lishke, chitibapishi vhleha hvt achukma hosh ashakma, micha nanvlhpoa chipinta vt achukma hosh ashakma, nanakma, ont pisa cha, anonti anumpa isht is svv vlashke, im achi tok. Yohmi mvt Heblon okfa ha a chvffichi na, Shekem a ona tok.

15. Atuk o hatak osh ahayuchi ma, Yakeh, yakni haiaka ya fullokahanchi tok: mihma hatak ash osh i ponaklot, Nanta ish hoyo cho? achi tok.

16. Mihma Itibapishi li vhleha ha hoyo li hoke: kanima

yō i nanvlhpoa ya ai impvchikma v̄m anolī, chim asilhha lishke, achi tok.

17. Mihma hatak-ash osh, Ilvppa asha tuk vt ilhkoli tuk oke: Tohlan ak o kiloh iá, achi hō hāklo li tuk oka, achi tok. Mihma Chosef vt iakaiyvt ia tuk osh itibapishi v̄hleha hā Tohlan ā ont ai ahayuchi tok.

18. Atuk o hopaki hō minti na, bilika ik lo kisha hō pisa mvt, haksichi hosh vba chī kv̄t itim apesa tok.

19. Micha ilap bika, itim anumpulit, Yakeh, ilvppet holhpokna shahli ash osh mintishke.

20. Yvmohmi hoka inta, himak ā iloh vbashke, micha hichukbi kanima pit eho kanchashke: micha, Nampoa ok-pulo hosh vbit v̄pvt tahlī tuk oke, iloh achashke; mikma holhpokna tuk vt kaniohmi na eho pisashke itim achi tok.

21. Mihma Luben vt haklo cha, ibbak ā a kohchit hlakofichi tok; micha kiloh abo kashke, achi tok.

22. Micha Luben vt, Issish ā hvch ik hlatablo kashke, amba yakni haiaka hichukbi hikia ilvppak o pit hvsh kanchi cha, hvch ibbak hvch ik onochō kashke, im achi tok, ibbak ā a kohchit hlakofichi cha, anonti iki ya falaminchit pit ima chī hosh yvmohmi tok.

23. Atuk o yakohmi tok, Chosef vt itibapishi v̄hleha hā im ona ma, Chosef ā i nafohka, i nafohka pisa ilaiyukali fohka kash i shufi tok.

24. Micha okla ishi cha, hichukbi yō pit fohki tok: mihma hichukbi ya nana iksho, oka vt iksho tok.

25. Micha okla binilit pvska vpa tok; atuk osh akachakalit hopokoyo ma, yakeh, Ishmaelait hatak kanohmi kv̄t Kileat minti hosh i kamel vt nabalama, micha balsam, micha hlitili mvh shali hō, Echip isht ona chī hosh āya tok.

26. Mihma Chutah vt itibapishi v̄hleha hā, Pitibapishi hā e bi cha, im issish ā e luhmi kak osh nanta hō ishit pim ai achukma hinla cho?

27. Inta, Ishmaelait v̄hleha hak o iloh i kanchi cha, pibbak vt ik onvtoyulo kashke; pitibapishi, micha pi nipi yoka, im achi tok: mihma itibapishi v̄hleha hv̄t v̄lhpesa, ahni tok.

28. Yohmi ma Mitianait nan-itatoba vhleha hot ant aya tok; mihma Chosef a halvllit vba takalichit, hichukbi ya a kohchi cha, Chosef a tvli huta tushahli pokoli tuklo ho Ishmaelait hatak vhleha hash i kanchi tok: mihma Chosef a Echip a isht ona tok.

29. Atuk o Luben vt falamvt hichukbi ya ona tok: mihma yakeh, Chosef vt hichukbi ya iksho tok: mihma i nafohka ya hlilvffi tok.

30. Mihmvt itibapishi vhleha ha falamvt im ona cha, Ulla yash osh ikshoshke: yohmi ka vno vto katima yak o ia la chi cho? achi tok.

31. Atuk o Chosef i nafohka yash ishi cha, issi kosomushi ya vbi mvt, nafohka yash issish a okvchi tok.

32. Mihmvt nafohka pisa ilaiyukali yash okla pila na iki ya isht im ona tok; micha, Iluppa il ahayunchi tuk oke: yohmi hoka chiso i nafohka yokma, keyukma nanakma himak a ish ithvnashke, achi tok.

33. Mihma ithana cha, Suso i nafohka yoke; nampoia okpulo vt vpet tahli tuk oke: Chosef vt nipvt taha pullvshke, achi tok.

34. Mihmvt Chekob vt i nafohka ya hlilvffi cha, na hishi tvnna isht vakofvchi mvt, nitak laua ho ushi ya ishit yaghaya tok.

35. Mihma ushi vhleha moma, micha ushetik vhleha moma aiena kvv wakayvt hopohluli bvna tok: yohmi kia hopohla ik bvno tok; micha, Yaghayvt ahollohpi ya svs o hash im ona la chi hokvt, achi tok. Yvmohmit iki vt ishit yaghaya tok.

36. Mihma Mitianait vhleha hash osh Echip a isht ona cha, Falaoh in tishu, micha nan atoni i kvpitvni Potifa ya i kanchi tok.

CHAPTA XXXVIII.

ATUK o nitak yvmma yakohmi tok, Chutah vt itibapishi vhleha ha i filvmmmit Atullamait hatak osh hohchifo kvv Hilah ya i fullotvt ont iba chukowa tok.

2. Micha Chutah vt yvmma Kenanait hatak, yvmma hohchifo kvt Shuah ushetik o pisa tok; mihmut ishi cha, iba chukowa tok.

3. Mihma chakali cha, vlla nakni yo eshi tok; mihma hohchifo ha El achi tok.

4. Atuk o anonti chakali cha, vlla nakni yo eshi tok; micha hohchifo ha Onan achi tok.

5. Atuk osh himakma anonti chakali cha, vlla nakni yo eshi tok; micha hohchifo ha Shelah achi tok: mihmut eshi ma, Chutah vt Chesib ak o anta tok.

6. Atuk osh Chutah vt ushi vttahpi El a tekchi ya chi ho ohoyo yvmma hohchifo kvt Tama yo isht ima tok.

7. Atuk o El Chutah im vttahpi hvt Chihowah itikba ya haksi hatuk o Chihowah vt vbi tok.

8. Atuk o Chutah vt Onan a, Chitibapishi tekchi ya iba chukowat ish itauwaya cha, chitibapishi ha aiunchololi a ish i hilechashke, im achi tok.

9. Mihma Onan vt ishtatiaka yvt immi ha he keyn kvt ithana tok: atuk osh yakohmi tok, itibapishi tekchi ya iba chukowa mut, itibapishi ishtatiaka ik emo ka chi kvt yakni a on hlatvbi tok.

10. Nana yvmihchi tuk vt Chihowah ya ik im vhlpeasacho tok: yohmi hatuk o yvmmak kia vbi tok.

11. Yohmi ma Chutah vt ipok Tama ya, Ohoyo i hatak illi yosh chiki in chuka ish ahanta tuk o, svso Shelah vt hofantit tahak mak ashke, im achi tok: (yvmmak kia itibapishi vhleha hakinli chohmit illi yoba na achi hatuk okvt:) mihma Tama yvt iki in chuka ont ahanta tok.

12. Atuk o nitak hopakit taha ma, Shuah ushetik Chutah tekchi vt illi tok; atuk osh Chutah vt hopohla cha, in chukfulhpoa hishi vmo puta kvt Timnalh a asha tuk o i kana Atullamait hatak Hilah yvt apiha ho im ona tok.

13. Atuk o Tama ya im anolit, Yakeh; chimvfo vt in chukfulhpoa hishi vmot Timnalh a ivshke, achi tok.

14. Mihma ohoyo i hatak illi i nafohka ya shufi mut, nashuka isht ompoholmo ya isht il ompohomo cha, il apakfohli mut, ahikia yvmmut Timnalh hina kvli tuklo ai ia yo

binili tok: Shelah vt hofantit taha hokak o ishit tekchi ya chi ho ik i bohlo ka, pisa hokvt.

15. Chutah vt pisa mvt, ohoyo haui yoke, ahni tok: nashuka ya ompohomo hatuk oka,

16. Atuk o hina bilika binili ka i fullotvt, Inta, ak chiba: chukowa, chim asilhha lishke, achi tok: ipok atuk a ik ithano hatuk okvt: mihma, Is svba chukowa chi kv nanta ho is suma hinla cho? achi tok.

17. Issi kosoma ushi yo nanvlhpoa chipinta ya ai ishit et chi pila lashke, achi tok: mihma, Isht is sum aighlichí ya is suma tuk osh et is sa pila hinla cho? achi tok.

18. Mihma, Isht-aighlichí nanta ho chima la hinla cho? achi ma, Chibbak ushi fohka nanisht in chunli, micha napvna chi shakba vlbeha, micha chin tvbi chibbak foka aiena ka, achi tok: mihma ima cha, iba chukowa tok; atuk o vlla in chakali tok.

19. Micha wakaya cha, ia mvt, nashuka isht ompoholmo ya shufit kanima bohli cha, ohoyo i hatak illi i nafohka ya ishit fohka tok.

20. Atuk o Chutah vt i kana Atullamait hatak a issi kosoma ushi yash ibbak fohki cha, i nan-isht aighlichí yash ohoyo hash ibbak fohka tuk a im ai isha chi hosh pit i pila tok, yohmi tuk kia ik ahayucho tok.

21. Mihmvt okla yvmma gsha kash i ponaklot, Ohoyo haui vt haiakvt hina lapalika kvli tuklo ai ia ya gsha tuk mvto? achi tok. Mihma, Ilvppa haui vt iksho ke uk oke, okla achi tok.

22. Mihma falamvt Chutah ya im ona cha, Ahayuchi la he keyushke; micha yvmma hatak vhleha hvvt, Ilvppa haui vt iksho ke tuk, achi akinli tuk oke, achi tok.

23. Mihma Chutah vt, ohoyo hash osh ik ishí, ishit pi hofahya yoba ná; Yakeh, issi kosoma ilvppa pit i pila li tuk o, chik ahayuchohke, achi tok.

24. Atuk o yakohmi tok, i himmak hvshi tuchina foka ma, Chutah ya im anolit, Chipok Tama vt haui tobvshke; micha yakeh, havit chakalishke, achi tok. Mihma Chutah vt, Kocha isht hvsh ona na luashke, achi tok.

25. Atuk o kocha isht ona ma, imvfo ya pit i pilt, Ilp-pvt immi, hatak yvmmak o vlla i shali lishke: micha ibbak uahi fohka nan isht in chunli, micha napona shakba vbeha, micha tubi vt kvna immi hokma ithvna, chim asilhha lishke, achi tok.

26. Mihma Chutah vt ithana mvt, Aivlhpieas kvv vno ya a shahlishke; svso Shelah ya ak i bohlo tuk okvt, achi tok: micha himmakma anonti ik ithano tok.

27. Atuk o yakohmi tok, vlla esha chi hosh nukhvmmi itanitak ma, yakeh, haiyup osh im oshvto ya alhto tok.

28. Atuk osh vlla esha chi hosh nukhvmmi ma, yakeh, achvfa kvv ibbak kocha pit weli tok: mihma vleshi ka apelvchi ohoyo hvv ponola tishepa ishi cha, ibbak a ishit ita takchi cha, Ilvppak osh tikba kohcha hoke, achi tok.

29. Atuk o ibbak a falmminchit ishi ma, yakeh, itibap-ishi hvv kohcha tok; mihma, Nanta Katiohmi hvv tivblit ish kohcha cho? tivbli ilvppvt chishno akinli hosh chi onv-tonlashke, achi tok: yvmohmi hatuk o hohchifo ha Falea, achi tok.

30. Atuk o yohmi ha yak o itibapishi ibbak ponola tishepa ishit talakchi yash osh kohcha tok; mihma hohchifo ka Salah achi tok.

CHAPTA XXXIX.

ATUK o Chosef a Echip a okla isht ona tok: micha Echip hatak, Falaoh in tishu, nan atoni i kvpitvni, Potifa ak osh yvmmasht ona tuk; Ishmaelait hatak vhleha hash in chumpvt im ishi tok.

2. Atuk o Chihowah yvt Chosef a ibafoyuka na hatak nana amosholit, im aighli achukma atok: mihma i shahli Echip hatak in chuka ya ahanta tok.

3. Mihma Chihowah yvt ibafoyuka, micha nana moma ka ibbak isht ieshikma, Chihowah yvt im aighliche ka i shahli hvv pisa tok.

4. Mihma Chosef vt itikba ya holhponayo hanta ya ai ahayuchi cha, in toksuli tok; mihma in chuka achvfa ya

hi ikbi mvt, nana im gsha tuk vt moma ibbak fohki

Atuk o yakohmi tok, in chuka achvfa, micha nana im gsha tuk vt apesvchi ikbi tok nitak itin takla ma, wah yvt Chosef ak atuk pulla mak o, Echip hatak ash ka achvfa ya yukpali tok: micha Chihowah nan ishit i vt nana moma chuka aiasha, micha osapa aiasha ka ula tok.

fihma nana im asha tuk moma kvf Chosef ibbak a ok: nana im gsha tuk vt achvfa kia ithana keyu, am-ka vpa ak illa beka tok: mihma Chosef vt hatak nipi pisa achukma atok.

Atuk o ilvppa puta kash i himmakma yakohmi tok, i ha tekchi vt Chosef a nishkin a-onochi tok; micha, vahki, achi tok.

Yohmi kia vlpesa ik ahno tok; micha i shahli tekchi keh a shahli hvf svbbak foyuka tuk osh chuka nana ka ithana keyu, micha nana im aiasha tuk vt moma fohki tuk oke.

Chuka ilvppa achvfa kia vno ya a shahli kvf ikshosh-icha nana kia a halanli tuk keyu, amba chishno ak a, tekchi chia hoka, yohmi ka nanta katiohmi ho nana akmo chinto ilvppa yvmihchit Chitokakaya i yoshuba a cho! im achi tok.

Atuk o yakohmi tok, onna hosh onnak ma Chosef a mpuli kia, ik i haponaklot iba tvshka he keyu, micha la ahanta he keyu tok.

Atuk o nitak yvmma foka ma Chosef vt im atoksvli ta chi hosh chuka ya chukowa tok; mihma chuka a hatak gsha chatuk achvfa kia anukaka iksho tok.

Mihma yvmmak o i nafohka ya hoklit ai ishi cha, Sv-iki, achi tok: mihma i nafohka vt ibbak foka na kan-a, malelit kohcha tok.

Atuk o yakohmi tok, i nafohka yvt ibbak foka na cha, malelit kohcha na pisa mvt,

In chuka hatak vhleha ha hoyo cha, im anumpulit, hatak vt ishit pi yopula chi ho ishit pim vla tuk a ho

pesá; svba tvshka chí hosh svba chukowa ma, chitoli hosh paya li tuk oke.

15. Atuk osh yakohmi tuk oke, chitoli hosh paya li ká haklo mvt, i nafohka yvt an tonla na, kanchi cha malelit kohcha tuk oke achi tok.

16. Mihma i nafohka yash achukmalit bohli na, itonla tuk o i shahli hvt in chuka ya vla tok oke.

17. Mihmvt anumpa ilvppa chohmi kak o im anumpulit, Heblu tishu isht ish pim vla tuk vt ishit si yopoma chi hosh svba chukowa tuk oke.

18. Atuk osh yakohmi tuk oke, chitoli hosh paya li ma, i nafohka yvt an tonla na, kanchi cha malelit kohcha tuk oke, achi tok.

19. Atuk o yakohmi tok, i shahli hash osh tekchi im anumpa hā im anumpulit, Chin tishu hvt si yakohmichi tak oke, achi na haklo mvt, im ai i nukkilli vt libbi tok.

20. Mihma Chosef a i shahli yash osh ishi cha, aboha kullo, miko i yuka hvt talakchit aiasha ya fohki tok: mihma aboha kullo yummak o foyuka tok.

21. Yohmi kia Chihowah yvt Chosef a iba foyukvt i nukhaklo cha, aboha kullo apistikeli yvt i kana hi ya nukfohoki tok.

22. Mihma aboha kullo apistikeli vt yuka aboha kullo aiasha moma ká Chosef ibbak a fohki tok: mihma nana hosh yvma a yvmohmikma, yummak osh yvmihchi atok.

23. Nana hosh yvma ibbak foyukak ma, aboha kullo apistikeli vt ik apesacho tok: Chihowah yvt ibafoyuka hatuk oka, micha nana yvmihchikma, Chihowah yvt im aighi-chi beka tok.

CHAPTA XL.

ATUK o ilvppa puta kut yvmohmi ha ya yakohmi tok, Echip i miko aiishko sholi, micha puska ikbi itatuklo kut i shahli Echip i miko ya nan im ashvchi tok.

2. Atuk o Falaoh vt in tishu tuklo, aiishko sholi i shahli, micha puska ikbi i shahli ya i nukhobela tok.

3. Micha aboha kullo ya, nan atoni i kypitvni in chuka, aboha kullo Chosef vt a talakchi tuk a apitta tok.

4. Mihma nan atoni i kypitvni vt Chosef ibbak fohki na, apesvchit nana hoyot ima tok : mihma nitak hopaki ho aboha kullo ya ai alhto tok.

5. Atuk o itatuklot naholhpokna ho holhpokna mvt, hatak achvfa ila bika ninak achvfa holhpokna tok ; Echip i miko aiishko i sholi, micha pska im ikbi talakchit aboha kullo alhto tuk vt naholhpokna toshowa inla bika ho holhpokna tok.

6. Atuk o Chosef vt onnahnli ma ont iba chukowa cha, pisa ma, Yakeh, ilapissa tok.

7. Mihma Falaoh in tishu tuklo kvt i shahli in chuka aboha kullo ya apehvt asha tuk a i ponaklot, Nanta katiohmi ho himak nitak a hvsh ilapissa cho? achi tok.

8. Naholhpokna ho pi holhpokna tuk o, tosholi vt ikshoshke, im achit okla tok. Mihma Chosef vt, Tosholi kvt Chitokaka ak osh immi keyu cho? Um anoli, hvchim asilhha lishke, im achi tok.

9. Mihma miko aiishko sholi i shahli vt holhpokna tuk vt Chosef a im anoli mvt, Sa holhpokna ma pakvpi vt sa tikba ya hikia tuk oke.

10. Mihma pakvpi ya naksish tuchina hosh hieli tuk oke : micha bokubli ahoba mvt, pakanlit kohcha tuk oke : mihmvt lukussa yash osh paki nuna yo toba tuk oke.

11. Mihma Falaoh im isht-ishko vt svbbak foka tuk osh paki yash ishi li mvt, bushlit Falaoh im isht-ishko ya vni li mvt, isht-ishko yash Falaoh ibbak a fohki li tuk oke, im achi tok.

12. Mihma Chosef vt, Tshowa kvt ilvppak oke : Naksish tuchina kvt nitak tuchina hoke :

13. Nitak tuchina takla ma Falaoh vt chi noshkobo ha akachakalichi cha, ish ahikia ya falvmminchit chi hilecha chi hoke : mikma Falaoh im isht-ishko ya aiishko sholi chia moma mvt, ish yvmihchi beka tok vt chohmit Falaoh ibbak a ish fohka chi hoke.

14. Yohmi kia chim achukmakmvt, is svthanvt is sa ka-

nashke, chim asilhha lishke; micha Falaoh ya is si anoli cha, aboha kullo iluppa is sa kohchichashke;

15. Heblu yakni ya a hukopet stsht vla tok o mehli hoka: micha iluppak kia nana ho yvmihchi li tuk o aboha kullo iluppa sa fohka he vhpesa kvt iksho akinli hoke, im achi tok.

16. Mihma puska ikbi i shahli hvt toshowa kvt achukma na pisa mvt, Chosef a, Uno ak kia sa holhpokna tuk oke; mihma yakeh, sa noshkobo ha tvpak yauwahvt tunna tuchina hosh on taloha tuk oke.

17. Mihma tvpak paknaka fehna talaia ka napalvaka ilaiyukali hosh Falaoh im alhto tuk oke: mihma hushi puta kvt tvpak vt sa noshkobo on talaia ka ai vpa tuk oke, im achi tok.

18. Mihma Chosef vt afalaminchit, Tshowa kvt iluppak oke: Tvpak tuchina kvt nitak tuchina hoke:

19. Nitak tuchina taklakma, Falaoh vt chi noshkobo ha akachakalichit chim ai ishi cha, iti yo on chi takalicha chi hoke: mikma hushi puta kvt chi nipi ya chim ai ishit vpa chi hoke, achi tok.

20. Atuk o nitak ont atuchina, yvmmt Falaoh vt aivtta tok nitak atuk o yakohmi tok, in tishu vhleha moma ka impvchi im ikbi tok: mihmt aiishko sholi i shahli, micha puska ikbi i shahli ya noshkobo ha akachakalichit in tishu vhleha takla hiohlichit tok.

21. Micha aiishko sholi i shahli yash falvminchit aiishko sholi ya anonti hilechi tok: mihma isht-ishko ya Falaoh ibbak a fohki beka tok.

22. Amba Chosef vt in tosholi tuk mak o, puska ikbi i shahli ya iti yo on takalichi tok oke.

23. Yohmi tuk kia aiishko sholi i shahli hvt Chosef a ik ithano hosh, amba im ahaksi tok.

CHAPTA XLI

ATUK o yakohmi tok, afvmmi tuklo vhpiesa kvt ont taha ma, Falaoh vt holhpokna tok: mihmt yakeh, okhina ontalaka hikia tok.

2. Mihma yakeh, wak tek pisa achukma, micha nipi nia achukma untuklo hosh okhina et kohcha tok; mjcha okhina ontalaka ya ai impa tok.

3. Atuk o yakeh, wak tek inla pisa ik achukmo, micha nipi chunna untuklo hosh et iakaiyvt okhina ya et kohcha tok: micha wak tek inla yash bilika okhina ontalaka ya hiel tok.

4. Mihmvt wak tek pisa ik achukmo, micha nipi chunna yash osh wak tek pisa achukma, micha nipi nia achukma yash vpt tahl tok. Yohmi ma Falaoh vt okcha tok.

5. Atuk osh nusi mvt, atukla ma holhpokna tok: mihma yakeh, onush vpi achufa ka noshkobo untuklo hochito, micha achukma hosh kohcha tok.

6. Mihma yakeh, noshkobo chipinta, hvshi akochaka mahli ishit bvshshi untuklo hosh et iakaiyvt kohcha tok.

7. Mihmvt noshkobo chipinta untuklo kash osh noshkobo hochito alota achukma untuklo kash nanvblit tahl tok. Mihma Falaoh vt okcha tok; mihma yakeh, holhpokna hatuk atok.

8. Atuk osh onnahnli ma yakohmi tok, chukvsh vt ik im vlpeso fehna tok; mihmvt natosholi vhleha moma micha hatak hopoyuksa vhleha moma Echip aiasha ka pit hoyo tok: micha Falaoh vt holhpokna tuk vt im anoli tok; yohmi kia achufa kia Falaoh ya in toshola hinla kv iksho tok.

9. Yohmi ma aiishko sholi i shahli hv Falaoh ha im anumpulit, Nana ashvchi li tuk vt himak nitak fehna ithaiyana lishke:

10. Falaoh hv in tishu ha i nukhobela cha, ai atoni, nan atoni i kvpitvni in chuka hikia ka, vno, micha pvka ikbi i shahli ya il itatuklo ka pi fohki tok.

11. Atuk o ninak achufa ho vno, micha yvma il itatuklot naholhpokna yo pi holhpokna tok: na holhpokna toshowa kv ila bika ho pi holhpokna tok.

12. Mihma Heblu hatak himita vt nanatoni i kvpitvni in tishu hosh pibafohka tok; atuk o il im anoli ma, pi holhpokna tuk a pin tosholi tok: ila pi holhpokna bika tuk mak o tosholi tok.

13. Atuk o yakohmi tok, pin tosholi tuk mak o yvmohmi tok: vno ano ahikia li ya falvmminchit sa hilechi mvt, yvmvmo vba takalechi tok, achi tok.

14. Yohmi ma Falaoh hut Chosef a pit hoyo tok; mihma tushpvt aboha kullo ya okla kohchit isht-ela tok: mihma ile shafi mvt, nafohka inla ishit fohka cha, Falaoh ha ont iba chukowa tok.

15. Mihma Falaoh hut Chosef a, Naholhpokna sa holhpokna tuk o kva hosh an toshola hinla kut ikshoshke: atuk o chishno ak osh naholhpokna ha ithanvt ish toshola hinla achi ho chi haklo li tuk oke, im achi tok.

16. Mihma Chosef vt Falaoh ha im afalaminchit, Uno ak keyu hoke, Chitokaka ak osh Falaoh ha anumpa falama achukma ho ima chi hoke, achi tok.

17. Mihma Falaoh hut Chosef a, Sa holhpokna mvt, yakeh, okhina ontalaka hikia li tuk oke.

18. Mihma yakeh, wak tek untuklo nipi nia achukma, micha pisa achukma hosh okhina et kohcha tuk: micha okhina ontalaka ai impa tuk oke.

19. Mihma yakeh, wak tek inla untuklo hliposhi, pisa ik achukmo, nipi chunna hosh okpulo kut yvma chohmi ka Echip yakni moma ka pisa li chatuk keyu ho et iakaiyvt kohcha tuk oke.

20. Mihmvt wak tek chunna, pisa ik achukmo yash osh wak tek nia achukma untuklo vmmona kash vptvpt tahli tuk oke.

21. Atuk osh vptvpt tahli mvt vptvpt tahli tuk a akostinicha he keyu tuk; amba pisa ik achukmo kut vmmona tuk vt imoma tuk oke. Yohmi ho sai okcha tuk oke.

22. Atuk osh sa holhpokna cha, pisa li ma, yakeh, vpi achvfa ka noshkobo untuklo hosh alota, micha achukma hosh kohcha tuk oke.

23. Mihma yakeh, noshkobo untuklo hosh shila, chipinta, micha hvshi akochaka mahli ishit bvshshi yosh iakaiyvt kohcha tuk oke.

24. Mihma noshkobo chipinta yash osh noshkobo achukma untuklo kash nanvblit tahli tuk oke: atuk o natosholi

vhleha hā im anoli li tuk ak o, achvfa kia vm anola he ke-yushke, im achi tok.

25. Mihma Chosef vt Falaoh ha, Falaoh holhpokna tuk vt achvfa hoke: Chitokaka yvt nana kaniohma chī kv̄t Falaoh hā im otv̄nichi hoke.

26. Wak tek achukma untuklo kash osh afv̄m̄mi untuklo hoke: micha onush noshkobo achukma untuklo kash osh afv̄m̄mi untuklo hoke: naholhpokna hv̄t achvfa hoke.

27. Mikma wak tek untuklo chunna, micha pisa ik achukmo hosh et iakaiyvt kohcha tuk ash osh afv̄m̄mi untuklo hoke; mikma onush noshkoho chipinta, micha hv̄shi akochaka mahli ishit bv̄shshi untuklo kash osh afv̄m̄mi untuklo hohchv̄fo ha chī hoke.

28. Nana Ilv̄ppak o Falaoh hā im anumpuli li tuk oke; Chitokaka yvt nana kaniohma chī kv̄t Falaoh hā im otv̄nichi hoke.

29. Yakeh, Echip yakni moma k̄a nana waya ch̄into fehna afv̄m̄mi untuklo hosh minti hoke.

30. Atukma afv̄m̄mi untuklo hohchv̄fo hosh et iakaiya chī hoke: mikma nawaya laua achukma tuk moma k̄a Echip yakni ȳa ai im ahaksa chī hoke: mikma hohchv̄fo kv̄t yakni ȳa tahl̄a chī hoke.

31. Hohchv̄fo yv̄mm̄vt et iakaiya kak o nawaya laua achukma tuk a yakni yv̄mma ai ithana chī keyu hoke: palv̄m̄mi fehna chī hoka.

32. Mich̄a hitukla hā Falaoh hā naholhpokna in tuklochi tuk vt Chitokaka yvt nana k̄a k̄v̄llochit apesa cha chekosikma Chitokaka yvt aighlichia chī kak atuk oke.

33. Yv̄mohmi hoka himak a Falaoh hv̄t hatak vt nana k̄a ahah, ahni cha hopoyuk̄a ȳo hoyot ik ahayuchi cha, Echip yakni ȳa pehlich̄i ya chī h̄o hilechashke.

34. Falaoh hv̄t ilv̄ppak o ik yv̄mihchi, mich̄a yakni ȳa apesv̄chi vhleha atokolit hilechi cha, Echip yakni ȳa afv̄m̄mi untuklo nawaya laua achukmakma ishit tahlapi k̄a okla ishashke.

35. Mikma afv̄m̄mi achukma yv̄mm̄vt vlakma, ilhpak moma k̄a itv̄nahlashke, mikm̄vt Falaoh hā ibbak fohkit bohli cha, tv̄maha holiht̄a puta k̄a ilhpak ashachit ieshashke.

36. Mikma ilhpak yummvt afvmmi untuklo hohchvfo vt Echip yakni ya asha chi takla ka yakni ya im ilhpak osh aiashashke; yvmohmi ho yakni vt hohchvfo kak o ik mo-sholo kashke, im achi tok.

37. Mihma nana ka Falaoh micha in tishu vhleha moma aiena kvv achukma, ahni tok.

38. Mihmvt Falaoh hvv in tishu vhleha ha, Chitokaka imi shilombish vt ibafoyuka hatak ilvppa chohmi ka il ahayucha hinla cho? im achi tok.

39. Micha Falaoh vt Chosef a, Chitokaka yvt ilvppa moma ka chim otvnichi tuk oka, achvfa kia nana ka ahah, ahni, micha hopoyuksa kvv chishno chohmi kvv ikshoshke:

40. An chuka achvfa ya ish pehliecha chi hoke: micha chim anumpa pulla ho vm okla moma kvv iakaiya chi hoke: miko im aiombinili holitompa ak illa ho chi shahli la chi hoke, im achi tok.

41. Micha Falaoh hvv Chosef a, Yakeh, Echip yakni moma ka pehlichi ya chi ho chi atokoli lishke, im achi tok.

42. Micha Falaoh hvv ibbak ushi fohka ya shvfi cha, Chosef ibbak a fohki mvt, linen tapvski nafohkvchi mvt, tvi lakna itatakvli ikunla afohommi tok.

43. Micha itichanvlli atukla i hikia tuk vt ombinilichi tok: mihma tikba okla payvt ayvt, Hvsh hvchukbihlepashke, ahanchi tok: micha Echip yakni moma ka pehlichi ikbi tok.

44. Micha Falaoh hvv Chosef a, Falaoh sia hoke, chishno ak o keyu ka Echip yakni moma ka hatak nana kia ibbak okma, iyi yokma, nana ka vba wiela he keyushke, im achi tok.

45. Micha Falaoh hvv Chosef hohchifo ha Safnalh-paaneah achi tok; micha naholitompa isht vtta On vtta Poti-felah ya ushetik Asenalh, tekchi ya chi ho ima tok: mihma Chosef vt Echip yakni moma ka hlopullit aya tok.

46. Micha Chosef vt Echip i miko ya itikba hikia mvt, afvmmi pokoli tuchina tok: mihmvt Chosef vt Falaoh itikba hikia tuk vt kohcha mvt, Echip yakni moma ka hlopullit aya tok.

47. Atuk o afummi untuklo nana waya achukma yvt ula na, yakni vt ibbak alota ho waya tok.

48. Mihma afummi untuklo ilhpak moma Echip yakni aiasha tuk a itvnahli cha, tmaha holihta puta ilhpak a ai ashachi tok: tmaha holihta puta apakfoyupa ka ilhpak osa-pa aiasha tuk a mih makinli ho ai ashachi tok.

49. Micha Chosef vt onush itvnahli ka laua fehna kvv ok-heta shinuk aiasha kak o choyumichit hotihna kvv issa tok: a holhtina iksho hatuk oka.

50. Afummi hohchvfo vt ik lo kisha ho Chosef vt ushi tuklot asha tok: yvmma On naholitompa isht vta ushetik Asenah vt im eshi tuk atok.

51. Mihma Chosef vt vttahpi hohchifo ha Manasseh achi tok; nan-isht-svlbvsha moma, micha aki in chuka achvfa moma ka Chitokaka yvt vmi haksichi hoka, achi tok.

52. Micha atukla hohchifo ha Eflaim achi tok: yakni a svlbvsha ya Chitokaka yvt sa wayvchi hoka, achi tok.

53. Atuk o Echip yakni ya afummi untuklo nawaya laua yvt ont taha tok.

54. Mihma Chosef vt achi tok mak o afummi untuklo hohchvfo vltv ishtia tok: micha hohchvfo kvv yakni moma tok: yohmi kia Echip yakni moma ka pvska vt asha tok.

55. Atuk o Echip yakni moma ka hohchvfo mvt, okla hvv Falaoh ha pvska im asilhha ma, Falaoh hvv Echip okla moma ka Chosef ak o oh im ona; nana ho hvchim achik-ma, hvsh yvmohmashke, im achi tok.

56. Mihma hohchvfo kvv yakni paknaka moma ka palvmmi fehna tok: mihma Chosef vt ilhpak ai itola moma ka tiwi cha, Echip okla ha i kanchi tok: mihma Echip yakni ya hohchvfo palvmmi kvv i shahlit mahaya tok.

57. Mihma yakni inla moma kvv onush chumpa chi hosh Echip a onvt Chosef a im ona beka tok: yakni moma ka hohchvfo kvv palvmmi hatuk oka.

CHAPTA XLIL

ATUK o Echip a onush vt asha ho Chekob vt akostinin-
chi mvt, Chekob vt ushi vhleha ha, Nanta katiohmi
ho filemvt hvsh iti pisa cho? im achi tok.

2. Micha yakeh, Echip o onush vt asha ho haklolishke:
yvmmak o hvsh ona cha, yvmmak o ont hvsh pim a chum-
pashke; yvmohmi ho pi okchaya cha, ik pillo ka chi hoke,
achi tok.

3. Mihma Chosef itibapishi pokoli kvv Echip a onush a
chumpa chi hosh ilhkoli tok.

4. Amba Chosef itibapishi Benchamin ano Chekob vt,
Nan ik achukmo nana kia onvtola yoba na, achi hatuk osh
itibapishi vhleha takla ik pelo tok.

5. Israel ushi vhleha hvv onush chumpvt ai ona ka takla
ona tok: Kenan yakni ya hohchvfo kvv asha hatuk
oka.

6. Mihma Chosef vt yakni ya pehlichy atok; micha yvm-
mak osh yakni yvmma okla moma ka i kanchi tok: atuk o
Chosef itibapishi vhleha hvv ona mvt, itikba ya im akachu-
nolit aka hlipkvchi tok.

7. Mihma Chosef vt itibapishi vhleha ha pisa mvt ithana
tok; yohmi kia inla im il ahobit, ilhpash ikshot im anum-
puli tok; micha, Katima hvsh minti cho? im achi tok.
Mihma Kenan yakni e minti hosh ilhpak chumpvt il aya
hoke, okla achi tok.

8. Mihma Chosef vt itibapishi vhleha ha ithana tok, yoh-
mi kia Chosef ano okla ik ithano tok.

9. Mihma Chosef vt naholhpokna ishit holhpokna tok vt
ithaiyana tok; micha, Yakni pisvt aya hvchia hoke; yakni
vt ashaiyahbi ka pisvt hvsh aya hoke, im achi tok.

10. Mihma, Keyú, a shahli ma, peh ilhpak chumpvt aya
hosh chin tishu vhleha hvv vla hoke.

11. E moma kvv hatak achvfa ushi vhleha pia hoke: ha-
tak aighli vhleha pia hoke; chin tishu vhleha hvv yakni pi-
svt aya keyu hoke, okla im achi tok.

12. Mihma, Keyú, peh yakni vt ashaiyahbi ka pistv aya hosh hvsh la hoke, im achi tok.

13. Mihma, Hatak achvfa Kenan yakni ya vta hq ushi vhleha hosh chin tishu vhleha hvv itibapishi auhtuklo hoke: atuk o yakeh, nakfish ishtaiyopi vt himak a piki takla ahantakma, achvfa kvv iksho hoke, achi tok.

14. Mihma Chosef vt, Yakni pistv aya hvchia hoke, anumpulit achi li tuk vt yvmmak oke.

15. Ilvppak o isht hvsh otvna chj hoke: Falaoh hvv okchaya pulla ka hvchi nakfish ishtaiyopi vt ilvppa ik lo ka ilvppa kohchvt hvsh ilhkola he keyu hoke.

16. Hvsh achvfa kanima ka hvsh pila na hvch itibapishi hq ont ishtvashke, mikma talakchit aboha kvvlo hvsh aiashashke, yohmi hq nana kia hvsh ahlikma hvch im anumpa hvv isht otvnashke: keyukmvt Falaoh hvv okchaya pulla ka yakni pistv aya hvchia hoke, im achi tok.

17. Mihmvt mominchit itiba fohkit nitak tuchina hq aboha kvvlo apitta tok.

18. Mihmvt Chosef vt nitak ont atuchina ma, Ilvppak o hvsh yvmihchi cha, hvsh okchayashke: Chitokaka ya i sa nukshopa hoka.

19. Hatak aiahli hvchia hokma, hvch itibapishi achvfa hosh talakchit hvchim aboha kvvlo yash fokashke: mikma hvv hvchin chuka achvfa hohchvfo ka onush isht hvsh im onashke.

20. Yohmi kia hvchi nakfish ishtaiyopi ya ont ishit hv som vlashke; yohmi hq hvchim anumpa hvv ahla chj hoke, mikma ik hvch illo ka chj hoke, im achi tok. Mihma okla yvmohmi tok.

21. Mihmvt ilap bika, Pitibapishi pulla ka chukvsh komunta ka e pisa, micha pim ilbvsha ma e hakla he keyu kvv nana il im ashvchi fehna tok vt pi onvtoyula mvhli hoke: yvmohmi kak o nan ik achukmo ilvppvt pi onvtola hoka, it-im achit hiel tok.

22. Mihma Luben vt afalaminchit, Hvchim anumpulit, Ulla ya hvsh i yoshuba ná, achi li tok keyu cho? mihma hvsh haponakla he keyu tok: yvmohmi tok ak o yakeh, im iasish a pi a hoyo akinlishke, im achi tok.

23. Micha Chosef vt haklo ka okla ik ithano tok : anumpa tosholi yo isht itim anumpuli hatuk oka.

24. Mihmvt i filvmmi cha, nishkin okchi mihinti tok; atuk osh anonti falamvt im ona cha, itim anumpuli mvt, Si-meon a im ishi cha, okla pisa ho takchi tok.

25. Yohmi mvt i bahta ya onush alotoli cha, hatak in tuli holisso aiyukali falmminchit i bahta ya apittakmvt, hina takla pinak ima chi ka Chosef vt apesa tok : micha yvmmak o yvmihchi tok.

26. Mihma im issuba haksobish falaia ya onush ash shi polichi mvt, ilhkoli tok.

27. Atuk o anusi aboha ya okla ona ma, achvfa kv im issuba haksobish falaia ya nanvpa ipeta chi hosh i bahta ya hotofi mvt in tuli holisso ya pisa tok : yakeh, i bahta ya foka tuk oka.

28. Mihma itibapishi vhleha ha, An tuli holisso hv a falamvshke; micha yakeh, a bahta fehna ka fokvshke, im achi tok : mihma chukvsh kvnia cha, nukshopvt okla wvnihinchi mvt, Ilvppak osh nanta mak o Chitokaka yvt pi yvmihchi cho? itim achi tok.

29. Atuk osh Kenan yakni ya onvt, iki Chekob a im ona mvt, nana im a kaniohmi tuk vt moma im anolit,

30. Hatak vt yakni yvmma i shahli yosh ahanta kv ilhpash ikshot pim anumpuli cha, yakni pisvt aya pi ahni tuk oke.

31. Mihma, Hatak aighli pia hoke : yakni pisvt aya pia keyu hoke.

32. Hatak achvfa piki ushi vhleha pia hosh itibapishi ahtuklo pia hoke : achvfa kv iksho, mikma nakfish ishtaiyopi vt himak nitak a piki takla Kenan yakni ya anta hoke, il im achi tuk oke.

33. Mihma hatak yakni yvmma i shahli yash osh, Ilvppak o hatak aighli hvchia ka isht ithvna la chi hoke : hvch itibapishi achvfa ka hvs sa kanchi cha, hvchin chuka achvfa hohchvfo aiasha ka ilhpak oh im ishi cha oh ilhkoli :

34. Micha hvchi nakfish ishtaiyopi ya ishit hvs svv vlashke : yohmikmak o yakni pisvt aya keyu, amba hatak

aighli hvchia ka ithvna la chi hoke: yohmikma hvch itibapishi ha hvch ima likma, yakni ya hvsh ai itatobashke, pim achi tuk oke, im ahanchi tok.

35. Atuk o yakohmi tok, i bahta ya okla tosholi ma, yakeh, in teli holisso bonunta ai yukali kv*t* i bahta ya foka bano tok: mihma yummvt micha iki aiena kv*t* teli holisso bonunta ya okla pisa mvt, nukshopa tok.

36. Mihma iki Chekob vt, Uno ya vlla hvs sa wehpulishke: Chosef vt iksho, Simeon vt iksho, mihma Benchamin a ishit hvsh ia chishke: iloppa puta kv*t* si onvtonla hoke, im achi tok.

37. Mihma Luben vt iki ya im anumpulit, Ishit ak chim vlokma, svso tuklo ka ish bashke: svbbak a ish fohki tukma, anonti ishit chim vla la chi hoke, achi tok.

38. Mihma, Svso hv*t* hvchi awant ia he keyu; itibapishi hv*t* illi tok o, ilap bano hosh anta hoke: hina yumma hvsh ia ka nana ik achukmo kia onvtolakma, yohmikma sa pashi tohbi ya ilvshalit ahollophi ya hvs svsh*t* ona chi hoke, achi tok.

CHAPTA XLIII.

ATUK o yakni ya hohchvfo kv*t* palvmmi tok.

2. Atuk o yakohmi tok, onush a Echip a ont ai ishtvla tuk vt vpt tahl*i* ma, iki vt, Anonti hvsh ia cha, ilhpak kanomosi ka ont hvsh pin chumpashke, im achi tok.

3. Mikma Chutah vt im anumpulit, Hatak vt anumpa kv*l*lo il onochit, Hvch itibapishi hv*t* hvchi awant aya keyukma, sa nashuka ya hvsh pisa he keyu, pim achi tok.

4. Pitibapishi ha pi takla ish pila hokmvno, il ia cha, ilhpak a ont e chin chumpashke;

5. Amba ish pila he keyu hokmvno, il ia he keyu hoke: Hvch itibapishi hv*t* hvchi awant aya keyukma, sa nashuka ya hvsh pisa he keyu, hatak ash osh pim achi tuk oka, achi tok.

6. Mihma Israel vt, Nanta katiahmi ho nan ik achukmo ka si yvmihchit, himakma hvch itibapishi hv*t* anta ka, hvsh im anoli tuk oh cho i achi tok.

7. Mihma, Hatak ash osh kaniohmit il aiasha chatuk a, micha pi kanomi aiena ka atokolit pim a ponaklot, Hvch iki vt okchaya moma ho? hvch itibapishi inla yvt anta ho? achi tok; mihma anumpa ilvppa chohmi kak o il im anoli tok: Hvch itibapishi ha ont isht oh vla, acha hinla ka il it-hana hinla pulla tuk o? achi tok.

8. Mihma Chutah vt iki Islael a, Ulla ya vno ak o subbak fohkit ish pilakma, e wakaya cha, il iashke, yvmohmi ho pishno, micha chishno, micha pim vlla vhleha aiena kvv pi okchaya cha, ik pillo kashke.

9. Uno ak osh aighlichi sia hashke; subbak ak o ish a hoyashke: ishit chim vltv chi tikba ak hilechokmvt, vno ak osh anumpa si onvtoyula na biliashke.

10. Kil ahchibalo tuk mvt, himak o atukla mak o, ont falamvt e la he tuk pulla hoka, im achi tok.

11. Mihma iki Islael vt, Himak a yvmohma he vlvpesakma, ilvppak o hvsh yvmihchashke: yakni ilvppa nawaya achukma i shahli chim aivlhto fohkit hvsh ishi cha, hatak ash, hlitili balsam kanomosi, micha foibila kanomosi, nabalama, micha hlitili mvh, tiak holba vni, micha almont aiena kvv i na hvlbina chi ho ishit hvsh im onashke.

12. Micha tvli holisso yash inlohmi tuklo ho chibbak a hvsh iashashke; micha tvli holisso vt hvchi bahta foka na anonti ishit hvsh la tuk a ishit hvsh iashke; yohmi, ik-ahno ketuk yoba ka:

13. Micha hvch itibapishi ha hvsh ishi cha, wakayvt anonti hatak ash hvsh im onashke:

14. Mikma Chitokaka Nan isht im aighli ataha iksho vt hatak ash itikba ya a hvchi nukhaklo na, hvch itibapishi achvfa, micha Benchamin a et pilashke: vlla yvt sa wehpoa hokmvt, sa wehpoa hoke, im achi tok.

15. Mihma hatak vhleha hash osh nahvlbina yvmmak ash, micha tvli holisso yash inlohmi tuklo ho, ibbak foka micha Benchamin a ishi tok; micha wakaya mvt, Echip a ilhkoli tuk osh Chosef itikba ya ont hieli tok.

16. Atuk o Chosef vt Benchamin vt takla aya na pisa mvt, in chuka achvfa pehlichi ya, Hatak vhleha ilvppa chuka

isht ish ona cha, nan vbit atahli; hatak vhleha ilvppvt tubokolikma, svbaimpa chi hoke, im achi tok.

17. Mihma Chosef vt miha tuk mak o hatak ash osh yvmihchi tok: micha hatak ash osh hatak vhleha hash o Chosef in chuka isht ona tok.

18. Mihma hatak vhleha hash osh, Chosef in chuka isht ona kak o, okla nukshopa tok; micha, Ummona ka tvli holisso vt pi bahta fokvt falama tok ak o nana isht a mihvt pishicha, yuka pikbi mvt, pim issuba haksobish falaia aiena ka isha chi hosh pishit vla hoke, okla achi tok.

19. Mihmvt Chosef in chuka achvfa apesvchi yash bilika ona cha, aboha okhissa ya ai itim anumpuli tok.

20. Mihmvt, Ikikkeh, a shahli ma, ummona ka ilhpak chumpvt il aya tok vt ahli hoke.

21. Atuk o yakohmi tok, aboha anusi ya il ona mvt, pi bahta ya e hotofi ma, yakeh, pin tvli holisso yash osh pin tvli holisso weki hatuk vt moma hosh pi bahta aiyukali ka foka tuk oke: atuk o anonti pibbak foka ho ishit e lvshke.

22. Michi ilhpak isht e chumpa chi kvv tvli holisso inla pibbak foka ha ishit e lvshke: kvna hosh pin tvli holisso ya pi bahta fohki tuk a kil ithanoshke, achi tok.

23. Mihma, Hvchi nuktaiyalashke, ik hvchi nukshopo kashke: hvchin Chitokaka, micha hvch iki in Chitokaka ak osh tvli holisso hvch imvt, hvchi bahta ya fohki tuk oke: hvchin tvli holisso ya ishi li tuk oke, achi tok. Mihmvt Simeon a kohchit isht im ona tok.

24. Mihmvt hatak ash osh hatak vhleha hash o Chosef in chuka isht ona cha, oka ima na iyi ya okla achifa tok; mihma im issuba haksobish falaia ya nanvpa ipeta tok.

25. Mihma Chosef vt tubokolikma vla chi itin takla ka nahvlbina yash atahli tok: yvmmak o okla ai impa chi kvv haklo tuk okvt.

26. Atuk o Chosef vt chuka vla ma, nahvlbina ishit vla tuk vt aboha okla isht im vla cha, im akachunolit aka pit hlipkvchi tok.

27. Mihma im achukmaka ka i ponaklot, Hvch iki, hatak

sipokni hvs sum anoli chash osh im achukmaka cho? okcha-ya moma cho? achi tok.

28. Mihma afalaminchit, Chin tishu piki vt im achukmaka-kuahke, okchaya momahke; achi tok: mihmt akachunoli cha, aka pit hlipkchi tok.

29. Mihma akachakali cha, ishki ya ushi itibapishi Benchamin a pisa mvt, Iluppak osh hvchi nakfish ishtaiyopi hvs sum anoli tuk mak oh cho? achi tok. Mihmt, Saso ma, Chitokaka yvt chi kanashke, achi tok.

30. Mihmt Chosef vt itibapishi ha chukvsh ishit nukhak-lo hatuk osh tushput a yaiya chi kvt hoyo tok: mihmt in chuka anukaka ont chukowa cha, a yaiya tok.

31. Atuk osh okami cha, kohcha mvt il oktambli cha, Psaka ho talali, achi tok.

32. Mihma Chosef a ila in talali, anonti yumma ila in talali mvt, Echip okla hv takla impa ka ila in talali tok: Echip okla hv Heblu okla ha itibai impa he keyu chatuk; yummt Echip okla hv nan isht im ayuwala yatuk oka.

33. Mihma vttahpi yvt ai isha he vhpesa yak o vhpisa hosh, micha ont ishtaiyopi yano himita kak o vhpisa hosh itikba okla binohli tok: mihmt hatak vhleha hash osh okokko, it ahni tok.

34. Mihma ilap itikba ai ishi cha, kvshkoa ho pit i pila tok: yohmi kia Benchamin a i kvshkoa hvto inla ka immi ha inlohmi tahlapi tok. Mihma okla nanishko cha, ibai yukpa tok.

CHAPTA XLIV.

ATUK o Chosef vt in chuka achvfa pehlichy ya i mihvt, Isht aya he vhpesa ho hatak vhleha hash i bahta ya ilhpak hvsh aluli cha, hatak moma ka in teli holisso aiyukali ka i bahta ya hvsh apittashke.

2. Micha vm ishtishko, ishtishko teli hvta ya, micha im onush aiilli teli holisso ya nakfish ishtaiyopi i bahta ya ish fohkashke achi tok: mihma anumpa Chosef vt anumpuli tuk mak o yumihchi tok.

3. Onnahinli kv̄t tohwikeli makinli hō hatak v̄hleha hash, micha im issuba haksobish falaia aiena k̄ pit tihleli tok.

4. Atuk osh t̄maha holihta yā kohchv̄t ik hopakecho k̄sha hō Chosef v̄t in chuka achv̄fa pehlichī yā, Wakayá, hatak v̄hleha hash hliolī; atuk osh ont ish sakkikm̄v̄t, Nanta katiohmi hō nan achukma k̄ nan ik achukmo hō hv̄sh atobbi cho?

5. A shahli hv̄t ai ishko chatuk, micha nan isht ithv̄na chatuk mv̄hli ilēppak keyu cho? ilēppa hv̄sh yvmihchi kv̄t ik achukmo hō hv̄sh yvmihchishke, ish im achashke, im achi tok.

6. Atuk o ont sakki cha, anumpa ilēppak inli hō im anumpuli tok.

7. Mihma, Nanta katiohmi hō anumpa ilēppa a shahli hv̄t achi cho? chin tishu v̄hleha hv̄t nana ilēppa chohmi k̄ yvmihchi k̄ Chitokaka yv̄t im olv̄bashke.

8. Yakeh, t̄vli holisso hv̄t p̄i bahta yā fōka na il ahayuchi tuk v̄to anonti Kenan yakni yā ai isht e la tuk oke: yohmi tuk v̄t katiohmi kak o t̄vli hv̄ta, keyukm̄v̄t t̄vli holisso lakna kia hukopv̄t a shahli in chuka yā isht e kohcha hinla cho?

9. Chin tishu v̄hleha kanima kak osh ishi tuk o haiakakma, yvm̄v̄t illashke, mikma pishno ak kia a shahli h̄a i yuka v̄hleha pia hashke, im achi tok.

10. Mihma, Himak akinli k̄ hv̄chim anumpa pulla hatuk mak o yvmohmashke: kv̄na hosh ishi tuk o haiakma, yvmak osh an tishu ha ch̄i hoke; mikma hv̄chishno v̄to nana ik hv̄ch̄i kaniohmo ka ch̄i hoke, achi tok.

11. Yohmi ma t̄vshp̄v̄t hatak i bahta aiyukali kv̄t akv̄chit aka bohli tok: micha hatak i bahta aiyukali kv̄t hotofi tok.

12. Mihma hoyo tok, micha akni fehna ak o v̄tv̄t ai ishtia hosh nakfish ishtaiyopi yā isht ona tok: mihma isht ishko v̄t Benchamin i bahta ak o fōkv̄t haiaka tok.

13. Yohmi ma i nafohka yā okla hlilv̄ffi cha, hatak im issuba haksobish falaia aiyukali kv̄t shapolechi m̄v̄t, falamv̄t t̄maha holihta yash ona tok.

14. Mihma Chutah, micha itibapishi v̄hleha aiena kv̄t

Chosef in chuka ya ona tok; (yymma anta moma hatuk oka,) micha itikba ya okla hlipkvchi tok.

15. Mihma Chosef vt, Ilvppvt nanta mak o hvsh yymih-chi tuk oh cho? hatak vno chohmi kvv nan ithvna la hink pulla ka hvch ik ithano tuk oh cho? im achi tok.

16. Mihma Chutah vt, A shahli ha nanta ho il im acha chj cho? nanta ho il im anumpula chj cho? e katiohmi kak osh il il aivlhpiessvcha chj cho? Chitokaka yvt chin tishu vhleha nanashvchi yo ahayuchishke: yakeh, a shahli in tishu vhleha pia hoke, pishno, micha isht ishko ya ishi tuk o haika tuk aiena kvv, achi tok.

17. Mihma, Yohmi la he ya Chitokaka yvt olvbashke: amba isht ishko vt ibbak fokvt haika tuk hatak yummak osh an tishu ha chj hoke: amba hvchishno vto hvch iki ya achukmakvt hvsh im onashke, achi tok.

18. Yohmi ma Chutah vt i bilika ona cha, A shahli ma! chim asilhha lishke, a shahli hvv haklo ho, chin tishu hvv anumpa achvfa anumpuli lashke; mikma chim ai i nukkilli hvv chin tishu ha i sanalit ik libbo kashke: Falaoh hak o ish chohmi hokvt.

19. A shahli hvv in tishu vhleha ha i ponaklot, Hvch iki vt asha? keyukmvv hvch itibapishi hvv anta hoh cho? achi tok.

20. Mihma a shahli ha, Piki vt anta, hatak sipokni, mi-cha sipoknit taha ho vlla im vta tok osh, iskitini yosh anta: mikma itibapishi hvv illi tok, ishki achvfa yvt yummak illa hosh okchaya ho, iki vt holitobli hoke, il im achi tok oke.

21. Mihma chin tishu vhleha ha, Isht hvv sum vla na a holhponayo onochit pisa lashke, ish im achi tok oke.

22. Mihma pishno vt a shahli ha, Ulla yvt iki a i filvmit aya he keyu; iki a i filvmit aya hokma, iki vt illa hi oka il im achi tok oke.

23. Mihma chin tishu vhleha ha, Hvchi nakfish ishtaiyopi vt hvchi awant vla keyukma, himakma sa nashuka ya hvsh pisa chj keyu hoke, ish im achi tok oke.

24. Atuk o yakohmi tok, piki chin tishu ha il im onamvt, a shahli im anumpa ha il im anoli tok oke.

25. Atuk o piki vt, Anonti hvsh ia cha, ilhpak kanomosi ont hvsh pin chumpashke, achi tuk oke.

26. Mihma, Il ia he keyu hoke; pi nakfish ishtaiyopi vt pi takla ia hokmvno, il ia hinla hoke: pi nakfish ishtaiyopi vt pi takla aya keyukma, hatak ash nashuka ya e pisa he keyu hokvt, il achi tuk oke.

27. Mihma chin tishu piki vt, Sa tekchi vt vlla nakni tuklo ho vm eshi tok a hvsh ithanvshke:

28. Atuk o achufa kv a filvmmmit kohchvt ia tuk o, Nipvt taha tuk pullvshke, achi li tok; yvmmak atok itin takla ma ak peso chatuk oke.

29. Atuk o ilvppak kia isht hvsh ia tuk o; nana ik achukmo kia onvtolakma, sa pashi tohbi ya ilbvshalit ahollohpia ya hvsh vsht ona chi hoke, pim achi tuk oke.

30. Yvmohmi hoka himak a chin tishu aki ya im ona likma, vlla yvt ik piba fokokma, (im ilhfiopak vt vlla im ilhfiopak ak o ita talakchi hatuk okvt;)

31. Yakohma chi hoke; vlla yvt pi takla ik ayo ho pisakmvt, illa chi hoke: mikma piki pashi tohbi ya hvchin tishu pia hv ilbvshalit ahollohpia ya isht il ona chi hoke.

32. Chin tishu hv vlla yash iki ya isht im ona la hi vt aighlichia tohvt, Isht ak chim vlokma, aki vt anumpa si onochi na biliashke, achi li tuk oke.

33. Yvmohmi hoka himak a chin tishu hak osh vlla yash vltobvt a shahli ha i yuka tobt antashke, chim asilhha lishke: mikma vlla yvt itibapishi vhleha ha takla iashke.

34. Katiohmi kak osh vlla yvt sa takla aya keyu ka aki ya im ona la hinla cho? keyukma nana ik achukmo kv aki ya onvtola chi ka pisa la chi yoba ka, achi tok.

CHAPTA XLV.

YOHMI ma Chosef vt bilika hiel tuk ash moma itikba ya il oktambla he keyu tok; mihmvt chitoli hosh, Hatak moma ka a filvmmichit hvsh kocha wehslashke, achi tok:

mihma Chosef vt itibapishi vhleha im il anoli takla ka hatak nana kia apehvt hinli kvt iksho tok.

2. Mihma Chosef vt chitolit yaiya tok; mihma Echip okla, micha Falaoh in chuka achvfa aiena kvt haklo tok.

3. Mihma Chosef vt itibapishi vhleha ha, Chosef sia hoke; aki vt okchaya moma cho? im achi tok. Mihma itibapishi vhleha hv im afalamicha he keyu tok; nashuka pisa kvt nukhlakancha hatuk okvt.

4. Mihma Chosef vt itibapishi vhleha ha, A bilika ho minti, hvchim asilhha lishke, im achi tok: mihma bilika okla ona tok: Mihma, Hvch itibapishi Echip et hvsh kanchi tok Chosef sia hoke, achi tok.

5. Yvmohmi hoka himak a ilvppa et hv sa kanchi tok vt ik hvchi nukhaklo cha, hvch ik il i nukkillo kashke: Chitokaka ak osh hatak okchalinchichi la chi ho hvchi tikba et sa pila tok oka.

6. Ilvppvt afvmmi tuklo mak o hohchvfo yvt yakni ya itoyula tuk oke: mikma yohmi hokak o afvmmi tahlapi moma ho yakni patvffi, micha nan vmo nana kia iksho ka chi hoke.

7. Yohmi ka hvchim ishtatiaka okchalinchichi li, yakni paknaka aiasha chi ho, micha ahlakofi chinto ho isht hvchi okchalinchichi la chi ho, hvch itikba Chitokaka yvt sa pila tuk oke.

8. Yohmi ka hvchishno ak osh ilvppa et hv sa pila tuk keyu, amba Chitokaka ak atok oke: micha Falaoh ha iki, micha i chuka achvfa ya i shahli, micha Echip yakni moma ka pehlichichi sa hilechi tuk oke.

9. Hvsh tushpashke, micha aki ya hvsh im ona cha, Chiso Chosef vt yak achishke, Chitokaka yvt Echip moma ka i shahli ha sa hilechi tuk oke: is svm vlashke, ish svlaha na;

10. Michi Koshen yakni ak o, is sa bilika chi, chishno, micha chim vlla vhleha, micha chim vlla vhleha ha im vlla vhleha, micha chi nanvlhpoa chipinta, micha chi nanvlhpoa hochito, micha nana chim gsha moma kvt ish aiashashke.

11. Mikma yvmmak o a hvchi ipeta la chi hoke, (hoh-

hvt afummi tahlapi kv̄t aśha moma hoka;) yohmi ho
o, mīcha chin chuka achvfa, mīcha nana chim aśha
kv̄t hohchv̄fot chi taha yoba ná, achishke, hv̄sh im
ke;

Mīcha hv̄chi nishkin, mīcha itibapishi li Benchamin
a vt pīsa k̄a sv̄tīh hak osh hv̄chim anumpulelishke.

Mīcha Echip a nana sa holitopa moma, mīcha nana
īsa tuk a mominchit hv̄sh im anolashke: mīcha tush-
i yā ilvppa isht hv̄sh lashke, im achi tok.

Mīcha itibapishi Benchamin ikunla yā on hlipia cha
a tok: mihma Benchamin vt yv̄mma ikunla yā on
cha yahaya tok.

Mīcha itibapishi vhleha moma k̄a i suksowa cha, on
yahaya tok: mihma yohmi ha yak o, itibapishi vhlē-
itim anumpuli tok.

Atuk o Chosef itibapishi vhleha hvt vlvshke, achi na
k̄a Falaoh in chuka achvfa yvt haklo tok: mihma
a, mīcha in tishu vhleha aiena kv̄t im achukma fehna tok.

Mīcha Falaoh hvt Chosef a, Chitibapishi vhleha ha
ish im achashke, Ilvppak o hv̄sh yvmihchashke;
n issuba haksobish falaia yā hv̄sh shapolechi cha, ivt
a yakni yā hv̄sh onashke;

Mīcha hv̄ch īki, mīcha hv̄chin chuka achvfa yā hv̄sh
a, hvs sv̄m vlashke: mikma Echip yakni ai achukma
hv̄ch ima likma, yakni nia kak o hv̄sh ai vpashke, ish
lashke.

Himak a chī miha lishke, ilvppak o hv̄sh yvmoh-
e; hv̄chim vlla vhleha, mīcha hv̄chi tekchi vhleha
kv̄t ai vlbeha chī ka, Echip yakni yā itichanvlli puta ai
vahr̄ ona cha, hv̄ch īki yā isht hv̄sh, minti cha, hv̄sh

Mīcha hv̄chī nachukushpa yā hv̄ch ik anukfillo kash-
chip yakni ai achukma moma kv̄t hv̄ch immi hokvt,
ai tok.

Mihma Israel im vlla vhleha hvt yvmihchi tok: mih-
laoh hvt miha tuk mak o, Chosef vt itichanvlli puta
a, hina takla pinak aiena k̄a ima tok.

22. Moma **kā** nafohka fohka tuklo aiyukali hō ima tok: amba Benchamin ano tvli hvta tushahli tahlepa tuchina hō, micha nafohka fohka tahlapi hō ima tok.

23. Micha **iki** ya yummak inli chohmi hō pit **i** pila tok; micha issuba haksobish falaia yvt Echip nana achukma puta shali pokoli, micha issuba haksobish falaia tek pokoli hosh, hina takla **iki** vt vpa **chi** hō onush; micha pvaka, micha pinak shali hō pila tok.

24. Yohmi mvt itibapishi vhleha hā pila na ilhkoli tok: mihma, Ahah, hvsh ahni cha, hina takla hvch ik itim okpulo kashke, im achi tok.

25. Mihma Echip **a** kohchvt ia mvt, Kenan yakni ya onvt, **iki** Chekob **a** im ona tok;

26. Micha im anolit, Chosef vt okchaya moma cha, Echip yakni moma **kā** pehlichy yoke, achi tok. Mihma Chekob chukvsh vt shimoha tok, ik yimmo hatuk okvt.

27. Mihma Chosef im anumpa nana im achi tuk **a** moma im anoli tok: micha fohkit ishtia **chi** **kā** itichanvlli puta Chosef vt et **i** pila tuk **a** pisa mvt, **iki** Chekob imi shilombish vt okchvt taha tok:

28. Mihma Israel vt, Vlhpesvshke, svso Chosef vt okchaya momvshke; ik svllo takla kak osh ivt ont pisa lashke, achi tok.

CHAPTA XLVI.

MIHMA Israel vt nana im gsha tuk vt moma ishi cha ia mvt Bee-sheba ona cha **iki** Aisak in Chitokaka ya nanvbit. isht aiokpvchit im issa tok.

2. Atuk **o** ninak **a** Israel vt na pisa hō, Chitokaka yvt (Israel **a**) il im otv nichit im anumpuli cha, Chekob ma, Chekob ma, ahanchi tok. Mihma, Yak itonla lishke, achi tok.

3. Mihma, Uno vt Chitokaka, **chiki** in Chitokaka sia hoke: Echip ia **kā** ik **chi** nukshopo kashke; yummak **o** okla chito **a** **chihiki** la **chi** hoka.

4. Chi awant Echip **a** ona la **chi** hoke: atuk osh anonti

kohchi li pulla hi oke ; mikma Chosef vt chi nishak isht umbitepa hi oke, achi tok.

hna Chekob vt Bee-sheba ya vttvt wakaya tok : Israel ushi vhleha hvt iki Chekob, micha im vlla nicha tekchi vhleha ai vlbeha chi ho itichanvlli puta vt i pila tuk a apitta cha, ishtia tok.

sha i nanvlhpoa, micha im ilayak puta Kenan yakni chi tuk vt ishi cha, Chekob, micha im aiunchololi vt apiha ho Echip a ona tok.

hi vhleha, micha ushi vhleha ha ushi vhleha hvt , micha ushetik vhleha, micha ushi vhleha ha ushe-ia hvt apiha ho, im aiunchololi moma ka pehliechit isht ona tok.

hchifo ilvppa puta kak osh Israel im vlla vhleha, micha ushi vhleha aiena hosh Echip a ona tok : ushi vttahpi Luben ak atok.

hna Luben ushi vhleha hvt Hanok micha Fallu, Ieslon, micha Kami ak atok.

ikma Simeon ushi vhleha hvt Chemuel, micha Chaha Ohat, micha Chakin, micha Soha, micha Kenan o ushi Shaul aiena kak atok.

likma Lefai ushi vhleha hvt Keshon Kohalh, micha k atok.

fikma Chutah ushi vhleha hvt El, micha Onan, Ihelah, micha Fales, micha Salah ak atok : yohmi nicha Onan itatuklo kvv Kenan yakni ya ai illi tok. Fales ushi vhleha hvt Heslon, micha Hamul ak atok.

likma Issaka ushi vhleha hvt, Tola, micha Fufah, Iob, micha Shimlon ak atok.

likma Sebulun ushi vhleha hvt Selet, micha Elon, Iahleel ak atok.

lvppa puta kak osh Leah ushi vhleha ha yvmma, shetik Tinah aiena ka Chekob a Patan-alam a ai im : ushi vhleha, micha ushetik vhleha imi shilombish vt pokoli tuchina akucha tuchina tok.

likma Kat ushi vhleha hvt Sifion, micha Hakki, nicha Esbon, Eli, micha Aloti, micha Aleli ak atok.

17. Mikma Asha ushi vhleha hvt Chimnah, micha Ishuah, micha Isui, micha Beliah, micha in tek Selah ak atok. Mikma Beliah ushi vhleha hvt Hebe, micha Malkiel ak atok.

18. Ilvppa puta kak osh Laban vt ushetik Leah ima tok Silpah ya ushi vhleha hatok: mihma ilvppa puta kak o Chekob a im eshi tok, shilombish anahhannali hatok.

19. Chekob tekchi Lechel ushi vhleha hvt Chosef, micha Benchamin ak atok.

20. Mikma Chosef a On a naholitompa isht vtta Potifelah ushetik Asenalh im eshi tok a Manasseh, micha Eflaim ak osh Echip yakni ya im ai ashwa tok.

21. Mikma Benchamin ushi vhleha hvt Belah, micha Beke, micha Ashbel, Kela, micha Naaman, Ehi, micha Losh, Muppim, micha Huppim, micha Alt ak atok.

22. Ilvppa puta kak osh Lechel a ushi vhleha hosh Chekob a im ashwa tok, shilombish moma kvv anah ushtahatok.

23. Mikma Tan ushi vhleha hvt Hushim ak atok.

24. Mikma Naftali ushi vhleha hvt Chaseel, micha Kuni, micha Chese, micha Shillim ak atok.

25. Ilvppa puta kak osh Laban vt ushetik Lechel ima tok Bilhah ya ushi vhleha hatok; micha ilvppa puta kak o Chekob a im eshi tok: shilombish moma kvv untuklo tok.

26. Chekob usht vhleha ha tekchi vhleha hvto asha na haknip a toba tok shilombish moma hosh, Chekob a apihvt Echip a ona kvv, shilombish moma kvv pokoli hannali akucha hannali tok.

27. Mikma Chosef ushi vhleha Echip a im ai ashwa tok vt shilombish tuklo tok: Chekob in chuka achvfa shilombish moma kvv Echip a ona tok vt pokoli untuklo tok.

28. Mihma Chosef vt Koshen ak o apissalit ont ai afama chi ho, Chutah ya itikba pit i pila tok: mihmvt Koshen yakni ya okla ona tok.

29. Mihma Chosef vt im itichanvlli ya atahli cha, iki Isael a Koshen a ai afamvt ia tuk osh itikba ont im ile haia-kvchi tok: micha ikunla on hlipia cha, ikunla ya onvtoyulvt yahaya na hopaki tok.

30. Mihma Isael vt Chosef a, Inta, ik svlli, chi nashuka ya pisa li hokvt, chi okchaya moma hoka, im achi tok.

31. Mihma Chosef vt itibapishi vhleha, micha iki in chuka achvfa ya, la lish, Falaoh ha ont im anolit, Itibapishi li vhleha, micha aki in chuka achvfa Kenan yakni aiasha tuk vt um vlvshke:

32. Michā hatak okvt nanvlhpoa apesvchi vhleha hoke, nan isht aiasha yvt nanvlhpoa impvchi ak oh chatuk okvt: atuk osh i nanvlhpoa chipinta, micha i nanvlhpoa hochito, micha nana im gsha tuk vt moma isht vlvshke, im achi lavshke.

33. Atukma yakohma chi hoke, Falaoh hvt hvchi hoyo cha, Nanta ho ishit hvshai asha chatuk oh cho? achikma,

34. Yohmikma, Chin tishu vhleha nan isht aiasha yvt vlla pi moma hakinli tok osh himak a ant vhli kv, pishno, micha piki vhleha aiena kv nanvlhpoa apesvchi ak oh chatuk oke, hvsh achashke: yohmi hosh Koshen yakni ak q hvsh aiashashke; nanvlhpoa apesvchi vt Echip okla hvt nana isht ayuwala yoka, im achi tok.

CHAPTA XLVII.

YOHMI mvt Chosef vt ivt Falaoh ha ont im anolit, Aki, micha itibapishi li vhleha, micha i nanvlhpoa chipinta, micha i nanvlhpoa hochito, micha nana im gsha tuk moma kv Kenan yakni ya kohchvt vlvshke; atuk osh yakeh, Koshen yakni ya aiashvshke, achi tok.

2. Mihmvt itibapishi kanimi, hatak tahlapi ho ishi cha Falaoh itikba ya hilechi tok.

3. Mihma itibapishi vhleha ha Falaoh hvt, Nanta ho ishit hvsh asha chatuk q? im achi tok. Mihma Falaoh ha, Pishno, micha piki vhleha il aiena, chin tishu vhleha hvt nanvlhpoa apesvchi pia hoke, im achi tok.

4. Michā Falaoh ha, Cheki itin takla ya yakni ya il aiasha chi hosh e la hoke: Kenan yakni ya hohchvfo hvt palvmmi fehna hatuk q chin tishu vhleha hvt i nanvlhpoa ai impa yvt

ik im iksho hoka: yvmohmi hoka inta, chin tishu vhleha hvt Koshen yakni ak o aiashashke, e chim asilhvshke, im achi tok.

5. Mihma Falaoh hvt Chosef a im anumpulit, Chiki, micha chitibapishi vhleha hvt chim vlvshke:

6. Echip yakni vt chi tikba talaivshke; yakni ai achukma i shahli kak o chiki, micha chitibapishi vhleha ha ish a binohlehashke, Koshen yakni ak o aiashashke; mikma hatak kvna hosh tushpa achukma kvt iba foka ho ish itha-nakmvt, a nanvlhpoa pehlichi ish hiohlehashke, im achi tok.

7. Mihma Chosef vt iki Chekob a ishit chukowa cha, Falaoh itikba ya hilechi tok; mihma Chekob vt Falaoh ha yukupali tok.

8. Mihma Falaoh hvt Chekob a, Nitak okchayvt ish ahanta afvmmi moma kvt katohmi cho? im achi tok.

9. Mihma Chekob vt Falaoh ha, Nitak okchayvt ahanta li tuk vt afvmmi tahlepa achvfa cha pokoli tuchina hoke: nitak okchayvt ahanta li afvmmi puta kvt kanomosi cha, ik achukmo tuk oke; micha aki vhleha hvt nitak okchayvt. ahanta tok afvmmi puta ka ik ono hoke, im achi tok.

10. Mihma Chekob vt Falaoh ha yukupali cha, Falaoh itikba ya vttvt kohchvt ia tok.

11. Mihma Chosef vt iki, micha itibapishi vhleha aiena ka Echip yakni binohlechi cha, Falaoh hvt miha tuk mak o, yakni ai achukma i shahli Lameses yakni ya aiasha chi ho ima tok.

12. Micha Chosef vt iki ya, micha itibapishi vhleha ha, micha iki in chuka achvfa moma ka chuka achvfa vlvpisa ho pvaska ipeta tok.

13. Mihma yakni yvmma moma ka pvaska vt iksho tok: hohchvfo hvt palvmmi hatuk oka; yohmi ma Echip yakni, micha Kenan yakni moma kvt hohchvfo kak osh kotvt taha tok.

14. Atuk o Chosef vt onush ishit chumpa ka Echip yakni, micha Kenan yakni ya tvli holisso vt aha tuk a moma itvnahtit ishit tahli tok: mihma Chosef vt tvli holisso yash Falaoh ha in chuka ya isht ona tok.

15. Atuk o Echip yakni, micha Kenan yakni aiena ka tvli holisso vt taha ma, Echip okla moma kv Chosef a im ona cha, Pvska pi ipetá; nanta katiohmi ho chi tikba a pilla chi cho? tvli holisso vt taha hoka, achi tok.

16. Mihma Chosef vt, Hvchi nanvlhpoa ak o hvsh imashke; micha tvli holisso hv taha hokma, nanvlhpoa yak okmvo hvch ima la chi hoke, achi tok.

17. Mihma Echip okla hv i nanvlhpoa ya Chosef a isht im ona tok: mihma Chosef vt issuba, micha nanvlhpoa chipinta, micha nanvlhpoa hochito, micha issuba haksobish falaia aiena a puta kak o itatobvt pvska ima tok; micha afvmmi yvmma i nanvlhpoa moma ak atuk mak o pvska ipeta tok.

18. Afvmmi yvmmvt ont taha ma, afvmmi atukla ka im onvt, Pin tvli holisso hv taha ka a shahli ha il in luhma he keyu hoke; a shahli hv pi nanvlhpoa hochito ya ishi akinli hoke: a shahli itikba ya nana hlakofi kv ikshoshke, amba pi haknip, micha pi yakni ak illvshke.

19. Nanta katiohmi ho chi tikba ya pishno, micha pi yakni aiena kv pilla chi cho? pishno, micha pi yakni aiena ka pvska isht ish pi chumpashke, mikma pishno, micha pi yakni aiena kv Falaoh ha in tishu vhleha pia hashke: micha pehna ya ish pima na pi okchaya cha, ik pillo kashke, yvmohmi ho yakni vt ik chukilisso kashke, im achi tok.

20. Mihma Chosef vt Echip yakni moma ka Falaoh ha im in chumpa tok; Echip okla hv hohchvfo kv i palvmmi hatuk o im osapa aiyukali ka kanchi tok: yohmi ho yakni vt Falaoh immi toba tok.

21. Mihma okla hano Echip aivhli vttvt ia hosh in tvn-
nvp fullota ont vhli ka kanvllichit tvnaha holihta inla puta ka ai ashachi tok.

22. Naholitompa isht asha i yakni ak illa ho ik chumpo tok; naholitompa isht asha hano Falaoh hak osh kvshkoa im apesa na, Falaoh hv ima tuk mak o i kvshkoa ya vpa hatuk oka; yvmohmi hatuk osh i yakni ya ik kanchi tok.

23. Yohmi ma Chosef vt okla ha, Yakeh, himak nitak a Falaoh ha hvchishno, micha hvchi yakni aiena ka i hvchi

chumpa lishke: yakeh, pehna hut yak hvchim aiashvshke; yohmi ka yakni ya hvsh a hokchashke.

24. Atukma yakohma hi oke, wayakma kvshkoa ishit tahlapi kak o Falaoh ha hvsh imashke, mikma kvshkoa ushta kak osh hvch immi ya chi hoke, micha osapa a hollokcha chi pehna, micha hvchishno, micha hvchin chuka achvfa im ilhpak, micha im vlla vhleha im ilhpak achi hoke, im achi tok.

25. Mihma, Ish pi okchalinski tuk oke: a shahli itikba ya holhponayo hanta ya il ai ahayuchashke; mikma Falaoh in tishu vhleha pia hashke, okla achi tok.

26. Yvmohmi ho Chosef vt Echip yakni ya nana im apesa ka, Falaoh hut kvshkoa ishit tahlapi kak o isha hi atok osh himak nitak a yvmohmi hoke; amba naholitompa isht asha i yakni ak illa hosh Falaoh immi ik tobo tok.

27. Mikma Israel vt Echip yakni, Koshen yakni ak o ahanta tok; micha yvmma osapa, micha im ilayak vt im aisha cha, okla apakna kv atampa fehna tok.

28. Mihma Chekob vt afvmmi auahuntuklo ho Echip yakni ya ahanta tok: yvmohmi hokut Chekob vt okchayvt ahanta nitak puta moma kv afvmmi tahlepa achvfa cha, pokoli ushta akucha untuklo tok.

29. Atuk o Israel vt ai illa he nitak vlpisa kv atikonofot mihinti tok: mihmt ushi Chosef a hoyo cha, Himak a chi tikba holhponayo hanta ya ai ahayuchi likma, saiyubi nuta ya chibbak isht ish potolashke, chim asilhha lishke; micha a kana cha, is svm ghli achukmashke: Echip a chik si a hohpokashke, chim asilhha lishke:

30. Amba aki vhleha hak o takla itoyula la hi oke: yohmi ka Echip a svshit ish kohcha cha, im ahollohpí ak o ont is sa hohpa hi oke, im achi tok. Mihma, Ish achi tuk mak o yvmihchi la hi oke, im achi tok.

31. Mihma Israel vt, Anumpa kvllo vm il onochi, achi tok: mihma anumpa kvllo im il onochi tok: Mihma Israel vt in topa noshkobo ya on hlipia cha, Chihowa ya aiokpochi tok.

višake, achi tok : mihma isisei vt ne manpkochi cha,
paknaka om binili tok.

Mihma Chekob vt Chosef a, Chitokaka, Nan isht im
ataha iksho hut Kenan yakni Lus a vm a haiaka cha,
ikpali tok,

Micha, Yakeh, chi wayvchit apaknuchi lish, okla laua
i la chi hoke; micha yakni iloppvt immi bilia chi
nim isht atiaka chiakaiya ka ima la hi oke, vm achi

Yohmi ka himak a chiso tuklo Eflaim, micha Manas-
atuklo Echip yakni ya chim vlt, Echip a ak lo kisha
nim ashwa tok vt vmmi hoke : Luben, micha Simeon
chohmit vmmi ha chi hoke.

Atukma chim isht atiaka i himmak a ish tobachi ak
himmi cha, itibapishi vhleha hohchifo hak o a hohchi-
kni ya ibai isha hi oke.

Uno ak okvto Patan a vttvt minti li ma, hina takla
a yakni ya Eflalh ona chi ka ik hopako moma ho, Le-
t vm ai illi tok; mihma Eflalh hina takla ya a hohpi
yummvt Behlehem mak oke, im achi tok.

Atuk osh Israel vt Chosef ushi tuklo ka pisa mvt, Ilp-
ra ho? achi tok.

Mihma Chosef vt ibi va Svaq tuklo ka Chitokaka vvt

ak ahno tok: atuk ak o yakeh, Chitokaka yvt chim isht atiaka yak kia sa pisachishke, im achi tok.

12. Mihma Chosef vt iki im iyikalaha ititakla ya a koh-chit kanvllichi tok; mihmvt akachunolit aka hlipia tok.

13. Mihmvt Chosef vt ita tuklonchit ishi mvt, Eflaim vt ibbak isht impak imma ak o fohka ho Israel ibbak vlfvfbek-imma ak o pit apissvullechi tok, micha Manasseh vt ibbak vlfvfbek imma ak o fohka ho Israel ibbak ishtimpak imma ak o apissvullechi cha, bilika isht im ona tok.

14. Mihma Israel vt ibbak ishtimpak imma pit.weli mvt, Eflaim, yvmmak osh nakfish atuk o, noshkobo ha onochi mvt, ibbak vlfvfbekimma ya Manasseh noshkobo ha onochi tok, ithana hosh ibbak a itai opitvmmfichi tok; Manasseh ak osh akni hatuk oka.

15. Mihmvt Chosef a yukpalit, Chitokaka yvmmak o aki vhleha Eblaham, micha Aisak vt itikba a nohwa tok, Chitokaka yvmmak osh si okchaya takla ka supihinta na, himak nitak a ant vhli chatuk vt,

16. Enchel yvmmak osh nana ik achukmo moma ka a sa hlakofichi chatuk vt vlla nakni ash yukpalashke; mikma sa hohchifo hvt, micha aki vhleha Eblaham, micha Aisak hohchifo hvt onvttoyulashke: micha yakni paknaka iklonna ya a wayvt apakna tobashke, achi tok.

17. Atuk o iki vt ibbak ishtimpak imma ya Eflaim noshkobo ha onochi na Chosef vt pisa mvt, ik im vlfpeso tok: micha Eflaim noshkobo ha ishit kanvllichit Manasseh noshkobo ha onocha chi hosh, iki ibbak a wakeli tok.

18. Michi Chosef vt iki ya, Yvmmak keyu, aki ma, itvpak osh uttahi hoka; chibbak ishtimpak imma ya ilvppa noshkobo hak o ish onochashke, im achi tok.

19. Mihma iki vt vlfpesa ik ahno hosh, Ithana li, suso ma, ithana li, yvmmak kia okla toba chi hoke, micha yvmmak kia chitot holitopa chi hoke: yohmi kia nakfish ak osh okla chito kvv ymma i shahla chi hoke, micha im ishtatia-ka yvt oklushi apakna puta toba hi oke, achi tok.

20. Michi nitak ymma yukpalit, Israel vt yukpali cha, Chi hohchifot, Chitokaka yvt Eflaim, micha Manasseh chi

chohmichashke, acha hi oke, achi tok: mihmut Effaim a Manasseh itikba hilechi tok.

21. Mieha Israel vt Chosef a, Yakeh, svlla chishke; yohmi kia Chitokaka yvt chiba foyuka cha, anonti hvch iki vhleha i yakni ya chisht ona hi oke.

22. Micha kvshkoa achvfa chitibapishi vhleha ha i shahlichit, yvmma a bvshpo falaia, micha vm ititanampo ak o Amolait hatak ibbak a a kohchit isht im ishi li tok vt chima lishke, im achi tok.

CHAPTA XLIX.

MIHMUT Chekob vt ushi vhleha ha hoyo cha, Hvsh itvnaha na, nitak himmak a pilakma nana hvchim a kaniohma hi ya hvchim anoli lashke.

2. Hvsh itvnaha cha, hvsh haklashke, Chekob ushi vhleha hvchia ma, micha Israel hvch iki ya hvsh i haponaklashke, achi tok.

3. Luben ma, vm vttahpi, a sa kvllo, micha nan isht anhlampko vmmona ka atoba holitopa i shahli, micha nan isht aighli i shahli chia hoke;

4. Abikeli iksho oka ak o chohmit ish imaiya chi keyu hoke; chiki in topa ha ish oiya tok okvt; yohmi mut ish litehli tok oke: an topa ha oiya tok.

5. Simeon, micha Lefai vt itibapishi hoke; i bvshpo falaia puta kvv nan isht ilbvshali yoke.

6. Umi shilombish ma, lumvt itim anumpulit a chieya ka, chik iba chukowo kashke; ishit sa holitopa hvv itvnahvt chieya ka ik ibafoynko kashke: nokowa mut hatak vbi tok oka; micha ilapunla hosh tmaha holihta chaha ya kullit akvchi tok oke.

7. Nokowa kvv libbi tok okvt, micha im ai i nukkilli vt ilbvshali tok okvt kalakshashke: Chekob a ai ita kvshkoli la hi oke, micha Israel a ai ita fimibli la hi oke.

8. Chutah ma, chishno ak o chitibapishi vhleha hvv holi-toblichia he chia mak oke; chibbak vt chin tvnvp vhleha

ikunla ya onvtoyula hi oke: chiki im vlla vbleha hvt chi tikba ya akachunolit aka hlipkaiyvcha hi oke.

9. Chutah vt koi chito ushi yoke; svso ma, niblit vbit iah oiyyshke: bikotushke, koi chito micha koi chito sipok-ni yo chohmit hlipivshke: kuta hosh wakayvcha hinla cho?

10. Shiloh hvt ik lo kisha ka, Chutah ya miko in tvbi vt micha nanapesa yvt iyi itin takla ya i filvmmitt ia he keyu hoke: mikma okla im antia kvv yummak a hi oke.

11. Im issuba haksobish falaia himita ya pakvpi yo, micha im issuba haksobish falaia ushi ya pakvpi ashukma i shahli yo a takchechi hoke; i nafohka ya oka paki ya ai achefa, micha i nafohka ya paki issish o ai achefa hoke:

12. Nishkin vt okapaki yo ishit humma hi oke, micha noti vt pishukchi yo ishit tohba hi oke.

13. Sebulun vto okhvta vhli ya, micha peni ai ataiya yo ai ahanta hi oke: micha im ai vhli vt Siton ak a hi oke.

14. Issaka vto issuba haksobish falaia kvllo yosh shapoh tuklo ititakla a hlipia hoke.

15. Atuk osh afoha hvt achukma ho, micha yakni vt achukma ho pisa mvt, shala chi hosh tahchi ya akachunolichi cha, tishu tovtv noshkobo atobbi tok.

16. Tan vto Isael apchilichi achufa chohmit im okla ha nan im apesa hi oke.

17. Tan vt sinti yosh hina takla itonla hi oke, sinti lapish asha yosh hina takla itonla tuk osh issuba iyi ya kopoli na om binili tuk vt obvlhpilvt ivt ont itula hi oke.

18. Chim aiokchaya ya hoyo lishke, Chihowah ma.

19. Kat ano nahalupa im vlhtaha okla hvt imaiya hi oke: yohmi tuk kia ont isht aiyopikma imaiya hi oke.

20. Asha yano a kohcha kvv i pvaka yvt nia hi oke, micha miko im ilhpak kvshaha ya waya hi oke.

21. Naftali vto issi holba yosh i hotofa hoke: anumpa achukma yo anumpuli hoke.

22. Chosef vto naksish waya achukma yoke, naksish waya achukma yosh kuli hofobi bilika hikia cha, naksish ash *filamohlichi kvv holihta chaha om balvli yoke.*

23. Ititanampo ieshi yvt nukhaklochi fehna tuk oke, micha husa tok oke, micha i nukkilli tok oke.

24. Yohmi kia im ititanampo vt kvlo kvv moma tok oke ; micha Chekob in Chitokaka kvlo ibbak, micha Israel in Chukfulhpoa apesvchi, Israel in Tvli,

25. Chiki in Chitokaka, yvmmak osh chi apelahancha chi ka, micha Nan im aighli ataha iksho, yvmmak osh vba nan-isht-aiyukpa, micha ahofobi nan-isht-aiyukpa nutaka aiasha yo, micha ipishik nan-isht-aiyukpa, micha im oshvt-to nan-isht-aiyukpa ishit chi yukpala chi ka ibbak shakba yvt ishit kvlo tuk oke.

26. Chiki nan-isht-aiyukpa yvt an tikba vhleha nan-isht-aiyukpa ya imaiyvt nvnihi hikia na bilia puta vt ont vhli fehna ka ont vhliahke ; ilvppa puta kak osh Chosef noshkobo ha onvtoyula chi hoke, micha itibapishi vhleha ha i filvmmi tok noshkobo tvbokaka ya onvtoyula chi hoke.

27. Benchamin vto niblit vbi kvv nashoba chohma hi oke ; onnahinlikma nipvt illi ya tahlirkvt, opiakma nipvt illi ya ita kvshkoa hi oke, ahanchi tok.

28. Ilvppa moma kak osh Israel apehlichi auhtuklo hoke : milma iki vt ilvppak o im anumpuli cha, isht yukpali tok mak oke ; nan-isht-aiyukpa aiyyukali ho ishit yukpali tok.

29. Micha atokolit im anumpulit, Um okla ha iba holhti-na la chi hoke : aki vhleha ha takla Hittait hatak Eflon im osapa hichukbi talaia kak o,

30. Yakni ahollohpi vt in talaia chi hosh Eblaham vt osapa aieninchit Hittait hatak Eflon a in chumpa tok a, yvmvvt Mamle itikba Kenan yakni talaia ka Makpelah osapa ya hichukbi hikia kak o hvs si a hohpashke.

31. Yvmmak o Eblaham, micha tekchi Selah ya okla a hohpi tok ; yvmmak o Aisak, micha tekchi Lebekah ya okla a hohpi tok ; mikma yvmmak o Leah ya a hohpi li tok oke.

32. Osapa, micha hichukbi vt anyakaka hikia ka in chum-pa kvv Helh im vlla vhleha hak atok, achi tok.

33. Atak osh Chekob vt ushi vhleha ha im anumpuli kvv

ont tahlí mvt, iyi yá aiowvt topa pit kahpuli tok; mihmvt fiopissa cha, im okla iba holhtina tok oke.

CHAPTA L.

MIHMA Chosef vt iki nashuka yá on hlipivt yahaya cha i suksowa tok.

2. Mihmvt Chosef vt in tishu vhleha, alikchi vhleha há iki Israel á nabalama ahumma chí ká im apesa tok: mihma alikchi vhleha hv́t Israel á nabalama ahummi tok.

3. Atuk o i nitak pokoli ushta kv́t ont taha tok; nabalama ahama kv́t yohmi hosh i nitak vt ont taha chatuk oka: mihma Echip okla hv́t nitak pokoli untuklo ho ishít yahaya tok.

4. Atuk osh ishít yaiya nitak vt ont taha ma, Chosef vt Falaoh in chuka achvfa yá im anumpulit, Himak á hv́ch itikba yá holhponayo hanta yá ai ahayuchi likmvt, hv́chim asilhha lishke, Falaoh há haklochit hv́sh im anumpulit,

5. Aki vt anumpa kv́llo si il onochechit, Yakeh, sv́lla chíshke, vm ahollohpi Kenan yakni a kulli li tuk ak o is si a hohpashke achi tok. Yvmohmi hoka chim asilhha lishke, ak ia cha, áki yá ont ak hohpi; atuk osh anonti vla lashke, hv́sh achashke, achi tok.

6. Mihma Falaoh hv́t, Anumpa kv́llo chí il onochechi tuk mak o ish ia cha, chíki yá ont ish hohpashke, achi tok.

7. Mihma Chosef vt iki yá hohpa chí hosh ia tok; mihma Falaoh in tishu vhleha moma, micha in chuka achvfa im asvnonchi vhleha, micha Echip yakni im asvnonchi vhleha moma,

8. Michá Chosef in chuka achvfa moma, micha itibapishi vhleha, micha iki in chuka achvfa apihvt ia tok: peh im vlla vhleha, micha i nanvlhpoa chipinta, micha i nanvlhpoa hochito aiena kak illa ho Koshen yakni yá ashachi hatok.

9. Mihma itichanvlli puta, micha hatak issuba ombinili puta aiena hosh apihvt ia tok: mihma okla chito fehna hatok.

10. Atuk osh Atat onush anihechi, yvmvvt Chatan

misha talaia ka ona tok; micha yumma a yaiya kut yaiya ilbrsha chinto fehna hatok; micha iki ya nitak untuklo ho ishit yaiya tok.

11. Mihma yakni yumma okla, Kenanait vhleha hut Atat anihechi a yaiya na pisa mut, Echip okla hosh ilpput yaiya ilbrsha fehna hoke, achi tok: yumohmi hatuk o yummvt Abel-mislaim hohchifo tok osh, yummvt Chatan misha talaia hoke.

12. Micha i miha tuk mak o ushi vhleha hut yvmihchi tok.

13. Ushi vhleha hut Kenan yakni isht ona cha, hichukbi Makpelah osapa anukaka hikia Mamle itikba talaia ka yumma yakni ahollophi ya chi hosh osapa aieninchit Eblaham vt Hittait hatak Eflon a in chumpa tok a a hohpi tok.

14. Mihma Chosef vt iki ya hohpit tahli ha yvt, yummvt, micha itibapishi vhleha, micha iki ya hohpit ia ma, apihvt ia tuk moma kut falamvt Echip a ona tok.

15. Atuk o Chosef itibapishi vhleha hut iki vt illi na pisa mut, Chosef vt pi nukilla chi yoba ka; yohmikmut nana ik achukmo moma e yvmihchi tok a pi falummicha chi pulla hoke, achi tok.

16. Micha Chosef a anumpa shali ha pit tihlelit, Chiki vt ik illo kisha hosh apesa mut,

17. Chosef a yak hvsh im achashke, Chim asilhha lishke, himak a chitibapishi vhleha vbanvbli, micha nanashvchi ya ish i kashofashke, nan ik achukmo ho chi yvmihchi tok oka, achi tok; yumohmi hoka himak a chiki in Chitokaka in tishu vhleha vbanvbli ya ish i kashofashke, e chim asilhvshke, achi tok. Mihma okla im anumpuli ma, Chosef vt nishkin okchi mihinti tok.

18. Mihma itibapishi vhleha yak kia itikba ya ont hlipkvchi tok: micha, Yakeh, chin tishu pia hoke, achi tok.

19. Mihma Chosef vt, Ik hvchi nukshopo kashke: Chitokaka ya vltobvt hikia li hoh cho?

20. Amba hvchishno yvto ik achukmo ho hvsi anukfilli tok; yohmi kia Chitokaka yvto achukma kak o ont aighli-

chit okla laua hō okchalíncha he ahni tok o himak nitak a yohmi hoke.

21. Yvmohmi hoka himak a ik hvchi nukshopo kashke: hvchishno, micha hvchim vlla vhleha aiena ka hvch ipeta la chi hoke, im achi tok. Micha hopohlvlit i kanvt im anum-puli tok.

22. Mihmvt Chosef vt, micha iki in chuka achvfa aiena kvt Echip a aiasha tok: micha Chosef vt afvmmi tahlepa achvfa cha pokoli hō okchayvt ahanta tok.

23. Micha Chosef vt Eflaim im vlla vhleha aiitishali ont atuchina hō pisa tok: micha Manasseh ushi Maki im vlla vhleha aiena ka Chosef vt shoyuli tok.

24. Atuk osh Chosef vt itibapishi vhleha ha, Svlla chish-ke; atukma Chitokaka yvt hvchim aya cha, pehlichit yakni ilvppa hvchi kohchi cha, anumpa il onochit Eblaham, micha Aisak, micha Chekob a yakni im issa tok vt hvch isht ona pulla hi oke, im achi tok.

25. Micha Chosef vt Israel im vlla vhleha anumpa kvllo im il onochechit, Chitokaka yvt hvchim aya pulla hi oke; mikma sa foni ha ilvppa ai ishit isht hvsh ia hi oke, im achi tok.

26. Yohmi mvt Chosef vt afvmmi tahlepa achvfa cha po-koli hosh illi tok: mihma nabalama ahvmmi na, Echip a itombi ya folhi tok.

EKSOTUS HOLISSO.

MOSES I HOLISSO ATUKLA KUT

EKSOTUS HOHCHIFO HOKE.

CHAPTA I.

YOHMI ka hohchifo ilvppa puta kak osh Israel im vlla vhleha hosh Echip a vla tok. Hatak puta kut in chu-ka achufa aiena kut Chekob a apihvt vla tok,

2. Luben, Simeon, Lefai, micha Chutah,

3. Issaka, Sebulun, micha Benchamin,

4. Tan, micha Naftali, Kat, micha Asha ak a tok.

5. Chekob haknip a a toba tok shilombish moma kut shilombish pokoli untuklo tok: Chosef vt Echip a anta hatok oka.

6. Atuk o Chosef vt micha itibapishi vhleha moma kut, micha aiitishali yvmma moma kut illi tok.

7. Mihma Israel im vlla vhleha hvt waya achukma mut, isht i shahlit, lauvt isht mahayvt, apakna cha, kvllot atampot mahaya tok; micha yakni ya alota tok.

8. Yohmi tuk o miko himona vt Chosef a ik ithano hosh Echip a mikot hikia tok.

9. Michu im okla ha, Yakeh, Israel im vlla vhleha okla hvt laua, micha kullo kut pi shahli hoke.

10. Inta, iloh i kostinashke, keyukma lauat taiyaha tukmut, yakohma hi oke, tnvvp nana kia ashakma, pin tnvvp vhleha ha ibvlhto cha pitibikmut, yakni ya kocha hi oke, im achi tok.

11. Yvmohmi hatuk osh toksvli kullo onochit isht ilbvshala chi ka, toksvli apesvchi vhleha ha im apesa tok. Mihma vllhpoyak aiasha tumaha holihta Pihlom, micha Lameses a Falaoh a im ikbi tok.

12. Yohmi kia ilbvshali kut i shahlechik mak o, apakna

kvt, isht i shahlit ia tok. Mikma Israel im vlla vhleha hatuk mak o okla komunta tok.

13. Micha Echip okla hvt Israel im vlla vhleha ha toksvlechi kvt i kvullochi tok.

14. Micha yuka kvullo, lukfi yamvska, micha lukfi nuna, micha osapa natoksvli ilaiyukali moma toksvlechi i nitak a hominchi tok; natoksvli moma toksvlechi kvt i kvullochi ha tok.

15. Mihma Echip i miko vt vlla eshikma apestikeli Heblu ohoyo vhleha ha im anumpulit, (yvmma achvfa hohchifo kvt Shiplah, mikma achvfa hohchifo kvt Puah ya tok.)

16. Ulla eshi apesvchi isht-ai-vtta ya Heblu ohoyo ha hvsh i yvmihchi tuk osh, vlla eshi na, hvsh pisakmvt, vlla nakni yokma hvshbashke, amba vlla tek okmvt okchayashke, achi tok.

17. Yohmi tuk kia ohoyo vlla eshi apesvchi vhleha hvt Chitokaka ya i nukshopa cha, Echip i miko vt im apesa tuk a ik yvmihcho hosh, amba vlla nakni ya okchalinchitok.

18. Mihma Echip i miko vt ohoyo vlla eshi apesvchi vhleha hash hoyo cha, Nanta katiohmi ho ilvppa hvsh yvmihchi cha, vlla nakni yo hvsh okchalinchitok? im achi tok.

19. Mihma vlla eshi ka apesvchi ohoyo hash osh Falaoh ha, Heblu ohoyo vhleha hvt Echip ohoyo vhleha ha chohmi keyu hoka; tushpa hatuk osh vlla eshi ka apesvchi ohoyo vhleha hvt ik im ono kisha ho, vlla eshi hoke, im achi tok.

20. Yvmohmi hoka Chitokaka yvt vlla eshi ka apesvchi ohoyo vhleha hash achukma kak o i yvmihchi tok: mihma okla hvt apakmvt kvullo fehmvt ishit mahaya tok.

● 21. Atuk o yakohmi tok, vlla eshi ka apesvchi ohoyo vhleha hash osh Chitokaka ya i nukshopa hatuk o, chuka achvfa puta im ikbi tok.

22. Mihma Falaoh hvt im okla moma ka atokolit, Ulla nakni vtta puta ka okhina ya pit hvsh okvchashke; micha vlla tek ano hvsh okchalinchashke, im achi tok.

· CHAPTA II.

ATUK o Lefai in chuka achvfa aiachvfa hatak osh ivt, Lefai ushetik o ishi tok.

2. Atuk o ohoyo hash osh chakali tuk osh, vlla nakni yo eshi tok; micha vlla achukma ho pisa mvt, hvshi tuchina ho luhmi tok.

3. Atuk osh himak ano luhma he keyu mvt, hashuk holba kishushi yo eshi cha, nashinvsbi, micha tiak nia aiena ho isht apolusli mvt vlla yash fohki tok; micha okhina lapalika hashuk chaha foka talali tok.

4. Mihma kaniohma chi ka, akostinincha chi hosh, in tek vt hopaki ho hikia tok.

5. Atuk o Falaoh ushetik vt okhina ya a yupa chi hosh ona tok; mihma in tishu ohoyo vhleha hvt okhina lapalika ya itvnohova tok; atuk o kishushi yash hashuk chaha foka ka pisa mvt, in tishu ohoyo hvt ont isht vla chi ka, pila tok.

6. Atuk osh wakvmmi ma, vlla yash pisa tok, mihma, yakeh, vlla yash osh yaiya tok. Mihma i nukhaklo tok, micha, Ilvppot Heblu aiachvfa vlla yoke, achi tok.

7. Mihma in tek ash osh Falaoh ushetik a, Ia lish vlla pishechi vt Heblu ohoyo hosh chi pishecha chi ka, hoyo la chi cho? im achi tok.

8. Mihma Falaoh ushetik vt, Ia, im achi tok; mihma ohoyo himita yash osh vlla yash ishki ak o ont hoyo tok.

9. Mihma Falaoh ushetik vt, Ulla ilvppa ishtia cha, a pishechi, mikma chim vlhtoba ya chima lashke, im achi tok: mihma ohoyo hash osh vlla yash ishi cha, pishechi tok.

10. Atuk osh vlla vt hofantit taha ma, Falaoh ushetik a isht im ona na, ushi toba tok, mihma hohchifo ha Moses achi tok: micha oka ya halvllit kohchi li tok okvt, achi tok.

11. Atuk o nitak yvmma yakohmi tok, Moses vt hofantit taha mvt, kohchvt, itibapishi vhleha ha im ona cha, nan isht i weki puta ka pisa tok; mihmvt Echip hatak vt itibapishi vhleha ha ai achvfa Heblu yo isso na, pisa tok.

12. Mihmvt ilvppa imma, micha yvmma imma aiena ka

pit hopokoyo cha, hatak nana kia iksho, pisa mvt, Echip hatak a vbi cha, shinak anukaka ya a luhmi tok.

13. Atuk osh nitak atukla ka kohchvt ia ma, yakeh, Heblu hatak tuklo kv itachowvt ashwa tok; mihma ashvchi tuk a yrmak o, Nantihmi ho chishno bika ya ish isso cho? im achi tok.

14. Mihma, Kva hosh pi shahli, micha na pim apesa chikbi tuk oh cho? Echip hatak ishbi tuk vt chohmichit svba chi ho ish ahni cho? achi tok. Mihma Moses vt nukshopa cha, Nana ilvppvt otvni tuk pullvshke, achi tok.

15. Atuk o Falaoh vt nana ilvppa haklo mvt, Moses a vbi bvna tok. Yohmi kia Moses vt Falaoh itikba ya vttvt maleli cha, Mitian yakni ya ont vtta tok, micha kuli hofobi bilika binili tok.

16. Atuk o naholitompa isht vtta Mitian vtta yvt ushetik untuklo hosh asha tok; atuk osh iki i nanvlhpoa chipunta ya oka ipeta chi hosh vla cha, oka ochit peni puta ka alotoli tok.

17. Atuk o chukfi apesvchi vhleha hvt vla cha, kanima pit tihleli tok. Yohmi tuk kia Moses vt wakayvt hikia cha, apelvchit i nanvlhpoa chipunta ya oka ipeta tok.

18. Atuk o iki Luel a im ona ma, Nantihmi ho himak nitak ano chekosi hvsh la cho? achi tok.

19. Mihma Echip hatak osh chukfi apesvchi vhleha ibak a apihlakofichi mvt, vlhpesa ho oka ya pim ochi cha, nanvlhpoa chipunta ya oka ipeta tok, achi tok,

20. Mihma ushetik vhleha ha, Atuk osh katima anta cho? nantihmi ho hatak a issvt hvsh minti tuk oh cho? oh im anoli na, pvka ik pa, im achi tok.

21. Mihma Moses vt im vlhpesa cha, hatak a takla ahanta tok; mihma ushetik Sippola ya Moses a i bohli tok.

22. Atuk o vlla nakni yo im eshi ma, Moses vt hohchifo ha Keshom achi tok; okla inla sia hosh yakni inla yo aya li hokvt, achi ha tok.

23. Atuk o nitak kaniohmi ma, yakohmi tok. Echip i wiko vt illi tok; mihma yuka kak osh Isracl im vlla vhleha.

ifahaha cha, yahaya tok; micha yuka kak osh yahaya hitokaka ya im ona tok.

Mihma kifahaha ka Chitokaka yvt haklo tok: micha kaka yvt Eblahan Aisak micha Chekob aiena ka nana ipesa tok vt ithana tok.

Micha Chitokaka yvt Islael im vlla vhleha ha pihisa nicha Chitokaka yvt ithaiyana tok.

CHAPTA III.

DHMI ka Moses vt ipochi naholitompa isht vtta Mitian vtta Chehlo i nan vhpoo chipunta ya im apesvchi tok; osh nan vhpoo chipinta ya pehlichit isht ayvt, yakni a ya ont ashakah ishtona mvt, Chitokaka in nvniH . Holeb a ona tok.

Mihma Chihowah im enchil vt luak libbi afoyukvt bviklvna et ai i haiaka tok; atuk osh pisa ma, yakeh, a hvt luak isht lua, mihmvt bvfaha hvt ik taho tok.

Mihma Moses vt, Fullota lish na pisa chinto ilvppvt mi ho bvfaha hvt ik luokma pisa lashke, achi tok.

Atuk osh pisa chi hosh fullota ma, Chihowah yvt pisa Chitokaka yvt bvfaha iklvna et ai i howvt Moses, Mochi tok, Mihma yak hikia lishke, achi tok.

Mihma, Bilika chik minto kashke, chiyi, shulush isht yolo kvv ish shufashke, ish ahikia yakni vt holitopa achi tok.

Micha achakalinchit, Chiki in Chitokaka, Eblahan itokaka, Aisak in Chitokaka, micha Chekob in Chitotia hoke, achi tok. Mihma Moses vt nashuka ya luhk; Chitokaka ya pisa kvv nukshopa tuk okvt.

Mihma Chihowah yvt, Um okla Echip aiasha ka a ka pihisa li kvv ahlishe, toksvli ka apistikeli pulla yahaya ka hahaklo lishke, nan isht im a nukhaklo ana li hokvt.

Atuk osh Echip okla ibbak a kohchit hlakofichit, yvma kohchit, yakni achukma, micha chito, pishuk-

chi, micha foebila aiena kv̄t ayanāhanli, Kananait, micha Hittait, micha Amolait micha Pelissait, micha Hifait, micha Chebusait, aiasha yak ǝ isht ona la chī hosh vla lishke.

9. Yvmohmi hoka himak a yakeh, Israel im vlla vhleha ya aya kv̄t vm vlvshke; micha Echip okla hv̄t isht ilbvshali na, ilbvsha aiena k̄a pih̄sa le tuk oke.

10. Yvmohmi hoka, inta, himak a Falaoh ya pit in chi pila lashke; yvmohmikma vm okla Israel im vlla vhleha h̄a pehlichit Echip a isht ish kohchashke, achi tok.

11. Mihma Moses vt Chitokaka ya, Kv̄ta sia hatuk osh, iv̄t Falaoh ya im ona la hinla cho? micha Israel im vlla vhleha h̄a Echip a apehlichit kohchi la hinla cho? im achi tok.

12. Mihma, Chiba foyuka li pulla chī hoke, mikma chipila li tuk a ilvppak osh chim isht atokowa ya chī hoke; okla h̄a pehlichit Echip a ish kohchikmv̄t, nv̄nih paknaka ilvppa Chitokaka hv̄sh aiokpv̄cha hi oke, achi tok.

13. Mihma Moses vt Chitokaka ya, Yakeh, Israel im vlla vhleha h̄a im ona lish, Hv̄chiki vhleha in Chitokaka yvt et hv̄chī sa pila tuk oke, im achi likma, mikma, Hohchifo hv̄t nanta h̄o? vm achikma, nanta h̄o im achi la h̄e oh cho? im achi tok.

14. Mihma Chitokaka yvt Moses a, SIA kv̄t MIH SIA HA CHI HOKE, im achi tok, micha Israel im vlla vhleha h̄a yak ish im achashke, mih SIA HAKOSH hv̄chī sa pila tuk vt, ish im achashke, achi tok.

15. Micha achakalinchit Chitokaka yvt Moses a, Israel im vlla vhleha h̄a, yak ish im achashke, Hv̄chiki vhleha in Chitokaka Chihowah, Eblaham in Chitokaka, micha Aisak in Chitokaka, micha Chekob in Chitokaka ak osh et hv̄chī sa pila tuk oke; ilvppak osh sa hohchifo bilia yoke, mikmv̄t ilvppak osh himak a pilla aiitishali moma aiasha he vt ishit sv̄thaiyana hi oke.

16. Iá, micha, Israel im asv̄nonchi vhleha ha ish itv̄nabli cha, Hv̄chiki vhleha in Chitokaka Chihowah, Eblaham, *micha Aisak*, micha Chekob in Chitokaka yvt a haiaka cha,

Hvchim aya li pulla cha, Echip a nana a hvchi kaniohmi-hinchi ka, pihisa le tuk oke.

17. Micha Echip ailibvsha ka hvchi kohchi lish, Kananait, micha Hittait, micha Amolait, micha Pelissait, micha Hifait, micha Chebusait aiena i yakni, pishukchi, micha foebila a yanghanli yakni a chishtona lashke, achi le tuk oke, achishke, ish im achashke.

18. Mikma chim anumpa ha hakla chi hoke; mikma chishno, micha Israel im asvnonchi vhleha aienvt Echip i miko ya hvsh im ona cha, Heblu in Chitokaka Chihowah yvt pi afama tuk oke; Yohmi ka himak a chim asilhvshke, yakni haiaka nitak tuchina anowa yo il ona cha, Chihowah pin Chitokaka ya vbit isht aiokpuchi il im issashke, hvsh im achashke.

19. Mikma Echip i miko vt ik ia hvchim ahna chi keyuka ithana lishke, keyushke, ibbak kvlllo mak osh ik onvtoyula hoh kia.

20. Mihma svbbak a wieli lish a nafehna moma im itin takla ya ayvmihchi la chi kv, Echip a isht issot kanchi la chi hoke; atuk o yohmi ha yokmvno ik ia hvchim ahna chi hoke.

21. Mikma okla ilvppvt Echip okla itikba ya holhponayo hanta ya ai ahayucha chi ho ima la chi hoke; atukma yakohma hi oke; hvsh iakmvt nan iksho ho hvsh ia he keyu hoke.

22. Amba ohoyo puta kv chuka abilika ya, micha nowvt aya yosh in chuka ahanta tuk aiena ka, tvli hvta ishtshema, micha tvli lakna ishtshema, micha nafohka aiena ka im a potashke, micha hvchiso, micha hvchiso tek vhleha aiena ka hvsh fohkvchashke; micha Echip okla ha hvsh wehpula chi hoke, hvsh im achashke, achi tok.

MIHMA Moses vt afalvmminchit, Yohmi kia yaki, a yimma he keyu, micha vm anumpa ha hakla he keyu

hoke; Chihowah yvt chi haiaka tuk keyu, acha chi hoke, achi tok.

2. Mihma Chihowah yvt, Yvmmvt nanta hosh chibbak a foka cho? im achi ma, Tvbi yoke, im achi tok.

3. Mihma, Aka pilah, achi tok; mihma aka pila ma, sinti o toba tok; mihma Moses vt i filvmmmit maleli tok.

4. Mihma Chihowah yvt Moses a, Chibbak a pit weli cha hasimbish a ishih, im achi tok. Mihma ibbak a weli cha, hokli ma, tvbi toba cha, ibbak foka tok.

5. Yvmohmi ho iki vhleha in Chitokaka Chihowah, Eblaham in Chitokaka, Aisak in Chitokaka, micha Chekob in Chitokaka vt chi haiaka tuk a yimmashke, achi tok.

6. Michā Chihowah yvt achakalinchit, Himak a chibbak a chikkishi pit fohkih, im achi tok. Mihma ibbak a ikkishi pit fohki tok; atuk osh kohchi ma, yakeh, ibbak vt leposi vbit okti chiyuhmi tok.

7. Mihma, Anonti chibbak a chikkishi pit fohki, achi tok mihma ibbak a anonti ikkishi pit fohki tok; atuk osh ikkishi ha kohchi ma, yakeh, falamvt haknip inla ya chohmi tok.

8. Atukma yakohma hi oke, chi yimma he keyu, micha nanisht-atokowa vmmona ka hakla he keyu tukmut, nanisht-atokowa ishtaiopi yokvo yimma hi oke.

9. Atukma yakohma hi oke, nanishtatokowa tuklo iloppa ik yimmo micha chim anumpa ha hakla he keyukma, okhina oka ya ish ishi cha, yakni shila ya ish onhlatvblashke, mihma okhina oka ish ai ishi kash osh issish tobvt, yakni shila yash o aiasha hi oke, im achi tok.

10. Mihma Moses vt Chihowah ya, A shahli ma, Anumpuli imponna sia keyu, chashpo ka si yvmohmi chatuk osh, is svm anumpuli taiyakla kia, si yvmohmi keyushke; amba anumpa sulaha, micha isunlvsh sulaha sia hoke, im achi tok.

11. Mihma Chihowah yvt, Kvta hosh hatak itvkha ikbi tok oh cho? micha kvta hak osh ik anumpulo, micha ik haponaklo, micha pisa, micha ik hopokoyo ikbi hoh cho? Chihowah sia hoh keyu cho?

12. Yvmohmi hoka inta, iah, mikma chitih ha iba foyuka lish, nana ish acha chi ka chim avche lashke, im achi tok.

13. Mihma Moses vt, A shahli ma, chim asilhha lishke, kvna ho ish ahnikmtv ish tohnashke, achi tok.

14. Mihma Chihowah im ai i nukkilli vt Moses a i sanalit libbi mvt, Lefait Alon vt chitibapishi keyu cho? anumpuli imponna hinla ka ithana li hoke: micha yakeh, chi afamvt minti ak inli hoke. Atuk osh chi pesakmtv, chukvsh yukpa chi hak inli hoke.

15. Mikma ish im anumpuli cha, itih ha anumpa ish fohka chi hoke: mikma Uno vt chitih ha, micha yvmma itih ha iba foyuka la chi hoke; micha nana ish a kaniohma chi ka hvchim avvchi la hi oke.

16. Micha okla im anumpula chi hosh, chim anumpa eshi ya chi hoke, micha yvmmak osh, yvmma fehna kak osh itih ha he tuk, chim vthtobakma, Chitokaka yak a he tuk a chishno ak achi hoke.

17. Micha tvbi ilvppa ish ieshi tuk osh, nan isht atokowa ya isht ish yvmihchashke, achi tok.

18. Mihma Moses vt falamvt ipochi Chehlo ya im ona cha, Chim asilhha lishke, falamvt ak ia cha, itibapishi li vhleha Echip aiasha ka ak im ona cha, okchaya momakma, ont ak pesa, im achi tok, Mihma Chehlo vt Moses a Achukmakvt ish ayashke, im achi tok.

19. Mihma Chihowah yvt Moses a Mitian a, Ivt falamvt Echip a ish onashke, ilhfiopak chim ishi bvna tok hatak moma kvv illit taha hoke, ai im achi tok.

20. Mihma Moses vt tekchi, micha ushi vhleha aiena ka ishit, issuba nashoba om binilichit pehliechi cha, falamvt Echip yakni ya ona tok. Micha Moses vt Chitokaka in tvbi ya ishit ibbak fohki tok.

21. Mihma Chihowah yvt Moses a, Falamvt ivt Echip a ish onakmtv, yohmi ish ahni cha, nafehna moma chibbak fohki le tuk a, Falaoh itikba ish a yvmihchashke, yohmi kia chukvsh a kvullochi likma, okla ha ik iah, ik ahno ka chi hoke.

22. Micha Falaoh ya Chihowah yvt yak achishke, Israel vt svso hoke, vm vttahpi fehna yoke.

23. Atuk o svso hvv ik iah, yvmohmi cha vm antiashe, chim achi lishke, atuk o ik iah chik ahnokma, yakeh, chiso

ha chim vttahpi fehna ka vbe la chi hoke, achishke, ish im achashke, im achi tok.

24. Atuk o yakohmi tok, hina takla chuka afoha ona ma, Chihowah yvt afama cha, vbi bunna tok.

25. Yohmi ma Sippola hvt tvli halupa eshi cha, ushi yash tikba hakshup a in tvbli tok; micha iyi imma pit pila mvt, Issish im vlhpesa a hatak chia ho mvhlshke, achi tok.

26. Yohmi ho ik iah ahni tok: yohmi ma, Hakshup tupa pulla kak o issish im ai vlhpesa a hatak chia hoke, achi tok.

27. Mihma Chihowah yvt Alon a, Yakni haiaka ya Moses afamvt iah, im achi tok. Mihma ia tuk osh, Chitokaka i nvni chaha ya ont ai afama cha, i suksowa tok.

28. Mihma Moses vt Alon a Chihowah yummak osh et pila tuk a im anumpa moma, micha nan isht atokowa moma im apesa tuk a, im anoli tok.

29. Mihma Moses, micha Alon vt ia cha, Israel im asvnochi moma ka hoyot itvnahli tok.

30. Mihma anumpa moma Chihowah yvt Moses a im anumpuli tuk a Alon vt anumpuli cha, okla itikba ya nan ishtatokowa ya a yvmihchi tok.

31. Mihma okla hvt yimmi tok; micha Chihowah yvt Israel im vlla vhleha ha im aya tuk, micha ilbvsha ka pisa tuk a haklo mvt, noshkobo ha akachunoli cha, okla aiokpuchi tok.

CHAPTER V.

ATUK osh yohmi ha yak osh, Moses, micha Alon vt iba chukowvt, Falaoh ya im anolit, Israel in Chitokaka Chihowah yvt yak achishke, Um okla hvt ik ia cha, yakni haiaka ya impuchi isht ik sum aiashah, achishke, achi tok.

2. Mihma Falaoh vt Chihowah hak osh Kuta ha tuk o im anumpa ha im antia lish, Israel a ik iah, ahni la hinla cho? Chihowah ya ithana li keyu hoke, micha Israel a ik iah ahni la he keyu hoke, achi tok.

3. Mihma Heblu in Chitokaka yvt pi afama tuk oke; e *chim asilhhvshke*, ivt nitak tuchina anowa yakni haiaka

na cha, pin Chitokaka Chihowah ya vbit aiokpuchi il ashke; ililli okpalo micha bvshpo falaia aiena ishit pi a yoba na: achi tok.

Mihma Echip i miko yvt, Nantihmi ho Moses, micha hvsh ita tuklo kvv okla toksvli ka hvsh ataklvmmi hvsh a toksvli oh iah, im achi tok.

Micha Falaoh vt, Yakeh, himak a okla yakni aiasha ia ho, toksvla he tuk a hvsh fohachishke, achi tok.

Mihma Falaoh vt mih nitak akinli ho okla toksvli ape-
chleha, micha i nanvlhtoka vhleha ha im apesvt,

Himakma chashpo chatuk a chohmit, lukfi nuna ikba
okla ha onush vpi hvsh ima he keyu, ilap ak inli hosh
ush vpi a ik aiowa cha.

Micha chashpo ka lukfi nuna holhtina kaniohmi ho
hatuk a hvsh im apesashke, achvfa kia hvsh ola tak-
he keyu hoke, peh okla aiasha hoke; Yohmi kak osh
vt, Ki lia cha pin Chitokaka ya vbit isht aiokpuchi il
ashke, achi hoke.

Hatak vt toksvli hvv i shahli hosh onvtolashke, yvmoh-
a toksvlashke, micha anumpa ik ahobo ya yohmi, ik
kashke, achi tok.

Mihma okla toksvli ha apesvchi, micha i nanvlhtoka
kvv kohchvt ia mvt, okla ha im anumpulit, Falaoh vt
shishke, onush vpi ya hvchima la he keyu.

Hvchishno ak osh kohchvt oh ia cha, kanima moma
sh ai ahayucha hinlakmvt hvsh aiowashke, yohmi kia
oksvli kvv achvfa kia ola takla he keyu hoke, achi tok.

Yohmi ho okla hvv Echip yakni moma ka ita fimim-
ush vpi ya he tuk a, nanvpi ya aiowvt itvnowa tok.

Mihma toksvli apesvchi vt atushpalehit, onush vpi vt
ok a chohmit ish toksvla he tuk a nitak osh nitakma
atahlahke, achi tok.

Atuk o Falaoh ya toksvli im apesvchi vt Israel im
hleha nanvlhtoka atokolit i hiohlichu tuk ash osh boa
nihmvt ponaklot, Nantihmi ho chashpo chatuk a choh-
vilashash lukfi nuna ikbi hvchim vhpisa tuk vt hvch
acho tuk osh himak nitak a yohmi akinli cho? achi tok.

15. Yohmi ma Israel im vlla vhleha hā vltoka yvt vlt, Falaoh ya im ilbvshvt, Nantihmi hō chin tishu vhleha hā ish yakohmichi cho? achi tok.

16. Chin tishu vhleha hā onush vpi ik emoshke, mikmvt, Lukfi nuna oh ikbi, pim achishke, mihma yakeh, chin tishu vhleha hvt bovshke. Yohmi kia ashvchi kv̄t chim okla hatuk oke, achi tok.

17. Yohmi kia, Peh hvsh aiasha hoke, peh hvsh aiasha hoke, yvmohmi kak osh, Il ia cha, Chihowah ya vbit isht aiokpvchi ya il i yvmihchashke, hvsh achi hoke.

18. Yvmohmi hokvt, Oh ia cha, himak ā ho toksvli, onush vpi ya hvch ema chi keyu; yohmi kia lukfi nuna holhtina hano hvsh ima chi hoke, achi tok.

19. Mihma Israel im vlla vhleha nanvlhtoka vhleha hvt, Nitak achvfakma hvsh atahla he tuk lukfi nuna achvfa kia, hvsh ola taklvcha he keyu, achi ha ya ik achukmo hosh aiasha kā pisa tok.

20. Atuk osh Falaoh ya i filvmm̄it kohcha mvt, Moses, micha Alon ita tuklo kv̄t hina takla hinli tuk o, afama tok.

21. Micha Chihowah yvt hvchi pisa cha, hvchim apesashke; pi balama yash Falaoh itikba, micha in tishu vhleha itikba ya hvsh yuwalvchi; micha ishit piba chi kā bushpo falaia ibbak ā hvsh fohki hoke, im achi tok.

22. Mihma Moses vt falamvt Chihowah ya im ona cha, Chihowah ma, nantihmi hō okla ilvppa nana ik achukmo kā ish yvmihchi cho? nantihmi hō et is sa pila tuk oh cho?

23. Chi hohchifo pulla kak o Falaoh ya im anumpule la chi hosh, vla li tuk takla kā, okla ilvppa ik achukmo hō yvmih̄inchi hoke; mihma chim okla hā ish hlakofichi keyu kv̄mohmishke, achi tok.

CHAPTA VI.

YOHMI ma Chihowah yvt Moses ā, Himak ā Falaoh ya nana i kaniohmichi la chi kā ish pisa chi hoke; ibbak

kvullo ho ik ia, ahna chi micha ibbak kvullo ho isht tihlelit i yakni ya kohcha chi hoke, im achi tok.

2. Mihmut Chitokaka yvt Moses a im anumpulit, Chihowah sia hoke.

3. Micha Chitokaka nan isht im aiahli ataha iksho hohchifo hosh Eblaham, Aisak, micha Chekob aiena ka i haiaka li tok; amba CHIHOWAH sa hohchifo hokvno, yvmmak ash osh sothana tok keyu hoke.

4. Micha Kenan yakni, yakni aiitvnova atok, okla inla yosh aiasha tok a ima la chi hosh, kvullochit itim apesa li tok.

5. Atuk osh Echip okla hvt Israel im vlla vhleha ha yukachit ieshi na, kifahga ka haklo li akinlishke, micha nana itim apesa li vt ithaiyana lishke.

6. Yvmohmi hoka Israel im vlla vhleha ha, Chihowah sia hoke, micha Echip okla hvt naweki hvchi onochi tuk a a hvchi kohchi la chi hoke, micha hvchi yukachi tuk a hvchi hlakoffichi la chi hoke; micha shakba wieli hosh, micha napavmmi chinto onochi hosh hvchi kohchit isht hvchi hlakoffichi la chi hoke.

7. Micha vm okla hvchia ha chi ho hvch ishe la chi hoke: micha hvchin Chitokaka sia ha chi hoke: micha vno ak osh Chihowah hvchin Chitokaka sia hosh Echip i naweki nutaka ya hvchi kohchi le tuk a, hvsh ithana chi hoke.

8. Mikma yakni yvmma Eblaham, Aisak, micha Chekob a ima la chi hosh, anumpa kvullo il onochi li tok vt, hvchisht ona la chi hoke; mikma hvsh aiasha he vhpesa yakni ya chi ho, hvchima la chi hoke; Chihowah sia hoke, im achi tok.

9. Mihma Moses vt Israel im vlla vhleha ha yvmihchit im anumpuli tok; yohmi kia shilombish nukhahvmmmit, micha yukvt ilbvsha kak osh Moses a i haponaklo tok keyu tok.

10. Mihma Chihowah yvt Moses a im anumpulit,

11. Ont chukowa cha, Echip i miko Falaoh ya im anumpuli na, i yakni ya Israel im vlla vhleha hvt kochvt ik ia ik im ahni, im achi tok.

12. Mihma Moses vt Chihowah itikba im anumpulit, Ya

keh. Israel im vlla vhleha hvt ik sã haponakloshke ; yohmi kã Katiohmi kak o itivlbi hakshup ik tapo sia hã Falaoh vt a haponakla hinla cho? achi tok.

13. Mihma Chihowah yvt Moses micha Alon a im anum-pulit, Israel im vlla vhleha hã pehlichit Echip yakni a koh-cha chi kvt, Israel im vlla vhleha, micha Falaoh ya anumpa ima chi kã atokolit i miha tok.

14. Ilvppa puta kak osh iki vhleha in chuka achvfa puta kã i noshkoboka yoke, Israel a im vttahpi Luben ushi vhleha hvt ; Hanok, micha Pallu, Heslon, micha Kami. Ilvppa puta kak osh Luben in chuka achvfa vhleha hoke.

15. Mikma Simeon ushi vhleha hoke, Chemuel, micha Chamin, micha Ohat, micha Chakin, micha Soha, micha Kenan ohoyo ushi Shaul ak atok. Ilvppak osh Simeon in chuka achvfa vhleha hoke.

16. Mikma ilvppa puta kak osh im ai iti shali vlhpisa hosh Lefai ushi vhleha hohchifo ha tok : Keshon, micha Kohalh, micha Melali ak atok. Mihma Lefai vt okchayvt ahanta afvmmi moma kvt afvmmi tahlepa achvfa cha, pokoli tuchina akucha untuklo tok.

17. Keshon ushi vhleha hvt in chuka achvfa puta kvt vlhpisa hosh Libni, micha Shimi ak atok.

18. Mikma Kohalh ushi vhleha hvt ; Amlam, micha Isha, micha Heblon, micha Ussiel ak atok. Mihma Kohalh vt okchayvt ahanta afvmmi moma kvt, afvmmi tahlepa achvfa cha pokoli tuchina akucha tuchina tok.

19. Mikma Melali ushi vhleha hvt Mahali, micha Mushi ak atok. Ilvppa puta kak osh im ai iti shali vlhpisa kvt Lefai in chuka vhleha hatok.

20. Atuk o Amlam vt iki in tek Chokebet a ishit itauwa-ya tok ; atuk o Alon, micha Moses im eshi tok, Mihma Amlam vt okchayvt ahanta afvmmi moma kvt afvmmi tahlepa achvfa cha pokoli tuchina akucha untuklo tok.

21. Mikma Isha ushi vhleha hvt ; Kolah, micha Nefek, micha Sikli ak atok.

22. Mikma Ussiel ushi vhleha hvt ; Mishael, micha Elsa-fan, micha Silhli ak atok.

23. Mihma Alon vt Aminnitab ushetik Naashon in tek Elishiba ya ishit itauwaya tok; atuk o Natab, micha Abihu, Eliasa, micha Ihlama im eshi tok.

24. Mihma Kolah ushi vhleha hvt Assi, micha Elkanah, micha Abiesaf ak atok. Ilvppa puta kak osh Kolait in chuka achvfa vhleha hoke.

25. Atuk o Alon ushi Eliasa vt Putiel ushetik vhleha achvfa ha eshi cha itauwaya tok; atuk o Finihas a im eshi tok; ilvppa puta kak osh Lefait vhleha hvt in chuka achvfa vhlpisa hosh iki vhleha i noshkoboka a tok.

26. Apehlichy vhlpisa ho Chihowah yvt Alon, micha Moses a ilvppak o Islael im vlla vhleha ha pehlichit Echip yakni ya hvsh kohchashke, im achi tok mak oke.

27. Ilvppak osh Islael im vlla vhleha ha Echip a apehlichit kohcha chi hosh Echip i miko ya im anumpuli tok mak oke: ilvppak osh Moses, micha Alon mak oke.

28. Atuk o yakohmi tok, Chihowah yvt Moses a Echip yakni ya ai im anumpuli nitak vt,

29. Chihowah yvt Moses a im anumpulit, Chihowah sia hoke, Echip i miko Falaoh ya nana chim achi li tuk a moma ish im anumpulashke, im achi tok.

30. Mihma Moses vt Chihowah itikba ya, Yakeh, itivlbi hakshup ik tapo sia hoke: yohmi ka katiohmi kak o Falaoh vt a haponakla hinla cho! achi tok.

CHAPTA VII.

MIHMA Chihowah yvt Moses a, Yakeh, Falaoh ya in Chitokaka chikbi lishke, mikma chitibapishi Alon vt chi hopaii ya chi hoke.

2. Nana chim apesa li tuk a moma ish anumpulashke; mikma chitibapishi Alon vt Falaoh ya im anumpuli na, Islael im vlla vhleha ha i yakni ya kohchashke.

3. Mihma Falaoh chukvsh a kullochi likmvt, Echip yakni ya nan vm isht atokowa, micha a na fehna aiena ka a spakvche la chi hoke.

4. Yohmi kia Falaoh hvt hvchi haponakla he keyu hoke. Yohmi ho Echip a svbbak onochit, napalvmmi chinto yvmihchit, vm apchlichit puta ka, micha vm okla Israel im vlla vhleha ha Echip yakni ya pehlichit kohchi la chi hoke.

5. Mihma svbbak a Echip a onochi lish, Israel im vlla vhleha ha im ai itin takla ya apchlichit kohcha likma, Chihowah sia ka Echip okla hvt ithaiyana chi hoke, im achi tok.

6. Mihma Moses, micha Alon vt yvmohmi tok; Chihowah yvt im apesa tuk mak o yvmihchi tok.

7. Mihmvt Falaoh ha im anumpulit okla mvt, Moses vt afvmmi pokoli untuchinakma. Alon vt afvmmi pokoli untuchina akucha tuchina ha tok.

8. Mihma Chihowah yvt Moses, micha Alon a im anum-pulit,

9. Falaoh hvt, chishno ak osh, na fehna haiakvchi, hvchim achikma, Alon a Chin tvbi ya eshi cha Falaoh itikba pila, ish im achashke mikma, sinti o toba hi oke, achi tok.

10. Mihma Moses, micha Alon vt Falaoh ya ibachukowa cha, Chihowah yvt im apesa tuk mak o yvmihchi tok; mihma Alon vt in tvbi ya Falaoh itikba, micha in tvshka vhleha itikba aka pit pila ma, sinti toba tok.

11. Yohmi ma Falaoh ak kia hatak hopoyuksa vhleha, micha yushpakvmmi vhleha aiena ka pit hoyo tok; yohmi ma yushpakvmmi vhleha Echip asha yatuk vt nan im isht yushpakvmmi ya yvmma chohmi yvmihchi ak inli tok.

12. In tvbi aiyukali ka aka pila ma, sinti toba tok oka; yohmi kia Alon in tvbi vt yvmma in tvbi puta kash ishit navbli tok.

13. Mihma Chihowah hvt achi tuk mak osh, Falaoh chukvsh a kullochi na, ik i haponaklo tok.

14. Mihma Chihowah yvt Moses a, Falaoh chukvsh vt kvllashke, okla ha ik ia; ik ahnoshke.

15. Onnahinlikma Falaoh ya ish im onashke; yakeh oka aiasha ka ia hoke; vla takla ka okhina lapalika ya ish hikiashke, micha sinti toba tuk tvbi yash ish ishashke.

16. Micha Heblu vhleha in Chitokaka Chihowah yvt chi

sa pela cha, Um okla hvt ik ia, yakni haiaka ont ashvt ik som antia, achi tuk oke, atuk o, yakeh chashpo ka chik haponaklo tuk oke.

17. Chihowah yvt yak achishke, Chihowah sia ka ilvppak o isht ish ithaiyana chi hoke, yakeh, okhina oka aiasha ka tvbi ishi li kv, ishit fahama likma, issish toba chi hoke.

18. Mikma nuni vt okhina aiasha tuk vt illa chi hoke; mikma okhina vt shua chi hoke: mikma Echip okla hvt okhina oka ishko kv yuwala chi hoke, im achi tok.

19. Mihma Chihowah yvt Moses a im anumpulit, Alon a, Chin tvbi ya eshi cha, Echip oka puta, oka i yanvlli puta, im okhina puta, i haiyip puta, micha im oka taloha moma ka chibbak a ish o wielashke; yvmohmi na, issish tobashke, micha yvmohmi na, Echip yakni moma hlopulli ka, iti nan aivlhto, micha tvli nan aivlhto a puta kv issish biekashke, ish im achashke, achi tok.

20. Mihma Moses, micha Alon vt Chihowah im apesa tuk mak o, yvmihchi tok, micha tvbi ya vba wieli cha, Falaoh hvt pisa ho micha in tishu vhleha hvt pisa ho oka okhina asha tuk a isso tok; mihma oka moma okhina asha tuk vt issish toba tok.

21. Mihma nuni okhina aiasha tuk vt illi tok; mihma okhina vt shua na, Echip okla hvt okhina oka ya ishka he keyu tok; mihma Echip yakni moma ka issish vt aiasha tok.

22. Mihma Echip yushpakvmmi vhleha hvt nan im isht yushpakvmmi ya ishit yvmihchi tok; mihma Chihowah yvt achi tuk mak o, Falaoh chukvsh vt kullo cha i haponakla he keyu tok.

23. Michi Falaoh hvt falama cha, in chuka ont chukowa cha, ilvppak kia chukvsh onochit ik anukfillo tok.

24. Mihma Echip okla moma kv oka ishka chi kv, okhina bilika ka kullit jivnowa tok; okhina oka ya ishka he keyu hokvt.

25. Atuk o Chihowah yvt okhina ya isso ha ya nitak untuklo kv ont taha tok.

CHAPTA VIII.

MIHMA Chihowah yvt Moses a im anumpulit, Falaoh ha ish im ona cha, Chihowah yvt yak achishke, Um okla hvt ik ia cha, ik svm antia, achishke.

2. Atuk o, vhpesa chik svm ahnokma, yakeh, chim aivhi moma ka shukvti yo ishit fahama la chi hoke.

3. Mihma okhina hvt shukvti a lauachit ikbi na, yvm-mvt oiyvt chim aboha, micha ish a nusi aboha iba chukowvt, chin topa oiyvt, chin tishu vhleha im aboha iba chukowvt, chim okla ha atuyvt, micha chim apalvska micha ta pushi chim ayamvska puta ka chukowa chi hoke.

4. Mihma shukvti vt chishno, micha chim okla, micha chin tishu moma aiena ka atuya chi hoke, ish im achashke, achi tok.

5. Micha Chihowah yvt Moses a im anumpulit, Alon a, Chin tvbi ya ishit oka yanvli puta, okhina puta, micha hai-yip puta ka chibbak a ish o wieli cha, shukvti ya kohchichit Echip yakni ya ish onochashke, ish im achashka, achi tok.

6. Mihma Alon vt Echip oka puta ka ibbak a o wieli tok : mihma shukvti vt kohcha cha, Echip yakni ya ompohomo tok.

7. Mihma yushpakvmmi vhleha hvt i nan isht yushpakvmmi ya yvmihchi cha, Echip yakni ya shakvti i kohchi tok.

8. Yohmi ma, Falaoh hvt Moses micha Alon a hoyo cha, Chihowah ya ish im asilhha na, shukvti ya, Uno, micha vm okla aiena ka i kanvlichit ishit kanchashke : mikma okla ha ik ia ahni li, Chihowah ya vbit isht aiokpvchi ya im isashke, achi tok.

9. Mihma Moses vt Falaoh ha, Is svm apesashke ; kati-ohmikma chishno, micha chin tishu vhleha, micha chim okla ha isht anumpule li, shukvti ya chishno, micha chin chuka puta kanvlichit ishit kanchi na, okhina ak illa ho gsha chi cho ? im achi tok.

10. Mihma onnaha yah achi tok, Mihma chim anumpa hatuk mak o yvmohmashke. Yvmohmi ho pin Chitokaka Chihowah chohmi kut iksho ka, ish ithaiyanashke.

11. Mikma shukvti vt chishno, micha chin chuka puta, micha chin tishu vheha, micha chim okla vheha ha i filvmit ia chi hoke, okhina ak illa ho gsha chi hoke, achi tok.

12. Mihma Moses, micha Alon vt Falaoh ha i filvmit ia tok: mihmut Falaoh ya i sanalit shukvti ya kohchi tuk ak o, Moses vt Chihowah ya i paya tok.

13. Mihma Chihowah yvt Moses im anumpa ha tuk mak o yvmihchi tok: mihma shukvti vt chuka puta, micha chuka alokoli, micha osapa a puta ka ai illit taha tok.

14. Mihma! hoyot itvahlit ashachi tok; micha yakni vt shua tok.

15. Yohmi kia ik yvmohmo ho Falaoh, vt pisa mut, Chihowah yvt achi tuk mak o, chukvsh a kullochi cha, ik i haponaklo tok.

16. Mihma Chihowah yvt Moses a, Alon a, Chin tvbi ya ish weli cha, yakni pushi ya ish isso na, Echip yakni hlopulli moma ka issvp tobashke, ish im achashke, im achi tok.

17. Mihma yvmihchit okla tok, Alon vt in tvbi ya eshi cha, ibbak weli cha, yakni pushi ya isso tok, mihma issvp toba cha, hatak micha nan vhpoba aiena ka a toba tok: mihma Echip yakni moma ka yakni pushi moma kut issvp toba tok.

18. Mihma yushpakvmmi vheha hut issvp kohcha chi hosh im isht yushpakvmmi ya yvmihchi tuk osh kohcha he keyu tok; yvmohmi ho issvp vt hatak, micha nanvhpoba aiena ka on aiasha tok.

19. Mihma yushpakvmmi vheha hut Falaoh ya, Ilvppvt Chitokaka ibbak ushi yoke, im achi tok: mihma Chihowah yvt achi tuk mak o, Falaoh chukvsh vt kullo tuk osh ik i haponaklo tok.

20. Atuk o Chihowah yvt Moses a, Onnahinli fehna mak o tani cha, Falaoh ya itikba ish hikiashke, (yakeh oka aiasha ya minti hoke,) micha, Chihowah yvt yak achishke, Um okla hut ik ia cha, ik svv antiá.

21. Keyukma *vm* okla *hə* ik *iá* ish ahna he keyukma, yakeh, chishno, micha chin tishu vhleha, micha chim okla vhleha, micha chin chuka anukaka puta *kə* shushi laua *hə* chi onochi la *chí* hoke; yohmikma Echip okla in chuka puta, micha oka aiasha aiena *kvt* shushi laua hosh alota *chí* hoke.

22. Mikma nitak yumma *vm* okla aiasha, Koshen yakni ya filvmmichi likma, shushi laua nana kia yumma iksho ka hi oke, yohmi *hə* yakni ai iklunnaka vno ak osh Chihowah sia *kə* ishit ithaiyana *chí* kak oke.

23. Michá *vm* okla *hə* micha chim okla *ití* filvmmichi la *chí* hoke, onnakma nan isht atokowa ilvppvt asha *chí* hoke, ish im achashke, im achi tok.

24. Atuk osh Chihowah *yvt* yvmihchi tok, mihma shushi laua ik achukmo fehna hosh vlt, Falaoh in chuka, micha in tishu vhleha in chuka puta micha Echip yakni moma *kə* iba chukowa tok: shushi laua pulla kak *ə* yakni *vt* okpulo tok.

25. Mihma Falaoh *vt* Moses, micha Alon *ə* hoyo cha, Oh ia cha, yakni ilvppak inli *hə* hvchin Chitokaka ya vbit hvsh ai okpvchashke, achi tok.

26. Mihma Moses *vt*, Yvmohma he vlhpesa keyu hoke, Echip okla nan isht a yuwala *yə* pin Chitokaka Chihowah ya nan vbit ishit il aiokpvcha hinla hokvt: yakeh, Echip okla itikba ya *i* nan isht yuwala ya isht il aiokpvcha hinla cho? Yohmikma tvli ishit pi bola hinla keyu cho?

27. Yakni haiaka nitak tuchina anowa *yə* il ona cha, kaniohmichit, pim apesakma, pin Chitokaka Chihowah ya nan vbit isht il aiokpvcha *chí* hoke, achi tok.

28. Mihma Falaoh *hvt*, Ik ia hvchim ahni *li*, yakni haiaka ya hvchin Chitokaka Chihowah ya nan vbit isht hvsh aiokpvchashke, peh hopaki fehna *hə* hvchik aiyo kashke: isht is si anumpulashke, achi tok.

29. Mihma Moses *vt*, Yakeh, *chí* filvmmi *ia* lishke, micha shushi laua *vt* onnakma, Falaoh *hə*, micha in tishu vhleha, micha im okla vhleha *hə* *i* filvmma *chí* *hə*, Chihowah ya *im asilbha* la *chí* hoke. Yohmai kia Falaoh *hvt* himakma ik

ghlot, okla hut ivt Chihowah ya nan vbit ik aiokpuchi, ik ahno tuk vt ik yohmo kashke, achi tok.

30. Mihmut Moses vt Falaoh ya i filvmmmit kohchvt ia cha, Chihowah ya im asilhha tok.

31. Mihma Chihowah yvt Moses im anumpa hatuk mak o yvmihchi tok: micha shushi laua yash Falaoh, micha in tishu vhleha, micha im okla vhleha aiena ka i filvmmichi tok; achvfa kia iksho tok.

32. Mihma himak ak kia Falaoh hut chukvsh a kullochi cha, okla ik ia, ik ahno tok.

CHAPTA IX.

YOHMI ma Chihowah yvt Moses a Falaoh ha ont iba chukowa cha, im anolit; Heblu in Chitokaka Chihowah yvt yak achishke, Um okla hut ik ia cha ik svm antiá.

2. Ik iá chik ahno hosh, ish halvlli kut momkama,

3. Yakeh, Chihowah ibbak vt chi nan vhlpoa osapa aia-sha ka, issuba puta, issuba nashoba puta, kamel puta, wak toksvli puta, micha chukfi vhlpoa puta aiena ka onvtoyula chi hoke; issish illi okpulo fehna hosh asha chi hoke.

4. Mikma Chihowah yvt Israel i nanvhlpoa, micha Echip okla i nanvhlpoa iti filvmmicha chi hoke; mikma nana Israel im vlla vhleha ha immi hokvto illa chi keyu hoke, ish im achashke, im achi tok.

5. Mihma Chihowah yvt nitak vhlpisa ka apesvt, Onnakma Chihowah yvt yakni ya nana ilvppa a yvmihcha chi hoke, achi tok.

6. Mihmut onna ma nana ilvppa Chihowah yvt yvmihchi tok; mihma Echip i nanvhlpoa moma kut illi tok; yohmi kia Israel im vlla vhleha ha i nanvhlpoa vt achvfa kia ik illo tok.

7. Yohmi ka Falaoh hut pit pila tok: mihma yakeh, Israel vhleha i nanvhlpoa vt achvfona kia illi tok keyu. Mihma Falaoh chukvsh vt kullo cha, okla ha ik iá, ik ahno tok.

8. Mihma Chihowah yvt Moses, micha Alon a, Tuli abi-

la yə hituk chubbi yə ibbak alota ish eshi cha, Falaoh hvt pisa hō Moses vt vba pilla pit fimmashke.

9. Mikma Echip yakni moma kə lukfi pushi chipuntasi toba cha, Echip yakni moma kə hatak, micha nanvlhpoa aiena kə onvtula cha, hichi hlachowa toba chī hoke, im achi tok.

10. Mihma tvli abila yə hituk chubbi yə eshit okla cha, Falaoh hə itikba hielī tok; mihma Moses vt vba pilla pit fimmi tok; mihma hichi hlachowa toba cha, hatak, micha nanvlhpoa aiena kə onvtoyula tok.

11. Mihma yushpakvmmi vhleha hvt hichi ak atuk mak o, Moses itikba yə hieła he keyu tok; hichi vt yushpakvmmi vhleha, micha Echip okla moma kə onvtoyula tok oka.

12. Mihma Chihowah yvt Falaoh chukvsh a kullochi na, Chihowah yvt Moses a im anumpuli tuk mak o; ik i. hapo-naklo tok.

13. Mihma Chihowah yvt Moses a, Onnahinli fehna waka-cha, Falaoh itikba hikia cha, Heblu in Chitokaka Chihowah yvt yak achishke, Ūm okla hvt ik'ia cha, ik sv̄m antiā.

14. Himak ano a nanililli okpulo puta kə chi chukvsh, micha chin tishu vhleha, micha chim okla hə onochi la chī hoke; yvmohmi hō yakni moma kə vno chohmi kv̄t iksho kə ish ithaiyana chī hoke.

15. Himak ano chishno, micha chim okla aiena kə ililli okpulo ishit chi fahama la chī hosh, svbbak a chi o weli lash-ke; mihna yakni yə ai ishit chi kv̄nia chī hoke.

16. Michā ilvppak achī hō mvhli fehnak o, nan isht v̄m aighli yvt chi ai otv̄ninchī la chī hosh, chī hilechi li tuk oke; micha sa hohchifo hokvt yakni moma kə hlopullit ai annghowa hi oke.

17. Ile chahvchit v̄m okla hə ish i sanali moma cha, ik iā ish ahna he keyu hoke.

18. Yakeh, onnaha himak a chohmi fokakma, hatafo ik achukmo fehna, Echip vt talaia tok mihintit himak ant vhli kə, a yvmohmi chatuk keyu hō hvchi on umbvche la chī hoke.

19. Yvmohmi hoka himak a chī nanvlhpoa, micha nana

hosh osapa chim aiasha moma ka hoyot ish itvnahlashke ; hatak, micha nanvlhpoa chuka isht ik lo tuk a osapa asha moma hatafo vt onvtola na, illa chin tuk, achishke, ish im achashke, achi tok.

20. Falaoh in tishu vhleha hvt Chihowah im anumpa ha nukwia kv, in tishu vhleha, micha i nanvlhpoa ya tihlelit aboha ha apitta tok.

21. Mihma Chihowah im anumpa ha ik yimmo hokvto in tishu vhleha, micha i nanvlhpoa osapa ya ashachi tok.

22. Mihma Chihowah yvt Moses a chibbak a vba pit ish wielashke, yvmohmi na, hatafo vt Echip yakni moma ka itolt, hatak, micha nanvlhpoa, micha haiyukpulo puta osapa asha ka Echip yakni hlopulli ka onvtoyulashke.

23. Mihma Moses vt in tvbi a vba pit wieli tok ; mihma Chihowah yvt hiloha, micha hatafo aiena ka et pila ma, luak vt yakni paknaka ya aya tok : micha Chihowah yvt Echip yakni ya hatafo et on umvchi tok.

24. Yohmi ho hatafo, micha luak vt hatafo yash itai okoma hosh ik achukmo fehna, Echip vt okla toba tok itin takla yakni moma ka yohmi chatuk keyu ha tok.

25. Mihma hatafo vt Echip yakni moma ka osapa asha tuk moma, hatak, nanvlhpoa aiena ka issot kanchi tok ; micha hatafo vt haiyukpulo puta osapa aiasha issot kanchi mv, iti puta osapa aiasha ka kobalichit tahli tok.

26. Koshen yakni, Israel im vlla vhleha hvt aiasha ak illa ho hatafo vt iksho tok.

27. Mihma Falaoh hvt Moses, micha Alon a pit hoyo cha, Himak a sa yoshubvshke, Chihowah yvt ai vlpiesakma, vno, micha vm okla aiena kv yoshoba pia hoke.

28. Vlhpesa hoke, Chihowah ya ish im asilhashke, mihma himakma hiloha, micha hatafo vt iksho kashke ; mikma ik ia hvchim ahni likma, himakma hvchik asho kashke, im achi tok.

29. Mihma Moses vt, Tvamaha holihta ya kohcha li mak-inli hosh, Chihowah ya svbbak a pit isht im ashatvpa la chi hoke ; mikma hiloha kv issa chi hoke, micha himak-

ma hatafo vt gsha chi keyu hoke; Yohmi ma yakni vt Chihowah ak o immi ka ish ithaiyana chi hoke.

30. Yohmi kia chishno, micha chin tishu vhleha hvto Chihowah Chitokaka ya hvsh i nukwia chi keyu moma ka ithana lishke.

31. Micha nuchi, micha bali aiena ka issot kanchi tok; bali vt nihi tobakma, micha nuchi vt yushkobolichi hatuk oka.

32. Yohmi kia onush micha onush issuba vpa ano issot ik kancho tok, chahvt ik taho kisha hatuk oka.

33. Mihma Moses vt Falaoh ha i filvmmi tmaha holihta ya kohcha mvt, Chihowah ya ibbak isht im ashatvpa tok; mihma hiloha, micha hatafo aiena kvt issa ma, umba kvt yakni ya et ik o fohopo tok.

34. Atuk o umba, micha hatafo, micha hiloha aiena kvt issa na, Falaoh hv pisa mvt, himakma yoshuba cha, yvmma, micha in tishu vhleha aiena kvt chukvsh a kvlochi tok.

35. Mihma Chihowah yvt Moses a tohnot anumpuli tuk mak o Falaoh chukvsh vt kvlo cha, Israel im vlla vhleha ha ik ia, ik ahno tok.

CHAPTA X.

MIHMA Chihowah yvt Moses a, Falaoh ya ish iba chukowashke; nan isht vm atokowa ilvppak o itikba ai otvnichi la chi hosh, chukvsh a micha in tishu vhleha chukvsh a kvlochi li tuk oka.

2. Micha Echip a nana ayvmihchi li tok, micha nan isht vm atokowa ya im itin takla ayvmihchi li tuk a, chiso ha im anolit, ish haklocha he, mikma chiso hv ushi ya haklocha he ak oke; yvmohpi ka vno ak osh Chihowah sia ka isht hvsh ithana he ak oke.

3. Mihma Moses, micha Alon vt Falaoh ya im ona cha, Heblu in Chitokaka Chihowah yvt yak achishke, Katiohmi foka ho sa tikba ya chi chukvsh ish akanlusecha he keyu cho! Um okla hv ik ia cha, vm antiashke.

4. Keyukma, vm okla ha ik ia ish ahna he keyukma, ya-keh, onnakma hawa ya chim aivhli ya isht vla la chi hoke.

5. Mikma yakni paknaka ya ompoholmokma, kuna hosh yakni ya pisa he keyu ka chi hoke: mikmvt hlakofi tuk osh asha moma hatafo vt chim ashanchi tuk a vpa chi hoke, micha iti puta osapa chim ai offo ya vpa chi hoke.

6. Micha chim aboha puta, micha chin tishu vhleha moma im aboha puta, micha Echip okla moma im aboha puta ka alota chi hoke, ymma chohmi ka chiki vhleha, micha chiki iki vhleha hvt yakni paknaka ya asha tok nitak a vttvt minti hosh, himak nitak ant vhli ka pisa chatuk keyu ka chi hoke, achishke, achi tok: mihmvt fullotvt Falaoh ya fikmmmit kohcha tok.

7. Mihma Falaoh in tishu vhleha hvt, Katiohmi foka ho hatak ilvppvt ishit pim ahleka chi cho? ik ia cha, in Chitokaka Chihowah ya ik aiokpvchi, Echip vt okpulot taha kah, chik ithano kisha cho? im achi tok.

8. Mihma Moses, micha Alon a anonti Falaoh itikba isht ona tok, mihma, Oh ia cha, hvchin Chitokaka Chihowah ya oh im antia. Yohmi kia kvta hosh ia chi ho? im achi tok.

9. Mihma Moses vt, Pi himithoa, micha pi sipokni, piso vhleha, micha piso tek vhleha pi nanvlhpoa chipinta, micha pi nanvlhpoa hochito a puta pehliechit il ia chi hoke: Chihowah ya impvchi isht il im asha chi hoke, achi tok.

10. Mihma Falaoh hvt, Ik ia hvchim ahni li ka chohmit Chihowah yvt hvchishno, micha hvchin chipunta puta ka hvchiba foyunkashke: yohmi hvsh ahnashke, nan ik achukmo kvv hvchi tikba itoyula hoka.

11. Yohma he keyu, himak a hatak hvchia hokvt, Chihowah ya hvsh im antiaashke, yummak o hvchi bunna tuk okvt, im achi tok; mihma Falaoh itikba hielit tuk a tihlelit kohcha wehli tok.

12. Mihma Chihowah yvt Moses a, Hawa yvt vla chi ka chibbak a Echip yakni paknaka ya ish o wielashke; yvmohmi na, vltv yakni ya onvtoyula cha, hatafo vt ashanchi tuk moma haiyukpulo puta yakni aiasha ka vput tahlashke, im achi tok.

13. Mihma Moses vt Echip yakni paknaka ya in twbi ya o wieli ma, Chihowah yvt nitak yvmma moma ka, micha ninak yvmma moma ka hvshi akochaka mahli ha isht vlt yakni ya onochi tok: atuk o onnahinli ma, hvshi akochaka, mahli hut hawa ya isht vla tok.

14. Mihma hawa yvt Echip yakni moma ka ona mvt, Echip im aivhli moma ka aka foha ha tok: ik achukmo fehna ha tok; chashpo ka hawa yvt yohmi chatuk keyu, micha himakma yohma he keyu ha tok.

15. Yakni paknaka moma ka alotowa tok oke. Yohmi hosh yakni ya okhilichi micha yakni ya haiyukpulo puta' micha iti vni puta hatafo vt ashahanchi tuk a vput tahli tok; micha Echip yakni hlopulli moma ka iti puta ka, micha haiyukpulo osapa aiasha puta ka nana okchaki nana kia iksho tok.

16. Yohmi ma Falaoh hut tushpvt Moses, micha Alon a hoyo tok; micha, Hvchin Chitokaka Chihowah, micha hvchishno ya hvchi sa yoshobvshke.

17. Yvmohmi hoka himak a himonasi ya ilvppa nan ashvchi li ya hvs sa kashofashke, hvchim asilhha lishke, micha hvchin Chitokaka Chihowah ya hvsh im assilhashke; yvmohmi na nan illi ilvppa illa ho isht a kanvillichashke, achi tok.

18. Mihma Falaoh ya i filvmmmit ia cha, Chihowah ya im asilhha tok.

19. Mihma Chihowah yvt hvshi okatula mahli kvllo fehna ho fullolichi na, hawa ya ishtivt okheta humma ya oka tamoli tok; Echip ai vhli fullota moma ka hawa achvfa kia iksho tok.

20. Yohmi kia Chihowah yvt Falaoh chukvsh a kvllochi na, Israel im vlla vhleha ha ik ia, ik ahno tok.

21. Mihma Chihowah yvt Moses a Chibbak a vba pit ish wielashke; yohmi na okhlili hut okhlili ha yakohmi, ahna he vlpesa hosh Echip yakni paknaka ya onvtoyulashke, im achi tok.

22. Mihma Moses vt ibbak a vba pit wieli tok; mihma nitak tuchina ho okhlili sukko hosh Echip yakni moma ka onvtoyula tok.

23. Nitak tuchina ka iti pesa keyu, micha aiasa tuk vt ik kanvillo tok. Yohmi kia Israel im vlla vhleha moma im aboha ya atohwekili ha tok.

24. Mihma Falaoh hvt Moses a hoyo cha, Oh ia cha, Chihowah oh aiokpvchi peh hvchi nanvlhpoa chipinta, micha hvchi nanvlhpoa hochito ak illa hosh aiashashke, hvchim vlla vhleha hvt hvchi apihvt iashke, achi tok.

25. Mihma Moses vt, Nanvbit isht aiokpvchi, micha na hukmit isht aiokpvchi aiena ka ish pimashke, Yvmohmi ho pin Chitokaka Chihowah ya nan vbit isht il aiokpvchashke.

26. Pi nanvlhpoa vt pi apehvt ia chi hoke: iyakchush achufa kia olvt anta chi keyu hoke: yvma aieshi cha, Chihowah pin Chitokaka ya isht il aiokpvcha chi hoka; micha yvma kil ono kisha kvv nana ho Chihowah isht il im antia chi kvv kil ithano hokvt, achi tok.

27. Yohmi kia Chihowah yvt Falaoh chukvsh a kvullochi na, ik ia, ik ahno tok.

28. Mihma Falaoh hvt, A filvmmi ia, ahah ish il ahnashke; himakma sa nashuka ya ish pisa na; nitak nana ho sa nashuka ya ish pisakmvt chilla chi hoke, im achi tok.

29. Mihma Moses vt, Vlhpesa ho ish mihvshke, himakma anonti chi nashuka ya pisa la chi keyu hoke, achi tok.

CHAPTA XI.

MIHMA Chihowah yvt Moses a, Himakma nan ik achukmo achufa ho Falaoh micha Echip a onochi la chi hoke, Yohmi ha yokmno ilvppa ashvvt ik ia, hvchim ahna chi hoke; ik ia, hvchim ahnikmvt ahli hosh kocha pit hvchi tobla chi bano hoke.

2. Himak a okla im anumpulit, ish haklochashke, mikma hatak puta kvv in chuka a bilika, mikma ohoyo puta kvv in chuka abilika ya tvli hvta isht ilakshema, micha tvli holisso lakna isht ilakshema i potashke, im achi tok.

3. Mihma Chihowah yvt Echip okla ha okla hash i kanvchi tok. Michas hatak Moses vt Echip yakni ya Falaoh

in tvshka vhleha itikba, micha okla hash itikba aiena k₂ holitopa fehna tok.

4. Mihma Moses vt, Chihowah yvt yak achishke, Ninak iklvnna fokakma, kohchvt Echip im iti takla ona la chi hoke.

5. Mikma vttahpi moma Echip yakni aiasha kv_t, Falaoh im vttahpi yosh, im aiombinili holitompa om binili k₂ vttet ia hosh, ohoyo tishu im vttahpi yosh afotoha ashaka hikia k₂ ont vhli kv_t illa ch_i hoke; micha nanvlhpoa vttahpi moma ch_i hoke.

6. Mikma Echip yakni hlopulli moma k₂ yaiya chinto fehna, yvmma chohmi kv_t iksho, micha himakma yvmma chohmi kv_t iksho ka ch_i hoke.

7. Amba Israel im vlla vhleha hokvno, hatak okmá, keyukv_t nan vlhpoa yokmá, nana ofi vt i sanalit isunlvsh a ilhkoliche he keyu ka ch_i hoke: yvmohmi h₂ Chihowah yvt Echip okla, micha Israel a itim inlvchi k₂, hvsh ithaiyana ch_i hoke.

8. Mikma chin tishu vhleha ilvppa moma kv_t vm vlv_t, vm akachunolit, kohchvt iá, micha okla hvchiakaiya moma ká, acha ch_i hoke; mikma yohmi ha yak o kohchvt ia la ch_i hoke, achi tok, Mihmv_t nokowa fehna hosh Falaoh h₂ itikba hikiv_t kohchvt ia tok.

9. Mihma Chihowah yvt Moses a, Falaoh hv_t hvch_i haponakla ch_i keyu hoke; Yohmi na, a na fehna puta k₂ laua-chi la ch_i kak oke, im achi tok.

10. Mihma Moses, micha Alon vt na fehna ilvppa moma k₂ Falaoh itikba y₂ a yvmihchi tok; mihma Chihowah yvt Falaoh chukvsh a kvlochi na, i yakni y₂ a kohchvt Israel im vlla vhleha h₂ ik ia, ik ahno tok.

CHAPTA XII.

MIHMA Chihowah yvt Moses, micha Alon a Echip yakni y₂ ai im anumpulit,

2. Hvshi ilvppak osh hvshi talohvt hvchim ishtia vmmoma

ya chi hoke: afummi ishtia ka hvchi hvshi vmmona chi hoke.

3. Israel okla moma ka im anumpulit, Hvshi ilvppa nitak ont ishit pokolikma, hatak moma kvv chukfushi ya iki vhleha in chuka achvfa vlhpisa hosh ishashke, chuka achvfakma chukfushi achvfashke.

4. Atuk o chuka achvfa yvt ik lauwo fehna hatuk o, chukfushi vt atampakma, chuka abilika et aparfa ak o itatuklot shilombish holhtina kak o vlhpisa hosh ishashke, hatak moma kvv chukfushi ya vpa vlhpesa ho hvsh hote-nashke.

5. Hvchin chukfushi vt ik ai ono iksho, nakni yosh afummi vmmona hashke, chukfi ha keyukmvt, issi kosoma i flvmmichit hvsh ishashke.

6. Micha hvchim anta na, hvshi mih mak inli kvv nitak ont isht auah ushtashke; atukma Israel okla moma hosh opiakma vbashke.

7. Mihmvt issish ishi cha, aboha yvmma anukaka ai vpa chi kvv, okhissa tahlaklaka lapali tuklo ka, micha okhissa paknaka lapali aiena ka isht issashke.

8. Mikmvt ninak yvmma nipi ya luak isht apushli cha, pvska ik shatvmmo aiena vpashke, micha haiyukpulo homi aieninchit vpashke.

9. Okchaki ka hvchikpo kashke, micha oka ishit honni keyu kmohmi; amba luak isht vlhpusha hashke; noshko-bo, iyi aiena, micha chukvsh, salakha, micha shilukpa aiena hashke.

10. Micha kaniohmi kia hvchin tonla na onnaha he keyu hoke: kaniohmit itonla na onnakma luak ishit hvsh hukma hi oke, ish achashke.

11. Micha yakohmi hosh hvshpa hi oke, vskofvchi ya isht hvsh il vskofaiyachi cha, hvchi shulush a hvsh hoyulo, micha hvchin tvbi vt hvchibbak foyukashke; micha anukwya hosh hvshpa hi oke, Chihowah im vbanvblit ont ia yoke.

12. Himak ninak a Echiv yakni ya hlopulli lish vttahpi moma, hatak micha nanvlhpa aiena Echiv yakni aiasa ka

issot kanchi la chi hoke; micha Echip i naholba puta i sanalit na palvmmi onochi la chi hoke. Chihowah sia hoke.

13. Mikma issish vt aboha hvsh ai asha ka a lapoht maya kvv hvchi nan isht vlvhvisa chi hoke; atuk o issish a pisa likmut, hvchi vbanvbli la chi hoke, mikmut Echip yakni ya issot kanchi likma, ililli okpulo vt hvchi onvtolvt ishit hvchi kancha he keyu hoke.

14. Mikma himak nitak a hvsh ithana bilia yosh hvchin takala chi hoke, mikmut hvchim aaitishali puta hlopulli ka holitoblit Chihowah impvchi isht hvsh aiasha hi oke; nan vlvhvisa bilia yo impvchi isht hvsh aiasha hi oke.

15. Nitak untuklo ho pvka ik shatvmmo ya hvsh pa hi oke; nitak vmmona mak inli ho shatvmmi ya hvchim aboha puta ka hvsh kohchashke; kvna hosh nitak vmmona vttvt ia hosh nitak ont isht untuklo ont vlli takla ka pvka shatvmmi ya vpakmut, shilombish yvmmvt Israel a akohchvt fiopa tupa hi oke.

16. Micha nitak vmmonakma itvnaha holitopa aiasha hi oke, atuk osh nitak ont isht untuklokma, itvnaha hvchi holitopa kvv aiasha hi oke, yvmmak oka toksuli kaniohmi kia vlvhaha he keyu, peh hatak vt nana vpa vlvhpesa ho, yvmmak illa hvsh atahla hi oke.

17. Micha pvka ik shatvmmo impvchi ya isht hvsh aia-shashke; mih nitak fehna ak o hvchim apelichi puta ka Echip yakni ya apelhichit, hvchi kohchi li tuk oka. Yvmohmi hoka nitak ilvppa hvchim aaitishali puta kvv nanvvhvisa bilia yo hvsh holitobla hi oke.

18. Hvshi vmmona, hvshi vt nitak ont isht auahushtakma opiakma, pvka ik shatvmmo vpvt isht hvsh ia tuk osh, hvshi vt nitak ont ishit pokoli tuklo akucha achvfa opia ka, ont hvsh vlvhicha hi oke.

19. Nitak untuklo ho shatvmmi vt hvchim aboha puta ka iksho ka hi oke; Kvna hosh okla inla yokma, keyukmut yakni ya ai itola tok okma, nana hosh pvka shatvmmi ya vpakmut, shilombish yvmmvt Israel okla moma ya akohchvt fiopa tupa hi oke.

20. Nana kia shatvmmi ya hvsh pa he keyu hoke; hvsh

aiasha moma ka paska ik shatummo yo hvsh pa hi oke, achi tok.

21. Yvmohmi ma Moses vt Israel im asvnonchi moma ka hoyo cha, hvchin chuka achvfa vlhpisa hosh chukfushi achvfa ya ont ishit hvsh kohchi cha vbanvblit ont ia ya hvsh bashke.

22. Micha hissop pukussa ho hvsh eshi cha, issish ampushi alhto ka hvsh okvchi cha, issish ampushi vlhto kash okhissa paknaka lapat, micha tahlalaka lapali tuklo ka isht hvsh issashke: mikma hvsh achvfa kia chim aboha okhissa ya hvchik kohcho ho onna chi hoke.

23. Chihowah yvt Echip okla ha issot kancha chi hosh hlopullit aya chi hoke: atuk osh issish vt okhissa paknaka lapali, micha tahlaklaka lapali tuklo ka issish asha na, pisakmut okhissa ya vbanvbli cha, nanvi ya hvchim aboha puta ka iba chukowvt issot ik kanchi, im ahna chi keyu hoke.

24. Mikma nana ilvppak osh chishno, micha hvchiso vhleha aiena ka i nan vlhpisa bilia yo hvsh holitobla hi oke.

25. Atukma yakohma hi oke, Chihowah yvt achit hvchim issa tok mak osh hvchima na, yakni ya hvsh onakmut, nan nan isht asha ilvppa isht hvsh asha hi oke.

26. Atukma yakohma hi oke, hvchim vlla vhleha hvt, Nan isht asha ilvppvt, nanta ho miha ho? hvchim achikma.

27. Chihowah im vbanvblit ont ia nan vbit isht aiokpvchi yoke; yvmvt Echip okla ha issot kanchi mut, Israel im vlla vhleha im aboha puta ka vbanvblit ont ia cha, pin chuka achvfa puta Echip talaia ka pi hlakofichi tok oke, hvsh acha hi oke, im achi tok. Mihma okla hvt noshkoboka isht akachunoli cha, aiokpvchi tok.

28. Micha Israel im vlla vhleha hvt ia mut, Chihowah yvt Moses, micha Alon a im apesa tuk mak o yvmohmi tok, yohmi tok.

29. Atuk o yakohmi tok, ninak iklvna ma, Chihowah yvt Echip yakni ya vttahpi moma ka issot kanchi tok, Falah im vttahpi yosh im aiombinili holitopa binili tuk a vttvt ia hosh yuka hosh aboha kvlo ya itonla ka ont vbli, micha nanvlhpoa vttahpi puta moma tok.

30. Mihma ninak a Falaoh, micha in tishu vhleha moma, micha Echip okla moma kvt tani tok; mihma Echip a a yai-ya chito fehna tok; aboha ya ik ai illo kvt iksho hatuk oka.

31. Mihma ninak a Moses, micha Alon a hoyo cha, Ho wakaya, micha vm okla ai iti takla ya hvchishno, micha Israel im vlla vhleha aienvt kohchvt hvsh iashke, micha hvsh ia cha, hvsh achi tuk okvt, Chihowah ya hvsh im antiashke.

32. Michā hvchi nanvlhpoa chipinta, micha hvchi nanvlhpoa hochito aiena hvsh achi tuk okvt, hvsh eshi cha, oh ia, micha vno ak kia anumpa yukpali hvs si onochi akinlashke, achi tok.

33. Mihma Echip okla hvt anukwayvt yakni kohcha chi ka okla ha im acheba fehna tok; momvt illit pi taha chishke, achi hatuk okvt.

34. Mihma okla hvt tansh yamvska ik shatvmmo kisha ho, micha a yamvska aiena ka i na fohka abonunta ho cshit iabanali tok:

35. Michā Israel im vlla vhleha hvt Moses im anumpa hatuk mak o yvmihchi tok: micha Echip okla ha tvli huta isht ilakshema, micha tvli holisso lakna isht ilakshema, micha nafohka aiena ka im a pota tok.

36. Mihma Chihowah yvt okla ha Echip okla itikba ya holhpanayo hanta ya ima tok; yohmi ho nana ho bvnakma im pota tok: mihma Echip okla ha wehpuli tok.

37. Mihma Israel im vlla vhleha hvt Lameses ashvt ia mvt, Sukkolh a ona tok, hatak akanowa yvt, vlla yvt aholh-tina keyu ka tahlepa sipokni tahlepa hannali foka tok.

38. Mihma okla lawa itvnohova ak inli hosh apehvt ia tok: mihma nanvlhpoa chipinta, micha nanvlhpoa hocheto, nanvlhpoa laua fehna, hatok.

39. Mihma tansh yamvska Echip ai ishit kohcha ka ik shatvmmo hatuk oka, pvska luboa ik shatvmmo nunachi tok; Echip a kocha pit tihleli, mihma asha he keyu hatuk okvt, micha ilhpak kia ik ila tahlo tuk atok.

40. Yohmi ka Israel im vlla vhleha hvt Echip aiasha kvt afvmmi tahlepa ushta cha pokoli tuchina hatok.

41. Atuk o yakohmi tok, afvmmi tahlepa ushta cha pok-

oli tuchina kv̄t ont taha ma, nitak yvm̄mak fehna k̄a yakohmi tok, Chihowah im okla moma kv̄t Echip yakni ȳa kohchv̄t ia tok.

42. Pehlichit Echip yakni ȳa kohcha tok, Chihowah ȳa i holitobli fehna he ninak oke; Chihowah i ninak ilvppak ō Israel im vlla vhleha moma im aitiishali puta kv̄t holitobla he mak oke.

43. Mihma Chihowah yvt Moses, micha Alon a, Ilvppa vbanvblit ontia nanvhpisa mak oke, okla inla yvt vpa he keyu hoke.

44. Amba hatak moma in tishu tvli holisso isht chumpa tuk o, hakshup ish tvbli tukma mih yosh vpa hi oke.

45. Okla inla, micha tishu ilhtohno hokvto vpa he keyu hoke.

46. Chuka achvfa h̄o ai vpa hi oke, nipi ȳa kaniohmi kia aboha ȳa ishit ish kohcha he keyu, micha foni achvfa kia hv̄sh kobvffa he keyu hoke.

47. Israel okla moma kv̄t holitobla hi oke.

48. Atukma okla inla hatak osh hvchi okla ahanta tuk osh, Chihowah im vbanvblit ontia ȳa holitobli bvn̄nakmvt, nakni moma kv̄t hakshup tv̄pashke. Yohmikmvt bilika v̄la cha, holitoblashke, micha yakni ȳa ai v̄tta tok ā chohmashke; hatak hakshup tupa keyu kv̄t vpa he keyu hoka.

49. Nanvhpisa achvfa hosh i yakni aiv̄tta tok, micha okla inla yosh hvchi takla ahanta aiena k̄a im itoyula hi oke, im achi tok.

50. Ilvppak ō Israel im vlla vhleha moma kv̄t yvmohmi tok. Chihowah yvt Moses, micha Alon a im apesa tuk mak ō yvmihchi tok.

51. Atuk ō mih nitak akinli k̄a yakohmi tok, Chihowah yvt Israel im vlla vhleha apelhichi v̄lhpisa h̄o pehlichit, Echip yakni ȳa kohchi tok.

CHAPTA XIII.

MIHMA Chihowah yvt Moses a im anumpulit,
2. Israel im vlla vhleha nana hosh hatak okm̄a, nan-

vlhpoa yokmá, nana im oshutto ya tiwi ká is sá hullochashke, vmmi hoke, achi tok.

3. Mihma Moses vt okla há, Himak nitak ak o, Echip, micha aboha ayuka hvsh kucha tok vt hvsh ithaiyanashke; ibbak hlompko hosh Chihowah yvt ilvppa a hvchi kuchi tuk oke, pvska shatvmmi ya vpa he keyu hoke.

4. Himak nitak hvshi Abib ak o hvsh kuchvshke, im achi tok.

5. Atukma yakohma hi oke, Kenanait, micha Hittait, micha Amolait, micha Hifait, micha Chebusait i yakni, pishukchi, micha foe-bila a yanahanli yakni a hvchima chí hosh, hvchiki vhleha há anumpa kullo il im onohonchi tok a, Chihowah yvt hvch ishtonakma, nan isht asha ilvppa hvshi ilvpak o isht hvsh aiasha hi oke.

6. Nitak untuklo ho pvska ik shatvmmo hvsh pa hi oke; atukma nitak untuklo kvv Chihowah impvchi ya hi oke.

7. Pvska ik shatvmmo nitak untuklo ho vpa hi oka, mikma pvska shatvmmi yvt hvchin toyula na, pisa he keyu hoke, micha hvsh abinát moma ká shatvmmi vt hvchin toyula na, pisa he keyu hoke.

8. Atukma nitak yvmma chiso há im anolit, Ilvppa yakohmi kvv Echip a kohcha li ma, Chihowah yvt nana sa kanihmichi tok ak oke, ish achashke.

9. Mikma nan ishtatokowa yosh chibbak a lapala chí, micha ishit hvsh ithana bilia yosh hvchi nishkin ititakla ya takala chí hoke; yvmohmi ho Chihowah i nanvlhpisa hv hvch itih há foyuka chí hoke; Chihowah yvt ibbak hlompko hosh pehlichit Echip a hvchi kuchi tuk oke.

10. Yvmohmi hoka nanvlhpisa ilvppa ont aivlhpesakma, afvmmi hosh afvmmikma isht hvsh aiasha hi oke.

11. Atukma yakohma hi oke, Chihowah yvt, chishno, micha chíki vhleha há anumpa kullo ya im il onochi tok mak osh, Kenanait i yakni chishtona cha, chimakma,

12. Uttahpi puta im oshutto tiwi moma ká Chihowah ish i hullocha hi oke, mikma nanvlhpoa chim asha puta ká uttahpi moma nakni puta kvv Chihowah immi ha hi oke.

13. Issuba nashoba vttahpi puta ka chukfushi yo falvminchit isht ish chumpa hi oke, micha falvminchit ish chumpa he keyukmvt, ikunla ya ish kotvffa hi oke: micha chim vlla itin takla ya hatak osh vttahpi moma ka falvmichit ish chumpa hi oke.

14. Atukma yakohma hi oke, Nitak himak minti ka chiso hvt chim ponaklot, Ilvppvt nanta hoh cho? achikma, Chihowah yvt ibbak hlampko hosh pehlichit Echip yakni, micha aboha ayuka ha pi kohchi tok oke.

15. Michu yakohmi tok. Falaoh vt ik ia, kullo hosh pi ahna he keyu ma, Chihowah yvt Echip yakni vttahpi moma ka, hatak vttahpi, micha nanvlhpoa vttahpi aiena ka issot kanchi tok; yvmohmi tok ak o nakni yosh im oshvotto tiwi moma ka vbit Chihowah isht aiokpvcheli hoke; amba vm vlla vttahpi moma ka falvminchit chumpa li hoke, ish im achashke.

16. Atuk o nanisht atokowa yosh chibbak a lapala he, micha itikba takali yosh chi nishkin iti takla ya takala hi oke; ibbak hlampko hosh Chihowah yvt pehlichit Echip a pi kohchi tok oke.

17. Atuk o yakohmi tok, Falaoh vt okla ha ik ia im ahni ma, Chitokaka yvt pehlichit hina Filistin i yakni hlopullichit isht ik aiyo tok; yvmmak osh ik hopako ak inli kia; okla hvt tvnvp a pisakmvt nukhaklo cha, falamvt Echip a ona yoba na, Chitokaka yvt achi hatuk okvt.

18. Amba Chitokaka yvt okla fullolihinchit okhvta humma yakni haiaka ak o hlopullichit isht aya tok; mihma Isael im vlla vhleha hvt nahalupa im vlhtaha hosh Echip yakni a kohchvt ia tok.

19. Mihma Moses vt Chosef foni ya isht ia tok; Isael im vlla vhleha ha atokolit anumpa kullo im il onochechit, Chitokaka yvt hvchim aya pulla hi oke; mikma sa foni ya ilvppa ai ishit hvsh ia hi oke, achi tok oka.

20. Mihmvt Sukkolh a asht ia mvt Ehlam a yakni haiaka vhli ya a binachi tok.

21. Mihma Chihowah yvt itikba ivt in tikba heka kv nitak ma, tonjk hoshonti hosh hikia beka tok; atuk osh

ninak ma in tohwikela chi kv̄t, tonik luak osh hikia beka tok; nitak, micha ninak ma, aya chi hatok.

22. Nitak ma hoshonti tonik atuk osh ninak ma tonik luak vt okla itikba hikia tuk a kanvlichit ik im esho tok.

CHAPTA XIV.

MIHMA Chihowah yvt Moses a im anumpulit,
2. Israel im vlla v̄hleha h̄a ish im anumpoli na, fullo-
tv̄t Pihahiloh itikba Miktol micha okhv̄ta iti takla, Baal-
Sifon i chapaka yak o binachashke.

3. Falaoh vt Israel im vlla v̄hleha h̄a, Yakni ya ai ia ikit-
hano hoke, yakni haiaka yvt im okshitv̄shke, acha hi oke.

4. Mihma Falaoh ya chukv̄sh a kv̄llochi likma, iakaiya chi
hoke, mikma Falaoh, micha in tv̄shka moma ka ishit sa ho-
litopa chi hoke. Yvmohmi h̄o Echip moma kv̄t Chihowah
sia ka ithana chi hoke, achi tok. Mihma yvmohmi tok.

5. Atuk o Echip i miko ya, Okla hv̄t tihlaia ka im anoli
tok: mihma Falaoh chukv̄sh, micha in tv̄shka v̄hleha chu-
kv̄sh aiena kv̄t okla hash i sanalit, shanaia cha, Nantihmi
h̄o ilv̄ppa e yvmihchit, Israel v̄hleha hv̄t pin toksula he tuk
a ik ia il im ahni tuk oh cho? achi tok.

6. Mihmvt tv̄nv̄p im itichanv̄lli h̄a atahli mvt, im okla
aiena ka ishtia tok.

7. Micha aiowa hosh itichanv̄lli tahlepa hannali, micha
Echip itichanv̄lli moma, micha i kv̄pitv̄ni moma ka ishi tok.

8. Mihma Chihowah yvt Echip i miko Falaoh ya chu-
kv̄sh a kv̄llochi na, Israel im vlla v̄hleha h̄a iakaiyvt h̄lichli
tok; mihma Israel im vlla v̄hleha hv̄t ibbak kv̄llo hosh koh-
chvt ia tok.

9. Yvmohmi tuk kia Echip okla hv̄t iakaiya tok, (Falaoh
ya im issuba, micha tv̄nv̄p im itichanv̄lli moma, im issuba
om binit, micha in tv̄shka chipota aiena hosh) atuk osh ok-
hv̄ta lapali ka Pihahiloh ichapaka Baal-Sefon itikba ak o
binachit aiasha na, ont sakki tok.

10. Atuk osh Falaoh vt bilika mihinti ma, Israel im vlla

vhleha hvt akachakali ma, yakeh, Echip okla hvt iakaiyvt minti tok, mihma nukshopa fehna tok, mihmvt Israel im vlla vhleha hvt chitolit Chihowah ya im paya tok.

11. Mihmvt Moses a Echip a ahollohpi iksho kak o yakni haiaka a pilla chi ka ilvppa pisht ish la tuk oh cho? Nantihmi ho ish pi yvmihchit, Echip yakni ya ish pi kohchi tuk oh cho?

12. Echip a anumpa ilvppak o e chim anolit, Ik ashá, ish pim ahi na, Echip okla ilin toksvlashke, e chim achi tok keyu cho? Echip okla ha il im antia kak osh achukma kv haiaka ai illit pi taha chi ka i shali hokah, im achi tok.

13. Mihma Moses vt okla ha, Hvchi nukshopa ná, lumvt hiel cha, Chihowah im ai okchaya himak nitak a hvchi pisa-cha chi ka hvsh pisashke: Echip okla ha himak nitak a hvsh pisa tuk vt, himakma anonti hvchik peso ho bilia chi hoke.

14. Chihowah yvt hvchim itiba chi hoke; mihma luhmvt hvsh hiel chi hoke, im achi tok.

15. Mihma Chihowah yvt Moses a, Nantihmi ho is sa pa-ya cho? Israel im vlla vhleha ha ish im anumpuli na, tikba isashke.

16. Yohmi kia chin tvbi ya vba ish weli cha, chibbak a okhvta paknaka ya ish weli cha, ish iti filvmichashke, mikma Israel im vlla vhleha hvt yakni shila yo okhvta ik-lonna hlopulla chi hoke.

17. Mikma Uno, yakeh, vno vt Echip okla chukvsh a kvlochi likma, iakaiya chi hoke, mikma Falaoh, micha in tushka moma, micha tnvup im itichanvlli, micha im issuba ombinili puta ka holitopa isht ishe la chi hoke.

18. Mihma Echip okla hvt, Falaoh tnvup im itichanvlli, micha im issuba ombinili puta ka holitopa isht ishe likma, vno ak osh Chihowah sia ka ithana hi oke, im achi tok.

19. Mihma Chitokaka im enchil vt Israel i bina ha tikba aya tuk vt kanvllit asha ka ona tok, mihma tonik hoshonti hvt tikba ia tuk vt asha ka ont hikia tok.

20. Mihma Echip okla i bina, micha Israel i bina iti takla ona tok; mihmvt yvmvno i hoshonti okhlili mvt, amba

ilvpprno ninak o in tohwikeli tok; yohmi ho achvft ont i bilinchi keyu ho ninak vt ont hlopulli tok.

21. Mihma Moses vt ibbak a okhuta paknaka pit wieli tok; mihma Chihowah yvt hvshi akochaka mahli kullo ho ishtvltv ninak yummak o hlopullichu cha, oka ya falummichi mvt, okhuta ha yakni shila ikbi tok, mihma oka yvt iti filvmmi tok.

22. Mihma Israel im vlla vhleha hvt yakni shila yo okhuta iklvna ona tok; mihma oka yvt holihta tobtv isht impakimma, micha vlvfbekimma hikia tok.

23. Mihma Echip okla hvt iakaiyvt mahaya mvt, Falaoh im issuba moma tvnvp im itichanvlli, micha im issuba ombinili puta aiena kv okhuta iklvna ona tok.

24. Atuk o yakohmi tok, onnahnli atoni ya, Chihowah yvt tonik luak, micha hoshonti ha hlopullichit pisa cha, Echip okla tvshka chipota ya komuntvchi tok.

25. Michu tvnvp im itichanvlli chvnaha ya shufi na, shavllit weki tok; yohmi ma Echip okla hvt Israel vhleha i filvmmi eho tihlayashke, Chihowah yvt Echip okla ha i sanalit im itibi hoka, achi tok.

26. Mihma Chihowah yvt Moses a, Chibbak a okhuta paknaka ish o welashke; yohmi na oka yvt anonti vla cha, Echip okla ha, micha tvnvp im itichanvlli, micha im issuba ombinili puta ompohomashke, im achi tok.

27. Mihma Moses vt ibbak a okhuta paknaka o weli tok: atuk o onnahnli ma, okhuta hvt kullo hosh falamvt tikba yatuk a chohmi tok: mihma Echip okla hvt yihlepvt ai isso tok: mihma Chihowah yvt Echip okla okhuta iklvna ho oka tvnoli tok.

28. Mihma oka vt falama cha, tvnvp itichanvlli, micha issuba ombinili puta, micha Falaoh in tvshka vhleha moma Israel a iakaiyvt okhuta ha et chukowa tok, moma ka ompohomo tok: achvfa illa kia ik hlakoffo tok.

29. Amba Israel im vlla vhleha hokvto okhuta iklvna yvt yakni shila yo a nowa tok: mihma oka yvt holihta yosh im ishtimpakimma, micha im vlvfbekimma yo i hikia tok.

30. Yakohmi hosh nitak yumma Chihowah yvt Israel a

Echip okla ibbak a kohchit okchalinchi tok: atuk o Echip okla illi vt okhuta vhli aiasha na, Israel vt pisa tok.

31. Micha Israel vt Chihowah yvt nachinto fehna ho yvmihchit Echip okla ha onochi ka pisa tok; mihmvt okla hvt Chihowah ya i nukshopa cha, Chihowah, micha Moses aiena ka i yimmi tok.

CHAPTA XV.

MIHMA Moses micha Israel im vlla vhleha aiena kvv taloa ilvppa Chihowah ya in taloa cha, anumpulit, Chihowah ya in taloa la chi hoke, im aiyvt holitopa hoka, issuba micha im om binili kash okhuta ha oka knivchi hoke.

2. Chihowah ak osh vmi hlampko, micha vm ilhtalowak oke, micha aiokchaya li tobushke; yummak osh an Chitokaka yoke; atuk o ai ahanta im atahli la chi hoke: aki in Chitokaka yoke, atuk o holitoblichy la chi hoke.

3. Chihowah yvt hatak tvnvp oke, hohchifo kvv Chihowah yoke.

4. Falaoh im itichanvlli, micha in tvshka chipota aiena ka okhuta pit kanchi tuk oke, in kvpetvni aiowa vhleha hash okhuta humma ya oka tvnoli tuk oke.

5. Hofobi vt ompohomo tuk oke, tvli chohmit oklobushlit aka ona tuk oke.

6. Chihowah ma, chim ishtimpakimma yvt nan isht im aighli ya isht holitovushke, Chihowah ma chim ishtimpakimma yak osh tvnvp a bushullichit kanchishke.

7. Micha chim aholitopa chinto kak osh chi sanalit hikia tuk a ish im aiyashke, chim ai i nukkilli ya ish kanchi na, onush vpi chohmichit hukmit tahli tuk oke.

8. Chibishakni fiopa ma oka yvt isht itvnaha tuk oke: oka chito vt itvnaha chohmit wakayvt hikia tuk oke, okhuta iklvnna ahofobi yvt kalampi tuk oke.

9. Tvnvp vt, Hlioli lashke, sakki lashke, nawehpoa ya itakvshkoa lashke, sabvnna tuk vt sa fihopashke, am bvshpo falaia ya halvllit shufi lashke, svbbvk vt ishit kanchashke, achi tuk oke.

10. Chi mahli ha ish om mahlichi na, okhvta hvt om-pohomo tuk, naki chohmi kvt oka chito ya a kvnnia tuk oke.

11. Chihowah ma, naholbvt toba puta im ai itin takla ya, kuta hak osh chishno chiyuhmi cho? nan ashvchi ik im ik-sho holitopa, holitopvt annohowa kvt chinto, nafehna yvmih-chi chia hoke: kuta hak osh chishno chiyuhmi cho?

12. Chibbak isht impakimma ya ish wieli ma, yakni vt ishit nanvli tuk oke.

13. Chishno vt ish i nukhaklo kak osh okla ha falvmminchit ish chumpa tuk vt pehlichit ish kohcha tuk oke: chimi hlampko ak o ishit pehlichit ish aiahanta holitopa ya isht ish ona tuk oke.

14. Okla hvt haklo cha, nukshopa hi oke; Palestina aia-sha okla ha nukhaklo yosh chukvsh a isha hi oke.

15. Yohmi ma Etom holitopa vhleha hvt nukhlakancha hi oke; Moab hatak kvllo vhleha ha wvnihinchi yosh onvtola hi oke, Kenan aia-sha okla hvt momvt bilvt tvmoa hi oke.

16. Nukshopa, micha komota hosh onvtola hi oke; chi shakba kvllo kak o lumvt tvli chohmi na, chim okla hvt ont ia hi oke, Chihowah ma, okla ish chumpa tuk vt ont ia hoke.

17. Micha chi yakni, nvniha ha ish ai vta he yosh ish ikbi tok vt, ishtonvt ish a hilecha hi oke. Chihowah ma; vlti-po holitopa yvmmak oka chibbak osh kvloochit hilechi tok vt, Chihowah ma.

18. Chihowah yvt miko na bilvt bilia chi hoke, ahanchi tok.

19. Falaoh im issnba hvt tvnvp im itichanvlli, micha is-suba ombinili aiena kvt okhvta ha pit chukowa tuk; mihma Chihowah yvt okhvta oka ya falvmminchit, anonti ishtvlt onochi tuk; amba Israel im vlla vhleha hvto, yakni shila yo okhvta iklvna aya tok.

20. Mihma hopaii ohoyo Alon in tek Miliam vt timbil ishi tok; mihma ohoyo moma kvt iakaiyvt timbil ieshi cha, hihihla hosh kohchvt ia tok.

21. Mihma Miliam vt im afalvmminchi mv, Chihowah ya

hvsh in taloashke, holitopa hosh im aiya hoka; issuba, mi-
cha im ombinili kash aieninchit okhuta ha pit kanchishke,
achi tok.

22. Yohmi ho Moses vt Israel a pehlichit okhuta humma
ya ashvt kohchi tok; mihma okla kohchvt ivt, Shu yakni
haiaka ya nitak tuchina anowa ona mvt, oka ik ahayucho
tok.

23. Atuk osh Malah ya ona mvt Malah oka ya ai ishka
he keyu tok; homi hatuk oka; yvmohmi hatuk o hoh-
chifo ka Malah achi tok.

24. Mihma okla hvt Moses a nanumachit, Nanta ho il ish-
ka chi cho? achi tok.

25. Mihma Chihowah ya i paya tok; mihma Chihowah
yvt iti yo pisachi na, yummak ash oka pit okvchi ma, oka
yvt champulli toba tok; yummak o nanvlhpisa bilia, micha
nan isht apesa yo im ikbi tok, micha yummak o aiimoma ka
pisa tok.

26. Micha Hvchin Chitokaka Chihowah im anumpa ha
achunanchit hvsh i haponaklo cha, itikba ya ai vlhpiesa kak
o yvmihinchit, im anumpa vlhpisa ha hvsh i haponaklot, i
nanvlhpisa puta ka hvsh holitoblikma ililli ilvppa puta ka
Echip okla ha onochi li tok vt hvchi onochi la he keyu hoke;
Chihowah sia hosh hvchi hlakofichi li hoka, achi tok.

27. Atuk osh Elim, yvmma kvli hofobi auhtuklo, micha
pam iti pokoli untuklo hosh hiohmaya tok, mihmvt yummak
o oka bilika binachi tok.

CHAPTA XVI.

ATUK osh Elim a ashtia tok: mihma Israel okla moma
kvt Sin yakni haiaka, yvmvt Elim micha Saina itin
takla talaia ka, Echip yakni ya kohcha tok vt hvshi atukla,
micha nitak ont isht auhtahlapi fehna ona tok.

2. Mihma Israel im vlla vhleha okla moma kvt yakni hai-
aka ya Moses, micha Alon a i sanalit nanumachi tok.

3. Micha Israel im vlla vhleha hvt, Chitokaka yvt ahni

na, Echip yakni ya Chihowah ibbak ishit pilli tuk bano, nipi shuti yo il a chieya, micha pvska vput pi kaiya ma, yakni haiaka ilvppa pisht hvshla, okla ilvppa moma ho hohchvfo isht vbit hvsh tahla chi hoka, im achi tok.

4. Yohmi ma Chihowah yvt Moses a, Yakeh, vba ya pvska et hvchi umbuche la chi hoke; mikma okla hv kohchvt nitak moma vllhpisa kaniohmi ho aiowa bieka; yvmohmi a nanvllhpisa ha anowa hinlakma, keyukma, nanakma imomaka pisa la chi hoke.

5. Atuk osh yakohma hi oke, nitak ont isht hannalikma isht vla tuk vt atahla hi oke: mikma nitak moma ka aiowa beka tuk a inlohmi tukla hi oke, achi tok.

6. Mihma Moses micha Alon vt Israel im vlla vhleha moma ka, Opiakma Chihowah ak osh Echip yakni ya pehlitchit a hvchi kohchi tuk a hvsh ithaiyana chi hoke.

7. Atuk osh onnahinlikma Chihowah a holitopa ya hvsh pisa chi hoke, Chihowah i sanalit hvsh nanumachi ka haklo hoka; mikma pishno vt nanta pia hatuk o nan ish pi nanumanchi cho? achi tok.

8. Michas Moses vt Ilrppak achi hoke, Chihowah yvt opiakma nipi vpa chi ho hvchima, atuk osh onnahinlikma pvska hvchimvt hvchi kaiyachikma, Chihowah yvt nanumachi ishtisanalit hvsh nanumachi ka haklo hoka, pishno vto nanta pia hoh cho? hvsh nanumachi kv pishno ak o keyu; amba Chihowah ak oke, im achi tok,

9. Mihma Moses vt Alon a im anumpulit, Israel im vlla vhleha okla moma ka, Chihowah itikba hvsh lashke, hvsh nanumanchi ka haklo hoka, ish im achashke, im achi tok.

10. Atuk o yakohmi tok, Alon vt Israel im vlla vhleha okla moma ka im anumpuli ma, haiaka pilla okla pit hopokoyo ma, yakeh Chihowah isht a holitopa vt hoshonti ha fokvt haiaka tok.

11. Mihma Chihowah yvt Moses a im anumpulit,

12. Israel im vlla vhleha nanumaghanchi ka haklo lishke, im anumpulit, opiakma nipi hvsh pa chi hoke; mikmvt onnahinlikma pvska hvchi kaiya chi hoke; micha vno hvchin

Chitokaka Chihowah sia ka hvsh ithaiyana chi hoke, ish achashke, achi tok.

13. Atuk o yakohmi tok, opia ma, kofi vt vla cha, abinan-chi ka ompohomo tok; atuk o onnahunli ma fichak vt binah ha apakfopvt aiasha tok.

14. Atuk osh fichak itoyula kash osh vba ia ma, Yakeh yakni paknaka nana lumbo chipintasi, okti hvta chipintasi kvv chohmi hosh aka yo asha tok.

15. Atuk o Israel im vlla hvleha hvv pisa mvv, ilap bika, Ilvppvt manna yoke, Ilvppvt nanta hoh cho? itim achit, nan ik ithano hatuk okvt; mihma Moses vt, Pvska ilvppak o hvsh pa chi ho Chihowah yvt hvchima tuk oke.

16. Nana ilvppak o Chihowah yvt apesa tuk oke, Hatak moma kvv vpa he vlvpesa kak osh aiowashke, hatak achvfaka oma isht vlvvisa iskitini achvfat ishtia, hatak holbtina chi kanihmi tuk a vlvpisashke hatak moma kvv binah aia-sha ka im eshashke, im achi tok.

17. Mihma Israel im vlla hvleha hvv yvmihchi tok, micha kanimi kvv i shahli, kanimi kvv ik lauwo ho aiowa tok.

18. Atuk o oma isht apesa ma, laua aiowa tuk vt im atampa kvv iksho ma, kanomosi aiowa tuk vt ik im ono kvv iksho tok, hatak moma kvv vpa he vlvpesa kak osh aiowa tok.

19. Mihma Moses vt Asha na kvva kia onnahunli ik im onno kashke, im achi tuk oke.

20. Yohmi kia Moses a ik i haponaklo tok; amba kanimi kvv ashanchi na onnahunli onna tok; atuk o shvshi tobachi cha shua tok, mihma Moses vt i nukhobela tok.

21. Atuk o onnahunlikma hatak moma kvv vpa he vlvpesa kak osh aiowa beka tok; atuk o hvshi vt lvshpvt taha ma bila beka tok.

22. Atuk osh yakohmi tok, nitak ont isht hannali ma inlohmi tuklo pvska hatak achvfakmvv oma tuklot ia ho aiowa tok, mihma okla moma ka pehlichu moma kvv vlvv, Moses a im anoli tok.

23. Mihma Ilvppak o Chihowah yvt achi tuk oke, Onnahayvt a foha Chihowah i nitak holitopa yoke; micha hvsh pvska chi kvv himak nitak ak o hvsh pvsakashke; micha

hvsh hona chi kvt hvsh honashke; micha hvchim atampa kvt hvchin talaia na onnashke.

24. Mihma Moses vt im apesa tuk mak o ashanchi na on-na tok, mihma shua kvt iksho ma, shushi nana kia iksho tok.

25. Mihma Moses vt, Himak nitak a yummak o hvsh-pashke, himak nitak vt Chihowah i nitak hullo hoke, himak nitak a haiaka ya asha na ish ahayucha he keyu kvt.

26. Nitak hannali ho hvsh aiowa chi hoke; amba nitak untuklo hokvto nitak holitopa hoke, yummak okvno hvsh ahayucha he keyu hoke, achi tok.

27. Atuk o yakohmi tok, nitak ishtuntuklo ka okla hash kanima kvt aiowa chi hosh kohchvt ia tuk osh ik ahayucho tok.

28. Mihma Chihowah yvt Moses a, Katiohmi foka ho vm anumpa vlpisa, micha a nan vlpisa ka im antia ik hvchi bunno ka chi cho?

29. Yakeh, Chihowah yvt nitak hullo ya hvchima tuk oke; yohmi hatuk osh nitak isht hannali ka nitak tuklo pvsa ya hvchima tuk oke; hatak hvsh moma kvt hvsh ai asha aiyukali hvsh aiashashke; hatak achvfa kia nitak isht-untuklo ka aiasha tuk vt kohchvt ik aiyo kashke, im achi tok.

30. Yohmi ho okla hvv nitak isht untuklo ka foha tok.

31. Mihmvt Israel in chuka achvfa yvt hohchifo ha Man-na, achi tok, micha tohbi kvt kolianta nihi chohmi tok; micha vpvv pisa ka pvsa lumbo foebila ishit toba chohmi tok.

32. Mihma Moses vt, Nana ka ilvppak o Chihowah yvt apesa tok oke, Hvchim ai itishali hvv in talaia chi ho, oma achvfa ho alotolit hvsh talalashke; yvmohmi tuk o Echip yakni ya apehlichit hvchi kohchi li mvv, yakni haiaka ya pvsa ishit hvchipeta li tok a pisashke, achi tok.

33. Micha Moses vt Alon a, Shuti eshi cha, manna ya oma alota achvfa ho ish alotolashke, micha hvchim ai itishali vt in talaia chi ho Chihowah itikba ya ish talalashke, im achi tok.

34. Chihowah yvt Moses a im apesa tuk mak o, talaia chi ho Alon vt itombi holitopa itikba talali tok.

35. Mihma Israel im vlla vhleha hvt manna vptv itanowa na, afvmmi pokoli ushta hosh, okla aiasha yakni yv vlla tok: manna vptv itanovvt Kenan yakni aivhli yv ona tok.

36. Yohmi kv oma vt efa kvshkoa ishit pokoli hoke.

CHAPTA XVII.

MIHMA Israel im vlla vhleha okla moma kv yakni haika Sin ashvt ia tok; micha Chihowah yvt im apesa tuk mak o aya mvt, Lefetim a binachi tok; mihma okla ishka he vt oka vt iksho tok.

2. Yvmohmi hv okla hvt Moses a na mihachit, oka ish pima na, il ishkashke, achi tok, mihma Moses vt, Nantihmi hv na hvs sa mihachi cho? Nantihmi hv Chihowah yv imomaka hvsh pisa cho? im achi tok.

3. Mihma okla hvt yvmma oka bvna tok; micha okla hvt Moses a na mihachit, Katiohmi hv ilvppa yvmohmit pehlichit Echip a ish pi kohchi cha, pim vlla vhleha, micha pi nanvlhpoa aiena kv oka bvnvchit vbit ish pi tahla chi cho? achi tok.

4. Mihma Moses vt Chihowah yv i payvt, Okla ilvppa katiohmi chi la chi cho? tvli ishit sa bolahosi hoke, achi tok.

5. Mihma Chihowah yvt Moses a, Israel im asvnonchi vhleha hv pehlichy cha, okla hv itikba ish iashke, micha chin tvbi okhina yv isht ish isso tok vt ish eshi cha, ish iashke.

6. Yakeh, yvmma chitikba Holeb a tvli chito paknaka hikia la chi hoke, mihma tvli yv ish issa chi hoke, mikma oka yvt tvli yv a kohcha na, okla hvt oka ishka chi hoke, im achi tok. Mihma Israel im asvnonchi vhleha hvt pisa hv Moses vt yvmihchi tok.

7. Mihma Israel im vlla vhleha hvt na mihachi tuk ak o; micha Chihowah yv imomaka pisvt, Chihowah yvt piba foka hokma, keyukma, nanta cho? achi tuk oka, yvmma hohchifo hv Massah micha Melibah achi tok.

8. Mihma Amalek vt vlla cha, Israel Lefitim a ai itibi tok.

9. Mihma Moses vt Choshua ya, Hatak a ish atokoli cha, kohchvt ivt Amalek a ish itibashke; onnakma Chihowah in tvbi ya ieshi lish nvni paknaka ya hikia la chi hoke, im achi tok.

10. Yohmi hq Moses vt im achi tuk mak o Choshua vt yvmihchi cha, Amalek a itibi tok, Mihma Moses, Alon micha Hu aiena kvv ivt nvni paknaka ya ona tok.

11. Atuk o yakohmi tok, Moses vt ibbak a vba wielikma, Israel im aiya tok; atuk osh ibbak a akvchikma, Amalek vt im aiya tok.

12. Yohmi kia Moses ibbak vt weki tok; mihma tvli eshi cha, nutaka i bohli na, om binili tok, micha Alon micha Hu vt achvvt ibbak achvfa ka vba wielichit im ieshi ma, achvfa kvv achvfa ya im eshi tok: mihma ibbak vt talaia achvfa na, hvshi vt pit okatula tok.

13. Mihma Choshua vt Amalek, micha im okla aiena ka bvshpo falaia halupa yo ishtimaiya tok.

14. Mihma Chihowah yvt Moses a, Ilvppa ithana bilia chi hq holisso hq aholissochit ish takalichashke; micha Choshua ya ish haklohashke, Amalek a ithana ya shutik nutaka ya amosholichit kanchi la chi hoke, im achi tok.

15. Mihma Moses vt alta ikbi cha, hohchifo ha ЧИHOWAH nissi, achi tok.

16. Chihowah yvt Amalek itim ai itishali itiakaiyvt maha ya ka itin tanampa chi hosh, Chihowah yvt anumpa kvlo, il onochit anumpuli hoke, achi ha tok.

CHAPTA XVIII.

NAHOLITOMPA ishtvta Mitian vta Moses ipochi Chehlo vt Chitokaka yvt Moses, micha im okla Israel aiena ka nana moma i kaniohmihinchit tuk, micha Chihowah yvt Israel a pehlichit Echip a kohcha tuk a haklo mvt,

2. Yohmi mvt Moses ipochi Chehlo vt Sippolah Moses tekchi ya falvmmichit pila ha ya,

3. Mich a ushi tuklo ka eshi tok, yvmma achvfa hohchifo

kvt Keshom a tok, a yakni keyu hosh yakni inla yo ahanta li hoke, achi ha tok.

4. Mihma achvfa hohchifo kvt Eliesi atok, aki in Chitokaka yvt si apela yosh Falaoh i'bvshpo falaia ya i sa hlakofi chi tuk oke, achi tok.

5. Mihmah Moses ipochi Chehlo vt Moses ushi vhleha, micha tekchi ya pehlichit yakni haiaka Chihowah i nvniha binachit aiasha tuk im ona tok.

6. Micha Moses a Uno chipochi Chehlo sia hvt, chi tekchi, micha ushi tuklo kvt apeha ho pehlichit chim vla lishke, im achi tok.

7. Mihma Moses vt kohchvt ivt ipochi yash ont afama cha, im akachunoli cha, i suksowa mvt, micha im achukma kvt iti ponaklo mvt binah ha chukowvt okla tok.

8. Mihma Moses vt ipochi ya Israel pulla kak o Chihowah yvt Falaoh, micha Echip okla aiena ka kaniohmichi tuk, micha hina takla ya na palvmmi kvt onvtola tuk, moma, mikma Chihowah yvt hlakoffichi tuk aiena tuk im anoli tok.

9. Mihma Chihowah yvt Israel a nana achukma ho yvmihchit, yvmmak oka Echip okla ibbak' a kohchit hlakoffichi tuk aiena ka Chehlo vt nayukpa tok.

10. Micha Chehlo vt, Chihowah yvmmak osh Echip okla ibbak a kohchit micha Falaoh ibbak a kohchit hvchi hlakoffichi tuk vt holitopashke; yvmmak osh okla hvt Echip okla ha ibbak nutakvt aiasha tuk a hlakoffichi tuk vt;

11. Himak a Chihowah ak osh naholba puta moma i shahli ka ithana lishke; nana ka ilefehnevchi hosh yvmohmi tuk a i shahli hoka, achi tok.

12. Mihmvt Moses ipochi Chehlo vt Chihowah ya hukmit im issa ya eshi cha, vbit im issa tok; mihma Alon, micha Israel im asvnonchi moma kvt vla cha, Moses ipochi ya Chihowah itikba okla ibai impa tok.

13. Atuk osh onnakma yakohmi tok, Moses vt okla ha nan im apesvt binili tok: mihma okla hvt Moses a i hinli na, onnahnili tuk vt opia tok.

14. Atuk o Moses ipochi vt okla ha kaniohmichi moma ka pisa mvt, Nanta mak o okla ish yvmihchi cho? Nantih-

mi hq chishno ak bieka hosh ish binili na, okla moma kv̄t ch̄i hieli na, onnahinli tuk vt opia hoh cho? im achi tok.

15. Mihma Moses vt ipochi yā Chitokaka yā i ponakla ch̄i kv̄t, vm v̄la hoka, im achi tok,

16. Achvfa hosh inlā yā nan it̄i kaniohmi cha, vm vlakma im itin takla yā nan im apesa li hoke; micha Chitokaka i nanvlhpisa, micha i nanvlhpisa bilia yā ithvnanchi li hoke, im achi tok.

17. Mihma Moses ipochi vt, Nana ish yvmihchi kv̄t achukma keyushke.

18. Chishno, micha okla ilvppa chi apeha aiena kv̄t hoyvblit hvchi taha ch̄i hoke; nana ilvppvt ch̄i weki fehna hoka, chishno ak bano kv̄t ish atahla he keyu hoke.

19. Ūm anumpa is s̄a haponaklashke, na ch̄i miha lashke, mikma Chitokaka yvt chiba foyukashke; mikma chishno vt okla ha Chihowah isht ai anumpuli chia hashke: yvmohmi na, nan im akaniohmi k̄a Chitokaka yā isht ish im onashke.

20. Michā nana akaniohma he nanvlhpisa, micha hina ataya he micha natoksvli yā yvmihcha he aiena kak ̄ ish im avchashke.

21. Michā okla moma k̄a akohchvt hatak kv̄llo, Chitokaka i nukwiya, hatak ḡhli, nan anushkunna yā shitilema ak ̄ ish ahayuchashke; micha yohmi kak ̄, tahlepa sipokni pehlichī, tahlepa pehlichī, pokoli tahlapi pehlichī, micha pokoli pehlichī ish i hiohlehashke.

22. Mikma nitak moma okla h̄a nan im apesashke, atukma yakohmashke, nana chito moma k̄a isht chim v̄lashke: nana iskitini moma k̄a ilapinli hosh apesashke: yohmi h̄q chishno vt ik ch̄i kv̄llokma, na weki k̄a okla chiba shaiyālashke.

23. Ilvppak ̄ ish yvmihchikma, micha Chitokaka yvt yvmihchit chim apesakma, yohmikma ish hlopulla ch̄i hoke; mikma okla ilvppa moma kv̄t nuktaiyavt im aiasha yā onashke.

24. Yohmi ma Moses vt ipochi im anumpa i haponaklo cha, nana achi tuk ḡ moma yvmihchi tok.

25. Mihmvt Moses vt Israel moma k̄a hatak kv̄llo h̄a ato-

kolit okla hā i nushkoboka ikbi na, tahlepa sipokni pehlichī, tahlepa pehlichī, pokoli tahlapi pehlichī, micha pokoli pehlichī tok.

26. Mihma nitak moma hō okla nan im apesa tok; nana kvullo kvno Moses ā isht im ona cha, amba nana iskitini kā-ilapak inli hosh apesa tok.

27. Mihma Moses vt ipochi yā ik ia ahni na, ia tok; mihma ivt ilap i yakni yā ona tok.

CHAPTA XIX.

ISLAEL im vlla vhleha hvt Echip yakni yā kohcha tok, hvshi ont isht atuchina mihi yō nitak fehna Sinai yakni haiaka yā ona tok.

2. Lefitim ā asha tuk vt ia tuk osh Sinai chukushmi yā ona cha, yakni haiaka yā binachi tok; micha yvmmak o Islael vt nvni itikba yā abinachit aiasha tok.

3. Mihma Moses vt oiyvt Chitokaka yā, im ona tok; mihma Chihowah yvt nvni hā Moses ā et ai i howvt Chekob in chuka achvfa yā yak ish im achashke, micha Islael im vlla vhleha hā ish im anolashke.

4. Echip okla hā nana kā kaniohmichi li kā hvsh pisa tuk oke; micha qssi sanahchi om binilichit shaiyalit ā bilika hvch isht vla li tuk ā hvsh pisa tuk oke.

5. Yvmohmi hoka himak ā vm anumpa hā hvsh im asitia mvhli cha, ā nan itim apesa yā hvsh holitoblikmvt, yohmikmvt okla moma i shahlit vmmi hvchia ha chī hoke; yakni vt moma kvv vmmi hoka.

6. Mikma vm apelihika na holitopa isht asha, micha okla holitopa, hvchia ha chī hoke, ish im achashke. Anumpa ilvppa puta kak o Islael im vlla vhleha hā ish im anumpulashke, achi tok.

7. Mihma Moses vt vla cha, okla im asvnonchi vhleha hā hoyo cha, anumpa ilvppa moma Chihowah yvt im apesa tuk ā itikba bohli tok.

8. *Mihma okla moma kvv itibafokvt afalamichit Chihowah*

yvt anumpuli tuk moma kak o e yvmihcha chi hoke, achi tok. Mihma Moses vt okla im anumpa ha falamichit Chihowah ya isht im ona tok.

9. Mihma Chihowah yvt Moses a, Yakeh, hoshonti sukko ho a foyukvt chim vla la chi hoke; yvmohmi ho chitim anumpule likma okla hvt haklo cha, chi yvmmi na bilia chi hoke, im achi tok. Mihma Moses vt okla im anumpa ha Chitokaka ya im anoli tok.

10. Micha Chihowah yvt Moses a, Ivt okla ha im ona cha, himak nitak, micha onnaha ya ish hullochashke, mikma i nafoka ya achefa cha,

11. Nitak atuchina chi ka im vlhtashke; nitak ont atuchinakma okla moma kvt apisa ho Chihowah yvt akowvt Sinai paknaka ya vla chi hoke.

12. Mikma ai vhli apakfoyupa ho okla ha im ikbit, Ahah hvsh ahni cha, nvniha ha hvchik oiyo kashke, micha aivhli ya hvch ik potolo kashke; kuna kia nvniha ha potolikmtv illi pulla hi oke.

13. Ibbak achufa kia potola he keyu; amba yohmikmtv tvli ishit boa he, keyukmtv nvhlvt hlopulla hi oke, vlhpoa yokma, keyukmtv hatak okma nana kia okchaya he keyu hoke, ishtpufa vt ola kvt falaiaakma nvniha ha vla hi oke, ish achashke, im achi tok.

14. Mihma Moses vt nvniha ha akowvt okla ha im ona cha, okla hash hullochi tok, mihma i nafohka ya achefa tok.

15. Mihma okla ha, Nitak atuchina chi ka hvchim vlhtashke, hvchi tekchi vhleha ha bilika hvchik ono kashke, im achi tok.

16. Atuk o yakohmi tok, nitak ont atuchina onnahinli ma, hiloha, micha hvshukmelli, micha hoshonti sukko aiena kvt nvniha ha onvtoyula ma, ishtpufa falaia ola kvt chitoli atampa tok: yohmi na okla moma binah asha tuk vt wvnihinchi tok.

17. Mihma Chitokaka ya itafama chi ka Moses vt okla pehlichit binah ha kohchi tok; mihma nvniha akishtvula ak o hieli tok.

18. Mihma Sinai nvniha hvt shobulli bieka tok, Chihowah

ak afoyuka akowvt vla tuk oka, mihma shobulli vba ia li abila shobulli kak a chiyuhmi ma, nvni hash osh vt winakahanchi fehna tok.

Atuk o ishtpufa falaia ola kvf falaivt chitoli kvf isht i t mahaya ma, Moses vt anumpuli ma Chitokaka yvt pa ha isht im afalaminchi tok.

Mihma Chihowah yvt akowvt nvni paknaka Sinai paknaka ya vla tok; micha Chihowah yvt Moses a nvni paknaka isht ona tok. Mihma Moses vt oiya

Mihma Chihowah yvt Moses a, Akowa cha, okla ha lit ish i mihashke, vbanvblit ont ia cha, Chihowah ya nilefi cha, lauvt illi yoba na.

Mikma naholitopa isht asha vhleha hv Chihowah ona kvf ile hullochashke, keyukma Chihowah yvt onv-a, im achi tok.

Mihma Moses vt Chihowah ya, okla hv nvni Sinai a he keyu hoke; atokolit ish pi miha kvf, Nvni oyupa ka aivhli ya hvsh hilechi cha, hvsh hullochashke, hi tuk oka, im achi tok.

Mihma Chihowah yvt, Mahya, akowa, atukmv isht shi hoke, chishno, micha Alon aienvt: amba naholi- isht asha, micha okla aiena kvto vbanvblit Chihowah im ono kashke. Chihowah yvt onvtola na, im achi

Yohmi ma Moses vt akowvt okla im ona cha, im puli tok.

CHAPTA XX.

IHMA Chitokaka yvt anumpa ilvppa moma ka anum- puli tok,

Uno ak osh Chin Chitokaka Chihowah sia hosh Echip , micha yuka aboha ya apehlichit chi kohchi li tuk oke. Naholbat toba inla yvt sa tikba chim aiasha he keyu

In chvwt naholbat toba, keyukmv nana kia shutik

vba aiasha, keyukmut nutaka yakni aiasha, keyukmut yakni nutaka oka ai asha holba ya ish ikba he keyu hoke.

5. Aka ish im akahchunoli, micha ish aiokpvcha he keyu hoke, Chin Chitokaka Chihowah sia hvt Chitokaka nuktaghla sia hosh iki vhleha nanashvchi tuk a im vlla vhleha ai itishali ont atuchina, micha ont ai ushta kia a nukkilli ka im aya li hoke.

6. Micha tablepa sipokni kia sa holitobli cha, vm anumpa ha holitoblikma i nukhaklo li hoke.

7. Yvmmakfokalechit chin Chitokaka Chihowah hohchifo ha ish hochifa he keyu hoke; hohchifo ha yvmmakfokalechit hochifo tukma nan ik ashacho, Chihowah yvt ahna he keyu hoke.

8. Nitak hullo nitak a ish ithaiyana cha, ish holitoblashke.

9. Nitak hanali ish toksvli cha, chin na toksvli moma ka ish atahlashke.

10. Amba nitak ont isht untuklo hokvto chin Chitokaka Chihowah i nitak hullo yoke, yvmmak ak o toksvli nana kia chishno, micha chisso, micha chisso-tek chin tishu nakni, micha chin tishu ohoyo, micha chi nanvhpoe, micha okla inla yosh chi holihta okhissa anukaka chi hikia aiena kv ish yvmihcha he keyu hoke.

11. Nitak hannali ho Chihowah yvt vba, micha yakni, okhvt, micha nana yvma aiasha moma ka ikbi cha, nitak isht untuklo ka foha tok oke; yvmohmi ha tuk osh Chihowah yvt nitak hullo nitak a holitoblichich cha, hullochi tok oke.

12. Chiki, micha chishki ya ish holitoblashke; yvmohmi hosh chi nitak vt falaia hosh yakni ya Chihowah chin Chitokaka yvt chima tok a ish aiahantashke.

13. Kvna kia ish bi na.

14. Hvsh itin lumaka na.

15. Ish hukopa na.

16. Chin chuka a bilika hatak a i sanalit anumpa ik ahlo anolit ish atokoli na.

17. Chin chuka a bilika hatak in chuka ya ish anushkunna na: chin chuka a bilika hatak tekchi, micha in tishu, micha in tishu ohoyo, i wak toksvli, micha im issuba haksobish

nicha nana hosh chin chuka a bilika hatak a immi ish anushkunna ná, achi tok.

Mihma okla moma kvt hiloha, micha hvshukmelli, ishtpufa falaia vt ola, micha nvnih hv shobulli aiena tok; micha okla hv pisa mvt, kanvllit hopaki ho k.

Micha Moses a, Chishno ak osh ish pim anumpulikma shke; amba Chihowah yvt ik pim anumpulo kashke, ba ná, im achi tok.

Mihma Moses vt okla ha, Hvchi nukshopa ná, hvchi a Chitokaka im anukshopa yvt takali na, ik hvchi ka chi ho imoma ka hvchi pesvt vla hoke, im achi

Mihma okla hv hopaki ho hiel tok, mihma Moses vt kukko Chitokaka yvt abinili ka bilika ia tok.

Mihma Chihowah yvt Moses a, Yakohmichit Israel im eha ha ish im achashke. Uba et a hvchim anumpule li ka hvsh pisa tuk oke.

Ia takla ka tvli hvta naholba hvsh ikba he keyu hocha hvchimmi a he tvli lakna naholba hvsh ikba he oke.

Lukfi yo alta is sum ikbi cha, hukmit isht aiokpvchi, iti nanaiyvchi isht aiokpvchi, chin chukfi, micha chi ma ka vbit ai onochit isht ish ai okpvchashke, Kaoma sa hohchifo ha a bohyuli likmvt hvchim vla likchi yukpali la hi oke.

Tvli yo alta is sum ikba chi hokmvt tvli tvhlahli yo ikba he keyu hoke; chim ishit tvhlachi ya ish o vt ish litehla chi hokvt.

Micha atuya yo ivt vm alta ya chik ono kashke; yvho o hikivt chi shahbi vt yummak o ik ahaiko kashachi tok.

CHAPTA XXI.

MOHMI ka nan ishtapesa iluppa puta kak o itikba a ish in takali chashke.

2. Heblu tishu ish chumpakma, afvmmi hanali hō chim antiashke; atukmvt afvmmi isht untuklo ka nanvlhtoba keyu, pilla hō yuka issvt kohchvt ia hi oke.

3. Ilap bano hosh vla tukmvt, ilap bano hosh kohcha hi oke; ohoyo im asha ya tukma, tekchi vt awant kohcha hi oke.

4. I shahli hvt ohoyo ima tuk o, ushi vhleha, micha ushetik vhleha aiena ka im eshi tukma, tekchi yash micha im vlla vhleha aiena kvto i shahli ak o immi ha hi oke; mikma ilap bano hosh kohchvt ia hi oke.

5. Atuk o tishu hash osh atokolit, A shahli, sa tekchi micha vm vlla vhleha ha a holitopvshke, yuka issvt kohchvt ia la he keyushke, achikma,

6. Yohmikma i shahli hvt nan apesa vhleha ha isht im ona hi oke; micha okhissa, keyukmvt okhissa lapali ya isht ona he ak inli hoke, mikmvt i shahli hvt haksobish a chofak ishit bahlit hlumpla hi oke, mikma in toksanli na bilia hi oke.

7. Michā hatak osh ushetik vt tishu ohoyo ya chi hō kan-chikma, hatak tishu chohmit kohchvt ia he keyu hoke.

8. I shahli ilapovchi tuk vt ik ahninchokmvt falvmmi-chit ik chumpā, ahna hi oke: oklushi inla i kanchi hokvto a yvmohma he keyu ka hi oke, ik im ahlo hosh yvmihchi tuk okvt.

9. Michā ushi ak o im apoachi tuk okmvt, ushetik vhleha akinli chohmicha hi oke.

10. Ohoyo inla ishikmvt im ilhpak, i nafohka, micha itauwaya he aivlhpesa vt ik onancho ka he keyu hoke.

11. Tuchina ilvppa i yvmihcha he keyukmvt, tvi holisso vlhtoba keyu kia pilla hō kohchvt ia hi oke.

12. Kvna hosh hatak a isso na, illikma illi pulla hi oke.

13. Michā im aiehchi tuk keyu, amba Chitokaka ak osh ibbak a fohki tukma, malelit ai ona ya chim apesa la hi oke.

14. Amba hatak osh ilapunlv̄t haksichit chuka a bilika hatak o vba chi hosh im ona tukma, vm alta ya i filvmmi-chit isht ish ia na, illashke.

15. Mikma kvna hosh iki micha ishki ya issokmvt illi pulla hi oke.

Micha kvna hosh hatak a hukopa cha, kanchi tuk, nvt ibbak a fohkvt haiakakma illi pulla hi oke.

Mikma kvna hosh iki micha ishki ya, kalakshichit iikmvt illi pulla hi oke.

Mikma hatak vt iti kullot ashwa tuk o, achvfut teli, nvt ibbak bonullit isht isso, atuk o, ik illo kia in topa kma,

Atuk osh anonti wakaya cha, in tvti ieszit kohchvt kma, isso tuk vt ikashofa hi oke, peh nitak i kvnia tuk obba hi oke, micha hlakofichit vmohmicha hi oke.

Mikma hatak osh i yuka hatak, keyukmvt i yuka yo iti tupa isht isso tuk o, micha ibbak onuchi pulla ma, nahotopa onvtula pulla hi oke.

Yohmi kia itonla na, nitak achvfa, keyukmvt nitak na tuk okmvt, nahotopa onvtula he keyu hoke, in lisso ya tuk oka.

Hatak vt iti kullo cha, ohoyo vlla shali yo hotopali, na, vlla vt im akvma, yohmi kia achahaya kvk okma, ohoyo i hatak ak osh apesvt onochi ho, nahotvtula pulla hi oke, micha nan apesa vhleha hvt apesa oba hi oke.

Amba achaka kvk aiokpulokma, fiopa hatuk a fiopa io hvsh abanalashke.

Nishkin okma nishkin, noti yokma noti, ibbak okma iyi yokma iyi,

Hushmi yokma hushmi, nipi okpuni yokma nipi okma hokma fuma hashke.

Mikma hatak osh i yuka hatak, keyukmvt i yuka yo nishkin a isso na, nishkin vt kvniakma, nishkin ak o yuka issvt ik ia, im ahnashke.

Micha i yuka hatak noti a, keyukmvt i yuka ohoyo issot kohchikma, noti atuk mak o kohchvt ik ia, im ke.

Wak vt hatak o, keyukmvt ohoyo ho bahli na, illikash osh teli ishit boa pulla hi oke, mikma nipi ya keyu hoke; amba wak immi vto i kashofa hi oke.

Amba wak vt chashpo ka lvpish isht bahli chatuk,

mihma immi yā atokolit im anoli tok atok okma, atuk o ik im okhishto hō, hatak, keyukmvt ohoyo hō vbikmvt wak vt tvli ishit boa hi oke; mikma immi hv̄t illi ak inla hi oke.

30. Tvli holisso atobba he yō onochikma, im ilhfiopak vlhtoba k̄a kaniohmi hō onochi tukma atobba hi oke.

31. Ushi yō bahli tuk okma, keyukmvt ushetik o bahli tuk okma, nan vlhpisa ilvppak o ai iakaiya hosh i yvmihcha hi oke.

32. Wak vt hatak yuka hō, keyukmvt ohoyo yuka bahlikma, i shahli yā tvli hv̄ta shekel pokoli tuchina hō imakma, wak ash osh tvli ishit boa hi oke.

33. Micha hatak osh hichukbi a tiwi, keyukmvt hichukbi yā kulli tuk osh ik ompohomo tuk o, wak, keyukmvt issuba nashoba yokma nana hosh aka itolvt fohakma,

34. Hichukbi immi atuk vt immi yatuk ash tvli holisso ima cha, atobba hi oke, micha nan vlhpoba illi ak osh immi hashke.

35. Micha hatak i wak vt inla immi hō okp̄vni na illikma, mikma wak okchaya k̄a kanchi cha, vlhtoba tuk tvli holisso yash ita kashapashke, mikma wak illi ak kia ita kashapashke.

36. Micha chashpo k̄a wak vt bahli chatuk a ithana atuk ak osh, immi vt ik im okhishto tukmvt; yohmikmvt wak a wak ak inli hō atobbashke; micha illi ak osh immi hashke.

CHAPTA XXII.

HATAK osh wak, keyukmvt chukfi yō hukopā cha vbi, keyukmvt kanchikmvt, wak atukma wak tahlapi, chukfi yatukma chukfi ushta hō falvmmichit atobbashke.

2. Hukupa vt tivbli hosh anta na, pisa cha isso tuk o illikma, yvmmak okvno vlhtobvt issish vt hlatapa he keyu hoke.

3. Hvshi vt kohchvt on tom̄mi ha yokm̄vno vlhtobvt issish hlatapa hi oke, mominchit atobba he tuk oka; nana ik im ikshokma, hukupa tuk ak o kanchashke.

4. Nana hukupa tuk vt okchaya moma hosh wak, keyuk-

mut issuba nashoba, keyukmut chukfi yokmá nana hosh ibbak fohkvt haiaka ahlikma, inlohmi tuklo hō atobba hi oke.

5. Hatak osh osapa, keyukmut pakvpi ahollokchi yō ai impvchi, micha i nanvlhpoa ya hatak inla im osapa yō fohkit ai impvchikmut, im osapa achukma moma i shahli, micha pakvpi im ahollokchi achukma moma i shahli hō isht atobba hi oke.

6. Luak vt toba cha, kvti hā lapali na, onush talakchi, keyukmut onush hikia vt, keyukmut osapa vt luvt tahakma, luak tikelichi tuk vt atobbi pulla hi oke.

7. Hatak osh chuka a bilika hatak o tvi holisso, keyukmut nachukushpa yō im isha chi kā ibbak fohki tuk o, kvna hosh hukopvt hatak ash in chuka ya ai ishit kohcha tuk osh hukopa vt haiakakmut inlohmi tuklo hō atobbashke.

8. Hukopa tuk vt ik haiakokma, chuka yash i shahli ya, yvmmak osh in chuka abilika i nachukushpa ya potoli tuk oh chishba, ahnit nan apesa vhleha hā itikba isht onashke.

9. Anumpa kobvffi moma wak a tuk, issuba nashoba atuk okma, chukfi, nafohka, keyukmut nana kvnia, nana kia inla hosh immi mihakma, anumpa ahalaia in tvnnvp bika kvt nan apesa vhleha hā itikba onashke: atuk o kanima hō nan apesa vhleha hvt onochikma in chuka abilika hatak a inlohmi tuklo hō atobbashke.

10. Hatak osh in chuka abilika hatak osh im isha chi hō, im issuba nashoba, keyukmut wak, keyukmut chukfi, keyukmut nanvlhpoa nana kia ibbak fohki tuk o, kvna hosh pisa keyu hō illi, keyukmut im omokpulo, keyukmut tihlelit kanima isht ia tukma.

11. Yohmikma in chuka abilika hatak im vlhpoyak a ik potolo tuk vt Chihowah ya anumpa kullo im il onochi ya ita tuklot ashwa ma anumpulashke: mikma immi yatuk vt vlhpesa ahni na, ik atobbo kashke.

12. Michā i hukopa tuk okmut immi ya im atobba hi oke.

13. Nana hosh niblit tahli tuk okma, isht atokowa ya isht vlashke, mikma nipvt taha tuk ano atobba he keyu hoke.

14. Micha hatak osh in chuka abilika hatak o nana ho im a pota tuk o immi hut awant aya keyu ho aiokpuloka, keyuk-mvt illikma, atobbi pulla hi oke.

15. Amba immi vt awant aya hokma atobba he keyu hoke: nan ilhtohno yatuk okmvt nana asitvbachi ha tuk oke.

16. Mikma hatak osh ohoyo himita yo haksichi cha, iba tvshki tukmvt im atobbi cha, iba itauwayashke.

17. Iki vt ima he keyu kv ahlikma, ohoyo himita im vltoba chatuk mak o tvli holisso im atobbashke.

18. Ishtahullo ohoyo hut ik okchaya, ish ahna he keyu hoke.

19. Kvna hosh nanvlhpoa ya iba tvshkikmvt illi pulla hi oke.

20. Chihowah ak illa keyu, na holbvt toba nana kia nan vbit isht aiokpvchikmvt ishit kanchit vmohmicha hi oke,

21. Okla inla chukvsh okpvnit ish ilbvsha la he keyu hoke. Okla inla yosh Echip yakni hvsh aiasha tok okvt.

22. Ohoyo i hatak illi, micha vlla iki illi, kvna kia hvsh ilbvshala he keyu hoke.

23. Kaniohmichit hvsh ilbvshali na, et a pahaya ka haklo li pulla hi oke.

24. Mikmvt vm i nukkilli vt libbi fehnakmvt, bvshpo fa-laia ho ishit chibe la hi oke, mikma hvchi tekchi vhleha hut i hatak illi yokma, hvchvm vlla vhleha hut iki illi ya hi oke.

25. Um okla ilbvsha yvt hvchi bilika ahanta ka tvli holisso ish im pota hokmvt, im atablit chelichi a ish in chohma he keyu, micha chelichi ish onocha he keyu hoke.

26. Chin chuka abilika hatak i nafohka ya nan isht atoni ish im eshi tuk mvt, hvshi vt okatula takla ka ibbak a ish fohka hi oke.

27. Yvmmak illa ho anchi yatuk oke; haknip alata yatuk oke, nanta ho fohkvvt nusa chi cho? atukma yakohma hi oke, a pahayakma, haklo la hi oke, nan ikana sia hokvt.

28. Chitokaka vhleha ha ishit yopomot ish anumpula he keyu; micha chim okla i miko ya kalakshichit isht ish anumpula he keyu hoke.

29. Chi na waya vmmona ya chim oka paki, micha alif

ena ka is sum issa kut chik achibalo kashke; chiso ya is suma hi oke.

Chi wak a, micha chin chukfi ya yummak inli ish icha hi oke, Nitak untuklo ho ishki ya awant aya hi itak ont isht untuchinakma is suma hi oke.

Hatak a holitopa hvchi ha chi hoke, micha nanvlhpoa ipoa hosh oktak a a nibli tuk nipi yo ish pa he keyu fi puta ka ish i pila hi oke.

CHAPTA XXIII.

MPA ik ghlo ya ish aiokpvcha he keyu; hatak oshuba chibbak isht ish iba potolit ai vlhpesa keyu chik tobo kashke.

Okla lawa ya iakaiyvt nana ik achukmo ish yvmihcha u; micha laua kut nan aivlhpesa yvmihchi ya shanai-chi ka iakaiyvt ish anumpula he keyu hoke.

ficha ilbvsha yoh kia anumpa in takalikma, shanaiyvt lvcha he keyu hoke.

hi tunvp i wak, keyukmvt im issuba nashoba vt ayakma, ish afamakmvt, anonti' falaminchit isht ish pulla hi oke.

hi nukkilli im issuba nashoba vt i shapoh nuta hlipia pisakmvt apelvchi ik chi bunno hoh kia ish apelvchi i oke.

him ilbvsha vt nan vm vlhpesa ka ish shanaiyvcha he oke.

Jana ghli keyu ka i hopakvchit ish hikiashke; micha pni keyu, micha aivlhpesa ya chik bo kashke; yoshu i kashofa la he keyu hoke.

ficha nahvlbina ya ish isha he keyu hoke; nahvlbina poyuksa nishkin lblichy, micha aivlhpiesa im anumpa naiyvchi yoke.

Micha okla inla ya ish ilbvshala he keyu: Echip yakni la yosh hvsh aiasha tuk osh okla inla chukvsh a ish hokvt.

10. Micha afummi hannali hō chī yakni ya ish hokchi cha, na waya ya ish ai vmashke.

11. Amba afummi ont ishtuntuklo hokvno, fohvt lumvt itoyulashke; yvmohmi hō chim okla ilvsha yvt ai vpashke; atuk o ashanchi na, nampo oktak aiasha ak osh vpashke. Pakvpi chim ahollokchi, micha alif chim ahollokchi aiena yvmak inli ish chohmichashke.

12. Nitak hannali hō chī plesa hā ish yvmihchashke; atuk osh nitak isht untuklo kā ish fohashke; yvmohmi hō chī wak, micha chim issuba nashoba, micha chī yuka ohoyo ushi, micha okla inla aiena kvf fohashke.

13. Nana moma hvchim ahanchi li tuk a, ahah, hvsh ai ahnashke; micha naholvt toba hohchifo hā hvchik anolo kashke, micha chitvkha a kohcha na ik haklo kashke.

14. Afummi achvfakma, hituchina ha impvchi isht is svv gsha hi oke.

15. Pvska ik shatvmmo impvchi isht hvsh gsha hi oke, hvshi Abib vlpisa hi a chim apesa li tuk mak o, nitak untuklo hō pvska ik shatvmmo ish pa hi oke: hvshi yvmma Echip a ish kohcha tok okvt; achvfa kia nan iksho hō sa tikba ya hikia he keyu hoke.

16. Micha hvsh toksvli osapa ya nana ish hokchi tukma nawaya vmmona vmo impvchi, micha nahoyo impvchi, afummi ont tahakma osapa ish atoksvli tuk vt na ish hoyokmt isht hvsh gsha hi oke.

17. Afummi achvfakma hituchina ha nakni yosh hvchim aiasha moma kvf Chithowah Chiokaka itikba ya hielā hi oke.

18. Vbit ishit vm aiokpvchi issish a pvska shatvmmi ya aieninchit is svv issa he keyu hoke; micha vbit isht vm aiokpvchi nia vt gsha na onna he keyu hoke.

19. Chī yakni awaya vmmona tikba yō Chihowah chin Chitokaka im aboha ya isht ish ona hi oke. Issi kosoma ushi yō ishki i pishukchi a isht ish honna he keyu hoke.

20. Yakeh, ai atahli le tuk vt chisht ala la chī, hina chī fohkit chisht aya chī kā enchel o chitikba et hilechi li tok.

21. Ahah ish im ahni cha, im anumpa im antivt, chik

nukowacho kashke, na hvchi yoshuba ya chi kashofa he keyn; sa hohchifo kvt iba foyuka hoka.

22. Amba im anumpa ha ish im antia cha, anumpohonli li moma ka ish yvmihchi ho mvhlikma, chin twnp vhleha ha in twnp sia ha he; micha chi sanali vhleha ha i sanali sia ha hi oke.

23. Um enchel vt chi tikba ia cha, Amolait, micha Hittait, micha Pelissait, micha Kananait, micha Hifait, micha Chebusait aiena aiasha ka chisht onakma, ai ishit kanchi la hi oke.

24. I naholvt toba puta ish im akahchunola he keyu, micha ish im antia he keyu, micha nana atoksvli ya iakaiyvt ish yvmihcha he keyu hoke; amba hvsh akvchit hvsh vmohmichi cha, i nan in chuwa ya kinahlichit ish kaiyancha hi oke.

25. Micha Chihowah hvchin Chitokaka ya hvsh im antia hi oke; mikma hvchi pska, micha hvchim oka hvchim apaknvcha hi oke; mikma vno vt hvchim itin takla ya abeka ha ai isht kanchi la hi oke.

26. Nana kia hvchi yakni asha kvt ushi kanchi, micha ushi iksho kvt iksho ka hi oke, chi nitak holhtina ka onanchi la hi oke.

27. An nukshopa ka chi tikba ya pila likmvt, okla moma ish im ona ka ishit kanchi la chi hoke; micha chin twnp moma ka chi filvmmichi la hi oke.

28. Micha fohkvt puta ka chitikba ya pila likma, Hifait, Kananait, micha Hittait chi tikba tihlela chi hoke.

29. Afvmmi achvfa ho chi tikba tihlelit kohchi la he keyu; yohmi na yakni vt chukillissakma, nampo hvt apakvt chi sanala hinla hoke.

30. Kanomosi anonti kanomosi ho chi tikba tihlelit kohchi likma, ish apakvt yakni ya ish a binila hi oke.

31. Micha chim aivhli ya okheta Humma vttvt ia hosh Filistin im okheta ont vhli, micha chokushmi vttvt ia hosh okhina ont vhli kak o, vhllichit apesa la hi oke; yakni ya okla aiasha ka chibbak fohki la chi hoke; mikma chi tikba tihlelit ish kohcha hi oke.

32. Yumma, micha i naholbut toba puta ka nana ish itim apesa he keyu hoke.

33. Chi yakni ya aiasha he keyu a, chi yoshublichia hinla hoka; i naholbut toba ya ish im antiakma ishit chi yoshiba chi pulla hoke im achi tok.

CHAPTA XXIV.

MICHA Moses a, Chishno micha Alon, Natab, micha Abihu, micha Israel im asvnonchi pokoli untuklo aienvt Chihowah ya oiyvt hvsh im vlashke: micha hopaki ho hielit hvsh aiokpvchashke.

2. Mikma Moses ak illa hosh Chihowah ya bilika ona chi hoke: amba yummak okvto bilika ona he keyu, micha okla hvv ahevvt oiya he keyu, im achi tok.

3. Mihma Moses vt vla cha, Chihowah im anumpa ilvppa moma ka, micha nan isht apesa ilvppa moma ka okla ha im anoli tok; mihma okla moma kvv anumpa achvvtv afalamichit, Anumpa moma Chihowah yvt achi tuk mak o e yvmihcha chi hoke, achi tok.

4. Mihma Moses vt Chihowah im antumpa moma ka holissochi tok, atak osh onnahinli fehna wakaya cha, nvnihi nutaka ya alta, micha Israel ahevlichia auhtuklo vlvpija ho tonik auhtuklo ikbi tok.

5. Mihmvv Israel im vlla vhleha hatak himithoa ya pila na, yummak ash osh hukmit ishtaiokpvchi, micha itj nanya yosh isht aiokpvchi aiena wak vbit onochit Chihowah ya im issa tok.

6. Mihma Moses vt issish a iklvna ho ishi ch, ampoa mahaia vni tok, mihmvv issish a iklvna alta yash o fimmi tok.

7. Mihmvv nan itim apesa holisso ha eshi cha, okla hvv hoklo ho itim anumpuli tok; mihma okla hvv, Chihowah yvt achi tuk, moma kak o e yvmihcha chi hoke, micha il im antia chi hoke, achi tok.

8. Mihma Moses vt issish ash eshi cha, okla ha o fimmi

mut, Yakeh, nan itim apesa issish, Chihowah yvt anumpa iluppa puta ka isht hvchitim apesa tuk mak oke, achi tok.

9. Yohmi ma Moses, micha Alon, Natab, micha Abihu, micha Israel im asononchi pokoli untuklo aienvt oiya tok.

10. Michā Israel in Chitokaka ya pisa tok; micha iyi nuta ya saffai tuli yosh a patulhpo ha tok, micha shohkauali kut shutik felna kak o chohmi tok.

11. Mihma Israel im vlla vhleha i holitopa vhleha ha ibbak ik onochō tok: yummak kia Chitokaka ya pisa mut, impvt nan ishko tok.

12. Mihma Chihowah yvt Moses a, Nvni hā oiyvt is svv vlashke, micha yummak o ish antashke, mikma nanvlpisa, micha anumpa vlpisa holissochi li tuk vt tuli patvssa chima lashke; yvmohmi ka ish im avchashke, im achi tok.

13. Mihma Moses micha in tishu Choshua vt wakaya tok; mihma Moses vt Chitokaka i nvni hā oiya tok.

14. Michā asvnonchi vhleha hā, Ashvt hvsh pi hoyo tuk o, anonti e chim vlashke; mikma yakeh, Alon, micha Hu vt hvsh apehvshke, hatak kvna kia nana a yvmihcha he vt im ashakmut, yummak o im vlashke, im achi tok.

15. Mihmut Moses vt nvni hā oiya tok, mihma hoshonti vt nvni hā ompoholmo tok.

16. Mihma Chihowah im a holitopa vt Sinai nvni hā on talaia ma, hoshonti hv ompoholmo na, nitak hannali tok; atuk osh nitak isht untuklo ma Moses a hoshonti iklvna ai i howa tok.

17. Mihma Chihowah im a holitopa pisa ka Israel im vlla vhleha hv pisa hō luak nahukmit tahli ak o chohmi hosh nvni paknaka talaia tok.

18. Mihma Moses vt hv hoshonti iklvna ka ibachukovvt nvni hā oiya tok; micha Moses vt nvni hā ahanta na, nitak pokoli ushta micha ninak pokoli ushta tok.

CHAPTA XXV.

M IHMA Chihowah yut Moses a im anumpulit,
 2. Israel im vlla vhleha ha ish im anumpuli na, nan
 im issa isht vm vlashke; hatak moma chukvsh aiokpanchit
 bohli ka nan im issa ya is svm eshashke.

3. Micha nan im issa ilvppak o hvsh im ai ishashke, tli
 holisso lakna, micha tli hvta, micha asonak lakna,

4. Micha okchvmali, micha humakbi, micha tishepa, mi-
 cha linen lapushki, micha issi kosoma hishi,

5. Micha chukfi nakni hakshup humma, micha bacha hak-
 shup, micha shittim iti,

6. Pula ha chi ka bila, bila ishtahama ya chi ka, micha
 nabalama ya chi ka na balama puta,

7. Oniks tli, micha efot, micha ikkishi alata, ontaloha
 chi ka tli ak ashke.

8. Micha vltipo holitopa vm ikbi na, takla ahanta lashke.

9. Vltipo holba ya, micha ishit toksvli chi pisachi le tuk,
 moma ka iakaiya hosh, yohmi fehna ho hobachit ish ik-
 bashke.

10. Mikma shittim iti yo itombi holitopa ya ikbashke,
 falaia kvv kubit tuklo micha ikvnna, micha auanta kvv ku-
 bit achvfa cha ikvnna, micha chaha kvv kubit achvfa cha
 ikvnnashke.

11. Micha anuka, micha kucha aiena ka tli holisso lakna
 ghli yo ish lapalechashke; micha tli holisso lakna afohoma
 isht apakfoyupa chi ka ish ai ikbashke.

12. Micha tli holisso lakna chvnaha bilelit akmochoit
 chukbi ushta ka ish atakalichashke; micha in tvnnvp achvfa
 ka chvnaha tuklo hosh takohlashke; mikma in tvnnvp
 achvfa ka chvnaha tuklo hosh takohlashke.

13. Micha shittim iti yo tli ish ikbi cha, tli lakna lapa-
 lachit ish tashlashke.

14. Micha tli ya chvnaha yash itombi holitopa in tvnnvp
 bika ya ish apittashke; yvmohmi ho itombi holitopa ya
 ishit sholashke.

15. Tubi vt itombi chvnaha ya aivlhta hi oke; kocha wiha he keyu hoke.

16. Micha itombi holitopa ya nan atokowa chima la chi ka ish fohkashke.

17. Micha tvli lakna bano ho im ai i kanvt aiombinili ya isht ish ikbashke: falaia kvt kubit tuklo cha iklvna aienak-mvt, auahtha kvt kubit achvfa cha, iklvna aienashke.

18. Micha tvli holisso lakna yo Chilubim tuklo ho isht ish ikbashke; bovt toba ho ish ikbi cha, im ai i kanvt aiombinili vhlhi tuklo ka ish hiohlehashke.

19. Micha chelub achvfa ka vhlhi achvfa ka ish hilechik-mvt, chelub achvfa ya vhlhi achvfa ya ish hilechashke: im ai i kanvt aiombinili vhlhi tuklo fehna kak o chelubim ish ikbashke.

20. Mikma chelubim vt sanahchi ya ashatvblichit vba wielit, sanahchi ya im ai i kanvt aiombinili ya isht ai ompo-homashke; mikma nashuka vt iti sanalashke, im ai i kanvt aiombinili ya chelubim nashuka vt pit talaiashke.

21. Micha im ai i kanvt aiombinili ya itombi holitopa paknaka ish ontalalashke, micha itombi holitopa ya nan atokowa chima la chi ka ish fohkashke.

22. Mikma im ai i kanvt aiombinili paknaka chelubim tuklo kvt nanvlhpisa afohka itombi holitopa paknaka a hielhi ka itin takla ya yvmma chi ai afamvt nana moma anumpa vlhpisa ha Israel im vlla vhleha imma ho chima la chikmvt chitim anumpule lachi hoke.

23. Shittim iti yo patvssa ish ikbashke, falaia kvt kubit tuklo, auahtha kvt kubit achvfa, chaha kvt kubit achvfa cha, iklvna hashke.

24. Micha tvli holisso lakna bano ho ish lapalechashke, micha tvli holisso lakna yo vhlhi i fullota ikbit ish apakfoyub-lashke.

25. Micha im aivhlhi apakfoyupa kvt ibbak pvtha achvfa ho ish ikbi cha, vhlhi i fullota yash tvli lakna yo i fullota apakfoyupa ish ikbashke.

26. Micha tvli holisso lakna chvnaha ushta ho ish ikbi cha, chukbi ushta iyi ushta ai o hikia ka ish talohlichashke.

27. Uhli yo bilika yo chvnaha hut takohlikma, tvbi vt shamvlli hō patvssa yash ishit sholashke.

28. Micha tvbi shittim iti yo ish ikbi cha, tvli holisso lakna ish lapalechashke, yvmohmi hō patvssa ya ishit sholashke.

29. Micha im ampo, im ishtimpa, im isht ompoholmo, micha nan isht impvchi nana isht tosholi aiena a puta kə ish ikbashke, tvli lakna bano hō ish ikbashke.

30. Micha sa tikba ya pvska otvni a patvssa ya is sum on talali na a biliashke.

31. Micha tvli holisso lakna bano hō pula aighikia ish ikbashke: bovt toba hō pula aighikia ish ikbashke, im vpi, micha i naksish puta micha i kibikshi, micha in luboa, micha i napakanli yvmmak in lashke.

32. Mikma tahlaklaka ya naksish tuchina hosh akohchashke, pula aighikia in tvnnvp achvfa kə naksish tuchina hosh akohchakma, pula aig hikia in tvnnvp achvfa ya naksish tuchina hosh akohchashke.

33. Naksish achvfa kə almont holbt toba hosh kibikshi tuchina, luboa achvfa, pakanli achvfashke, micha naksish achvfa ya almont holbt toba kibikshi tuchina, micha luboa achvfa, micha napakanli achvfashke; micha pula aighikia naksish kohcha hannali kə yohmashke.

34. Micha pula aighikia ya i kibikshi vt almont holbt toba ushta hosh in luboa, micha i napakanli aiena hi oke.

35. Mikma yvmmak inli kə naksish tuklo nutaka ya lumbo achvfa, micha yvmmak inli kə naksish tuklo nutaka ya lumbo achvfa, micha yvmmak inli kə naksish nutaka ya lumbo achvfa, pula aighikia naksish hannali akohcha ya vlpisashke.

36. In lumboa, micha i naksish puta kvv yvmmak inlashke; moma kvv tvli holisso lakna bano hosh bovt tobashke.

37. Micha pula aivlhto untuklo kə ish ikbashke; mikma okla pulali na, itikba ya tohwikela hi oke.

38. Mikma ishit kiselichi, micha pula wishakchi tvptua aivlhto vt tvli holisso lakna banashke.

39. Tvli holisso lakna talent achvfa hō yvmma, nan aivlhto ilvppa puta kə aieninchit ikbashke.

40. Mikma ahah ish ahni cha, holbvt toba he ya nvni
paknaka a chi pisachi le tuk a hobachit ish ikbashke.

CHAPTA XXVI.

MICHA vlhtipo ya nantvna vba takali pokoli hosh linen
tapvski itapvna yosh okchvmali, micha hummai, micha
tishepa ish ikbashke: toksvli imponna yosh ikbi yo chelu-
bim ish ikbashke.

2. Nantvna vba takali achvfa kvt falaia kvt kubit pokoli
tuklo akucha untuchinashke, mikma auata kvt nantvna vba
takali achvfa kvt kubit ushtashke; micha nantvna vba ta-
kali moma kvt vlhpisa aiachvfashke.

3. Nantvna vba takali tahlapi kvt itvchakvchashke,
mikma nantvna vba takali inla tahlapi kvt itvchaku-
chashke.

4. Nantvna vba takali achvfa itvchaka vhli ya ahlopulli
okchvmali ya ish ikbashke; micha nantvna vba takali inla
atukla yvt itvchaka vhli fehna ka yohmi akinli ho ish ik-
bashke.

5. Nantvna vba takali achvfa ka ahlopulli pokoli tahlapi
ho ish ikbashke, micha nantvna vba takali atukla yvt, itv-
chaka yvt vhli ha ahlopulli pokoli tahlapi ho ish ikbi na,
ahlopullit iti halvllashke.

6. Micha tvli holisso lakna yo ishtakamvssa pokoli tahlapi
ho ish ikbashke, micha nantvna vba takali ya ishtakamvssa
ak o isht ish itvchakalashke; mikma vlhtipo achvfashke.

7. Micha issi kosoma hishi yo nantvna vbatakali ish ikbi
na, vlhtipo ya ompoholmo yashke; nantvna vbatakali au-
ahchvfa ho ish ikbashke.

8. Nantvna vbatakali achvfa falaia kvt kubit pokoli tu-
chinashke; micha nantvna vbatakali achvfa auata kvt ku-
bit ushta hashke, micha nantvna vbatakali auahchvfa kvt
vlhpisa kvt ai achvfashke.

9. Mikmvt nantvna vbatakali tahlapi ka ila ish itacha-
kalashke; mikmvt nantvna vba takali hanali ka ila ish ita

chakali cha, nantvna vbatakali ishit hannali ka vlhtipo itik-
ba ya ish a pohlomashke.

10. Micha nantvna vbatakali achvfa itachahkvchi ya
vhli fehna vhli ya ahlopulli pokoli tahlapi, micha nantvna
vbatakali atukla ai itachaka ya ahlopulli pokoli tahlapi ho
ish ikbashke.

11. Micha asonak lakna yo isht akamvssa pokoli tahlapi
ho ish ikbi cha, ahlopulli ya ish apitta cha, ish itachakli na,
vlhtipo vt achvfashke.

12. Mikma nantvna vbatakali atampa vlhtipo ompoholmo
nantvna vbatakali iklvna kvv vlhtipo ya ont atampet asha
ka pit takalashke.

13. Mikma vlhtipo ya nantvna vbatakali afalaiaka atam-
pa kvv in tvnnvp achvfa ka kubit achvfa ho, micha intv-
nvp achvfa ka kubit achvfa ho ont vhlashke; vlhtipo ya
ompoholmot ont atampet in tvnnvp ilvppa, micha in tvnnvp
yvmma takalashke.

14. Micha vlhtipo ya ompoholmo ya chi ka, chukfi nakni
hakshup humma yo, micha paknaka isht ompoholmo ya chi
ka bacha hakshup o ish ikbashke.

15. Micha vlhtipo ya shittim iti bvsha hiohli ho ish im
ikbashke.

16. Iti bvsha achvfa kvv falaia kvv kubit pokolikma, austa
kvv iti bvsha achvfa kvv kubit achvfa cha, iklvna aienashke.

17. Iti bvsha achvfakma ai ishit shvmohli vt tuklo cha, a
shvmohli ya itvlhpisashke; yvmohmi bieka ho vlhtipo im
iti bvsha moma ka ish ikbashke.

18. Vlhtipo ya oka mahli in tvnnvp, oka mahli pilla ho
iti bvsha pokoli tuklo ho ish ikbashke.

19. Micha iti bvsha pokoli tuklo nutaka ya a shamvlli ya
tvli hvta pokoli ushta ho ish ikbashke; iti bvsha achvfa nu-
taka ya ishit shamvlli tuklo ka a shamvlli kvv tuklashke;
mikma iti bvsha inla nutaka ya ishit shamvlli in tuklo ka
ashamvlli tuklo hashke.

20. Mikma vlhtipo in tvnnvp atukla falvmmi in tvnnvp a
iti bvsha pokoli tuklashke.

21. Mikma ashamvlli vt i pokoli usdashke; iti bvsha

achvfa nuta ka ya ashamvlli tuklo ; micha iti bvsha inla nuta ka ya ashamvlli tuklashke.

22. Mikma vlhtipo ya in tvnnvp hvshi aiokatula pilla ho iti bvsha hannali ho ish ikbashke.

23. Micha vlhtipo in tvnnvp tuklo chukbi ya iti bvsha tuklo ho ish ikbashke.

24. Micha nutaka yvt itvchakashke, micha paknaka ya itachakvt chvnaha achvfa ho shamvllashke, itatuklot yakoh-mashke ; chukbi in tuklashke.

25. Micha iti bvsha untuchinashke ; mikma ashamvlli tvli hvta yvt ashamvlli im auah hannalashke ; iti bvsha achvfa nutaka ya ashamvlli tuklo, micha iti bvsha inla nutaka ya ashamvlli tuklashke.

26. Micha im okhowatkvchi ya shittim iti yo ish ikbashke, vlhtipo in tvnnvp achvfa im iti bvsha ya tahlapashke.

27. Mikma vlhtipo in tvnnvp achvfa iti bvsha ya okhowatkvchi tahlapashke ; mikma vlhtipo in tvnnvp achvfa hvshi ai okatula pilla in tvnnvp tuklo iti bvsha ya okhowatkvchi tahlapashke.

28. Mikma itibvsha iklvna okhowatkvchi vt vhli ka vtvt iakmut ont vhli ka onashke.

29. Micha iti bvsha ya tvli holisso lakna ish lapalechi cha, okhowatkvchi aivbiha chi ka tvli holisso lakna chvnaha ish ikbashke, micha okhowatkvchi ya tvli lakna ish lapalechashke.

30. Micha kaniohmit vlhtipo vt toba chi ho nvniha ha a chipesvchi tuk mak o ish hilechashke.

31. Micha isht ompoholmo ya linen tapvski itapvna, okchvmali, hummai, micha tishepa aiena toksvli imponna ikbi yo ish ikbashke, chelubim a tobashke.

32. Micha shittim iti tonik ushta hosh tvli lakna alapali ho ish atakalichashke ; tvli hvta ashamvlli ushta ka tvli lakna atakali vt ashashke.

33. Micha isht ompoholmo ya isht akamvssa nutaka ish takalichashke ; yvmohmi ho nan vlhpisa afohka itombi hohtopo ya ompoholmo kash anyakaka isht chukowvt ish takalichashke, mikma ompoholmo yvt aholitopa, micha holitopa i shahli ya chim iti filvmmichashke.

34. Micha nanvlhpisa afohka itombi holitopa moma i shahli anukaka talaia ka im ai i kana ai ombinili ya ish on-talalashke.

35. Micha iti patvssa ompoholmo kocha ish talalashke, micha pvla ai o hikia ya vlhtipo lapalika oka mahli pilla in tvnnvp iti patvssa ichapa ka ak o ish hilechashke; micha iti patvssa ya falvmmi in tvnnvp ak o ish hilechashke.

36. Micha vlhtipo okhissa takali ya linen tapvski itapvna hosh okchvmali, hummaii, micha tishepa chufak ushi isht vlhtaha ho ish ikbashke.

37. Micha atakali ya shittim iti tonik tahlapi ho ish ikbi cha, tvli holisso lakna ish lapalechashke; mikma atakali vt tvli lakna yashke; micha asonak lakna vt tvli lakna yashke, micha asonak lakna ashavvlli tahlapi ho bilelit ish im ak-mochashke.

CHAPTA XXVII.

MICHA shittim iti yo alta falaia kvt kubit tahlapi, micha auata kvt kubit tahlapi itilau i banot fullota ho ish ikbashke, mihma chaha kvt kubit tuchinashke.

2. Micha chukbi ushta ka, lapish ushta ho ish ikbashke, lapish vt yvmmakinlashke; micha asonak lakna ya ish lapalechashke.

3. Micha i hituk chubi aivlhta chi ka im ampmahaia, micha hituk chubi im isht piha, micha im ampushi, micha nipi im isht yichiffi, micha luak im ai vlhto mahaia aiena ka ish ikbashke, nan aivlhto moma ka asonak lakna yo ish ikbashke.

4. Micha asonak lakna tvnna ya ish im ikbashke; micha tvnna vt chukbi ushta ka asonak lakna chvnaha ushta ho ish ikbashke.

5. Micha nuta alta aivhli ka ish bohlashke: yohmi na, tvnna vt alta iklvnna ya ont vhlashke.

6. Micha alta ya shittim iti tvbi yo tvbi ish im ikbashke, micha asonak lakna ish lapalechashke.

7. Mikma tvbi vt chvnaha ya aivlhtashke, micha ishit

shola chi hō, tubi vt alta yā in tvnnvp tuklo k_a shvmoh-lashke.

8. Itombi vt chiluk a_{sha} hō iti bvsha yō isht ish ikbashke; nvni_h h_a a chi pesvchi tuk mak o yohmi hō okla ikbashke.

9. Micha vltipo i wanuta yā ish ikbashke, oka mahli in tvnnvp oka mahli pilla wanuta yā na takohli vt linen tapvski ita p_{na} yosh in tvnnvp achvfa k_a falaia kvt kubit tahlepa achvfashke.

10. Mikma in tonik pokoli tuklo, micha ashavvli pokoli tuklo kvt asonak lakna yashke: tonik in chanakbi, micha afohoma aiena kvt tvi hvta yashke.

11. Mikma falvmmi in tvnnvp ak kia falaia k_a na takali vt falaia kvt kubit tahlepa achvfakma, tonik pokoli tuklo, micha ashavvli pokoli tuklo kvt asonak lakna yashke; to nik i na chanakbi afohoma aiena kvt tvi hvta yashke.

12. Mikma hvshi ai oka tula in tvnnvp wanuta auata natakali vt kubit pokoli tahlapashke, in tonik vt pokolikma ashavvli vt pokolashke.

13. Micha hvshi ak ochaka in tvnnvp hvshi akochaka pilla, hō wanuta auata kvt kubit pokoli tahlapashke.

14. Okhissa in tvnnvp achvfa natakali vt kubit auah tahlapashke, in tonik vt tuchinakma, ashavvli vt tuchinashke.

15. Mikma in tvnnvp achvfa yā natakali vt kubit auah tahlapashke, in tonik vt tuchinakma, ashavvli vt tuchinashke.

16. Mikma wanuta okhissa yā natakali vt linen tapvski itapvna okchvmali, hummai, micha tishepa chofak ushi isht vltaha hosh kubit pokoli tuklashke, mikma in tonik vt ushtakma, ashavvli vt ushtashke.

17. Tonik moma wanuta apakfoyupa kvt tvi hvta isht afohomashke, i na chanakbi vt tvi hvta yokma, ashavvli vt asonak lakna yashke.

18. Wanuta falaia kvt kubit tahlepa achvfakma, auata kvt pokoli tahlapi bikashke; mikma chaha kvt kubit tahlapi hosh linen tapvski itapvna yashke, micha ashavvli vt asonak takna yashke.

19. Vltipo ya nan aivlhto moma, nan isht apilesa, micha isht a honvhla moma, micha wanuta ya isht a honvhla moma aiasha kv̄t asonak lakna yashke.

20. Micha Israel im vlla vhleha ha ish im apesa na, bila pva hv̄t lya na, bilia chi ka alif bila ghli hv̄t pva hv̄chin toba ya isht chim vlashke.

21. Okla moma im vltipo isht ompoholmo kocha yvm-mvt ishtatokowa itikba ya Alon, micha ushi vhleha aiena kv̄t hielit opiaka, micha onnahinli aiena Chihowah i tikba talaia chi ka apihisa hi oke, im isht atiaka bilia ka nan vlvhisa bilia yosh in toyula cha, Israel im vlla vhleha ha i yvmohmashke.

CHAPTA XXVIII.

MICHA Alon chitibapishi, micha ushi vhleha aiena ka, Israel im vlla vhleha i flvmmichit Alon, micha Natab, micha Abihu, Eliesa, micha Ihlama, Alon ushi vhleha aiena ka ish eshi na, naholitopa isht ai vta ya isht vm ahashwashke.

2. Micha chitibapishi Alon a nafohka holitopa, micha isht aiokli ya ish im ikbashke.

3. Micha hatak chukvsh hopoyuksa moma im anukfila hopoyuksa chukvsh alotoli li tuk a ish im anumpuli na Alon a hullochi na, na holitopa isht aivta isht vm ahanta chi ka Alon a nafohka im ikbashke.

4. Nafohka ilvppa puta kak o ikbashke, ikkishi alata, micha efot, micha nafohka holitopa, micha i fullota gsha nafohka, micha iahlipa, micha vskofvchi, aiena hashke; micha chitibapishi Alon, micha ushi vhleha aiena ka, nafohka holitopa im ikbi na, naholitompa isht aivta ya isht vm ghashwashke.

5. Micha tvli holisso lakna micha okchvmali, micha hummai, micha tishepa micha linen tapvski itapvna aiena ho ishashke.

6. Micha efot a tvli holisso lakna, okchvmali, hummai,

tishepa, micha linen tapvski yo ishtatoba toksvli imponna yo ikbashke.

7. Tahchi abana tuklo cha, aivhli tuklo ka ai itachakashke, yohmi hosh itachakashke.

8. Mikma vskofvchi inla efot a atakali kv yvmakinli isht vlhtaha ya chohmit tvli lakna, okchvmali, micha hummai, micha tishepa, micha linen tapvski itapvna yashke.

9. Micha oniks tvli tuklo ho ish eshi cha, Israel im vlla vhleha hohchifo ka in chunlit ish lapalechashke.

10. Hohchifo hannali ka tvli achvfa ka ish takalichikmv, hohchifo inla ka aivtta tok vlpisa ho tvli achvfa ya ish takalichashke.

11. Tvli in chunli yosh ikbi yo ishtin chunli in chuwa holba ho Israel im vlla vhleha hohchifo aieninchit tvli tuklo ka ish in chunlashke, tvli lakna ashamvlli gsha yo ish ontalohlashke.

12. Micha efot tahchi ak o tvli tuklo kash ish ontalohlashke; Israel vt tvli nan isht ithaiyana na bilia yashke; mikma nan isht ithaiyana he mak o, Alon vt Chihowah itikba ya tahchi vbanalit hikiashke.

13. Micha tvli holisso lakna ashamvlli ya ish ikbashke.

14. Micha ont vhli ka tvli lakna bano itachahkvchi tuklo ho ish ikbashke, i poshota vlhtaha ho ish ikbi cha, i poshota itachahkvchi yash ashamvlli ya ish takalichashke.

15. Tvli imponna yosh ikbi yo nan isht apesa ikkishi alata ish ikbashke, efot toba ak o holba ho ish ikbashke; tvli holisso lakna, nan okchvmali, hummai, micha tishepa, micha lineu tapvski itapana yo isht ish ikbashke.

16. Pohloma hosh tahchaka ushta kv iti laui banashke, falaia kv span achvfakma, auata kv span achvfashke.

17. Micha tvli ontvla tvli itiakaiya ushta ho ish ontalashke, itiakaiya vmmona satis, topas, micha kavvkel, ilvpak osh itiakaiya vmmona hashke.

18. Mikma itiakaiya atukla kv emelal, micha saffai, micha taimont ashke.

19. Mikma itiakaiya ont atuchina kv likua, micha akat, micha amihlist ashke.

20. Mikma itiakaiya ont aiushta kv̄t belil, micha onika, micha chashpa ashke, tvli lakna afohka ai ontvlashke.

21. Mikma tvli vt̄ Israel im vlla vhleha hohchifo lapohli hashke, hohchifo h̄a, v̄lhpisvt̄ auah̄tuklo hosh isht in chuwa in chuwa k̄a chohmi hashke, moyuma kv̄t ap̄ehlich̄i auah̄tuklo v̄lhpisa h̄o hohchifo hosh lapohli hashke.

22. Micha tvli holisso lakna bano h̄o im poshota toba ȳo ikkishi alata ont v̄hli k̄a itachakv̄chi ish ikbashke.

23. Micha tvli holisso lakna chvnaha tuklo ikkishi alata ȳa ish ikbashke, mikmvt̄ chvnaha tuklo ȳa ikkishi alata ont v̄hli tuklo k̄a ish atakohlichashke.

24. Micha tvli holisso lakna itapakshvna itvchakv̄chi tuklo k̄a ikkishi alata ont v̄hli k̄a tvli holisso lakna chvnaha tuklo ȳa ish atakohlichashke :

25. Micha itapakshvna itachakv̄chi tuklo. kash wishakhi tuklo k̄a ashamv̄li tuklo ȳa ish a kv̄llochi cha, itikba takali efot in tah̄chi abana ȳa ish abanalahke.

26. Micha tvli holisso lakna chvnaha tuklo h̄o ish ikbashke; micha ikkishi alata chukbi tuklo aiv̄hli yv̄mma efot anukaka takali okhowataka ȳa ish takohlichashke.

27. Micha tvli holisso lakna chvnaha tuklo inla ȳa ish ikbi cha, efot aka pilla okhowata tuklo itikba takali pilla efot im vskofv̄chi pisa inla ȳa paknaka isht itachaka ȳa in chapaka ak ̄o ish talohlichashke.

28. Mikma ikkishi alata ȳa chvnaha ȳa efot in chvnaha ak ̄o sita okchvmali ȳo isht ish itatakchichi na, efot im vskofv̄chi pisa inla ȳa paknaka takalashke, micha ikkishi alata vt̄ efot ā ik ī mokofo kashke.

29. Mikma Alon vt̄ Israel im vlla vhleha hohchifo hv̄t afoyuka h̄o aholitopa ȳa chukowakmvt̄ Chihowah yvt̄ isht ithaiyana bilia ch̄i k̄a nanisht apesa ikkishi alata ȳa chukv̄sh alatali hosh iba chukowashke.

30. Micha nanisht apesa ikkishi alata ȳa Ulim micha Hlummim ā ish fohkashke; atukma Alon vt̄ chukowvt̄ Chihowah itikba onakmvt̄ chukv̄sh ā onochit shaiyalashke, micha Israel im vlla vhleha nan im aiv̄lhpiesa ȳa Alon vt̄ chukv̄sh onochit shaiyalit Chihowah itikba hikia na biliashke.

31. Micha efot nafohka falaia holitopa ya okchvmali bieka ho ish ikbashke.

32. Mikma paknaka iklonna ya chiluk vt hikiashke, mikma chiluk a nantvna yosh i fullotvt apakfoyupa kvv tenvp ilefohka ak o chohmi na ik hlilafo kashke.

33. Micha aka pilla vhli ya pomkilanit okchvmali, micha hummaii, micha tishepa yo vhli fullota ish ikbashke, mikma tvlula tvli holisso lakna itin takla ya takohlit fullotashke.

34. Nafohka falaia holitopa aivhli fullota ka tvlula tvli holisso lakna, mikma pomkilanit, tvlula tvli holisso lakna, mikma pomkilanit osh takalit iashke.

35. Mikma Alon vt nan isht im vtta ma onvtoyulashke: atukma aholitopa ya chukowvt Chihowah itikba ya o nakma, atuk osh kohchakma, ohonla haklo na ik illo kashke.

36. Micha tvli holisso lakna bano patvssa ish ikbi cha, isht in chuwa in chuwa ya chohmi ho in chunlit CHIHOWAH IM I HOLITOPA HOKE, achit ish takalichashke.

37. Mikma sita okchvmali ya ish lapalechi na iahlipa ha ontalaiashke, iahlipa itikba ak o ontalaiashke.

38. Mikma Alon noshkobo ha on talaia na, na habenvchi holitopa moma Israel im vlla vhleha hvv hullochi tuk, naholitopa aiashvchi puta ka Alon vt shaiyalashke: micha Alon noshkobo ha on talaia na, biliashke, yvmohmi ho Chihowah yvt aiokpvchashke.

39. Micha linen tapvski nafohka aiokli ho achunlit ish ikbashke, micha iahlipa ha linen tapvski o ish ikbashke, micha chufakushi isht vltaha ho vakofvchi a ish ikbashke.

40. Micha Alon ushi vhleha ha ilefoka lumbo ish im ikbashke, micha ishit holitopa ya, micha pisa aiokli a vskofvchi ish im ikbikmvt shapo ya ish im ikbashke.

41. Micha chitibapishi Alon, micha ushi vhleha aiēna ka ish fohkvchechashke, micha bila isht ish ahvmmashke, micha i hullochit ish kashofashke; yvmohmi na naholitompa isht aivtta ya isht vm ahqshwashke.

42. Micha isht il ompohoma chi ka linen obalafoka ya ish im ikbashke, hvvtip a vttvt iakmvt iyubi ont vhlashke.

43. Mikma Alon micha ushi vhleha aiena kvv okla moma

im vlhtipo ant chukowakmt, keyukmt aholitopa nan isht ai vtta chi hosh alta ya bilika onakmt, foyukashke; yvmohmi hosh nan ashvchi onvtoyult ik illo kashke. I nan vlhpisa bilia yosh im isht atiaka yvt iakaya aiena kv in toyulashke.

CHAPTA XXIX.

MICHA nana ilvppak o ish i yvmihchi hosh na holitopa isht ai vtta ya isht vm aqshwa chi ka ish hullochashke; wak hobvk himmita achvfa, micha chukfi nakni tuklo ik aiono kv iksho yo ish eshi cha,

2. Micha pvka ik shatvmmo, micha pvka lumbo ik shatvmmo bila yvmmi, micha pvka tapvski ikshatvmmo bila ahama aiena ka onush bota yo ish ikbashke.

3. Mikmt kishi achvfa ho ish fohki cha, kishi a vlhto ho wak hobvk, micha chukfi nakni tuklo ka aieninchit isht ish lashke.

4. Micha Alon, micha ushi vhleha aiena ka okla moma im vlhtipo okhissa itikba ya isht ish ona cha, oka isht ish achefashke.

5. Micha ilefohka ya ish eshi cha, nafohka lumbo, micha nafoka holitopa falaia efot, micha efot, micha ikkishi alata ya ish fohkechi cha, vskofvchi inla fehna efot a ish vskofvchechashke.

6. Micha iahlipa ha noshkobo ha [ish on talalashke, micha bita holitopa ya iahlipa ha ish on talalashke.

7 Yvmohmikmt bila isht ahvmmi ya ish eshi cha, noshkobo ha on hlatvblit ish ahvmmashke.

8. Micha ushi vhleha ha isht ishla cha, ilefoka lumbo ish fohkvchechashke.

9. Micha, Alon, micha ushi vhleha aiena ka vskofvchi ish vskofvchechashke micha shapo ish shapolechashke; mikma naholitomp isht ai vtta yvt immi ha he, nan vlhpisa biliashe; micha Alon micha ushi vhleha aiena ka ish hullochashke.

10. Micha wak hobok himmita ya okla moma im vlhtipo itikba isht ula he ya ish apesashke; mikma Alon, micha

leha aiena kv̄t wak hobvk noshkobo ya ibbak isht pashke.

Mikma wak hobvk ash okla moma im vltipo okhissa Jhihowah itikba ya ish aivbashke.

Micha wak hobvk im issish a ish eshi cha, alta lapish wak ushi isht ish lapalichashke; micha issish a mo-; alta akishtva lapali ka ish hlatvblashke.

Micha anukaka ompoholmo nia moma, micha takoyummvt salakha ya onvtoyulaka, micha haiyichi nicha nia yvt onvtoyula aiena ka ish eshi cha, alta ya ish hukmashke.

Amba wak hobvk ash nipi, micha hakshup, micha i aiena ka binah kohcha ya luak isht ish hukmashke: vchi im issa yoke.

Micha chukfi nakni achvfa hq ish eshashke, mikma nicha ushi vhleha aiena kv̄t chukfi nakni noshkobo uk a isht ombitepashke.

Mihma chukfi nakni yash ishbashke, micha im issish shi cha, alta paknaka ya o fimmit ish fullolechaske.

Micha chukfi nakni yash bshlit tushahlichit ish tahli ukaka micha iyi aiena ka ish achefa cha, ai itim li ka ish ita chakli cha, noshkobo ya ish achakalashke.

Micha chukfi nakni yash moma alta onochit ish shke; hukmit Chihowah im issa yoke; luak a onochit vah im issa na balama yoke.

Mikmvt chukfi nakni achvfa ya ish eshashke, mikma nicha ushi vhleha hv̄t chukfi nakni yash noshkobo ha isht ombitepashke.

Yohmikma chukfi nakni yash ishbashke, micha im a ish eshikmvt Alon haksobish ishtimpakimma vhli, ushi vhleha haksobish ishtimpakimma vhli, micha ishtimpakimma ibbak ishki, micha iyi ishtimpakimma i aiena ka ish lapalechaske, micha issish a alta ya o ish lapalechaske.

Micha issish alta on a sha ka, micha ishtahvmmi bila eshi cha, Alon micha i nafohka, Alon ushi vhleha, ushi vhleha i nafohka aiena ka ish o fimmashe,

mikma Alon, micha i nafohka, micha ushi vhleha, micha ushi vhleha i nafohka aiena kut hullochi yashke.

22. Micha chukfi nakni yash nia, micha hutip, micha anu-kaka ya ompoholmo nia, micha takoba nia, yummvt salukha onvtoyula ka, micha haiyihchi tuklo micha nia yvt asha, micha fullup ishtimpakimma aiena ka ish ishashke ; chukfi nakni nahullochi yoke.

23. Micha puska lumbo chito achvfa, micha puska lumbo iskitini bila yummi achvfa, micha puska tapuski achvfa aiena ka puska ik shatvmmo kishi vlhtot Chihowah itikba talaia aiena ka kohchit ish eshashke.

24. Micha moma ka Alon ibbak, micha ushi vhleha ibbak ish fohki cha, Chihowah itikba ya i walit im issa ya ish walashke.

25. Mikmvt ibbak a kohchit ish im ai eshi cha, hukmit im issa chi ka, Chihowah itikba na balama ya chi ho, alta onochit ish hukmashke, luak onochit Chihowah im issa yoke.

26. Micha Alon hullochi chukfi nakni ikkishi ha ish eshi cha, Chihowah itikba ya wali ya chi ho ish walashke, mikma chimmi hashke.

27. Micha Alon, micha ushi vhleha aiena ka immi ha he, ishit chukfi nakni wali tuk, micha vba pit wali tuk, walit im issa ikkishi, micha vba pit walit fulup a ish hullochashke.

28. Mikma Israel im vlla vhleha hak osh ima ho, Alon micha ushi vhleha immi ha he, nan vlhpisa bilia yashke ; vba pit walit im issa yoka, micha Israel im vlla vhleha hut iti nanaiyvchi im issa, vbit isht aiokpvchi, vba pit walit im issa, vba pit walit Chihowah im issa yoke.

29. Mikma Alon i nafohka holitopa yvt ushi vhleha iakai-ya kut immi cha, foyukvt bila ahama he, micha foyuka ho hullocha hi oke.

30. Micha ushi yosh vlhtobvt naholitompa isht vta toba kut okla moma im vlhtipo ya chukowvt aholitopa ya nan isht ai ahantakmvt nitak untuklo foyukashke.

31. Atuk o hullochi chukfi nakni ya ish eshi cha nipi aholitopa ya ish ahonashke.

32. Mikma Alon, micha ushi vhleha hv̄t chukfi nakni yash nipi ya, micha pvska kishi vlhto tuk a okla moma im vlhtipo okhissa talaia ka aieshit aieninchit ai vpa hi oke.

33. Micha hullochi, micha kashofa chi nana puta ka isht atobbi tuk ak o ai vpashke: amba okla inla yvt ai vpa he keyu, holitopa hoka.

34. Micha hullochi tuk nipi, keyukmvt pvska nana kia, atampa hosh aasha na onnahinlikma, yohmikma atampa tuk ash luak ishit ish hukma hi oke, vpa he keyu, holitopa hoka.

35. Micha nana moma chim apesa li tuk mak o, Alon micha ushi vhleha ha ish i yvmihchashke, nitak untuklo ho hullochi hosh isht ish ahantashke.

36. Micha nitak aiyukali ho wak hobvk a nanashvchi ishit vlhtoba ho ish im issashke, micha nan ishit atobbi alta ish im ikbikmvt, alta ya ish kashoffaske, micha kashoffit bila ish ahvm̄mashke.

37. Nitak untuklo ho alta ya atobbit ish kashoffashke, mikma alta vt holitopa i shahli yashke; nana hosh alta ya halelikmvt holitopa hi oke.

38. Yohmi ka ilvppak o alta ya onochit ish im issa hi oke: onna hosh onnakma chukfushi afv̄m̄mi vm̄mona tuklo ho ish im ihisa na, bilia hi oke.

39. Chukfushi yash achvfa ka onnahinlikma ish im issa tukmvt, achvfa ya opiakma ish im issashke.

40. Micha chukfushi achvfa ka bota tohbi kvshkoa ishit pokoli ho boa na bila toba hin achvfa kvshkoa ai ushta ho ittaiyomi, micha nanishko im issa ya okapaki hin achvfa kvshkoa aiushta ho ish im issashke.

41. Micha chukfushi achvfa ya na-balama, micha luak ishit hukmit Chihowah im issa mak o onnahinli ya ilhpak im issa yash, micha ishko im issa ya tuk mak o chohmichit ish yvmihchashke.

42. Ilvppvt hv̄chim ai itishali moma ka hukmit im issa bilia yo Chihowah itikba okla moma im vlhtipo okhissa ya a yv̄nohma hi oke; yvm̄mak o a hv̄chi itafamvt, yvm̄mak o a chim anumpule la hi oke.

43. Micha yvm̄mak o Israel im vlla vhleha ha ai itafama

la hi oke, mikma vlhtipo hvt vm ai isht aholitopa ak o ishit kashofa hi oke.

44. Micha okla moma im vlhtipo, micha alta aiena ka kashofi la hi oke; micha Alon, micha ushi vhleha hak kia naholitopa isht ai vttā ya isht vm ahashwa chi ka hullochi la chi hoke.

45. Micha Israel im vlla vhleha ha itin takla ya ahanta lish in Chitokaka sia ha chi hoke.

46. Mikma vno ak osh in Chitokaka Chihowah sia, atuk osh itin takla ahanta la chi hosh Echip yakni ya pehlichit kohcha li tok a ithaiyana chi hoke. In Chitokaka Chihowah sia hoke.

CHAPTA XXX.

MICHA na balama ai onochit hukma chi ka alta ish ikbashke, shittim iti yo ish ikbashke.

2 Falaia kv̄t kubit achvfashke, mikma auata kv̄t kubit achvfashke iti laui bat fullotashke; mikma chaha kv̄t kubit tuklo hashke, lvpish vt yvm̄mak inlashke.

3. Micha paknaka, micha naksika apakfoyupa ka, micha lvpish aiena ka tvli lakna bano hō ish lapalechashke, micha tvli holisso lakna i fullotvt apakfoyupa ish ikbashke.

4. Micha i fullota nutaka chukbi tuklo ha tvli lakna chv-naha tuklo hō ish ikbashke, in twn̄vp tuklo ka ish takohli chashke, mikma tvbi vt shamohli na ishit shohla hi oke.

5. Micha shittim iti yo tvbi ish ikbashke, micha tvli lakna ish lapalechashke.

6. Micha nantv̄nna vba takali yvm̄mvt nan vlhpisa afohka itombi holitopa bilika takali ka itikba im ai isht i kana om binili, yvm̄mvt nan vlhpisa afohka paknaka talaia ka itikba ish talalashke, yvm̄mak o achi afama la hi oke.

7. Mikma Alon vt onnahinli aiyukali ka nabalama onochit hukma hi oke, p̄vla puta ka ai iskiachikm̄vt nabalama onochit hukma hi oke.

8. Micha Alon vt opiakma p̄vla ha palalikm̄vt, nabalama

onochit hukma hi oke, chim ai itishahli moyuma ka Chihowah itikba ya na balama bilia hi oke.

9. Nabalama inla, micha vbit hukmit im issa, micha im ilhpak im issa aiena ka onochit ish im issa he keyu hoke; micha nan ishko im issa aiena ka ish on hlatvbla he keyu hoke.

10. Mikma Alon vt afvmmi achvfakma himonna ho nan-ashvchi im issa issish isht atobbi ya atobbit lvpish a onocha hi oke; chim ai itishali moyuma ka afvmmi achvfakma onochit atohomba hi oke: Chihowah ya i holitopa kvt moma i shahli hoke, achi tok.

11. Mihma Chihowah yvt Moses a im anumpulit,

12. Israel im vlla vhleha ha noshkobo holhtina ka ish eshikma hatak moyuma ka ish hotihnakma imi shilombish vlhtoba ya Chihowah imashke; yvmohmi ho ish hotihnakma ililli okpulo itin takla ya iksho kashke.

13. Ilvppak o imashke, holhtina ka iba holhtina tuk moma kvt vlhtipo holitopa shekel im vlhpisa vlhpisa ho, shekel iklvnna ho ima hi oke; shekel achvfa kvt kalah pokoli tuklo hoke, shekel iklvnna kak o Chihowah ya im issa ya hi oke.

14. Afvmmi pokoli tuklo vttvt vba maya holhtina ka iba holhtina tuk moma kvt Chihowah im issa ya ima hi oke.

15. Hvchimi shilombish isht vlhtoba nan im issa ya Chihowah hvsh imakmt, nan in laua yvt shekel iklvnna ka ont ia ho ima ke keyukma, ilbvsha yvt ola takla ho ima he keyu hoke.

16. Mikma Israel im vlla vhleha ha nan isht atobbi tvli holisso ya ish eshi cha, okla moma nan im vlhtipo nan isht ai ahanta isht ish apesashke; yvmohmi ho Israel im vlla vhleha ha Chihowah itikba ai isht ithaiyana he, micha hvchimi shilombish isht vlhtoba yoke, achi tok.

7. Mikmt Chihowah yvt Moses a im anumpulit,

18. Aiachefa yo asonak lakna ampo chito, micha iyi vt asonak lakna ak inli ho ish ikbashke, micha okla moma im vlhtipo, micha alta itin takla ish hilechi cha oka ish vnashke.

19. Yummak o Alon micha ushi vhleha aiena kvt ibbak, micha iyi aiena ka ai achefa hi oke.

20. Okla moma im vlhtipo ya chukowakmt, keyukmt luak ishit hukmit Chihowah im issa ya hukma chi hosh alta ya bilika ona aienakmt ik illo ka hi oke.

21. Yummohmit ibbak, micha iyi aiena ka achefa cha ik illo kashke; micha nan vlhpisa vlhpesa bilia yosh, Alon, micha ushi vhleha im ai iti shali moma kvt in toyulashke, achi tok.

22. Micha Chihowah yvt Moses a im anummulit,

23. Nabalama i shahli puta ma ahli shekel tahlepa tahlapi, sinnamon balama vt yumma ikvna shekel tahlepa tuklo cha pokoli tahlapi, kalamvs balama vt shekel tahlepa tuklo cha pokoli tahlapi,

24. Micha kassia vt shekel tahlepa tahlapi vlhtipo holi-topa ai vlhpisa shekel ashke, micha alif bila yvt hin achufa ho ish ishaskhe.

25. Micha nanishtahama holitopa bila, ikhish ikbi it-haiyana hosh ikbi yo nan ahama ish ikbashke; isht ahama holitopa bila hoke.

26. Micha okla moma im vlhtipo ya micha nanvlhpisa afoyuka itombi holitopa,

27. Micha aiimpa, micha nan im ai vlhto moma, micha pula aighikia, micha nan im aivlhto, nabalama ahukmi alta,

28. Micha ai onochit hukmit im issa alta, micha nan im aivlhto moma, micha aiachefa ampo chito, micha iyi aiena ka isht ish ahvmashke.

29. Micha ish kashofi na holitopa kvt moma i shahli yashke, nana hosh halelikmt holitopa hi oke.

30. Micha Alon, micha ushi vhleha aiena ka ahvmmmit ish hullochashke, mikma na holitopa isht aivtta ya isht vm ai-ahashwashke.

31. Micha Israel im vlla vhleha ish im anumpulit, hvchim ai itishali moma ka nan isht ahama bila ilvppvt a holitop chi hoke.

32. Hatak nipi okvno o fohopa he keyu, micha itaioma ya hobachit inla ya ish ikba he keyu hoke, holitopa hoke, hvchi holitopa hi oke.

33. Kvna hosh yvmma chohmi ka itaiomi, keyukmvt okla inla yo onochikmvt, im okla achvfa ya ai i filvmmmit fiopa tupa hi oke ish achashke, achi tok.

34. Mihmvt Chihowah yvt Moses a, Nabalama istakti, one-ka, micha kalbanum, ish ishashke; nabalama ilvppa puta ka falakinsen bano yo, moma weki kvv iti laui hashke.

35. Micha ikhish ikbi champullich i ak o hobachit nabalama vvhpesvt itaioma kashofa, micha holitopa yo ish ikbashke.

36. Micha kaniohmi ka bolit ish lapushkichi cha, kaniohmi ka okla moma im vvh tipo anukaka isht atokowa itikba a chi afama la chi ka ish talalashke, chi holitopa i shahli ya chi hoke.

37. Micha nabalama ish ikba chi kvv itaioma, yvmma chohmi ka chimmi ish ikba he keyu, Chihowah immi hosh chi holitopa hi oke.

38. Kvna hosh yvmma chohmi ka huwa chi hosh ikbikmvt im okla achvfa ya ai i filvmmmit fiopa topa hi oke, im achi tok.

CHAPTA XXXI.

MIHMVT Chihowah yvt Moses a im anumpulit,
2. Yakih, Chutah apelhichi aiachvfa Hu ushi, Uli yo ushi Besaleel a atokolit hochifo lishke,

3. Micha hopoyuksvt, micha nana akostininchit, micha nanithanvt micha na toksvli ilaiyukali moma imponnvt.

4. Natoksvli inla tvli holisso lakna, micha tvli hvta, micha asonak lakna toksvla he,

5. Micha tvli tihlit on talohla he, micha iti ya chakonlich i na toksvli ilaiyukali moma apesvchit imponna chi ho chukvsh Chitokaka imi shilombish a alotoli lishke.

6. Micha vno vt, yakeh vno vt Tan apelhichi aiachvfa Ahisamak ushi Aholiab a aieninchit ima lishke; chim apesa li tuk moma yvmicha chi ka, chukvsh hopoyuksa puta ka chukvsh i hopoyuksa moma nukfoki li tuk oke.

7. Okla moma im vvh tipo, micha nan vvh pisa a foyuka

itombi holitopa, micha ai im isht i kana ai om binili, yvm-mvt paknaka talaia ka micha vlhtipo i nan chukushpa moma,

8. Micha aiimpa, micha i nachukushpa, micha pula ai o hikia kashofa, i nachukushpa aiena moma, micha nabalama alta,

9. Micha aionochit hukmit im issa alta i nachukushpa aiena moma, micha ampo chito, micha iyi,

10. Nan isht vtta i nafohka, micha naholitompa isht vtta Alon a i nafohka holitopa, micha ushi vhleha hvt na holi-tompa isht ai vtta ya isht ashakmvt i nafohka,

11. Micha isht ahama bila, micha aholitopa nabalama aie-na chim apesa li tuk mak o, moma yvmihchashke, im achi tok.

12. Micha Chihowah yvt Moses a im anumpulit,

13. Israel im vlla vhleha ha, A nitak hullo ya ahlit hvsh holitoblashke; hvchim ai iti shali moma ka nan ishtatako-wa yosh hvvim itin takla ya itoyula chi hoke; yvmohmi na, Chihowah sia hvchi kashofi li ka hvsh ithaiyana chi hoke.

14. Yvmohmi hoka nitak hullo yo hvsh holitoblashke, hvchi holitopa hoka, kvna hosh kobvffikmvt illi pulla hi oke; kvna hosh nitak yvmma na toksvli nana kia yvmihchikmvt, shilombish yvmmvt im okla ha ai i filvmmmit fiopa tupa hi oke.

15. Nitak hannali ho natoksvli ya yvmihcha hinla hoke, Amba isht untuklo hokvto nitak hullo afoha, Chihowah i holitopa hoke; kvna hosh nitak hullo ya natoksvli nana kia yvmihchikmvt illi pulla hi oke.

16. Yvmohmi hoka Israel im vlla vhleha im ai itishali moma kvn nan itim apesa bilia ya nitak hullo ya holitoblit, nitak hullo ya ithaiyana hi oke.

17. Nan isht atakowa yosh vno, micha Israel im vlla vhle-ha pim itin takla ya itoyula na bilia hi oke; nitak hannali ho Chihowah yvt vba shutik, micha yakni aiena ka ikbi mvt, nitak isht untuklo ka foha cha, im achukma tok oka, ish im achashke, im achi tok.

18. Atuk osh Moses a Sinai nvnih paknaka ai im anum-puli tuk vt ont tahli mvt, nan vlpisa patvssa tuklo tvli pa-tvssa Chitokaka ibbak ushi yosh ai o holissochi yo ima tok.

CHAPTA XXXII.

MIHMA Moses vt nvni ha akowa kvt ahchibali na, okla hvt pisa mvt, okla hash osh Alon a im itvnaha cha, Wakaya cha, pi tikba ia chi ka naholbvt toba ya pim ikbashke, Echip yakni a pehlichit pi kohchi tok hatak Moses ilvppak okvno, nana kaniohmi tuk a kil ithano hokvt, im achi tok.

2. Mihma Alon vt, Tvli holisso lakna haksobish takali, hvchi tekchi vhleha micha hvchiso vhleha, micha hvchiso tek vhleha aiena haksobish takohmaya ka tvptulit isht hvs svm vlashke, im achi tok.

3. Mihma okla moma kvt tvli holisso lakna haksobish takali haksobish takohmaya tuk a tvptuli cha, Alon a isht im ona tok.

4. Mihma ibbak a im eshi cha, bilvt akmot, wakushi ikbi ha yvt, ishit pilesa ishit tihlit ikbi tok: mihma, Ilvppa puta kak osh hvchi na holbvt toba yosh Echip yakni ya apehlichit hvchi kohchi tuk mak oke, Israel ma, okla achi tok.

5. Atuk o Alon vt pisa mvt, itikba ya alta ikbi tok; micha anumpa bohlt, Onnaha yvt Chihowah impvchi yoke, achi tok.

6. Atuk osh onna kvt onnahinli fehna moma ho, okla wakaya cha, hukmit im issa ya im issa mvt, itin nanaiyvchi im issa ya isht vla tok, mihmvt okla hvt binilit impvt nan ishko tuk osh wakayvt ihlauvli tok.

7. Mihma Chihowah yvt Moses a, Iah, akowah, chim okla Echip yakni a pehlichit ish kohchi kash osh il okpvni hoke.

8. Im apesa li tuk hina ya chekosi fehna ho kohchit fulotvashke, bilvt akmot wak ushi toba ikbi cha, aiokpvchit nan vbit im issa cha, Ilvppa puta kak osh hvchi naholbvt toba vhleha hosh Echip yakni hvchi pehlichit kohchi tuk oke, Israel ma, achishke, achi tok.

9. Mihmvt Chihowah yvt Moses a, okla ilvppa pihisa li tak oke, mikma yakeh, ikunla kullo okla hoke.

10. Yvmohmi hoka inta, ik asha is svm ahni na, vm ai i

nukkilli vt i sanalit libbashke, micha yvmmak o lushummi lashke, micha chishno ak o okla chinto ho chikbi lashke, im achi tok.

11. Mihma Moses vt in Chitokaka Chihowah ya im ilbr-shvt, Chihowah ma, nanta katiohmi ho chim ai i nukkilli vt chim okla ha, nan isht aighli chinto, micha ibbak kullo hosh pehlichit Echip yakni ya isht ish kohcha tuk vt i sanalit libbi cho?

12. Nanta katiohmi ho Echip okla hvt nan ik achukmo yvmihchit nvni h fohka ai vbit tahlit yakni paknaka ai ishit kanchit mosholicha chi hosh pehlichit kohcha tuk oke, achi chi cho? chim ai i nukkilli libbi kvt ish shanaiya cha, nan ik achukmo chim okla i sanali ilvppa ish issashke.

13. Eblaham Aisak, micha Israel chin tishu vhleha, yvm-mak oka chishno ak inli ile hochifot anumpa kullo anumpu-lit, chim isht atiaka apaknvchit vba shutik fochik a chohmi-chi la chi hoke, micha yakni isht anumpuli li tuk ilvppa chim isht atiaka ya ima likma immi bilia hi oke, ish im achi tok vt ish ithaiyanashke, achi tok.

14. Mihma Chihowah yvt im okla ha i sanalit nanuk achukmo yvmihcha chi hosh anukfilli tuk vt issa tok.

15. Mihma Moses vt filema mvt, nvni h ha akowa tok, mihma nanvlhpisa ai o holisso patvssa tuklo kvt ibbak a foka tok; patvssa yvt tahlaklaka a holisso ha tok; in tvnnvp achv-fa ka a holisso mvt, in tvnnvp achvfa ka a holisso ha tok.

16. Mich a patvssa yvt Chitokaka yosh ikbi ha tok, micha holisso ha Chitokaka yosh holissochit patvssa ya in chunli ha tok.

17. Atuk o Choshua vt okla shakapa ka haklo mvt, Mo-ses a, Binah ha tvnvp shakapa ho haklo lishke, im achi tok.

18. Mihma Im aiya hosh shakapa ano keyu, micha ilap ak o im aiya ho paya hoh keyu, amba taloa hosh shakapa ka haklo lishke, achi tok.

19. Atuk o yakohmi tok, binah ha bilika ona mvt, waku-shi yash, micha hihla aiena ka pisa tok; mihmvt Moses im ai i nukkilli vt libbi mvt, nvni h nuta ya patvssa yash ibbak a mokofit aka pila cha, koli tok.

20. Micha wak ushi okla ikbi kash eshi cha, luak itvchit hukmi mvt, fotohliit pushechi cha, oka ya o fimmi mvt Islael im vlla vhleha ha ishkochechi tok.

21. Mihmvt Moses vt Alon a okla hvt nanta ho chi kati-ohmichi ho nanashvchi chinto yakohmi ka ish onochi cho: im achi tok.

22. Mihma Alon vt, A shahli im ai i nukkilli vt ik libbo kashke, okla hvt nan ik achukmo amosholi ya ish ithaiyanvshke.

23. Pi tikba ia chi ka naholbvt toba ya ish pim ikbashke; Echip yakni ya pehlichit pi kohchi tuk, hatak Moses ilvppak okvno nana kaniohmi tuk a il ithana keyu hoka, vm achi tuk oka.

24. Mihma kvna hosh tvli holisso lakna ishikmvt tv-blashke, im achi li tuk oke. Yohmi ma okla vma tuk oke: yohmi na luak pit itvchili ma, wak ushi ilvppak osh kohcha tuk oke, achi tok.

25. Atuk o Moses vt okla hvt nipi bano na pisa mvt (Alon vt in tvnvp vhleha ha im i hofahyalit nipi banochi tuk oke.)

26. Yohmi ma Moses vt binah okhissa ya hikia cha, Kv-ta hosh Chihowah ya ibafoyuka cho; vno vm vlashke, achi tok, Mihma Lefai ushi vhleha moma kvv im itvnaha tok.

27. Mihma Chihowah Islael in Chitokaka vt yak achishke, Hatak moma kvv hvchi bvshpo falaia ya hvsh ilapak-shvnni cha, binah okhissa puta chukowvt kohchvt hlopullit hatak moma kvv hvchitibapishi ha, micha hatak moma kvv ai itapiha ya, micha hatak moma kvv in chuka a bilika ya hvsh bashke, achishke, achi tok.

28. Mihma Lefai im vlla vhleha hvt Moses im anumpa hatuk mak o, yvmihchi tok; mihma nitak yvmma akakoha kvv hatak tahlepa sipokni tuchina foka tok.

29. Moses vt himak nitak a hatak moma kvv ilap ushi, micha itibapishi hatuk kia Chihowah im isht ile hullochashke; yvmohmi ho himak nitak a nan isht yukpali a hvchi onochashke, achi hatuk oka.

30. Atuk o onna ma, yakohmi tok, Moses vt okla ha, Nan-

ashvchi chinto hō hvsh ashvchishke, atuk o himak a oiyvt Chihowah ya im ia la chī hoke, na hvsh ashvchi ya atobbi li yoba na (or kashofit atobbi li yoba na) achi tok.

31. Mihmut Moses vt falamvt Chihowah ya im ona cha, Ikikkeh, okla ilvppvt nan ashvchi chito hō ashvchi cha, tv-li holisso lakna naholbvt toba ikbishke.

32. Yohmi kia himak a ish ahnikmut, nanashvchi ya ish i kashofashke, atuk o ish yvmihcha he keyukmut, chī holisso hō ish holissochi tuk vt is sa kashofashke, achi tok.

33. Mihma Chihowah yvt Moses a, Kuna hosh a yoshuba tukma, yvmmak o a holisso hā a kashofi la chī hoke.

34. Yvmohmi hoka himak a iah, micha okla pehlichit, yakni chim anoli li tuk a ish onashke. Yakeh, vm enchil vt hvchi tikba ia chī hoke: yohmi kia im aya li nitak mut, nan ashvchi tuk a im ayvt onochi la hi oke.

35. Atuk osh Chihowah yvt okla hā Alon vt ikbi ma, wak ushi okla ikbi tuk pulla kak o nan ik achukmo onochi tok.

CHAPTA XXXIII.

MIHMUT Chihowah yvt Moses a, Iah, micha chishno, micha chim okla hā Echip yakni ya apehlichit ish kohchi tok aienvt ilvppa ashvt ivt, yakni Eblaham, micha Aisak, micha Chekob aiena kā anumpa kvllo im il onochit chim ishtatiaka ima la chī hoke, achi li tok a ish onashke.

2. Mikma enchil a hvchi tikba pila la chī hoke; micha Kananait, Amolait micha Hittait, Pelisait, Hifait, micha Chebusait aiena kā tihlelit kohcha wehli la chī hoke.

3. Pishukchi, micha foebila ayanahanli yakni o hvchisht ona chī hoke: hvchitin takla ayvt ia la he keyu; ikunla kvllo okla, hvchia hoka, hina takla mosholichit hvchi kanchi li yoba na, im achi tok.

4. Atuk o okla hv anumpa ik achukmo ilvppa haklo mut okla yaiya tok, mihma achvfa kia isht ilakshema isht ik shemo tok.

5. Chihowah yvt Moses a, Israel im vlla vhleha, Ikunla

ila hvchia hoke, yakosi itin takla kia hvchi takla ya
osholichit hvchi kanchi la chi hoke : yvmohmi hoka
nan isht ilakshema ya hvsh shoelashke, yvmohmi ho
vchi kaniohmichi la chi kvt ithana lashke, ish im
re, im achi tuk oke.

ihma Israel im vlla vhleha hvv nan isht ilakshema ya
nvni bilika ya shoeli tok.

ihma Moses vt vlhtipo ya eshi cha, binah ha kohcha
ho hilechi cha, Okla moma im vlhtipoh achi tok.
yakohmi tok, kvna hosh Chihowah ya hoyokmt,
t okla moma im vlhtipo kohcha talaia kak o ona be-

tuk o yakohmi tok, Moses vt kohchvt vlhtipo ya ona
la hash ot moma kvt wakaya cha, hatak moma kvt i
uyukali okhissa ya hiohmavvt, Moses a pit iakaiyv-
na, vlhtipo ya ont chukowa tok.

tuk o yakohmi tok, Moses vt vlhtipo ya ont chuko-
kinli ho, hoshonti tonik vt aka mintit vlhtipo okhissa
a hikia tok; mihma Chihowah yvt Moses a itim
uli tok.

Mihma okla moma kvt hoshonti tonik vt vlhtipo
a ont hikia na pisa tok; mihmt okla moma kvt waka-
hatak moma kvt i binah okhissa ya ai aiokpvchi

Mihma Chihowah yvt Moses a, hatak osh i kana itim
uli ka chohmit nashuka iti sanalit itim anumpuli tok.
anonti falamvt binah ha ont chukowa tok : amba in
atak himita Nun ushi Choshua vto vlhtipo ya koh-
aiyo tok.

Mihma Moses vt Chihowah ya yakeh, Okla ilvppa
h onashke, is svv achishke : yohmi hokak osh kvna
sh atokoli na si awant ia chi ka chik svv anoloshke :
hokak osh hohchifo ho ishit chithana li, micha na sa
ya vm isht i kana ya ish aiahayuchi ak inlishke, ish
ik oke.

Yvmohmi hoka himak a chim asilhha^o lishke, chi tik-
chim isht i kana aiahayuchi li hokma, himak a chi

hina is svm otvninchashke: yohmi na chithaiyana lashke, yohmi na, chi tikba ya chim isht i kana ai ahayuchi lashke: micha okla ilvppvt chim oklushi ya ish anukfillashke, im achi tok.

14. Mihma Uno ak osh hvchi awant ia la chi hoke, micha hvchi fohachi la chi hoke, achi tok.

15. Mihma, Si awant ish ia chi keyukmvt, ilvppa a pishit chik aiyo kashke.

16. Nanta hak o, Uno, micha chim okla aiena kvv chim isht i kana ya ahayuchi tuk a ilvppak o isht ai akostinincha hinla cho; pi awant ish aya kak a hinla keyu cho? Yohmi hosh vno micha chim okla aiena kvv okla moma yakni pak-naka aiasha ka i filvmma hi oke, im achi tok.

17. Mihma Chihowah yvt Moses a, Ish anumpuli tuk, ilvppak kia yvmihchi la chi hoke. Um isht i kana ya ish ahayuchi tuk okvt, micha chi hohchifo ha ithana li hoke, im achi tok.

18. Mihma Chim asilhha lishke, chim aholitopa ya is sa pesvchashke, achi tok.

19. Mihma, Si ai achukmaka ya mominchit chitikba ya ont iachi la chi hoke, micha chitikba ya Chihowah hohchifo ha ai anoli la chi hoke: micha kvna ho i kana la he, ahni likmvt, i kana la hi oke; micha kvna i nukhaklo la hi, ahni likmvt, i nukhaklo la hi oke, achi tok.

20. Micha, Sa nashuka ya ish pisa he keyu hoke, hatak nana hosh sa pesa cha, okchaya he keyu hoka, achi tok.

21. Micha Chihowah yvt, Yakeh vm a kanima kvv talayvshke, mikma tvli chito paknaka ya ish o hikiashke.

22. Atukma yakohma hi oke, vm aholitopa yvt ant aya takla ka, tvli chito wakla ya chi fohki la chi hoke: micha ant aya li takla kvv svbbak isht chi ompohomo la chi hoke.

23. Atuk osh svbbak a ishe likma, vm ashaka ak o ish pisa hi oke, amba sanashuka ya pisa he keyu hoke.

CHAPTA XXXIV.

IMA Chihowah yvt Moses a, Tvli patvssa tuklo vmmona tuk a chohmi ho ish tvhlahke, mikma tvli pavmmak o tvli patvssa vmmona ish koli kash anumpa tuk a ai o holissochi lashke.

likma onnahinlikma chim vlhtaha mvt, onnahinlikma vnih ha ish oiya cha, nvnih paknaka ya sa tikba ya is ashke.

likma hatak nana kia chi awant oiya he keyu; micha afullota moma hatak nana kia hikia na, ik peso kashlikma nan vlhpoa chipunta, micha nan vlhpoa hochito vt nvnih yemma itikba ya ik ai impo kashke, achi tok. fihma tvli patvssa tuklo vmmona tuk a chohmi ho ok, micha Moses vt onnahinli fehna moma ho, wakaya hihowah yvt i miha tuk mak o, tvli patvssa tuklo h ibbak fok hosh Sinai nvnih ha oiya tok.

dihma Chihowah yvt hoshonti afoyuka cha, akowa vmmak o takla hikia cha, Chihowah hohchifo ha li tok.

dicha Chihowah yvt itikba ont ia cha, chitolit, Chiho-htokaka Chihowah nan i nukhaklo, i kana, i sulaha, ai achukma, micha aighli aiena kvv in lavah.

lahlepa sipokni boh kia i nukhaklot bilia, ik vlhpieso, anumpa kobvffi, micha aiashvchi aiena ka i kashofi, anumpa hvv ontola he vlhpesa ya hlakoficha he iki puta ik ai vlhpeso atuk mak o im vlla vhleha puta cha vlla vhleha hash im vlla vhleha ai iti shali ont na, micha ont ai ushta kia im aya yoke, achi tok.

Mihma Moses vt tushput noshkobo ha aka pit isht anoli cha aiokpuchi tok.

Micha Chihowah ma, himak a chim isht ikana ahayuhokma, chim asilhha lishke, an Chihowah vt pi awant (okla ikunla kullo vhleha hoka), ik pi ai vlhpieso, il aiashvchi ya ish pi kashofashke, micha chimmi ish pi eshashke, achi tok.

10. Mihma, Yakeh anumpa ahli ikbi lishke, chim okla moma itikba ya na fehna yvmma chohmi kv̄t yakni moma ka, micha oklushi nana kia, a yvmohmi chatuk keyu hō yvmihchi la chi hoke; mikma okla takla ish ahanta tuk vt moma kv̄t Chihowah na yvmihchi ka pisa chi hoke, na hvchi yvmihchi li ka ishit nukhlakancha ya chi hoke.

11. Himak nitak a chim apesa li ka ish ithaiyanashke. Yakeh, Amolait, micha Kananait, micha Hittait, micha Pilissait, micha Hifait, micha Chibusait aiena ka hvchi tikba tihlelit kohcha wehli lishke.

12. Ahah ish ahni cha, yvmma ish ia kv̄t yakni ya okla ai asha ka anumpa chik itim apesokashke; ishit yoshoba yosh hvchitin takla ya aiasha yoba na.

13. Amba im alta puta, i naholbt toba puta ka ish okpv̄ni cha, im iti lokoli puta ka chanlit ish akvchashke,

14. Naholbt toba chitokaka inla ka ish aiokpv̄cha he keyu hoka, Chihowah yvmma hohchifo kv̄t Nuktanhla ya tuk osh, Chihowah nuktanhla yoke.

15. Yakni ya okla aiasha ka nan ish itim apesa na, havit i na holbt toba ya iakaiya cha, i naholba ya nan vbit isht aiokpv̄chi, atuk o chim anoli na, vbit isht aiokpv̄chi a ishpa yoba nah.

16. Micha chiso vhleha ha ushetik vhleha ha ishit ish ima na, ushetik vhleha hash osh havit i naholbt toba ya iakaiya cha, chiso vhleha ha havit i naholbt toba iakaiyvchi yoba na.

17. Bilvt akmot naholbt toba ya chik ikbo kashke.

18. Pvska ik shatvmmo impv̄chi ya ish holitoblashke. Hvshi Abib nitak o chim achi li tuk mak o, nitak untuklo hō pvska ik shatvmmo ish pashke; Abib hvshi o Echip a ish kohcha tok okvt.

19. Im oshv̄tto tiwi moma kv̄t vmmi hoke; micha chi nanvlhpoa moma tikba v̄tta kv̄t wak okma, chukfi hokma nana kia, nakni okmvt vmmi hoke,

20. Amba issuba nashoba v̄tta ahpi ano falvmmichit chufushi isht ish chumpashke; micha falvmmichit ish chumpa he keyukmvt, ikunla ya ish kotvffashke; micha

. vlheha vttā ahpi moma kə falvmmichit ish chum-
ke; mikma achvfa kia ibbak bieka hosh sa tikba yə
kashke.

. Nitak hannali hō ish toksvashke, amba nitak isht
klo kano ish fohashke; yakni patvffi nitak, micha na-
nitak ə ish fohashke.

. Micha onush vmo waya vmmona wek puta impvchi
nicha afvmmi ont taha, na waya hoyo impvchi yə ish
oblashke.

. Afvmmi achvfakma hituchina ha nakni yosh hvchim
ha moma kv̄t Chitōkaka Chihowah Islael in Chitokaka
a ya hiela hi oke,

. Oklushi puta kə hvchi tikba koehit kanchi lish,
ai vhli ə chitolichi la chī hoke, mikma afvmmi achv-
a hituchina ha chin Chitokaka Chihowah yə itikba ish
chī hosh ish iakma, hatak nana kia chī yakni ə bvnna
əyu hoke,

. Vbit isht aiokpvchi issish ə pvska ikshatvmmo aie-
it is sv̄m issa he keyu hoke, micha vbanvblit ontia
chi vbit isht aiokpvchi vt əsha na onnahinli yə ona he
əyu hoke,

. Nawaya vmmona achukma i shahli əya chin Chito-
Chihowah im aboha isht ish onashke. Issi kosoma
yə ishki i pishukchi ə isht ish hona he keyu hoke,
tok.

. Mihmvt Chihowah yvt Moses ə, Anumpa ilvppa
kə ish holissochashke; anumpa ilvppa puta chohmi
ə, chishno micha Islael aiena kə itim apesa li hoka, im
tok,

. Micha yvmma nitak pokoli ushta, micha ninak pokoli
hō Chihowah takla ahanta tok, pvska yə ikpo, micha
ə ik ishko tok; micha nan vlhpisa anumpa nan vlhpisa
li yash tvli patvssa yə ai o holissochi tok,

. Atuk o yakohmi tok, Moses vt Sinai nv̄nih hə nanvlh-
vli patvssa tuklo kv̄t Moses ibbak ə foka hō akowa mv̄t
hə akowa mv̄t, im anumpuli ma, nashuka yvt shohma-
ə ik ithano ki tok.

30. Atuk o Alon, micha Israel im vlla vhleha moma kut Moses nashuka yvt shohmakali ka pisa mvt, bilika ona ka nukshopa tok.

31. Mihma Moses vt i howa tok; mihma Alon micha okla moma pehlichu vhleha hvf. falamvt im ona tok, mihma Moses vt itim anumpuli tok.

32. Atuk osh i himmak ak o Israel im vlla vhleha moma kut bilika ona tok; mihma nanvlhpisa ha Chihowah yvt Sinai nvniha ha ai im anumpuli tuk moma ka ima tok.

33. Micha Moses vt im anumpulit ik tahlo kisha kvf, nashuka ya ishtompoholmo ya isht ompohomo tok.

34. Amba Moses vt itim anumpula chi hosh Chihowah itikba ya ona mvt, nashuka isht ompoholmo ya ishi tuk osh kohcha tok; micha kohcha mvt, Chihowah i miha tuk mak o Israel im vlla vhleha ha im anumpuli tok.

35. Atuk o Israel im vlla vhleha hvf Moses nashuka ya pisa ma, Moses nashuka yvt shohmalali tok, mihma Moses vt anonti nashuka ya isht ompoholmo ya isht ompohomo tuk osh im anumpula chi hosh iba chukowa tok.

CHAPTER XXXV.

MICHA Moses vt Israel im vlla vhleha moma ka itunnali cha, Anumpa iluppa puta kak o hvsh yvmihcha chi ho, Chihowah yvt hvchim apesa tuk oke.

2. Nitak hannali ho natoksvli vt vlhtahashke, amba nitak isht untuklo hokvto nitak chi holitopa Chihowah i nitak hullo a foha hi oke: kvna hosh yvmmak o natoksvli nana kia yvmihchikmvt illi pullashke.

3. Nitak hullo ya hvsh aiasha ahlopulli ka luak nana kia hvchik ikbo kashke, achi tok.

4. Micha Moses vt Israel im vlla vhleha okla moma ka im anumpulit, Nana iluppak o Chihowah yvt hvchim apesvt,

5. Hvch itin takla ya Chihowah nan im issa hvsh ai ish-ashke; kvna hosh chukvsh aiokpanchikmvt, Chihowah isht aiokpvchi, tvli holisso lakna, tvli hvta, micha asonak lakna,

icha nan okchamali, micha hummai, micha tishepa,
inen tapvski, micha issi kosoma hishi,
icha chukfi nakni hakshup humma, micha bacha hak-
icha shittim iti,

vla ha chi kə bila micha ishtahama bila ya chi kə
nabalama ya chi kə nabalama,
icha oniks tvli, micha efot micha ikkishi alata ontv-
g tvli puta kə isht vlashke.

Mikma chukvsh hopoyuksa vhleha hvchi takla aiasha
; Chihowah yvt apesa tuk moma kə yvmihchashke.

Ulhtipo tabanake, micha im ompoholmo, im ishtaka-
micha im iti bvsha, im okhowatkvchi, in tonik, micha
mulli,

tombi holitopa, micha in tvbi, ai i kana ai ombinili
nicha isht ompoholmo, ompoholmo,

Ai impa, micha in tvbi, micha nan im aivlhto moma,
vaska otvni,

Micha tohwikela chi kə pula ai o hikia, micha i na-
hpa, micha pula bila aivlhto tohwikela chi kə bila

Micha alta nabalama ai o hukmi, micha in tvbi, mi-
ma bila, micha nabalama, micha vlhtipo ya achuko-
issa ya atakali,

Alta ai o hukmit isht aiokpvchi, im asonak lakna
im aiena in tvbi, micha nan im aivlhto moma, ampo
chito, micha iyi,

Wanuta ya natakali, in tonik, micha im ashamvlli,
wanuta okhissa ya in takali,

Ulhtipo ya isht akamvssut shvmohli, micha, wanuta
amvssut shvmohli, micha im asita puta.

Aholitopa nan isht ai vtta chi kə nafohkvit isht vtta,
ompa isht vtta, Alon i nafohka holitopa, micha na-
rpa isht ai vtta isht gsha chi kə ushi vhleha i nafohka
; ikba chi hoke, achi tok oke, im achi tok.

Mihma Israel im vlla vhleha okla moma kvv Moses g
mmit ia tok.

Mihma chukvsh vt ayimitvchi tuk puta kvv, micha

shilombish vt vlhpiesa ahnichechi tuk puta kvt vla tok; micha Chihowah nan im issa ya okla moma im vlhtipo, micha nan isht aiahanta moma, micha nafohka holitopa a toba chi ka isht vla tok.

22. Mihma chukvsh aiokpanchi aiyukali kvt hatak, micha ohoyo aiena kvt, vlt, ibbak vlbeha, micha haksobish takali, micha ibbakushi vlbeha, micha shakba vlbeha tvli lakna isht ilakshema moma isht vla tok, mihma im issa tuk aiyukali hatak vt tvli holisso lakna, im issa ya Chihowah im issa tok.

23. Mihma hatak kva hosh nan okchamali, micha nahum-maii, micha na tishepa, micha linen tapvski, micha issi kosoma hishi, micha chukfi nakni hakshup homma, micha bacha hakshup aiena kvt im asha tuk vt isht vla tok.

24. Kva hosh tvli huta, micha asonak lakna im issa ya im issa aiyukali kvt Chihowah nan im issa ya isht vla tok; mikma hatak nana hosh shittim iti nan isht aiasha toba he vt in tonlakmvt isht vla tok.

25. Mikma ohoyo chukvsh hopoyuksa moma kvt ibbak ishit shvnni cha shvnni tuk vt nan okchamali, micha na hummai, micha natishepa micha linen tapvski aiena ka isht vla tok.

26. Micha chukvsh vt hopoyuksachit ayimitvchi tuk ohoyo moma kvt issi kosoma hishi o shvnni tok.

27. Mihma pehlichichvleha hvt efot, micha ikkishi alata ya ontvla chi ka oniks tvli, micha tvli puta ka isht vla tok.

28. Micha ahama ya chi ka, micha nabalama chi ka, nabalama, micha tohwikeli ya chi ka bila aiena ka isht vla tok.

29. Israel im vlla vhleha hvt hatak micha ohoyo moma kvt chukvsh vt vlhpesa ahnichichi na, na toksvli ilaiyukali moma kvt toba chi ho Chihowah yvt Moses a toksvli apess tuk a, chukvsh aiokpanchi hosh Chihowah nana im issa ya isht vla tok.

30. Mihma Moses vt Israel im vlla vhleha ha, Yakeh, Chihowah yvt hochifot Chutah apelhichi aiachvfa Hu ushi Uli ya ushi Besaleel ahe atokoli tuk oke.

Micha Chitokaka shilombish alotoli na, hopoyuksa na, micha nana kostininch, micha natoksvli ilaiyuma imponna ;

Micha natoksvli inla fehna anukfillit, tvli holisso lakha tvli huta, micha asonak lakna toksvli,

Micha on taloha chi kv̄ tvli tvhli, micha iti ya bami natoksvli inla fehna nana kia ikbi ya nukfohki tuk

Micha im abvcha he ya, yv̄mma, micha Tan ap ehlich i a Ahisamak, Aholiab itatuklo ka nukfohki tuk

Yv̄mmak o natoksvli ilaiyukali moma nan in chunli, natoksvli inla fehna imponna, micha alakali, okchacha hummai, micha tishepa, micha linen tapvski, na, micha natoksvli kaniohmi kia yvmihchi, natoka fehna kia anukfilli aiena ka imponna nukfohki tuk

CHAPTA XXXVI.

IMI ma Besaleel, micha Aholiab, micha hatak chgv̄sh hopoyuksa puta kv̄t natoksvli ilaiyukali moma ya isht atoksvli ya chi h̄o Chihowah yvt apesa tuk ka yvmihcha chi ho, Chihowah yvt hopoyuksa, micha nv̄t toksvli imponna nukfohki tuk vt ikbi tok.

lih̄ma Moses vt Besaleel, micha Aholiab, micha h̄akv̄sh hopoyuksa aīyukali Chihowah yvt ch̄ukv̄sh a iksa nukfohki tuk, v̄lv̄t natoksvli ya yvmihcha chi h̄o h vt a ayimmitv̄chi tuk puta ka hoyo tok.

lih̄ma v̄lh̄tipo ya isht a toksvli toba chi ka ish̄it toba el im v̄lla v̄hleha hv̄t im iss̄v̄t isht v̄la tuk moma ka a im ai ish̄i tok, micha onnah̄inli moma ma ch̄ukv̄sh achi hosh nana im issa ya isht im ahanla tok.

lih̄ma hatak hopoyuksa moma v̄lh̄tipo ya natoksvli asha ka toksvli tuk vt nan ikbit toksvli tuk vt iss̄v̄t

lich̄a Moses a okla im anumpulit, Okla hv̄t natoksvli

toba ka Chihowah yvt apesa tuk a atampa fehna ho isht-vlvshke, achi tok.

6. Mihma Moses vt apesa na, okla anolit binah ha hlopulichit, Hatak nana kia, micha ohoyo nana kia, vlhtipo toba chi ka natoksvli ikbit iklo kashke, achi tok. Yohmit okla ha im alummi na, ishit iklo tok.

7. Nana im asha kvv natoksvli moma ishit toba ha vlhpessa ka ona, micha atampa fehna hoka.

8. Mihma hatak hopoyuksa aiyukali takla asha tuk vt vlhtipo natoksvli a ikbi kvv, nan tonna vba takali pokoli hosh linen tapvski pvna okchamali, micha hummaii, micha tishepa aiena ka ikbi tok, natoksvli inla Chelubim puta ka ikbi tok.

9. Takali achvfa kvv falaia kvv kubit pokoli tuklo akucha untuchinakma, takali achvafakmvv auata kvv kubit ushta tok; vbatakali moma kvv vlhpisa kvv iti laui ha tok.

10. Takali tahlapi ka itachakli tok; micha takali inla tahlapi ka itachakli tok.

11. Michi takali achvfa vhli ai itvchakvchi vhli ya ahlopulli okchamali ya ikbi tok; micha takali achvfa ont vhli fehna atukla itachakvchi a ai ikbi ak inli tok.

12. Takali achvfa ka ahlopulli pokoli tahlapi ho ikbi tok, micha atukla ai itachakvchi takali vhli ha ahlopulli pokoli tahlapi ho ikbi tok; ahlopulli vt ita halvli tok.

13. Michi tvli holisso lakna isht a kamvssa pokoli tahlapi ho ikbi tok, micha isht a kamvssa ya takali ya ishit itachakli tok. Yohmi ho vlhtipo achvfa toba tok.

14. Michi issi kosoma hishi yo takali ya vlhtipo ya im ikbi na, vlhtipo ya ompoholmo tok; takali auahachvfa ho ikbi tok.

15. Takali achvfa kvv falaia kvv kubit pokoli tuchinakmvv, takali achvfa kvv auata kvv kubit ushta tok; takali auahachvfa kvv vlhpisa kvv iti laui tok.

16. Takali tahlapi ka ila itachakli mvv, takali hannali ka ila itachakli tok.

17. Michi takali ai itachaka ont vhli fehna ya ahlopulli pokoli tahlapi ho ikbi tok, micha takali ai itachaka atukla ka ahlopulli pokoli tahlapi ho ikbi tok.

18. Micha vlhtipo ya itachakali na, achvfa chi ka asonak lakna isht a kamvssa pokoli tahlapi ho ikbi tok.

19. Micha vlhtipo ompoholmo ya chukfi nakni hakshup humma ikbi mvt, yvmma paknaka ompoholmo ya bacha hakshup o ikbi tok.

20. Micha vlhtipo ya shittim iti yo iti bvsha hiohli yo im ikbi tok.

21. Iti bvsha vt achvfa kvf falaia kvf kubit pokolikmvt, iti bvsha achvfa kvf auata kvf kubit achvfa cha iklvnna tok.

22. Iti bvsha achvfa kvf ishit shamvlli tuklo hosh iti ho-paki kvf iti laui tok, yakohmichi hosh iti bvsha moma ka vlhtipo ya im ikbi tok.

23. Micha vlhtipo ya iti bvsha im ikbi ka; oka mahli pilla oka mahli in tvnnvp a iti bvsha pokoli tuklo tok.

24. Micha iti bvsha pokoli tuklo kash nutaka ya tvli hvta yosh ashamoqli pokoli ushta ho ikbi tok; iti bvsha achvfa im isht shamohli in tuklo ka nutaka ya ashamoqli tuklokma, iti bvsha achvfa im isht shamohli tuklo ka ashamoqli tuklo tok.

25. Micha vlhtipo in tvnnvp achvfa falvmmi pilla aivhli ya iti bvsha pokoli tuklo ikbi tok.

26. Micha tvli hvta yosh im ashamoqli pokoli ushta ho ikbi tok, iti bvsha achvfa nutaka ya ashamoqli tuklokma, iti bvsha inla nutaka ya ashamoqli tuklo tok.

27. Micha vlhtipo hvshi aiokatula pilla in tvnnvp a iti bvsha hannali ho ikbi tok.

28. Micha in tvnnvp tuklo vlhtipo chukbi puta ka iti bvsha tuklo ho ikbi tok.

29. Micha akishtula ya chvnaha achvfa ho isht ita chakali mvt, paknaka ya ita chakali tok; yakohmi hosh chukbi ita tuklo ka yvmihchi tok.

30. Mihma itibvsha untuchinakma tvli hvta yash, ashavmelli auah hannali tok; iti bvsha achvfa nutaka ya ashavmelli tuklo bieka tok.

31. Micha vlhtipo in tvnnvp achvfa iti bvsha ya shittim iti yo im okfoatkvchi tahlapi ho,

32. Micha vlhtipo in tvnnvp achvfa iti bvsha ya im ok-

howatkvchi tahlapi; micha vlhtipo in tvnnvp hvshi ai okatula pilla iti bvsha ya im okhowatkvchi tahlapi ho ikbi tok.

33. Micha iklvna okhowatkvchi iti bvsha puta kash hlopullechi kv ant vhli ia kv ont vhli achvfa ya ona tok.

34. Micha iti bvsha ya tvli holisso lakna yo lapalichi mv, okhowatkvchi ashamoqli ya chi ka tvli holisso lakna chvnaha im ikbi mv, okhowatkvchi ya tvli holisso lakna lapohlichi tok.

35. Micha isht ompoholmo ya okchamali, micha hummai, micha tishepa, micha linen tapvski itapana cha, tvna yo ikbi tok tokvli imponna yosh ikbi ho chelubim atoba yo ikbi tok.

36. Micha shittim iti yo tonik ushta ho im ikbi cha, tvli holisso lakna lapalichi tok; isht afacha yvt tvli holisso lakna, micha aivbeha ya tvli hvta yo i bilelit akmoqli tok.

37. Micha vlhtipo okhissa in takali ya okchamali, micha hummai, micha tishepa, micha itapana cha tvna linen tapvski chufak ushi isht atahli yo ikbi tok.

38. Micha tonik tahlapi kash i chanakbi aiena ka ikbi tok, micha noshkobo micha im apakfopa aiena ka tvli holisso lakna lapalichi tok; amba ashamoqli tahlapi kv o asonak lakna a tok.

CHAPTA XXXVII.

MIHMA Besaleel vt shittim iti yo itombi holitopa ikbi tok; falaia kv kubit tuklo cha iklvakma, auata kv kubit achvfa cha iklvakma, chaha kv kubit achvfa cha iklva aiena tok.

2. Micha tvli holisso lakna bano ho anukaka, micha kohcha aiena lapalichi tok, micha tvli holisso lakna i fullota ikbit apakfobli tok.

3. Micha chukbi ushta ka takohlicha chi hosh chvnaha tvli holisso lakna ushta ho bilelit akmoqli tok; in tvnnvp achvfa ka chvnaha tuklokma, in tvnnvp achvfa ka chvnaha tuklo tok.

4. Mihmut shittim iti yō tvbi ikbi cha, tvli holisso lakna lapalichi tok.

5. Micha tvbi yash itombi holitopa naksika chvnaha takohli kash isht sholachi hō shamohli tok.

6. Micha ai i kana aiombinili yā tvli holisso lakna bano hō ikbi tok; falaia kv̄t kubit tuklo cha iklvnakmut, auata kv̄t kubit achvfa iklvna aiena tok.

7. Micha ai i kana aiombinili ont v̄hli tuklo k̄a, Chelubim tuklo tvli holisso lakna yō ikbi tok; mih achvfa hō bolit ikbi tok;

8. Chelub̄ achvfa kv̄t ont v̄hli ilvppa o hikiakma, chelub̄ achvfa kv̄t ont v̄hli in tvnn̄v yvmm̄a o hikia tok; ai i kana aiombinili aiachvfa hō ont v̄hli tuklo k̄a chilubim ikbi tok.

9. Mihma Chelubim vt sanahchi yā ashatvblit vba weli cha ai i kana aiombinili yā sanahchi isht ompohomo hosh nashuka iti sanalit hielit tok, Chelubim nashuka yvt ai i kana aiombinili pilla pit taloha tok.

10. Mikma shittim iti yō aiimpa ikbi tok, falaia kv̄t kubit tuklokma, auata kv̄t kubit achvfakma, chaha kv̄t kubit achvfa cha iklvna tok.

11. Micha tvli holisso lakna bano hō lapalichi cha, tvli holisso lakna apakfoyupa im ikbi tok.

12. Micha i fullota yā ibbak p̄vtha achvfa hō im ikbit apakfobli tok; micha i fullota yash tvli holisso lakna yō apakfoyupa ikbi tok.

13. Mihmut tvli holisso lakna yō chvnaha ushta hō bilelit akmochi cha, chvnaha yash iyi ushta chukbi ushta takohlichit tok.

14. I fullota yō bilika ak o tvbi vt shamohli hosh sholachi hō chvnaha hv̄t takohli tok.

15. Micha aiimpa ishit sholachi tvbi yā shittim iti yō ikbi cha, tvli holisso lakna yā lapalichi tok.

16. Micha nan aivlhto, aiimpa paknaka aiasha, im ampo patvssa, micha im ishtimpa, micha im ampo ompoholmo isht ompoholmo aiena k̄a tvli holisso lakna bano hō ikbi tok.

17. Micha pula aighika yā tvli holisso lakna bano hō ikbi tok; bovt toba hō pula aighikia ikbi, im vpi micha i nak-

sish filamohli, im ampo, micha i bikbina, micha i pakanli vt mih makinli tok.

18. Yohmi ka naksish vt hannali kv̄t tvhlalaka akohcha tok; pula aihikia ya naksish tuchina hosh in tennv̄p a akohcha ma, pula aihikia ya naksish tuchina hosh akohcha tok.

19. Naksish achvfa ka almont holbv̄t toba hosh, ampo tuchinakmv̄t lumbo achvfa, micha napakanli achvfa; mikma naksish achvfa ka, ampo tuchinakmv̄t, almont holbv̄t toba hosh, lumbo achvfa, micha napakanli achvfa tok; yohmi kv̄t pula aihikia ya naksish vt akohchv̄t ia hannali kv̄t hlopulli tok.

20. Mihma pula aihikia ya ampo ushta, almont holbv̄t toba, micha in luboa, micha i napakanli aiena kv̄t gsha tok.

21. Yohmi ka yvm̄mak ash inli naksish tuklo, nuta ya lumbo achvfa, yvm̄mak ash inli naksish tuklo nuta ya lumbo achvfa, yvm̄mak ash inli naksish tuklo nuta ya lumbo achvfa, naksish hannali kohchv̄t ia ka v̄lhp̄isa tok;

22. In lumbo, micha i filamohlich̄i vt ai achvfa hatok; moma kv̄t tv̄li holisso lakna achvfa bano hosh hv̄t toba hatok.

23. Mich̄a i bila aiv̄lhto untuklo ka, micha pula im isht tv̄ptohli, micha pula tv̄ptoha im aiv̄lhto aiena tv̄li holisso lakna bano h̄o isht ikbi tok.

24. Tv̄li holisso lakna bano weki talent achvfa h̄o ikbi tok; micha im ai v̄lhto moma ka ikbi tok.

25. Nabalama ahukmi alta ya shittim iti ȳo ikbi tok; falaia kv̄t kubit achvfakma, auata kv̄t kubit achvfa tok, apatvssa ushta hatok; micha chaha kv̄t kubit tuklo hatok, in lvp̄ish vt yvm̄mak inli hatok.

26. Mich̄a paknaka ya, micha apatvssa apakfoyupa, micha lvp̄ish aiena ka tv̄li holisso lakna bano h̄o lapalich̄i tok; micha tv̄li holisso lakna ȳo i fullota apakfoyublit ikbi tok.

27. Mich̄a i fullota nutaka ya iti tupa ashamohli na, shohlach̄i ka tv̄li holisso lakna chvnaha tuklo h̄o iti chablit ont achukbi tuklo ka takohlich̄i tok.

28. Micha iti tupa ya shittim iti yo ikbi cha, tuli holisso lakna lapalichi tok.

29. Micha ishtahama bila holitopa, micha nabalama shobulli ahli ho nabalama yo, ikhish atahli mak o ikbi tok.

CHAPTA XXXVIII.]

MICHA shittim iti yo aionochit hukmit im issa alta ya ikbi tok, falaia kut kubit tahlapi mut, auata kut kubit tahiapi hatok, okhowataha ushta ha tok, micha chaha kut hubit tuchina tok.

2. Micha chukbi ushta ka in lapish a ikbi tok, lapish vt ai achvfa hatok, micha tuli asonak lakna yo lapalichi tok.

3. Micha alta ya nan im aivlhto moma, shuti, micha tobaksi isht piha, micha ampmahaia, micha nipi ishit yichiffi, micha luak aivlhto ampo aiena ka ikbi tok, nan aivlhto moma ka asonak lakna yo ikbi tok.

4. Micha alta ya asonak lakna tunna yosh ai apakfoyupa nutaka ya bilika vttvt ia hosh iklenna ka ona ikbi tok.

5. Micha asonak lakna tunna aivhli ushta ka iti tupa ai vlbeha chi ka asonak lakna chvnaha ushta ho bilelit im ikbi tok.

6. Micha iti tupa ya shittim iti yo ikbi eha, asonak lakna yo lapalichi tok.

7. Micha vba takalicha chi ka alta okfowataka bilika yo bohliit chvnaha yash pit apitta tok, alta yvt chiluk asha yosh iti bvsha yo isht ikbi tok.

8. Micha nan ai vlhto chito asonak lakna yo, micha iyi vt asonak lakna yosh ohoyo itvnaha hvv okla moma im vlh-tipo okhissa ya ai itvnaha chatuk vt apisa yo isht ikbi tok.

9. Micha wanuta ya ikbi tok; okamahli in tvnnvp okamahli pilla ho wanuta ya in takohli vt pvvvt tunna linen tapvski yosh kubit tahlepa achvfa tok.

10. In tonik vt pokoli tuklo cha, ashamohli asonak lakna yvt pokoli tuklo tok; tonik im atakali vt micha im isht ita halvli vt tuli hvta atok.

11. Micha falvmmi in tvnnvp a takali vt kubit tahlepa achvfa ma, in tonik vt pokoli tuklo cha, im a shamohli asonak lakna vt pokoli tuklo tok; tonik im atakali, micha im isht ita halvlli vt tuli hvta atok.

12. Micha hvshi aiokatula in tvnnvp a takali vt pokoli tahlapi ma, in tonik vt pokoli cha, im ashamohli vt pokoli tok; tonik im atakali, micha im isht ita halvlli vt tuli hvta atok.

13. Micha hvshi akohchaka in tvnnvp, hvshi akohcha pillu ho kubit pokoli tahlapi tok.

14. Holihta okhissa in tvnnvp achvfa ka vba takali vt kubit auhtahlapi tok; in tonik vt tuchina cha, im ashamohli vt tuchina tok.

15. Micha wanuta okhissa in tvnnvp achvfa ilvppa in tvnnvp, micha yvma in tvnnvp, atakali vt kubit auhtahlapi tok, in tonik vt tuchina cha, im ashamohli vt tuchina tok.

16. Wanuta apakfoynpa fullota takali moma kvv pvvv tvnna linen tapvski atok.

17. Mihma tonik im ashamohli puta kvv asonak lakna atok; tonik im atakali, micha im isht ita halvlli vt tuli hvta atok; micha i noshkobo lapali kvv tuli hvta atok, wanuta tonik moma kvv tuli hvta yosh isht itavllit taha tok.

18. Micha wanuta holihta okhissa takali vt chufak ushi isht vlltaha hosh, okchamali, micha hummali, micha tishepa yosh pvvv tvnna linen tapvski atok; micha falaia kvv kubit pokoli tuklo cha, auata yvma chaha kvv kubit tahlapi wanuta takali ya chohmi tok.

19. Micha in tonik vt ushta, micha im ashamohli vt asonak lakna yosh ushta tok; im atakali vt tuli hvta, micha i noshkobo puta lapali, micha im isht ita halvlli puta kvv tuli hvta atok.

20. Micha vlltipa ya, micha wanuta apakfoynpa ka isht ahonvha moma kvv asonak lakna atok.

21. Na holitempa isht vttu Alon ushi Ihlama vt pehlchi ho, Lefai vhlaha hvv nan isht aiasha chi ho, Moses vt apesa tuk mak o, isht atokova vlltipa pulla holhtina tuk vt vlltipa moma ka ilvppak oke.

Mihma Chihowah yvt Moses a im apesa tuk mak o, h apelihchi aiachvfa Hu ushi, Uli ya ushi Besaleel vt ka ikbi tok.

Micha Ahisimak ushi Aholiab Tan apelihchi aiachvfa chunli, micha natoksvli imponna, micha i fullota okli, micha hummaii micha tishepa, pvnnet tvnna linen i isht vta vlhtaha yosh iba foka tok.

Micha aholitopa natoksvli moma isht vlhtaha tuk, teli lakna moma kut im issa, teli holisso lakna fehna kut pokoli tuklo akucha chakali cha, shekel tahlepa untuk-, pokoli tuchina kut vlhtipo aholitopa shekel a vlhpisa

Micha teli hvta ya okla moma im aiishit holhtina tuk nt tahlepa achvfa cha, shekel tahlepa sipokni achvfa ahlepa untuklo, pokoli untuklo akucha tahlapi kut o aholitopa shekel a vlhpisa hatok.

Hatak moma kut afummi pokoli tuklo vhlit vba magh holhtina ia chatuk vt hatak tahlepa sipokni tahlepa li, micha tahlepa sipokni tuchina, tahlepa tahlapi cha, tahlapi kut bekah achvfa, yvmmtv shekel iklna vlhtipo aholitopa shekel a vlhpisa hatok.

Micha tvli hvta talent tahlepa achvfa tuk ak o bilelit shit, vlhtipo aholitopa im ashamohli, micha isht ompo- im ashamohli aiena ka ikbi tok, talent tahlepa achvfa ashamohli tahlepa achvfa tuk, talent achvfa tuk a ohli achvft ia tok.

Micha shekel tahlepa sipokni achvfa tahlepa untuklo okoli untuklo akuchcha tahlapi tuk a, tonik im atakakbi mvt, i noshkobo ya lapalichi cha, ita takchichi

Mikma asonak lakna im issa vt, talent pokoli untukcha shekel tahlepa sipokni tuklo cha tahlepa ushta tok.

Micha gummak o okla moma im vlhtipo okhissa a isht ikbi mvt, asonak lakna alta, micha asonak lakna, micha alta nan im aivlhto moma ka,

Micha wanuta apakfoyupa ka im ashamohli, micha a holihta okhissa im ashamohli, micha vlhtipo im isht.

afacha moma micha wanuta apakfoyupa ka isht honvha moma ka isht ikbi tok.

CHAPTA XXXIX.

MICHA aholitopa atoksula chi ka nafohka fohkut tokvli, okchamali hummaii, micha tishepa ya isht ikbi tok; micha Chihowah yvt Moses a i miha tuk mak o, Alon a nafohka holitopa ya im ikbi tok.

2. Micha efot vt okchamali, micha hummaii, micha tishepa, micha pvnvt tvnna linen osh tuli holisso lakna ishta toba yo ikbi tok.

3. Micha tuli holisso lakna ya lullit tapvshichi cha, chuhli mvt, okchamali, micha hummaii, micha tishepa, micha pvnvt tvnna linen ash toksuli imponna hosh isht shemvchit shemvchit tahl tok.

4. Isht itachaka chi ka tahchi abana ikbi cha, takchaka tuklo kak o isht itachaka tok.

5. Mikma efot inla im vskofvchi vt atakanli tuk vt yvmvt aivltaha tuk akinli ho chohmi tok; Chihowah yvt, Moses a i miha tuk mak o tuli holisso lakna isht vltahvt, okchamali, micha hummaii, micha tishepa, pvnvt tvnna linen atok.

6. Micha oniks tuli ikbi mvt in chuwa yvt chuwa chatak holbvchi hosh chunlit, Israel im vlla vhleha hohchifo lapohli ho afohka yvt tuli holisso lakna yo ontalohli tok.

7. Micha Chihowah yvt Moses a i miha tuk mak o, Israel im vlla vhleha hvv tuli ishit ithaiyana chi ho efot in tahchv-bana ya on talali tok.

8. Micha efot vltaha ka chohmi hosh toksuli imponna yosh ikbi yo ikkishi alata ikbi tok; tuli holisso lakna vltaha hosh, okchamali, micha hummaii, micha tishepa, micha pvnvt tvnna linen o ikbi tok.

9. Iti laui bano fullota hatuk; ikkishi alata vt pohloma ha ikbi tok; pohloma hosh falaia kvv span achvfakma, austa kvv span achvfa tok.

10. Mihmvt tveli iti akaiya ushta hq on talohli tok; iti akaiya vmmona kvv sativs, topas, micha kabvinkel atok; ilvppak osh iti akaiya vmmona hatok.

11. Mikma iti akaiya atukla kvv emilal, safai, micha tai-amont ak atok.

12. Mikma iti akaiya atuchina kvv liku, akat, micha ama-hlist ak atok.

13. Mikma iti akaiya ont ai ushta kvv belil, oniks, micha chaspa atok, ai on taloha on talohvt tveli holisso lakna yq on talohli tok.

14. Micha tveli vt Isael im vlla vhleha hq vlvhpsa hosh auah-tuklo hohchifo hq vlvhpsa tok, in chywa ya holbvt chywa hosh hohchifo aiyyukali lapalit apelhichi auah-tuklo tuk q vlvhpsa tok.

15. Micha tveli holisso lakna bano hq itapanvt ishit toba hq ikkishi alata takchaka ya itatakvoli takohliche tok.

16. Mihmvt aionaloha tuklo ka tveli holisso lakna yq ikbi mvt, tveli holisso lakna chvnaha tuklo hq ikbi cha, ikkishi alata takchaka tuklo ka chvnaha tuklo ya takohliche tok.

17. Mihmvt tveli holisso lakna itatakvoli itapanvt itatakvoli yash ikkishi alata takchaka ya chvnaha tuklo kash apitta tok.

18. Micha itapanvt itatakvoli tuklo kash wishakchi ya aionaloha tuklo kash atakchichi mvt, efot itikba tahchibana ya ontakohliche tok.

19. Micha tveli holisso lakna chvnaha tuklo hq ikbi cha, ikkishi alata takchaka tuklo vlli efot anyakaka pilla et apota hq takohliche tok,

20. Micha tveli holisso lakna chvnaha inla tuklo ka ikbi cha, efot vlli tuklo nutaka tikba pilla ai ita talakchi ka icha-paka, efot isht talakchi vskofvchi inla paknaka yak q takaliche tok.

21. Micha Chihowah yvt Moses q im achi tuk mak q, ikkishi alata yash in chvnaha yak q, efot in chvnaha ya sita okchamali ya pit isht atakchichi tok; yvmohmi hq efot isht talakchi vskofvchi pisa inla ya paknaka yokma, ikkishi alata yvt efot q ik i makofa ka chi hatuk.

22. Micha tunnvt toba yosh okchamali bieka hō efot nafohka falaia yā ikbi tok.

23. Mihma nafohka falaia iklvna yā tunnvp nafohka chiluk o chohmi hosh chiluk vt hikiakma, chiluk a i fullotvt taiyaha kv̄t ik hlilafo ka chī hatok,

24. Micha nafohka falaia wishakchi yā pamkilanit okchamali, hummai, micha tishepa itapanvt tvnna linen aiena hō ai ikbi tok.

25. Micha tvli holisso lakna bano hō tvlula yō ikbi cha, nafoka falaia wishakchi yā pamkilanit vt takohli itin takla tvlula yā takohlichī mvt, pamkilanit itin taklv̄t apakfoyupa k̄a takohlichī tok.

26. Chihowah yvt Moses a i miha tuk mak o, fohkv̄t nan isht vtta ya chī hō nafohka falaia wishakchi yā tvlula, mikmvt pamkilanit tvlula mikmvt pamkilanit takohlit apakfoyupa tok.

27. Micha tunnvt toba yō linen tapvski nafohka yā Alon micha ushi vhleha h̄a,

28. Micha linen tapvski iahlipa, micha linen tapvski noshkobo ishit shema, aiokli, micha pvnvt tvnna linen linen obalafohka,

29. Micha pvnvt tvnna linen tapvski vskofvchi, micha okchamali, micha hummai, micha tishepa chofak ushi isht vltaha hō Chihowah yvt Moses a i miha tuk mak o ikbi tok.

30. Micha tvli holisso lakna bano patvssa holitopa bita hō ikbi cha in chūwa holbv̄t chūwa hō, aio holissochit ЧИHOWAH I HOЛITOPА, achi hō lapalichī tok.

31. Micha Chihowah yvt Moses a i miha tuk mak o, sita okchamali ishit takchi cha, chahvchit iahlipa h̄a atakchichī tok.

32. Yakohmi hosh okla moma im ai vtta vlhtipo natoksvli moma kv̄t vltaha tok; mihma Israel im vlla vhleha hv̄t yvmihchit, Chihowah yvt Moses a i miha tuk mak o moma k̄a okla yvmihchī tok.

33. Micha vlhtipo ai vtta, micha i nachukushpa moma, im isht a kamvssa, im iti bvsha, im okhowata, micha in tonik, micha im ashvmohli,

34. Micha isht ompoholmo chukfi nakni hakshup humma, micha isht ompoholmo bacha hakshup, micha vlhtipot ompoholmo,

35. Nanvlhpisa afohka itombi, micha im iti tvptua, micha aiombinilit i nukhaklo,

36. Aiimpa, micha nan im aivlhto moma, micha pvska otvni,

37. Mih bano pula aighikia bila ai im aivlhto, bila aivlhto iti akaiyvt hiohla chi fehna ka, micha im aivlhto moma, micha pula lua chi ka bila,

38. Micha teli holisso lakna alta, micha bila ishtahama, micha nabalama micha vlhtipo okhissa ya takali,

39. Asonak lakna alta, micha asonak lakna tvnna, im iti tvptua, micha nan im aivlhto moma, ampo chito, micha iyi,

40. Wanuta atakali, in tonik, micha im ashamohli, micha wanuta holihta okhissa atakali im asita, micha im ishtafacha, micha okla moma im aivtta vlhtipo atoksvli nan aivlhto moma,

41. Aholitopa ya nan isht aivtta chikmvt fohkvt nan isht vttta, micha naholitopa isht aivtta ya isht vttta chikmvt fohka he ya naholitompa isht vttta Alon i nafohka holitopa, micha ushi vhleha i nafohka,

42. Chihowah yvt Moses a i miha tuk moma mak o, yvmohmit Israel im vlla vhleha hvt natoksvli moma ka yvmihchi tok,

43. Mihma Moses vt natoksvli moma ka pisa tok; mihma yakeh, Chihowah yvt miha tuk mak o okla yvmihchi tuk atok, mihma Moses vt yukpali anumpa onochi tok.

CHAPTA XL.

MIHMA Chihowah yvt Moses a im anumpulit,

2. Okla moma im aivtta vlhtipo ya hvshi vmmona, micha nitak vmmona ka ish hilechashke.

3. Micha nanvlhpisa afohka itombi holitopa yvmmak o

16. Yummak o Moses vt yvmihchi tok, Chihowah yvt i miha moma tuk mak o yvmihchi tok. ●

17. Atuk o yakohmi tok, hvshi vmmona afvmmi atukla, hvshi vt nitak vmmona ma, vlhtipo vt vlhtaha tok.

18. Mihma Moses vt vlhtipo ya hilechi cha, im asha-mohli a ita kvlochi mvt, iti bvsha ya hiohlechi cha, okhoh-watkvchi a okfowvllichi cha tonik a hiohlichich tok.

19. Mihmvt Chihowah yvt Moses a i miha tuk mak o vlhtipo yash ompoholmo ya auatvltit ompohomo tok; micha ompoholmo yash, paknaka ya ompohomo tok.

20. Micha nanvlhpisa ya eshi cha, itombi holitopa ya fohki mvt, iti tvptua ya itombi holitopa ya apitta tok; micha itombi holitopa paknaka ya aiombinili i nukhaklo ya ontalali tok.

21. Mihmvt Chihowah yvt Moses a i miha tuk mak o, itombi holitopa ya vlhtipo ya isht chukowa cha, isht ompoholmo ya hilechi cha, nan vlhpisa afohka, itombi holitopa ya ompohomo tok.

22. Micha aiimpa ya okla moma im aivtta ya anukaka vlhtipo ya falvmmi in tvnnvp ompoholmo ya kohcha yo hilechi tok.

23. Micha Chihowah yvt Moses a i miha tuk mak o, pvaska ya Chihowah itikba ya achukmalit talali tok.

24. Micha pvla aighikia ya okla moma im aivtta anukaka aiimpa ichapaka vlhtipo ya im okamahli in tvnnvp a hilechi tok;

25. Micha Chihowah yvt Moses a i miha tuk mak o, pvla ha Chihowah itikba a palali tok.

26. Micha tvli holisso lakna alta ya okla moma im aivtta isht ompoholmo itikba ak o hilechi tok.

27. Micha Chihowah yvt Moses a i miha tuk mak o nabalama aionochit hukmi tok.

28. Micha vlhtipo okhissa takali hilechi tok.

29. Micha Chihowah yvt Moses a i miha tuk mak o, aionochit hukmit im issa alta, okla moma im aivtta vlhtipo okhissa ya bilika hilechi cha, hukmit im issa, micha ilhpak im issa onochit im issa tok.

30. Micha ampo chito ya okla moma im aivtta, micha alta itin takla hilechi cha, ai ibbachefa chi hosh oka vni tok.

31. Micha Moses, micha Alon, micha ushi vhleha aiena ibbak, micha iyi aiena ka yvmmak aiachefa tok.

32. Chihowah yvt Moses a i miha tuk mak o, okla moma im ai vtta chukowakmt, micha alta ya bilika onakmt, ibbachefa beka tok.

33. Micha vlhtipo, micha alta apakfoyupa ka wanuta ya hilechi mt, wanuta okhissa takali ya hilechi tok. Yvmohmi hosh Moses vt natoksvli a atahli tok.

34. Yohmi ma hoshonti vt okla moma im aivtta ya ompoholmo ma, Chihowah im aholitopa vt vlhtipo ya alo-toa tok.

35. Mihma okla moma im aivtta ya hoshonti vt ompoholmo hatuk o, micha Chihowah im aholitopa vt vlhtipo a alotoa hatuk o Moses vt chukowa he keyu tok.

36. Atuk o vlhtipo paknaka ya hoshonti hash ai ishit vba ishtia ma, Israel im vlla vhleha hvt anowvt aya moma ka mahaya tok.

37. Amba hoshonti ha vba isht ik aiyokma, ik aiyo tuk osh, nitak nana ka vba ishtiak mak o beka tok.

38. Israel in chukachvfa moma kvt nowvt ayvt ont hlo-pulli moma ka pisa ho Chihowah i hoshonti hvt nitak ma, vlhtipo ya onvtoyula tuk osh, ninak ma, luak osh onvtoyula beka tok oke.

LEFITIKUS HOLISSO.

1

2

3

MOSES I HOLISSO ATUKLA KUT

LEFITIKUS HOHCHIFO HOKE.

CHAPTA I.

MIHMA Chihowah yvt Moses a i howa cha okla moma im vlhtipo ya et im anumpulit,

2. Israel im vlla vhleha ha im anumpulit, Hatak hvsh kanima hosh nan im issa ya Chihowah isht hvsh im onakmt, na hvsh im issa, vlhpoa hochito ai ishit wak, micha vlhpoa chipunta ya isht hvsh im onashke.

3. Mikmt nan im issa yvt vlhpoa hochito ai ishit na hukmit im issa hokmt nakni yosh ai okpuloka iksho ho im issashke, ilap ahni hosh Chihowah itikba okla moma im vlhtipo okhissa yak o ai im issashke.

4. Micha na hukmit im issa noshkobo ha, ibbak isht om bitepashke. Micha im aiokpuchi na, isht im vlhtoba hi oke.

5. Mikma wak hobvk ash Chihowah itikba ai vba hi oke; mihma na holitopa isht gsha Alon ushi vhleha hvt issish a isht vla cha, issish ash alta, yvmmt okla moma im vlhtipo okhissa bilika hikia ka o fimmit fullohlichashke.

6. Micha na hukmit im issa ya hlufi cha bvshlit tahla hi oke.

7. Mikma na holitomp isht vtta Alon ushi vhleha hvt alta ya luak onochi cha achukmalit luak a iti onochashke.

8. Mikma na holitomp isht gsha Alon ushi vhleha hvt, tptua, noshkobo micha nia aiena ka luak vt alta on gsha iti on gsha ka paknaka ya achukmalit onochashke.

9. Amba ikfoka, iyi aiena kvno, oka isht achifa hi oke: mihma na hukmit im issa Chihowah i balama achukma lua yo naholitopa isht vtta yvt mominchit alta onochit hukma hi oke.

10. Micha nan im issa kvt nan vllhpoa chipunta chukfelhpoa, keyukmtv issi kosoma yō hukmit im issak mvt, nakni yosh ai okpuloka kvt iksho hō isht vlashke.

11. Micha Chihowah itikba alta yā falvmmi in tvnnvp o ai vbashke; micha na holitompā isht āsha Alon ushi vhleha hvt issish ā alta yā o fimmit fullohlichashke.

12. Micha noshkobo micha nia aiena kā bvshlit tahlashke. Mikma na holitopa isht vttā yvt alta yā luak on āsha na iti vt o āsha kā achukmalit onochashke.

13. Amba ikfoka micha iyi aiena kvno oka isht achifashke, micha na holitompā isht vttā yvt mominchit isht vla cha alta yā onochit hukmashke; na hukmit im issa luak ishit hukmit im issa Chihowah yā nan i balama achukma yoke.

14. Micha na hukmit im issa yā Chihowah yā nan im issa kvt, hushi yokma, nan im issa yvt pvchi yvshoba, keyukmtv pvchushi yō isht vlashke.

15. Mikma na holitopa isht vttā yvt alta bilika isht ona cha, noshkobo hā shvnnit tvbli cha alta yā onochit hukmashke; micha im issish ā shvnnit alta lapalika a hlatvblashke.

16. Micha impvffakchi yā naliteha aieninchit eshi cha alta lapalika i hvshi akochaka in tvnnvp, hituk chubbi aiasha bilika pilashke.

17. Micha sanahchi vt āsha moma hō pahlvllashke; yohmi kia ik ita hokofo kashke; mikma na holitopa isht vttā yvt alta yā luak on āsha kā mikma iti on āsha kā onochit hukmashke; na hukmit im issa luak ishit hukmit Chihowah nan i balama achukma yoke.

CHAPTA II.

MICHA kvna hosh ilhpak im issa Chihowah yā im issakmvt nan im issa kvt bōta tohbi lipehbi yā hi oke; micha bila yā on hlatvblikmtv filakinsen onochashke.

2. Mikmtv na holitompā isht āsha Alon ushi vhleha hā isht im onashke, mikma naholitompā isht vttā yvt bōta

micha bila, micha filakinsen moma aiena ibbak alota
ho eshi cha isht ithana yo alta onochit hukmashke.
wah nan i balama achukma yo luak ishit hukmit im
ashke.

Mikma ilhpak im issa atampa hokvto Alon micha ushi
a immi hashke; luak ishit hukmit Chihowah im issa
holitopa moma i shahli hoke.

Apaluska a nuna yo ilkpak im issa ya isht ishla hok-
vota tohbi lipehbi puska lumbo ik shatvmmo bila yvm-
shke, keyu hosh puska lapushki ik shatvmmo yokmvt
iht ahamashke.

Micha ilhpak ish im issa yvt ampo mahaia a nuna yok-
ota tohbi lipehbi toba hosh ik shatvmmo bila yvmmi
e.

Ish bushullichu cha bila ish on hlatvblashke: ilhpak im
oke.

Micha ilhpak ish im issa yvt ampo vlvvsha a nuna
rt bota tohbi lipehbi bila yvmmi yashke.

Ilhpak im issa yvt ilvppa chohmi puta kak o atoba ka
wah isht ish im onashke; atuk o na holitompa isht
a imakma yvmmak osh alta a hikia ka isht onashke.

Micha na holitompa isht vta yvt ilhpak im issa yash
t isht ithana yo ikbit alta onochit hukmashke; luak
hukmit im issa Chihowah nan i balama achukma

Micha ilhpak im issa atampa kvv Alon, micha ushi
a immi ha hi oke; luak ishit hukmit Chihowah im issa
na holitopa moma i shahli hoke.

Ilhpak im issa nana kia Chihowah hvsh im issa kvv
omi ya he keyu hoke; luak ishit hukmit Chihowah
a nana kia shatvmmi, keyukmvt foi bila nana kia hvsh
a he keyu hoke.

Nawaya vmmoma im issa hokvno, Chihowah hvsh im
oke. Yohmi kia na balama yo alta ai on lua he ke-
ke.

Micha ilhpak hvsh im issa puta kvv hvpi ha hvsh
ichashke; ilhpak im issa ya Chihowah nan itim apesa

hupi ik ono kv̄t iksho kashke; nana hv̄sh im issa moma kv̄t hv̄pi aieninchit hv̄sh im issashke.

14. Micha ilhpak im issa na ch̄i waya v̄mmona ya Chihowah ya ish im issakmv̄t ilhpak im issa na ch̄i waya v̄mmona ya onush hiloha luak ishit shilvt onush noshkobo alota chilohka yashke.

15. Micha bila ish on hlatv̄bli cha filakinsen ish onochashke; ilhpak im issa yoke.

16. Mikma na holitopa isht vtta yvt isht ithana yō onush chilohka kashapa, micha bila kashapa, micha filakinsen moma aiena k̄ hukmashke; luak ishit hukmit Chihowah im issa yoke.

CHAPTA III.

MICHA nan im issa yvt itin nanaiyv̄chit im issa yokmv̄t, v̄lhpoa hochito ai ishit nakni yokma, tek okm̄a, nana hō im issakmv̄t, ai okpuloka iksho hō Chihowah itikba ai im issashke.

2. Nan im issa noshkoba h̄a ibbak isht ombitepa cha okla moma im v̄lhtipo im okhissa yak o ai vbashke: mikma na holitomp̄a isht āsha Alon ushi v̄hleha hv̄t issish ā alta o fimmit fullohlehashke.

3. Micha itin nanaiyv̄chit im issa illichit im issa yō luak ishit hukmit Chihowah im issa yō im issashke: ikfoka ompohomo nia, micha ikfoka ompoholmo nia momashke.

4. Micha haiyihchi tuklo micha nia yvt on āsha yvm̄vt ikfeka bilika āsha micha sv̄lakha i hlapa, micha haiyihchi aiena k̄ ishaskhe.

5. Micha Alon ushi v̄hleha hv̄t yv̄mma alta onochit hukmit isht aiokpv̄chi vt iti luak on āsha pakna on āsha k̄ a luacha hi oke, luak isht hukmit nan im issa yvt Chihowah i balama achukma yoke.

6. Micha nan im issa yvt itin nanaiyv̄chit im issa illichit im issa yvt v̄lhpoa hochito ai ishit nakni, keyukmv̄t tek okm̄a nana hokma, aiokpuloka iksho hō im issashke.

7. Chukfushi yo im issa hokmut Chihowah itikba ai im issashke.

8. Micha nan im issa tuk vt noshkobo ha ibbak isht ombitepa cha okla moma im vlhtipo itikba ai vbashke: mikma Alon ushi vhleha hvt issish a alta o fimmit apakfoyublashke.

9. Micha illichit im issa itin nanaiyvchit im issa luak ishit hukmit Chihowah im issa yo im issashke: i nia micha hasimbish vt moma, nvli foni ya ont tikelichit tvblashke: micha ikfoka ompohomo nia micha ikfoka nia moma,

10. Micha haiyihchi tuklo, micha nia yummvt ikfeka bilika asha ka, micha svlakha ya paknaka i hlapa haiyihchi aiena ka ishashke.

11. Mikma na holitompa isht vtta yvt alta onochit hukmashke: ilhpak im issa im ilhpak o luak ishit hukmit Chihowah im issa yoke.

12. Micha nan im issa yvt issi kosoma yokma, Chihowah itikba ai im issashke.

13. Micha noshkobo ha ibbak isht ombitepa cha okla moma im vlhtipo itikba ai vbashke: mikma Alon ushi vhleha hvt issish a alta o fimmit apakfoyublashke.

14. Micha nan im issa yvt luak ishit hukmit Chihowah im issa yo im issashke: ikfoka ompoholmo nia micha ikfoka nia moma ashaka.

15. Micha haiyihchi tuklo, micha nia yummvt ikfeka bilika asha ka, micha svlakha paknaka i hlapa micha haiyihchi aiena ka ishashke.

16. Mikma na holitompa isht vtta yvt alta onochit hukmashke; ilhpak luak ishit hukmit im issa na balama achukma yoke; nia moma kvv Chihowah immi hoke.

17. Nia micha issish aiena ka hvchik po ka he vt, hvchim ai unchuloli fullota ka nan vlhpisa, bilia yosh itoyula hi oke, im achi tok.

CHAPTA IV.

MICHA Chihowah yvt Moses a im anumpulit,
 2. Israel im vlla vhleha ha im anumpulit, Hatak osh
 ik ithano hosh nana ashvchit Chihowah i nan vllhpisa, yvm-
 mak oka yvmihcha he vllhpesa tuk keyu hosh yumma kani-
 ma kia kobuffikmvt.

3. Na holitompa isht vtta nan ahama tuk osh okla nan
 ashvchi ya yvmihchit ashvchikmvt, yohmikmvt nan ashvchi
 ya ashvchi tuk vt nan ashvchi im issa ya wak hobvk himita
 ai okpuloka iksho ho Chihowah isht im onashke.

4. Micha wak himita ya Chihowah itikba okla moma im
 vlhtipo okhissa ya isht onashke; micha wak hobvk noshko-
 bo ya ibbak isht ombitepashke: micha Chihowah itikba ya
 wak hobvk ash ai vbashke.

5. Mikma na holitompa isht vtta nan ahama tuk vt wak
 hobvk ash im issish a ai eshi cha okla moma im vlhtipo ya
 isht onashke.

6. Micha na holitompa isht vtta yvt ibbak ushi ya issish
 ash oka hilechi cha Chihowah itikba a holitopa natakali itik-
 ba ya issish a untuklo ha fimmashe.

7. Micha na holitompa isht vtta yvt issish kanohmi na ba-
 lama achukma a hukmi alta Chihowah itikba okla moma im
 vlhtipo anukaka hikia ka lapish a on lapalichashke; micha
 wak hobvk im issish moma ka ai onochit hukmit im issa al-
 ta, yummvt okla moma im vlhtipo okhissa hikia ka akishtv-
 la ya pit hlatvblashke.

8. Micha nan ashvchi im issa ya chi ka, wak hobvk ash i
 nia ya moma ishashke; ikfoka ya nia yvt ompoholmo ka,
 micha nia moma ikfoka ai asha ka,

9- Micha haiyihchi tuklo, micha nia yummvt ikfeka bilj-
 ka gsha ka, micha svlakha paknaka i hlaba, haiyihchi aiena
 ka ishashke.

10. Itin nanaiyvchit im issa illichit im issa wak hobvk a ai
 ishi tuk a chohmichit ishashke; micha na holitompa isht vtta
 yvt ai onochit hukmit im issa alta ya onochit hukmashke.

11. Micha wak hobvk ash hakshup, micha nipi moma noshkobo aiena, micha iyi aiena, micha ikfoka micha yvlhki aiena.

12. Wak hobvk ash mominchit bina kocha a kashofa, hituk chubbi ahlatapa ya isht ona cha iti onochit luak ishit hukmashke; hituk chubbi a hlatapa yak o a luashke.

13. Micha Israel okla moma kvv ik ithano hosh nana ashvchi hokma, mihma okla moma kvv in luma tuk, mihmvt Chihowah i nan, vhlhpisa ya yoshubit, nana kanohmi yvmmak oka yvmohma he vhlpesa tuk keyu hosh yvmohmi tuk;

14. Nan ashvchi ya ashvchi tuk vt akostininchikmvt okla hvt nan ashvchi tuk vt wak hobvk himita yo im issa cha okla moma im vlhtipo itikba isht onashke.

15. Mikma okla moma im asvnonchi vhleha hvt wak hobvk ash Chihowah itikba ya ibbak isht ombitepashke: mikma wak hobvk vt Chihowah itikba ai illashke.

16. Mikma na holitompa isht vtta nan ahama tuk vt wak hobvk ash im issish a okla moma im vlhtipo ya isht onashke.

17. Micha na holitompa isht vtta yvt issish kaniohmi ka ibbak ushi oka hilechi cha Chihowah itikba a holitopa natakali itikba fehna ka untuklo ha fimmashke.

18. Micha issish ash kaniohmi ka alta yvmmvvt Chihowah itikba okla moma im vlhtipo anyakaka hikia lapish a isht o fimmashke: Micha issish ash mominchit ai onochit hukmit im issa alta yvmmvvt okla moma im vlhtipo okhissa hikia akishtola ya pit hlatvblashke.

19. Micha i nia moma ka im aieshit alta onochit hukmashke.

20. Micha wak hobvk a nanashvchi im issa wak hobvk a yvmihchi tuk a chohmichit ilvppak kia yvmihchashke, mikma na holitompa isht vtta yvt i kashofikma i kashofashke.

21. Mikma wak hobvk ash bina kocha isht ona cha wak vmmona hukmi tuk vt chohmichit hukmashke; okla moma nan ashvchi im issa yoke.

22. Hatak pehlichy yosh nan ashvchi, ik ithano hosh Chitokaka in Chihowah i nan vhlhpisa achvfona ya kobuffit

nana kə a yvmihcha he vlhpesa keyu yvmihchi tuk ash nan ashvchikma;

23. Nan ashvchi yə ashvchi tuk vt ont nukfoyukakmt nan im issa yvt issi kosoma ushi nakni yosh ai okpuloka iksho hq isht vlashke.

24. Micha issi kosoma noshkoba hə ibbak isht umbitepa cha Chihowah itikba hukmit im issa ai vbi ak o ai vbashke: nan ashvchi im issa yoke.

25. Mikma na holitompa isht vtta yvt nan ashvchi im issa issish ə ibbak ushi isht eshi cha aionochit hukmit im issa alta lapish ə o lapalichashke: micha im issish ə aionochit hukmit im issa alta akisht vla yə ahlavblashke.

26. Micha itin nanaiyvchit im issa illichit im issa nia yə chohmichit nia moma kə alta onochit hukmashke: nan ashvchi tuk ə na holitompa isht vtta yvt i kashoffikma i kashofashke.

27. Micha okla hvt kanima hosh nana kə ikithano hosh nan ashvchi tuk nana kə ayvmihcha he vlhpesa keyu hq yvmihchi cha Chihowah i nan vlhpisa hə kobvffi tuk ash im ai əhlikmt;

28. Keyukmt nan ashvchi ashvchi tuk vt ithaiyanakmt, nanashvchi yə ashvchi tuk vt issi kosoma ushi tek ash ai okpuloka iksho hq nan im issa isht onashke.

29. Micha nan ashvchi im issa noshkoba hə ibbak isht umbitepa cha hukmit ai im issa ak o nan ashvchi im issa yo ai vbashke.

30. Mikma na holitompa isht vtta yvt issish ə ibbak ushi isht eshi cha ai onochit hukmit im issa alta lapish ə o lapalichashke: micha issish ə mominchit alta akishtula yə ə hlatvblashke.

31. Micha itin nanaiyvchit im issa illichit im issa nia ishi chatuk ə chohmichit nia moma kə ishashke: micha Chihowah i balama achukma ya chi kə na holitompa isht vtta yvt alta onochit hukmashke: micha na holitompa isht vtta yvt i kashoffikma i kashofashke.

32. Micha nan ashvchi im issa yo chukfushi isht onakmt tek ash ai okpuloka iksho hq isht onashke.

33. Micha nan ashvchi im issa noshkobo hā ibbak isht umbitepa cha nan ashvchi im issa mak o hukmit im issa ai vbi yā ai vbashke.

34. Mikma naholitompa isht vttā yvt nan ashvchi im issa issish ā ibbak pshi isht eshi cha ai o hukmit im issa alta lapish ā o lapalichashke: micha issish ā mominchit alta akishtvā yā ahlatvblashke.

35. Micha itin nanaiyvchit im issa illichit im issa chukfushi nia ishi tuk ā chohmichit nia moma kā ishashke: micha na holitompa isht vttā yvt luak ishit hukmit Chihowah im issa mak o yvmihchit alta onochit hukmashke: micha nanashvchi yvmihchi tuk ā na holitompa isht vttā yvt i kashoffikma i kashofashke.

CHAPTA V.

MICHA shilombish nan ashvchikmvt anumpa kvllo anumpuli kā haklo, na pisa yosh pīakmā, keyukmvt akostininchikma akaniohmikia, ik anolokmvt nan ashvchi vt onvtonlashke.

2. Keyukmvt shilombish osh nana liteha yō potoli, poa liteha illi okmā keyukmvt vīhpōa liteha illi okmā, keyukma na balahanli liteha yokmā nana hatuk oh kia, atuk osh ik ithano hatukmvt, yvmmak kia liteha cha nan ashvchi vt onvtonla hi oke.

3. Keyukmvt hatak liteha yō haleli tukma, liteha nana hō iaht litehvt liteha hatukma, atuk osh ik ithano tukmvt ithanakmvt nanashvchi vt onvtonla hi oke.

4. Keyukmvt shilombish osh nana ik achukmo micha nana achukma nana hoh kia, anumpa kvllo il onochit ila piti vībi • achit yvmihcha chī ikithano hosh miha hokmvt, atuk osh akostininchikmvt anumpa yvmmak ash achvfa kanima kā nan ashvchi im aighla hi oke.

5. Atukma yakohma hi oke: ilvppa achvfa kanima kā nan ashvchi tuk vt im ai āhlikmvt, nana yvmma ashvchi tuk vt il ai anolashke.

6. Mikmvt nan ashvchi yā ashvchi tuk vt yoshobvt nan

im issa ya vllhpoa shipunta tek o ai ishit chukfushi, keyak-mvt issi kosomushi yo issi kosoma ai ishit nan ashvchi im issa ya chi ho Chihowah isht im onashke : mikma nanashvchi tuk a naholitompa isht vtta yvt i kashofashke.

7. Atuk o yoshuba yvmohmi tuk vt chukfushi vt ik im iksho mvt, pvchi yoshoba tuklo, keyukmvt pvchushi tuklo ho Chihowah isht im onashke : achvfa hvv nan ashvchi im issa yokma, achvfa kvv hukmit im issa yashke.

8. Micha na holitompa isht vtta ya isht im onashke; mikma yummak osh tikba nan ashvchi im issa yak o im issvt noshkobo ha shvnnit tvblashke; yohmi kia ita pahlvlla he keyu hoke.

9. Micha nan ashvchi im issa issish a alta lapalika o fimmi cha, issish vt asha moma ka alta akishtvlla ya shvnnit hlatvblashke; nan ashvchi im issa yoke.

10. Micha atukla ka ayvmihchi chatuk a yvmihchit hukmit im issa yo im issashke : nan ashvchi ya ashvchi tuk a na holitompa isht vtta yvt i kashoffikma i kashofashke.

11. Amba pvchi yoshaba tuklo, keyukmvt pvchushi tuklo kvv ik im ikshokmvt, nan ashvchi tuk vt nan ashvchi im issa im issa kvv bota tohbi lipchbi efah kvshkoa isht pokoli ho isht onashke; bila yummicha he keyu, micha filakinsen onocha he keyu hoke; nan ashvchi im issa yoka.

12. Yohmikmvt na holitompa isht vtta isht im ona hi oke, mikma na holitompa isht vtta yvt ibbak alota achvfa ho ishi cha isht ithaiyana mak o alta onochit hukma hi oke; huk ishit hukmit im issa yvt ayvmihchit Chihowah im issa chatuk mak o yvmihcha hi oke : nan ashvchi im issa yoke.

13. Mikma nanashvchi achvfa ilvppa kanima ho ashvchi tukma naholitompa isht vtta yvt i kashoffikma i kashofashke; mikma atampa kvv ilhpak im issa chohmi naholitompa isht vtta immi hashke, ish im achashke, im achi tok.

14. Micha Chihowah yvt Moses a im anumpulit,

15. Shilombish osh na yoshoba yvmihchi, micha ik ithano hosh Chihowah i naholitopa ya im ashvchi tuk, yohmikmvt nayoshuba tuk vt na yoshoba im issa yo chukfushi nakni ai okpuloka iksho ho, ish hotihna ho tvli hvta shekel ka-

i, aholitopa shekel vllhpisa mak o Chihowah isht im ke.

Micha na holitopa okpuni tuk vt achukmalashke, kvshkoa ishit tahlapi ho apotali cha naholitompa isht ya imashke; mikma naholitompa isht vta yvt nani im issa yash chukfi nakni yash isht i kashoffikma i fashke.

Micha shilombish osh nan ashvchit Chihowah i nan hut olvbi tuk ilvppa kanima kia yvmihchikmvt ik o hatuk oh kia nan ashvchi vt im ai ahli cha nanashvtonvtuyula hi oke.

Na yoshoba im issa ya vllhpoa chipunta ai ishit chukfi ai okpuloka iksho ho ish i hotehna tuk a aieninchit litompa isht vta isht im onashke, mikma naholitompa vta yvt nan ik ithano hosh ashvchi tuk a na yoshoba a yash isht i kashoffikma i kashofashke.

Na yoshoba im issa yoke; Chihowah i yoshoba tuk i hoke, im achi tok.

CHAPTA VI.

ICHA Chihowah yvt Moses a im anumpulit,

2. Shilombish osh nan ashvchit Chihowah i yoshoba vmihchit isha chi ho nana ibbak fohki tuk, keyukmvt a yatuk o in chuka a bilika hatak o i holabi, keyukmvt ho afoa hosh im eshi, keyukmvt in chuka a bilika hahaksichi tuk;

Keyukmvt nana kvnia tuk o ahayuchi tuk osh yvma i, micha holabi hosh anumpa kvllo anumpuli, ilvppa a kanima ho hatak vt yvmihchi cha ai ashvchikmvt, Yohmikmvt yakohma hi oke, nan ashvchi tuk osh nan hi kv im ahli hokvt, nana im afoa hosh im eshi tuk vmminchashke; keyukmvt haksichi hosh ishi tuk, kevvt im isha chi ho ibbak fohki tuk, keyukmvt nana kvayuchi tuk,

Keyukmvt nana moma holabi hosh anumpa kvllo

anumpuli tuk osh yoshoba tuk vt nan im issa nita kmvt nana ka i falumminchashke; micha kvshkoa ishit tahlapi ho im a lapalichi cha kvna ho immi hatuk a imashke.

6. Micha na yoshoba im issa chi ho nan vlhpoa chipunta ai ishit, chukfi nakni ai okpuloka iksho ho ish i hotehna tuk a aieninchit, nayoshoba tuk vt im issa Chihowah isht im onvt naholitompa isht vtta ya isht im onashke.

7. Mikma naholitompa isht vtta yvt Chihowah itikba ai i kashoffa hi oke; micha yoshobvt nana moma yumihchi tuk vt i kashofashke, achi tok.

8. Mihma Chihowah yvt Moses a im anumpulit,

9. Alon micha ushi vhleha ha ish i mihvt, Ilvppet hukmit im issa i nan vlhpisa hoke. Alta ya onvtuyulvt luhuwa na, ninak vt ont hlopullit onna, micha alta ya luak vt a chieyvt luhuwa yoka, hukmit im issa yoke.

10. Micha na holitompa isht vtta yvt i linen na fohka ya ishit fohkashke, micha i linen obala fohka ya nipi ya ishit fohkashke; micha luak vt hukmit tahli tuk hituk chubbi, micha hukmit im issa aiena alta on asha ka eshi cha alta apotoa kak o ashachashke.

11. Mikmt i nafohka ya shufi cha nafohka inla ho ishit fohka cha, hituk chubbi bina kocha akashofa ho isht onashke.

12. Mikma alta ya luak on asha kv a luhuwa hi oke; mosholicha he keyu hoke; mikma na holitompa isht vtta yvt onnahinli momakma iti onochit hukmi cha hukmit im issa ya achukmalit onochi beka hi oke; micha itin nanaiyvchit im issa nia ya hukma hi oke.

13. Luak vt alta on chieyvt luhuwa na bilia hi oke, moshola he keyu hoke.

14. Micha ilvppak osh hukmit im issa nan vlhpisa hoke; Alon ushi vhleha hak osh Chihowah itikba alta aiasha ya ai im issa hi oke.

15. Micha ilhpak im issa bota tohbi, micha bila on asha tuk aiena, micha filakinsen ilhpak im issa on asha tuk moma aiena ka ibbak alota achvfa ho eshi cha na balama achukma ka isht ithaiyana mak o alta onochit Chihowah ya i hukma hi oke.

16. Micha atampa yano Alon micha ushi vhleha aiena hosh vpa hi oke; pvska ik shatvmmo aiena hō aholitopa ak o ai vpa hi oke; okla moma im vlhtipo i wanuta ya ai vpa hi oke.

17. Isht shatvmmi aienvt pvska he keyu hoke. Luak ishit hukmit im issa ya i kashapa mak o ima li tuk oke. Yvm-mvt nanashvchi im issa, micha nayoshoba im issa chihyuh-mit holitopa kvv moma i shahli hoke.

18. Alon im vlla vhleha ibafoka nakni moma kvv ai vpa hi oke. Luak ishit hukmit Chihowah im issa yvt hvchim ai unchuloli hā nan vlhpisa bilia ya chī hoke; potoli aiynkali kvv holitopa hi oke, im achi tok.

19. Micha Chihowah yvt Moses a im anumpulit,

20. Ilvppak osh Alon micha ushi vhleha im issa yosh nan ahama nitak fehnakmvt Chihowah im issa hi oke; ilhpak im issa bilia mak osh bota tohbi lipehbi efah kvshkoa ont ishit pokoli ho iklvnna kq onnahinlikma im issa hokmvt, opiakma iklvnna kq im issashke.

21. Ampo mahaia vlhto hō bila ishit yvm-micha hi oke; atuk osh palvskakma isht ish chukowa hi oke; micha ilhpak im issa palvskvt tushahli ya na balama achukma mak o Chihowah ish im issa hi oke.

22. Mikma ushi vhleha naholitompa isht vttā yvt vlhtobvt nan ahama tuk vt im issa hi oke. Chihowah i nan vlhpisa bilia hoke: momvt lua hi oke.

23. Ilhpak im issa na holitompa isht vttā ilap aiynka hokvt momvt lua hi oke; vpa he keyu hoke, im achi tok.

24. Mihma Chihowah yvt Moses a im anumpulit,

25. Alon micha ushi vhleha im anumpulit, Ilvppak osh nanashvchi im issa nan vlhpisa yoke; hukmit im issa ai vbi ak o nan ashvchi im issa ya Chihowah itikba ai vbashke; holitopa i shahli hoke.

26. Nan ashvchi hō im issa tuk, naholitompa isht vttā ak osh vpashke. Okla moma im vlhtipo i wanuta aholitopa ak o ai vpa hi oke.

27. Nana hosh nipi yash halelikmvt holitopa hi oke; micha yvmma issish vt nafohka nana hō ai o fimimpa tuk ma, ai o fimimpa tuk a aholitopa yak o ish ai achifashke.

28. Amba lukfi shuti ahonni tuk ano kola hi oke, micha asonak lakna yo ahonni tuk muno, kasholichi cha, oka isht achifa hi oke.

29. Naholitompa isht asha nakni moma kak osh vpa hi oke; holitopa i shahli hoke.

30. Mikma nan ashvchi im issa nana kia itin nanaiyvcha chi hosh issish a okla moma im vlhtipo aholitopa ya isht chukowa tuk a vpa he keyu hoke; luak ishit lua hi oke.

CHAPTA VII.

MICHA ilvppak osh yoshoba im issa nan vlhpisa hoke: holitopa i shahli hoke.

2. Hukmit im issa ai vbi ak o yoshoba im issa ya ai vba hi oke; mikma issish a alta o fimmit apakfobla hi oke.

3. Micha nia moma ka im issa hi oke: hasimbish micha nia yvt ikfoka ompoholmo aiena.

4. Micha haiyihchi tuklo, micha nia on asha yvmmvt ik-eksa bilika asha, micha i hlapa yvmmvt svlakha paknaka asha haiyihchi aiena ka ishashke.

5. Micha na holitompa isht vtta yvt luak ishit hukmit Chihowah im issa mak o alta onochit hukma hi oke; yoshoba im issa hoke.

6. Naholitompa isht vtta nakni moma kvv vpashke; a holitopa ak o ai vpashke, holitopa i shahli hoke.

7. Nanashvchi im issa yvt kaniohmi hatuk a yoshoba im issa yvt yohmi akinli hoke, nan vlhpisa im achvfa hoke: isht atobbichi tuk naholitompa isht vtta yak osh isha hi oke.

8. Hatak kvna hosh hukmit im issa ya naholitompa isht vtta yvt hukmit im issa ya im issa tuk naholitompa isht vtta fehna kak osh hakshup a il ai ishashke.

9. Apalvska ya apalvska tuk ilhpak im issa moma, micha ai vlwvsha, micha ampo mahaia ya a nunanchi tuk moma aiena kvv naholitompa isht vtta yvt im issa tuk mih fehna kak o immi hashke.

10. Micha bila aiyoma tuk micha shila, ilhpak im issa

moma ka Alon ushi vhleha moma kut itilau bieka hosh ishashke.

11. Micha ilvppak osh itin nanaiyvchit im issa, vbit im issa Chihowah im issa hi ya nan vlpisa hoke.

12. Yakoke, ahnit isht aiokpvchi yo im issakmt, yak oke ahnit isht aiokpvchi ya pska ik shatvmmo bila aiyoma yo, micha pska lapushki bila ahama, micha bota tohbi lipehbi pska bila aiyoma aienvt vlvvsha ho im issashke.

13. Pska yvmma im issakmt nan im issa ya pska shatvmmi, micha yakoke ahnit vbit im issa, itin nanaiyvchit im issa aieninchit im issashke.

14. Micha isht aiokpvchi ya moma kash achvfa ka Chihowah i weli yo im issa hi oke; mikma itin nanaiyvchit im issa issish a fimmi tuk naholitompa isht vtta kak o immi ha chi hoke.

15. Mikma yakoke, ahnit isht aiokpvchi vbit im issa itin nanaiyvchit im issa yash nipi ya im issa nitak mihmaklini ho vpashke; asha na onna he keyu hoke.

16. Amba anumpa il onochi tok ash im issa, keyukmt ilap ahnit im issa yokvno, vbit im issa yvt im issa mih nitak akinli ka vpashke, atukmt onna yak kia asha tuk a vpashke.

17. Amba vbit im issa nipi vt asha na nitak ont atuchina tuk vt, luak ishit lua hi oke.

18. Micha vbit im issa itin nanaiyvchi im issa nipi yash nitak ont atuchina ka ikpa nana kia im aiokpvcha he keyu, micha im issa tuk vt isht im vlpisa he keyu hoke; nan ishit yuwala hi oke; shilombish kvna hosh vpakmt ilap nan ashvchi onvtonla hi oke.

19. Micha nipi yosh nana liteha ya haleli tuk a, vpa he keyu, luak ishit hukma hi oke, micha nipi yokvno, kashofa moma kut vpa hi oke.

20. Amba shilombish nana hosh im a liteha yvt onvtonla hosh, vbit im issa itin nanaiyvchi im issa Chihowah immi ho vpakmt, shilombish yvmmak kia im okla ha ai i filvmmi flopa vpa hi oke.

21. Micha shilombish kvna hosh nana liteha, hatak liteha,

keyukmvt nampoa liteha, keyukmvt nan isht yuwala liteha nana kia potoli cha, vbit im issa itin nanaiyvchi im issa Chihowah immi ha vpakmvt, shilombish yvmma fehna kvt im okla im ai itin takla ya i filvmmmit fiopa tupa hi oke; ish im achashke, im achi tok.

22. Mihma Chihowah yvt Moses a im anumpulit,

23. Israel im vlla vhleha ha im anumpulit, Wak nia, keyukmvt chukfi, keyukmvt issi kosoma nia nana kia hvshpa he keyu hoke.

24. Micha nampoa ilap inlit illi tuk nia, micha nampoa nana hosh niblit vbi tuk nia ya, nana kaniohmicha hinla, yohmi kia ik kaniohmi nana kia hvshpa he keyu hoke.

25. Kvna hoh kia nampoa nia, yvmmak oka hatak vt luak ishit hukmit Chihowah im issa chatuk a vpakmvt, vpa tuk shilombish fehna kvt im okla im ai itin takla i filvmmmit fiopa tupa hi oke.

26. Micha hvsh aiasha ya kanima kia hushi okma keyukmvt nampoa issish nana kia hvshpa he keyu hoke.

27. Shilombish kvna hosh issish kaniohmi kia vpakmvt shilombish yvmma fehna kvt im okla im ai itin takla i filvmmmit fiopa tupa hi oke, ish im achashke, im achi tok.

28. Mihma Chihowah yvt Moses a im anumpulit,

29. Israel im vlla vhleha ha im anumpulit, Kvna hosh vbit im issa, micha itin nanaiyvchi im issa ya Chihowah im issakmvt vbit im issa, micha itin nanaiyvchi im issa ya Chihowah hak o isht im onashke.

30. Luak ishit hukmit Chihowah im issa ya ilap ibbak akinli hosh isht ona hi oke, nia micha ikkishi aieninchit isht vlashke; yohmi na Chihowah itikba fahfuli mak o fahfulashke.

31. Mikma nia ya naholitompa isht vta yvt alta onochit hukmashke; amba ikkishi hvto Alon micha ushi vhleha hak o immi hashke.

32. Micha vbit im issa itin nanaiyvchi im issa ya wahlit im issa mak o fulup isht impak imma ya naholitompa isht vta yak o ish imashke.

33. Alon ushi vhleha ha kanima hosh itin nanaiyvchi im issa

issish micha nia aiena ka im issa hokvt mihi yosh fulup isht impak imma ya immi mak osh ishashke.

34. Israel im vlla vhleha im ai itin takla ya nan vlhpisa bilia mak o vbit im issa, micha itin nanaiyvchi im issa ya ai ishit fahfuli ikkishi micha wahli fulup a Israel im vlla vhleha im ai ishit naholitompa isht vtta, Alon micha ushi vhleha ha ima li tuk oke, ish im achashke, im achi tok.

35. Ilvppak osh Alon nan ahama tuk vt, micha ushi vhleha nan ahama tuk vt, luak ishit hukmit Chihowah im issa yvt naholitompa isht vtta ya Chihowah nan isht im vtta chi ho atokoli nitak ma immi toba tok oke.

36. Yvmmak oka im ai unchuloli hlopulli ka nan vlhpisa bilia mak o Chihowah yvt nan avmmi nitak mvt Israel im vlla vhleha hvt ima he im apesa tok oke.

37. Ilvppak osh hukmit im issa, micha ilhpak im issa, micha nanashvchi im issa, micha yoshoba im issa, micha hullochi im issa, micha vbit im issa itin nanaiyvchi im issa aiena nan vlhpisa mak o;

38. Chihowah yvt Moses a Sainai nvniha ha, Israel im vlla vhleha hvt Chihowah ya nan im issa chi ho i miha nitak mvt Sainai yakni haiaka ya ai im apesa tok mak oke.

CHAPTA VIII.

MIHMA Chihowah yvt Moses a im anumpulit,

2. Alon micha ushi vhleha aieninchit, micha nafohka ya micha isht ahama bila aieninchit, micha nanashvchi im issa mak o wak hobvk, micha chukfi nakni tuklo, micha poska ik shatvmmo kishi achvfa aiena ho ish ishashke.

3. Mich a okla moma hoyot okla moma im vlhtipo okhissa ya ish ai itvnashke, im achi tok.

4. Mihma Chihowah yvt ai i miha tuk mak o, Moses vt yvmihchi tok; mihma okla hvt okla moma im vlhtipo okhissa ya ai itvnaha tok.

5. Mihma Moses vt okla moma ka, Ilvppak osh yvmohma chi ho Chihowah yvt miha tok oke, im achi tok.

6. Mihmut Moses vt Alon micha ushi vhleha isht vla cha oka isht achifa tok.

7. Micha nafohka ya fohkachechi mut vskofvchi ya vskofachechi cha nafohka holitompa fohkachechi mut efot a fohkachechi tok; micha vskofvchi inla fehna efot¹ atakali yash isht vskofvchechi tok.

8. Mihmut ikkishi alata yash i nuchechi tok, micha ikkishi alata yash Ulim micha Hlummim aiena ka lapalichi tok.

9. Micha iahlipa hash noshkobo ha on talali tok, micha iahlipa ha ibitakla fehna ka tvli lakna patvssa bitah holitopa yo lapalichi tok. Chihowah yvt Moses a i miha tuk mak o yohmi tok.

10. Micha Moses vt isht ahama bila ya eshi cha, vltipo micha nana anukaka asha tuk moma ka ahvmmi cha hullochi tok.

11. Micha alta ya untuklo ha isht o fimmi tok, micha alta, mikma nan im ai vlhto moma, ampo mahaia chito, iyi aiena ka hullocha chi hosh ahvmmi tok.

12. Micha Moses vt hullocha chi hosh isht ahama bila ya Alon noshkobo ha on hlatvbli tok.

13. Micha Chihowah yvt Moses a i miha tuk mak o Moses vt Alon ushi vhleha ha isht vla cha nafohka fohkvchechi mut, vskofvchi ya vskofvchechi cha shapo ya shapolechi tok.

14. Micha nanashvchi im issa mak o wak hobvk a isht vla tok; mihma Alon micha ushi vhleha hvv nan ashvchi im issa mak o wak hobvk noshkobo ha ibbak isht umbitepa tok.

15. Mihma vbi tok; mihma Moses vt issish a eshi cha itin nanaiyvcha chi mak osh alta lapish a ibbak ushi isht o fimmit fullohlechi cha, alta ya kashoffi mut, hullochit issish ash alta akishtvla ya a hlatvbli tok.

16. Micha ikfoka nia yvt on asha tuk moma, micha svlakha paknaka ya i hlapa, micha haiyihchi tuklo, micha i nia moma ka eshi cha Moses vt alta onochit hukmi tok.

17. Amba wak hobvk ash, micha hakshup, micha nipi micha i yvlhki aiena kvno, Chihowah yvt Moses a i miha tuk mak o binah ha kocha ya luak ishit a hukmi tok.

Micha hukmit im issa mak o chukfi nakni a isht. vla nihma Alon micha ushi vhleha hvt chukfi nakni yash obo ha ibbak isht umbitepa tok.

Mihma vbi tok: mihma Moses vt issish a alta ya isht nit fullohlechi tok.

Micha chukfi nakni yash bvshlit tahli tok; micha vt noshkobo, micha tushahli, micha nia aiena ka huk-

Micha takoba, micha iyi aiena ka oka isht achifa nicha Moses vt chukfi nakni yash mominchit alta onoukmi tok, na balama achukma mak o vbit im issvt, micha luak ishit hukmit Chihowah im issa tok; Chiyvt Moses a i miha tuk mak o yvmohmi tok.

Micha chukfi nakni achvfa, hullochi chukfi nakni ya a tok; micha Alon micha ushi vhleha hvt chukfi nakhkobo ha ibbak isht umbitepa tok.

Mihma vbi tok; micha Moses vt issish a eshi cha haksobish wishakchi, micha isht impakimma ibbak micha isht impakimma iyi ishki aiena ka o lapalichi

Micha Alon ushi vhleha ha isht vla cha Moses vt ish isht impakimma haksobish wishakchi, micha isht immma ibbak ishki, micha isht impakimma iyi ishki ka o lapalichi tok; micha Moses vt issish ash alta ya fimmit fullohlechi tok.

Micha nia, micha hasimbish, micha anyakaka nia gaha micha svlakha paknaka i hlapa micha haiyihchi tuklo, i nia, micha fulup isht impakimma aiena ka ishi tok.

Micha pvska ik shatvmmo kishi vlhto, Chihowah talaia tuk a pvska ik shatvmmo achvfa ai ishit, micha bila yvmmi, micha pvska tapvski achvfa aiena ka eshi a yash onochi mvt, fulup isht impakimma ya onochi

Mihmvt moma ka Alon ibbak a fohki cha, ushi vhleak fohki mvt, fahfulit im issa mak o Chihowah itikba tok.

Mihma Moses vt ibbak a akohchit im eshi cha ai o

hukmi alta ya onochit hukmi tok, na balama achukma hul-
lochi ya tok; luak ishit hukmit Chihowah im issa yoke.

29. Micha Moses vt ikkishi ha eshi cha fahfulit im issa
mak o Chihowah itikba fahfuli tok, yummvt hullochi chukfi
nakni ya Moses ak o immi hatuk oka, Chihowah yvt Moses
a i miha tuk mak o yvmohmi tok.

30. Micha Moses vt isht ahama bila ya micha issish vt
alta on asha tuk a eshi cha, Alon micha i nafohka ya o
fimmi mvt, micha ushi vhleha, micha ushi vhleha i nafohka
ya o fimmi tok; micha Alon micha i nafohka, micha ushi
vhleha micha ushi vhleha i nafohka ya aieninchit hullochi
tok.

31. Micha Moses vt Alon a micha ushi vhleha ha Okla
moma im vlhtipo okhissa yak o nipi ya hvsh a honashke,
micha yummak o, Alon micha ushi vhleha aienvt ai vpash-
ke, achi li tok mak o, yummak o hullochi pvska kishi alhto
aieninchit hvshpashke.

32. Micha nipi, micha pvska aiena kvv asha moma ka lu-
ak ishit hvsh hukmashke.

33. Micha okla moma im vlhtipo okhissa ya nitak untuk-
lo itin takla ka hvchi hullochi nitak vt ont ik taho kisha ka,
hvchik kohcho kashke nitak untuklo ho hvchi hullocha chi
hoke.

34. Hvchi kashoffa chi hosh himak nitak a yvmihchi tuk
vt yohma chi Chihowah yvt miha tuk oke.

35. Yvmohmi hoka nitak micha ninak moma ka okla
moma im vlhtipo anykaka hvsh asha na nitak untuklashke,
micha Chihowah yvt atokolit miha tuk a hvsh holitoblash-
ke; yohmi hosh ik hvchillo kashke; yummak o a miha tuk
oka; im achi tok.

36. Yvmohmi ma Chihowah yvt Moses a tohnot i miha
tuk mak o, Alon micha ushi vhleha aiena kvv nana moma
ka yvmihchi tok.

CHAPTA IX.

MOHMI ma nitak ont isht untuchina ma, yakohmi ok; Moses vt Alon micha ushi vhleha, micha Israel ichi vhleha aiena ka pit hoyo tok.

dihmut Alon a, Nan ashvchi im issa chi mak o wak imita ya, micha nahukmit im issa chi ho, chukfi nak-pulo iksho ho ish ieshi cha Chihowah itikba ya ish ishke.

Mikmut Israel im vlla vhleha ha im anumpulit, nan u im issa chi mak o, issi kosomushi ya hvsh ishashke; nahukmit aiokpvcha chi ho, micha wak ushi, micha lhpoa ushi aiokpulo iksho ho afvmmi vmmona bika h ieshashke.

Yvmohmikmut itin nanaiyvchi im issa ya Chihowah ya vbit isht ai okpvchi ya wak hobvk, micha chukfi a nan ilhpak im issa bila itaiyuma ka aieninchashke; nitak a Chihowah yvt auet hvchim otvna chi hoka, hashke, achi tok.

Mikma Moses vt nana im apesa tuk ak o okla moma in kel itikba ya isht aivla tok; mihma okla moma kut vlla cha Chihowah itikba ya ita hielit tok.

Yohmi ma Moses vt nana hvsh yvmihcha he Chihowah hvchim apesa tok a ilvppak oke; yohmikma Chihowah ht im a holitopa yvt hvchim a haiaka hi oke, achi tok.

Mihmut Moses vt Alon a, Alta ya ish ona cha, nan ashvchi im issa, micha chin nahukmit im issa mak o issa hi oke; yohmi cha chishno inli, micha okla aie-lla tuk mak o, nan isht a kashofa ish im ikba hi oke; ami cha okla puta nan im issa ya ish ema cha, Chihovt achi tuk mak o, nan isht i kashofa ka ish im ikba hi m achi tok.

Yohmi ka Alon vt alta ya ona cha nan ashvchi im issa ushi ilap immi atuk mak o vbi tok.

Mihma Alon ushi vhleha hvv issish atuk a isht im ona mihma yvmmut ibbak ushi a issish ash a oklubichi tuk

osh alta lupish puta kə on lapalichi cha, alta akishtvla ya is-
sish ə vhlavbli tok.

10. Amba nia, micha haiyihchi, micha nanashvchi im issa
svlakha paknaka onhlepa, yvmma Chihowah yvt Moses ə im
apesa tuk mak o, alta paknaka ya a hukmi tok.

11. Micha nipi, hakshup aiena kə vlbina akohcha kə huk-
mi tok.

12. Micha na hukmit im issa ya vbi tok; mihma Alon
ushi vhleha hut issish atuk ə ima tok, mihma yvmmvt alta
ai apakfopa ai o fimmi tok.

13. Yvmohmi cha na hukmit im issa im ita kvshkoa, mi-
cha noshkobo aiena kə ima tok; mihma alta paknaka ya ai
o hukmi tok.

14. Micha takba foka, iyi puta aiena kə achefvt tahli cha
nahukmit im issa alta ai onochi cha hukmi tok.

15. Micha okla puta nan im issa ya isht vla cha issi ko-
soma, yvmmvt okla puta nan ashvchi im issa yoka vbi cha
vmmona chohmi tuk o, nan ashvchi im issa atukmak o
chohmichit im issa tok oke.

16. Micha na hukmit im issa isht vla cha ayohmi chatuk
vlhpesa hq im issa tok.

17. Yvmohmi cha nan ilhpak im issa ya isht vla cha ib-
bak alota achvfa hq ishit alta paknaka onochit onnahnli na-
hukmit im issa ya aieninchit hukmi tok.

18. Okla moma nan im itin nanaiyvchi vbit isht aiok-
pvcha he ə wak hobvk, chukfi nakni aiena kə vbi tok;
mihma Alon ushi vhleha hut issish ə ishit ema na, alta pak-
naka aiapakfoblit o fimmi tok.

19. Wak hobvk micha chukfi nakni nia, hasimbish,
haiyihchi, takba foka isht ompoholmo, svlakha on hlepa ya
ima tok.

20. Mihma nia ya ikkishi onochi tok; mihma nia yash
alta paknaka ya ai o hukmi tok.

21. Mihma Alon vt ikkishi micha fulup isht impakimma
ita tuklo na wali im issa chi mak o, Moses vt apesa tuk
mak o, Chihowah itikba ya wali tok.

22. Mikmvt Alon vt ilap ibbak ə okla hq vba pit i weli

kpali tok; nan ashvchi im issa, na hukmit im issa, itin nanaiya im issa imihisvt tahli mvt ai i filvmmmit tok.

Yohmi ma Moses micha Alon ita tuklot okla moma nekel a iba chukowa tuk osh kohcha mvt, okla hash i tok.

Yvmohmi ma luak osh Chihowah itikba ya vttvt cha nahukmi im issa micha nia vt alta onvttoyula ka tok; yvmmak o okla hvt pisa mvt shakapa cha na-ya aka isht hlipkaiyachi tok.

CHAPTA X.

K o Alon ushi Netab micha Abihu vt nabalama a ukmi ishi bika cha luak a fohki mvt nabalama ya cha, yvmmak oka i miha tuk keyu ka luak inla Chiy a im issa tok.

lihma luak vt Chihowah ya a minti hosh kohchvt ivt tahli na Chihowah itikba ai illi tok.

ohmi ma Moses vt Alon a, Ilvppak o Chihowah yvt alit, A bilika vla ka a holitopa la chi hoke. Mich a ma itikba a holitopa la chi hoke, achi tuk mak oke, i tok. Mihma Alon vt nan ik acho ki tok.

lihma Moses vt Alon imoshi Ussiel ushi Mishael misafan a hoyo cha, Bilika hvshla cha hvchitibapishi ha okla moma im vlhtipo itikba ai ishit binah ha isht hvsh onashke, im achi tok.

ohmi ho Moses vt achi tuk mak o, bilika ona cha i a ya foka ho binah ha kocha isht ona tok.

ihma Moses vt Alon, micha ushi Eliesa micha Ihla-chi noshkobo o hlipa ya hvchik shufo kashke, micha afohka ya hvchik hlilvffo kashke; hvch illi na, mi-ai i nukkilli vt okla moma ka onvtuyula na: amba bapishi vhleha Israel in chukachvfa moyuma kvv luak owah yvt oti tuk ak o chitoli hosh yaiyashke.

icha okla moma im vlhtipo okhissa ya i filvmmmit hv-

chik ayo kashke, hvch illi ná; nan isht ahama Chihowah i bila yvt hvchi onvtonla hokvt, im achi tok. Mihma Moses im anumpa hatuk mak o okla yvmohmi tok.

8. Mihma Chihowah yvt Alon a im anumpulit,

9. Chishno micha chiso vhleha hvsh aiena kvt okla moma im vlhtipo ya hvsh chukowakmvt oka paki, micha nan ishko kvlo aiena ka hvchik ishko kashke, hvch illi ná, ilvppvt hvchi ai unchuloli hlopulli ka nan vlhpisa bilia ya chi hoke.

10. Yvmohmikma naholitopa, micha nan ik holitopa, micha nan ik kashofa, micha nana kashofa ya hvsh itim inlvchashke.

11. Yvmohmi hosh Chihowah yvt Moses a tohnot ai im anumpohonli tok nan vlhpisa moma ka Israel im vlla vhleha ha hvsh im abahanchashke; im achi tok.

12. Mihma Moses vt Alon micha ushi okchaya moma tuk Eliesa micha Ihlama aiena ka im anumpulit, Ilhpak im issa luak ishit hukmit Chihowah im issa asha moma tuk a hvsh eshi cha isht shatvmmi vt iksho ho alta bilika hvsh ai vpashke: holitopa i shahli yoke.

13. Ilvppvt vbit luak ishit hukmit Chihowah im issa puta ak o ai ishit chimmi, micha chiso vhleha immi hatuk okvt, a holitopa ak o hvsh ai vpashke, yvmmak o a miha tuk mak oka.

14. Micha fahfuli ikkishi micha wahli fulup a akashofa ho chishno, micha chiso vhleha, micha chisotek vhleha aienvt hvsh ai vpashke: itin nanaiyvchi im issa vbit im issa Israel im vlla vhleha hvt ima tuk akohcha kvt chimmi micha chiso vhleha aienvt immi hatuk okvt.

15. Fahfulit ikkishi im issa ya Chihowah itikba fahfula chi kvt, wahli fulup, micha fahfuli ikkishi ha luak ishit hukmit im issa nia ya aieninchit isht vlashke; yohmi ka Chihowah yvt miha tuk mak o yvmvmt chimmi micha chiso vhleha immi nan vlhpisa bilia ya chi hoke, im achi tok.

16. Atuk o Moses vt nan ashvchi im issa issi kosoma ya achunanchit hoyo ma, Yakeh, lua tuk atok: mihma Alon ushi vhleha okchaya moma tuk, Eliesa micha Ihlama ya i nukhobela cha,

Nanta katiohmi hō nanashvchi im issa, aholitopa ya k ai apo tuk oh cho? holitopa i shahli hatuk, micha ioma nan ashvchi ya Chihowah itikba hvsh a shaiyala icha isht hvsh i kashoffa chi aiena hō Chitokaka yvt ma hatuk oka.

Yakeh, issish a aholitopa anukaka isht ikloshke hvchi i tuk mak o aholitopa ya hvsh ai vpa mvhla he tuk n achi tok.

Mihma Alon vt Moses a, Yakeh, himak nitak nan i im issa, micha hukmit im issa aiena ka Chihowah ai im issa tuk oke; atuk o nana yakohmi kak osh si vshke: atuk osh himak nitak a nan ashvchi im issa tuk ma, Chihowah yvt aiokpvcha he tuk oh cho? im ok.

Atuk o Moses vt yvmma haklo mvt, im vhpesa tok.

CHAPTA XI.

HMA Chihowah yvt Moses micha Alon itatuklo ka im anumpulit, slael im vlla vhleha ha im anumpulit, nampoa yakni ka aiasha moma ka, nampoa ilvppa puta kak o hvsh oke.

Nampoa puta ka nana hosh iyakchush vt iti filvmmi, chulakto cha, hvshuk vpa tuk vt falvmminchit kohopasa ak o hvshpa hi oke.

Yohmi kia ilvppa puta kak o hvshuk vpa tuk vt falvmit kohchi cha hopasa yoh kia, micha iyakchush chuyoh kia, hvshpa he keyu hoke. Kamel a chohmi ka k vpa tuk vt kohchi cha hopasa kia, iyakchush a chukeyu hokvt, hvchin liteha hoke.

Micha chukfi hvshuk vpa tuk vt falvmminchit kohchit a kia iyakchush a ik chuhlvffo hokvt hvchin liteha hoke. Michi puta kuta hvshuk a vpa tuk vt falvmminchit it hopasa kia iyakchush a ik chuhlvffo hokvt hvchin hoke.

11. 100.

10. Micha isht okyohli micha hakshup fachula ik in iksho moma okhvta micha okhina aiasha, oka ai itvnow moma, nana okchaya nana hoh kia oka aiasha kvv hvcl yuwala ya hi oke.

11. Isht hvchi yuwala he mak oke ; nipi ya hvsh pa h keyu, amba nipi illi yvt isht hvchi yuwala hi oke.

12. Nana hosh isht okyohli micha hakshup fachula ik in iksho hosh, oka aiashakmvt mihi yosh isht hvchi yuwal hi oke.

13. Micha hushi puta ka ilvppak osh isht hvchi yuwal hi oke, vpa he keyu ; ishit yuwala hoke, Ussi micha oss flech (okhvta ussi) micha osple, (ussi nvni vpa)

14. Micha fvta, micha kait im aiachvfa,

15. Fvta chito moma im ai achvfa,

16. Micha opah : micha oksup-ibafohli, micha kuku mich bigkak im ai achvfa.

17. Micha opah iskitini, micha kamolant micha opa chito.

18. Micha okak, micha chilantakoba micha kia-ussi.

19. Micha stok micha itikushayaiya (hushwak) im : achvfa, micha lapwin, micha halambisha aiena ka hvshpa h keyu, hoke.

achufa, micha hawa yushmilali ilap ai achufa micha shushi pitta ilap ai achufa, micha hatuffo ilap ai achufa aiena kak se.

23. Amba naheli balahanli inla iyi im ushta moma kut an isht hvchi yuwala ya chi hoke.

24. Micha iluppa puta kak o isht hvchi liteha hi oke. vna hosh yvmma illi ya halelikmvt litija na, ont opia hi se.

25. Micha kvna hosh illi yvmma kaniohmi ho sholi hokvt i nafohka ya achifa cha litija na, ont opia hi oke.

26. Nampoa hvv iyakchush iti filvmmichi, micha iyi ahlata keyu hosh hvshuk vpa tuk vt falvmminchit kohchit opasa keyu puta haknip illi yvt hvchin liteha hoke.

27. Micha nampoa iyi ushta ishit nohwa ilaiyuka puta, ampoa nana hosh iyi puta ishit nohwa hokmvt yvmma uta kut hvchin liteha hoke: Kvna hosh haknip illi haleli okmvt litija na, ont opia hi oke.

28. Micha illi yvmma sholi tuk mvt i nafohka ya achifa ha litija na, ont opia hi oke; hvchin liteha yoke.

29. Iluppa puta aiena kak osh na balali yakni om balanli vt hvchin liteha hi oke: weasel, micha pinti micha ksi ilap ai achufa,

30. Micha fellet, micha kamelion, micha halanchilawa, nieha snail, micha yulhkun aiena kak a hi oke.

31. Iluppa puta balahanli puta kut hvchin liteha hoke. vna hosh illi tuk a halelikmvt litija na, ont opia hi ke.

32. Micha nana ho iti nan ai vlhto, keyukmvt nafohka, eyukmvt na hakshup, keyukmvt bahta, nan aivlhto nana ia, nan ai atahli chatuk o illi yosh onvtulakma, liteha hi ke; oka okvchi cha litija na ont opia hi oke; yohmi hosh ashofa hi oke.

33. Micha lukfi tvnna puta nan ai vlhto nana kia, nana osh alhto tuk o okatulakma liteha hi oke; mikma hvsh ola hi oke.

34. Ilhpak moma vpa he vlhpesa ho oka yvmma chohmi osh on hlatapakma yvmmak atuk vt liteha hi oke; micha

ien nokuto nena ni oke.

37. Micha illi yash kaniohmi hosh napehna
chin tuk a onvtulakma kashofa hi oke.

38. Amba napehna ya oka nana hosh o hlatapa
yash kaniohmi hosh onvtulakma hvchin liteha hi o

39. Nampoa nana hosh hvshpa hinla tuk os
kuna hosh illi yvmma halelikmtv litiha na, ont
oke.

40. Micha kuna hosh illi yash vpakmtv i na
achifa cha litiha na, ont opia hi oke; micha kuna
yash sholi tuk oh kia i nafohka ya, achifa cha liti
opia hi oke.

41. Micha na balali puta yakni paknaka ya o
vt nan ishit yuwala ya hi oke; vpa he keyu hoke.

42. Nana hosh ikfoka ishit nohowa, keyukmtv
ho ishit nohowa, keyukmtv na balali yakni om bal
iyi lana kvv i shalikma, yvmmak oka hvsh pa he
isht yuwala yoka.

43. Na balvlli balahanli chatuk nana kia, ishit y
hvsh il ikba he keyu, micha yvmmak oka isht hvsh
cha isht hvchi liteha he keyu hoke

44. Chitokaka hvchi Chihowah sia hoka, yvmol
hvsh ile hullochi cha hvchi holitonashka. holitona

puta oka ya ataya, micha nana puta yakni ya om balahan-
li aiena nan vlhpisa hoke.

47. Ik kashofo, micha kashofa, micha nampoa vpa he
vlhpesa ka, micha nampoa vpa he vlhpesa keyu ya ishit itim
inluchi yoke; hvsh im achashke, im achi tok oke.

CHAPTA XII.

MICHA Chihowah yvt Moses a im' anumpulit,
2. Israel im vlla vhleha ha im anumpulit, Ohoyo
hvt chakali cha vlla nakni yo eshikmut nitak untuklo ho ik
kashofo ka hi oke, liteha kvv ila filummi chatuk nitak itin
takla mak o ik kashofo ka hi oke.

3. Atuk o nitak ont isht untuchinakma vlla yvt hakshup
im tepashke.

4. Yomohmi ka ohoyo hash ot issish onvtoyulvt ile ka-
shofi kvv nitak pokoli tuchina akucha tuchina hi oke; ile
kashofi nitak vt ont ik taho kisha ho nana hullo nana kia
potola he keyu, micha vlhtipo holitopa ont chukowa he
keyu hoke.

5. Amba vlla tek o eshi hokmvt nitak hullo tuklo ho ik
kashofot ile filummicha hi oke; micha issish onvtoyulvt ile
kashofi kvv nitak pokoli hannali akucha hannala hi oke.

6. Micha vlla nakni, keyukmut vlla tek atuk o ile kashofi
nitak vt ont tahakma, hukmit im issa yo chukfushi
ifummi vmona, micha nanashvchi im issa yo pvchushi,
keyukmut pvchi yoshoba aiena ho okla moma im vlhtipo
okhissa isht onvt naholitompa isht vtta ya isht im ona hi
oke.

7. Mikma yummak osh Chihowah itikba ya ai im issa
cha; kashoffa hi oke. Mikma issish i yanali tuk vt kashofa
hi oke. Iluppvt nakni, keyukmut tek o eshi tuk vt i nan
vlhpisa hoke.

8. Yohmi ka chukfushi ya isht vla he keyukmut pvchi
yoshoba tuklo, keyukmut pvchushi tuklo ho isht vlashke;
achufa kvv hukmit im issa yokma, achufa kvv nanashvchi

im issa ya hi oke, mikma naholitompa isht vta yvt i kashoffikma, kashofa hi oke; ish im achashke, im achi tok.

CHAPTA XIII.

MICHA Chihowah yvt Moses micha Alon a im anumpulit,

2. Hatak nipi hakshup a shatali, hlachowa, keyukmtv tohbi hosh talaia, micha nipi hakshup a lapali kvv ililli leplosi vbi chohmikma, naholitompa isht vta Alon, keyukmtv ushi vhleha naholitompa isht asha achvfa isht im ona hi oke.

3. Mikma naholitompa isht vta yvt nipi hakshup ililli onvtonla kvv pisashke; atuk o ililli a lapali kvv hishi tohbit isht ia, micha ililli pisa kvv kolukbi kvv nipi hakshup inla kvv i shahlikmtv ililli leplosi yoke: mikma naholitompa isht vta yvt pesa cha ik kashofa, achashke.

4. Nipi hakshup tohbi chohmi tuk vt tohbikma, micha kolukbi kvv hakshup a i shahli keyu, micha hishi vt tohbi keyu, yohmikma ililli ishi tuk ash naholitompa isht vta yvt nitak untuklo hvv aboha fohkit im okhishta hi oke.

5. Atukmtv nitak isht untuklokma naholitompa isht vta yvt pisa hi oke: atuk o yakeh! ililli vt pisa kvv ont talaia cha ililli vt hakshup a chitot isht ik aiyokma, naholitompa isht vta yvt himakma nitak untuklo hvv aboha fohkit im okhishta hi oke.

6. Atuk mtv naholitompa isht vta yvt nitak ont isht untuklokma anonti pisa hi oke: atuk o yakeh! ililli hvv lusbi choyuhmi cha ililli hvv hakshup a chitot isht ik aiyokma, naholitompa isht vta yvt kashofa, acha hi oke: peh hlachowa yoke; mikma i nafohka ya achifa cha kashofa hi oke.

7. Amba kashofa chi hvv naholitompa isht vta yvt pisa ha ya hlachowa yvt hakshup a chito fehvt isht iakma, naholitompa isht vta yvt anonti pisa hi oke.

8. Atuk osh naholitompa isht vta yvt pisakma yakeh! ililli hvv hakshup a chitot isht ia hvv pisakmtv naholitompa isht vta yvt ik kashofa, acha hi oke, leplosi yoke.

9. Ililli leposi vt hatak a onvtoyulakma naholitompa isht vta ya isht im ona hi oke.

10. Mikma naholitompa isht vta yvt pisa hi oke, micha yakeh! shatali yvt hakshup a tohbi, micha hishi a tohbichi, nicha shatali yvt okchushbvt homima ho pisakmvt,

11. Leplosi sipokni yosh nipi hakshup a onvtoyula hoke; mihma naholitompa isht vta yvt ik kashofa, acha hi oke; micha ik im okhishto kashke, ik kashofa hoka.

12. Micha leposi yvt kohchvt nipi ya onvtoyulvt mahayakma, micha ililli onvtola tuk ash nipi moma ka ompoholmot noshkobo vttvt ia hosh iyi ya ont vlichikma, naholitompa isht vta yvt kanima yo a pesakmvt,

13. Yohmikmvt naholitompa isht vta yvt anukfillashke; atuk o yakeh! leposi yvt nipi ya mominchikma ililli onvtola tuk ash kashofa, achashke, momvt tohbit taha hoke; kashofa hoke.

14. Yohmi kia nipi okchaki yvt haiakakma ik kashofa ka hi oke.

15. Mikma naholitompa isht vta yvt nipi okchaki a pisa cha, ik kashofa, acha hi oke, nipi okchaki yvt ik kashofa yoka; leposi yoke.

16. Keyukmvt nipi okchaki yvt anonti inlv isht ia cha tohbi tobakma, naholitompa isht vta ya im ona hi oke.

17. Mikma naholitompa isht vta yvt pisa hi oke; mikma yakeh! ililli yvt tohbit tahakma naholitompa isht vta yvt ililli onvtola kash kashofa, acha hi oke: kashofa hoke.

18. Micha nipi yvmma hakshup a hichi vt talaia tuk osh vta hoke.

19. Micha hichi atalaia tohbi shatali, keyukmvt tohbi iskitinesi hosh talaia, tohbi micha homma chohmi hosh talaia tuk o naholitompa isht vta ya pisachi;

20. Atuk o naholitompa isht vta yvt pisakma, Yakeh! Kolukbi kv hakshup a ishahli, micha hishi vt tohbit tahakma, naholitompa isht vta yvt ik kashofa, achashke; ililli leposi yosh hichi ya a kuhla hoke.

21. Amba naholitompa isht vta yvt pisakma, yakeh! hishi tohbi kv iksho, micha kolukbi kv nipi hakshup inla

ya ik i shahlokma, amba lusbi choyuhmi; yohmikma naholitompa isht vta yvt aboha fohkit im okhishta na, nitak untukla hi oke.

22. Amba nipi hakshup a chitot isht i shahlit mahayakma, naholitompa isht vta yvt ik kashofa, acha hi oke, ililli hoke.

23. Amba tohbi talaia tuk vt atalaia tuk a talaia cha chitot isht ik aiyokma, hichi lua yoke; mikma naholitompa isht vta yvt kashofa, acha hi oke.

24. Keyukmvt hakshup a lvshpot hukmi fehna, nipi okchushba homma lua ya tohbi iskitini homma chohmi, keyukmvt tohbi hosh talaiaakma;

25. Yohmikma naholitompa isht vta yvt pisa hi oke; mikma yakeh! tohbi iskitini talaia ho hishi vt tohbit isht ia, micha pisa ka kolukbi kv nipi a i shahlikma, leposi yosh lua ka atobvt kohcha hoke, yvmohmi hoka naholitompa isht vta yvt ik kashofa, acha hi oke, ililli leposi yoke.

26. Amba naholitompa isht vta yvt pisa ma, yakeh! tohbi iskitini ka hishi tohbi kv iksho, micha kolukbi kv nipi inla ya ik i shahlokma, amba lusa chohmi; yohmikma naholitompa isht vta yvt nitak untuklo ho aboha fohkit im okhishtashke.

27. Atuk osh nitak ont isht untuklokma naholitompa isht vta yvt pisa hi oke; yohmikma nipi ya chitot isht i shahlit isht iakma naholitompa isht vta yvt ik kashofa, acha hi oke; ililli leposi yoke.

28. Micha tohbi iskitini talaia kv mihinli talaia cha, nipi ya chitot isht ik aiyo, amba lusa chohmikma lua shatali yoke; na holitompa isht vta yvt kashofa, acha hi oke; lvt homma yoke.

29. Hatak osh keyukmvt ohoyo hosh ililli hv noshkobo keyukmvt nutakhish a onvtolakma,

30. Yohmikma naholitompa isht vta yvt ililli ha pisa hi oke; mikma yakeh! pisa ka kolukbi kv nipi ya i shahlikma, micha hishi lakna tapvski chohmi hosh asha, yohmikma naholitompa isht vta yvt ik kashofa, acha hi oke; hla-

shila; leposi fehna hosh noshkobo, keyukmvt nutak-
utoyula hoke.

Micha naholitompa isht vta yvt ililli hlachowa ya
a, yakeh! pisa ka kolukbi kvv nipi ya ik i shahlo,
nishi lusa yvt iksho, yohmikma naholitompa isht vta
i hlachowa onvtonla tuk a nitak untuklo ho aboha
m okhishta hi oke.

Atuk osh nitak ont isht untuklokma naholitompa isht
t ililli yash pisa hi oke; mikma yakeh! ililli hla-
yvt chitot isht ik aiyo, micha hishi lakna kvv iksho,
pisa ka hlachowa hvv kolukbi kvv hakshup a ik i
ma,

[shafa hi oke; yohmi kia hlachowa yano shafa he
oke; mikma naholitompa isht vta yvt hlachowa ya
a nitak untuklo ho aboha fohkit im okhishta hi oke.

Atuk osh nitak ont isht untuklokma naholitompa isht
hachowa yash pisa hi oke; mikma yakeh! hlachowa
i ya chitot isht ik aiyo, micha pisa ka kolukbi kvv
ahlo, yohmikma naholitompa isht vta yvt kashofa,
oke; mikma i nafohka ya achifa cha kashofa hi oke.
Amba kashofa ha ya hlachowa yvt nipi ya chito feh-
ia,

Yohmikma naholitompa isht vta yvt pisashke; mik-
eh! hlachowa yvt nipi ya chitot isht iakma, naholi-
isht vta yvt hishi lakna hoya he keyu, ik kashofa

Amba hlachowa yash osh pisa ka mih achvfa talaia,
hishi lusa yvt yumma ai offokma, hlachowa yvt hla-
shofa hoke, mikma naholitompa isht vta yvt kasho-
i hi oke.

Micha hatak osh keyukmvt ohoyo hosh nipi hakshup
taloha, tohbi shohkauwanli taloha,

Yohmikma naholitompa isht vta yvt pisa hi oke;
yakeh! nipi a tohbi taloha kvv lusa chohmikmvt,
ki talaia yosh nipi ya toba hoke; kashofa hoke.

Micha hatak osh pashi yvt noshkobo ha achilofa cha
lali, yohmi kia kashofa hoke.

41. Micha kvna hosh noshkobo ha nashuka pilla hosh pashi yvt i chilofakmut ibitakla yushmilali hoke, yohmi kia kashofa hoke.

42. Micha noshkobo yushmilali, keyukmut ibitakla yushmilali ya blachowa tohbi homma chohmit talaiakmut; noshkobo yushmilali keyukmut ibitakla yushmilali ya leposi tobtv kohcha hoke.

43. Yohmikma naholitompa isht vttta yvt pisa hi oke; mikma yakeh! noshkobo yushmilali ya keyukmut ibitakla yushmilali blachowa shatali kvv tohbi homma chohmi leposi yvt nipi ya a haiaka chatuk a chohmikmut,

44. Hatak leposi onvtonla, ik kashofa hoke; naholitompa isht vttta yvt ik kashofa kvvohmi, acha hi oke; ililli hvv noshkobo hak o onvtola hoke.

45. Mikma ililli onvtonla tuk leposi vbi yash osh i nafohka yvt hlilafa cha noshkobo bieka hi oke, micha itivbi vba ya ompohomo cha payvt, Ik kashofa, Ik kashofa, ahan cha hi oke.

46. Ililli hvv onvtoyula nitak moyuma ka liteha hi oke; ik kashofa hokvt ilap banot ahanta hi oke; aivtta yvt binah ha kocha ya hi oke.

47. Micha nafohka ya ililli leposi vt onvtonla, chukfi hishi yokma, linen okma,

48. Linen osh keyukmut chukfi hishi yosh vpi tvnna yokma, keyukmut ishit tvnna yokma, nahakshup okma, keyukmut nahakshup osh nana toba yokma,

49. Ililli hvv okchamali chohmi, keyukmut homma chohmi hosh nafohka ya, keyukmut nahakshup, keyukmut vpi tvnna, keyukmut ishit tvnna, keyukmut nahakshup nana hvv onvtonlakmut, ililli leposi yoke; atuk o naholitompa isht vttta ya pisacha hi oke.

50. Mikma naholitompa isht vttta yvt ililli ha pisa cha ililli onvtonla tuk a im okhishta na nitak untukla hi oke.

51. Atuk osh nitak ont isht untuklokma nan ililli hash pisa hi oke; nafohka ya vpi tvnna ak okma; keyukmut ishit tvnna ak okma, keyukmut nahakshup ak okma, keyukmut nana hosh nahakshup ishit toba ak okma, nana hvv ililli hvv

chitot isht iakma, ililli hvt leplosi chilita yoke ; ik kashofa hoke.

52. Yohmi hoka chukfi hishi yosh, keyukmut linen osh vpi tunna, keyukmut ishit tunna, keyukmut nahakshup keyukmut nahakshup ishit toba yosh ililli hvt onvtonla nafohka yvumma hukma hi oke : leplosi chilita yoka, luak ishit luashke.

53. Atuk o naholitompa isht vtta yvt pisakma, yakeh ! nafohka ya vpi ponola yokma, keyukmut ishit tunna yokma keyukmut nahakshup nana ho ishit toba ya ililli hvt chitot isht ik aiyokma,

54. Yohmikma naholitompa isht vtta yvt ililli onvtonla nana kash achifa chi ka j miha cha, himakma nitak untuklo ho im okhishta hi oke.

55. Atukma ahchifa ha ya naholitompa isht vtta yvt pisa hi oke ; mikma yakeh ! ililli pisa kvv inlvt isht ik aiyo, micha ililli hvt chitot isht ik aiyokmut ik kashofa hoke ; luak ishit ish luacha hi oke ; noshkobo, keyukmut ibitakla yushmilali hokma, nana kia anukaka chilita yoke.

56. Micha naholitompa isht vtta yvt pisakma yakeh ! ahchifa ha ya ililli hvt lusa chohmikma, nafohka yash, keyukmut na hakshup ash, keyukmut vpi yash, keyukmut ishit tunna yash hlilvffit kohcha hi oke.

57. Atuk o anonti nafohka yash, keyukmut vpi yash, keyukmut ishit tunna yash, keyukmut nahakshup osh nato-ba yash haiakakmut ililli vlmoli yoke : ililli onvtonla yvumma luak isht ish hukma hi oke.

58. Micha nafohka ya vpi hokma keyukmut ishit tunna yokma ; keyukmut nahakshup osh nana kia toba tuk okma nana ish achifa tuk ash ililli hvt kvniakma, atukla ma vlvchifa cha kashofa hi oke.

59. Nafohka yvt chukfi hishi, keyukmut linen osh vpi yokma ; keyukmut ishit tunna yokma, keyukmut nahakshup isht atoba nana ho ililli hvt onvtoyula na, kashofa, acha he, keyukmut ik kashofa, acha hi ya, nan vlvhpisa hvt ilvppak oke, im achi tok.

CHAPTA XIV.

MICHA Chihowah yvt Moses a im anumpulit,
2. Iluppak osh leplosi vbi vt kashofa he nitak a nan
vlhpisa hoke; naholitompa isht vtta ya isht im ona hi oke.

3. Mikma naholitompa isht vtta yvt binah ha kohchvt ia
hi oke; micha naholitompa isht vtta yvt pisa hi oke;
mikma yakeh! lepa hatak leplosi vbi vt ililli leplosi onvton-
la tuk vt hlakofikma,

4. Yohmikma kashofa chi kash hushi kashofa okchaya
tuklo ho, micha chuahla iti, micha tishepa, micha hissop
aiena ho im esha hi ya naholitompa isht vtta yvt miha hi
oke.

5. Micha hushi yash achvfa hosh lukfi tunna nan aivlhto
fohka hosh oka kapvssa paknaka ai illa hi ya, mihashke.

6. Hushi okchaya yano, yvmma, micha chuahla iti micha
tishepa micha hissop aiena kash eshi cha yvmma micha
hushi okchaya yash, oka kapvssa paknaka ai illi tuk ash
issish a akvcha hi oke.

7. Micha kashofa chi kash untuklo ha o fimma hi oke,
micha kashofa, achi cha hushi okchaya oktak ashahbi ho
hikacha hi oke.

8. Micha kashofa chi kvv i nafohka ya achifa cha pashi
moma ka shafikmvt oka ya ilacheva cha kashofa hi oke; atuk
osh yohmi ha yosh binah ha onashke; micha nitak untuklo
ho binah ha kocha ya ahantashke.

9. Yohmi kia nitak ont isht untuklokma noshkobo pashi
ya mominchit micha nutakhish, micha im osana aiena mo-
minchit shafashke; peh i pashi mominchit shafashke; micha
i nafohka ya achifashke; micha nipi ya oka isht achifa cha
kashofa hi oke.

10. Micha nitak isht untuchinakma chukfushi nakni tuklo
aiokpulo kvv iksho, micha chukfushi tek afummi vmmoma
achvfa hosh aiokpuloka iksho, micha hukmit im issa mak o
bota tohbi lipehbi vlhpisa ishit pokoli tuchina hosh bila
aiyoma ho micha bila ampushi achvfa aiena ho isha hi oke.

11. Mikma kashoffa chin tuk naholitompa isht vtta yvt hatak kashofa chi kash, micha nana yvmma puta kash Chihowah itikba okla moma im vlhtipo okhissa ya isht onashke.

12. Micha na holitompa isht vtta yvt chukfushi nakni achvfa ka ishi cha na yoshobat im issa ya im issa chi, micha bila ampushi achvfa ka eshi cha fahfulit im issa mak o Chihowah itikba ya fahfulashke.

13. Micha chukfushi yash nan ashvchi im issa micha hukmit im issa aivba he aholitopa ak o ai vba hi oke; nan ashvchi im issa yvt naholitompa isht vtta immi hatuk a yvmmak inli chohmit nayoshobat im issa yak kia immi hoke; holitopa i shahli hoke.

14. Micha naholitompa isht vtta yvt tbanvblit im issa issish a eshi cha naholitompa isht vtta yvt kashofa chi kash haksobish isht impakimma wishakchi, micha ibbak isht impakimma ibbak ishki, micha iyi isht impakimma iyishki aiena ka lapalicha hi oke.

15. Micha naholitompa isht vtta yvt bila ampushi achvfa kash kanohmi ka eshi cha tosholit ilap ibbak vlhfubekimma ibbak puta ya ona hi oke.

16. Micha naholitompa isht vtta yvt ibbak ushi isht impakimma ya bila yvt ibbak vlhfubekimma alhto kash okvchi cha bila yash Chihowah itikba ya untuklo ha ibbak ushi ishit fimma hi oke.

17. Micha bila yvt ibbak alhto moma tuk a naholitompa isht vtta yvt kashofa chi kash isht impakimma haksobish wishakchi, micha ibbak isht impakimma ibbak ishki, micha iyi isht impakimma iyishki aiena ka yoshobvt im issa issish alapanli ka onocha hi oke.

18. Micha bila yash atampa kvv naholitompa isht vtta ibbak alhto ka kashofa chi kash noshkobo ha on hlatvbla hi oke, micha naholitompa isht vtta yvt Chihowah itikba im a kashoffa hi oke.

19. Micha naholitompa isht vtta yvt nan ashvchi im issa im issa cha ik kashofa tuk vt kashofa chin tuk ash i kashofa hi oke, micha i himmak o hukmit im issa ya vba hi oke.

20. Micha naholitompa isht vtta yvt hukmit im issa micha ilhpak im issa ya alta ya onochit im issa hi oke, micha naholitompa isht vtta yvt i kashoffikma i kashofa hi oke.

21. Mikma hatak ilbvsha yatuk osh yohmi ka ahayucha he keyukmvt vbanvblit im issa mak o chukfushi achvfa, micha ilhpak im issa mak o bota tohbi lipehbi kushkoa ishit pokoli achvfa bila aiyoma, micha bila ampushi achvfa aiena fahfula chi, micha isht im atobba chi ka isha hi oke.

22. Micha pvchi yoshoba tuklo, keyukmvt pvchushi tuklo ahayucha hinla kv achvfa kv; nanashvchi im issa, micha achvfa kv hukmit im issa ya chi aiena hi oke.

23. Micha nitak isht untuchinakma i kashofa chi hosh Chihowah itikba okla moma im vlhtipo okhissa ya isht onvt naholitompa isht vtta ya isht im ona hi oke.

24. Mikma naholitompa isht vtta yvt chukfushi vbanvblit im issa yash, micha bila ampushi achvfa kash eshi cha Chihowah itikba fahfulit im issa mak o fahfula hi oke.

25. Micha vbanvblit im issa chukfushi yash vbi cha naholitompa isht vtta yvt vbanvblit im issa yash issish kaniohmi ka eshi cha kashofa chi kash haksobish isht impakimma wishakchi, micha ibbak isht impakimma ibbak ishki, micha iyi isht impakimma iyishki aiena ka lapalechashke.

26. Micha bila yash kaniohmi ka naholitompa isht vtta yvt tosholit ilap vlhfvbekimma ibbak puta ya ona hi oke.

27. Micha naholitompa isht vtta yvt ibbak vlhfvbekimma bila alhto kash kaniohmi ka ibbak ushi isht impakimma ya untuklo ha Chihowah itikba isht fimma hi oke.

28. Mikmvt naholitompa isht vtta yvt bila ibbak alhto tuk vt kaniohmi ka kashofa chin tuk ash haksobish isht impakimma wishakchi, micha ibbak isht impakimma ibbakushi, micha iyi isht impakimma iyishki aiena, vbanvblit im issa issish alapanli ka lapalecha hi oke.

29. Micha bila yvt ibbak a alhto moma tuk a Chihowah itikba im a kashoffa chi hosh i kashofa chi kash nashkobo ha on hlatvbla hi oke.

30. Micha pvchi yoshoba yash, keyukmvt pvchushi yash ahayucha hinla kv achvfa ka im issa hi oke.

31. Ahayucha hinla tuk ash o achvfa kq nanashvchi im issa mak o micha achvfa kq hukmit im issa mak o ilhpak im issa aieninchit im issa hi oke. Micha naholitompa isht vtta yvt i kashoffa chin tuk a Chihowah itikba ya i kashoffa hi oke.

32. Ilvppak osh ililli leplosi onvtonla isht kashofa he ya ibbak vt ahayucha he keyu ya i nan vlpisa hoke, im achi tok.

33. Mihma Chihowah yvt Moscs micha Alon a im anum-pulit,

34. Kenan vt hvchi yakni ya chi ho hvchima li kq hvsh onakma, atuk o hvchi yakni ya chuka yo ililli leplosi ya onochi likma,

35. Chuka yash immi hv naholitopa isht vtta ya ont im anolit, chuka ya ililli hv onvtonla, vm ahobvshke, achikma,

36. Yohmikma naholitompa isht vtta yvt ililli pisa chi kv aboha ya ik chukowo kisha, anukaka asha moma kq toshoht tahla chi kq i miha hi oke; yvmohmi ho aboha asha tuk moma kv ik kashofo ik tobo kashke; atuk o i himmak a ya naholitompa isht vtta yvt aboha ya pisa chi hosh chukowa hi oke.

37. Micha ililli ha pisa hi oke; mikma yakeh! ililli hv aboha itabana ya kolukbit okchamali chohmit, keyukmut hamma chohmit buskvchi hosh pisa kq kolukbi kv itabana ya i shahlikma,

38. Yohmikma naholitopa isht vtta yvt aboha ya kohchvt aboha okhissa ya ona cha nitak untuklo ho okhishtvt hilecha hi oke.

39. Atuk osh nitak isht untuklokma naholitompa isht vtta yvt vla cha, anonti pisa hi oke; mikma yakeh! ililli hv aboha itabana ya chitot isht iakma,

40. Yohmikma naholitompa isht vtta yvt ililli onvtonla tvli yash ishit kancha hi a i miha hi oke, mikma tmaha holihta kohcha ik a kashofo yo ont kancha hi oke.

41. Micha aboha anukaka fullota kq shafichi cha na pushi shafa kash tmaha holihta kohcha ik a kashofo yo ont hla-tvbla hi oke.

42. Micha tvli inla eshi cha, tvli yummak ash atobbichit bohla hi oke; micha yummuska inla yo eshi cha aboha ya isht apolusla hi oke.

43. Atuk o ililli hvt anonti vla cha, tvli ya ishit kanchi ha ya, micha aboha ya shafi ha ya micha aboha yvt vlhpolosa ha ya aboha ya kohchakma,

44. Yohmikma naholitompa isht vta yvt ona cha, pisa hi oke; mikma yakeh! ililli hvt aboha ya chitot isht iakmt, leplosi chilita yosh aboha ya onvtola, ik kashofa hoke.

45. Micha aboha yash tvli, micha iti, micha aboha in lukfi yummuska moma aiena ka tivbla hi oke, micha tumaha holihta ya kohcha ik akashofa yo isht ona hi oke.

46. Mikma kvna hosh okhishtvt hikia moma ho chukowa tuk mvt ik kashofa ho ont opia hi oke.

47. Mikma kvna hosh aboha yash itola tukmt i nafohka ya achifa hi oke; mikma kvna hosh aboha yash ai impa tukmt i nafohka ya achifa hi oke.

48. Mikma naholitopa isht vta yvt ont chukowa cha pisa ma, yakeh! aboha yvt vlhpolusa ha ya ililli hvt chitot isht ik aiyokma, naholitompa isht vta yvt aboha yvt kashofa, achashke, ililli hvt hlakofi hoka.

49. Micha aboha ya kashofa chi kv hushi tuklo, micha chuahla iti, micha tishepa, micha hissop aiena ho isha hi oke.

50. Micha hushi yash achufa ka lukfi tunna fohkit oka kapussa paknaka yo vba hi oke.

51. Mikmt chuahla iti, micha hissop, micha tishepa micha hushi okchaya yash aiena ka eshi cha hushi illi yash isish, micha oka kapussa yash okuchi cha untuklo ha aboha ya o fimma hi oke.

52. Micha aboha ya hushi issish, micha oka kapussa, micha hushi okchaya, micha chuahla iti, micha hissop, micha tishepa aiena ho ishit kashofa hi oke.

53. Amba hushi okchaya vno tumaha holihta kohcha oktak a shahbi yo isht onvt hikachi cha aboha ya i kashofa hi oke, mikma kashofa hi oke.

54. Ilvppak osh ililli ilaiyukali leplosi, micha hlachowa a puta.

55. Micha nafohka, micha aboha in leposi,

56. Micha shatali, micha hlachowa, micha shohkualit talaia aiena kvt i nanvlhpisa hoke.

57. Ik kashofokma, micha kashofakma im vlbtchi yoke. Ilvppak osh leposi nan vlhpisa hoke, im achi tok.

CHAPTA XV.

MICHA Chihowah yvt Moses micha Alon a im anum-pulit,

2. Israel im vlla vhleha im anumpvilit Hatak nana hosh nipi a yanvlli ya ishikmvt i yanvlli ak atuk mak o ik kashofok hoke.

3. Micha im a yanvlli ka ilvppak osh ik im a kashofok ya hi oke; im a yanvili vt nipi ya a yanvlli hokma, keyukmvt im a yanvlli vt nipi ya issa hokma nana kia ik im a kashofok yoke.

4. Yanvlli ya ishi yosh topa ai onvtola chatuk puta kvt ik kashofok hoke; micha nana ho om binili tuk moma kvt ik kashofok ya hi oke.

5. Mikma kvna hosh in topa ha halelikmvt i nafohka ya achifa cha oka yupa hi oke; micha ik kashofok ho ont opia hi oke.

6. Mikma yanvlli ishi hosh on gsha tuk a kvna hosh on gsha tuk mvt i nafohka ya achifa cha, oka yupa hi oke, micha ik kashofok ho ont opia hi oke.

7. Micha yanvlli ishi ho kvna hosh nipi ya potoli tukmvt i nafohka ya achifa cha, oka yupa hi oke: micha ik kashofok ho ont opia hi oke.

8. Micha yanvlli ishi yosh kashofa yo ontofa, yohmikma i nafohka ya achifa cha, oka yupa hi oke; micha ik kashofok ho ont opia hi oke.

9. Micha yanvlli yo ishi yosh issuba om patvlhpo nana ho om binilikma ik kashofok ka hi oke.

10. Micha nana ho im patali tuk o kvna hosh halelikmvt ik kashofok ho ont opia hi oke; atuk o kvna hosh nana

yvmma kaniohmi ka sholi tuk mv̄t i nafohka ya achifa cha, oka yupa hi oke; micha ik kashofo h̄o ont opia hi oke.

11. Micha yavvli ishi hosh kv̄na h̄o potoli tuk ma (micha ibbak a oka isht ik achifo tukmv̄t) i nafohka ya achifa cha, oka yupa hi oke; micha ik kashofo h̄o ont opia hi oke.

12. Micha yavvli ishi hosh lukfi tv̄nna nan aivlhto yo potoli tukma koa hi oke, micha iti nan aivlhto moma kv̄t oka isht achifa hi oke.

13. Atuk osh yavvli ishi tuk osh i yavvli vt i kashofakmv̄t, kashofa ch̄i kv̄t nitak untuklo h̄o im ile hotehmv̄t i nafohka ya achifa cha, oka yavvli yo yupa hi oke, micha kashofa hi oke.

14. Micha nitak ont isht untuchinakma puchi yoshoba tuklo, keyukmv̄t puchushi tuklo h̄o eshi cha, Chihowah itikba onvt okla moma im vltipo okhissa ya ona cha naholitompa isht vtta ya ima hi oke.

15. Mikma naholitompa isht vtta yvta chvfa ka nan ashvchi im issa mak o micha achvfa ka hukmit im issa mak o im issa hi oke; micha naholitompa isht vtta yvt i yavvli ya Chihowah itikba im ai i kashofa hi oke.

16. Itapotakma isht ai unchuloli vt hatak nana hosh kohchakmv̄t nipi moma ka oka isht achifa cha ik kashofo h̄o ont opia hi oke.

17. Micha nafohka puta micha na hakshup puta ka itapotakma isht ai unchuloli hv̄t on asha kv̄t oka isht achifa cha, ik kashofo h̄o ont opia hi oke.

18. Ohoyo ak kia yvmmak oka hatak vt itapotakma isht ai unchuloli hv̄t on asha hosh iba tvshkikma ita tuklot oka yupa hi oke, micha ik kashofo h̄o ont opia hi oke.

19. Micha ohoyo hosh yavvli eshi cha haknip a yavvli vt iasish okma, nitak untuklo ila filvmmicha hi oke, mikma kv̄na hosh halelikmv̄t ik kashofo h̄o ont opia hi oke.

20. Mikma ila filvmm̄it ahanta hosh nana onvtola tuk moma kv̄t ik kashofo ka hi oke, micha nana on asha tuk moma kv̄t ik kashofo ka hi oke.

21. Mikma kv̄na hosh in topa ha halelikmv̄t i nafohka ya

achifa cha, oka yupa hi oke, micha ik kashofo hō ont opia hi oke.

22. Mikma kuna hosh nana ai on asha tuk a halelikmut i nafohka ya achifa cha, oka yupa hi oke; micha ik kashofo hō ont opia hi oke.

23. Micha in topa ha, keyukmut nana hō on asha tuk halelikmut ik kashofo hō ont opia hi oke.

24. Micha hatak nana hosh kaniohmit iba tvshki tuk osh issish vt on ashakmut nitak untuklo hō ik kashofo ka hi oke; micha topa ai itola tuk moma kv̄t ik kashofo ka hi oke.

25. Mjcha ohoye hut issish i yanvlli kv̄t ila filvmm̄it ahanta nitak a nitak laua hosh atapakma, keyukmut yanvlli kv̄t ila filvmm̄it ahanta nitak a ont iakma, ik im a kashofo yanvlli nitak moma kv̄t ila filvmm̄i nitak ak inli hō choh-mashke; ik kashofo ka hi oke.

26. I yanvlli nitak moma hosh topa moma ai onvtola yvt ila filvmm̄i topa yak o in chohma hi oke, micha nana hō on asha tukmut ik kashofo kv̄t ila filvmm̄it ahanta kv̄t ik kashofo yatuk ak o chohma hi oke.

27. Atuk o kuna hosh nana yv̄mma puta ka halelikmut ik kashofo ka hi oke; micha i nafohka ya achifa cha oka yupa hi oke, micha ik kashofo hō ont opia hi oke.

28. Amba i yanvlli tuk vt i kashofakma nitak untuklo hō il im ahotehna hi oke; atuk i himmak a yō kashofa hi oke.

29. Atuk osh nitak ont isht untuchinakma p̄vchiyoshoba tuklo, keyukmut p̄vchushi tuklo eshi cha naholitompa isht vtta okla moma im vlhtipo okhissa yak o isht im ona hi oke.

30. Mikma naholitompa isht vtta yvt achufa ka nanashvchi im issa mak o, micha achufa ka hukmit im issa mak o im issa hi oke; micha naholitompa isht vtta yvt Chihowah itikba ik i kashofo yanvlli im a kashofa hi oke.

31. Yakohmichi hosh Israel im vlla vbleha ha ik im a kashofo ya hvsh i filvmm̄icha hi oke; yvmohmi hō v̄m vlhtipo yvt im ai itin takla hikia ka litehli cha ik kashofot ik illo ka hi oke.

32. Iluppak osh yanvlli ya ishi, micha isht ai tunchuloli hvt kohcha tuk mvt ishit liteha tuk.

33. Micha ohoyo hvt hullo isht abeka, mikma hatak vt micha ohoyo hvt yanvlli ishi, micha ik kashofo yo iba tvahki tuk aiena ka i nan vllhpisa hoke, hvsh im achashke, im achi tok.

CHAPTA XVI

MICHA Alon ushi tuklo hosh Chihowah itikba nan im issa cha illi, illi ha ya, Chihowah yvt Moses a im anumpuli tok.

2. Micha Chihowah yvt Moses a, Chitibapishi Alon a ish im anumpulashke. Yvmohmi ho aholitopa natakali anyaka aiombinilit i nukhaklo itikba, yvmvt itombi holitopa ontalaia ka nitak moma ik ono kashke. Yvmohmi hosh ik illo kashke; hoshonti anukaka yo ai ombinilit i nukhaklo paknaka ahaiaka la chi hoke.

3. Yakohmi hosh Alon vt aholitopa ka ya ona hi oke; nan ashvchi im issa mak o, wak hobvk himita, micha hukmit im issa mak o, chukfi nakni iesha hi oke.

4. Linen nafohka holitopa foyuka cha, obalafoka linen vt nipi alataiya hi oke, micha linen vskofuchi ya vskofehikmt, linen iahlipa ha ishit shema hi oke; iluppa puta kvf nafohka holitopa hoke. Yvmohmi hoka nipi ya oka isht achifa cha ishit fohka hi oke.

5. Micha nan ashvchi im issa mak o issikosoma ya issikosomushi tuklo ho aishi, micha hukmit im issa mak a, chukfi nakni achufa ho Israel im vlla vhleha okla moma ka im esha hi oke.

6. Mikmt nanashvchi im issa mak o Alon vt i wak hobvk o yvmvt ilap akinli mak o im issa cha, ilap, micha in chuka achufa ya i kashoffa hi oke.

7. Micha issikosoma tuklo kash eshi cha, Chihowah itikba isht onvt okla moma im vltipo okhissa ya isht ona hi oka.

8. Micha Alon vt issikosoma tuklo ho nashooli onocha

i oke; nashoeli achufa kut Chihowah ak o immi hokma, ashoeli achufa kut issikosoma okchaya immi ha hi oke.

9. Micha Alon vt issikosoma Chihowah i nashoeli vt nvtola kash isht onvt nanashvchi im issa mak o im issa i oke.

10. Amba issikosoma okchaya ya chi mak o nashoeli vt nvtola tuk a isht i kashofa chi hosh, micha issikosoma kchaya chi mak o yakni haiaka chufficha chi kash okchaya o Chihowah itikba isht ona hi oke.

11. Micha Alon vt nanashvchi im issa wak hobak ash ymmvt ilap atuk mak o isht ona cha, ilap micha in chuka chufa ya i kashoffa hi oke, micha ilap akinli nanashvchi in issa mak o wak hobak ash vba hi oke.

12. Micha alta yvt Chihowah itikba hikia ka tobaksi ai shi cha, nabalama aivhto ya alotoli cha, bovt lapushki o nabalama ya ibbak alotoli cha, natakali anuka ya isht nashke.

13. Micha na balama ya Chihowah itikba luak ai onocha i oke; yemohmi ho shobulli hoshonti kut ai ombinilit i nukhaklo ymmvt isht atokowa ontalaia ka ompoholma hi oke; yomohmi ho ik illo ka hi oke.

14. Micha wak hobuk ash im issish a ai ombinilit i nukhaklo hvshi akochaka pilla ka ibbak ushi isht o fimma hi oke; micha ai ombinilit i nukhaklo itikba ya issish ash unaklo ha ibbak ushi isht fimma hi oke.

15. Yohmikmut nanashvchi im issa issikosoma ymmvt okla hatuk mak o vbi cha, im issish a natakali anukaka isht nashke; micha issish ymmakma wak hobuk im issish ishit yvmihchi tuk vt chohmicha hi oke, micha ai ombinilit i nukhaklo paknaka o fimmit micha ai ombinilit i nukhaklo itikba fimma hi oke.

16. Micha Israel im vlla vhleha hut ik kashofa kak o mi-cha nanashvchi moma ka yvmihchi tuk ak o aholitopa ya i kashoffa hi oke; micha ik a kashofa im itin takla ya okla moma im vltipo yvt hikia tuk a yvmihcha hi oke.

17. Micha okla moma im vltipo aholitopa ya kashofa chi hosh chukowakmut, ilap micha in chuka achufa, micha Is-

lael okla moma aiena k₂ kashoffi cha, ik kohcho kisha k₂, hatak nana kia iksho ka hi oke.

18. Micha kohchvt Chihowah itikba alta hikia k₂ ona cha, yvmma kashoffa hi oke; micha wak hobek issish micha issikosoma issish a ishi cha, alta lapish a lapalichit fullocha hi oke.

19. Micha issish a untuklo ha ibbak ushi isht o fimmi cha, Israel im vlla vhleha ik a kashofu yatuk a kashoffit hullocha hi oke.

20. Atuk osh aholitopa, micha okla moma im vlhtipo, micha alta aiena k₂ kashoffit tahlikmvt issikosoma okchaya yash isht ona hi oke.

21. Micha Alon vt ibbak a ita tuklonchit issikosoma okchaya noshkobo h₂ isht umbitepa cha, Israel im vlla vhleha ik aivlhpieso, micha nanashvchi moma aiyoshoba chatuk moma k₂ anolit issikosoma noshkobo onochi cha, hatak ai vlpesa h₂ ibbak fohkit yakni haiaka pit pila hi oke.

22. Mikma issikosoma yvt ai vlpesa keyu moma shaiyalit yakni okla a binili keyu isht ona hi oke; mikma issikosoma y₂ yakni haiaka y₂ ont chvfficha hi oke.

23. Mikma Alon vt okla moma im vlhtipo y₂ ont chukowa cha, aholitopa chukowa chikmvt linen nafohka ishit fohka tuk vt shufi cha yvmmak inli h₂ bohla hi oke.

24. Micha nipi y₂ aholitopa y₂ oka isht ai achifa mvt, i nafohka ishit fohka cha, ilap hukmit im issa, micha okla hukmit im issa aiena k₂ im issa cha, ilap, micha okla aiena k₂ i kashoffa hi oke.

25. Micha nan ashvchi im issa nia y₂ alta onochit a hukma hi oke.

26. Mikma issikosoma okchaya mak o issikosoma chuffichi tuk vt i nafohka y₂ achifa cha oka yupi ha yosh binah h₂ ont chukowa hi oke.

27. Micha nanashvchi im issa mak o wak hobek micha nanashvchi im issa mak o issikosoma, yvmma im issish o aholitopa y₂ kashoffa ch₂ hosh isht chukowa kash, achvft binah h₂ kohcha isht ona hi oke; micha hakshup, micha nipi, micha i yvlhki aiena k₂ luak itechit hukma hi oke.

28. Micha hukmi tuk vt i nafohka ya achefakmut oka yuha yosh binah ha ont chukowa hi oke.

29. Micha ilvppak osh hvchi nan vlpisa bilia ya chi ho. Hvshi isht untuklo, hvshi talali tuk nitak ont ishit polikma, hvchi yakni ai achufa hokma, keyukmut okla inla osh hvchi takla anta tuk okma, nana kia aienut hvchi shimbish a hvsh ilbvshali cha natoksvli nana kia hvsh yvmih-na he keyu hoke.

30. Nitak yummak o naholitompa isht vtta yvt Chihowah ikba ya na hvsh aiashvchi moma a hvchi kasoffi na hvchi ashofa chi ho hvchi kashoffa hi oke.

31. Nitak hollo afoha hvchi nitak a hi oke: mikma nan lhpisa bilia ya hvchi shilombish a hvsh ilbvshala hi oke.

32. Micha naholitompa isht vtta yvt naholitompa isht ai tta ya iki ya vltobvt isht vtta chi ho nana ahvmmi tuk, nicha hullochi mihi yosh i kashoffa hi oke, micha linen nahka, nafohka holitopa fehna ka foyuhka hi oke.

33. Micha aboha holitopa ya i kashoffa hi oke, micha oka moma im vltipo, micha alta aiena ka i kashoffa hi oke; nicha naholitompa isht asha ya, micha okla moma ka i kashoffa hi oke.

34. Micha ilvppak osh afvmnikma himmona ha Israel im lla vhleha nanashvchi moma ka i kashofa he vt hvchi nan lhpisa bilia ya chi hoke, ish im achashke, achi tok. Mih-na Chihowah yvt Moses a ai i miha tuk mak o yvmih-hi tok.

CHAPTA XVII.

MICHA Chihowah yvt Moses a im anumpulit,

2. Alon, micha ushi vhleha, micha Israel im vlla vhleha moma aiena im anumpulit, Nana ilvppak o Chihowah yvt anumpulit,

3. Hatak kuna hosh Israel in chuka achufa ya ai achufa roah wak hobvk, keyukmut chukfushi, keyukmut issikosoma ra binah ha ai vbi, keyukmut binah ha kocha ai vbi.

4. Atuk osh okla moma im vltipo okhissa isht onvt Chi-

hewah im issa mak o Chihowah im vltipo itikba ya ont ik im ai issokmut hatak ymma issish vt onvtola hi oke ; issish hlatubli tuk oke, richa hatak ymmut im okla im ai itin takla ya fiopa tupa hi oke.

5. Ycmohmi ho Israel im vlla chleha hut vbit im issa ya oktak ashahbi ai im issa Chihowah ya isht im onvt okla moma im vltipo okhissa ya isht onvt, naholitompa isht vta ya isht im ona cha itin nanaiyechi im issa mak o Chihowah im issa hi oke.

6. Mikma na holitompa isht vta yut issish a Chihowah im alta okla moma im vltipo okhissa hikia ka o fimma hi oke, micha Chihowah i balama achukma mak o nia ya hukma hi oke.

7. Micha himak pilla ma nan isht ahullo okpulo pta, ymmak o haui tobtv iakaiya tuk vt vbit im issa he keyu hoke : Ilvppak oah im ai itishali hlopulli ka i nan vlpisa bilia ya chi hoke.

8. Mikma Israel in chuka achvfa ya, keyukmut okla inla yosh hvchi takla ahanta yosh hatak nana hosh hukmit im issa, keyukmut vbit im issa yo im issa,

9. Micha Chihowah im issa chi kvv okla moma im vltipo okhissa ya isht ik onokmut, hatak ymmut im okla im ai itin takla ya fiopa tupa hi oke.

10. Micha hatak nana hosh Israel in chuka achvfa ya ai achvfa hokma, keyukmut okla inla yosh hvchim aitin takla ahanta hokma, nana hosh issish kaniohmi nana kia vpakma, issish vpa tuk hatak shilombish ymma sa nashuka ya isht a sanalichi la chi, micha im okla im ai itin takla ya fiopa tubli la hi oke.

11. Nipi aiokchaya yvt issish ak oka ; atuk o hvchimi shilombish isht a kashofa chi ho alta onochit hvch ima li tuk oke, issish ak okvt hatak shilombish a i kashoffi hoka.

12. Ycmohmi hatuk o Israel im vlla vhleha ha Hatak hosh achvfa kia, issish a hvshpa he keyu, micha okla inla yvsh hvchitin takla ahanta kvv issish vpa he keyu, achi li tuk oke.

13. Micha hatak kuna hosh Israel in chuka achvfa ya

i achufa yosh, keyukmut okla inla hvchitin takla ahanta osh owutta tuk osh nampoa, keyukmut vba hushi kia vpa inla vlpesa ka ishikmut, issish a aka hlatobli cha, lukfi ushi isht ompohoma hi oke.

14. Na nipi moma isht ai okchaya yoka issish ak osh ymma isht ai okchaya yoke: Yvmohmi hatuk o Israel im vlla vhleha ha, Nipi kaniohmi nana kia issish a hushpa he keyushke, achi li tnk oke. Na nipi moma isht ai okchaya yvt issish ak oka, kuna hosh upakmut fiopa tupa hi oke.

15. Micha hatak nana hosh (hvchi yakni aiachufa yokma, keyukmut okla inla yokma nana hosh) ilap akinli hosh illi, keyukmut nana hosh vbi tuk o vpa tukmut i nafohka ya achifa mut, oka yupi cha ik kashofu ho ont opia hi oke: yohmi hosh kashofa hi oke.

16. Amba ik achifo, micha ik yupokmut nanashvchi vt ontoyula hi oke, ish im achashke, achi tok.

CHAPTA XVIII.

MICHA Chihowah yvt Moses a im anumpulit,

2. Israel im vlla vhleha ha ish im anumpulit, vno ak osh Chitokaka hvchin Chihowah sia hoke, ish im achashke.

3. Echip yakni aiasha, ymma hvsh aiasha tuk, ymmot nana a kaniohmi ya hobachit hvsh yvmihcha he keyushke; micha Kenan yakni hvch isht ona la chi ymma asha kvv nana yvmohmi ya hobachit hvsh yvmohma he keyu hoke, micha i nan vlpisa ka im antiot hvsh nohova he keyu.

4. Um aivlpesa micha nan isht apesali, puta ka hvsh yvmihchi cha, a nan vlpisa ha holitoblit hvsh foyuka hi oke; Chitokaka hvchin Chihowah sia hoke.

5. Yvmohmi hoka a nanvlpisa, micha a nanvlpisa aivlpisa ak o hvsh yvmihcha hi oke; ymmak o hatak vt yvmihchi hokmak osh aiokchaya hi oke: Chihowah sia hoke.

6. Hvsh achufa kia i kaniohmi ha, nipi bano ho i wamma chi hosh bilika hvch ik ono kashke; Chihowah sia hoke.

7. Chiki nipi bano ya, keyukmut chishki nipi bano ya chiki wakummo kashke; chishki yoka, nipi bano ya ish i wakumma he keyu hoke.

8. Chiki tekchi nipi bano ya ishi wakumma he keyu hoke; chiki nipi bano yoke.

9. Chin tek chiki ya ushetik, keyukmut chishki ya ushetik, chuka ak inli ho keyukmut yakni inla ai itola tok okma nana kia nipi bano ya ish i wakumma he keyu hoke.

10. Chiso ha ushetik, keyukmut chiso tek a ushetik nipi bano ya ish i wakumma he keyu hoke: yummak osh chi nipi bano ash inli hoka.

11. Chiki tekchi ushetik, chiki vt tobachi tuk (chin tek oka) nipi bano ya ishi wakumma he keyu hoke.

12. Chiki in tek nipi bano ya ishi wakumma he keyu hoke. Yummut chiki ya i kanohmi fehna ohoyo hoke.

13. Chishki itibapishi nipi bano ya ishi wakumma he keyu, chishki ya i kanohmi fehna ohoyo hoka.

14. Chiki itibapishi ha nipi bano ya ishi wakumma he keyutekchi ya ish apota he keyu: chi hukni yoka.

15. Chipok nipi bano ya ishi wakumma he keyu, chiso ha tekchi yoke; nipi bano ya ishi wakumma he keyu hoke.

16. Chitibapishi tekchi nipi bano ya ishi wakumma he keyu, chitibapishi nipi bano yoke.

17. Ohoyo ha micha ushetik a nipi bano ya ishi wakumma he keyu; micha ushi ya ushetik, keyukmut ushetik a ushetik a ishit nipi bano ya ish i wakumma he keyu, i kanomi fehna ohoyo hoka: na haksi yoke.

18. Micha itibapishi hvt okchaya moma ka ohoyo ishit itaienvchit nipi bano ya wakummit chukvsh a ish okpuna he keyu hoke.

19. Micha ohoyo hvt ik kashofo ho naksika binilechi tuk a nipi bano ya i wakumma chi hosh bilika ish ona he keyu hoke.

20. Micha chin chuka a bilika hatak tekchi ya apotvt isht ish ile litehla he keyu hoke.

21. Micha chim isht atiaka ya luak hlopullichit Molek a

ish im onacha he keyu; micha chin Chitokaka hohchifo ha chik ahobalecho kashke; Chihowah sia hoke.

22. Hatak bika ya ohoyo chohmichit chik iba tvshko kashke; nan isht yuwala yoke.

23. Micha nan vllhpoa nana kia iba tvshkit isht ish ile itehla he keyu; micha ohoyo kva kia nan vllhpoa ya tvshka chi hosh itikba hikia he keyu hoke; itaiyokoma hoke.

24. Nana ilvppa puta nana kia isht hvchik ile litehla kashke; ilvppa puta kak o oklushi puta hvchi tikba akocha wehli li tuk vt isht ile litehli tuk oka.

25. Mikma yakni vt liteha hoke; yvmohmi kak o nan ashvchi tuk ak o im aya hi oke; mihma yakni oh kia okla ha hoetvt kohchi hoke.

26. Yvmohmi hoka, a nanvlhpisa puta, micha nan vllhpesa apihisali puta ka hvsh yvmihchi cha nan isht yuwala ilvppa kanima kia hvchik yvmihcho kashke; hvchim ai okla akinli, keyukmtv okla inla yosh hvchi takla ahanta kanima kia hvchik yvmihcho kashke.

27. Nan isht yuwala ilvppa moma kak o yakni ya hatak vhleha hvchi tikba aiasha tuk vt yvmihchi ho yakni vt liteha tuk oke.

28. Yvmohmi ho oklushi puta hvchi tikba aiasha tuk a hoetvt kohchi tuk vt yakni vt hvchishno ak kia hoetvt ik hvchi kohcho kashke.

29. Nan isht yuwala ilvppa puta kanima ka kva hosh yvmihchikmtv yvma yvmihchi tuk shilombish vt im okla im ai itin takla ya akohchvt fiopa tva hi oke.

30. Yvmohmi hoka a nanvlhpisa ya hvsh holitobli hosh nan isht yuwala puta hvchi tikba aiasha tuk vt yvmihchi tok achvfa nana kia hvchik yvmihcho kashke, micha yvmak o isht hvchik ile litehlo kashke: Chitokaka hvchin Chihowah sia hoke, ish im achashke, im achi tok.

CHAPTA XIX.

MICHA Chihowah yut Moses a im anumpulit,
 2. Israel im vlla vhleha okla moma ka im anumpulit,
 Nan ashvchi ik hvchim iksho kashke: Chitokaka hvchin
 Chihowah sia hut nanashvchi ik sum iksho hoka.

3. Hatak hvsh puyuta kut hvchishki, micha hvchiki
 aiena ka hvsh i nukwia cha, a nitak hello ya hvsh holitob-
 lashke: Chitokaka hvchin Chihowah sia hoke.

4. Fullotut na holbut toba ya hvchik im ono kashke;
 micha bilut akmot na holbut toba hvch ik ikbo kashke: Chi-
 tokaka hvchin Chihowah sia hoke.

5. Micha vbit im issa ya itin nanaiyvchi im issa yo Chito-
 kaka hvsh im issakmut, hvchishno hvchim anukfila hosh
 hvsh im issa hi oke.

6. Hvsh im issa i nitak akinli, micha im onna aiena kak
 o hvshpa hi oke; atuk o kaniohmi kut nitak ont atuchina
 ka gshakmut luak ishit hukma hi oke.

7. Micha nitak ont atuchina ka kaniohmi ka vpakma nan
 isht yuwala yoke; aiokpvcha he keyu hoke.

8. Yemohmi hoka kvna hosh vpakmut nanashvchi tuk
 vt onvtonla hi oke; Chihowah i nahullochi ya ik ahobalo
 hoka; micha shilombish yummvt im okla im aiitin takla
 akohchvt fiopa tupa hi oke.

9. Micha hvchi yakni nana awaya hvshmokmut, hvchim
 osapa chukbi puta ka vmohmichit hvshma he keyu hoke;
 micha hvsh ai vmo yut vlbullit hvsh ai vma he keyu
 hoke.

10. Pakupi hvchim ahollokchi a hvsh vlbulla he keyu;
 micha pakupi hvchim ahollokchi yash paki ya mominchit
 hvsh ai vma he keyu hoke; ilbvsha micha okla inla aiena
 ka hvsh im ashacha hi oke; Chitokaka hvchin Chihowah sia
 hoke.

11. Hvsh hukopa he keyu, micha hvsh haksicha he keyu,
 micha hvsh iti holaba he keyu hoke.

12. Micha ghli keyu ka sa hochifot anumpa kvllo hvsh

anumpula he keyu; micha chin Chitokaka hohchifo ha ik ahobalot chik hochifo kashke: Chihowah sia hoke.

13. Chin chuka bilika hatak a ish haksicha he keyu; micha ish wehpula he keyu; hatak ilhtono vt asitubi tuk vt chin tonla na ik onno kashke.

14. Ik haponaklo ya anumpa okpulo isht chik mihacho kashke, micha niskin hpa ya isht ibetvbli itikba chik bohlo hosh, amba chin Chihowah ya ish i nukwiashke: Chitokaka sia hoke.

15. Nanapesa ka ai vhpesa keyu ya ish yvmihcha he keyu; hatak ilbvsha nipi ya ish holitobla he keyu; micha hatak holitopa annoa ya ish holitobla he keyu hoke: amba aivhpiesa ho chin chuka bilika hatak a ish im apesa hi oke.

16. Chim okla itin takla ya nan anoli yosh chuka abaiyvt ish aya he keyu; micha chin chuka bilika hatak im issish a i sanalit ish hikia he keyu hoke: Chitokaka sia hoke.

17. Chitibapishi ha chi chukvsh a ish i nukkill a he keyu hoke; ik kaniohmi kia chin chuka a bilika hatak a ish im anumpula hi oke, micha nanashvchi vt ik onvtonla; ish ahna he keyushke.

18. Chim okla vlla vhleha ha hvsh il aiokha, he keyu; micha hvsh i potvna he keyu; amba chin chuka a bilika hatak a hvsh holitobli kv chishno akinli ish chohmichashke: Chitokaka sia hoke.

19. A nanvhpisa ha hvsh holitoblashke. Chi nan vhpoa ya ilaiyukalichit ish itim ai ikbicha he keyu hoke: Chim osapa ya na nihi itaiyoma yo ish ahokcha he keyu hoke: micha linen micha chukfi hishi itaiyoma nafohka ya ish foyuka he keyu hoke.

20. Mich a kvna hosh yuka ohoyo yosh hatak im vhpoa, micha falvmminchit chumpa tok keyu, micha yuka issa ima tok keyu ho iba tvshki tuk ma foma hi oke; yuka issa keyu yatuk oka illit okla he keyu hoke.

21. Mikma vbanvbli im issa ya Chihowah isht im onvt, vbanvblit im issa mak o, chukfi nakni yo okla moma im vlti-po okhissa ya isht ona hi oke

22. Mikma na holitompa isht vta yvt nanashvchi yvmihchi

kash chukfi nakni yash o Chihowah itikba ya isht im ai i kashoffa hi oke; mikma nanashvchi yvmihchi tuk vt i kashofa hi oke.

23. Atuk o yakni ya hvsh onakmut ilhpak achi ho iti puta hvsh hokchi tukmut wayakma, hakshup ik tapo hvsh itapesa hi oke: afummi tuchina kak osh hakshup ik tupo yo hvchi chohma hi oke: ai vpa he keyu hoke.

24. Amba-afummi ont ai ushta hokma waya moma kut holitopa ho Chihowah isht holitoblichia hi oke.

25. Atuk osh afummi ont ishit tahlapi kak o waya ka hvsh ai vpa hi oke: yvmohmi ho hvchi wahaya hi oke: hvchin Chitokaka Chihowah sia hoke.

26. Nana hoh kia issish aieninchit hvshpa he keyu hoke; micha nan isht yushpakummi ya hvsh yvmihcha he keyu, micha nitak hvsh apestikela he keyu hoke.

27. Hvchi noshkobo chukbi pashi ya vmot hvchik apakfoblichio kashke, micha hvchi nutakhish chukbi ya hvchik okpano kashke.

28. Illi ak atuk o hvchi nipi ya hvsh ile brshla he keyu, micha in chuwa ya hvsh ile yvmihcha he keyu hoke: Chihowah sia hoke.

29. Chisotek a havi ikbicha chi hosh chik kancho kashke, yvmohmi ho yakni vt havi toba bieka, mikmut yakni vt nahaksi ho isht alotowa hi oke.

30. A nitak hullo ya hvsh holitobli cha vm aboha holitopa ya hvsh holitoblashke: Chihowah sia hoke.

31. Shilombish okpulo ai itim achufa ya hvchik ahnincho kashke; micha isht ahullo, ymma isht hvchi liteha chi ka hvchik im asilhho kashke: hvchin Chitokaka Chihowah sia hoke.

32. Hatak noshkobo tohbi yo itikba ya ish wakaiyashke; micha hatak sipokni nashuka ya ish holitoblashke; micha chin Chitokaka ya ish i nukwi yashke: Chihowah sia hoke.

33. Micha okla inla yosh hvchi takla hvchi yakni ahanta tuk a apistikelit chukvsh hvsh okpuna he keyu hoke.

34. Amba okla inla yosh hvchi takla ahanta kut hvchim ai itin takla ai vta tuk akinli ho hvchin chohmashke, mikma

huch i holitopa kut huchishno akinli huchin chohmashke; okla inla yosh Echip yakni ya hvsh ai asha tuk oka; huchin Chitokaka Chihowah sia hoke.

35. Nan apesa, isht vlpisa, ishit weki, keyukmut ai vlpisa yoh kia, ik ai vlpeso nana ho hvsh yvmihcha he keyu hoke.

36. Aweki aivlpesa, micha isht weki aivlpesa, efah aivlpesa, micha hin aivlpesa hosh huchim asha hi oke. Huchin Chitokaka Chihowah sia hosh Echip yakni ya apehlichit hvchi kohchi li tok oke.

37. Yvmohmi hoka a nanvlpisa, micha vm aivlpesa yvmihchi ak o ithanvt hvsh yvmihchashke Chihowah: sia hoke, ish im achashke, achi tok.

CHAPTA XX.

MICHA Chihowah yvt Moses a im anumpulit,

2. Anonti Israel im vlla vhleha ha im anumpulit, Kvna hosh Israel im vlla vhleha hosh, keyukmut okla inla Israel takla vta yosh im isht atiaka yo Molek a imakmut illi pulla hi oke, yakni yash okla hvv tuli ishit bola hi oke.

3. Mikma hatak yvmma sa nashuka ya isht i sanali lish im okla ai itin takla ya a kohchit ishit kanchi la hi oke; vm aboha holitopa ya litehla chi hosh micha sa hohchifo holitopa ik ahobalo ka chi hosh im isht atiaka yo Molek a ima hoka.

4. Micha yakni ya okla hvv hatak vt im ishtatia ka ya Molek a ima ho pisa kia kanihmit nishkin luhmi cha ikbo tak ma,

5. Yvmohmikma hatak yvmma, micha in chuka achufa ya, micha Molek iti haua chi hosh havit iakaiya moma ka, sa nashuka isht i sanali lish, im okla im ai itin takla ya kohchit fiopa tvbli la hi oke.

6. Micha shilombish kvna hosh fullotvt shilombish okpulo itim aichufa micha isht a hullo ya iakaiyvt havit iakaiyak-

ma, shilombish yumma sa nashuka isht i sanali lish, im okla im ai itin takla ya kohchit fiopa tvbli la hi oke.

7. Ycmohmi hoka, hvsh ile hullochi cha hvchi holitopashke; hvchin Chitokaka Chihowah sia hoke.

8. Atuk o a nanvlhpisa ha hvsh holitobli cha hvsh ycmihchashke. Chihowah sia hosh hvchi hullochi li hoke.

9. Kvna hosh iki, keyukmut ishki ya kallakshichit anum-pulikmut illi pulla hi oke; iki, keyukmut ishki ya kallakshichit anumpuli hoka; yohmi ka im issish vt ilap ak inli ka onvtoyula hi oke.

10. Micha kvna hosh hatak tekchi yo itin lumaka tuk, chuka a bilika hatak tekchi itin lumaka yash itin lumaka hatak, micha itin lumaka ohoyo aiena kvv illi pulla hi oke.

11. Micha hatak vt iki tekchi ya iba tvshki tuk vt iki nipi bano ya wakummi tuk oka, ita tuklot illi pulla hi oke; im issish vt ilap ak o onvtonla hi oke.

12. Micha hatak osh ipok a iba tvshkikmut ita tuklot illi pulla hi oke; itaiyokomachi hokvt; im issish vt ilap akinli hosh onvtoyula hi oke.

13. Micha hatak vt hatak bika iba tvshkit ohoyo iba tvshki ka chohmikmut, ita tuklot nan isht yuwala ya ycmihchi hokvt, illi pulla hi oke; im issish vt ilap akinli hosh onvtola hi oke.

14. Micha hatak osh ohoyo ha micha ishki ya aieninchit ishikmut haksi yoke; yumma micha ita tuklo ka aienvt luak ishit lua hi oke: ycmohmi ho hvchitin takla ya haksi kvv iksho kashke.

15. Micha hatak osh nan vlhpoa iba tvshkikmut illi pulla hi oke; mikma nanvlhpoa ya hvshbi pulla hi oke.

16. Micha ohoyo hosh nanvlhpoa bilika onvt nanvlhpoa in tvshkikma, ohoyo hash micha nanvlhpoa aieninchit hvsh ba hi oke: illit okla pulla hi oke; im issish vt onvtuyula hi oke.

17. Micha hatak vt in tek a iki ushetik a, keyukmut ishki ushetik a ishi cha nipi bano ka pisa, micha ilap a nipi bano ka pisakma nahakai yoke: im okla itikba ya fiopa tvvt okla

in tek nipi bano ya wakummi tak oka, nanashvchi
la hi oke.

Micha hatak osh ohoyo abeka yo iba tvshki cha nipi
wakummikmut, im a yanvlli ya pisa hoka, mikma
vt im issish a yanvlli wakummi hoka ita tuklot im
ai itin takla issvt fiopa tvpt okla hi oke.

Micha chishki itibapishi micha chiki in tek nipi ba-
sh wakumma he keyu; i kanomi fehna ya i wakum-
mi: nanashvchi vt onvtonla hi oke.

Micha hatak osh imoshi tekchi ya iba tvslikikmut im-
pi bano ya wakummi hoka, nanashvchi vt onvtonla
vlla ik im ikaho hosh illit okla hi oke.

Micha hatak osh itibapishi tekchi ya ishikma, nan ik-
yoke: itibapishi nipi bano ya wakummi hoke, vlla
ksho hosh illit okla hi oke.

Yvmohmi hoka, a nanvlhpisa moma, micha vm aivlh-
vmihchi aiena ka hvsh holitobli cha, hvsh yvmih-
mi; yvmohmi hosh yakni hvsh aiasha chi ka hvchisht
chi kut hoetvt ik hvchi kohcho kashke.

Hvchi tikba a kanchi li tok oklushi vt nana akani-
a hvsh aya he keyu hoke, nana ilvppa puta kak o
hi chatuk, yvmohmi hatuk o shitilema li tuk oke.

Yvmohmi tuk kia I yakni ya hvsh aiasha hi oke, hv-
chi li hatuk, atuk osh yakni pishukchi micha foibila
anli ya hvsh aiasha chi ho hvchima la chi hoke;
Chitokaka Chihowah sia hosh okla inla ya hvch iti
nchi li tuk oke.

Yvmohmi hoka, nanvlhpoa kashofa, micha ik kasho-
fa hushi ik kashofa, micha kashofa puta ka hvsh
lvcha hi oke; yohmi ka nanvlhpoa, keyukmut hushi,
vt nan okchaya kaniohmi yosh yakni om balahanli,
ik o ik kashofa apesvt hvchi filvmmichi li tuk a hvchi
bish a ishit yuwala yo ishit hvchi ikbo kashke.

Micha hvs svm i holitopa hi oke; Chihowah sia hv-
topa hosh vmmi hvchia ha chi ho okla inla ya ile hv-
mmichi li tuk oke.

Micha hatak osh, keyukmut ohoyo hosh shilombish

okpulo ai itibai achufa, keyukmvt isht a hullo vt illi pulla hi oke; tcli yo ishit bola hi oke; im issish vt ilap ak o on-tonla hi oke, ish im achashke, achi tok.

CHAPTA XXI.

MICHA Chihowah yvt Moses a im anumpulit, Na holi-tompa isht asha Alon ushi vhleha ha im anumpulit, Kanima kia im okla ai illi ya ishit liteha he keyu.

2. Amba i kanomi hosh i kanomi fehna, ishki, micha iki micha ushi, micha ushetik micha itibapishi,

3. Micha in tek osh hatak haleli keyu, i kanomi fehna yosh i hatak iksho chatuk, yummak okvno liteha hinla hoke.

4. Yohmi kia im okla im ai itin takla ya hatak i shahli yatuk okvt, ile litehlit ik ile holitoblo kashke.

5. Noshkobo ha yushmilali ikba he keyu, micha nutakhish chukbika ya shafa he keyu, micha nipi ya ile bvshla he keyu hoke.

6. In Chitokaka ya i holitopa cha, i Chitokaka hohchifo ha ik ahobalecho kashke; luak ishit hukmit Chihowah im issa, micha in Chitokaka i puska yo im issa hokvt; yvmohmi hokvt holitopa hi oke.

7. Haui ya, keyukmvt ik ahobo ohoyo ha ik esho kashke, micha i hatak vt kanchi tok ohoyo ha isha he keyu hoke; in Chitokaka i holitopa hoka.

8. Yvmohmi hoka chin Chitokaka i puska im issa hoka ish hullocha hi oke; chi holitopa hi oke; hvchi hullochili tuk Chihowah sia hv sa holitopa hoka.

9. Micha naholitompa isht vta ushetik osh hauit anta cha ik ilahobalo tuk mvt, iki ya ik ahobalo hoke: luak ishit lua hi oke.

10. Mikma itibapishi vhleha im ai itin takla ya naholitompa isht vta i shahli, noshkobo ha isht ahama bila yvt on hlatapa tok, micha nafohka ya fohka chi ho hullochi tok vt noshkobo ompohomo ya shufa he keyu, micha i nafohka ya *hliluffa* he keyu hoke.

11. Micha haknip illi ya iba chukowa he keyu, micha ki, keyukmut ishki yatuk ok mak o ile litehla he keyu roke.

12. Micha aboha holitopa ya kohcha he keyu, micha in Chitokaka im aboha holitopa ya ik ahobalo ka he keyu hoke; in Chitokaka isht im ahama bila isht a holitopa yvt onv-onla hokvt; Chihowah sia hoke.

13. Micha hatak ik halelo yo ohoyo ha isha hi oke.

14. I hatak illi, keyukmut i hatak vt kanchi, keyukmut ik ahobo, keyukmut havi aiena ka isha he keyu, amba ilap im okla akinli hatak haleli keyu ho ohoyo isha hi oke.

15. Micha im okla im ai itin takla ya im isht, atiaka ya ik ahobalecho kashke: Chihowah sia hosh hullochi li hoke, ish im achashke, im achi tok.

16. Mihma Chihowah yvt Moses a im anumpulit,

17. Alon a im anumpulit, Kuna hosh chim isht atiaka yosh im ai iti shali ha anta kvit ik im ai ono vt ashakmut in Chitokaka i pvaska ya im issa chi hosh bilika ik ono kashke, ai ula he keyu;

18. Hatak nishkin lupa, keyukmut iyimomokpulo, keyukmut ibechulo latussa, keyukmut nana hoh kia isht atampa,

19. Keyukmut hatak osh iyi kobafa, keyukmut ibbak kobafa,

20. Keyukmut nvli kofona, keyukmut hofanti ik ono, keyukmut nishkin okpulo, keyukmut nutak balakchi hlachowa, keyukmut hlachowa ik vtto, keyukmut i nihi kvhla hatak nana kia ai okpuloka im asha kvto bilika ona he keyu hoke.

21. Hatak nana hosh naholitompa isht vtta Alon isht atiaka yosh ai okpuloka im asha kvit luak ishit hukmit Chihowah im issa ya bilika onvt im issa he keyu hoke: aiokpuloka im asha hoke; bilika onvt in Chitokaka i pvaska ya im issa he keyu hoke.

22. In Chitokaka i pvaska holitopa i shahli, micha holitopa aiena ka vpa hi oke.

23. Aiokpuloka im asha hokvt, peh chukowvt natakali ya onvt alta ya bilika ona he keyu hoke; yvmohmi hosh vva

ahoha holitopa ya ik ahobalo kashke : Chihowah sia hosh hullochi li hoka, ish im achashke, achi tok.

24. Mihma Moses vt Alon micha ushi vhleha, micha Israel im vlla vhleha moma ka im anoli tok.

CHAPTA XXII.

MICHA Chihowah yvt Moses a im anumpulit,
2. Alon micha ushi vhleha ha aiena ka ish im anumpuli na, Israel im vlla vhleha nan im aholitopa ya ai i filummi cha, nana a hullochi tuk a sa hohchifo ha isht ik ahobalo kashke : Chihowah sia hoke.

3. Hvchim isht atia moma ka kuna hosh hvchim ai iti shali ha anta kvv ik im akashofa vt onvtonla hosh nana holitopa Israel im vlla vhleha hvv Chihowah ya i hullochi cha tuk a bilika onakmvt sa tikba ai i filummit fiopa tupa hi oke; Chihowah sia hoke.

4. Hatak nana hosh Alon ushi yosh lepa, keyukmvt i yannahli vt ik kashofa kisha na, naholitopa ya ai vpa he keyu hoke. Michah kuna hosh nan illi isht ik kashofa, keyukmvt im isht ai unehuloli vt i kohcha tuk o halelikmvt,

5. Keyukmvt kuna hosh na balvlli nana ho ik kashofa isht toba tuk, keyukmvt hatak osh ik a kashofa kaniohmi ho im aiesha hinla aiena ho haleli tuk,

6. Shilombish osh ilvppa chohmi kanima ho haleli tuk mvt, ik kashofa ho ont opia cha, nipi ya oka isht ik achifo kisha kvv naholitopa ya ai vpa he keyu hoke.

7. Atuk osh hvshi vt okatulakma kashofa hi oke, micha im ilhpak atuk okvt i himmak a yano naholitopa ya ai vpa hi oke.

8. Ilap akinlit illi tuk, micha nampoah hosh vbi tuk a vvt isht ile litehla he keyu hoke, Chihowah sia hoke.

9. Yumohmi hoka, a nan vhpisa ya holitoblashke, ik ahobalot nan ashvchi isht onvtoyula cha, illi nah : Chihowah sia hosh hullochi lishke.

10. Okla inla nana hosh naholitopa ya vpa he keyu hoke :

naholitompa isht vtta i nowvt aya, micha tishu ilhtono aiena kv̄t naholitopa ya vpa he keyu.

11. Amba naholitompa isht vtta yvt shilombish o i tvi holisso ishit chumpa tuk vt ai vpa hi oke: micha in chuka ya ai vtta tok aiena kv̄t im ilhpak a okla ai vpa hi oke.

12. Naholitompa isht vtta nshetik vt okla inla yo auwayak-mvt naholitopa im issa ya ai vpa he keyu hoke.

13. Amba naholitompa isht vtta ushetik vt i hatak illi, keyukmvt kanchi tuk o vlla ik im iksho yosh falamvt iki in chuka onakmvt himita tok o chohmit iki im ilhpak a vpa hi oke; yohmi kia okla inla nana hosh vpa he keyu hoke.

14. Micha^hhatak vt ik ithano hosh naholitopa ya vpakmvt, kashapa ont ishit tahlapi ya ibafoka cha, naholitopa aienin-chit naholitompa isht vtta ya ima hi oke.

15. Micha Israel im vlla vhleha hv̄t naholitopa Chihowah im issa tuk a ik ahobalo kashke.

16. Micha naholitopa ya vpa cha, vbanvbli nan ashvchi vt ik onvtonlá, ik ahno kashke: Chihowah sia hosh hullochi li hoka, ish im achashke, achi tok.

17. Micha Chihowah yvt Moses a im anumpulit,

18. Alon, micha ushi vhleha hā⁷ micha Israel im vlla vhleha moma aiena k̄a im anumpulit, Israel in chuka achvfa ya, keyukmvt okla inla yosh Israel a gsha kv̄t hatak kva hosh anumpa kv̄llo il onochi tuk moma isht aiokpvchi im issakmvt, micha hukmit im issa nana h̄o ilap ahnit im issa ya Chihowah im issakmvt:

19. Hvchishno, hvsh ahni hosh nakni yosh aiokpuloka iksho wak, keyukma chukfi kia micha issi kosoma aiena h̄o hvah im issashke.

20. Amba nana hosh aiokpuloka im ashakma hvsh im issa he keyu hoke: hvchim aiokpvcha he keyu hoka.

21. Micha kva hosh anumpa kv̄llo il onochi tuk vt aig-hlichā ch̄i hosh itin naniyvchi im issa mak o vbit im issa, keyukmvt ilap ahni hosh, wak okmā keyukmvt chukfi yok-mā nana im issa mak o Chihowah im issakmvt aiokpvcha ch̄i k̄a ik ai ono vt iksho ka hi oke.

22. Niskin lupa, keyukmvt kobafa, keyukmvt imomokpa-

lo, keyukmvt shatali im asha, keyukmvt nutak balakchi, keyukmvt hlachowa aiena ka Chihowah hvsh im issa he keyu, micha alta onochit luak ishit hukmit Chihowah hvsh im issa he keyu hoke.

23. Wak hobvk osh, keyukmvt chukfushi yosh i nana ho isht atapa, keyukmvt isht ik ono ya ilap ahnit ish im issa hinla hoke; amba anumpa kullo il onochi atuk ano aiokpvcha he keyu hoke.

24. Litowa keyukmvt kvhla, keyukmvt kobafa, keyukmvt busha aiena ka Chihowah hvsh im issa he keyu hoke; micha hvchi yakni ya hvsh ai im issa he keyu hoke.

25. Micha okla inla ibbak foyuka ho ilvppa kanima ka hvchin Chitokaka i pvka ya hvsh im issa he keyu hoke; im a liteha yvt foka, micha aiokpuloka yvt foka hoka, hvch im aiokpvcha he keyu hoke; ish im achashke, achi tok.

26. Micha Chihowah yvt Moses a im anumpulit,

27. Wak hobvk, keyukmvt chukfi, keyukmvt issi kosoma yo isht ona hokma, nitak untuklo ho ishki ya im anta ha hi oke; nitak isht untuchina ai vhlit ia hokvno luak ishit hukmit Chihowah im issa yo aiokpvcha hi oke.

28. Micha wak tek okma, chukfi tek okma nana kia nitak achafa it aieninchit hvshba he keyu hoke.

29. Micha yakoke ahnit ima, vbit im issa yo Chihowah ya hvsh im issakmvt, hvchishno hvsh aiahni hosh hvsh im issashke.

30. Mih nitak akinli ho vpvv taha hi oke, hvsh ashanchi na ont onna he keyu: Chihowah sia hoke.

31. Yvmohmi hoka vm anumpa vlvpisa ha hvsh holitobli cha, hvsh yvmihcha hi oke; Chihowah sia hoke.

32. Micha sa hohchifo holitopa ka hvch ik ahobalo ka he keyu; amba Israel im vlla vhleha im ai itin takla ya sa holitopa hi oke; Chihowah sia hosh hvchi hullochi lishke.

33. Hvchin Chihowah sia ha chi hosh Echip yakni ya pehlichit hvchi kohchi li tok oke: Chihowah sia hoke; im achi tok.

CHAPTA XXIII.

MICHA Chihowah yvt Moses a im anumpulit,
2. Israel im vlla vhleha ha im anumpulit, Chihowah
impvchi yummak oka itvnaha holitopa achit hvsh anola chi,
ilvppa puta kak osh impvchi li yoke.

3. Nitak hannali ho natoksvli vt vltaha hi oke: amba
nitak isht untuklo kvto nitak hullo afoha aitivnaha holitopa
yoke: yummak oka natoksvli nana kia hvsh yvmihcha he
keyu hoke; hvsh aiasha moma ka Chihowah i nitak hollo
ya hi oke.

4. Ilvppa puta kak osh Chihowah impvchi itvnaha holi-
topa yo ont ai vhpiesakma hvsh anola hi oke.

5. Hvshi vmmona nitak ont isht auahhushta ont opia
kak osh Chihowah im vbanvblit ont ia yoke.

6. Micha hvshi mih makinli nitak ont isht anahtahlapi
kak osh pvska ik shatvmmo impvchi Chihowah isht im asha
yoke: nitak untuklo ho pvska ik shatvmmo hvshpa hi oke.

7. Nitak vmmona kak o itvnaha holitopa hvchim asha hi
oke: tishu atoksvli nana kia hvsh yvmihcha he keyu hoke.

8. Amba nitak untuklo ho luak ishit hukmit im issa mak
o Chihowah hvsh im issa hi oke: nitak isht untuklo kv
itvnaha holitopa hoke, tishu atoksvli ya hvsh yvmihcha he
keyu hoke, ish im achashke, im achi tok.

9. Micha Chihowah yvt Moses a im anumpulit,

10. Israel im vlla vhleha ha im anumpulit, Yakni hvch
ima li ka hvsh ona cha, nawaya hvshmokmt, waya vmmo-
na hvshmo tuk vt sita achvfa ho naholitompa isht vta ya
isht hvshim ona hi oke.

11. Mikma hvchim aiokpancha chi ho Chihowah itikba ya
sita yash hvsh fahfula hi oke: nitak hullo tuk onnakma na-
holitompa isht vta yvt fahfula hi oke.

12. Micha sita ha hvsh fahfuli nitak mvt, hukmit Chiho-
wah im issa mak o chukfushi nakni aiokpuloka iksho avva-
mi vmmona hvsh im issa hi oke.

13. Micha balama achukma mak o luak ishit hukmit Chihowah im issa ilhpak im issa yvt bota tohbi lipehbi kvshkoa ishit pokoli tuklo hosh bila aiyoma hi oke; micha ishkot im issa oka paki hin kvshkoa isht ai ushta ha hi oke.

14. Micha pvska, micha tanchi vlvvsha, micha tanchi hilgha noshkobo aiena ka hvchin Chitokaka ya nan im issa ya isht hvsh im ona mih nitak ona keyu ka hvshpa he keyu hoke; hvsh aiasha moma hvchim ai itishali hlopulli ka nan vlpisa bilia ya hi oke.

15. Micha nitak hollo ha ya onnakma sita ha fahfulit im issa yo ont isht hvsh chukowa tuk nitak vttut ia ho hvsh hohtenashke; nitak hullo untuklo hosh tahashke.

16. Nitak hullo ont isht untuklo ha yo onna ont vhli ho nitak pokoli tahlapi ho hvsh hotehnashke; micha ilhpak im issa himona yo Chihowah hvsh im issashke.

17. Kvshkoa ishit pokoli tuklo atoba, fahfuli pvska lumbo tuklo ho hvsh aiasha ya ishit kohchvt isht hvsh onashke; bota tohbi lipehbi yosh ishit shatvmmi aiyomvt palvsa ya hi oke, Chihowah ya i nawaya vmmona yoke.

18. Micha pvska ya chukfushi aiokpuloka ikaho afvmmi vmmona untuklo, micha wak hobek himita achvfa, micha chukfi nakni tuklo aieninchit hvsh im issa hi oke; hukmit Chihowah im issa mak osh ilhpak im issa micha ishkot im issa aiena Chihowah i balama achukma luak ishit hukmit im issa ya hi oke.

19. Yohmikmvt nan ashvchi im issa mak o issi kosomushi achvfa ho issi kosoma yo ai ishit hvshba hi oke, micha itin nanaiyvchi im issa vbi mak o chukfushi afvmmi vmmona taklo ho hvshba hi oke.

20. Mikma naholitopa isht vtta yvt fahfulit im issa mak o waya vmmona pvska ya chukfushi tuklo kash aieninchit Chihowah itikba afahfula hi oke: Chihowah i hullochi yosh naholitopa isht vtta immi ha hi oke.

21. Micha mih nitak ak inli ho hvsh anoli na itvnaha hvchi holitopa yashke: yummak oka tishu atoksvli hvsh yvmihcha he keyu. Hvsh'ai asha moma hvchim ai itishali a hlopulli ka nan vlpisa bilia ya hi oke.

22. Atuk osh hvchi yakni nan awaya ya hvsh ai vmok-mvt hvsh hvshlikmvt hvchim osapa chukbi puta ka kashoffit hvsh isha he keyu, micha na hvchi waya vlbullit hvsh aiowa he keyu hoke; hatak ilbvsha micha okla inla aiena kak q hvsh im ashancha hi oke: hvchin Chitokaka Chihowah sia hoke, ish im achashke achi tok.

23. Micha Chihowah yvt Moses a im anumpulit,

24. Isael im vlla vhleha im anumpulit, Hvshi isht untuklo hvshi yumma nitak vmmona ma nitak hullo isht ithaiya-na hinla isht pufa olahanchi, itvnaha holitopa hvchim asha hi oke.

25. Yummak oka tishu a toksvli ya hvsh yvmihcha he keyu hoke; amba luak ishit hukmit im issa ya Chihowah hvsh im issa hi oke, ish im achashke, achi tok.

26. Micha Chihowah yvt Moses a im anumpulit,

27. Micha hvshi isht untuklo ilvppa i kashoffi nitak vt aishah hi oke: itvnaha hvchi holitopa hi oke, micha hvchi mi shilombish a hvsh ilbvshali cha luak ishit hukmit Chihowah im issa ya hvsh im issashke.

28. Micha nitak yumma na toksvli nana kia hvsh yvmihcha he keyu hoke: hvchin Chitokaka Chihowah itikba ya hvchi kashoffit na kashoffi nitak oka.

29. Nitak yumma shilombish nana hosh ilbvsha he keyukmt, shilombish yummvt im okla im ai itin takla kohchvt fiopa tupa hi oke.

30. Micha nitak yumma shilombish nana hosh natoksvli nana kia yvmihchikma shilombish yumma im okla im ai itin takla ai ishit kanchi la hi oke.

31. Na toksvli nana kia hvsh yvmihcha he keyu hoke, hvsh ai asha moma hvchim ai itishali hlopulli ka nan vlpiss bilia ya hi oke.

32. Afoha hvchi nitak hollo ya hi oke, mikma hvchimi shilombish a hvsh ilbvshala hi oke; hvshi vt nitak ont ishit chakkali vt opia, opia ka vttvt ia hosh opia ka ont vlli kak q hvchi nitak hollo ya hvsh holitobla hi oke, im achi tok.

33. Micha Chihowah yvt Moses a im anumpulit,

34. Isael im vlla vhleha im anumpulit, Hvshi isht untuklo

lo ilvppa nitak ont isht suahtahlapi kak o nitak untuklo ho Chihowah ya vlhtipo im ai impvcha hi oke.

35. Nitak vmmona ka itvnaha holitopa asha hi oke, yummak oka yuka toksuli nana kia hvsh yvmihcha he keyu hoke.

36. Nitak untuklo ho luak ishit hukmit im issa ya Chihowah hvsh im issa hi oke: nitak ont isht untuchina ka itvnaha hvchi holitopa asha hi oke, micha luak ishit hukmit Chihowah hvsh im issa hi oke: itvnaha holitopa yoke; yuka natoksuli nana kia hvsh yvmihcha he keyu hoke.

37. Chihowah impvchi ilvppa puta kak o luak ishit hukmit im issa Chihowah im issa ya, hukmit im issa, micha ilhpak im issa, vbit im issa, micha ishkot im issa aiena nana ilvppa puta ka nitak im aivlhpiesakma itvnaha holitopa achit hvsh anola hi oke.

38. Micha Chihowah i nitak hollo puta, micha na hvchi hvlbina, micha anumpa kullo hvsh ilonochi moma, micha ilap ahnit hvsh im issa, Chihowah hvsh ima aiena hi oke.

39. Micha hvshi ont isht untuklo nitak ont isht suahtahlapikma, yakni ya awaya tuk a hoivyv hvchim vlhtahakmvt nitak untuklo ho impvchi yo Chihowah isht hvsh im aiasha hi oke, nitak vmmona kvv nitak hollo yatukma, nitak ont isht untuchina kvv nitak hollo ya hi oke.

40. Micha nitak vmmona ka iti hochukma naksish, pam iti naksish, micha iti hishi chito naksish micha bok ushi on-tvlaka itokowisha aiena hvsh ishashke; micha nitak untuklo ho hvchin Chitokaka Chihowah itikba ya hvchi yukpashke.

41. Micha afvmmi achvfakma nitak untuklo impvchi yo Chihowah isht hvsh im aiasha hi oke. Hvchim ai itishali ha nan vlhpisa bilia ya hi oke; hvshi isht untuklokma isht hvsh aiasha hi oke.

42. Chishako hvsh ai asha na nitak untukla hi oke; Israel osh vttu tok moma kvv chishako aiasha hi oke.

43. Yvmohmi ho Echip yakni ya pehliechit kohchi li mvt, Israel im vlla vhleha ha chishako ashachit isht aya li tok a hvchim ai itishali hvv ithaiyana hi oke, hvchin Chitokaka Chihowah sia hoke, ish im achashke, achi tok.

44. Mihma Moses vt Israel im vlla vhleha hā Chihowah impvchi puta k_ā im anoli tok.

CHAPTA XXIV.

MIHMA Chihowah yvt Moses ā im anumpulit,
2. Israel im vlla vhleha hā ish ī miha na, p_ula ha chī
k_ā p_ula bila ai v_lhto vt luh_uwa na bilia chī k_ā, alif bila boa
āhli y_o isht chim onashke.

3. Nan isht atokowa in takali y_ā kocha okla moma im
v_lhtipo anukaka Chihowah itikba yak _o opia vttvt ia hosh
onnahinli ont v_hli hā Alon vt ai im apihisa biliashke; h_v-
chim ai itishali hā nan v_lhpisa bilia ya hi oke.

4. P_ula ai _o hikia kashofa p_ula bila aiv_lhto on taloha k_ā
Chihowah itikba talohonli na bilia he, apesashke.

5. Micha bota tohbi lipehbi y_o ish ishi cha p_uska lumbo
anahtuklo h_o ish p_uskashke: p_uska ach_vfakma kvshkoa
ishit pokoli tuklo kashke.

6. Micha itiakaiya tuklo h_o ish talohlashke, itiakaiya
ach_vfakma hannali hosh ai impa kashofa Chihowah itikba
hikia k_ā on talohashke.

7. Micha itiakaiya aiyukali k_ā filakinsen bano y_o ish on
ashachashke: yvmohmi h_o luak ishit hukmit Chihowah im
issa isht ithana bilia yosh p_uska y_ā on āshashke.

8. Nitak hollo moma k_ā nan itim v_lhpisa bila y_o Israel im
vlla vhleha im ai ishi tuk mak _o Chihowah itikba achukmvt
talohli na biliashke.

9. Mikma Alon, micha ushi vhleha hā immi ha hi oke;
micha aholitopa ak _o ai v_pa hi oke; nan v_lhpisa bilia h_o
luak ishit hukmit Chihowah im issa yosh ī holitopa fehna
hoka, ish im achashke, achi tok.

10. Atuk _o īki vt Echip hatak _o Israel ohoyo ushi yosh
Israel im vlla vhleha hā takla kohchvt aya tok; atuk _o Israel
ohoyo ushi ilvppvt bina hā Israel hatak _o itachowa tok.

11. Mihma Israel ohoyo ushi vt CHIHOWAH hohchifo hā
īk ahobalot anumpulit kallakshichit anumpuli tok; mikma

Moses a isht im vla tuk, mihma (ishki vt Tan apehlich ai achufa Tibli ya ushetik osh hohchifo kvv Shilomilh atok.)

12. Mihma Chihowah im anukfila hvv im otvna chi hq, ai atoni fohki tok.

13. Atuk o Chihowah yvv Moses a im anumpulit,

14. Kallakshichit anumpuli tuk a binah ha kocha isht ish onashke; mikma haklo tuk moma kvv ibbak a noshkobo onochashke, mikma okla moma kvv tvli ishit bolashke.

15. Micha Israel im vlla vhleha ha im anumpulit, kvna hosh in Chitokaka ya kalakshichit anumpulikmvt nan ashvchi vt onvtonlashke.

16. Mikma kvna hosh Chihowah hohchifo ha ik ahobalot anumpulikmvt illi pulla hi oke, mikma okla moma kvv tvli ishit boli pulla hi oke; okla inla yvv yakni ya ai vttv tok akinli chohmit CHIHOWAH hohchifo ha ik ahobalot anumpulikmvt illi pulla hi oke.

17. Micha kvna hosh hatak bika vbikmvt illi pulla hi oke.

18. Micha kvna hosh nan vvhpoa yo vbikmvt achukmala hi oke, nan vvhpoa yokma nan vvhpoa ya hi oke.

19. Micha hatak vt chuka abilika vttv ya im okpvnikma, yvmihchi tuk a chohmichit ilap ma yvmihcha hi oke.

20. Kinvvfi hokma kinafa, nishkin okma nishkin, nuti yokma nuti; hatak o kaniohmichit im okpvnikma, anonti yohmi hq ilap a yvmihcha hi oke.

21. Micha kvna hosh nan vvhpoa vbikmvt atobbashke, mi-cha kvna hosh hatak a vbikmvt illa hi oke.

22. Okla inla hvchi yakni ya ai vttv tuk a itilavet nan vvhpisa hvchim achufa hi oke, hvchin Chitokaka Chihowah sia hoka, ish im achashke, achi tok.

23. Mihma kalakshichit anumpuli tuk ash binah ha kocha isht ona cha tvli ishit bola chi hq Moses vt Israel im vlla vhleha ha im anumpuli tok, mikma Chihowah yvv Moses a i miha tuk mak o Israel im vlla vhleha hvv yvmihchi tok.

CHAPTA XXV.

CHA Chihowah yvt Moses a Sinai nvnih hā ai im anumpulit,

[Israel im vlla vhleha hā im anumpulit, Yakni hvch ima kā, hvsh onakma, yohmikma yakni vt Chihowah i nititopa ya i holitobla hi oke.

Afvmmi hannali hō chim osapa ya ish hokchikmvt, i hannali hō chī pakvpi ahollokchi ya naksish vmt ishma hi oke.

Amba afvmmi isht untuklo hokvto yakni afoha nitak ya hi oke, Chihowah i nitak hollo ya hi oke; chim ya ish ahokcha he keyu, micha chī pakvpi a hollokchi tsish a ishma he keyu hoke.

sh ai vmo ya ilap akinli hosh awaya ishma he keyu, chī pakvpi a hollokchi vt naksish ik vmo ya paki ya he keyu, yakni vt afoha he afvmmi yoka.

Micha yakni ya i nitak hollo ya ilhpak chim asha hi chishno, micha chin tishu, micha chin tishu ohoyo, tishu chim ilhtono, micha okla inla yosh chi awant iena,

Micha chī wak, micha nan vlhpoa chī yakni aiasha a awaya moma kv ilhpak vt im aiasha hi oke.

Micha afvmmi nitak hollo untuklo hō afvmmi untuklo tuklo hō ish hohtenashke; mikma afvmmi nitak hollo o kv chim afvmmi pokoli ushta akucha chakkali

Yohmikma hvshi ont isht untuklo kv nitak ont ishit kma, chubili isht pufa ish olachechashke, i kashoffi na hvchī yakni moma kā olachechit hvsh hlopullecha

Micha afvmmi ont ishit pokoli tahlapi ya hvsh hullo-oke, micha yakni moma hlopullechit okla aiasha moyuka issachit anumpa hvsh i bohlashke: hvchī chubii oke, mikma hatak hvsh moma kv i yakni aiayukali,

micha hatak hvsh moma kv̄t in chuka aiyukali hvsh ona hi oke.

11. Afv̄m̄mi ishit pokoli tahlap yv̄mm̄vt hv̄ch̄i chubili ya hi oke: nana hvsh hokcha he keyu, micha ilap akinli offo ya hvshma he keyu, micha pakv̄pi naksish v̄lmo tuk keyu ya pak̄i hvsh ai v̄ma he keyu hoke.

12. Chubili yoka; hv̄ch̄i holitopa hi oke: osapa awaya ak̄ o hvshpa hi oke.

13. Chubili afv̄m̄mi ilv̄ppa hatak puta kv̄t ilap i yakni aiyukali k̄a falamvt hvsh ona hi oke.

14. Micha chuka abilika hatak a nana kia ish i kanchikm̄vt, keyukm̄vt nana kia chuka a bilika ish in chumpakm̄vt hvsh itilbv̄shala he keyu hoke.

15. Chubili ha ya afv̄m̄mi holhtina v̄lhp̄isa h̄o chin chuka abilika ya ish in chumpa hi oke, mikma nawaya afv̄m̄mi holhtina v̄lhp̄isa h̄o yv̄mm̄mak osh ch̄i kancha hi oke.

16. Afv̄m̄mi laua k̄a v̄lhp̄isa hosh aiv̄lli k̄a i shahlechit isht ish ia hi oke, micha afv̄m̄mi iklauo k̄a v̄lhp̄isa h̄o aiv̄lli k̄a ish ola taklv̄chashke; nawaya ya afv̄m̄mi holhtina ya v̄lhp̄isa h̄o ch̄i kanchi hoka.

17. Yvm̄ohmi hoka, hvsh itilbv̄shala he keyu hoke, amba chin Chitokaka ish i nukwiya hi oke, hv̄chin Chitokaka Chihowah sia hoke.

18. Yvm̄ohmi hoka a nan v̄lhp̄isa k̄a hvsh yvm̄ihcha hi oke, micha v̄m̄ aiv̄lhp̄iesa yvm̄ihchi ya hvsh holitoblashke, mikm̄vt achukma hosh yakni ya hvsh aiasha hi oke.

19. Mikma yakni vt na waya k̄a waya hi oke, micha im̄pt hv̄ch̄i kaiya cha yv̄mm̄mak o achukma hosh hvsh aiasha hi oke.

20. Atuk o afv̄m̄mi isht untuklo k̄a nana h̄o hokchit na waya k̄a emach̄i keyu ho kv̄t nanta hak̄ o e pa ch̄i cho! hvsh achi hokma,

21. Yohm̄ikma afv̄m̄mi ont ishit hannalikma ishit yukpali li ya apesvt hv̄ch̄i onochi la hi oke, mikma afv̄m̄mi tuchina waya ȳo hv̄ch̄i waya hi oke.

22. Atuk o afv̄m̄mi ont isht untuchinakma nana hvsh hokcha hi oke, micha nawaya sipokni ak̄ o hvshpa na,

fummi ont ishit chakkala hi oke; yumma i na waya kv̄t iklo isha k̄ sipokni ak o hvshpa hi oke.

23. Yakni vt kv̄ni vt bilia he keyu hoke; yakni vt v̄m̄mi oka, okla inla, micha now̄t aya hvchia hosh hvsh aiasha oka.

24. Yohmi k̄ yakni hvsh aiasha moma k̄ yakni falv̄minchit chumpa k̄ v̄lhpesa hvsh ahna hi oke.

25. Hvsh itibapishi hv̄t ilbvsh̄t isht ia cha, i yakni aniohmi k̄ kanchi tuk o, i kanomi hosh falv̄minchit hump̄t vlakm̄t itibapishi hv̄t kanchi tuk a falv̄minchit humpashke.

26. Mikma hatak vt falv̄minchit im a chumpa hinla kv̄t im ikshokm̄t, amba ilap v̄to falv̄minchit chumpa hinla,

27. Yvhmikma a kv̄nia tok afv̄m̄mi h̄ hohtena cha tampa k̄ i kanchi tok a i falv̄minchashke yvmohmi h̄ lam̄t i yakni ȳ onashke.

28. Amba i falv̄mincha he keyukma, na kv̄nia tuk vt umpa tuk ash ibbak f̄oka na chubili afv̄m̄mi k̄ ona hi ke; atuk osh chubili ȳ mokofa hi oke, mikma i yakni a falam̄t ona hi oke.

29. Micha hatak vt t̄maha holihta ȳ chuka in talaia tuk sh kanchi tuk m̄t, kv̄nia ha ȳ afv̄m̄mi achv̄fa fehna itin-akla h̄ falv̄minchit chumpa hinla hoke, afv̄m̄mi achv̄fa lhpesakma falv̄minchit chumpashke.

30. Micha afv̄m̄mi achv̄fa v̄lhpesa k̄ falv̄minchit ik humpokma, t̄maha holihta chuka talaia tuk vt chumpa ok ash kv̄llot im ai itishali a hlopulli k̄ immit bilia ȳ obashke; chubili ma kohcha he keyu hoke.

31. Amba chuka alokoli ȳ chuka taloha holiht̄t apak-ypupa keyu hok̄to yakni haiaka osapa ȳ chohma hi oke, v̄m̄minchit chumpa hinlakm̄t yvmohma hi oke, mikm̄t hubili ma kohcha hi oke.

32. Yohmi kia Lefait v̄hleha in t̄maha holihta ȳ micha yakni t̄maha a holihta chuka puta k̄ nitak nana h̄ v̄m̄minchit chumpakm̄t Lefait v̄hleha hv̄t yvmihcha hi ke.

33. Micha hatak osh Lefait a in chumpa tuk ma chuka

kunia tuk a micha i yakni tumaha holihta aiena kut chubili ma kohcha hi oke; Israel im vlla vhleha im ai iti takla ya Lefait vt in tumaha holihta chuka puta kak osh i yakni yoka.

34. Amba in tumaha holihta abilika fullota yakni haiaka hokvto kunia he keyu, i yakni bilia yoka.

35. Micha chitibapishi hvt chiba fokvt ilbvshvt kunia cha, nana bunnakma ish apelvchashke, ahli okla inla micha nowvt aya yoh kia, yvmohmi ho chi takla ahantashke.

36. Micha chelichi micha i shahlit isht ia aiena ka chik im esho kashke; amba chin Chitokaka ya ish i nukshopashke; yvmohmi ho chitibapishi hvt okchaya cha chi takla ahantashke.

37. Chelichi ho chin tuli holisso ya ish ima he keyu, micha i shahlit ibafohka chi ho chim ilhpak o ish i pota he keyu hoke.

38. Hvchin Chitokaka Chihowah sia hosh, Kenan yakni ya hvch ima lish, hvchin Chitokaka sia chi hosh Echip yakni ya a hvchi pehlichit kohchi li tok oke.

39. Micha chitibapishi hvt chi bilika ahanta kut ilbvshvt kunia micha chi kanchikma; yuka chohmichit ish toksvlecha he keyu;

40. Amba tishu ilhtono micha nowvt aya chohmit chin toksvilit chi takla ahanta na, chubili afvmmi ha ont vlla hi oke.

41. Atuk osh yohmikma ilap, micha im vlla vhleha aiena itapihvt chi filvmmiit falamvt ilap in chuka achvfa micha iki vhleha i yakni ya ona hi oke.

42. An tishu vhleha hosh Echip yakni pehlichit kohchi li tok oka, hatak yuka chohmichit kancha he keyu hoke.

43. Kvllot ish toksvlecha he keyu, amba chin Chitokaka ya ish i nukshopa hi oke.

44. Hatak yuka micha ohoyo yuka chim aiasha kut oklushi Chihowah ik ithano chi afolublit aiasha kak a hi oke; yohmi kak o hatak yuka micha ohoyo yuka aiena ka hvsh a chumpa hi oke.

45. Micha okla inla im vlla vhleha hvt nowvt aya yosh hv-chi takla aiasha, micha in chuka achvfa hvchi takla aiasha hv-chi yakni ya atobachi tok aiena kak o, hvsh a chumpa hi oke, mikma yummak osh hvchim ilayak a hi oke.

46. Micha hvsh ai isha he ai vlhpesa yatuk o hvchim vlla et hvchiakaiya kvv immi ha chi hosh isha he ai vlhpesa ho hvsh isha hi oke; yummvt hvchi yuka na bilia he oke; amba hvch itibapishi vhleha, Israel im vlla vhleha hokvno kvllot hvsh iti toksvlecha he keyu hoke.

47. Micha nowvt aya micha okla inla yosh chi bilika ahanta kvv hovitopvt taiyaha, micha chitibapishi hvt bilika ahanta kvv ilbvshvt taha cha, okla inla micha nowvt aya yash chi bilika ahanta ka keyukmvv okla inla yash in chuka achvfa ai unchuloli yo im ile kanchikma,

48. Kanchi ha ya falvmminchit chumpa hinlakmvv yohma hi oke, itibapishi vhleha achvfa kvv falvmminchit chumpa hinlakmvv yohma hi oke.

49. Imoshi, keyukmvv imoshi ya ushi vt falvmminchit chumpa hinla, keyukmvv in chuka achvfa ya i kanomi fehna kanima kia falvmminchit chumpa hinlakmvv yohma hi oke; keyukmvv ilap ak inli kia falvmminchit ile chumpa hinlakmvv yohma hi oke.

50. Mikmvv chumpa tok a afvmmi ile kanchi tok a hohtenvv isht ia hosh chubili afvmmi ha isht onashke: micha vlhtoba kvv afvmmi holhtina ka vlhpisa hi oke. tishu ilhtono nitak vlhpisa ak o vlhpisa ha hi oke.

51. Afvmmi laua hosh takali moma hokma yvmma vlhpi-sa ho falvmminchit ishit chumpa tvli holisso ya anonti tvli holisso ishit chumpa tok a ima hi oke.

52. Micha afvmmi ik lauo hosh chubili afvmmi ona chi kvv takanli momakma, yohmi ho i hohtena hi oke mikma im afvmmi vlhpisa ho falvmminchit chumpa isht vlhtoba ya ima hi oke,

53. Micha tishu hosh afvmmi ilhtohno chohmit takla ahanta ho, mikma ish pisa ho achvfa kash ot kvllochit toksvlecha he keyu hoke.

54. Micha afvmmi ilvppa puta ka falvmminchit ik chum-

pokma, chubili afummi hano, ilap micha im vlla vhleha aiena kvt apiha ho kohcha hi oke,

55. Israel im vlla vhleha hvt vno ak o an tishu vhleha hoka, an tishu vhleha hosh Echip yakni ya pehlichit kohchi li tok oke : hvchin Chitokaka Chihowah sia hoke.

CHAPTA XXVI

NA holbut toba, micha na holbut toba in chuwa hvsh ikba he keyu, micha na holbut toba ikbit hvsh hilecha he keyu, micha tvli na holbut toba nana kia hvsh im aka chunola chi kvt chi yakni a hvsh hilecha he keyu hoke, hvchin Chitokaka Chihowah sia hoka.

2. A nitak hollo ya hvsh holitobli cha vm aboha holitopa ya hvsh holitobla hi oke, Chihowah sia hoke.

3. A nan vllpisa hvsh ai itynowa cha vm anumpa vllpisa ya ieshit hvsh yvmihchikma,

4. Yohmikma ont-aivlhpiesakma, umba ka hvch ihima la hi oke, mikma yakni vt na waya ha hvchi waya hi oke; mikma kowi iti hikia kvt vnit hvchi waya hi oke.

5. Mikma hvsh nihechi kvt paki vmo ya ona he, micha paki vmo yvt hokcha he vllpesa ona hi oke; mikma psaka vput hvchi kaiya cha, achukma hosh hvchi yakni ya hvsh aiasha hi oke.

6. Mikma yakni ya iti nanaiya ima la hi oke, yohmikma hvsh tvshkikma nana hosh hvchi nukshobla he keyu, amba nampo okpulo ya yakni ya kohchit ishit kanchi la hi oke; mikma bvshpo falaia yvt hvchi yakni ya hlopulla he keyu hoke.

7. Mikma hvchin tvnvp a hvsh tihleli na, yvmmak osh hvchi tikba ya bvshpo falaia ishit akakoha hi oke.

8. Mikma hvsh tahlapikmvt tahlepa achvfa kia hvsh tihlela he, micha tahlepa hvsh achvfakmvt tahlepa sipokni pokoli kia hvsh tihlela hi oke, mikma hvchin tvnvp vt hvchi tikba ya bvshpo falaia ishit akakoha hi oke.

9. Hvch ithaiyana lish hvchi wayachit hvchi apaknvchi

la hi oke, micha vm anumpa kullochit na hvchitim apesa la hi oke.

10. Mikma ilhpak sipokni ak o hvshpa tuk osh himona ak atuk pulla kak o isht hvsh kohcha hi oke.

11. Mikma an tabenakel a hvchim ai itin takla ya hilechi la hi oke micha vm ishilombish vt hvchi yuwala he keyu hoke.

12. Micha hvch im ai itin takla ya a nowa la hi oke, micha hvchin Chihowah sia hokma, vm okla hvchia ha hi oke.

13. Hvchin Chitokaka Chihowah sia hosh yvmma i yuka hatak hvchia ha he keyu mak o, Echip yakni ya pehlichit hvchi kohchi li tuk oke, micha ikonla abana ishit talakchi puta ka tvptulit apissulechit hvchi nowvchi li hatuk oke.

14. Yohmi kia hvs sa haponakla he keyukma, micha vm anumpa ilvppa moma hvsh yvmihcha he keyukma,

15. Micha a nan vllpisa ha hvsh shitelemakma, keyukmt hvchimi shilombish vt vm aivlhpesa yvmihchi ya yuwala cha a nan vllpisa moma ka hvsh yvmihcha he keyukma, amba na hvch itim apesa li ya hvsh kobvffikma,

16. Uno ak kia ilvppa hvchi yvmihchi la hi oke; vno fehna kut komonta, tahvt isht ia, yvna mikma niskin elli yo micha chukvsh nukhaklochi yo onochit hvchim apesa la hi oke, mikma peh pilla ho hvchi napehna ya hvsh hokcha hi oke; hvchin tvnvp ak osh vpa hi oka.

17. Mikma sa nashuka ya isht hvchi sanalichi likma, hvchin tvnvp itikba ya hvch illa hi oke; hvchi nukkilli puta kut hvchi pehlichia hi oke, mikma kvna hosh hvchi hlioli keyu kia hvsh tihlahaya hi oke.

18. Micha nana ilvppa moma ka hvs sa haponakla he keyukma, na hvsh ashvchi pulla kak o, himakma napalvmmi untuklo ha isht hvchi onochi la hi oke.

19. Micha nan isht hvsh a kvllo isht ilefehuvchi ya kobvffi la hi oke; micha hvchi shutik a tuli chohmichi likmt, hvchi yakni ya asonak lakna ya hvchin chohmichi la hi oke.

20. Mikma pilla ho hvchim i hlampko hvv taha chi hoke;

huchi yakni yut nawaya ya huchi waya he keyu hoke, micha yakni ya iti puta kut vni ya waya he keyu hoke.

21. Micha hvs sum ilapunla cha hvs sa haponakla he keyukma, na hvsh ashvchi atukmak o ililli untuklo ho himakma hvchi onochi la hi oke.

22. Micha nampoia okpulo aiena hvchim itin takla et tihleli likma yvmmt hvchim vlla vhleha ha wehpuli cha, hvchi nan vlpoa ya vbit tahla hi oke, micha hvchi kanamosechi likma, hvchi hina puta kut aksha hi oke.

23. Atuk osh ilvppa puta ka isht hvchi kostininchi la he keyukma, amba hvs sum ilapunlakma,

24. Yohmikma vno ak kia hvchim ilapunla lish, na hvsh ashvchi pulla ka untuklo ha na palvmmi hvchi onochi la hi oke.

25. Micha a nan vlpisa ha i sanali tuk a ilaiokha chi ka bvshpo falaia ya hvchi onochi la hi oke; mikma hvchin tv-maha holihta anuka itahobvt hvsh itvnahakma, ililli hvchi onochi la hi oke, mikma tvnvp ibbak hvsh fohka hi oke.

26. Mikma ishit hlampko hvchi pska ya kobvffi likma, ohoyo pokoli hosh hvchi pska ya a palvska achvfa ho anunachi cha hvchi pska ya wekichichosh anonti hvch ima hi oke; mikma hvshpa kia ik hvchi fihopo ka hi oke.

27. Micha ilvppa moma kut yvmohmi kia hvs sa haponakla he keyu, amba hvs sum ilapunlakma,

28. Yohmikma vno ak kia nukhobela hosh hvchim ilapunlt aya la chi hoke; micha vno, vno fehna kut na hvsh ashvchi tuk a untuklo ha napalvmmi hvchi onochi la hi oke.

29. Mikma hvchiso vhleha nipi ya hvshpa cha hvchiso tek vhleha nipi ya hvshpa hi oke.

30. Micha hvch im achaha puta ka ishit kanchi lish na holba hvchin toba puta ka chanlit akakohli likmt hvchi haknipp illi ya hvchi na holvt toba puta ka on ashachi la hi oke, micha vmi shilombish vt hvchi yuwala hi oke.

31. Micha hvchin tv-maha hohlita puta ka chukilissvchi lish, hvchim vltipo holitompa puta ka chukilissvchi likmt, na hvchi balama ya huwa la he keyu hoke.

32. Micha yakni ya a chukilissa isht ona la chi hoke,

ma hvchin tñvp vñleha ymma ai ahanta kut okokko!
ia chj hoke.

33. Micha oklushi Chihowah ik ithano puta ka im itin
la hvchi fimmi lish bvshpo falaia shufit hvchiakaiyachi la
oke; mikma hvchi yakni vt chukilissakma, hvchin tñma-
holihta puta kut ai okpuloka hi oke.

34. Yohmikma hvchin tñvp i yakni a hvsh aiasha na
ni vt chukilissa momakmt i nitak hollo ya a yukpa hi
; yohmi pulla hokmno yakni vt foha cha, i nitak hollo
a yukpa hi oke.

35. Chukilissvt talaia momakmtto foha hi oke; hvsh on
a ma hvchi nitak hollo ya ik foho tuk okvt.

36. Micha okchaya momvt in tñvp i yakni asha ka chu-
h iilli fohki la hi oke, mikma iti hishi fatahvchit ola yvt
ela hi oke; mikma bvshpo falaia i yihlepa chohmit yihle-
hi oke, micha kvna hosh hlioli keyu kia akakoha hi oke.

37. Micha kvna hosh hlioli keyu kia bvshpo falaia itikba
chohmit ito kahvt akakoha hi oke, mikmt kvllot hvchin
vp itikba hvsh hila he keyu hoke.

38. Micha oklushi Chihowah ik ithano im itin takla ai
; hvchi taha hi oke, mikma hvchin tñvp i yakni vt hvchi
la hi oke.

39. Micha hvchi okchaya kvto hvchin tñvp i yakni ai
vt nan ashvchi ishit hlipushit, micha iki nan ashvchi ya
it hlipushit ia hi oke.

40. Yohmi kia ilap nan ashvchi, micha iki vñleha nan
vchi, yoshoba aiena a yoshoba tuk, micha vm ilapunla
s,

41. Micha vno ak kia im ilapunla li tuk, micha in tñvp i
kni ya isht ona li tuk aiena ka vm il aionohonlikma, mi-
a chukvsh hakshup ik tapo vt akanlosi cha, nan ashvchi
lla hosh na palvmmi onvtula tuk vt vñpesa ahnikma,

42. Yohmikma Chekob a nan itim apesali tok vt ithaiya-
la hi oke, micha Aisak a nan itim apesali tok vt ithaiyana
hi oke, micha Ebleham a nan itim apesali tok aiena kut
aiyana la hi oke, micha yakni ya ithaiyan a la hi oke.

43. Micha yakni ya issakma, yummvt iksho hq chukilis-

svt talaiakmut, i nitak hollo ya a yukpa hi oke: micha nan ashvchit na palvmmi onvtula tuk vt vllhpesa ahna hi oke; vm aivlhpesa yvmihchi ya shitilema tuk okvt, micha imi shilombish vt a nan vllhpisa puta ka shitilema tuk okvt.

44. Amba yvmma moma ka ik yohmi kia in tvnvp i yakni ashakma kanchi la he keyu, micha shitilemvt nan itim apesali vt kobvffit kanchit vmohmichi la he keyu; in Chitokaka Chihowah sia hokvt.

45. Amba yvmmak atuk pulla mak o in tikba vllheha ha yvmmak oka in Chitokaka sia ha chi hosh, oklushi Chihowah ik ithano vllheha hvv pisa ho, Echip yakni ya pehlchit kohchit nan itim apesali tok vt, ithaiyana la hi oke, Chihowah sia hoke, ish im achashke, achi tok.

46. Nana vllhpisa ilvppa puta, micha ai vllhpesa yvmihchi, micha nanvllhpisa ilvppa puta kak o Chihowah yvt Moses a tohnot Sinai nvnih ha Israel im vlla vllheha ha ai itim apesa tok oke.

CHAPTA XXVII.

MIHMA Chihowah yvt Moses a im anumpulit,

2. Israel im vlla vllheha ha im anumpulit, Hatak nan ghlichhi anumpa ha atokolit ilonochikmut, ish im apesa ho hatak vt Chihowah immi ha hi oke.

3. Ish im apesa kvv nakni yosh afvmmi pokoli tuklo vttvt ia hosh afvmmi pokoli hannali ont vlli ha hi oke, ish im apesa kvv vllhtipo holitopa shekel ak o iakaiya hosh tvli hvta shekel pokoli tahlapa hi oke.

4. Michā ohoyo hokmvno shekel pokoli tuchina ho ish im apesa hi oke.

5. Michā afvmmi tahlapi ho vttvt ia hosh afvmmi pokoli tuklo ont vlli hokma nakni yokma, shekel pokoli tuklo, ohoyo hokma shekel pokoli ho ish im apesa hi oke.

6. Michā hvshi achvfa ho vttvt ia hosh afvmmi tahlapi ont vlli kano nakni yokma, tvli hvta shekel tahlapi ish im apesa he, michā ohoyo hokma tvli hvta shekel tuchina ho ish im apesa hi oke.

7. Micha afvmmi pokoli hannali uttvt vba maya ka nakni yokma, shekel auahlahapi ho, micha ohoyo hokma, shekel pokoli ho ish im apesa hi oke.

8. Yohmi kia ilvusha hatuk osh ish im apesa tuk a ik onanchokmvt na holitompa isht vtta itikba ya ilotv nicha he, mikma na holitompa isht vtta yvt vltoba onocha hi oke; anum-pa ahlichil onochi ash osh yumiheha hinla vlpisa ho vltoba onachashke.

9. Micha nan vlpoa yo hatak vt Chihowah im issvt isht im ona, yohmikma hatak kvna hosh yvmma chohmi ho Chihowah im issakma, moma kv holitopa hi oke.

10. Inlvcha he keyu, micha okpulo yatuk a achukma yo, keyukmvt achukma yatuk a okpulo yo atobbicha he keyu hoke, micha nan vlpoa yatuk o nan vlpoa yo atobbichikma yvmma micha vltoba kash aiena kv holitopa hi oke.

11. Micha nan vlpoa liteha nana ho yvmmak oka vbit im issa mak o Chihowah im issa keyu, yohmikmvt nan vlpoa ya naholitompa isht vtta ya isht im ona hi oke.

12. Mikma naholitompa isht vtta yvt achukma hokma, okpulo yokma nana kia vltoba onocha hi oke; naholitompa isht vtta chia hv vltoba ish onochi tuk mak o yvmohma hi oke.

13. Yohmi kia fvlvmminchit chumpa chi pulla hokmvt, ish im apesa tuk a ishit tahlapi ho apotola hi oke.

14. Micha hatak osh in chuka ya Chihowah i holitopa chi ho hullochikma naholitompa isht vtta yvt achukma hokma okpulo yokma nana kia vltoba onocha hi oke, naholitompa isht vtta yvt vltoba onochi tuk mak o kvllot hikia hi oke.

15. Atuk o hullochi tuk ash osh in chuka fvlvmminchit chumpa chikma vltoba ish apesa tuk a tvli holisso ishit tahlapi ho apotoli cha immi hashke.

16. Micha hatak vt im osapa kashapa ka Chihowah ya i hullochikma, napehna ya vlpisa ho ish im apesa hi oke: bali pehna homa achvfa kv tvli hvta shekel pokoli tahlapi vlpisa hi oke.

17. Chubili ak o vttvt ia hō im osapa ya hullochi tuk ma, ish im apesa tuk ash vllhpisa hosh hikia hi oke.

18. Amba chubili i himmak o im osapa ya hullochi tuk ma, naholitompa isht vttta yvt afvmmi takanli moma chubili afvmmi ont vlli kak o vllhpisa hō tvli holisso i hohtena hi oke, mikma ish im apesa tuk ash isht ola takla hi oke.

19. Atuk o osapa ya hullochi tuk ash osh kaniohmit falvmminchit chumpa hinlakmvt ish im apesa tuk ash, tvli holisso ishit tahlapi kə ibafohkikmvt kvlloṭ immi ha hi oke.

20. Micha osapa hə falvmminchit chumpa he keyukmvt, keyukmvt osapa ya hatak inla yo i kanchi tukmvt himmakma falvmminchit chumpa he keyu hoke.

21. Amba osapa yvt chubili ya kohchakmvt Chihowah holitopa hullochi osapa ya hi oke; yvmmvt naholitompa isht vttta immi ha hi oke.

22. Micha hatak osh osapa chumpa tuk osh yvmmvt i yakni yatuk keyu hō Chihowah ya i hullochi tuk ma,

23. Yohmikma naholitompa isht vttta yvt ish im apesa tuk vllhpisa hō chubili afvmmi ont vlli hō i hohtenashke; mikma nitak yvmma ish im apesa tuk nana holitompa mak o Chihowah ya imashke.

24. Chubili afvmmi ya in chumpa tuk ash osapa yvt falamvt i yakni atuk ak o im onashke.

25. Micha vllhtipo holitopa shekel ak o iakaiya hosh ish im apesa bieka hi oke, kelah pokoli tuklokmtv shekel achufa hi oke.

26. Vllhpoa ushi vttahpi ak illa hosh yvmmvto Chihowah im vttahpi ya hi vllhpisa hoke, hatak nana hosh hullocha he keyu hoke, wak hobvk okmá, chukfi nana kia, Chihowah immi hoke.

27. Micha nan vllhpoa liteha yokma, ish im apesa tuk a iakaiya hosh falvmminchit chumpa cha, ishit tahlapi iba fohka hi oke; keyukmvt falvmminchit ik chumpokma, is im apesa tuk a iakaiya hosh kvnia hi oke.

28. Yohmi kia nana hullochi tuk nana im asha moma k ai ishit, hatak o keyukmvt, nan vllhpoa yo keyukmvt, osap aiena kanima hō hullochi tukma kvnia he keyu, mich

falvminchit chumpa he keyu hoke: nana hullochi puta kut Chihowah i holitempa i shahli hoke.

29. Nana hullochi achvfa kia hatak vt hullochi tuk a falvminchit chumpa he keyu hoke, amba illi pulla hi oke.

30. Micha yakni ya nana ishit pokoli puta, yakni nana awaya puta, keyukmtv iti vni puta kut Chihowah immi hoke, Chihowah i holitopa hoke.

31. Yohmi ka hatak osh im ishit pokoli falvminchit chumpa pullakmtv ishit tahlapi ka apotola hi oke.

32. Micha nan vlhpoa hochito, keyukmtv chipunta aiena ishit pokoli ak okmtv kanima hosh fuli nuta ont ia ak a hi osh, ishit pokoli ak osh Chihowah i holitopa hi oke.

33. Achukma hokma, okpulo yokma nana ka hoye he keyu, micha inla atobbicha he keyu, inla atobbichi pulla hokma, yvma micha vlhtoba kash aiena kut i holitopa ha hi oke, falvminchit chumpa he keyu hoke, ish im achashke, im achi tok.

34. Nan vlhpisa ilvppa puta kak o Israel im vlla vhleha i nan vlhpisa ha chi ka Sinai nvnih ha Chihowah yvt Moses a ai im apesa tok oke.

Vertical line on the left side of the page.



Horizontal line at the bottom of the page.

NUMBAS HOLISSO.



MOSES I HOLISSO AIUSHTA KUT

NUMBAS HOHCHIFO HOKE.

CHAPTA I.

HEMA Chihowah yvt yakni haiaka Sinai ya Echip yakni ya a kohchut minti tok afvmmi atukla, hvshi atukla tak vmmona ma, okla moma im vltipo ya Moses a et anumpulit,

slael im vlla vhleha moma holhtina ka in chuka achvfa a ho iki in chuka achvfa iakaiya ho nakni puta nosh-
vlpisa hohchifo holhtina ka hvsh ishashke.

Afvmmi pokoli tuklo ai vhlit vba maya kohchut tvnvp la puta, Israel ai asha ka, chishno micha Alon itatuk-
hka pehlichy aiyukali ho hvsh hotehnashke.

Mikma apehlichy aiyukali ka hatak achvfa iki vhleha aka achvfa i noshkoboka aiyukali vt hvch ibafoka hi

Hatak hohchifo ihvppa puta kak osh hvchi apehvt
hi hoke. Luben apehlichy ya, Sheteu ushi Elisu,

Simeon apehlichy ya, Sulishattai ushi Shelumiel,

Chutah apehlichy ya, Amminatab ushi Nahshon,

Issaka apehlichy ya, Sua ushi Nehlanecl,

Sebulun apehlichy a, Helon ushi Eliab,

Chosef im vlla vhleha; Eflaim apehlichy, Ammihut
Elishama; Manasseh apehlichy a Petahsu ushi Ka-

Benchamin apehlichy a, Kiteoni ushi Abitan,

Tan apehlichy a Amishattai ushi Ahiesa,

Asha apehlichy a Oklan ushi Pakiel,

Kat apehlichy a Teuel ushi Eliasaf,

Naftali apehlichy a Enan ushi Ahila,

16. Ilappa puta kak osh okla moma ka ai annohowa iki vheha apehliche yo i holitopa Israel a tahlepa sipokni puta i noshkoboka yatok.

17. Mihma Moses micha Alon itatuklo kut hatak ilappa puta hohchifo hosh takali tuk o ishi tok.

18. Micha okla moma ka hvshi atukla nitak vmmoma ma itcnabli tok, mihma in chuka achvfa iakaiyvt iki vheha in chuka vllhpisvt hohchifo holhtina yatuk a noshkobo holhtina afvmmi pokoli tuklo ai vhlit vba maya ka okla anoli tok.

19. Mihma Chihowah yvt Moses a im apesa tuk mak o, yohmit Sinai yakni haiaka ya a hohtena tok.

20. Mihma Israel ushi akni fehna Luben im vlla vheha ai unchuloli iki vheha in chuka achvfa yvt chuka achvfa vllhpisvt nakni puta afvmmi pokoli tuklo ai vhli vttvt vba maya kohchvt tvnvp itibit ia hinla moma kut noshkobo holhtina hosh hohchifo holhtina tok.

21. Luben apehliche yosh holhtina kut tahlepa sipokni pokoli ushta cha tahlepa tahlapi tok.

22. Simeon im vlla vheha ai unchuloli vt iki vheha in chuka achvfa vt, in chuka achvfa vllhpisvt nakni puta afvmmi pokoli tuklo vttvt vba maya kohchvt tvnvp itibit ia hinla puta kut noshkobo holhtina hosh hohchifo holhtina tok.

23. Simeon apehliche holhtina kut tahlepa sipokni pokoli tahlapi akucha chakkali cha tahlepa tuchina tok.

24. Kat im vlla vheha ai unchuloli hvv iki vheha in chuka achvfa yvt chuka achvfa vllhpisvt afvmmi pokoli tuklo ai vhli vttvt vba maya kohchvt tvnvp itibit ia hinla puta kut hohchifo holhtina tok.

25. Kat apehliche yvmma holhtina kut tahlepa sipokni pokoli ushta akucha tahlapi, tahlepa hannali cha pokoli tahlapi tok.

26. Chutah im vlla vheha ai unchuloli hvv iki vheha in chuka achvfa yvt chuka achvfa vllhpisvt afvmmi pokoli tuklo ai vhli vttvt vba maya kohchvt tvnvp itibit ia hinla puta kut hohchifo holhtina tok.

27. Chutah apehliche yvmmvt holhtina kut tahlepa sipokni pokoli untuklo akucha ushta cha tahlepa hannali tok.

28. Issaka im vlla vhleha ai unchuloli hvt iki vhleha in chuka achvfa vt chuka achvfa vllhpisa hosh afummi pokoli uklo ai vhli vttvt vba maya kohchvt tnvvp itibit ia hinla puta kvt hohchifo holhtina tok.

29. Issaka apehlichi yummvt holhtina kvt, tehlepa sipokni pokoli tahlapi akucha ushta cha tahlepa ushta tok.

30. Sebulun im vlla vhleha ai unchuloli hvt iki vhleha in chuka achvfa vt chuka achvfa vllhpisvt afummi pokoli tuklo ai vhli vttvt vba maya kohchvt tnvvp itibit ia hinla puta kvt hohchifo holhtina tok.

31. Sebulun apehlichi yummvt holhtina kvt tahlepa ipokni pokoli tahlapi akucha untuklo cha tahlepa ushta tok.

32. Chosef im vlla vhleha yummvt Eflaim im vlla vhleha ai unchuloli hvt iki vhleha in chuka achvfa yvt chuka achvfa lhpisa hosh afummi pokoli tuklo ai vhli vttvt vba maya kohchvt tnvvp itibit ia hinla puta kvt hohchifo holhtina tok.

33. Eflaim apehlichi yummvt holhtina kvt tahlepa sipokni pokoli ushta cha tahlepa tahlapi tok.

34. Manasseh im vlla vhleha ai unchuloli hvt iki vhleha in chuka achvfa yvt chuka achvfa vllhpisa hosh afummi pokoli tuklo ai vhli vttvt vba maya kohchvt tnvvp itibit ia hinla puta kvt hohchifo holhtina tok.

35. Manasseh apehlichi yummvt holhtina kvt tahlepa ipokni pokoli tuchina akucha tuklo cha tahlepa tuklo tok.

36. Benchamin im vlla vhleha ai unchuloli hvt iki in chuka achvfa yvt chuka achvfa vllhpisa hosh afummi pokoli uklo ai vhli vttvt vba maya kohchvt tnvvp itibit ia hinla puta kvt hohchifot holhtina tok.

37. Benchamin apehlichi yummvt holhtina kvt tahlepa ipokni pokoli tuchina akucha tahlapi cha tahlepa ushta tok.

38. Tan im vlla vhleha ai unchuloli hvt iki vhleha in chuka achvfa yvt, chuka achvfa vllhpisvt afummi pokoli tuklo ai chlit vba maya kohchvt tnvvp itibit ia hinla puta kvt hohchifot holhtina tok.

39. Tan apehlichi yummvt holhtina kvt tahlepa sipokni pokoli hannali akucha tuklo cha tahlepa untuklo tok.

40. Asha im vlla vhleha ai unchuloli hut iki in chuka achvfa, chuka achvfa vhlpisvt afvmmi pokoli tuklo ai vhlit vba maya kohchvt tnvvp itibit ia hinla puta kvv hohchifot holhtina tok.

41. Asha apelhichi yvmmvt holhtina kvv tahlepa sipokni pokoli ushta akucha achvfa cha tahlepa tahlapi tok.

42. Naftali im vlla vhleha ai unchuloli hut iki vhleha in chuka achvfa yvt chuka achvfa vhlpisvt afvmmi pokoli tuklo ai vhlit vba maya kohchvt tnvvp itibit ia hinla puta kvv hohchifot holhtina tok.

43. Naftali apelhichi yvmmvt holhtina kvv tahlepa sipokni pokoli tahlapi akucha tuchina cha tahlepa ushta tok.

44. Ilvppa puta kak osh, Moses micha Alon itatuklo kvv hohtena ma holhtina tok; Israel i holitopa hatak auah tuklo: iki vhleha in chuka achvakma achvvt ia tok.

45. Yohmi hq Israel im vlla vhleha moma iki vhleha in chuka achvfa vhlpisa hosh afvmmi pokoli tuklo ai vhlit vttvt vba maya kohchvt tnvvp itibit ia hinla puta kvv holhtina tok.

46. Holhtina kvv moma kvv tahlepa sipokni tahlepa hannali cha tahlepa sipokni tuchina tahlepa tahlapi cha pokoli tahlapi aiena tok.

47. Amba Lefait vhleha hut iki vhleha apelhichi kvv takla ik holhtino tok.

48. Chihowah yvt Moses a im anumpulit,

49. Lefai apelhichi illa hq ish hohtena he keyu, micha Israel a takla holhtina ka ish isha he keyu;

50. Amba Lefait vhleha isht atokowa vltipo, micha nan ai vltto moma yvmma foyuka, micha nana hosh ai immi putakma, apistikli ya chi ka ish atokolashke, mikma vltipo ya, micha nanaivltto moma aiena ka shoyula chi hoke: micha nana isht im ahashwa, micha vltipo holitopa ya abinachit afolubla hi oke.

51. Vltipo holitopa yvt ia chikma, Lefait vhleha hak osh akvcha hi oke; micha vltipo holitopa yvt hikia chikma, Lefait vhleha hak osh hilecha hi oke; atuk o hatak nan ik ithano yosh bilika ona hokvt illa hi oke.

52. Mikma Israel im vlla vhleha hokvt ilap im vltipo

uta ka i binah aiyukali a hilecha hi oke; micha hatak iyukali kv̄t i na hv̄ta shali abinanchit okla moma hlopulla i oke.

53. Amba Lefait vhleha hokv̄to nan isht atokowa v̄lhtipo holitopa hilechit apakfoypv̄t binancha hi oke: yvmohmi q̄ im ai i nukkilli vt̄ Islael im vlla vhleha h̄q̄ ik onv̄tulo tashke: mikma Lefait vhleha hak osh nan isht atokowa v̄lhtipo holitopa ȳa ieshit atonna hi oke, im achi tok.

54. Mihma Islael im vlla vhleha hv̄t Chihowah yv̄t Moses i im apesa tuk mak q̄, moma yvmihchi tok.

CHAPTA II.

MIHMA Chihowah yv̄t Moses micha Alon a im anumpu-lit,

2. Islael im vlla vhleha hatak puta kv̄t ilap i nahv̄ta shali, īki in chuka achv̄fa i nahv̄ta aiyukali kak q̄ abinancha hi oke: okla moma im v̄lhtipo holitopa i hopakechit afolublit a binancha hi oke.

3. Mikma i hv̄shi akochaka pilla hak q̄ Chutah i nahv̄ta shali ai achv̄fa kv̄t okla laua moyuma kv̄t abinancha hi oke; mikma Amminatab ushi Nahshon ak osh Chutah im vlla vhleha h̄q̄ i kv̄pitv̄ni ha ch̄i hoke.

4. Mihma in tv̄shka vhleha holhtina kv̄t tahlepa sipokni pokoli untuklo akucha ushta cha tahlepa hannali tok.

5. Mikma yv̄mma pit iakaiyv̄t binanchi kv̄to Issaka apelihi kak a hi oke: mikma Sua ushi Nehlaneel ak osh Issaka im vlla vhleha h̄q̄ i kv̄pitv̄ni ha ch̄i hoke.

6. Mihma in tv̄shka vhleha hv̄t holhtina kv̄t tahlepa sipokni pokoli tahlapi akucha ushta cha tahlepa ushta aiena tok.

7. Yohmi ma Sebulun apelihi kak a tok; mihma Helon ushi Eliab ak osh Sebulun im vlla vhleha h̄q̄ i kv̄pitv̄ni ha ch̄i hoke.

8. Mihma in tv̄shka vhleha hv̄t holhtina kv̄t tahlepa sipokni pokoli tahlapi akucha untuklo cha tahlepa ushta aiena tok.

9. Chutah i binah aiasha holhtina moma kvt okla moyuma kvt tahlepa sipokni achufa cha tahlepa sipokni pokoli untuchina tahlepa sipokni hannali micha tahlepa ushta aiena tok, iluppa puta kak osh tikba iashke.

10. Oka mahli in tvnnvp a Luben in tvshka vhleha mak osh a binanchi ya i nahvta shali a hikia chi hoke: mikma Luben im vlla vhleha i kvpitvni vt Sheteu ushi Elisu ak a hi oke.

11. Mihma in tvshka vhleha micha a holhtina kvt tahlepa sipokni pokoli ushta akucha hannali cha tahlepa tahlapi tok.

12. Mikma apontvt binanchi kvt Simeon ap ehlich i ak a chi hoke; mikma Simeon im vlla vhleha i kvpitvni vt Sulishattai ushi Shelumiel ak a chi hoke.

13. Mikma in tvshka vhleha micha holhtina kvt tahlepa sipokni pokoli tahlapi akucha chakkali cha tahlepa tuchina tok.

14. Yermakma Kat ap ehlich i ak a chi hoke, mikma Kat ushi vhleha i kvpitvni vt Leuel ushi Eliasaf ak a chi hoke.

15. Mihma in tvshka vhleha micha holhtina tuk vt tahlepa sipokni pokoli ushta akucha tahlapi micha tahlepa hannali cha pokoli tahlapi tok.

16. Luben i binah ha aiashvt holhtina tuk vt okla moma kvt tahlepa sipokni tahlepa achufa tahlepa sipokni pokoli tahlapi akucha achufa, micha tahlepa ushta cha pokoli tahlapi tok: micha iluppa puta kak osh aya atukla yosh wakaya hi oke.

17. Yohmikma okla moma im vlhtipo holitopa yvt wakayvt Lefait vhleha i binah, binah iklvna aiasha tuk aient ia chi hoke; kaniohmit binachi tuk vt moma hosh ahikia ai yukali, micha i nahvta shali ai yukali hielit iashke.

18. Hvshi ai okatula in tvnnvp a Eflaim in tvshka vhleha mak osh i binah nahvta shali vt hikia hi oke: mikma Eflaim im vlla vhleha ha i kvpitvni vt Ammihut ushi Elishama ak a chi hoke.

19. Mihma in tvshka vhleha, micha holhtina tuk vt tahlepa sipokni pokoli ushta cha tahlepa tahlapi tok.

0. Mikma apotoa kv̄t Manasseh apēhlichī ak a chī hoke, ma Manasseh im vlla vhleha h̄g i kv̄petvni vt Petahsu i Kamaliel ak a chī hoke.

1. Micha in tvshka vhleha, micha holhtina tuk vt tahle-
ipokni pokoli tuchina akucha tuklo cha tahlepa tuklo

2. Yohmikma Benchamin apēhlichī ak a chī hoke; mik-
Benchamin im vlla vhleha i kv̄pitvni vt Kiteoni ushi
tan ak a chī hoke.

3. Micha in tvshka vhleha, micha holhtina tuk vt tahle-
ipokni pokoli tuchina akucha tahlapi cha tahlepa ushta

4. Eflaim i binah hv̄t holhtina moma, okla moma kv̄t
epa sipokni tahlepa achvfa, tahlepa sipokni untuchina
tahlepa achvfa tok; micha aya atuchina kak o hielit ia
hoke.

5. Tan i binah nahvta shali vt falvmmi in tvnnv̄p im ok
iasha bilika hikia chī hoke: mikma Tan im vlla vhleha
pitvni vt Ammishattai ushi Ahiesa yak a chī hoke.

6. Mihma in tvshka vhleha, micha holhtina kv̄t tahlepa
kni pokoli hannali akucha tuklo cha tahlepa untuklo tok.

7. Mikma apotv̄t binachi kv̄t Asha apēhlichī ak a chī
e, mikma Asha im vlla vhleha i kv̄pitvni vt Oklan ushi
iel ak a chī hoke.

8. Mihma in tvshka vhleha, micha holhtina tuk vt tahle-
ipokni pokoli ushta akucha achvfa cha tahlepa tahlapi

9. Yvmmakma Naftali apēhlichī ak a chī hoke; micha
ali im vlla vhleha i kv̄pitvni vt Enan ushi Ahila ak a
hoke.

0. Mihma in tvshka vhleha, micha holhtina tuk vt tahle-
ipokni pokoli tahlapi akucha tuchina cha tahlepa ushta

1. Tan i binah aiashv̄t holhtina moma kv̄t tahlepa si-
ni tahlepa achvfa tahlepa sipokni pokoli tahlapi akucha
iklo cha tahlepa hannali tok: yvmmv̄to i nahvta ieshit
ika fehna aya chī hoke.

32. Israel im vlla vhleha iluppa puta kak osh iki in chuka achvfa vllhpisa hosh holhtina tok. Okla moma binah puta ka aiashvt holhtina tuk moma kvv tahlepa sipokni tahlepa hannali, tahlepa sipokni tuchina cha tahlepa tahlapi pokoli tahlapit aiena tok.

33. Amba Chihowah yvt Moses a im apesa tuk mak o, Lefait vhleha hvto Israel im vlla vhleha takla ik holhtina tok.

34. Mihma Chihowah yvt Moses a im apesa tuk mak o, moma Israel im vlla vhleha hvv yvmihchi tok; yohmi hosh iki vhleha in chuka achvfa vllhpisa hosh in chuka achvfa aiyyukali i nahvta shali abinachi, micha yohmi hosh wakayvt ia beka tok.

CHAPTA III.

ILUPPA puta aiena kak osh, Chihowah yvt Sinai nmih ha Moses a im anumpuli nitak, Alon micha Moses a anoli holisso yoke.

2. Mihma hohchifo iluppa puta kak osh Alon ushi vhleha hatok. Natab vt vttta vmmona, micha Abihu, Eleasa micha Ihlama ak atok.

3. Hohchifo iluppa puta kak osh Alon ushi vhleha yosh naholitompa isht asha ya chi bila ahvmmit yvmmt naholitompa isht asha vltoka isht ai ahashwa chi ho hullochi tok oke.

4. Atuk o Natab micha Abihu vt yakni haiaka Sinai ya Chihowah itikba ya luak inla yo im issa cha illi tok, mihmt vlla ik im iksho ki tok; mihma Eleasa micha Ihlama itatuklo kvv iki Alon itikba ya naholitompa isht vttta vltoka ya isht ai ahashwa tok.

5. Mihma Chihowah yvt Moses a im anumpulit,

6. Lefai apehlichy yo bilika isht ishla cha, naholitompa isht vttta Alon itikba ya isht ish onashke; yohmi na yvm-mak o nana isht im ahantashke.

7. Michu nan isht im ai vttta ya yvmihinchit, micha okla moma nan isht im ai vttta, okla moma im vltipo holtopa

ka ya a yvmihinchit, vlhtipo holitopa isht ai ahanta ya ymihinchashke.

8. Micha okla moma im vlhtipo holitopa nan isht toksvli ita ka ieshit Israel im vlla vhleha nan isht im aietta ymichit vlhtipo nan isht aiahanta ya yvmihinchaske.

9. Lefait vhleha ha, Alon micha ushi vhleha hak o ish ashke: Israel im vlla vhleha ha akohchit mominchit ima hatuk oke.

10. Mikma Alon micha ushi vhleha ha ish atokoli na, nalitompa isht vttta vlhtoka ya isht ahashwa chi hoke: mikma hatak inla yosh bilika vlakmtv illi pulla chi hoke, achi ok.

11. Micha Chihowah yvt Moses a im anumpulit,

12. Micha vno vt yakeh! vno vt Israel im vlla vhleha ha ttahpi ishki im oshvto tiwi puta ya atobbichit Israel im vlla vhleha ha akohchit Lefait vhleha hak o ishe lishke; ohmi hoka Lefait vhleha hvt vmmi ha chi hoke.

13. Uttahpi moma kvv vmmi hokvt; Echip yakni ya ttahpi moma ka vbit tahli li tok nitak mvt Israel a hatak, nicha nanvlhpoa aiena vttahpi puta ka hullochit il ai ishi tok okvt; vmmi ha chi hoke. Chihowah sia hoke, achi ok.

14. Micha Chihowah yvt yakni haiaka Sinai ya Moses a n anumpulit,

15. Lefai im vlla vhleha ha iki in chuka achvfa ahohchit iakaiyvt ilap im iksa ibafokvt ish hohtenashke: nakni uta hvshi achvfa vttvt vba maya kak o ish hohtenashke, chi tok.

16. Mihma Moses vt Chihowah yvt im apesa tuk im numpa hatuk mak o hohtena tok.

17. Mihma Lefai ushi vhleha hohchifo hvt ilvppak atok; Keshom micha Kohalh micha Melali ak atok.

18. Mikma Keshom ushi vhleha ahohchifot in chuka chvfa yvt Libni micha Shimei ilvppak atok.

19. Mikma Kohalh ushi vhleha in chuka achvfa yvt Amam micha Iseha, Heblon micha Ussiel, ilvppak atok.

20. Mikma Melali ushi vhleha in chuka achvfa yvt Mahli

micha Mushi ak atok; Ilvppa puta kak osh iki vhleha in chuka achvfa vllhpisa hosh Lefait vhleha in chuka achvfa hatok.

21. Keshom g chuka achvfa Libnait, micha chuka achvfa Shimait ak atok, Keshomait vhleha hvt chuka achvfa ilvppak atok.

22. Yvmmvt nakni moma holhtina holhtina tuk vt hvshi achvfa ai vhli vttvt vba maya holhtina mvt, tahlepa sipokni untuklo cha tahlepa tahlapi tok.

23. Keshomait vhleha chuka achvfa vt hvshi ai okvtala pilla vlhtipo holitopa ashaka yak o binacha hi oke.

24. Keshomait vhleha iki in chuka achvfa i shahli vt Lael ushi Eliasaf ak a hi oke.

25. Micha Keshom ushi vhleha hvt okla moma im vlhtipo ya nan isht aiahanta yvt, vlhtipo holitopa, micha vlhtipo, yvmma isht ompoholmo, micha okla moma im vlhtipo okhissa a takali,

26. Micha wanuta natakali puta, micha wanuta okhissa yvmmvt vlhtipo holitopa micha alta bilika fullota natakali, micha yvmma im isht talakchi puta, micha nan isht aiahanta puta iesha chi kak oke.

27. Mikma Kohalh g chuka achvfa Amlamait micha chuka achvfa Isekalait, micha chuka achvfa Heblonait micha chuka achvfa Ussielait: ilvppa puta kak osh Kohalhait chuka achvfa puta hatok.

28. Nakni moma hvshi achvfa ai vhlit vba mayvt holhtina kvv tahlepa sipokni untuchina cha tahlepa hannali hosh vlhtipo holitopa ya atonit ieshi tok.

29. Kohalh ushi vhleha in chuka achvfa puta kvv oka mahli pilla vlhtipo apotoa ho binacha hi oke.

30. Kohalhait vhleha chuka chvfa puta ka iki in chuka achvfa i shahli vt Ussiel ushi Elisafan ak achi hoke.

31. Micha nana aiatoni ieshi kvv itombi holitopa, micha ai impa, micha pula ai o hikia, micha alta puta, micha nan isht toksvli nan aivlhto vlhtipo holitopa aiasha, micha natakali, micha nan isht toksvli puta kak a hi oke.

32. Mikma naholitompa isht vttta Alou ushi Eleasa yak

osh Lefait vhleha i shahli ya i shahli ya chi hoke, micha vlhtipo holitopa apesuchi vhleha yo apistikela chi hoke.

33. Melali ya Mahlait in chuka achvfa, micha Mushait in chuka achvfa ak atok. Ilvppak osh Melali in chuka achvfa ya tok.

34. Mihma hvshi achvfa vttvt vba mayvt nakni moma holhtina mak osh holhtina tuk vt tahlepa sipokni hannali, cha tahlepa tuklo tok.

35. Mikma iki in chuka achvfa Melali in chuka achvfa ya Abihail ushi Suliel ak osh i shahli ya chi hoke. Ilvppa puta kak osh vlhtipo nowvt aya apotvt i falummi in tnnvp ak o binacha hi oke.

36. Melali ushi vhleha nana apistikelit ieshi vto chuka nowvt aya im iti shima, micha im okhowatakuchi, micha in tonik, micha ai o hikia, micha nana aivlhto moma, micha nana isht toksvli moma,

37. Micha tonik puta wanuta apakfoyupa micha ai o hikia moma, micha isht ishtvffena puta, micha isht talakchi puta aiena kak a chi hoke.

38. Amba chuka nowvt aya itikba hvshi akochaka pilla okla moma im vlhtipo hvshi akocha pilla ho binachi hokvto, Moses micha Alon micha ushi vhleha aiena kak achi hoke, yummvt vlhtipo holitopa ya atonit ieshit Israel im vlla vhleha ha pehlichia chi hoke, hatak inla yosh bilika vla hokvto illi pulla chi hoke.

39. Lefait vhleha holhtina moma, Chihowah yvt apesa na chuka achvfa puta Moses micha Alon ita tuklo kvv hohtena tuk a nakni moma hvshi achvfa ai vhli vttvt vba maya kvv tahlepa sipokni pokoli tuklo akucha tuklo tok.

40. Mihma Chihowah yvt Moses a, Israel im vlla vhleha nakni vttahpi moma hvshi achvfa ai vhli vttvt vba maya ka ish hohtena cha hohchifo holhtena ka ish ishashake.

41. Micha Israel im vlla vhleha ai iti takla ya tikba vttv ak oh chatuk a atobbichit Lefait vhleha hak o is svm isha chi hoke, (Chihowah sia hoke,) micha Israel im vlla vhleha i wak ai iti takla tikba cheli ak oh chatuk a atobbichit Lefait vhleha i wak ak a chi hoke, im achi tok.

42. Mihma Chihowah yvt im apesa tuk mak o, Moses vt Israel im vlla vhleha tikba vttā moma kq hohtena tok.

43. Mihma nakni tikba vttā moma hvshi achvfa ai vhlit vba mgya hohchifot holhtina holhtina tuk vt tahlepa sipokni pokoli tuklo akucha tuklo cha tahlepa tuklo pokoli untuklo akucha tuchina tok.

44. Mihma Chihowah yvt Moses q im anumpulit,

45. Israel im vlla vhleha tikba vttā moma ak oh chatuk q atobbichit Lefait vhleha hak o, micha i wak ak oh chatuk q atobbichit Lefait vhleha i wak ak o ish ieshashke; mihma Lefait vhleha hak osh vmmi ha chi hoke: Chihowah sia hoke.

46. Micha falvmminchit chumpa chi Israel im vlla vhleha tikba vttā ai achvfa tahlepa tuklo cha pokoli untuklo akucha tuchina yvmmvt Lefait vhleha i shahli kq,

47. Noshkobo vllhpisa hq shekel tahlapi bieka hq ish isha chi hoke, vllhtipo holitopa ai vllhpisa shekel vllhpisa hq ish isha chi hoke, shekel vt kelah pokoli tuklo hoke.

48. Micha vllkocha falvmminchit chumpa he tuk o ishit chumpa tvli holisso yash Alon micha ushi vhleha hak o ish imashke, achi tok.

49. Mihma Moses vt falvmminchit ishit chumpa tvli holisso yash Lefait vhleha hvv falvmminchit chumpa tuk vllkocha yash im ishi tok.

50. Israel im vlla vhleha tikba vttā hak o tvli holisso im ai eshi tok; vllhtipo holitopa ai vllhpisa shekel iakaya hoash shekel tahlepa sipokni achvfa cha tahlepa tuchina pokoli hannali akucha tahlapi tok.

51. Mihma Chihowah im anumpa mak o Chihowah yvt Moses q im apesa hatuk mak o falvmminchit chumpa tuk vllhtoba kash ishi cha, Alon micha ushi vhleha aiena kq ima tok.

CHAPTA IV.

MIHMA Chihowah hvv Moses micha Alon q im anumpulit,

2. Kohalh ushi vhleha Lefai ushi vhleha ai iti takla aiasha ka iki vhleha in chuka achvfa vhlpisa, micha in chuka achvfa vhlpisa ho holhtina ka ish ishaskhe.

3. Afummi pokoli tuchina ai vhlit vba mayvt afummi pokoli tahlapi ont ai vhlit okla moma i binah nana a toksvli isht ai ahanta chi hosh okla ho ibafohka moma kak ashke.

4. Ilvppak osh Kohalh ushi vhleha nana isht aiahashwa ya chi hoke, okla moma i binah anukaka, naholitopa moma i shahli ak achi hoke.

5. Atuk osh binah hvt tikba iakma, Alon micha ushi vhleha aiena kvv vla cha, isht ompoholmo on hlipia ya akvchi cha, nan isht atokowa afohka itombi holitopa ya isht ompohomashke.

6. Micha bacha hakshup isht ompoholmo yo isht om patali cha nantvna okchamali bieka ho om patali cha in tubi a apitta chi hoke.

7. Micha pvka otvni im ai impa paknaka ya nantvna okchamali yo isht ompohomo cha, ampo, micha isht impa puta, micha ampo puta micha isht ompoholmo aiena ompohoma chi hosh on ashacha chi hoke; mikma pvka talaya bilia yvt on aiasha chi hoke.

8. Micha nantvna tishepa ya isht ompohoma cha, yvma bacha hakshup isht ompoholmo yo isht ompohomokmvt in tubi a apitta chi hoke.

9. Micha pvla ai o hikia, micha pvla i bila ai vlhto, micha in tobaksi isht kisel, micha i pvla tuptua ai vlhto, micha bila ai vlhto puta im isht ai ahanta chatuk a nantvna okchamali ho ishi cha isht ompohoma chi hoke.

10. Micha yvma, micha nan ai vlhto moma ka bacha hakshup isht ompoholmo anukaka ashachi cha, iti fabvsa ya on talala chi hoke.

11. Micha tvli holisso lakna alta ya nantvna okchamali yo om patali cha, bacha hakshup isht ompoholmo yo isht ompohomokmvt, in tubi ya apitta chi hoke.

12. Micha nan isht plesa puta vlhtipo holitopa ya isht atoksvli chatuk moma ka eshi cha nantvna okchamali ho

apitta cha, bacha hakshup isht ompoholmo cha iti fabvssa ya on talala chi hoke.

13. Micha hituk chubbi alta ya on asha ka ishit kanchi cha nantvna humma ho om patala chi hoke.

14. Micha nan aivlhto puta, isht toksvli chatuk puta, na balama a hukmi, micha nipi isht okhawi, micha luak isht pehli, micha ampo mahaia chipunta, micha alta i nan aivlhto puta aiena ka on ashacha chi hoke, micha bacha hakshup isht ompoholmo yo isht ompohoma chi hoke, micha in tubi apitta chi hoke.

15. Atuk o Alon micha ushi vhleha aiena kvv vlhtipo holitopa, micha vlhtipo holitopa i nan ai vlhto puta aiena ka ompohomot ont im vlhtaiyaha na, binah hvv iakma, yohmikma Kohalh ushi vhleha hvv shala chi hosh vla chi hoke; amba nana holitopa ya potola he keyu, yohmikmvt illa chi hoke. Ilvppa puta kak osh okla moma i binah aiasha kvv Kohalh ushi vhleha i shapoh ha chi hoke.

16. Mihma naholitompa isht vttta Alon ushi Eleasa nan vlhtoka kvv, pula ha chi bila, micha na balama champuli, micha nitak moma ilhpak im issa, micha ahvmmi bila, micha binah moma, micha vlhtipo holitopa micha nana aiasha moma, micha aivlhto aiasha aiena ka apistikela chi hoke, achi tok.

17. Mihma Chihowah yvv Moses, micha Alon a im anum-pulit,

18. Kohalhait vhleha in chukachvfa puta apehlichu ka Lefait vhleha ai ishit tvblit hvch ik kanchu kashke.

19. Amba ilvppak o ish i yvmihchi na, naholitompa moma i shahli bilika onakmvt okchaya cha ik illo kashke; Alon micha ushi vhleha aiena kvv iba chukowa cha, isht ai vttta, micha i shapoh aiyuka ka im anola chi hoke.

20. Yohmi kia naholitopa puta kvv ompoholmo takla ka chukowvt pisa he keyu, yohmikmvt illa hi oke, achi tok.

21. Mihma Chihowah yvv Moses micha Alon a im anum-pulit,

22. Keshon ushi vhleha ha iki vhleha in chuka achvfa puta hlopullit chukachvfa vlvpisa ho holhtina ka ish ishashke.

Afummi pokoli tuchina ai vhlit vba mayvt afummi tahlapi ont vhli kak o ish hohtenashke; nan isht chi hosh okla moma i binah atoksvli isht ahanta chi hukowa moma kak a chi hoke.

Nan isht ahanta ilvppak osh Keshonait in chuka-puta isht ahanta, micha i shapoh ha chi hoke.

Micha binah nantvna takali puta micha okla moma i, micha im isht ompoholmo, micha bacha hakshup npoholmo paknaka ompoholmo tuk, micha okla monah okhissa ya in takali,

Micha wanuta ya in takali puta, micha wanuta i hokhissa in takali, yvmmvt binah ha i bilika, micha alta ka apakfoyupa, micha im isht talakchi, micha isht pinoma, micha nan im ikbi tuk moma kak a hi oke, yv i hosh isht ahantashke.

Alon micha ushi vhleha aiena kak osh Keshonait ushi nan im isht aiahanta he moma, i shapoh moma mi i isht aiahanta he moma aiena kv̄t im vhlpisashapoh, nan isht aiahanta moma hvsh im apesa hi

Ilvppak osh Keshonait ushi vhleha in chuka achvfa kla moma i binah ha isht aiahanta ya chi hoke; miholitolompa isht vta Alon ushi Ihlama ak osh pehlichake.

Melali ushi vhleha hano iki vhleha in chuka achvfa, ka achvfa vhlpisa ho ish hohtenashke.

Afummi pokoli tuchina ai vhlit vba mayvt afummi tahlapi ont vhli nan isht aiahanta okla moma i binah i isht aiahanta chi hosh iba chukowa ya ish hohte-

Mikma okla moma i binah nan im isht aiahanta mo-shapoh aiena kv̄t ilvppak achi hoke; binah im iti micha im iti okhowat kv̄chi micha in tonik, micha ai im puta,

Micha wanuta apakfoyupa tonik puta, micha im ai o-uta, micha im isht ahonahla puta, micha im isht taputa, nan im isht pilesa puta; micha nan im isht aia-

hanta puta aiena kak achj hoke; micha i shapoh ieshi nan isht pilesa puta ka hochifo hosh ish hohtena chi hoke.

33. Nan isht ahanta ilvppak o naholitompa isht vta Alon ushi Ihlama yvt pehlichu ho Melali ushi vheha in chuka achvfa puta kvv okla moma i binah nan im isht aiahanta moma ka isht ahashwa chi hoke, achi tok oke.

34. Mihma Moses micha Alon micha okla moma i shahli aiena kvv Kohalhait g in chuka achvfa vlvhpsa ho micha iki vheha in chuka achvfa vlvhpsa ho hohtena tok.

35. Afvmmi pokoli tuchina ai vhlit vba mayvt afvmmi pokoli tahlapi ont vhlis isht aiahanta okla moma i binah atoksvli iba chukowa tuk puta kak a tok.

36. Mihma in chuka achvfa vlvhpsa ho holhtina kvv tahlepa sipokni tuklo cha tahlepa untuklo pokoli tahlapi tok.

37. Ilvppa puta kak osh Kohalhait vheha in chuka achvfa puta, okla moma i binah atoksvli isht aiahanta vlvhpsa, Chihowah hvv Moses g tohvvt apesa na, Moses micha Alon ita tuklo kvv hohtena na holhtina tok.

38. Mikma Keshon ushi vheha in chuka achvfa puta hlopullit iki in chuka achvfa vlvhpsa hosh,

39. Afvmmi pokoli tuchina ai vhlit vba mayvt afvmmi pokoli tahlapi ka ont vhlis nan isht aiahanta okla moma i binah atoksvli iba chukowa puta,

40. In chuka achvfa puta hlopullit iki in chuka achvfa vlvhpsa hosh holhtina tuk vt tahlepa sipokni tuklo cha tahlepa hannali pokoli tuchina tok,

41. Ilvppa puta kak osh Keshon ushi vheha in chuka achvfa puta okla moma i binah ha nan isht aiahanta hina moma ka, Chihowah hvv apesa tuk mak o, Moses micha Alon ita tuklo kvv hohtena na holhtina tok.

42. Mihma Melali ushi vheha in chuka achvfa puta holhtina kvv chuka achvfa puta hlopullit iki vheha in chuka achvfa vlvhpsa hosh,

43. Afvmmi pokoli tuchina ai vhlit vba mayvt afvmmi pokoli tahlapi ont vhlis nan isht ahanta okla moma i binah atoksvli iba chukowa puta,

n chuka achvfa puta vhlpiša hosh holhtina tuk vt sipokni tuchina cha tahlepa tuklo tok.

lvppa puta kak osh Melali ushi vhleha in chuka puta, Chihowah hvt Moses a tohnot apesa tuk mak o, nicha Alon ita tuklo kv̄t hohtina na holhtina tok, efajt vhleha moma k̄a Moses micha Alon micha shahli vhleha aiena kv̄t in chuka achvfa puta vhlpiša īki vhleha in chuka achvfa puta vhlpiša h̄o hohtena tina tok.

afummi pokoli tuchina ai vhlit vba mayvt afummi ahlapi ont vhli moma hosh nan isht aiahanta isht, micha okla moma ī binah shapoh ai asha k̄a isht hosh vla tuk vt,

Iolhtina tuk vt tahlepa sipokni untuchina cha tahlepi pokoli untuchina tok.

Chihowah hvt Moses a tohnot apihisa tuk mak o, ianta aiyyukali vhlpiša hosh micha ī shapoh aiyyukali hosh holhtina tok, yakohmi hosh Chihowah yvt Mo- apesa tuk mak o holhtina tok.

CHAPTA V.

MA Chihowah hvt Moses a im anumpulit,

Israel im vlla vhleha hvt lepa puta, micha hayihchanli puta, micha kv̄na hosh illi isht liteha tuk pu- k̄a binah h̄a akochicha chī k̄a ish im apesashke.

ikni micha tek aiena hvsh kohchashke; binah koh- ha ȳa isht hvsh onashke; yvmohmi hosh ī binah ai aiahanta li k̄a ik litehlo kashke, achi tok,

hma Israel im vlla vhleha hvt yvmihchi tok; micha ī kohchit kocha isht ona tok; Chihowah yvt Moses umpuli tuk mak o, Israel im vlla vhleha hvt yvmih-

hma Chihowah hvt Moses a im anumpulit,

ael im vlla vhleha h̄a ish im anumpulashke, Hatak boyo hokma nana hosh nanashvchi hatak ayvmoh-

mi chatuk a yvmohmit Chihowah i yoshoba yvmihchi cha hatak yvmmt ontoyulakma.

7. Yvmohmikma nana ashvchi yvmohmi tuk vt okla il ai anola hi oke, micha i yoshoba tuk a nana hatuk o i falvminchi cha ishit tahlapi ho im apotola hi oke.

8. Amba i yoshoba tuk vt i falvmincha he vlhpasa i konomi vt iksho hokmuno, yoshoba tuk vt Chihowah yak o i falvminchit naholitompa isht vta ya imashke, nan ashvchi tuk vt isht i kashofa chi kv isht vlhtoba chukfi nakni aiena ho ima hi oke.

9. Micha nan im issa puta Israel im vlla vhleha i nana hoolitopa puta moma naholitompa isht vta isht im vla kv immi ha hi oke.

10. Micha hatak puta i nahullochi puta kv immi ha chi hoke; hatak nana hosh nana ho naholitompa isht vta ya imakma, immi ha chi hoke; achi tok.

11. Mihma Chihowah yvt Moses a im anumpulit,

12. Israel im vlla vhleha im anumpulit, Hatak kona kia tekchi yosh naksika onvt nayoshoba i yoshobakma,

13. Yohmikma hatak vt iba tvshkit itin lumgakakma, i hatak vt ik peso, yohmi na ik otano, mihma liteha, mihma i sanalit atokola he vt iksho, micha yvmohmi ka ik peso,

14. Mikma hatak ash chukvsh nuktvhla yvt ontoyula cha, tekchi yash i nuktvhla, mikma ohoyo hv litehakma, keyukmt chukvsh nuktvhla yvt ontoyula cha tekchi yash i nuktvhla kia ohoyo hv liteha keyu,

15. Yohmikma hatak ash osh tekchi ya naholitompa isht vta isht im ona he, mikmt ohoyo hash nan im issa bali pushi efah ishit pokoli ho isht im vlashke; bila on hlatvba he keyu, micha filkinsen onocha he keyu; yvmmt nuktvhla nan im issa, isht ithaiyana nan im issa yosh nan ashvchi ithvnanchi yoka.

16. Mikma naholitompa isht vta yvt bilika isht vlt Chihowah itikba binilecha hi oke.

17. Micha naholitompa isht vta yvt oka hullochi ya lukfi ampo vnit isha hi oke, micha lukfi pushi vlhtipo hoolitopa asha ka ishi cha, oka yash vna hi oke.

18. Micha naholitompa isht vtta yvt ohoyo hash Chihowah itikba binilechit, ohoyo noshkobo ompoholmo im ai ishi cha isht ithaiyana nan im issa yash, yummvt nuktvhla nan m issa yash ibbak fohka hi oke, micha naholitompa isht vtta yvt oka homi, nan ik achukmo tobachi yvt ibbak fohka chi hoke.

19. Micha naholitompa isht vtta yvt anumpa kvllo anumpulit, ohoyo hash atokolit i mihvt, Hatak nana kia chiba tvshki tuk keyu, micha naksika onvt chi hatak ak keyu, amba inla yo na liteha iti yvmohmi ya chik yvmohmo tuk mvt oka homi ilvppa nan ik achukmo tobachi ya nan isht ik chi kaniohmo kashke.

20. Amba naksika onvt inla ho chi hatak ak keyu ho ish im ona tuk osh chi litehakma, micha chi hatak keyu, hatak nana hosh chiba tvshki tuk ma,

21. Yohmikma naholitompa isht vtta yash osh ohoyo hash anumpa kvllo anumpulit atokolit i miha hi oke, micha naholitompa isht vtta yvt ohoyo hash, Chihowah yvt chiyubi ya shuachikmvt micha chikfoka ya shatvblichikmvt chim okla ai ititakla ya nan ik achukmo onvtonla, anumpa kvllo onvtonla Chihowah yvt chikbashke.

22. Mikma nan ik achukmo tobachi oka ilvppvt chikfoka ya shatvblicha chi hosh micha chiyubi ya shuacha chi hosh chi takoba ya chukowa chi hoke, im acha hi oke. Mikma ohoyo hash ot Amen, Amen, acha hi oke.

23. Mikma naholitompa isht vtta yvt nan ik achukmo ilvppa puta ka holisso ho aholissochi cha oka homi yash ishit kashoffa hi oke.

24. Micha ohoyo hash nan ikachukmo tobachi oka homi ya ishkochecha hi oke, mihma nan ikachukmo tobachi oka yvt chukowakmvt homa hi oke.

25. Yohmikma naholitompa isht vtta yvt nuktvhla nan im issa ohoyo ibbak foyuka kash ishi cha nan im issa yash Chihowah itikba ya wali cha alta onochit im issa hi oke.

26. Mihma naholitompa isht vtta yvt nan isht ithaiyana nan im issa yash, ibbak alota achvfalit ishi cha, alta onochit

hukma hi oke, yvmihchi ha yosh oka yash ohoyo hash o ishkochecha hi oke.

27. Atuk o oka ya ishkochechikma, yohmikma yakohma hi oke, liteha tuk okma, micha i hatak a i yoshoba tuk okma nan ik achukmo tobachi oka yash osh chukowakmt homa hi oke, micha ikfoka yvt shatvblikma iyubi vt shua hi oke, mikmtv ohoyo hash osh im okla ai iti takla ya nan ikachukmo onvtuyula yosh ahanta hi oke.

28. Amba ohoyo hash osh liteha hatuk keyu, amba kashofa hatuk okmtv yohmikmtv nan ik i kaniohmo ka he, micha vlla shala hi oke.

29. Ohoyo hvv i hatak ak keyu inla ho im onvt naksika ona cha litehakma nuktvhla nan vlvhisa ilvppak a hi oke.

30. Keyukmtv chukvsh nuktvhla vt onvttoyula cha tekchi ya i nuktvhlakmtv, Chihowah itikba binilecha na, naholitompa isht vta yvt nan vlvhisa ilvppa moma ka onocha hi oke.

31. Yohmikma hatak ash osh nan ashvchi ik onvtoyulo ho, ohoyo ilvppak osh nan ashvchi vt onvttoyula hi oke, ish im achashke, im achi tok.

CHAPTA VI.

M IHMA Chihowah yvt Moses a im anumpulit,
2. Israel im vlla vhleha ha im anumpulit, Hatak okma, ohoyo hokma, nana hosh ila filvmmichit Chihowah ya il im issa chi hosh Nasalait anumpa il onochi ya anumpa il onochikmtv,

3. Oka paki micha nan ishko kullo ya ila filvmmichi cha, oka paki hauwvshko, micha nan ishko kullo hauwvshko ya ik ishko ka hi oke, micha oka paki okchi nana kia ik ishko kashke, micha paki nuna, keyukmtv paki shila yoh kia ikpo kashke.

4. Ile filvmmichit ahanta nitak moma ka nana hosh pakvpi atohomba, nihi vttvt hakshup ont vhli atoba ka vpa he keyu hoke.

5. Ile filvmmichit anumpa ilonochit ahanta nitak moma ka nutakhish isht vlmo nana kia noshkobo ha ik onvtoyulo ka hi oke, ile filvmmichi Chihowah ya im il issa tok nitak vt ik taho kisha ka holitopa cha noshkobo pashi ya apoacha hi oke.

6. Ile filvmmichit Chihowah ya im il issa nitak takla kut nipi illi ya bilika ik ono ka hi oke.

7. Iki atuk oh kia, keyukmvt ishki atuk oh kia, itibapishi atuk oh kia, keyukmvt in tek atuk osh illi kia, isht ile litehla he keyu hoke, Chitokaka ya im ile hullochi tuk vt noshkobo ha onvtoyula hoke.

8. Ile filvmmichit ahanta nitak moma hokvt Chihowah ya i holitopa hoke.

9. Atuk o yakosi itin takla fehna ho bilika ho hatak vt illi na ile hullochi noshkobo onvtonla kash litehli tukmvt ile kashoffi nitak akinli hosh noshkobo ha shafa hi oke, nitak isht untuklokma shafa hi oke.

10. Atuk osh nitak isht untuchinakma pvchi yoshoba tuklo, Keyukmvt pvchi himita tukloho na holitompa isht vta isht im onvt okla moma i binah okhissa ya isht ona hi oke.

11. Mikma naholitompa isht vta yvt achvfa ka nan ashvchi im issa yo im issakmvt, achvfa ya hukmit im issa yo im issa cha i kashoffashke, illi yo ishit yoshoba hoka, micha nitak yvmmakinli ho noshkobo ha hullocha hi oke.

12. Mikma ile filvmmichit ahanta he nitak puta ka Chihowah ya i hullocha hi oke; micha yoshoba tuk im issa ya chukfi ushi afvmmi vmmona yo isht ona hi oke; Yohmi kia nitak tikba hatuk vto kvnia chi hoke, ile filvmmichi tuk vt liteha hatuk oka, achi tok.

13. Micha ilvppak osh Nasalait i nanvlhpisa hoke; ile filvmmichi nitak vt ont tahakma, okla moma i binah okhissa ya isht vla hi oke.

14. Mikma Chihowah nan im issvt hukmit im issa ya chukfi ushi nakni afvmmi vmmona aiokpuloka iksho achvfa micha nanashvchi im issa yo chukfi ushi tek afvmmi vmmona ai okpuloka kut iksho, achvfa micha iti nanaiyvchit im issa yo chukfi nakni aiokpuloka kut iksho achvfa ho,

15. Micha pvska ik shatvmmo kishi achvfa, bota tohbi li-pehbi pvska lumbo bila itaiyoma, micha pvska ikshatvmmo tapvski bila ahama, micha ilhpak im issa, micha nan ishkot im issa aiena hq im issa hi oke.

16. Mikma naholitompa isht vtta yvt Chihowah itikba isht vla cha, nanashvchi im issa, micha hukmit im issa ya im issa hi oke.

17. Micha chukfi nakni ya itin nanaiyvchi im issa vbit im issa mak o, pvska ik shatvmmo kishi achvfa aiena ka Chihowah im issa hi oke. Naholitompa isht vtta yvt ilhpak im issa micha nan ishko im issa ak kia im issa hi oke.

18. Mikma Nasalait ash osh ile filvmmichi noshkobo ha okla moma i binah okhissa ya a shafa hi oke, mikmt ile filvmmichi noshkobo pashi yash luak yvmmvt itin nanaiyvchi im issa vbit isht aiokpvchi nutaka asha tuk a itvcha hi oke.

19. Mikma naholitompa isht vtta yvt chukfi nakni yash fullup honni ya, micha pvska ikshatvmmo lumbo achvfa hq, kishi ha akohchit, micha pvska ik shatvmmo tapvski achvfa aiena hq, ishi cha ile filvmmichi pashi vt vlmo ha yo ibbak fohka hi oke.

20. Micha naholitompa isht vtta yvt walit im issa yo Chihowah itikba ya walashke, ilvppak okvt ikkishi wali, micha fullup wali aiena kvv naholitompa isht vtta ya i hullocha hi oke, mikma i himmakmvo Nasalait ash ot oka paki ishka hinla hoke.

21. Ilvppak osh Nasalait yvmmvt anumpa ilonochi tuk i nan vlpisa hoke, micha ile filvmmichit Chihowah nan im issa, micha ibbak vt ishi tuk aiena hoke; anumpa ha il onochi tuk mak ash yakohmit ile filvmmichi nan vlpisa iakaiyvt yvmihchi pulla hi oke, ish im achashke im achi tok.

22. Mihma Chihowah yvt Moses a im anumpulit,

23. Alon micha ushi vhleha ha im anumpulit, yakohmichi hosh Israel im vlla vhleha ha yukpali anumpa ha hvsh onochashke.

24. Chihowah yvt hvchi yvupalashke, micha hvchi halan-lashke.

25. Chihowah yvt i nashuka ya hvchi on tohwikelichashke; micha hvchi kanashke.

26. Chihowah yvt i holhponayo hanta hvchi onochi cha a nuktaiyala hvch imashke, hvsh im achashke, ish achashke, im achi tok.

27. Micha sa hohchifo ha Israel im vlla vhleha ha onocha hi oke, mikma yukpali la hi oke, achi tok.

CHAPTA VII.

ATUK o yakohmi tok, Moses vt vlhtipo ha hilechit taiyahli cha, nan ahvmmiit hullochit, micha nan isht pilea aiasha moma, micha alta, micha nan aivlhto aiasha moma aiena ka nan ahvmmiit hullochi tok, nitak akinli ka.

2. Israel i holitopa vhleha iki vhleha in chuka achvfa i noshkoboka, yvmmvt apehlich i puta ka i holitopa vhleha, micha holhtina tuk a pehlich i yatuk osh, im issa tok.

3. Micha nan im issa yvt itichanvlli ompoholmo hannali, micha wak toksvli auahtuklo ho Chihowah itikba ya isht vla tok, i holitopa tuklokma itichanvlli achvfa, mikma aiyukali ka wak achvfa bioka tok, micha vlhtipo itikba isht vla tok.

4. Mihma Chihowah yvt Moses a im anumpulit,

5. Ish im ai ishashke, mikma okla moma i binah ha isht in toksvlashke, micha Lefait vhleha hak o hatak vt isht aiahanta aiyukali vlhpisa ho ish imashke.

6. Mihma Moses vt itichanvlli micha wak aiena kash ishi cha Lefait vhleha ha ima tok.

7. Itichanvlli tuklo micha wak ushta aiena ka Keshon ushi vhleha hak o isht aiahanta vlhpisa mak o ima tok.

8. Micha itichanvlli ushta micha wak untuchina aiena ka Melali ushi vhleha hak o isht aiahanta vlhpisa mak o ima na, naholitompa isht vta Alon ushi Ihlama ibbak foyuka tok.

9. Amba Kohalh ushi vhleha hano ik emo, vlhtipo holitopa ak o isht aiahanta ak osh immi hosh tahchi onochit shoyula chi hatuk oka.

10. Mihma holitopa vheha hut alta ya hullochit nan ahemmi nitak ma nan im issa tok; holitopa vheha hut nan im issa ya alta itikba ya ai im issa tok.

11. Mihma Chihowah yvt Moses g, I nan im issa ya alta hullochi hosh holitopa aiyukali kut i nitak ont vhpesakmt im issashke, im achi tok.

12. Atuk o nitak vmmona i nan im issa im issa kut Chutah apelihoodi ai achufa Amminatab ushi Nahshon ak atok.

13. Micha i nan im issa yvt tvi huta ampo chito achufa, weki kut shekel tahlepa achufa cha pokoli tuchina, tvi huta ampo achufa shekel pokoli untuklo vhtipo holitopa i shekel vhpisa hatok; ita tuklo kut bota tohbi lipehbi bila itaiyoma ilhpak im issa ya chi hosh alota bika tok.

14. Isht impa achufa tvi holisso lakna shekel pokoli yosh na balama alota,

15. Hukmit im issa ya chi ka wak hobek himita achufa, chukfi vhpooa nakni achufa, chukfi vhpooa ushi afummi vmmona achufa;

16. Nan ashvchi im issa yvt issi kosoma ushi achufa,

17. Micha isht itinnanaiyvchi im issa ya chi ka wak hobek tuklo, chukfi nakni tahlapi, issi kosoma nakni tahlapi, chukfi ushi afummi vmmona tahlapi aiena tok. Iluppak puta kak osh Amminatab ushi Nahshon nan im issa yatok.

18. Nitak atukla ka Sua ushi Nehlaneel Issaka ai achufa hi olitopa ak osh im issa tok.

19. Micha i nan im issa yvt tvi huta ampo chito achufa, weki kut shekel tahlepa achufa cha pokoli tuchina, tvi huta ampo achufa shekel pokoli untuklo vhtipo holitopa i shekel vhpisa hatok; ita tuklo kut bota tohbi lipehbi bila itaiyoma, ilhpak im issa ya chi hosh alota bika tok.

20. Isht impa achufa tvi holisso lakna shekel pokoli hosh na balama alota;

21. Hukmit im issa ya chi ka wak hobek himita achufa, chukfi nakni achufa, chukfi ushi afummi vmmona achufa;

22. Nan ashvchi im issa yvt issi kosoma ushi achufa;

23. Micha isht itinnanaiyvchi im issa ya chi ka wak hobek tuklo, chukfi nakni tahlapi, issi kosoma nakni tahlapi, chukfi

shi afummi vmmona tahlapi aiena tok. Ilvppa puta kak sh Sua ushi Nehlaneel nan im issa ya tok.

24. Nitak atuchina ka Helon ushi Eliab Sebulon im vlla hleha holitopa ak osh im issa tok.

25. Micha i nan im issa yvt tvi hvta ampo chito achvfa, eki kv shekel tahlepa achvfa cha pokoli tuchina, tvi hvta mpo achvfa shekel pokoli untuklo, vhtipo holitopa i shekel hpisa hatok; ita tuklo kv bota tohbi lipehbi bila itaiyoma hpak im issa ya chi hosh alota bika tok.

26. Isht impa achvfa tvi holisso lakna shekel pokoli hosh a balama alota;

27. Hukmit im issa ya chi ka wak hobuk himita achvfa, hukfi nakni achvfa, chukfi ushi afummi vmmona achvfa;

28. Nan ashvchi im issa yvt issi kosoma ushi achvfa;

29. Micha isht itin nanaiyvchi im issa ya chi ka, wak hobuk uklo, chukfi nakni tahlapi issi kosoma nakni tahlapi, chukfi shi afummi vmmona tahlapi aiena tok. Ilvppak osh Helon ushi Eliab nan im issa ya tok.

30. Nitak ont ai ushta ma, Sheten ushi Elisu, Luben im vlla hleha i holitopa ak osh im issa tok.

31. Micha i nan im issa yvt tvi hvta ampo chito achvfa, eki kv shekel tahlepa achvfa cha pokoli tuchina tvi hvta mpo achvfa, shekel pokoli untuklo, vhtipo holitopa i shekel vhpisa hatok; ita tuklo kv bota tohbi lipehbi bila aiyoma ilhpak im issa ya chi hosh alota bika tok.

32. Isht impa achvfa tvi holisso lakna shekel pokoli hosh na balama alota;

33. Hukmit im issa ya chi ka wak hobuk himita achvfa, hukfi nakni achvfa, chukfi ushi afummi vmmona achvfa,

34. Nan ashvchi im issa yvt issi kosoma ushi achvfa;

35. Micha isht itin nanaiyvchi im issa ya chi ka, wak hobuk uklo, chukfi nakni tahlapi, issi kosoma nakni tahlapi, chukfi shi afummi vmmona tahlapi aiena tok, Ilvppak osh Sheten ushi Elisu nan im issa ya tok.

36. Nitak ont ishit tahlapi ma Sulishattai ushi Shelumiel, limeon im vlla hleha i holitopa ak osh im issa tok.

37. Micha i nan im issa yvt tvi hvta ampo chito achvfa,

weki kvt shekel tahlepa achvfa cha pokoli tuchina, tvi hvta ampo achvfa shekel pokoli untuklo, vltipo holitopa i shekel vlpisa hatok; ita tuklo kvt bota tohbi lipehbi bila itaiyoma ilhpak im issa ya chi hosh alota bika tok.

38. Isht impa achvfa tvi holisso lakna shekel pokoli hosh na balama alota;

39. Hukmit im issa ya chi ka wak hobvk himita achvfa chukfi nakni achvfa, chukfi ushi afvmmi vmmona achvfa,

40. Nan ashvchi im issa yvt issi kosoma ushi achvfa,

41. Micha isht itin nanaiyvchi im issa ya chi ka, wak hobvk tuklo, chukfi nakni tahlapi, issi kosoma nakni tahlapi, chukfi ushi afvmmi vmmona tahlapi aiena tok. Ilvppak osh Suli-shattai ushi Shelumiel nan im issa ya tok.

42. Nitak ont ishit hannali ma Teuel ushi Eliasaf, Kat im vlla vhleha i holitopa ak osh im issa tok.

43. Micha i nan im issa yvt tvi hvta ampo chito achvfa, weki kvt shekel tahlepa achvfa cha pokoli tuchina, tvi hvta ampo achvfa shekel pokoli untuklo vltipo holitopa i shekel vlpisa hatok; ita tuklo kvt bota tohbi lipehbi bila itaiyoma, ilhpak im issa ya chi hosh alota bika tok.

44. Isht impa achvfa tvi holisso lakna shekel pokoli hosh na balama alota.

45. Hukmit im issa ya chi ka wak hobvk himita achvfa, chukfi nakni achvfa, chukfi ushi afvmmi vmmona achvfa;

46. Nan ashvchi im issa yvt issi kosoma ushi achvfa;

47. Micha isht itin nanaiyvchi im issa ya chi ka, wak hobvk tuklo, chukfi nakni tahlapi, issi kosoma nakni tahlapi, chukfi ushi afvmmi vmmona tahlapi aiena tok. Ilvppak osh Teuel ushi Eliasaf nan im issa ya tok.

48. Nitak ont ishit untuklo ma Ammihvt ushi Elishama Eflaim im vlla vhleha i holitopa ak osh im issa tok.

49. Micha i nan im issa yvt tvi hvta ampo chito achvfa, weki kvt shekel tahlepa achvfa cha pokoli tuchina, tvi hvta ampo achvfa shekel pokoli untuklo, vltipo holitopa i shekel vlpisa hatok; ita tuklo kvt bota tohbi lipehbi bila itaiyoma, ilhpak im issa ya chi hosh, alota bika tok.

50. Isht impa achvfa tvli holisso lakna, shekel pokoli hosh na balama alota.

51. Hukmit im issa ya chi ka wak hobuk achvfa, chukfi nakni achvfa, chukfi ushi afummi vmmona achvfa;

52. Nan ashvchi im issa yvt issi kosoma ushi achvfa;

53. Micha isht itin nanaiyvchi im issa ya chi ka, wak hobuk tuklo, chukfi nakni tahlapi, issi kosoma nakni tahlapi, chukfi ushi afummi vmmona tahlapi aiena tok. Ilvppak osh Ammihvt ushi Elishama nan im issa ya tok.

54. Nitak ont ishit untuchina ma Petashu ushi Kamaliel, Manasseh im vlla vhleha i holitopa ak osh im issa tok.

55. Micha i nan im issa yvt tvli hvta ampo chito achvfa, weki kvv shekel tahlepa achvfa cha pokoli tuchina, tvli hvta ampo achvfa, shekel pokoli untuklo, vlhtipo holitopa i shekel vllhpisa ha tok: ita tuklo kvv bota tohbi lipehbi bila itaiyoma, ilhpak im issa ya chi hosh alota bika tok.

56. Isht impa achvfa tvli holisso lakna shekel pokoli hosh na balama alota;

57. Hukmit im issa ya chi ka wak hobuk himita achvfa, chukfi nakni achvfa, chukfushi afummi vmmona achvfa;

58. Nan ashvchi im issa yvt issi kosoma ushi achvfa;

59. Micha isht itin nanaiyvchi im issa ya chi ka wak hobuk tuklo, chukfi nakni tahlapi, issi kosoma nakni tahlapi, chukfushi afummi vmmona tahlapi aiena tok. Ilvppak osh Petashu ushi Kamaliel nan im issa ya tok.

60. Nitak ont ishit chakkali ma Kiteoni ushi Abitan, Benchamin im vlla vhleha i holitopa ak osh im issa tok.

61. Yohmi kvv i nan im issa yvt tvli hvta ampo chito achvfa, weki kvv shekel tahlepa achvfa cha pokoli tuchina, tvli hvta ampo achvfa shekel pokoli untuklo, vlhtipo holitopa i shekel vllhpisa ha tok; ita tuklo kvv bota tohbi lipehbi bila itaiyoma ilhpak im issa ya chi hosh alota bika tok.

62. Isht impa achvfa tvli holisso lakna shekel pokoli hosh nabalama alota;

63. Hukmit im issa ya chi ka wak hobuk himita achvfa, chukfi nakni achvfa, chukfushi afummi vmmona achvfa;

64. Nan ashvchi im issa yvt issi kosoma ushi achvfa;

65. Micha isht itin nanaiyvchi im issa ya chi ka, wak hobuk tuklo, chukfi nakni tahlapi, issi kosoma nakni tahlapi, chukfushi afummi vmmona tahlapi aiena tok. Ilvppak osh Kiteoni ushi Abitan nan im issa ya tok.

66. Nitak ont ishit pokoli ma Ammishattai ushi Ahiesa, Tan im vlla vhleha i holitopa ak osh im issa tok.

67. Yohmi kut i nan im issa yvt tuli hvta ampo chito achvfa, weki kut shekel tahlepa achvfa cha pokoli tuchina, tuli hvta ampo achvfa shekel pokoli untuklo, vlhtipo holitopa i shekel vlhpisa ha tok; ita tuklo kut bota tohbi lipehbi bila itaiyoma ilhpak im issa ya chi hosh alota bika tok.

68. Isht impa achvfa tuli holisso lakna shekel pokoli hosh nabalama alota;

69. Hukmit im issa ya chi ka wak hobuk himita achvfa chukfi nakni achvfa, chukfushi afummi vmmona achvfa;

70. Nan ashvchi im issa yvt issi kosoma ushi achvfa;

71. Micha isht itin nanaiyvchi im issa ya chi ka, wak hobuk tuklo, chukfi nakni tahlapi, issi kosoma nakni tahlapi, chukfushi afummi vmmona tahlapi aiena tok. Ilvppak osh Ammishattai ushi Ahiesa nan im issa ya tok.

72. Nitak ont ishit auachvfa ho Oklan ushi Pachiel, Asha im vlla vhleha i holitopa ak osh im issa tok.

73. Yohmi kut i nan im issa yvt tuli hvta ampo chito achvfa weki kut shekel tahlepa achvfa cha pokoli tuchina, tuli hvta ampo achvfa shekel pokoli untuklo, vlhtipo holitopa i shekel vlhpisa hatok; ita tuklo kut bota tohbi lipehbi bila itaiyoma ilhpak im issa ya chi hosh alota bika tok.

74. Isht impa achvfa tuli holisso lakna shekel pokoli hosh nabalama alota;

75. Hukmit im issa ya chi ka wak hobuk himita achvfa chukfi nakni achvfa, chukfushi afummi vmmona achvfa;

76. Nan ashvchi im issa yvt issi kosoma ushi achvfa;

77. Micha isht itin nanaiyvchi im issa ya chi ka, wak hobuk tuklo, chukfi nakni tahlapi, issi kosoma nakni tahlapi, chukfushi afummi vmmona tahlapi aiena tok. Ilvppak osh Oklan ushi Pachiel nan im issa ya tok.

78. Nitak ont ishit auahtuklo ho Enan ushi Ahila, Naf-tali im vlla vhleha i holitopa ak osh im issa tok.

79. Micha i nan im issa yvt tvi hta ampo chito achvfa weki kv shekel tahlepa achvfa cha pokoli tuchina, tvi hta ampo achvfa shekel pokoli untuklo, vlhtipo holitopa i shekel vlhpisa hatok; ita tuklo kv bota tohbi lipehbi bila itaiyoma ilhpak im issa chi hosh alota bika tok.

80. Isht impa achvfa tvi holisso lakna shekel pokoli hosh nabalama alota;

81. Hukmit im issa ya chi ka, wak hobek himita achvfa, chukfi nakni achvfa, chukfushi afvmmi vmmona achvfa;

82. Nan ashvchi im issa yvt issi kosoma ushi achvfa;

83. Micha isht itin nanaiyvchi im issa ya chi ka, wak hobek tuklo, chukfi nakni tahlapi, issi kosoma nakni tahlapi, chukfushi afvmmi vmmona tahlapi aiena tok. Ilvpak osh Enan ushi Ahila nan im issa ya tok.

84. Ilvpak osh Isael holitopa vhleha nan avmmmit alta ya (ahama nitak ma) hullochi mak atok oke, tvi hta ampo chito anah tuklo, micha tvi hta ampo anah tuklo, tvi holisso lakna isht impa auahtuklo.

85. Tvi hta ampo chito vt shekel tahlepa achvfa cha pokoli tuchina bieka tok, micha ampo vt pokoli untuklo bieka tok; tvi hta nan avlhto moma kv vlhtipo holitopa shekel vlhpisa hosh shekel tahlepa sipokni tuklo cha tahlepa ushta tok.

86. Tvi holisso lakna isht impa na balama alota yash vto auahtuklo hosh vlhtipo holitopa shekel vlhpisvt shekel pokoli bieka tok, tvi holisso lakna isht impa moma kv shekel tahlepa achvfa cha pokoli tuklo tok.

87. Hukmit im issa wak moma kv wak hobek auahtuklo, chukfi nakni auahtuklo, chukfushi afvmmi vmmona auahtuklo, ilhpak im issa aiena; micha nan ashvchi im issa issi kosoma ushi vt auahtuklo tok.

88. Micha isht itin nanaiyvchi vbit im issa wak hobek moma kv pokoli tuklo akucha ushta, chukfi nakni pokoli hannali, issi kosoma nakni pokoli hannali, chukfushi afvmmi vmmona pokoli hannali tok. Ilvpak osh alta nan ahama ha yq hullochi mak atok.

89. Atuk o Moses vt itim anumpula chi hosh okla ma i binah ha ont chukowa mvt, achufa hosh ai i nukhaklo nan itim apesa afohka itombi holitopa paknaka ompoholmo chelubim tuklo ka iti takla et ai im anumpohonli na haklo tok, mihma im anumpuli tok.

CHAPTA VIII.

MICHA Chihowah yvt Moses a im anumpulit,
2. Alon a im anumpulit, Pula ha ish pulalikma, pula untuklo kvt pula ai o hikia ichapaka ya on tohwikelaashke, ish im achashke, im achi tok.

3. Mihma Alon vt yvmihchi tok; Chihowah yvt Moses a im apesa tuk mak o, pula ai o hikia ichapaka ya pula ha pulali tok.

4. Pula ai o hikia vlhtaha ilepput tvi holisso lakna lla atok, vpi ont vhli, micha ai in chuwa ont vhli kvt tvi holisso lakna-lvllvt vlhtaha ya tok; holbut toba Chihowah yvt Moses a im anoli tuk mak o, yohmi hosh pula ai o hikia ya ikbi tok.

5. Mihma Chihowah yvt Moses a im anumpulit,

6. Lefait vhleha ha Israel im vlla vhleha i filvmmichit ish ishi cha ish kashoffashke.

7. Micha ish kashoffi kvt ish yakohmichashke, Oka ishit kashofa ish o fimmashe, mihma nipi ya moma shafashke, micha i nafohka ya achefashke, yvmohmi hosh ile kashofashke.

8. Yohmikmvt wak hobvk himita, micha ilhpak im issa, yvmvt bota tohbi lepehbi bila aiyoma aiena ishashke, mihma wak hobvk himita inla nan ashvchi im issa yq ish ishashke.

9. Micha Lefait vhleha ha okla moma i binah itikba ya isht ish onashke; micha Israel im vlla vhleha moma ka hoyot ish itvnashke.

10. Micha Lefait vhleha ha pehlichit Chihowah itikba ya isht ish onashke: mihma Israel im vlla vhleha hut Lefait vhleha ha ibbak onochashke.

11. Mihma Alon vt Israel im vlla vhleha nan im issa mak o, Lefait vhleha ha, yummvt Chihowah nan isht im aiahanta isht ahanta chi ho Chihowah itikba ya im issa hi oke.

12. Mihma Lefait vhleha hvt wak hobvk himita puta kash noshkobo ha ibbak onochashke, mihma achufa ka nan ashvchi im issakmvt achufa kano hukmit im issvt, Chihowah ish im issvt Lefait vhleha ha ish i kashoffashke.

13. Micha Lefait vhleha ha Alon micha ushi vhleha itikba ish hilechi cha, Chihowah nan im issa yo ish im issashke.

14. Yakohmichi hosh Lefait vhleha ha Israel im vlla vhleha ish ai i filvmmichashke; mikma Lefait vhleha hvt mmi ha chi hoke.

15. Atukma i himmak mak o, Lefait vhleha hvt iba hukowvt okla moma i binah nan ai isht ahanta ya yvmihcha hi oke: mihma ish kashoffi cha nan im issa yo ish im ssashke.

16. Israel im vlla vhleha ai iti takla ka aiokluhvt vmmi oba hoka; im oshvto puta tiwi vmmona chatuk Israel im vlla vhleha vttahpi moma chatuk a atobbichit il ai ishi li ak oke.

17. Israel im vlla vhleha vtta ahpi moma kvv, hatak nicha nan vlvpoa aiena kvv vmmi hoka. Echip yakni ya vttahpi ya issot kanchi li nitak mvt hullochit il ai eshi li ok oko.

18. Micha Lefait vhleha hak o Israel im vlla vhleha vttah-i moma tuk a atobbichit ishi lishke.

19. Micha Lefait vhleha hvt okla moma i binah nan a okvli isht ahantvt Israel im vlla vhleha i kashoffa chi ho Israel im vlla vhleha ai i filvmmichit, Alon micha ushi vhleha aiena ka-na hulbina ohmi ho ima li tuk oke. Yvmohmi o Israel im vlla vhleha hvt vlvtipo hovitopa bilika onakma, Israel im vlla vhleha ai iti takla ya ililli okpulo vt iksho ashke, achi tok.

20. Mihma Moses micha Alon micha Israel im vlla vhleha kla moma kvv Lefait vhleha ha i yvmihchi tok. Lefait vhleha pulla ka Chihowah yvt Moses a im apihisa tuk mak a, yohmi ho Israel im vlla vhleha hvt i yvmihchi tok.

21. Mihma Lefait vhleha hvt kashofa cha i nafohka ya achéfa tok: mihma Alon vt nan im issa yo, Chihowah itikba im issa tok, micha Alon vt kashofa chi hosh i kashoffi tok.

22. Atuk o i himmak ak o Lefait vhleha hvt Alon micha ushi vhleha aiena itikba ya okla moma i binah a toksuli yvmihcha chi hosh iba chukowa tok; Lefait vhleha pulla ka Chihowah yvt Moses a im apesa tuk mak o, okla hvt i yvmihchi tok.

23. Mihma Chihowah yvt Moses a im anumpulit,

24. Ilppak osh Lefait vhleha immi mak oke; afvmmi pokoli tuklo akucha tahlapi kak o vhlit vba maya kak osh iba chukowvt okla moma i binah a toksuli ya, isht aiahan-tashke.

25. Micha afvmmi pokoli tahlapi ont vhli kak osh atoksuli isht ahanta kvt issa cha himmakma isht ik ahanto kashke;

26. Yohmi kia itibapishi vhleha takla okla moma i binah isht aiahanvt apistikeli cha na toksuli hano ik yvmihcho ka hi oke. Apistikeli yvmmak okvno Lefait vhleha ha ish i yvmihchashke, achi tok.

CHAPTA IX.

MIHMA Chihowah yvt Moses a yakni haiaka Sinai ya Echip yakni ya kohcha tok afvmmi ont atukla micha hvshi vmmona ho im anumpulit,

2. Israel im vlla vhleha hvt vbanvblit ont ia vhlpisa vt ont vhlpesakma holitoblashke.

3. Himak hvshi nitak ont isht auahushta kvt opiakma vhlpisa hvt ont vhlpesakma, hvsh holitoblashke; nan vhlpisa moma hatuk o, micha nan akaniohma he moma vhlpisa ya tuk.mak o, hvsh holitoblashke, im achi tok.

4. Mihma Moses vt Israel im vlla vhleha hvt vbanvblit ont ia ya holitoblichia chi ho im anumpulit tok.

5. Mihma hvshi vmmona nitak ont isht auahushta opia ma, yakni haiaka Sinai ya vbanvblit ont ia ya isht aiasha

tok; Chihowah yvt Moses g im apesa tuk moma kak o, Israel im vlla vhleha hvt yvmihchi tok.

6. Atuk o hatak kaniohmi kv hatak illi nipi ishit liteha tuk osh, nitak ymma vbanvblit ont ia isht asha he keyu tok; micha nitak ymma Moses itikba micha Alon itikba ona tok.

7. Micha hatak ymmak ash osh, Hatak illi nipi yo ishit pi litehvshke, nanta katiohmi kak o pi katvbli na Israel im vlla vhleha ai itin takla ya Chihowah nan im issa ya vlpisa vt ont ai vlpiesakma kil im isso ka chi cho? im achi tok.

8. Mihma Moses vt, Lumvt hvsh hinlashke, mikma hvchishno pulla ka Chihowah ak osh nan apesa he, haklo lashke, im achi tok.

9. Mihma Chihowah yvt Moses g im anumpulit,

10. Israel im vlla vhleha ha im anumpulit, Hatak chi kanima hosh, keyukmt hvchi aionchuloli yosh nipi illi yo ishit litehakma, keyukmt yakni hopaki nowvt aya tuk okma, nana kia, vbanvblit ont ia ya Chihowah isht im aisha hi oke.

11. Hvshi atukla nitak ont isht auahushta opiakma isht ai asha cha pska ik shatmmo, micha haiyukpulo homi aiena it ai impucha hi oke.

12. Hatombut bohli na ik onno kashke; micha foni nana kia ik kobafu kashke, vbanvblit ont ia nan vlpisa moma hatuk mak o isht aiashashke.

13. Amba hatak vt liteha keyn, micha nowvt aya keyu hosh vbanvblit ont ia ya isht ik ahantokmt, ymmak okvt im okla ai itin takla ya fopa tepashke, Chihowah nan im issa ya vlpisa tok vt ont vlpiesakma; isht iklo hokvt, hatak ymmvt ilap nan ashvchi vt onvtoyulashke.

14. Okla inla yosh hvchi takla ahanta tuk osh, vbanvblit ont ia ya Chihowah isht im ahanta he ahnikmt, vbanvblit ont ia nan vlpisa mak o, micha nan akaniohmi mak o yvmihchashke; okla inla, hvchi yakni yash ai otta tuk aiena kv nan vlpisa hvchim achvfashke, ish im achashke, im achi tok.

15. Atuk o binah hvt hikia nitak ma, hoshonti hvt binah

yummvt isht atokowa binah hā onvtoyula tok, atuk osh opia ma luak holba hosh binah ha onvtoyula na onnahinli tok.

16. Yvmohmi na bilia beka tok, hoshonti hosh nitak ma onvtoyula tuk osh ninak ma luak ahoba hosh onvtoyula tok.

17. Atuk o hoshonti hosh binah paknaka ai ishit vba isht iakma, Israel im vlla vhleha hvt nowvt ia beka tok; atuk osh kanima ho hoshonti hvt hikiakma, Israel im vlla vhleha hvt yummak o binachi beka tok,

18. Chihowah hvt im apesa hō Israel im vlla vhleha hvt nowvt ia beka tok; atuk osh Chihowah hvt im apesa hō binachi beka tok; hoshonti hvt binah onvtola takla im vlhtipo fohvt asha beka tok.

19. Atuk o hoshonti hvt hopaki micha nitak laua hō binah paknaka onvtoyulakma, Israel im vlla vhleha hvt Chihowah nan isht im ahanta kā holitobli cha ik ayo beka tok.

20. Atuk o yakohmi beka tok, nitak kanohmi takla hō hoshonti hvt binah hā onvtoyulakma, Chihowah im anumpa hatuk mak o, im vlhtipo puta aiasha beka tok; atuk osh Chihowah im anumpa mak o nowvt ia beka tok.

21. Atuk osh yakohmi beka tok, hoshonti hvt talaia na opiaka vttvt onnahinli ont vhlikma, atuk osh onnahinlikma hoshonti hā vba isht iakma nowvt ia beka tok; nitak okmá, ninak okmá nana hō vba isht iakma nowvt ia beka tok.

22. Keyukmvt nitak tuklo hokmá, keyukmvt hvshi achvfa hokma, keyukmvt afvmmi achvfa hokma, nana hō hoshonti hvt binah paknaka talaia cha on talaia momakma, Israel im vlla vhleha hvt im vlhtipo aiasha cha, nowvt ik aiyo tok; amba vba isht iakma nowvt ia beka tok.

23. Chihowah im anumpa pulla hō im vlhtipo fohvt ai asha tok, anonti Chihowah im anumpa pulla hō nowvt ia beka tok; Chihowah nan isht im ahanta hā holitoblit Chihowah yvt Moses a nan im apesvt tohno tok ā ieshi beka tok.

CHAPTA X.

MIHMA Chihowah yvt Moses a im anumpulit,
 2. Tvli hvta isht pufa tuklo ho ish ikbashke; ita chakvchi keyu hosh ish ikbashke: yvmmak o okla moma isht ish i howashke, micha binah puta kvv ia chi isht ish im apesashke.

3. Atuk o ita tuklot isht olachikma okla moma kvv okla moma i binah okhissa ya chim ai itvnahashke.

4. Atuk osh isht pufa achvfa bano ho olachikma, holitopa vhleha yvmmtv Islael tahlepa sipokni puta i noshkoboka vt chim ai itvnahashke.

5. Nuktahla he ish olachikma, binah puta hvshi akochaka in tvnnvp asha kvv tikba iashke.

6. Atukla ma nuktaghla he ish olachikma, binah puta oka mahli pilla in tvnnvp aiasha kvv, nowvt iashke; nowvt ia chi puta ka nuktaghla hi ya okla olahanchashke.

7. Amba okla moma kvv itvnaha chi hokma ish olachi hoh kia, nuktaghla hano chik olacho kashke.

8. Mikma naholitompa isht asha Alon ushi vhleha hak osh isht pufa ya olachashke; micha chim ai itishali puta hlopulli ka chi nan vlpisa bilia ha chi hoke.

9. Atuk osh chi yakni ya, hvchin tvnvp vt hvch ilbvshali na, in tanampit hvsh iakmvt nuktaghla he isht pufa hvsh olachashke; yohmikma hvchin Chitokaka itikba ya hvch ithana hi oke, mikma hvchin tvnvp a hvchi hlakoficha hi oke.

10. Micha hvchi yukpa nitak, micha nitak hvchi holitopa, micha hvchi hvshi isht ia vmmoma puta ka, na hukmit im issa, micha isht itin nanaiyachi im issvt vbi puta ka paknaka isht pufa hvsh ai olachashke: yohmi na yvmmtv isht ithana bilia yosh Chihowah itikba itoyulashke, Chitokaka hvchin Chihowah sia hoke, achi tok.

11. Atuk o yakohmi tok, afvmmi ont atuklahvshi atukla kvv nitak ishit pokoli tuklo ma, hoshonti ha nan isht atokowa binah paknaka ya ai ishit vba isht ia tok.

12. Yohmi ma Islael im vlla vhleha hvv Sinai yakni haina.

ka isht ia tok; atuk o Pelan yakni haiaka yak o hoshonti hvt ont talaia tok.

13. Micha Chihowah hvt Moses a tohno tuk mak o, tikba ia tok.

14. Tikba fehna ya Chutah im vlla vhleha i binah na hvta shali ak osh okla vhlpisa mak osh ia tok; mikma in tvshka moma pehlichy vt Amminatab ushi Nahshon ak atok.

15. Mikma Issaka im vlla vhleha ap ehlichy tvshka moma pehlichy vt Sua ushi Nehlaneel ak atok.

16. Micha Sebulon im vlla vhleha ap ehlichy okla ha pehlichy vt Helon ushi Eliab ak atok.

17. Mihma binah ha akvchi ma, Keshon ushi vhleha, micha Melali ushi vhleha aiena kak osh binah ha sholi cha iakaiyvt ia tok.

18. Mihma Luben i binah na hvta shali ak osh okla ha vhlpisa mak osh wakayvt ia tok, mihma Sheteu ushi Elisu ak osh in tvshka vhleha ha pehlichy ak atok.

19. Mikma Simeon im vlla vhleha ap ehlichy tvshka vhleha pehlichy vt Sulishattai ushi Shelumiel ak atok.

20. Mikma Kat im vlla vhleha ap ehlichy tvshka vhleha pehlichy vt Teuel ushi Eliasaf ak atok.

21. Mihma Kohalhait vhleha hvt vhltypo holitopa yo shaiyalit wakayvt ia tok; mikma ik ono kisha ho inlaka yvt binah ha hilechi tok.

22. Mihma Eflaim im vlla vhleha i binah nahvta shali okla ha vhlpisa mak osh wakayvt ia tok; mihma in tvshka vhleha ha pehlichy kv Ammihvt ushi Elishama ak atok.

23. Mikma Manasseh im vlla vhleha ap ehlichy tvshka vhleha pehlichy vt Petashu ushi Kamaliel ak atok.

24. Mikma Benchamin im vlla vhleha ap ehlichy tvshka vhleha pehlichy vt Kiteoni ushi Abitan ak atok.

25. Mikma Tan im vlla vhleha i binah nahvta shali vt yvmmak osh tvshka vhleha puta i binah puta moma hlopulli ka gshaka yatuk osh wakayvt ia tok; mihma in tvshka vhleha pehlichy kv Ammishattai ushi Ahiesa ak atok.

26. Mikma Asha im vlla vhleha ap ehlichy tvshka vhleha pehlichy vt Oklan ushi Pachiel ak atok.

Mikma Naftali im vlla vhleha afehlich tshka vhleha i vt Enan ushi Ahila ak atok.

Yakohmi hosh Israel im vlla vhleha hvt okla puta ka hosh wakaiyvt iakmvt itvnova beka tok.

Mihma Moses vt Lekuel ushi Hobab Mitianait Moses yash, Yakni yvmma Chihowah yvt chima lashke, achi a hosh il itvnova; pi awant ish iakma, nana achukma chi yvmihchashke; Chihowah yvt Israel pulla ka na ho anumpuli tuk oka, im achi tok.

Mihma, Ia la he keyu, amba ivt a yakni akinli micha mi ak o im ona la chi hoke i im achi tok.

Mihma, Chik pisso kashke, chim asilhha lishke; yakka yo binachit il itvnova chi ka ish ithana hokvt, pi a he tuk a chishno ak ashke.

dikma yakohmi hi oke, pi awant ish iakma ahli, yakohke; nana achukma nana ho Chihowah yvt piyumiha, yvmmak inli ho e chi yvmihcha chi hoke, achi tok.

Mihma Chihowah i nvniha ho issvt nitak tuchina anona tok; mihma Chihowah nan itim apesa afohka holitopa ak osh nitak tuchina anova yvmma im oyot im ahayucha chi hosh tikba ia tok.

Mihma binah kohchvt ia nitak ma, Chihowah i hosot onvtoyula beka tok.

Atuk o yakohmi tok, itombi holitopa yvt wakayvt Moses vt Wakaya, Chihowah ma, mikma chin tenvrt ita fimimpashke; micha chi nukkilli vhleha hvt chi ihlepashke, achi tok.

Atuk osh talaiakma, Israel tahlepa sipokni laua ka fash im vlashke, Chihowah ma, achi tok.

CHAPTA XL

IK o okla hvt na mihvt anumpuli ma, Chihowah yvt k im vhpieso tok; micha Chihowah yvt baklo tok; t anukhobela yvt libbi tok, mihma Chihowah in luak hit binah vhli puta aiasha tuk a hukmit tahli tok.

2. Mihma okla hvt Moses a i pahaya tok; mihma Moses vt Chihowah im asilhha ma luak vt mosholi tok.

3. Mihma yakni yvma Tabelah hochifo tok, Chihowah in luak vt ai itin takla ka hukmi tuk oka.

4. Mihma okla lana itaiyokoma takla asha tuk vt pushkv-not wakaya tok; micha Israel im vlla vhleha hvt anonti yaiya mvt, kuta hosh nipi ya pipeta chi cho?

5. Echip a nvni, kukmba, micha shukshi puta, micha leek, micha shachuna puta, micha kalik puta laua ho epa fehna beka tok vt il ithaiyanvshke.

6. Yohmi tok kia himak ano pim ishilombish vt shilt kvnivshke; nana kv iksho kvmohmi, manna ilvppak illa pi nishkin itikba aiashvshke, achi tok.

7. Mihma manna yvt kolianta nihi ak o chohmi hosh pisa hokvto tellium ak o holba tok.

8. Mihma okla kohchvt itvnowvt aiowa cha afotoha a fotohli, keyukmvt kiti a hosi cha, ampmahaia fohkit pvska cha pvska lumbo ikbi beka tok; mikma vpvvt pisa ka bila himona chohmi beka tok.

9. Michi ninak o fichak vt binah ha onvtolakma manna vt onvtola beka tok.

10. Mihma Moses vt okla hvt in chuka achvfa puta hlopulli kv i binah okhissa ya, hatak moma kv yahaya na haklo tok; mihma Chihowah im ai i nukkilli vt libbi fehna tok; Moses ak kia ik im vllhpieso tok.

11. Mihma Moses vt Chihowah ya, nanta katiohmi ho chin tishu ha ish ilbvshali cho? nanta katiohmi ho chim isht i kana ak chi ahayucho ho, okla ilvppa moma na weki is si onochi cho?

12. Okla ilvppa moma ka shali li tuk oh cho? vno ak osh tobachi li tuk o, iki yosh vlla pishi ya shoyuli chohmit, chi shakba fohkit shoyulit iki vhleha anumpa ilonochit yakni im issa li tok a isht ona, is svv acha hinla cho?

13. Okla ilvppa moma ka katima ak o nipi ai isht ima la hinla cho? a yayivt, Nipi ish pima na epashke, ahanchi hoka,

14. Uno ak illa hosh okla ilvppa moma ka shali la hekeyushke, a weki fehna hokvt.

cha iluppa o is sa yumiha chi hokmut vmohmi-
bashke; na i kana chi tikba ai ahayuchi likma
aha lishke, mikma a sulbvsha kut ak peso kashke,
ok.

hima Chihowah yvt Moses a Israel im asvnonchi
tuklo, yvma im asvnonchi, micha nan vltoka
ana kut, vm itvnahlit okla moma i binah isht ish
ni apahrt yvma hielashke.

kma akowa lish yvmak o a chim anumpule lashke;
ilombish chi onvtoyula ka ishi lish yvmak o ono-
e; mikma okla pehlichu weki ka chiba shaiyalashke,
nishno ak bano hosh chik shaiyalo kashke.

icha onnaha takla ka hvsh ile hullochashke; atuk
ya hvshpa chi hoke; hvsh yahayvt kuta hosh nipi
chi cho? Echip ano pim aiachukma tok oka;
i ho Chihowah yvt haklo tuk oka; yvmohmi hoka,
h yvt nipi hvch ima na, hvsh pa chi hoke,
itak achvfa ho hvsh pa he keyu, micha nitak tuklo
cha nitak tahlapi keyu, micha nitak pokoli keyu,
tak pokoli tuklo keyu,

mba hvshi achvfa ont hlopulli hok kia hvsh aham-
polaka hvch ibishakni a kohchakmut nan isht
wala ya chi hoke; Chihowah hvchi takla ahanta ka
tilema cha, itikba ya ayaiyvt, Nanta katiahmi ho
e kohcha tuk oh cho? hvsh achi hokvt, ish im
, achi tok.

ihma Moses vt okla takla aya li, hatak aka aya yvt
ipokni bat tahlepa hannali hoke; mihma nipi ima
vshi achvfa hlopulli kia vpushke, ish achishke
lhpoa chipunta aya kanohmi kia, micha vhpoe
aya kanohmi kia im vbi na fihopa chi cho? ak cho?
vni aiasha moma hoyot im itvnahlit fihobla hinla
hi tok.

ihma Chihowah yvt Moses a Chihowah ibbak vt ik-
ha hoh cho? vm anumpa hvv chim aighlikma ke-
nanakma ish pisa chi hoke, im achi tok.

ihma Moses vt kohchvt ia cha, Chihowah im anum-

pa hash okla ha im anoli tok; micha okla im asvnonchi pokoli untuklo kash hoyo cha binah ha afolublichit hiohlechi tok.

25. Mihma Chihowah yvt hoſhonti iſhit akowa cha, im anumpuli tok, micha shilombish onvtoyula tuk a ishi cha, im asvnonchi pokoli untuklo kash onochi tok, atuk o yakohmi tok, shilombish vt onvtoyula ma tikbanli nana anolit Chihowah ya aiokpahanchi cha ik isso tok.

26. Yohmi kia hatak tuklo kvt achvfa hohchifo kvt Eltat, mikma achvfa hohchifo Metat osh binah ha ahashwa moma tok; mihma shilombish vt yvmmak o onvtoyula tok, yvmmak okvt holisso ka ibafoka tuk kia, kohchvt binah ha ik ono tuk atok, binah ahashwa hak inli kia tikbanli nana apolit Chihowah ya aiokpvchi tok.

27. Mihma hatak himita yosh malelit ivt Moses a im anolit, Eltat micha Metat ak kia binah ha ashvvt tikbanli nana anolit Chihowah ya aiokpvchishke, achi tok.

28. Mihma Nun ushi Choshua Moses in tishu hvv hatak himithoa im asha achvfa yvt afalaminchit A shahli Moses ma! ish im olvbashke achi tok.

29. Mihma Moses vt, Uno ak atuk mak o ish potvno cho? Chihowah yvt vllpesa ahni na, Chihowah im okla moma kvt tikbanli nana anolit Chihowah ya aiokpvchi hokbano, micha Chihowah hvv shilombish a onochi hokbano, im achi tok.

30. Mihma Moses micha Israel im asvnonchi aiena kvt binah ha ona tok.

31. Atuk o Chihowah hvv mahli ha kohchichi na, kofi ha okhvta ha ai isht vlvv okla i binah ilvppa in tvnnvp nitak achvfa anowa, mihmvt in tvnnvp a nitak achvfa anowa ehohmi ho ai eshit binah ha apakfoiyupa cha yakni paknaka ya kubit tuklo chohmi ho aiasha tok.

32. Mihma okla hvv nitak yvmmvv hlopulli ka, micha ninak yvmmvv hlopulli ka, micha nitak atukla kvt hlopulli ka hielit aiowa tok; moma ik alauwo ho aiowa kvt homa pokoli ho aiowa tok micha binah ha a mominchit apakfoiyuplit patali tok.

33. Atuk o nipi ash o noti ya ishit kiseli moma ik hopa-so kisha ho Chihowah im ai i nukkilli vt okla ha i sanalit libbi tok; micha Chihowah yvt okla ha illilli okpulo fehna ho isht isso tok.

34. Mihma yakni yvmma Kibloh hattaafah hochifo tok; yvmmak o pushkvno tuk okla hvt ahollohpi tok oka.

35. Mihma okla hvt Kibloh hattaafah ya ashvt ia hosh Haseloh a ona tok: micha Haseloh ak o aiasha tok.

CHAPTA XII.

ATUK o Miliam micha Alon ita tuklo kvt Moses vt Ehliopian ohoyo yvmma itauwaya tuk ak o na mihachit anumpuli tok. Ehliopian ohoyo ho itauwaya tok atuk oka.

2. Michā Chihowah yvt Moses ak illa ho tohnot anum-puli tuk oh cho? pishno ak kia pi tohnot anumpuli tuk ak inli keyu cho? achi tok. Mihma Chihowah yvt haklo tok.

3. Yohmi ka hatak Moses vt chukvsh yohbi kvt hatak moma yakni paknaka aiasha ka i shahli tok.

4. Mihma Chihowah yvt yakosi itin takla ho Moses micha Alon micha Miliam aiena ka im anumpulit, Hvsh tuchina kvt kohchvt okla moma i binah ha hvshlashke. Mihma yvmma tuchina kvt kohcha tok.

5. Mihma Chihowah yvt hoshonti tonik ibafokvt akowa cha, binah holitopa okhissa ya hikia cha, Alon micha Miliam a i howa tok; mihma ita tuklot kohcha tok.

6. Mihma Himak a vm anumpa ha hvsh haklashke; hvch itin takla ya hopaii vt ahantakma, Chihowah sia hvt nan otvni yo im ile haiakvchi lashke, micha holhpokna ho itim anumpule lashke.

7. Yohmi kia an tishu Moses vt yohmi keyu, yvmmak okvt an chuka ya nana aiasha moma ka aighli hoke.

8. Yvmmak okvno itih bika itim anumpohonli chohmit itim anumpule la chi hoke: micha anumpa luma ha chi keyu hoke; mikma Chihowah holba pisa chi hoke; yohmi

kə nantihmi hō an tishu Moses a na mihachit anumpuli kə ik huchi nukwio tuk oh cho? im achi tok.

9. Mihma Chihowah im ai i nukkilli vt i sanalit libbi tok; mihmvt ia tok.

10. Mihma hoshonti hvt binah holitopa yash issvt ia tok; mihma yakeh, Miliam vt leplosi vbit tohbi kv̄t okti chiyuhmi tok; mihma Alon vt Miliam a pisa ma, yakeh, leplosi vbi tok.

11. Mihma Alon vt Moses a Ikkikkeh! a shahli ma! chim asilhha lishke, im anukfila iksho pi yvmohmi tuk a micha nanashvchi a pi yvmohmi tuk, nan ashvchi ya chik pi onochō kashke.

12. Illi tuk osh ishki im oshvto ya kohcha mvt nipi vt iklv̄nna kv̄t taha yō ik chohmo kashke, im achi tok.

13. Mihma Moses vt Chihowah ya i payvt, Chitokaka ma, himak a ish hlakoffichashke, chim asilhha lishke, achi tok.

14. Mihma Chihowah yvt Moses a Iki vt nashuka ya on tofa illa tuk okma, nitak untuklo hō hofahya hinla keyu chō? nitak untuklo hō binah hā kohchichashke, yohmi ha yosh anonti falv̄mminchit ishashke, achi tok.

15. Mihma Miliam vt nitak untuklo hō binah hā kocha ahanta tok; mihma Miliam a falv̄mminchit isht iklo kisha kə okla hvt nowvt ik aiyo tok.

16. Atuk osh i himak ak o, okla hvt Haselolh asha tuk vt kanv̄llit Palan yakni haiaka ak o abinanchi tok.

CHAPTA XIII.

MIHMA Chihowah hvt Moses a im anumpulit,
2. Hatak pit ish tihleli na, Kenan yakni ya yv̄mma Israel im vlla vhleha ima li tok a, pisashke; iki vhleha apēhlichī ai yukali kə hatak achv̄fa aiachv̄fa pēhlichī yō ish pilashke, achi tok.

3. Mihma Moses vt Chihowah ak osh anumpuli hō yakni haiaka Palan a a tihleli tok; hatak yv̄mma puta kv̄t Israel im vlla vhleha hā i noshkoboka bieka tok.

4. Micha ilvppa puta kak osh hohchifo: Luben apeli-chika Sakka ushi Shammua ak atok.

5. Simeon apeliichi ka Holi ushi Shafat ak atok.

6. Chutah apeliichi Chedunneh ushi Kaleb ak atok.

7. Issaka apeliichi Chosef ushi Ikal ak atok.

8. Effaim apeliichi, Nvn ushi Oshea ak atok.

9. Benchamin apeliichi Lafu ushi Palti ak atok.

10. Sabulon apeliichi Soti ushi Kattiel ak atok.

11. Chosef apeliichi yummvt Manasseh apeliichi Susi ushi Katti ak atok.

12. Tan apeliichi Kemalli ushi Ammiel ak atok.

13. Asha apeliichi, Mikael ushi Selhu ak atok.

14. Naftali apeliichi Fofsi ushi Nahbi ak atok.

15. Kat apeliichi Maki ushi Keuel ak atok.

16. Hatak hohchifo ilvppa puta kak osh yakni ya pisvt hlopulla chi ho Moses vt tihleli tok. Micha Nvn ushi Oshea vt Chehoshua hohchifo tok.

17. Micha Moses vt Kenan yakni pisa chi ka pit tihlelit Oka mahli imma ilvppak o ivt nvnih ha ont hvsh chukowashke:

18. Micha yakni vt kaniohmi ka hvsh pisashke, micha okla hvst aiasha aiena ka, kvlllo hokma, ik kvlllo hokma, iklauo hokma, laua hokma nana ka;

19. Micha yakni vt kaniohmi ho aiasha ka achukma hokma, keyukmvt okpulo yokma; micha tvamaha holihta puta ho aiashakma, vhtipo yokma, keyukmvt holihta kvlllo yo aiasha hokma:

20. Micha yakni vt kaniohmi hokma, nia hokma, keyukmvt, chunna hokma, iti vt gsha hokma keyukma, nana hvsh pisashke; Micha hvchi nakni achukma cha yakni ya nana a waya ka isht hvshlashke, im achi tok. Yohmi ka nitak yummak okvt paki waya vmmona nitak atuk atok.

21. Yohmi ho ia cha yakni yash ahopokoyot Sin yakni haiaka vttvt hatak vt Hamalh pit ai itvnowvt Leho a ont vhliichi tok.

22. Micha oka mahli imma oiyvt ia cha Heblon a vla tok: yummak oka Ahiman, Sheshai micha Talmai aiena

Anak im vlla vhleha hvt asha tok. Yohmi ka Heblon vt Soan Echip talaia yvt ik tobo kisha afummi untuklo mak o, toba tok atok.

23. Atuk osh Eshkol bokushi ya ona mvt, yvmma paki lokoli achvfa takali ho naksish achvfa ho chanlit akvchi cha tuklo hosh tvi takalichit sholi tok; micha pomeklanit, micha fik aiena ka ai isht vla tok.

24. Israel im vlla vhleha hvt yakni yvmma paki lokoli achvfa achanlit akvchi tuk ak osh bokushi Eshkol hochifo tok.

25. Atuk osh nitak pokoli ushta kvt ont taha ma, yakni ya a hopokoyvt itynowa tuk vt falamvt vla tok.

26. Micha ivt Moses micha Alon micha Israel im vlla vhleha okla moma kvt Palan yakni haiaka Katesh ak o asha tuk o im ona tok; micha anumpa falama isht im ona cha, yakni yash nana a waya ka okla moma ka i haiakvchi tok.

27. Micha im anolit, Pit ish pi pila tuk yakni ya il ona tuk, mihma pishukchi micha foi bila aiena a yanahanli kvt aighlishke; yohmi ka ilvppak osh nan awaya mak oke.

28. Yohmi kia okla yakni ya aiasha kvt kulloshe, mikma tomaha holihta puta kvt aholihta hosh chito fehvshke, micha Anak im vlla vhleha hvt yvmma asha na, e pisa tuk oke.

29. Amalekait vhleha hvt oka mahli yakni ak o aiashvshke; mikma Hittait vhleha micha Chebusait vhleha, micha Amolait vhleha aiena kvt nvni foka ak o aiasha hoke; mikma Kenanait vhleha hvt okhta bilika micha Chatan aivhli aiena kak o aiasha hoke, achi tok.

30. Mihma Kaleb vt okla hvt Moses itikba aiasha ka nuktalali cha, Yakosi iti takla ivt iloh ishashke, il imaiya he vhpesa fehna hokvt, achi ok.

31. Amba apihvt ia tuk vto, Okla ha itibit il ia he pi vhpesa keyushke, kullo kvt pi shahli hoka.

32. Micha yakni ya ahopokoyo tuk vt ik achukmo ho Israel a anumpa isht im vlt; Yakni yash il a hopokoyo kvt okla ha tahli yakni chohmishke; micha yvmma aiasha na e pisa ka hatak chaha fehvshke.

33. Micha yvmma hatak hofaloha Anak ushi vhleha, yvmmvt hatak hofaloha vhleha a kohcha tok a e pisa tuk oke: mikmvt pishno ile pisa kvv hatvfo ak o pi chohmi tuk; mikma yvmmvt pi pesa ka yvmmak inli il in chohmi tuk oke: achi tok.

CHAPTA XIV.

MIHMA okla moma kvv chitolit yaiya tok; micha ninak yvmma okla yaiya tok.

2. Micha Israel im vlla vhleha moma kvv Moses micha Alon ita tuklo ka na mihachit anumpuli tok; micha okla moma kvv, Chihowah yvt vlvhesa ahni na Echip yakni ak inli ho a pilli tok okbano; keyukmvt Chihowah yvt vlvhesa ahni na, yakni haiaka a pilli tuk okbano;

3. Nanta katiohmi ho bvshpo falaia ishit pi akakoha na, pi tekchi micha pim vlla aiena kvv nawehpoa toba chi ka, Chihowah yvt pi pehlichit yakni ilvppa pishit vla tuk oh cho? Echip yakni falamvt il ona ka achukma kvv pim i shahla hinla keyu cho? ahanchi tok.

4. Micha ilap bika itim achit, Pi kvpitvni iloh ikbi cha, falamvt Echip a il onashke, itim achi tok.

5. Yohmi ma Moses micha Alon ita tuklo kvv Israel im vlla vhleha okla moma itvnavt aiasha tuk a itikba ya, nashuka aka ishit hlipkaiyvchi tok.

6. Mihma Nvn ushi Choshua micha Chifvnnah ushi Kaleb ita tuklo yvmmvt yakni yash ahopokoyo aiena tuk osh i nafohka ya hlilvffi tok.

7. Micha Israel im vlla vhleha moma ka im anumpulit, yakni yash yvmma hopokoyvt a hlopulli tuk vt yakni achukma atampvshke.

8. Chihowah yvt pi ahninchu hokmvt, yohmikmvt yakni ilvppa pisht ona cha pima chi hoke; yakni pishukchi micha foi bila ayanahanli yoke.

9. Peh, Chihowah ya i yoshobvt hvchik i filvmmo kashke, micha okla yakni ai asha ka hvchik i nukshopo kashke; yvmmvt pi pvska yoka; yvmma ai atukko yvt i kvvia hoke,

mikma Chihowah yvt piba foyuka hoke; hvchik i nukshopo kashke, im achi tok.

10. Yohmi kia okla moma kvv tvli ishit bola chi ka miha tok. Mihma Israel im vlla vhleha itikba ya Chihowah im aholitopa yvt okla moma i binah holitopa ya ahaiaka tok.

11. Mihma Chihowah yvt Moses a katiohmi foka ho okla ilvppvt sa nukowahancha chi cho? micha katiohmi fokak mak o nan isht atokowa puta im iti takla ai otvnihin-chi li kak o a yimma chi cho?

12. Ililli okpulo isht issot kanchi lish, ai isha he vhpesa im ishi lashke, micha chishno ak o oklushi chito micha kvllo yvmma i shahli ka chi ai ikbi lashke, achi tok.

13. Mihma Moses vt Chihowah ya, Yohmikma Echip okla hvv hakla chi hoke (nan isht chim ai ghli pulla hosh okla ilvppa im ai iti takla ya akohchit isht ishla tuk oka;)

14. Micha yakni ilvppa okla aiasha ka im anola chi hoke: Chihowah chia hvv okla ilvppa ish iba foyuka ka haklo tuk, Chihowah ya nashuka bika iti pisa tuk, chi hoshonti hvv o wakayvt hikia tuk, nitak ma hoshonti tonik, atuk osh nina ma luak tonik o isht ish pehlichu ka haklo tok oka.

15. Himak a okla ilvppa moma ka hatak achvfa chiyuh-michit vbit ish tahlukma, oklushi puta chi annoa ka hahaklo tuk vt anumpulit,

16. Chihowah yvt yakni ya ima he mihvt anumpa kvllo il onochi tuk vt pehlichit ishit chukowa he tuk vt, nanihma he keyu hatuk osh, yakni haiaka ai vbit tahlushke, achi hi oke.

17. Yohmi ka himak a chim asilhha lishke, ish anumpulit,

18. Chihowah yvt nuktaiyala na hopaki, micha isht i nukhaklo vt chinto hosh, nan ashvchi micha yoshoba ya i kashoffi, micha nan ashvchi im ghli ya hlakoffichi keyu, micha iki vhleha nan ashvchi tuk a im vlla vhleha ai iti shali ont atuchina, micha ont ai ushta hoh kia, nana palvmmi ish onocha he ish miha tok mak osh, an Chihowah nan isht im aighli vt chitashke.

19. Nan isht ish i nukhaklo chito hatuk mak osh, micha okla ilvppa ish i kashoffi na Echip ashvt mintit himak a ant

aivhli hatuk mak osh okla nan ashvchi ya ish i kashoffashke, chim asilhha lishke, achi tok.

20. Mihma Chihowah yvt, chim anumpa hatuk mak o i kashoffi lishke.

21. Yohmi kia si okchaya pulla ka yakni moma kvv Chihowah isht im aholitopa alotowa pulla chi hoke.

22. Hatak yvmma puta moma kvv vm isht aholitopa, micha nana afehna puta Echip a micha yakni haiaka ya a yvmihchi ka pihisa tuk osh ilvppvt ont ishit pokoli mak o, sasht imomaka pisa cha vm anumpa ha ik haklo tuk okvto,

23. Iki vhleha anumpa kvllo il onochit im issa li tok yakni ya pisa he keyu; micha sa nukovvchi tuk puta hokvto pisa chi keyu pulla hoke.

24. Amba an tishu Kaleb yvmmak okvto shilombish inla eshi cha siakaiya ghli tuk oka, yvmmak okvno yakni a chukovvt aya tuk a isht ona la hi oke; mihma im isht tiaka yvt abinila hi oke,

25. (Yohmi ka Amalekait micha Kenanait vhleha aiena vvt okfa ha aiasha tok.) Onnaha ma fullovvt yakni haiaka khvta humma pilla hak o hvsh iashke, achi tok.

26. Mihma Chihowah yvt Moses micha Alon a im anumpulit,

27. Katiohmi foka ha okla ik achukmo ilvppvt a sanalit amihachit anumpuli ka, peh ik ashah im ahni la chi cho? islael im vlla vhleha na miha anumpuli puta yvmmvt a sanalit na miha ka haklo lishke.

28. Sa okchaya pulla kvv anumpulit sa haksobish a hvsh vaklochi pulla mak o hvchi yvmihchi la chi hoke, Chihowah vvt achishke, hvsh im achashke.

29. Hvchi haknip vt yakni haiaka ilvppa akakoha chi oke; mikma a sanalit na miha tuk, hvchi holhtina tuk noma, afvmmi pokoli tuklo vttvt vba mayvt hvchi holhtina tuk moma mak osh.

30. Yakni yvmma hvchi ashachi la he, anumpa kvllo il vnochi li tok a hvsh chukowa chi keyu pulla hoke, Chevneh ushi Kaleb micha Nvn ushi Choshua ak illa chi hoke.

31. Amba hvchim vlla vhleha na wehpoe ya chi, hvsh

achi tuk, yummak okvno ishit chukowa likma, yakni hvsh shitilema tuk a ithana chi hoke.

32. Amba hvchishno ak okvto, hvchi haknip illi vt yakni haiaka ilvppa akakoha chi hoke.

33. Mikma hvchim vlla vhleha hvt afummi pokoli ushta ho yakni haiaka ya ai itvnowvt hvsh havi puta kvv vt onvtoyula na hvchi haknip vt yakni haiaka ya ataha chi hoke.

34. Nitak kanihmi ho yakni ya hvsh a hopokoyo tuk; yummvt nitak pokoli ushta tuk a vlvpijvt (nitak achvfa kvv afummi achvft ia hosh) afummi pokoli ushta ho na hvsh ashvchi vt hvchi onvtoyula chi hoke; mikma nana im issa li tok vt kobvffi li ka hvsh ithaiyana chi hoke.

35. Chihowah sia hvt okla ik achukmo ilvppvt iti hoyot a sanali tuk a moma ka i yvmihchi li pulla chi hoke; yakni haiaka ilvppak o ataha chi hoke, micha yummak o okla ai illa chi hoke, achi li hatuk oke, im achi tok.

36. Atuk o yakni ya ahopokoya chi ho Moses vt pila tuk hatak vhleha, yummvt falamvt vla mvt, yakni ya kalakshi anumpa onochit isht vla cha okla moma ka i sanalechit na miha ka anumpolechi tuk vt,

37. Yakni ya anumpa ik achukmo onochit isht vla tuk pulla kvto Chihowah itikba ililli okpulo isht illit taha tok.

38. Amba Nvn ushi Choshua, micha Chefvnnh ushi Kaleb yummvt yakni ya ahopokoyvt ia ka ai achvfa tuk vt okchaya tok.

39. Mihma anumpa ilvppa puta ka Moses vt Israel im vlla vhleha moma ka im anoli tok; mihma okla moma kvv yaiya fehna tok.

40. Atuk osh onnahinli fehna moma ho okla hvt wakaya cha nvnih oiyvt paknaka ona mvt, Yakeh, ilvppa e hielishke, micha yakni Chihowah yvt pim issa tok a il ia chi hoke, pi yoshoba tuk okvt, achi tok.

41. Mihma Moses vt, Nanta katiomi ho himaka Chihowah im anumpa hvsh kobvffi cho? yohmi kia nana kvv im ghla he keyu hoke.

42. Hvchik aiyo kashke, Chihowah yvt hvchiba fokke-

yu hoka; yohmi hosh hvchin tenvp itikba hvch ik akakoho kashke.

43. Amalekait micha Kenanait aiena kvv hvchi tikba yvma asha hoka; mikma bvshpo falaia ishit hvsh akakoha chi hoke; Chihowah ya hvsh i filvmmi hatuk oka, yohmi hoka Chihowah yvt hvchiba foka he keyu hoke, achi tok.

44. Yohmi kia ilapuntvt ivt nvnih paknaka ya ona tok; yohmi kia Chihowah nan itim 'apasa afohka itombi holitopa micha Moses aiena kvto binah ha ik kohcho tok.

45. Yohmi ma Amalekait micha Kenanait aiena nvnih yvmma aiasha tuk vt akowvt mintit fahama cha imaiyvt yuhlit Holmah ya ont vhlichy tok.

CHAPTA XV.

MIHMA Chihowah yvt Moses a im anumpulit,
2. Israel im vlla vchleha ha im anumpulit, Hvsh aiasha chi yakni hvch ima li tok a hvsh onakmvt,

3. Micha il onochi tok osh yvmihchi hosh hukmit im issa, keyukmvt vbit im issa, keyukmvt ilap ahnit nan im issa, keyukmvt vlhpoa hochito, keyukmvt vlhpoa chipunta ai ishit Chihowah ya na balama im ikbit impvchi holitopa isht asha hosh luak ishit hukmit Chihowah ya im issakmvt:

4. Yohmi hosh Chihowah nan im issa im issakma ilhpak im issa bota tohbi kvshkoa ishit pokoli, bila hin kvshkoa ai ushta itaiyoma ho isht vlashke.

5. Micha oka paki hin kvshkoa ai ushta chukfvlhpoa ushi achvfa ho hukmit im issa, keyukmvt vbit im issa hokma aienint ish atahlashke.

6. Keyukmvt chukfi nakni yokma ilhpak im issa yo bota tohbi kvshkoa ishit pokoli tuklo ho bila yvt hin kvshkoa atuchina itaiyoma ho ish atahlashke.

7. Micha nan ishko im issa ya Chihowah nan i balama yo oka paki hin kvshkoa isht atuchina ho ish im issashke.

8. Micha anumpa il onochi tuk osh yvmihchi hosh huk-

mit im issa, keyukmut vbit isht aiokpvchi, keyukmut itin nanaiyvchit im issa yō wak hobvk im atahlikmut,

9. Yohmit wak hobvk isht vlakmut ilhpak im issa bota tohbi kvshkoa ishit pokoli tuchina, bila hin iklvna itaiyoma hō isht vlashke.

10. Micha nan ishko im issa Chihowah i balama yō luak ishit hukmit im issa yā oka paki hin iklvna hō isht ishlashke.

11. Yakohmichi hosh wak hobvk achvfakma, keyukmut chukfi nakni achvfakma, keyukmut chukfulhpoa ushi achvfakma, keyukmut issi kosoma ushi achvfakma hvsh yvmihchashke.

12. Holhtina kaniohmi hō hvsh atahli tuk mut, holhtina hatuk mak o yohmi bieka hō hvsh yvmihcha chi hoke.

13. Yakni yā aivtta tuk moma kut nan im issa yā Chihowah i balama luak ishit hukmit im issakmut ilvppa puta kak o chohmichit iakaiya hosh yvmihcha hi oke.

14. Micha okla inla yosh hvchi takla ahanta hosh, keyukmut hvch isht atiaka puta kā kvna hosh ahanta cha nan im issa yā Chihowah i balama luak ishit hukmit im issakmut, hvsh yvmihchi jak o yvmmak kia yvmihcha hi oke.

15. Okla hvchia, micha okla inla hvchi takla ahanta hvsh aiena kut hvchi nan vlpisa achvfa yosh hvch isht atiaka puta kā nan vlpisa bilia yā chi hoke; hvsh kaniohmi kā okla inla ak kia Chihowah itikba yā yvmohma he ak inli hoke.

16. Hvchishno micha okla inla hvchi takla ahanta aiena kut nan vlpisa achvfa, micha nana akaniohmi hvchim achvfa hi oke, achi tok.

17. Mihma Chihowah yvt Moses a im anumpulit,

18. Israel im vlla vhleha hā im anumpulit, Yakni hvch isht ona la chi yvma hvsh onakmut,

19. Yohmikmut yakohma hi oke, yakni yash pvka yā hvshpakmut i walit im issa yā Chihowah hvsh im issa hi oke.

20. I walit im issa yā onush bota yvmmvka vmmona pvka lumbo hvsh im issa hi oke: a nihechi a i walit hvsh im issa chatuk vt yvmihchi hosh hvsh i wala hi oke.

21. Hvch isht atiaka puta kā onush bota yvmmvka vmmona yā i walit im issa yō Chihowah hvsh im issa hi oke.

22. Atuk o hvsh ashvchi, micha nan vllhpisa ilvppa puta ka Chihowah yvt Moses a tohnot anumpuli tuk isht hvchik ahanto tok mvt,

23. Chihowah yvt Moses a im apesa tok nitak vttvt hvch-im isht atiaka ai itin takla himaka pilla mahaya ka Chihowah yvt Moses a tohnot apihisa tok fehna ka ik yvmohmo tuk mvt,

24. Yvmohmikmvt yakohmashke, okla moma kvv ik ithano nan ik ithano hosh nana kia yvmihchikma, okla moma kvv wak hobvk himita achvfa hq hukmit im issa Chihowah i balama, micha ilhpak im issa, micha nan ishko im issa, ai yvmihchi mak o, micha nan ashvchi im issa yq issi kosoma ushi achvfa aiena hq im issashke.

25. Mikma naholitompa isht vttv yvt Israel im vlla vhleha okla moma ka isht i kashoffi na i kashofa hi oke; nana ik ithano yoka: mikma nan im issa vbit im issvt luak ishit hukmi ya Chihowah isht ima hi oke, micha nana ik ithano tuk vt nan ashvchi im issa ya Chihowah itikba isht ona hi oke,

26. Mikma Israel im vlla vhleha okla moma, micha okla inla apehvt aiasa tuk aiena kvv i kashofa hi oke, okla moma kvv nana ik ithano hatuk oka.

27. Atuk o hatak nana hosh ik ithano hosh yoshobakmvt nan ashvchi im issa yq issi kosoma tek afvmmi vmmona isht onashke.

28. Mikma naholitompa isht vttv yvt hatak nan ik ithano hosh ashvchi kash nan ik ithano hosh Chihowah itikba ai ashvchi a i kashoffashke, mikma i kashofa hi oke.

29. Nan ik ithano hosh ashvchi ka Israel im vlla vhleha takla ai vttv tuk, micha okla inla yosh takla ahanta tuk aiena nan vllhpisa hvchim achvfashke.

30. Amba hatak nana hosh, peh ilapunla hosh nana akaniohmikmvt, yakni yash inli ai vttv tuk okma keyukmvt okla inla yokma nana kia, yvmmak okvt Chihowah ishit yopoma hoke: mikmvt hatak yvmmvt im okla ai iti takla ya fiopa tupa hi oke.

31. Chihowah im anumpa ha shitilema cha im anumpa

vlhpisa h₂ kobvffi hokvt, hatak yvmma im ilhfiopak vt t₂ptvt v₂m₂ohma ch₂ hoke; nan ashvchi vt ilap ak inli h₂ onvtoyula ch₂ hoke, achi tok.

32. Atuk o Israel im vlla vhleha hv₂t yakni haiaka gsha moma mv₂t, hatak vt nitak hullo nitak o iti tvptua aiowa hosh anta na'pisa tok.

33. Micha iti tvptua aiowa hosh anta na pisa tok vt Moses micha Alon micha okla moma aiena k₂ isht im ona tek.

34. Mihma kaniohma he miha kv₂t iksho hatuk o ai atoni okla fohki tok.

35. Mihma Chihowah yvt Moses a, Hatak okvt illi pulashke: binah kocha yo okla moma kv₂t tvli isht a bolashke, im achi tok.

36. Mihma Chihowah yvt achi tuk mak o, okla moma kv₂t binah h₂ kocha isht ona cha tvli ishit boli na illi tok.

37. Mihma Chihowah yvt Moses a im anumpulit,

38. Israel im vlla vhleha h₂ ish im anumpuli na, im isht atiaka hlopulli k₂ i nafohka ai vhli y₂ imposhota y₂ i fullolechashke; micha i nafohka im poshota y₂ sita lapushki okchamali lapalechashke,

39. Mikma hvchim poshota yosh hvsh pihisakmv₂t Chihowah im anumpa moma k₂ ithaiyanv₂t hvsh yvmihcha ch₂ hoke; mikmv₂t hvchi chukvsh akinli, micha hvchi nishkin akinli iakaiyv₂t havit hvsh itenowa beka tuk vt hvchik yvmohmo kashke.

40. Yvmohmi h₂ hvsh ithaiyana cha v₂m anumpa h₂ moma hvsh yvmihchi cha Chitokaka y₂ hvsh i holitopashke.

41. U₂no ak osh hvchin Chihowah Chitokaka sia hosh hvchin Chitokaka sia ha ch₂ hosh Echip yakni y₂ a hvchi pehlichit kohchi li tok oke, Chihowah hvchin Chitokaka sia hoke, ish im achashke, achi tok.

CHAPTA XVI.

MIHMA Kolah, yvmmv₂t Isha ushi, yvmmv₂t Kohalh ushi, yvmmv₂t Lefai ushi atok, micha Eliab ushi, vhleha

Tahlan micha Abilam, micha Pelelh ushi On, Leuben ushi vhleha hvt hatak kaniohmi ka ishi tok.

2. Micha Israel im vlla vhleha aiachvfa yummvt okla noma itvnahvt chieya ka i holitopa, hatak ithana tahlepa tuklo cha pokoli tahlapi hatak holitopvt annoa ai itapeha hosh, Moses itikba ya wakayvt hielit

3. Moses micha Alon a i sanalit iti hoyot itvnaha cha, Atablit hvsh il onochishke, okla moma kvt holitopa hoka, moma kvt, mikmvt Chihowah yvt ibafoka hoka. Yohmi ka nanta katihmi ho Chihowah im okla ha i shahlehit hvsh ile hilechi cho? achi tok.

4. Atuk o Moses vt haklo mvt nashuka ishit aka hlipia tok.

5. Micha Kolah micha im apeha tuk moma ka im anum-pulit, Onnaha fehnak mak o kva hosh immi hokma micha kva hosh holitopa hokma Chihowah yvt otvnincha chi hoke; micha ilap a bilika isht ona chi hoke; ilapvt atokoli tuk pulla kak osh bilika isht ona chi hoke.

6. Ilvppak o hvsh yvmihchashke. Kolah micha hvsh ai itapeha moma kvt, na balama a hukmi hvsh ishashke.

7. Micha onnaha ma Chihowah itikba ya luak hvsh fohki cha na balama hvsh fohkashke; atukma yakohma chi hoke, Chihowah yvt hatak nana ho atokolikma, yummak osh holitopa chi hoke. Lefai ushi vhleha hvchia hvt, atablit hvsh ilonochishke, achi tok.

8. Mihma Moses vt Kolah ya Lefai ushi vhleha ma! hvsh haklashke, hvchim asilla lishke.

9. Israel in Chitokaka yvt Israel okla moma ka hvchi i filvmminchit Chihowah i binah nan isht hvsh ai ahanta chi ho, micha okla moma nan isht hvsh im ahanta chi hosh itikba hvsh hiela chi ho ilap i bilika hvch isht ona tuk a nan isht ik hvchim ahobo cho?

10. Micha chishno, micha Lefai ushi vhleha, chitibapishi vhleha moma aiena ka bilika hvchi hvchisht ona tuk oke, micha naholitompa isht ai vta aiena hvchi bvna cho?

11. Yvma pulla kak osh chishno micha ish ai itvpeha aiena kvt Chihowah ya i sanalit iti hoyvt hvsh itvnahvshke;

micha Alon ak osh kvta hatuk o ymma i sanalit namiha-chit hvsh anumpuli cho? im achi tok.

12. Micha Moses vt Eliab ushi tuklo Tahlan micha Abilam a pit hoyot anumpa i pila tuk o ymmak ash osh, Il ona he keyu, achi tok.

13. Micha yakni pishukchi micha foibila aiena a yanahanli ya a pehlichit ish pi kohchi kv, yakni haiaka ai vbit ish pi tahla chin tuk vt nana iskitini ho amba pi shahli, pi miko ish il ikbi cho?

14. Micha pishukchi, micha foi bila ayanahanli yakni isht chik pimoshke, micha osapa micha pakupi ahollokchi ibai asha he a chik pimo kishvshke; hatak ilvppa puta nishkin a ish kocha wehla hinla cho? il ona he keyu hoke, achi tok.

15. Mihma Moses vt nukowa fehna cha, Chihowah ma! nana chim ihisa ka chik aiokpacho kashke: issuba nashoba achvfa kia im ishi li tuk keyu hoke, micha achvfa kia okpni li tuk keyu hoke, achi tok.

16. Micha Moses vt Kolah ya, Chishno micha ish aiitopeha aiena kv Chihowah itikba, chishno micha ymma, micha Alon aienvt onnakma hvsh onashke.

17. Micha hatak hvsh moma kv na balama im aivlhto ai-yukali ka na balama fohkit hatak moma kv na balama im ai vlhto ai-yukali na balama ai vlhto ai-yukali na balama ai vlhto tahlepa tuklo cha pokoli tahlapi ho ieshit Chihowah itikba isht hvsh onashke, Chishno micha Alon hvsh aiena na balama ai vlhto hvsh ieshi biekashke, im achi tok,

18. Mihma hatak puta kv na balama im aivlhto luak fohki cha na balama onochit ieshi cha Moses micha Alon a apehvt okla moma i tabenakel okhissa ya hieli tok.

19. Mihma Kolah vt okla moma ka im itvnahlit okla moma i tabenakel okhissa ya isht ona tok, mihma Chihowah im aholitopa yvt okla moma ka i haiaka tok.

20. Mihma Chihowah yvt Moses micha Alon a im anum-pulit,

21. Okla ilvppa hvsh il i filvmmichashke, Yohmikma yakosi itin takla vbit lushummi lashke, achi tok.

22. Mihma nashuka ishit hlipkaiyachi cha Chitokaka ma!

Nipi moma ini shilombish in Chitokaka ma! hatak achofa hosh yoshoba na okla moma ka ish i nukkilli chi cho? achi tok.

23. Mihma Chihowah, yvt Moses a im anumpulit,

24. Okla moma ka im anumpulit, Kolah. Tahlan micha Abilam i binah apakfoyupa ka issut hvsh wakayashke, ish im achashke, im achi tok.

25. Mihma Moses vt wakaya cha Tahlan micha Abilam a im ona tok, mihma Israel im asvnonchi vhleha hvt iakaiya tok,

26. Micha okla moma ka im anumpulit, Hatak haksi puta iluppa i binah ha issut hvsh iashke, hvchim asilbha lishke; micha nana immi puta ka hvsh potoli na, keyu hosh nan ashvchi moma ka takla illit hvchi taiyaha nah, achi tok.

27. Yvmohmi ma, Kolah, Tahlan micha Abilam i bi, nah apakfoyupvt fullota tuk vt wakayvt i filvmmi tok, mihma Tahlan micha Abilam vt tekchi vhleha, micha ushi vhleha, micha im vlla chipunta vhleha aiena kvv kohchvt i binah okhissa ya ont hieli tok.

28. Mihma Moses vt, Ilvppak o na toksuli iluppa puta yvmihchi la chi ho Chihowah yvt sa tohno tuk a, ishit hvsh ithaiyana chi hoke; vno ak inli vm anukfila hosh yvmihchi li tuk keyu hoka.

29. Hatak iluppa puta kvv hatak moma illi chatuk mak o illikma, keyukmvt hatak moma im akaniohmi chatuk mak o i yvmohmikma, yohmikma Chihowah yvt sa tohno tuk ka-yu ka chi hoke.

30. Amba Chihowah hvt nana himona ho ikbi na, yakni yash osh itakpashali cha, yvmma micha nana im aiasha moma ka ishit nanvbli na, okchaya hosh illi aiasha ka pit tam-oakma, hatak iluppa puta kvv Chihowah ya nukowvchi tuk a hvsh ithaiyana chi hoke.

31. Atuk o yakohmi tok, anumpa iluppa moma anumpuli kvv ont tahli ma, yakni vt nutaka fehna ita pvhata tok.

32. Micha yakni vt itakpashali cha yvmma micha in chuka puta micha hatak moma Kolah apeha tuk, micha im ilayak moma ka ishit nanvbli tok.

33. Yvmma micha nana im aiasha tuk moma kut okchaya moma hosh illi aiasha ka pit tumoa na, yakni vt itafamvt ompohomo tok, mihma okla moma ka i filvmmitt illit taha tok.

34. Mihma Israel moma apakfoyupvt aiasha tuk vt yvm-mvt yaiya kak o yihlepa tok. Pishno ak kia yakni vt ishit pi nanvli mak, achi hatuk okvt.

35. Mihma luak vt Chihowah ya akohchvt minti cha hatuk tahlepa tuklo cha pokoli tahlapi, na balama im issa kash o hukmit tahli tok.

36. Mihma Chihowah yvt Moses a im aumpulit,

37. Naholitompa isht vtta Alon ushi Eleasa ya ish im aumpuli na, na balama ai vlhto puta ka alua ya akochashke, micha luak a yvmma pit ish fimmashke, hullochi tuk oka.

38. Ilap imi shilombish akinli i yoshoba vhleha iluppa na balama im aivlhto ya alta ompoholmo ya chi ho patuss-lit okla puthvchashke; Chihowah itikba ai im issa tuk oka, hullochi hatuk oke, mihma Israel im vlla vhleha ha nan isht atokowa ya chi hoke, ish im achashke, im achi tok.

39. Yvmohmi ma naholitompa ishit vtta Eleasa yvt aso-nak lakna na balama ai vlhto luvt taha tuk vt ai im issa kash ishi tok, mihma patvssa pvtha alta ompoholmo toba tok.

40. Okla inla Alon isht atiaka keyu kut bilika onvt Chihowah itikba na balama ik im isso pulla hosh Kolah micha ai itvpeha yatuk a ik chohmo ka hi vt Chihowah vt Moses a tohnot im achi tuk mak o isht ithaiyana bilia hi atok.

41. Yohmi tuk kia onna ma Israel im vlla vhleha moma kut Moses a i sanalit micha Alon a i sanalit na mihachit Chihowah im okla ha vbit hvsh tahlshke, achi tok.

42. Atuk o yakohmi tok, okla moma kut itvnahvt Moses a i sanalit micha Alon a i sanali mvt okla moma in tabenakel a pit hopokoyo tok mihma Yakeh! hoshonti hut ompohomo tok, micha Chihowah im aholitopa yvt haiaka tok.

43. Mihma Moses micha Alon vt okla moma in tabenakel a itikba ona tok.

44. Mihma Chihowah yvt Moses a im anumpulit,

45. Okla moma ilvppa wakayvt ish i filvmmashke mikma yakosi iti takla chohmi hō vbit lushummi lashke, achi tok. Mihma nashuka ya aka ishit hlipkaiyachi tok,

46. Mihma Moses vt Alon a nabalama ai vhto ishi cha ulta ya luak ai ishit fohkit nabalama onochi cha tushpvt ivt okla moma ya im onvt ish i kashoffashke; im ai i nukkilli vt Chihowah ya a kohchvt ia hoka, ililli okpulo vt isht ivshke, im achi tok.

47. Mihma Moses vt im apesa tuk mak o, Alon vt ishi cha nalelit okla moma yash ikvunna ona tok; mihma yakeh! ililli okpulo vt okla ai iti takla ya ai ishit wakaya tuk atok; mihma nabalama onochi cha okla ha i kashoffi tok.

48. Micha illi micha okchaya aiena iti takla ya hikia tok, mihma ililli okpulo vt yokopa tok.

49. Yohmi ka Kolah nan im akanihmi isht illi tuk vto aha na, ililli okpulo isht illi kvv tahlepa sipokni auahushta cha tahlepa untuklo hosh illi tok.

50. Mihma Alon vt falamvt Moses a im onvt okla moma in tabenakel a ona tok: mihma ililli okpulo vt yokopa tok.

CHAPTA XVII.

MIHMA Chihowah yvt Moses a im anumpulit,
2. Israel im vlla vhleha ha ish im anumpuli cha, iki vhleha in chuka achvfa vhpisa hō tvbi achvfa bieka hō im ai ishit, iki vhleha in chuka achvfa vhpisa hō holitopa puta ka tvbi auahutuklo hō ish ishashke, micha hatak hohchifo aiyyukali ka in tvbi ya ish atakalichashke.

3. Micha Alon hohchifo ha Lefai in tvbi ak o ish a takalichashke; iki vhleha in chuka achvfa i noshkoboka yvt tvbi im achvut ia chi hoke.

4. Micha okla moma in tabenakel anyukaka a chi afama la chi, isht atokowa itikba ak o ish ashachashke.

5. Atukma yakohma hi oke, hatak mihi yo atokoli la chi in tvbi vt pakanla chi hoke; micha Israel im vlla vhleha hut

namihachit anumpuli ishit hvchi sanalit na mihachi ka issvchi li a kvnia chi hoke, achi tok.

6. Mihma Moses vt Israel im vlla vhleha ha im anumpuli ma, i holitopa vhleha puta kvv tvbi achvfa bieka ho ima tok, holitopa achvfa kvv achvfa bano tok, iki vhleha chuka achvfa vhpisa hosh tvbi anahtuklo tok, mihma Alon in tvbi vt in tvbi puta ka ibafoyuka tok.

7. Mihma Moses vt tvbi puta kash Chihowah itikba nan isht atokowa tabenakel ak o ashachi tok.

8. Atuk o onna ma yakohmi tok, Moses vt nan isht atokowa tabenakel a ont chukowa tok; mihma yakeh! Lefai in chuka achvfa ya Alon in tvbi ak osh bokobli tuk atok, micha bokoblit kohcha mvt pakanli cha almont o waya tok.

9. Mihma Moses vt tvbi puta Chihowah itikba aisha tuk ishit kohchvt Israel im vlla vhleha ha isht im ona tok: mihma okla pisa cha hatak puta kvv in tvbi aiyyukali ka ishi tok.

10. Mihma Chihowah yvt Moses a I filummit i sanali vhleha isht atokowa yosh itoyula chi ho Alon in tvbi ya anonti isht ish la cha nan isht atokowa itikba ya ish boh-lashke; micha na mihachit anumpuli ya a kanvlelechit isht ish kanchashke, mihma ik illo kashke, im achi tok.

11. Mihma Moses vt yvmihchi tok, Chihowah yvt im achi tuk mak o, yvmihchi tok.

12. Mihma Israel im vlla vhleha hvv Moses a yakeh! pillishke, ilbvshvt pillishke, moma ilbvshvt pillishke,

13. Kvna hosh Chihowah in tabenakel a bilika kanima onakmvt illa chi hoke; illit ont pi taha chi cho? im achi tok.

CHAPTA XVIII

MIHMA Chihowah yvt Alon a, Chishno micha chiso vhleha, micha in chuka achvfa chi apeha kvv vltipo holitopa nan ai ashvchi vt hvchi onvtoyula chi hoke; micha chishno micha chiso vhleha aiena kvv naholitompa isht hvsh ai vta ya ai ashvchi kvv hvchi onvtoyula chi hoke.

2. Micha chitibapishi vhleha apelhichi ai achvfa chiki

apehlichy yak kia chi apehvchit isht ish lashke, mikma chibafoyuka cha nan isht chim ahantashke; amba chishno micha chiso vhleha aienvt chi apeha hokvto nan isht atokowa tabenakel itikba ak o nan isht hvsh ai ahqshwa chi hoke.

3. Mikma nan isht ish ahanta ya ieshi cha, tabenakel ai atoni moma ka ieshashke; peh nan aivlhto holitopa aiasha micha alta bilika aiena ka iklo kashke. Yohmi hosh yvma micha hvchishno aiena kvk ik hvch illo kashke.

4. Micha okla chibafoyukashke, micha okla moma in tabenakel ai atoni; tabenakel nan ai isht ahanta puta ka ieshashke, mikma okla inla yokvt hvchi bilika ona he keyu hoke.

5. Mikma vlhtipo holitopa ai atoni, micha alta ai atoni aiena ka hvsh iesha chi hoke; yvmohmi ho himakma ai i nukkilli vt Israel im vlla vhleha ha ik onvtoyulo kashke.

6. Mikma vno, yakeh! vno vt hvchitibapishi Lefait vhleha, Israel im vlla vhleha ha i filvmmichit ishi li tuk oke; Chihowah immi hosh okla moma in tabenakel nan isht ai ahanta chi ho na hvlbina yo chohmit hvchima lishke.

7. Yvmohmi hoka chishno micha chiso vhleha hvsh ai itapeha hokvto, alta isht ahalaya nana puta, micha im ompoholmo anukaka aiena isht hvsh ai ahanta chi hosh naholitompa isht ai vta ya hvsh ieshashke, naholitompa isht hvsh ai vta ya na hvlbina nan isht vta yo hvchima li hatuk oke: Yohmi ka okla inla yosh bilika onakmvt illi pulla hi oke, achi tok.

8. Mihma Chihowah yvt Alon a im anumpulit, Yakeh! Israel im vlla vhleha i nahullochi puta, i walit im issa puta atoni ya chima lishke: bila ahamvt chi vlhtoka yatuk mak o chima lishke, micha nan vlhpisa kvllo bilia mak o chiso vhleha ima lishke.

9. Naholitompa i shahli luak a ilatomba tuk ilvppak osh chimmi ha chi hoke, im isht aiokpvchi puta, ilhpak im issa puta, micha nan ashvchi im issa puta, micha yoshoba im issa puta, yvma vm ihissa tuk puta kvk chishno micha chiso vhleha aiena kvk hvchi holitopa moma i shahli ya chi hoke.

10. Aholitopa i shahli ak o hvsh ai vpa chi hoke, nakni puta kak osh vpa chi hoke, hvchi holitopa ya chi hoke.

11. Micha ilvppak osh chimmi ha chi hoke, Israel im vlla vhleha na hulbina i walit im issa, micha i fahfolit im issa moma aiena ak oke; nana vllhpisa bilia yo chishno, micha chiso vhleha, micha chiso tek vhleha chibafoka aiena ka chima lishke; chin chuka ya kashofa aiasha puta kut vpa chi hoke.

12. Micha bila achukma i shahli moma, micha oka paki achukma i shahli moma, micha onush aiena nawaya vmmona, Chihowah im issa tuk a yvmma puta chima lishke.

13. Micha yakni ya nana hosh tikba waya na Chihowah ya isht im onakma, chimmi ha chi hoke, kashofa hosh chin chuka ahanta moma kut ai vpa chi hoke.

14. Nana puta kut Israel a ahullochi kut chimmi ha chi hoke.

15. Nana moma nipi puta ai achufa hosh ushto ya tiwi na Chihowah ya isht im vlla puta, hatak okma, nana vllhpoba yokma nana kia chimmi ha chi hoke: Yohmi kia hatak osh vta vmmona yokvno falvminchit ish chumpa pulla chi hoke; micha nan vllhpoa ik kashofa vta vmmona aiena kvno falvminchit ish chumpa hi oke.

16. Falvminchit chumpa chi hokvto hvshi achufa vlli kak o ish apesa mak o, tuli holisso shekel tahlapi, vllhtipo holitopa shekel iakaiya hosh, yvmmut kelah pokoli tuklo hoka, falvminchit ish chumpa hi oke.

17. Amba wak chelahpi, keyukmut chukfi chelahpi keyukmut issi kosoma chelahpi aiena hokvno, falvminchit ish chumpa he keyu hoke, holitopa hoka, im issish a alta ya ish o fimmi cha, Chihowah i balama ya chi ho, luak ishit hukmit im issa yo i nia ya luak isht ish hukmashke.

18. Micha ikkishi fahfuli, micha fulup isht impakimma yvt chimmi ka yvmmak inli chohmit i nipi vt chimmi ha chi hoke.

19. Pit i walit im issa holitopa Israel im vlla vhleha hvv Chihowah ya im issa tuk moma ka chishno, micha chiso vhleha, micha chiso tek vhleha chibafoka aiena ka, nan vllhpisa bilia yo chima lishke; Chihowah itikba hvpi nan

itim apesa kv̄t chishno, micha chim isht atiaka aiena bilia ya ch̄i hoke, achi tok.

20. Micha Chihowah yvt Alon a im anumpulit, Chishno vto i yakni ya ish isha he keyu hoke, micha ibatakltv̄t ch̄i kashapa ish isha he keyu hoke; vno ak osh Israel im vlla vhleha ai itin takla ya ch̄i kashapa, chimmi sia hoke.

21. Micha yakeh! Lefai im vlla vhleha hv̄t nan isht ai ahanta isht ahashwa tuk okla moma i tabenakel isht ai ahanta tuk vt ai isha he vhpesa yvt Israel a ishit pokoli moma kak o ima li hoke.

22. Micha himak a pilla hoka Israel im vlla vhleha hv̄t okla moma in tabenakel a bilika v̄la he keyu, yohmit nan ashvchi shaiyali cha illi yoba nah.

23. Amba Lefait vhleha ak osh okla moma in tabenakel a nan ai isht ahanta ch̄i hoke: micha yummak osh ilap nap ashvchi ya shaiyala ch̄i hoke, chim isht atiaka hlopulli puta ka Israel im vlla vhleha ai itin takla ka ai isha he vhpesa yvt ik im iksho nan vhpisa bilia ya ch̄i hoke.

24. Amba Israel im vlla vhleha nan im isht i pokoli, yumma i walit im issa yo Chihowah im ih̄isa yak o, ai isha he vhpesa mak o Lefait vhleha ima li hoke. Yohmi kak o Israel im vlla vhleha ai itin takla ya ai isha he vhpesa yvt ik im iksho ka ch̄i hoke, im achi li tuk oke, achi tok.

25. Micha Chihowah yvt Moses a im anumpulit,

26. Yakohmichit Lefait vhleha ha im anumpulit, Hvsh ai isha he vhpesa yo hvch ima li tuk a Israel im vlla vhleha ha ishit pokoli ya hvsh im ai ishikmvt ishit pokoli kash ishit pokoli ka walit im issa yo Chihowah ya hvsh im issashke.

27. Mikma i walit ish im issa iluppak okvt a nihechi i patv̄lhpo onush asha tuk, micha paki a okbushli alota atuk chim itilaua hi oke.

28. Hvchishno ak kia yakohmichit Israel im vlla vhleha hvsh im ai ishi tuk, ishit hvch̄i pokoli moma kv̄t walit im issa yo Chihowah hvsh im issashke, micha walit Chihowah im issa yash, naholitompa isht v̄tta Alon a hvsh ima hi oka.

29. Na hvch̄i hv̄lbina, moma ka akohchit walit Chihowah

im issa achukma i shahli moma hullochi kashapa ka akohchit hvsh im issashke.

30. Yvmohmi hoka achukma i shahli ka akohchit hvsh walikma, yohmikma yvmmtv anihechi patvlhpo onush awaya gsha tuk, micha paki ai okbushli awaya tuk ak inli, Lefait vhleha im itilaua hi oke.

31. Mikma kanima moma ka hvchishno micha hvchin chuka achufa hvsh aiena kut hvsh ai vpa hi oke; okla moma in tabenakel nana isht hvsh ai ahqashwa tuk hvchim vlhtoba mak oke.

32. Micha achukma i shahli ka ai ishit hvsh walikma, yvmmak atuk mak o, nan ashvchi ya hvsh shaiyala he keyu hoke; micha Israel im vlla vhleha i naholitompa puta ka hvsh litehla he keyu hoke, hvsh yohmi cha hvch illi nah, ish im achashke, im achi tok.

CHAPTA XIX.

MIHMA Chihowah yvt Moses micha Alon a im anumpulit, 2. Ilvppak osh nan vlhpisa Chihowah yvt anumpulit, Israel im vlla vhleha ha ish im anumpuli na, wak tek himita homma, inlvv takali iksho, ik ai ono kut iksho, yvmmak oka ikunla abana yvt onvtoyula tuk keyu ho isht chim vlashke.

3. Mikma naholitompa isht vttta Eleasa ya ish ima na, bi-nah ha kocha isht onakma, achvfvt nashuka itikba ya ai vbashke.

4. Mihma Eleasa naholitompa isht vttta yvt im issish a ibbak ushi isht ishi cha im issish a okla moma in tabenakel itikba fehna untuklo ha a fimmashke.

5. Mihma p'sa ho achvfvt wak tek himita yash hukma hi oke; hakshup micha nipi micha im issish, i yulhki aiena ka hukma hi oke.

6. Mihma naholitompa isht vttta yvt chuabla iti, hissop, micha natishepa aiena ka ishi cha, wak tek himita lua ka iklonna pit pila hi oke.

7. Yohmikma naholitompa isht vttta yvt i nafohka ya

achefa cha nipi ya oka isht achifashke, atuk osh i himmak a yo binah ha ont chukowashke, micha naholitompa isht vta yvt liteha na opiashke.

8. Mikma hukmi tuk vt i nafohka ya oka isht achefashke, micha nipi ya oka isht achefashke, micha liteha na opiashke.

9. Mikma hatak kashofa hosh wak tek himita hituk chubbi ya aiowa cha binah puta ka kocha akashofa ho asha-chashke; atuk o Israel im vlla vheha okla moma kvv ila filvmmminchi oka yosh im aiasha hi oke, nanashvchi ishit kashofa yoke.

10. Mikma wak tek himita hituk chubbi aiowa tuk vt i nafohka achifa cha liteha na, ont opia hi oke; micha Israel im vlla vheha, micha okla inla yosh takla ahanta aiena kvv i nan vhpisa bilia hi oke.

11. Hatak kvna kia illi nipi yo potolikmvt nitak untuklo ho liteha hi oke.

12. Nitak ont isht atuchinakma isht ile kashoffashke, micha nitak ont isht untuklokma kashofa chi hoke; amba nitak ont isht atuchina ka ik ile kashoffokmvt nitak ont ishit untuklo ka kashofa he keyu hoke.

13. Kvna hosh hatak kvna illi nipi illi tuk o potoli tuk osh, ik ile kashoffokmvt Chihowah in tabenakel a litehlishke; mikmvt shilombish yvmmvt Israel a i filvmmmit fiopa tpa hi oke, ile filvmmichi oka yvt ik o fimmo tok okvt, liteha hi oke, im a liteha kvv onvtonla moma hoke.

14. Hatak osh vhtipo ai illikma nan vhpisa hvv ilvppak oke; bina hash ont chukowa tuk moma, micha binah aiasha tuk aiena kvv nitak untuklo ho liteha hi oke.

15. Mikma nan ai vlhto tiwa tuk puta on hlipia isht ompoholmo tuk keyu kvv liteha hi oke.

16. Mikma kvna hosh achvvt ashahbika yo bvshpo falaia isht illi tuk o, keyukmvt illi nipi, keyukmvt hatak foni, keyukmvt ahollohpi yo potoll tuk mvt nitak untuklo ho liteha hi oke.

17. Mikma hatak liteha ka, nan ashvchi ishit kashofa, wak tek himita yash hituk chubbi ya, micha oka yanvli ya shi cha ai vlhto itibanashke.

18. Mikma hatak kashofa yosh hissop ishi cha oka yash okuchi cha binah hash, micha nan ai vlhto puta moma micha hatak yvmma aiasha tuk, micha foni, keyukmvt vbi na illi tuk, keyukmvt illi, keyukmvt ahollohpi potoli tuk a o fim mashke.

19. Micha hatak kashofa yvt ik kashofa yosh nitak ont isht atuchina, micha ont isht untuklo ka o fimma hi oke; mikma nitak ont isht untuklokma ile kashoffi cha i nafohka ya achifakmvt oka yupi cha opiakma kashofa hi oke.

20. Amba liteha hoh kia hatak yvmmvt ile kashofa he keyukmvt shilombish yvmmvt okla moma ka ai i filvmmi fiopa tupa hi oke; Chihowah im vlhtipo holitopa ya litehi tuk okvt, ile filvmmiuchi oka yvt o fimimpa tuk keyu hoka; liteha hoke.

21. Ile filvmmichi oka o fimmi tuk vt i nafohka ya achifa he, micha ile filvmmichi oka ya potoli tuk vt liteha na ont opia hi vt hvchi nan vlhpisa bilia hi oke.

22. Micha nana ho hatak liteha kvv potolikma liteha hi oke, micha shilombish vt potolikmvt liteha na ont opia hi oke.

CHAPTA XX.

YOHMI ma Israel im vlla vhleha okla moma kvv hvshi vmmona ho Sin yakni haiaka ya ona tok; mihma okla hvv Katesh ak o aiasha tok; atuk o Miliam vt yvmmak o ai illi cha yvmmak o a hollohpi tok.

2. Atuk o okla moma kvv oka ik im iksho tok, mihmvt Moses micha Alon a i sanalit iti hoyot itahoba tok.

3. Micha Moses a i nukowvt anumpulit, Chihowah hvv vlhpesa ahni na pitibapishi vhleha hvv Chihowah itikba illit taha ka takla pilli tuk okbano.

4. Micha nanta katiohmi ho Chihowah im okla hvv yakni haiaka ilvppa pishno, micha pi wak aiena kvv pi ai illa he a pisht ish la tuk oh cho?

5. Micha nanta katiohmi ho ik ai achukmo ilvppa pisht ishla chi kvv Echip a ish pi kohchechi tok oh cho? nanihi,

nicha fik, micha pakupi, micha pomeklanit aiasha keyushke; nicha oka ishka hi vt ikshoshke, achi tok.

6. Mihma Moses micha Alon vt okla ha itikba ai i filvmit okla moma in tabenakel okhissa ya ona cha, nashuka hit hlipkaiyachi tok. Mihma Chihowah im aholitopa yvt haiaka tok.

7. Mihma Chihowah yvt Moses a im anumpulit,

8. Tubi ya ishi cha okla hoyot ish itvnahlashke, chishno nicha chitibapishi Alon ita tuklo kv, micha nishkin itikba vli chito ya hvsh im ai anumpulashke; mikma im oka ya ohchicha chi hoke; mihma tvi chito ak o akohchit oka h imashke; yohmi hosh okla moma, micha i nan vhpoba iena ka nan ishko hvsh imashke, im achi tok.

9. Mihma im achi tuk mak o, Moses vt tubi yash Chihorah itikba itoyula tuk a ishi tok.

10. Atuk osh Moses micha Alon vt okla moma ka hoyot vli chito yash itikba ya ai itvnahli tok, micha Ila filvmmitt sanali vhleha hvchi ma! ho haklo, tvi chito ilvppa oka e vchim akohcha chi cho? im achi tok.

11. Michi Moses vt ibbak a vba pit weli cha tvi chito a in tubi yash hitukla ha isht isso tok; mihma oka laua ehna hosh et kohcha tok, mihma okla moma, micha i nan lhpoa aiena kv ishko tok.

12. Mihma Chihowah yvt Moses micha Alon a im anumpulit, Hvchik sa yimmot Israel im vlla vhleha itikba ya hvhik sa holitoblo tuk okvt, yvmohmi tuk okvt okla ilvppa ehlichit yakni ima li tok a isht hvsh chukowa chi keyu hoke, im achi tok.

13. Ilvppak osh Melibah oka mak oke, Israel im vlla vhleha hv Chihowah ya i kullo na isht aholitopa tuk oka.

14. Mihma Moses vt Katesh a vttvt anumpa shali vhleha ha a Etom i miko ya pit i pilvt, Chitibapishi Israel vt yak chishke, nan isht ilvsha pi onvtoyula moma ka ish ithavshke.

15. Piki vhleha hv Echip a ona tok, atuk o Echip a il iasha na hopaki, mihma Echip okla hv pishno, micha piki vhleha aiena ka pilvshali tok.

16. Atuk o Chihowah ya il i pahaya ma, pim anumpa haklo cha, enchil o et pila cha pehlichit Echip a ai ishit pi kohchichi tuk oke; atuk o yakeh! chim ai vhli fehna tumaha holihta Katesh ak o il ai ashvshke.

17. Chi yakni ya ke hlopullih, chim asilhha lishke, osapa puta, micha paki ahollokchi puta ka e hlopulla he keyu; micha kvli hofobi puta ka oka il ai ishka he keyu hoke; miko i hina ak o il ia cha isht impakimma, micha vlfvfbekimma pit ke fulloto hosh chim ai vhli ya e hlopulla chi hoke, achi tok.

18. Mihma Etom vt, A bilika ont hvsh ia he keyu, yohmikma bvshpo falaia isht hvchi afama la chi hoke, achi tok.

19. Mihma Israel im vlla vhleha hv, Hina ak o il ia chi hoke, atuk o vno, micha a nan vlvpoa yvt chim oka ya ishkokma atobbi lashke, peh, nan inla ka ak yvmihcho hosh, aka gyvt hlopulli lashke, im achi tok.

20. Mihma, Ish hlopulla he keyu, achi tok. Mihmv Etom vt okla laua ho ieshi hosh, micha ibbak kvllo hosh kohchvt afamvt minti tok.

21. Yakohmi hosh Israel vt im ai vhli hlopulla chin tuk a vlvpesa ik im ahno tok, yvmohmi ho Israel vt i filvmmi ia tok.

22. Micha Israel im vlla vhleha hv okla moma kv Katesh a asht ia hosh hvni Ho ya ona tok.

23. Mihma Chihowah yvt nvni Ho Etom yakni ai vhli bilika yo Moses micha Alon a im anumpulit,

24. Alon vt im okla ha ont ibafohka chi hoke, oka Melibah ya vm anumpa ha i sanalit hvsh filvmmi tuk oka, yakni Israel im vlla vhleha ima li tok a chukowa he keyu hoke.

25. Alon micha ushi Eleasa ya ish ishi cha nvni Ho ya oiyvt isht ish onashke.

26. Micha Alon i nafohka ya ish i shufi cha, ushi Eleasa ak o ish fohkvchashke; mikma Alon vto im okla ha ont ibafohka chi hoke, micha yvmmak o ai illa chi hoke.

27. Mihma Chihowah yvt apesa tuk mak o, Moses vt yvmihchi tok; micha okla moma kv pisa ho nvni Ho ya pit oiya tok.

28. Mihma Moses vt Alon a i nafohka ya i shufi cha ushi Eleasa ak o fohkvchi tok: mihma Alon vt nvni^h paknaka yvmmak o ai illi tok: mihma Moses micha Eleasa ita tuklo kv^t nvni^h ha akowa tok.

29. Atuk o okla moma kv^t Alon vt illi tuk a ithana mv^t, Israel in chuka achvfa moma kv^t Alon a ishit yahaya na nitak pokoli tuchina tok.

CHAPTA XXI.

ATUK o Kenanait miko Alat oka mahli pilla v^tta tuk vt yakni pisa v^hleha ataya tuk ak o, Israel vt minti ho anoli na haklo tok, mihmv^t Israel a itibi cha kanohmi ka yukachi tok.

2. Mihma Israel vt anumpa il onochi Chihowah ya im il onochit, okla ilvppa svbbak a ish fohki ho mvhlikma, yohmikma in tumaha holihta puta moma ka okpvⁿit tahlit vmohmichi lashke, achi tok.

3. Mihma Chihowah yv^t Israel im anumpa ha haklo cha, Kenanait v^hleha ha ibbak fohki tok; mihma yv^mma, micha in tumaha holihta puta aiena ka okpvⁿit taiyahli tok; mihma yakni yash Homah hochifo tok.

4. Mihma Etom yakni ya apakfopa chi hosh nvni^h. Ho ya ashv^t Okhvta Humma pilla hina yo ia tok: mihma okla hv^t hina pulla kak o chukvsh isht ielli tok.

5. Mich^a okla hv^t Chitokaka ya i sanalit, micha Moses a i sanalit anumpulit, Nanta katiohmi ho yakni haiaka ai illit pi taha chi ho Echip a pi pehlichit ish pi kohchi tuk oh eho? pv^ska yv^t iksho, micha oka yv^t iksho, micha pv^ska okpulo ilvppano pi yuwalv^t tahvshke, achitok.

6. Mihma Chihowah yv^t sinti luak o okla ai itin takla on tihleli na okla ha kopoli tok, mihma Israel okla laua kv^t illi tok.

7. Yvmohmi ho okla hv^t Moses a im vla cha, Pi yoshobvshke, Chihowah ya micha chishno ya e chi sanalit il anumpuli tuk okv^t, Chihowah ya ish im asilhha na, sinti ya pi

kanvllichit ishit kanchashke, achi tok. Mihma Moses vt okla h₂ asilhhvt isht anumpuli tok.

8. Mihma Chihowah hvt Moses a Sinti luak o ish ikbi cha, iti fabvssa wishakchi ish ontalalashke: atuk o yakohma, hi oke, sinti vt kopoli tuk aiyuka hokvt yumma pisakmut okchaya hi oke, achi tok.

9. Mihma Moses vt asonak lakna yo sinti ikbi cha iti fabvssa wishakchi on talali tok, atuk o yakohmi tok, sinti vt hatak nana ho kopoli tuk ma, asonak lakna sinti yash pisakmut okchaya beka tok.

10. Atuk osh Israel im vlla vhleha hvt tikba ivt Obolh ak o abinanchi tok.

11. Atuk osh Obolh a ashvt ia mut yakni haiaka Icheabalim, yummvt hvshi akochaka pilla Moab itikba ya talaia kak o a binanchi tok.

12. Yumma ashvt kanvlli mut Salet okfa ak o a binanchi tok.

13. Yumma ashvt kanvlli mut, Anon mishtonnvp yummvt Amolait im ai vhli et kocha yakni haiaka ak o a binanchi tok. Moab micha Amolait ititakla ya Anon ak osh Moab im aivhli yatuk oke.

14. Yumohmi hatuk o Chihowah itin tanampi tok holisso ha, Okhvta Humma micha Bokushi Anon.

15. Micha bokushi yanvlli A aivtta pilla ia, micha Moab im aivhli bachaya aiena ka a yvmihinchu tok achit a holi-hiso hoke.

16. Micha yumma ashvt ia mut Bee ya ona tok, yummvt kvli hofobi yummak o Chihowah yvt Moses a ai im anumpulit, Okla hoyot ish itvnahli na oka ipeta lashke, achi tok.

17. Yohmi ma Israel vt taloa ilvppa taloa tok. Kvli hofobi ma! ish mitafashke; hvsh in taloashke.

18. Hatak i shahli vhleha ak osh kulli; okla holitopa vhleha ak osh nan apesa yak osh miha ho in tvbi ishit kulli tok oke. Atuk osh yakni haiaka ashvt ia mut Mattanah ya ona tok.

19. Atuk osh Mattanah ashvt ia mut Nahaliel ona tok. atuk osh Nahaliel a ashvt ia mut Bemolh ona tok.

20. Atuk osh okfa talaia Bemolh yummvt Moab i yakni talaia ka ashvt ia mvt Piskah paknaka yummvt Cheshion pit talaia ka ona tok.

21. Mihma Israel vt Amolait vhleha i miko Sihon a umpa shali pit i pilvt,

22. Chi yakni ya e hlopullashke, fullotvt chim osapa ita, micha chi pakupi ahollokchi puta ka e chukowa he yu; micha kvli hofobi ya oka il ai ishka he keyu hoke, nba miko i hina ak o ayvt chim aivhli ya ont ivt e hlopullashke, achi tok.

23. Mihma Sihon vt im ai vhli ya Israel vt ik hlopullih, im ahno tok; amba Sihon vt im okla moma ka hoyot vnahli cha, yakni haiaka Israel ai itiba chi hosh kohchvt ia k; atuk osh Chahas a vla cha Israel a itibi tok.

24. Mihma Israel vt bushpo falaia halupa ishit fahamvt anchi tok, micha i yakni ya im eshit Anon vttvt ia hosh habbok ont aivhli, Ammon im vlla vhleha im ai vhli ya ht ona tok. Ammon im vlla vhleha im ai vhli vt kvllv shna hatuk oka.

25. Micha Israel vt tumaha holihta ilvppa puta moma ka hi tok; mihmvt Israel vt Amolait in tumaha holihta puta heshbon aiasha ka, micha chuka im a lokoli moma aiena a aiasha tok.

26. Heshbon ak osh Amolait okla i miko Sihon yummvt hashpo ka Moab i miko ya itibi cha i yakni moma Anon vt vhli ha ibbak ai ishi tok a, in tumaha holihta yatuk oke.

27. Yvmohmi hatuk o nan achi anumpuli kvv Heshbon a vsh lashke, Sihon in tumaha holihta yvt tobtv vhtaashke.

28. Luak vt Heshbon a kohchvt ia hoka, luak libbi kvv ihon in tumaha kohchvt ia hoka; Moab talaia A, micha anon achahaka puta hochitoka vhleha ha hukmit tahlshke.

29. Na palummi chi onvtolvshke, Moab ma! okpulokvt vchi tadvshke, Chemosh okla ma! ushi vhleha micha usheik vhleha aiena kvv hlakofi tuk a Amolait i miko Sihon uka ikbit im issvshke.

30. E hysa tuk oke; Heshbon vt illit taha kvv Tibon a

ont vhlishe, micha chukilissvchit Nofah yummvt Meteba ona ka isht il onvshke, achi hoke.

31. Yakohmi hosh Israel vt Amolait i yakni ya aiasha tok.

32. Mihma Chaasa ya pisa chi ho Moses vt yakni pisa ya pit pila tok, micha in chuka lokoli puta ishi cha Amolait ymma aiasha tuk a tihlelit kocha wehli tok.

33. Mihmvt fullotvt ivt Bashan pilla ho pit fullota tok; mihma Bashan i miko Ok, ymma micha im okla moma aiena kv Etlei ya ai itiba chi hosh i sanalit kohchvt ia tok.

34. Mihma Chihowah yvt Moses a Ish i nukshopa nah, ymma micha im okla moma, micha i yakni aiena ka chibbak fohki li hoke; mikma Amolait i miko Sihon Heshbon ai vtta yatuk a ish i yumihi tok vt chohmichit ish yumihi cha chi hoke, im achi tok.

35. Yvmohmi hosh ymma, micha ushi vhleha, micha im okla moma ka issot kanchi na, okchayvt im anta kv ikaho tok, micha i yakni ishit abinili tok.

CHAPTA XXII.

MIHMA Israel im vlla vhleha hv tikba ia mvt, Moab yakni patali chatan ola in tnnvp Cheliko bilika ak o abinanchi tok.

2. Mihma Sippo ushi Balak vt Israel vt Amolait a kaniohmichi tok moma ka pisa tok.

3. Mihma okla hv laua fehna hatuk oka, Moab vt i nukshopa fehna tok; mihma Israel im vlla vhleha pulla kak o Moab vt komunta tok.

4. Micha Moab vt Mitian im asvnonchi vhleha ha Himak a okla ilvppvt pi afolublit asha tuk moma ka, wak osh osha hushuk asha ho holakshit ishi chatuk ak o chohmit holakshit pisha chi hoke, im achi tok. Micha Sippo ushi Balak vt nitak ymma Moabait okla i miko yatok.

5. Yvmohmi hatuk osh Beo ushi Balaam, Pehlo yummvt im okla im vlla vhleha i yakni okhina bilika talaia ka anta tuk o hoyo chi hosh, anumpa shali pit i pilvt, Yakeh! Okla

hosh Echip a akohchvt mintit vlvshke; Yakeh! yakni pak-
aka ya ompohomoshke, micha sa chapaka yak o okla ai
shvshke.

6. Yvmohmi hoka, minti cha himak a okla ilvppa anumpa
kalakshichi onochit ant is sa mihashke, a kullo kvv atupa
oke: imaiya likma issot e kanchikma, tihlelit yakni ya ko-
cha wehli li yoba na; kvna ho na yukpali anumpa ish ono-
shikma, na yukpa ka, micha kvna ho anumpa kalakshichi
sh onochikma kalakshi ka ithaiyana li hoke.

7. Mihma Moab im asvnonchi vhleha, micha Mitian im
asvnonchi vhleha aiena kvv isht ahullo na habenvchi vt ib-
bak foyuka hosh ilhkoli tok; atuk osh Balaam a im vla
mvt, Balak im anumpa hatuk a im anumpuli tok.

8. Mihma Himak ninak a ilvppak o hvchi nusashke, atuk
o Chitokaka yvt kaniohmit vm anumpulikma, anonti isht
huchim vla la chi hoke; mihma Moab holitopa vhleha hvv
Balaam a takla gsha tok.

9. Mihma Chitokaka yvt Balaam a im vla cha, Hatak
nanta hosh ilvppa chi apehvt aiasha cho? im achi tok.

10. Mihma Balaam vt Chitokaka ya Moab i miko Sippo
ushi Balak vt et sa hoyot,

11. Yakeh! okla hvv Echip a a minti hosh vla cha yakni
paknaka ya ompohomoshke; himak a ishla cha anumpa ka-
lakshichi onochit ant is sa mihakma, im aiya lish tihlelit ko-
cha weli li yoba na; achishke, im achi tok.

12. Mihma Chihowah hvv Balaam a, Awant ish ia he
keyu; anumpa kalakshichi ish onocha he keyu; holitopa
hoka, im achi tok.

13. Atuk o onnabinli ma Balaam vt wakaya cha Balak i
holitopa vhleha ha, Hvchi yakni ya ont hvsh chukowashke;
hvchi awant ia la he ya Chihowah yvt vm olubi hoka, im
achi tok.

14. Mihma Moab holitopa vhleha hvv wakaya cha Balak a
im ona mvt, Balaam vt pi awant minti ik bvnnohke, achi tok.

15. Mihma Balak vt anonti holitopa vhleha laua i shahli,
micha holitopa kvv i shahli ho pila tok.

16. Mihma Balaam a im vla cha, Sippo ushi Balak vt

yak achishke, Nana kia is sum vla chi ka ik chi ataklummoo kashke, chim asilhha lishke.

17. Holitopa chinto fehna ho chi hilechi la hi oka, micha nana ho is sa mihakma yvmihchi la chi; yvmohmi hoka, minti cha okla iluppa kalakshichi, ant vm onochih, chim asilhha lishke, achishke, im achi tok.

18. Mihma Balaam vt afalamichit, Balak in tishu vhleha ha, Balak vt tvi hvta, micha tvi holiasso lakna ya im aboha alota achvfa ho ik suma chi hok mak o, Chitokaka an Chihowah im anumpa ha ont ivt, ola takla, micha i shahli hoh kia yvmihchi la he keyu hoke.

19. Yvmohmi hoka himak a gshvt himak ninak ak kia iluppa hvchi nusashke, hvchim asilhha lishke; Yohmi na himakma Chihowah hv nana ho vm acha hinla ka akosti-ninchi lashke, im achi tok.

20. Atuk o ninak o Chitokaka yvt Balaam a im vla cha, Hatak vhleha hash osh chi hoyot aya tuk ma, ish wakaya cha, awant ish iashke; yohmi kia anumpa chim achi la chi yummak o, ish yvmohma chi hoke, im achi tok.

21. Atuk o onnahinli ma Balaam vt wakaya cha, im issuba nashoba ya om patali mvt Moab holitopa vhleha ha awant ia tok.

22. Mihma ia kak o Chitokaka im ai i anukkilli vt libbi tok: mihma Chihowah im enchel vt in tanampi hosh hina ya i sanalit hikia tok. Mihma im issuba nashoba ya om binilit aya ma, in tishu tuklo kvv takla aya tok.

23. Mihma issuba nashoba yvt Chihowah im enchel vt hina takla hikia mvt, bvshpo falaia shufa ibbak foyuka hosh hikia na pisa tok; micha issuba nashoba yvt fullotvt hina ya kohchvt osapa ont chukowa tok; mihma Balaam vt hina ya pit fohkvchi hosh issuba nashoba ya isso tok.

24. Yohmi kia Chihowah im enchel vt pakupi a hollokchi hina ya hikia ma, holihta chaha yvt iluppa bachaya ma, anonti holihta chaha yvt ymma bachaya tok.

25. Atuk o issuba nashoba yvt Chihowah im enchel pisa mvt holihta kvvlo ont nvhli cha Balaam iyi ya holihta kvvlo ya akatanlechit litoli tok, mihma anonti isso tok.

26. Mihma Chihowah im enchel vt mishema ona cha ai tukonofa, isht impakimma ia he, micha vlhfvbekimma ia ie kia, iksho hq a hikia tok.

27. Atuk o issuba nashoba yvt Chihowah im enchel a isa mvt Balaam nutaka itula tok; mihma Balaam im ai i ukkilli vt libbi mvt issuba nashoba yash tubi isht isso tok.

28. Mihma Chihowah yvt issuba nashoba im itih hq wammimi na, Balaam a, Nanta chi katiohmichi li hq ilvppa ont isht atuchina mak o issvasso cho? im achi tok.

29. Mihma Balaam vt issuba nashoba yash, Isht is sa yovula hoka; bvshpo falaia yvt subbak a foka tuk okbano, ihni lishke, himak a chibe la he tuk okvt, im achi tok.

30. Mihma issuba nashoba yash osh Balaam a Chim issuba nashoba sia hq chimmi sia hatok ititakla himak nitak ant ai vhli ka is si ombinili chatuk keyu cho? himonna kia chi ayvmohmi li cha tuk oh cho? im achi tok, Mihma, Keyu, achi tok.

31. Yohmi ma Chihowah yvt Balaam nishikin fatummi na, Chihowah im enchel vt bvshpo falaia shufa ibbak afoyu-ka hosh hina ya hikia hq pisa tok: mihmvt noshkoba ha akachunolechit nashuka ya aka ishit hlipia tok.

32. Mihma Chihowah im enchel vt, Nanta katiohmi hq ilvppvt ont isht atuchina mak o chim issuba nashoba ya ish isso cho? Yakeh! sa tikba ya ish ataya kv ai vlhpesa keyu kak o, chi sanali la chi hosh kochevt ia li tuk oke.

33. Mihma issuba nashoba yvt sa pisa cha, ilvppvt ont isht atuchina mak o a shanaiya tuk oke; ik sa shanaiyo tuk okma, himak a chohmi ka chibe li pulla cha, yvmvno okchalinchi la he tuk oke, im achi tok.

34. Mihma Balaam vt Chihowah im enchel a sai yoshoba tuk oke, a sanalit sa tikba hina ya ish hikia ka ak ithano tuk okvt; yvmohmi hoka, himak a ik chim vlhpesokma anonti falamvt ia lashke, im achi tok.

35. Mihma Chihowah im enchel vt Balaam a Hatak ash awant ish iashke; yohmi kia, peh, anumpa chim anumpuli li illa kak o ish anumpula chi hoke, im achi tok; yohmi ma Balaam vt Balak j holitopa vhleha ha awant ia tok.

36. Atuk o, Balaam vt vla na Balak vt haklo mvt afamvt iut, Moab in tumaha holihta yummvt Anon vhli yummvt ont vhli fehna hatuk o ona tok.

37. Mihma Balak vt Balaam a, Ahli hosh pit chi pilvt chi hoyo li tuk keyu cho? nanta katiohmi ho chik svm alo tuk oh cho? chi holitoblich i la he vt si vhpesa mvhli keyu cho? im achi tok.

38. Mihma Balaam vt Balak a, Yakeh! chim vla lishke; nan isht im aighli nana ho ishi li kak osh nana achi la hinla cho? anumpa nana ho Chihowah yvt svtih ha fohkikma yummak o anumpuli la chi hoke, achi tok.

39. Mihma Balaam vt Balak a awant ia ma Kichalh-hu-solh a onvt okla tok.

40. Mihma Balak vt wak micha chukfi aiena ka im issa mvt, Balaam micha holitopa vhleha apeha aiena ka pit i pila tok.

41. Atuk osh ont onna ma yakohmi tok, Balak vt Balaam a ilauei cha Baal achahaka puta isht ona tok, yummak o hikia cha okla hash aiasha ont vhli fehna ka pisa chi hatok.

CHAPTA XXIII.

MIHMA Balaam vt Balak a, Ilvppa alta untuklo ho is svm ikbashke, micha wak untuklo, micha chukfi untuklo aiena ho is svm atahlashke, im achi tok.

2. Mihma Balak vt Balaam vt anumpuli tuk mak o yv-mihchi tok; mihma Balak micha Balaam ita tuklot alta puta wak hobvk achvfa, micha chukfi nakni achvfa aiyukali ho onochit im issa tok.

3. Mihma Balaam vt Balak a, Na hukmit ish im issa ilvpa bilika ish hikia na, ia lashke: Chihowah yvt si afamvt vla hinla yoba kah; atuk o nana ho vm otvvinchikma chim anoli lashke; im achi tok. Mihmvt achaha ka yo ona tok.

4. Mihma Chitokaka yvt Balaam a afama tok; mihma Alta untuklo ho atahli lishke, micha alta puta ka wak hobvk

achvfa micha chukfi nakni achvfa bieka hō onochit im issa lishke, achi tok.

5. Mihma Chihowah yvt Balaam itih hā anumpa fohki mvt, Falamvt Balak a im ona cha yakohmi hosh ish im anumpulashke, im achi tok.

6. Mihma falamvt im ona tok, mihma, yakeh! hukmit isht aiokpvchi yā bilika, yvmma, micha Moab i holitopa vhleha moma aienvt hieli tok.

7. Mihma nan isht vhpisa yā ishi mvt, Moab i miko Balak vt Alam ont ai ishit hvshi akochaka nvni foka yā akochit vsht vla cha, Minti cha, Chekob a anumpa kallakshichit ant vm onochi, micha Israel a ant a pafi; achishke.

8. Katiohmichi kak osh Chitokaka yvt kallakshichi tuk keyu ka, anumpa kallakshichi onochi la hinla cho? micha Chihowah yvt nan ik achukmo im anukfilli tuk keyukma, katiohmichi kak osh nan ikachukmo im anukfilli la hinla cho?

9. Tvli hochito paknaka hikivt pisa li, micha nvni put a hikivt pisa li hokvt, Yakeh! okla hash osh ila aiasha chi hoke, micha oklushi put a ka iba holhtina he keyu hoke.

10. Kva hosh Chekob lukfi pushi yā, micha Israel kvshkoa ont isht aiushta hoh kia hohtina hinla cho? Aivhpiesa illi kak o chohmit svllashke, micha vm ai isht aiopikmvt yvmmak o chohmashke, achi tok.

11. Mihma Balak vt Balaam a, Nanta mak o is si yvmihchi cho? an tvnvp vhleha hā anumpa kallakshichi ish onocha chi hō chi hoyo li kash o, anonti yakeh! anumpa yukpali a ish onochi kak biekvshke, im achi tok.

12. Mihma afalaminchit, Ahah! ahni lish Chihowah yvt svtih hā fohki tuk ak o anumpuli la he vhpesa keyu cho? im achi tok.

13. Mihma, Balak vt, Minti, chim asilhha lishke, inla hō si awant ish ona cha yvmmak o ish a pisashke, ont vli fehna kak illa hō ish pisa chi, moma ish pisa he keyu hoke, micha yvmmak o hikivt anumpa kallakshichi is svv onochashke, achi tok.

14. Mihmvt Sofim osapa Piskah tabokaka yā isht ona cha

alta untuklo ho ikbi mut, alta achufa ka wak hobuk achufa micha chukfi nakni achufa bieka ho onochit im issa tok.

15. Mihma Balak a, Chihowah ya afamvt yvmma ia li takla ka hukmit ish im issa iluppa bilika ish hikiashe, im achi tok.

16. Mihma Chihowah yvt Balaam a afama cha itih ha anumpa fohkit, Anonti Balak a ish im ona cha yak ish im achashke, im achi tok.

17. Atuk o im vla ma, Yakeh! hukmit im issa bilika hikia ma, Moab holitopa vheha hvt apeha tok. Mihma Balak vt Chihowah hvt nanta ho anumpuli cho? achi tok.

18. Mihma nan isht vhpisa ishi cha, Balak ma, wakaya cha haklo, Sippo ushi chia hvt is sa haponaklashke.

19. Chitokaka yvt hatak atuk osh holaba he keyu hoke; micha hatak ushi atuk osh im anukfila inlv nukhakla he keyu hoke: miha tuk vt ik yvmihcho ka hinla cho? anumpuli tuk vt ik ghlecho ka hinla cho?

20. Yakeh! yukupali la chi ho anumpa vma tuk oka: micha yukupali tuk oke, atuk o inlvchi la he keyu koke.

21. Chekob a nanashvchi asha ik peso tuk, micha Israel a nan ai vhpiesa keyu ka ik peso tuk oke; Chihowah in Chitokaka yvt ibafohka hoke; micha im itin takla ya miko shakapa hosh takali hoke.

22. Chitokaka ak osh Echip a pehlichit kohchi tok, imi hlampko hvt lapish achufa ak o chohmi hoke.

23. Chekob a i sanalit ishit yushpakvmma he vt ikaho hoke; micha Israel a i sanalit isht ahulla he vt ikaho hoke: himak a chohmi ka Chekob a micha Israel a Chitokaka yvt nan atahli hoke, acha hi oke.

24. Yakeh! okla hvt koi chito chohmit wakaya hi oke, micha koi chito himita chohmit ile tanicha hi oke; naweh-poa ya ik ai vpo kisha kv, micha illi tuk im issish a ik ai ishko kisha kv tvshka he keyu hoke.

25. Mihma Balak vt Balaam a, Anumpa kallakashichi chik onochi pullakmut, anonti anumpa yukupali chik onochi pulashke, achi tok.

26. Yohmi kia Balaam vt afalamichit Balak a chim ano-

lit, Chihowah yvt nana anumpuli yvmma moma ka yvmihchi la chi hoke, achi li tuk keyu cho? achi tok.

27. Mihma Balak vt Balaam a Mintih, chim asilhha lishke, inla ho chisht ona lashke; Chitokaka yvt vlhpesa ahni na, yvmma hiki vt anumpa kallakshichi is svm onochi yoba na, achi tok.

28. Mihmvt Balak vt Balaam a Peo paknaka Cheshimon pit talaia isht ona tok.

29. Mihma Balaam vt Balak a alta untuklo ho ilvppa is svm ai ikbi cha, wak hobvk untuklo, micha chukfi nakni untuklo ilvppa is svm atahlashke, im achi tok.

30. Mihma Balak vt Balaam vt achi tuk mak o, yvmihchi tok, micha alta puta ka wak hobvk achvfa micha chukfi nakni achvfa bieka onochit im issa tok.

CHAPTA XXIV.

ATUK o Balaam vt Chihowah yvt Israel a yukpali kak osh im aivlhpiesa, pisa mvt, ivt yushpakvmmi tikba hoyo beka tuk a ik chohmo hosh, amba nashuka ya yakni haiaka pilla pit talali tok.

2. Atuk osh Balaam vt akachakali mvt Israel vt afehlichika vlhpisa i binah puta aiasha na pisa tok, mihma Chihowah im ishilombish vt onvtola tok.

3. Mihmvt nan isht im vlhpisa ya ishi cha, Beo ushi Balaam vt micha hatak nishkin i fatuma yosh achishke.

4. Chitokaka im anumpa ha hglo tuk, micha nan im aighli i nan otvni ya pisa tuk, holhpokunna kia nishkin vt fatuma tuk vt achishke.

5. Chi binah puta kvv aiyukpvshke, Chekob ma! micha chim vltipo puta kvv, Israel ma!

6. Okfa hosh pataya ka chohmishke, osapushi yosh okhina bilika talaia ka chohmishke, aloes iti yo Chihowah yvt hokchi tuk ak o chohmishke, micha chuahla iti puta hosh oka apotvt hiel kak o chohmishke.

7. Im ishtochi puta ka oka ya a kohchit hlatvbla hi oka,

mikma im ishtatiaka yvt oka laua hō aiasha hi oke: micha i miko vt chaha kv Akak a i shahla hi oke, micha im apahlichika yvt chaha hi oke.

8. Chitokaka yvt Echip a pehlichit kohchi tuk oke; imi hlampko hv lapish achufa yak o holba hoke, oklushi in tvnvp puta ka tahla hi oke, micha foni ya kobahlichit tahli cha im iti naki ya ishit nvhlit hlopullecha hi oke.

9. Hlipia hoke, koi chohmit micha koi chito chohmit tvshki hoke, kvta hosh ilhkolecha hinla cho? kvna hosh anumpa yukpali chi onochikmvt, yukpa hoke: mikma kvna hosh anumpa ka llakshichi chi onochikmvt kalakshi hoke, achi tok.

10. Mihma Balak im ai i nukkilli vt Balaam a i sanalit libbi mvt, ibbak a isht itai issuchi tok: micha Balak vt Balaam a, An tvnvp a anumpa kallakshichi is svn onocha chi hō chi hoyo li tuk, mihma yakeh! ilvppa ont isht atu-china mak o anumpa yukpali ish onochi biekvshke.

11. Yvmohmi hokvt, himak a malelit, ish ai vta ya onā; holitopa fehna chikbi la he ahni li tuk oke; yohmi tuk kia yakeh! Chihowah yvt a holitopa ya chi katvblishke, im achi tok.

12. Mihma Balaam vt Balak a chim anumpa shali vhleha et is sam pila tuk ak kia im anumpulit,

13. Balak vt tvli hvta, micha tvli holisso lakna ya im aboha alota hō ik svma chi hoh kia, vno vm anukfila ak-inli kv, achukma hokmā, keyukmvt ika chukmo hoh kia yvmohmit Chihowah im anumpa hā ont ia la he keyu hoke; amba Chihowah yak osh nana achikma, yvmamak o yvmih-chi la chi hoke, achi li tuk keyu cho?

14. Atuk osh yakeh! himak a vm okla aiasha ka ona la chi; inta! yohmi hoka, nitak ont ishtaiyopikma, okla ilvppvt chim okla hā nana akaniohmicha he ya, chim anoli laahke, achi tok.

15. Mihmvt nan isht vllhpisa ya ishi cha, Beo ushi Balaam vt, achi, micha hatak nishkin i fatuma yvt achishke.

16. Chitokaka im anumpa hā hāklo tuk, micha Chaha i shahli ai ithvna ka ithana tuk, micha nan im aiahli im otvni

ya pisa tuk, holhpokunna hoh kia nishkin fatuma tuk vt achishke.

17. Pisa la hi oke, yohmi kia himak ak keyu : Pisa la hi oke, yohmi kia olanlosa he keyu hoke : Chekob a fochik vt a kohcha hi oke, micha Israel a miko in tubi vt a kohcha hi oke, micha Moab in chukbika puta ka issot kancha hi oke, micha Shelh im vlla vhleha moma ka tahla hi oke.

18. Mikma Etom vt i yakni ya hi oke ; Sei ak kia in tunop puta i yakni ya hi oke, mikma Israel vt chilita hi oke.

19. Mikma apelihchika im asha chi kvv Chekob a akolhcha hi oke, micha tmaha holihta aiasha tuk atampaka vbit tahla hi oke, achi tok.

20. Atuk osh Amalek a pisa mvt, nan isht vllhpisa ya ishi cha, Amalek ak osh oklushi puta ka tikba tuk oke, yohmi tuk kia ont im ishtaiyopi hokvto illit ai okpulokvt taha hi oke, achi tok.

21. Atuk osh Kenait a pisa mvt, nan isht vllhpisa ya ishit, Ish aiahanta yvt kulloshe, micha chim vllhpichik a tvi chito yo ish ai ikbishke.

22. Yohmi kia Kenait vt tahvt ia hi oke, atuk o Assha vt yukachit chisht ia hi oke, achi tok.

23. Mihmvt nan isht vllhpisa ya ishi cha, Ikikkeh ! Chitokaka yvt iluppa yvmihchikma kvta hosh okchayvt ahanta hinla cho ?

24. Michi peni hochito vt Chittim ai vlli minti kvv vla cha Assha ya ilbvshala hi oke, micha Eba ya ilbvshalikma, yvmmvv ai okpuloka vt taha hi oke, achi tok.

25. Mihmvt Balaam vt wakaya cha falamvt ivt ai vttia ya ona tok, mihma Balak ak kia im atiya ya ia tok.

CHAPTA XXV.

MIHMA Israel vt Shittim ak o ahanta tok, mihma okla hvv Moab ushetik vhleha ha iti havi isht ia tok.

2. Mihma i naholvv toba puta ka nan vbit isht aiokv.

chi mvt okla hash hoyo tok; mihma okla hash osh impa cha i naholbvt toba puta ka im akachunoli tok.

3. Mihma Israel vt Baal-pio ya ibafohka tok; mihma Chihowah im ai i nukkilli yvt Israel a i sanalit libbi tok.

4. Micha Chihowah yvt Moses a okla hash noshkobo puta moma ish ishi cha hvshi ya ichapaka Chihowah itikba ya iti a ish atakohlehashke, Yvmohmi ho Chihowah im ai i nukkilli libbi kvv Israel a i filvmmashke, im achi tok.

5. Mihma Moses vt Israel nan im apesa vhleha ha, Baal-pio ya ibafohka tuk hatak hvchim asha aiyukali kvv hvsh bashke, im achi tok.

6. Atuk o yakeh! Israel im vlla vhleha aiachvfa hosh vlvv Mitianait ohoyo ho itibapishi vhleha aiasha ka, Moses micha okla moma aiena kvv okla moma in tabenakel okhissa itikba yaiya hosh aiasha tuk osh pisa ho isht vla tok.

7. Atuk o naholitompa isht vttv Alon ushi Eleasa ya ushi Finehas vt pisa mvt okla moma takla binili tuk vt tvli halupa isht husa ishi cha wakaya tok.

8. Micha Israel hatak a iakaiyvt ivt binah ha ont chukowa cha Israel hatak ash bahlit hlopullechi mvt, ohoyo hash ikfoka ya bahlit hlopullechi tok; Yvmohmi ho ililli okpulo vt Israel im vlla vhleha itin takla ya yokopa tok.

9. Mihma ililli okpulo isht illi kvv tahlepa sipokni pokoli tuklo akucha ushta tok.

10. Mihma Chihowah yvt Moses a im anumpulit,

11. Naholitompa isht vttv Alon ushi Eleasa ushi Finehas vt vno pulla kak o amosholi cha vm ai i nukkilli ya Israel im vlla vhleha im itin takla ya kanvllichi na, sa nuktagha kak osh Israel im vlla vhleha vbit ak tahloshke.

12. Yvmohmi hoka, yakeh! iti nanaiya nan itim apesa li ya ima lishke.

13. Atuk o naholitompa isht aiahanta bilia fehna ka yvma, micha im isht atiaka aiena kvv iesha hi oke; in Chitokaka ya im amosholi cha Israel im vlla vhleha ha im atobbi tuk okvt, ish achashke, im achi tok.

14. Mitianait ohoyo pulla ho Israelait vt awant illi tuk hohchifo kvv Salu ushi Simli atok, yvmmvt Simeonait vhle-

ha im itin takla ya chuka achvfa i shahli i holitopa yatok.

15. Mikma Mitianait ohoyo illi tuk vt Su ushetik osh hohchifo kvf Kosbi atok, yummvt okla i noshkoboka yosh Mitian g chuka achvfa ya i shahli yatok.

16. Mihma Chihowah yvt Moses g im anumpulit,

17. Mitianait vhleha ha ilbvshalechit hvsh fahamashke;

18. Nan isht haksichi in tek Mitian i holitopa ushetik Kosbi pulla ho, micha Pio pulla ka hvchi haksechit hvch ilbvshali tuk oka, yummvt Pio pulla kak o ililli okpulo vt itonla nitak ma illi tuk oka, achi tok.

CHAPTA XXVI.

ATUK osh ililli okpulo vt asha ha ya, yakohmi tok, Chihowah yvt Moses micha naholitompa isht vtta Alon ushi Eleasa ya im anumpulit,

2. Israel im vlla vhleha okla moma afvmmi pokoli tuklo vhli vba mayvt iki vhleha in chuka achvfa hlopullit Israel aiasha kvf tnvvp itibit ia hinla moma holhtina ka hvsh ishashke, im achi tok.

3. Mihma Moses micha naholitompa isht vtta Eleasa ita tuklo kvf, Chatan g Moab yakni patali Cheliko bilika ya ai im anumpulit,

4. Afvmmi pokoli tuklo vhli vba maya holhtina ka, Chihowah yvt Moses micha Israel im vlla vhleha Echip yakni ya kohcha ia tok aiena, im achi tok mak o ish ishashke, im achi tok.

5. Israel ushi akni Luben: Luben im vlla vhleha; Hanok, yummak o Hanokait in chuka achvfa akohcha tok: Pallu, Pallunait chuka achvfa:

6. Heslon g, Heslonait chuka achvfa: Kamai ya, Kamait chuka achvfa:

7. Ilvppa pnta kak osh Lubenait chuka achvfa vhleha hoke, atuk osh holhtina kvf tahlepa sipokni pokoli ushta aku-

cha tuchina micna tahlepa untuklo cha pokoli tuchina aiena tok.

8. Mikma Pallu ushi; Eliab.

9. Mikma Eliab ushi vhleha; Nemuel micha Tahlan micha Abilam atok. Tahlan micha Abilam iluppēt Kolah ai itupeha kvt Chihowah kvlloṭ i sanali ma, ibafokvt Moses micha Alon ita tuklo kḡ kvlloṭ i sanalit okla moma im ai an-nohōwa tok mak oke.

10. Mihma yakni vt itakpashali cha Kolah ya ai itapeha hḡ ishit nanvbli tok, ai itapeha ymma, ymmvt illi ma luak vt hatak tahlepa tuklo cha pokoli tahlapi aiena hḡ hushmit tahlī tok; yohmi mvt ymmvt nan isht atokowa yḡ toba tok.

11. Yohmi kia Kolah im vlla vhleha hvt ik illo tok.

12. Simeon ushi vhleha hvt in chuka achvfa vhlhpisa hatok: Nemuel ḡ, Nemuelait chuka achvfa: Chamin ḡ, Chaminait chuka achvfa: Chakin ḡ, Chakinait chuka achvfa:

13. Selah ya Sahait chuka achvfa: Shaul ḡ; Shaulait chuka achvfa yatok.

14. Iluppa puta kak osh Simeonait chuka achvfa vhleha hoke: tahlepa sipokni pokoli tuklo akucha tuklo cha tahlepa tuklo tok.

15. Kat im vlla vhleha in chuka achvfa puta vhlhpisa hosh, Sefon ḡ, Sefonait chuka achvfa ak atok: Hakki ya Hakkait chuka achvfa ak atok: Shuni ya, Shunait chuka achvfa ak atok:

16. Osni ya, Osnait chuka achvfa ak atok: Eli ya, Elait chuka achvfa ak atok:

17. Alot ḡ, Alotait chuka achvfa ak atok: Aleli ya, Alelait chuka achvfa ak atok.

18. Iluppa puta kak osh Kat im vlla vhleha in chuka achvfa hatok; micha holhtina tuk mak osh tahlepa sipokni pokoli ushta cha tahlepa tahlapi tok.

19. Chutah im vlla vhleha hvt El micha Onan ak atok, micha El micha Onan ita tuklo kvt Kenaan yakni ya ai illi tok.

20. Mihma Chutah im vlla vhleha in chuka achvfa vhlhpisa hosh: Shelah ya, Shelanait chuka achvfa ak atok: Falea

g, Falesait chuka achvfa ak a tok: Selah ya, Salait chuka achvfa ak atok.

21. Mihma Fales ushi vhleha: Heslon g, Heslonait chuka achvfa ak atok: Hamul g, Hamulait chuka achvfa ak atok:

22. Ilvppa puta kak osh Chutah im vlla vhleha, chuka achvfa puta hatok, micha holhtina mak osh tehlepa sipokni pokoli untuklo akucha hannali cha tahlepa tahlapi tok.

23. Issaka ushi vhleha chuka achvfa vllhpisa; Tola ya, Tolait chuka achvfa ak atok: Pua ya Punait chuka achvfa ak atok:

24. Chashob g, Chashobait chuka achvfa ak atok: Shimlon g, Shimlonait chuka achvfa ak atok.

25. Ilvppa puta kak osh Issaka im vlla vhleha chuka achvfa hatok; micha holhtina mak osh tahlepa sipokni pokoli hannali akucha ushta cha tahlepa tuchina tok.

26. Sebulon ushi vhleha chuka achvfa vllhpisa: Selet g, Satait chuka achvfa ak atok: Elon a Elonait chuka achvfa ak atok: Chahleel g, Chahleelait chuka achvfa ak atok.

27. Ilvppa puta kak osh Sebulonait chuka achvfa hatok; micha holhtina mak osh tahlepa sipokni pokoli hannali cha tahlepa tahlapi tok.

28. Chosef ushi vhleha chuka achvfa vllhpisa hosh Manasseh micha Eflaim ak atok:

29. Manasseh ushi vhleha: Makil g, Makilait chuka achvfa ak atok: micha Makil vt Kileat g tobachi tok: Kileat g Kileatait chuka achvfa akohcha tok.

30. Kileat ushi vhleha hvv ilvppak atok: Cheesa ya Cheesalait chuka achvfa: Helek g, Helekait chuka achvfa:

31. Micha Asiel g Asielait chuka achvfa: Shekem a, Shekemait chuka achvfa ak atok.

32. Micha Shemita ya, Shemitait chuka achvfa: micha Hefe ya, Hefalait chuka achvfa ak atok.

33. Mihma Hefe ushi Selofehat vt ushi ik im iksho, amba ushetik vt im asha tok: micha Selofehat ushetik vhleha hohchifo kvv Mahlah, micha Noah, Hoklah, Milkah micha Tisah ak atok:

34. Ilvppa puta kak osh Manasseh chuka achvfa hatok;

micha holhtina mak osh tahlepa sipokni pokoli tahlapi aku-
cha tnklo cha tahlepa untuklo tok.

35. Iluppak osh Eflaim ushi vhleha chuka achvfa vlhpisa
hatok: Shuhlelah ya, Shuhlalhait chuka achvfa: Beka ya
Baklait chuka achvfa: Tahan a, Tahanait chuka achvfa ak
atok:

36. Mihma Shuhlelah ushi vhleha hvt iluppak atok, Elan
a Elanait chuka achvfa ak atok.

37. Iluppak osh Eflaim ushi vhleha chuka achvfa vlhpisvt
holhtina mak osh tahlepa sipokni pokoli tuchina akucha
tuklo cha tahlepa tahlapi tok: Iluppa puta kak osh Chosef
ushe vhleha chuka achvfa vlhpisa hatok:

38. Benchamin ushi vhleha chuka achvfa vlhpisa; Bela
ya, Belait chuka achvfa: Ashbel a, Ashbelait chuka achvfa:
Ahilam a, Ahilamait chuka achvfa:

39. Shufam a, Shufamait chuka achvfa: Hufam a, Hufa-
mait chuka achvfa ak atok.

40. Mihma Bela ushi vhleha hvt At micha Naaman ak
atok: At a Atait chuka achvfa: Naaman a Naamanait chu-
ka achvfa ak atok.

41. Iluppa puta kak osh Benchamin ushi vhleha chuka
achvfa vlhpisa hatok: micha yvmma holhtina mak osh ta-
hlepa sipokni pokoli ushta akucha tahlapi cha tahlepa han-
nali tok.

42. Iluppak osh Tan ushi vhleha chuka achvfa vlhpisa:
Shuham a Shuhamait chuka achvfa ak atok. Iluppak osh
Tan in chuka achvfa puta, chuka achvfa vlhpisa hatok.

43. Shuhamait chuka achvfa moma holhtina mak osh
tahlepa sipokni pokoli hannali akucha ushta cha tahlepa
ushta tok.

44. Asha im vlla vhleha chuka achvfa vlhpisa: Chimna
ya, Chinnait chuka achvfa: Chesni ya, Chesuait chuka
achvfa: Beliah ya, Belait chuka achvfa ak atok.

45. Beliah ushi vhleha: Heba ya, Hebalait chuka achvfa:
Malkiel a, Malkielait chuka achvfa ak atok.

46. Mihma Asha ushetik vt hohchifo kvv Selah ak atok.

47. Iluppa puta kak osh Asha ushi vhleha chuka achvfa

hatok, micha yvmma holhtina mak osh tahlepa sipokni pokoli tahlapi akucha tuchina micha tahlepa ushta tok.

48. Naftali ushi vhleha chuka achvfa vhlpisa : Chahseel a, Chahseelait chuka achvfa : Kuni ya Kunait chuka achvfa :

49. Chesa ya, Chesalait chuka achvfa : Shillem a Shillemait chuka achvfa ak atok.

50. Ilvppa puta kak osh Naftali in chuka achvfa chuka achvfa vhleha vhlpisa hatok, micha yvmma aholhtina kvv tahlepa sipokni pokoli ushta akucha tahlapi micha tahlepa ushta tok.

51. Ilvppa puta kak osh Israel im vlla vhleha hosh holhtina mvt tahlepa sipokni bat tahlepa hannali cha tahlepa sipokni achvfa, micha tahlepa untuklo pokoli tuchina aiena tok.

52. Mihma Chihowah yvt Moses a im anumpulit,

53. Ilvppa puta kak osh hohchifo holhtina ka vhlpisa i yakni ya chi hosh yakni yash osh i kvshkoashke.

54. Laua ka i yakni ya ishahlechit ish imashke, micha ik lauo ka i yakni ik lauo hvsh imashke, i yakni aiyyukali kvv holhtina tuk ak o vhlpisa ho ish imashke.

55. Yohmi kia nashoeli hosh yakni ya itikvshkoashke, iki vhleha apchlichy hohchifo kak o ai ishashke.

56. Laua micha ik lauo aiena kvv na shoeli hosh yakni ya itakvshkoashke.

57. Atuk o chuka achvfa puta vhlpisa hosh Lefait vhleha hvv holhtina ilvppa puta kak atok, Keshon a, Keshonait chuka achvfa ak atok : Kohalh a, Kohalhait chuka achvfa ak atok : Melali ya Melalait chuka achvfa ak atok.

58. Ilvppa puta kak osh Lefait chuka achvfa vhleha hatok : Lebnaait chuka achvfa, Heblonait chuka achvfa, Mahlait chuka achvfa, Mushait chuka achvfa, Kolahlait chuka achvfa ak atok. Atuk o Kohalh vt Amlam a tobachi tok.

59. Mihma Amlam tekchi vt hohchifo kvv Chokebet osh Lefai ushetik, ishki vt Lefai ya Echip im ai eshi tok. Atuk osh Alon micha Moses micha in tek Miliam aiena ka Amlam a im eshi tok.

60. Atuk o Alon vt Natab micha Abihu, Eleasa micha Ihlama aiena kut im vtta tok.

61. Atuk o Natab micha Abihu ita tuklo kut, luak inla Chihowah itikba ai im issa mut illi tok.

62. Micha holhtina mut nakni bieka hosh hvshi achvfa vba maya kut tablepa sipokni pokoli tuklo akucha tuchina. Israel im vlla vhleha ha takla yakni ik emo hatok. Israel im vlla vhleha ha takla holhtina tok keyn hokvt.

63. Ilvppa puta kak osh Moses micha naholitompa isht vtta Eleasa ita tuklo kut Israel im vlla vhleha Chatan a Moab yakni patali Cheliko bilika a holhtina tok, holhtina tok mak oke.

64. Yohmi kia Moses micha naholitompa isht vtta Alon itatuklo kut Israel im vlla vhleha ha yakni haiaka Sinai ya a hohtena tok a, hatak achvfa kia ilvppa puta ka itin takla ya iksho tok.

65. Chihowah yvt, Yakni haiaka ai illit taha pulla chi hoke, achi tok oka. Mihma hatak achvfa kia hlakofi kut iksho tok. Chefvnnesh ushi Kaleb micha Nvn ushi Choshua ak illa tok.

CHAPTA XXVII.

YOHMI ma Selofehat yvmmvt Hefe ushi, mikma yvmmvt Kileat ushi, mihma yvmmvt Maki ushi, mihma yvmmvt Manasseh chuka achvfa Manasseh ushi, mihma yvmmvt Chosef ushi atok yvmma ushetik vhleha hvv ona tok, micha ushetik vhleha hohchifo kut ilvppak atok, Mahlah, Noah micha Hoklah micha Milkah micha Tisah atok.

2. Atuk osh Moses, micha naholitompa isht vtta Eleasa, micha holitopa vhleha micha okla moma aiena itikba, okla moma in tabenakel okhissa bilika hiel cha,

3. Piki vt yakni haiaka ai illi tok oke, micha Kolah ai itapeha kut Chihowah ya i sanalit itihoyvt itvnaha ka ibafohka tok keyushke: yohmi kia ilap nanashvchi isht illi tok oke; micha ushi ik im iksho tok oke.

4. Nanta katiahmi ho ushi iksho hatuk ak osh piki hoh-

shifo kut in chuka achvfa ai itin takla ya kunia hinla cho? Yumohmi hoka, piki itibapishi vhleha takla yakni ish pimashke, achi tok.

5. Mihma Moses vt nan isht im akaniohmi ka Chihowah itikba isht ona tok.

6. Mihma Chihowah yvt Moses a im anumpulit,

7. Selofehat ushetik vhleha hvt vlpesa ho anumpuli hoke: iki itibapishi vhleha takla yakni ai eshi ya ish ima pulashke: micha iki i yakni yash tosholit ish im onachashke.

8. Micha Israel im vlla vhleha im anumpulit, Hatak vt ushi iksho hosh illikma i yakni yash tosholit ushetik ak o hvsh im onachashke.

9. Atuk o ushetik vt ikshokma i yakni yash itibapishi vhleha hak o hvsh imashke.

10. Atuk o itibapishi vt ik im ikshokma i yakni yash iki itibapishi vhleha hak o hvsh imashke.

11. Atuk o iki vt itibapishi vhleha hvt ikshokma i yakni yash in chuka achvfa ai achvfa i kanomi pit i bilika yak o hvsh ima na ieshashke, mikma yummak osh Israel im vlla vhleha, Chihowah yvt Moses a im apesa tuk mak o, i nan vlpisa ai apihisashke, im achi tok.

12. Micha Chihowah yvt Moses a, Nvni Abalim iluppa oiya cha Israel im vlla vhleha yakni ima li tok a pisah.

13. Atuk osh ish pisa ha mut chishno ak kia chitibapishi Alon vt iba holhtina chohmit chim okla ha ish iba holhtina chi hoke.

14. Chukushmi Sin ash okla moma kut itachowa ma, nishkin itikba ya oka ymma is si aholitobla he tuk vt ilafilmmit vm anumpa ha ish i sanali tuk oka, yummvt Melibah oka Katesh talaia yakni haiaka Sin ak atok, im achi tok.

15. Mihma Moses vt Chihowah ha im anumpulit,

16. Chihowah yvt nipi puta moma imi shilombish in Chitokaka yvt okla moma pehliechi hatak atokoli na,

17. Yummak osh itikba kohchvt ihiya, micha yummak osh itikba ont chukohowa, micha yummak osh pehlichit kohoncha, micha yummak osh pehlichit chukowvt ahantashke,

yvmohmi hō Chihowah im okla moma yvt chukfi yosh apis-tikeli iksho yō ik chohmo kashke, im achi tok.

18. Mihma Chihowah yvt Moses a im anumpulit, Nen ushi Choshua hatak shilombish nukfoka yvmmak o ish ishi cha chibbak ish onochashke.

19. Micha Eleasa naholitompa isht vta itikba, micha okla moma itikba ya ish hilechashke; micha yvmmak osh pi-sa hō, anumpa ish imashke.

20. Micha chim aholitopa kaniohmi ka ish onochashke; yvmohmi hō Israel im vlla vhleha okla moma kv̄t im antia achukmashke.

21. Micha naholitompa isht vta Eleasa itikba hikia na yvmmak osh Chihowah itikba Ulim ai isht apesa yak o isht im asilhhvcha hi oke: im anumpa hō kohchvt ia hi oke, micha im anumpa hō ont chukowa hi oke, yvmma micha Israel im vlla vhleha apiha aiena kv̄t okla moma puta kv̄t yvmohma hi oke, im achi tok.

22. Mihma Moses vt Chihowah yvt im achi tuk mak o yvmihchi tok: micha Choshua ya ishi cha naholitompa isht vta Eleasa itikba, micha okla moma itikba ya hilechi tok.

23. Micha ibbak a onochi mvt anumpa ima tok, Chihowah yvt Moses a tohvt im apesa tuk mak o yvmihchi tok.

CHAPTER XXVIII.

MIHMA Chihowah yvt Moses a im anumpulit,

2. Israel im vlla vhleha hō im anumpulit, Nan vm issa micha am pska tbit isht aiokpvchi luak isht hullukmi, a nabalama ya ithaiyanvt ont ai vllhpiesakma vm issashke, ish im apesashke.

3. Micha luak ishit hukmit im issa ilvppak o Chihowah ya hvsh im issa hi oke; Chukfi ushi tuklo hō afvmmi vmona hosh, ik aiono takali kv̄t iksho hukmit im issa bilia yō onna hosh onnakma hvsh yvmihinchashke.

4. Chukfi ushi achvfa kash onnahinli ish im issa tukmvt, chukfushi achvfa ya ont opiakma, ish im issa hi oke:

5. Micha ilhpak im issa yə bota tohbi lipehbi efah isht pokoli, bov̄t bila toba hin kvshkoa ai ushta kv̄t itaioma hi oke.

6. Chihowah i nabalama vbit luak ishit hullukmit im issa, hukmit im ihisa bilia yosh Sinai nv̄nih hā ai v̄lhpisa tok mak oke.

7. Micha nan ishko im issa yə chukfi ushi achvfakma hin kvshkoa ai ushta hi oke : nan ishko im issa yə aholitopa ak o oka paki kullo yə Chihowah ish im afohoblichā hi oke.

8. Mikma chukfi ushi achvfa yano, opiakma ish im issashke : onnahinli ilhpak im issa mak o, micha nan ishko im issa mak o, chohmit ish im issa hi oke, vbit luak ishit hukmit im issa Chihowah i balama yə hi oke.

9. Nitak hullokma chukfi ushi tuklo afv̄mmi v̄mmona ik ai ono takali kv̄t iksho, micha bota tohbi ishit pokoli kvshkoa tuklo, bila itaioma hō ilhpak im issa mak o micha nan ishko im issa aiena hi oke.

10. Hukmit im issa bilia, micha nan ishko im issa aiena kv̄t ashakma, ilvppak osh nitak hullo moma hukmit im issa yoke.

11. Micha hv̄shi puta isht hv̄chim ia v̄mmona kā hukmit im issa yə Chihowah hv̄sh im issa hi oke ; wak hobv̄k himita tuklo, micha chukfi nakni achvfa, chukfi ushi untuklo afv̄mmi v̄mmona ik ai ono takali kv̄t iksho aiena yashke.

12. Micha wak hobv̄k achvfakma ilhpak im issa mak o bota tohbi ishit pokoli kvshkoa tuchina bila aioma yashke ; micha chukfi nakni achvfakma ilhpak im issa mak o bota tohbi ishit pokoli kvshkoa tuklo bila aioma yashke.

13. Micha chukfi ushi achvfakma, ilhpak im issa mak o bota tohbi kvshkoa ishit pokoli bano hō bila aioma, nabalama hukmit im issa, micha vbit hukmit Chihowah im issa ya hi oke.

14. Micha ishkot im issa yvt wak hobv̄k achvfakma, oka paki hin iklv̄nna ; micha chukfi nakni achvfakma, hin kvshkoa atuchina, micha chukfi ushi achvfakma, hin kvshkoa isht ai ushta ya hi oke. . Ilvppak osh afv̄mmi hlopulli, hv̄shi puta kv̄t hv̄shi talalikma, hukmit im issa yoke.

15. Hukmit im issa bilia, micha nan iksho im issa aiena

kut ashakma, nan ashvchi im issa mak o issi kosoma ai ishit issi kosomushi achvfa ho Chihowah im issa hi oke.

16. Micha hvshi vmmona nitak ont isht auahhushta kut Chihowah im vbanvblit ont ia yoke.

17. Atukma hvshi ilvppa nitak ont ishit anahtahlapik mak o, impvchi yoke: nitak untuklo ho pska ik shatvmmo vpa hi oke.

18. Nitak vmmona hokvno itvnaha holitopa asha hi oke; yvmmak oka tishu atoksvli nana kia hvchik yvmihcho ka hi oke.

19. Amba Chihowah ya hukmit im issa ya vbit luak ishit hukmit im issa ya hvsh im issa hi oke; wak hobvk himita tuklo, micha chukfi nakni achvfa micha chukfi ushi afummi vmmona untuklo aiena hi oke; yvmmt ik ai ono takali kut ik hvchim iksho ka hi oke.

20. Micha im ilhpak im issa yvt bota tohbi yosh bila itaioma hi oke; wak hobvk achvfakma ishit pokoli kvshkoa tuchina, micha chukfi nakni achvfakma ishit pokoli kvshkoa tuklo ho hvsh im issa hi oke.

21. Chukfi ushi achvfakma, kvshkoa ishit pokoli biekt chukfi ushi untuklo hlopulla hi oke.

22. Micha nan ashvchi im issa ya issi kosoma achvfa ho ishit hvchi kashofa ya hi oke.

23. Onnahunli moma hukmit im issa, yvmmt hukmit im issa bilia yvt ashakma, ilvppa puta hvsh im ihisa hi oke.

24. Ilvppak o yohmi hosh nitak untuklo hlopulli ka onakma hvsh im issa hi oke, vbit luak ishit hukmit aiokpvchi nipi, Chihowah i balama ak a hi oke: hukmit im issa bilia, micha nan ishko im issa aiena kut ashakma, yvmma aiena im issa hi oke.

25. Atuk osh nitak ont isht untuklokma itvnaha holitopa hvchim asha hi oke; tishu a toksvli nana kia hvsh yvmihcha he keyu hoke.

26. Micha nan awaya vmmona nitak, ilhpak im issa himona Chihowah isht hvsh im onakmt, nitak hullo puta kut ont hvchin taha ha yvt, itvnaha holitopa hvchim asha hi oke: tishu atoksvli nana kia hvsh yvmihcha he keyu hoke.

27. Amba Chihowah i balama yvt hukmit im issa hvsh im issa hi oke : wak hobvk himita tuklo, micha chukfi nakni achvfa, chukfi ushi afvmmi vmmona untukla hi oke.

28. Micha ilhpak im issa yvt bota tohbi bila itaioma yosh wak hobvk achvfakma ishit pokoli kvshkoa tuchina, chukfi nakni achvfakma ishit pokoli kvshkoa tuklo,

29. Chukfi ushi achvfakma kvshkoa ont ishit pokoli biekt chukfi ushi untuklo hq hlopulla hi oke.

30. Micha isht hvchi kashofi vt issi kosoma ya ushi achvfa hi oke.

31. Hukmit im ihisa na bilia, micha ilhpak im issa (yvm-mvt ik ai ono takali kt ik hvchim iksho ka hi oke) micha nan ishko im issa aiena kt aiasha ma, yvmma puta ka hvsh im issa hi oke.

CHAPTA XXIX.

ATUK osh hvshi ont isht untuklo, hvshi nitak vmmo-nakma, itvnaha holitopa hvchim gsha hi oke : tishu atoksvli nana kia hvsh yvmihcha he keyu : isht pufa olachi hvchi nitak oke.

2. Micha Chihowah i balama yo hukmit im issa hvsh im issa hi oke : wak hobvk himita achvfa, chukfi nakni achvfa, micha chukfi ushi afvmmi vmmona untuklo ha hi oke.

3. Mikmvt ilhpak im issa yvt bota tohbi bila itaioma hosh, wak hobvk achvfakma ishit pokoli kvshkoa tuchina, micha chukfi nakni achvfakma, ishit pokoli kvshkoa tuklo,

4. Chukfushi untuklo kt chukfushi achvfakma ishit pokoli kvshkoa achvfa bat hlopulla hi oke,

5. Micha nan ashvchi im issa ishit hvchi kashofa chi kt issi kosoma ya ushi achvfa hi oke,

6. Chihowah i balama vbit im issvt luak ishit hukmit im issa, hvshi yvmma, nitak moma luak ishit hukmit im issa, micha ilhpak im issa, micha nan ishko im issa ayvmohmi chatuk mak o yvmihcha hi oke.

7. Micha hvshi isht untuklo ilvpprt nitak ont ishit pokolikma itvnaha holitopa hvchim gsha hi oke ; micha hvchi

shilombish a hvsh ilbvshala hi oke; micha yumma natoksuli nana kia hvsh yvmihcha he keyu hoke;

8. Amba Chihowah i balama yo hukmit im issa ya hvsh im issa hi oke; wak hobvk himita achvfa, chukfi nakni achvfa, micha chukfi ushi afvmmi vmona untuklo yosh, inlv a takali kv iksho ka hi oke.

9. Michal ilhpak im issa yvt bota tohbi bila itaioma yosh wak hobvk achvfakma ishit pokoli kvshkoa tuchina, chukfi nakni achvfakma ishit pokoli kvshkoa tuklo,

10. Chukfushi untuklo kv chukfi ushi achvfakma ishit pokoli kvshkoa achvfa bat hlopulla hi oke,

11. Nan ashvchi ishit kashofa, micha hukmit im ihisa na bilia, micha ilhpak im issa, micha nan ishko im issa aiena kv asha na, nan ashvchi im issa yo issi kosoma ya ushi achvfa ho im issa hi oke.

12. Atuk osh hvshi isht untuklo kv nitak ont isht auah tahlapikma itvnaha holitopa hvchim asha hi oke; tishu atoksuli nana kia hvsh yvmihcha he keyu, micha Chihowah impvchi isht hvsh im aiasha nitak untuklo ha hi oke.

13. Chihowah i nabalama yo hukmit im issa, vbit luak ishit hukmit im issa hvsh im issa hi oke; wak hobvk himita auah tuchina, chukfi nakni tuklo, micha chukfi ushi afvmmi vmona auahushta, inlv a takali kv iksho ho hvsh im issa hi oke,

14. Mikma ilhpak im issa yvt bota tohbi bila itaioma yo wak hobvk auah tuchina kash wak hobvk achvfakma ishit pokoli kvshkoa tuchina biekakma, chukfi nakni tuklo kash chukfi nakni achvfakma ishit pokoli kvshkoa tuklo bika,

15. Mikma chukfushi auahushta kv chukfushi achvfakma ishit pokoli kvshkoa achvfa bika hi oke,

16. Hukmit im ihisa bilia, ilhpak im issa, micha nan ishko im issa aiena kv aiashakma, nan ashvchi im issa yo issi kosoma ya ushi achvfa ho hvsh im issa hi oke,

17. Atuk osh nitak atuklakma, wak hobvk himita auah tuklo, chukfi nakni tuklo, micha chukfushi afvmmi vmona auahushta inlv a takali kv keyu ho hvsh im issa hi oke.

18. Michal ilhpak im issa, micha nan ishko im issa yvt

wak hobvk puta, chukfi nakni puta, chukfushi puta aiena holhtina vlpisa hō ayvmohmi chatuk mak o hvah im issa hi oke.

19. Hukmit im ihisa na bilia, micha ilhpak im issa, micha nan ishko im issa aiena kvt aiashakma, nanashvchi im issa yō issi kosoma yā ushi achvfa hō hvsh im issa hi oke.

20. Atuk osh nitak ont isht atuchinakma wak hobvk auahachvfa, chukfi nakni tuklo, chukfushi afummi vmmona auahushta ik ai ono kvt iksho hqshke,

21. Mikma ilhpak im issa, micha nan ishko im issa puta kvt wak hobvk puta, chukfi nakni puta, micha chukfushi puta aiena holhtina kq vlpisa hō ayvmohmi chatuk mak a hi oke.

22. Micha hukmit im ihisa bilia, micha ilhpak im issa, micha nan ishko im issa aiena kvt ashakma, nan ashvchi im issa yō issi kosoma achvfa hashke,

23. Micha nitak ont isht ai ushtakma, wak hobvk pokoli chukfi nakni tuklo, micha chukfushi afummi vmmona auah ushta ik ai ono kvt iksho yashke.

24. Micha ilhpak im issa, micha nan ishko im issa yvt, wak hobvk puta, chukfi nakni puta, chukfushi puta aiena holhtina kq vlpisa hō ayvmohmi chatuk mak o i yvmih-chashke:

25. Micha hukmit im ihisa na bilia, micha ilhpak im issa, micha nan ishko im issa aiena kvt ashakma, nan ashvchi im issa yō issi kosoma yā ushi achvfa yashke.

26. Micha nitak ont ishit tahlapikma wak hobvk chakkali, chukfi nakni tuklo, micha chukfushi afummi vmmona auahusta ik ai ono kvt iksho yashke.

27. Mikma ilhpak im issa, micha nan ishko im issa puta kvt wak hobvk puta, chukfi nakni puta, chukfushi puta aiena kvt holhtina kq vlpisa hō ayvmohmi chatuk mak o i yvmih-chashke.

28. Micha hukmit im ihisa na bilia micha ilhpak im issa micha nan ishko im issa aiena kvt ashakma, nan ashvchi im issa yō issi kosoma achvfa yashke.

29. Micha nitak ont ishit hannalikma, wak hobvk unta-

china, chukfi nakni tuklo, micha chukfushi afvmmi vmmona auah ushta ik ai ono kv̄t iksho yashke.

30. Micha ilhpak im issa, micha nan ishko im issa puta kv̄t, wak hobvk puta, chukfi nakni puta, micha chukfushi puta aiena kv̄t holhtina k̄a v̄lhp̄isa h̄o ayvmohmi chatuk mak o i yvmihchashke :

31. Micha hukmit im ih̄isa na bilia, micha ilhpak im issa micha nan ishko im issa aiena kv̄t ashakma, nan ashvchi im issa ȳo issi kosoma achvfa yashke.

32. Micha nitak ont isht untuklokma, wak hobvk untuklo, chukfi nakni tuklo, micha chukfushi afvmmi vmmona auah ushta ik ai ono kv̄t iksho yashke :

33. Micha ilhpak im issa, micha nan ishko im issa puta kv̄t, wak hobvk puta, chukfi nakni puta, micha chukfushi puta aiena holhtina k̄a v̄lhp̄isa h̄o a yvmihchi chatuk mak o i yvmihchashke :

34. Micha hukmit im ih̄isa na bilia, micha ilhpak im issa, micha nan ishko im issa aiena kv̄t ashakma, nan ashvchi im issa ȳo issi kosoma achvfa yashke :

35. Micha nitak ont isht untuchinakma itvnaha holitopa hvchim asha hi oke ; nitak ymma tishu atoksvli nana kia hvsh yvmihcha he keyu.

36. Amba Chihowah nan i balama ȳo v̄bit luak ishit hukmit im issa, wak hobvk achvfa, chukfi nakni achvfa, chukfushi afvmmi vmmona untuklo ik ai ono kv̄t iksho aiena h̄o hukmit im issa ȳo hvsh im issa hi oke.

37. Ilhpak im issa, micha nan ishko im issa puta kv̄t, wak hobvk puta, chukfi nakni, micha chukfushi puta aiena holhtina k̄a v̄lhp̄isa h̄o ayvmohmi chatuk mak o i yvmihchashke.

38. Micha hukmit im ih̄isa na bilia, micha ilhpak im-issa, micha nan ishko im issa aiena kv̄t ashakma, nan ashvchi im issa ȳo issi kosoma achvfa hashke.

39. Anumpa hvsh il onochi puta, micha ilap ahnit nana hvsh im issa puta, luak ishit hukmit nana hvsh im issa puta, micha ilhpak hvsh im issa puta, micha nan ishko hvsh im issa puta, micha itinnanaiyvchit nana hvsh im issa puta aiena hv̄t ashakma, impvchi hvchim v̄lhp̄isa puta k̄a ilvppa puta

aiena kak o Chihowah ya hvsh i yrmihchashke, im achi tok.

40. Mihma Chihowah yvt Moses a im apesa tuk mak o, moma ka Moses vt Israel im vlla vhleha ha im anoli tok.

CHAPTA XXX.

MIHMA Israel im vlla vhleha puta ka, Moses vt apehlich i noshkoboka puta ka isht im anumpulit, Ilvppak o Chihowah yvt apesvshke.

2. Hatak vt anumpa il onochit Chihowah im il onochi tukmut, keyukmut anumpa kullo anumpulit imishilombish a anumpa ho isht ile takchi tuk mut, im anumpa ha kobvffa he keyu, itih ha akohcha tuk moma kv yvmihcha hi oke.

3. Ohoyo hut himita yosh iki in chuka ahantvt anumpa il onochi cha, Chihowah im il onochit anumpa isht ile takchi mut,

4. Mikma anumpa il onochi, micha anumpa isht ile takchi yo imishilombish a ishit takchi ka, iki vt haklo, mihmut iki yash osh nana ik im achokma; yohmikma anumpa il onochi tuk moma kv aighla hi oke; michaanumpa isht ile takchi imishilombish ishit takchi puta kv aighla hi oke.

5. Amba iki vt haklo nitak akinli hosh vlhpesa ik im ahno tukma, anumpa il onochi, micha anumpa moma isht iletakchi imishilombish a ishit takchi tuk vt ik aighlo ka hi oke, mihma iki ak osh vlhpesa ik im ahno hatuk o, Chihowah yvt i kashoffa hi oke.

6. Micha i hatak vt gsha tuk osh anumpa il onochi ma, itih ha nana kia kohchit im ishilombish a ishit takchi ma.

7. Yohmi ma i hatak vt haklo, mihmut haklo nitak vt nana ik im achokma: yohmikma anumpa il onochi tuk vt aighla hi oke, micha anumpa isht ile takchi im ishilombish a ishit takchi tuk vt aighla hi oke.

8. Amba i hatak vt haklo nitak vt vlhpesa ik im ahno tuk mut, yohmikmut anumpa il onochi il onochi tuk a, micha itih ha kohchichit imishilombish anumpa isht ile takchi tuk

ə ik əhlecho kashke, mikma Chihowah yvt i kashoffa hi oke.

9. Amba ohoyo vlhtakla, micha ohoyo i hatak vt i kunia hokvto anumpa il onochi ilap imishilombish ishit takchi tuk vt moma kvv əhlit takala hi oke.

10. Mikma i hatak in chuka anta hosh anumpa il onochi, keyukmvt anumpa isht ile takchi imishilombish ə anumpa kvvlo ishit takchi tuk ma,

11. Yohmi ma i hatak vt həklo kia nana ik acho, micha vlhpesa ik im ahno: yohmikma anumpa il onochi tuk moma kvv aighla hi oke; micha anumpa isht ile takchi imishilombish ishit takchi tuk vt aighla hi oke.

12. Amba i hatak vt haklo nitak vt im akshochit kanchikma, yohmikma nana hosh anumpa il onochi tuk, keyukmvt imishilombish ə anumpa ishit takchi itih hə kohcha tuk vt ik əhlo ka hi oke; i hatak vt im akshochi hoke; mikma Chihowah yvt i kashoffa hi oke.

13. Anumpa il onochi puta, micha anumpa kvvlo isht ile takchi imishilombish isht ilbvshali puta kə, i hatak vt əhlecha hinla, keyukmvt i hatak vt akshocha hinla hoke.

14. Amba i hatak vt onna hosh onna kə nan ik acho kash osh imomakvt; yohmikmvt anumpa il onochi tuk moma, micha anumpa isht ile takchi onvtola tuk moma ka kvvlochi hoke; haklo nitak vt nana ik im əcho tuk okvt, kvvlochi hoke.

15. Amba haklo ha yə tuk osh kaniohmit akshochikmvt, yohmikmvt i nanashvchi yə shaiyala hi oke, im achi tok oke.

16. Nan vlhpisa ilvppa puta kak osh hatak micha tekchi ita tuklo iti takla yə itoyula he, micha iki micha ushetik himita moma hosh iki in chuka ahanta iti takla kə itoyula hi yə Chihowah yvt Moses ə im apesa tok oke.

CHAPTA XXXI.

MIHMA Chihowah yvt Moses ə im anumpulit,

2. Israel im vlla vhleha hə Mitianait okla hə ish im

il ai okha pullashke, i himmak o chim okla ha ish iba holh-tina hi oke, im achi tok.

3. Mihma Moses vt okla ha im anumpulit, Hvsh kanioh-mi kvv tvnvp hvsh ia chi kvv na halupa isht hvsh il atahlash-ke, micha ivt Mitianait okla ha ont in tanampashke, micha Mitian ak o Chihowah ya im il ai okhashke.

4. Israel apelhichi puta moma hlopulli ka tahlepa sipokni achvfa bieka ho, tvnvp a hvsh ai i pilashke.

5. Yohmi ho Israel tahlepa sipokni puta ka akohchvt apelhichi achvfakma, tahlepa sipokni achvft ia hosh tahle-pa sipokni auahtuklo kvv ai i filummit na halupa isht im vltaha tok.

6. Yohmi ma Moses vt tvnvp a pila tok, apelhichi achv-fakma tahlepa sipokni achvfa ho, yvmma micha naholitom-pa isht vta Eleasa ushi Finehas aiena kvv naholitopa isht asha, micha olacha chi ho isht pufa yvt ibbak foyuka yo tvnvp a pila tok.

7. Mihma Chihowah yvt Moses a im achi tuk mak o, Mi-tianait okla ha in tanampi tok; micha nakni moma ka vbit tahli tok.

8. Micha illi tuk vt ashakma, Mitian i miko vhleha ha vbi tok; ilvppa puta kak atok, Efi, Lekem, micha Su, mi-cha Hu micha Leba, Mitian i miko tahlapi hatok; micha Beo ushi Balaam a bvshpo falaia isht vbi tok.

9. Micha Israel im vlla vhleha hvv Mitian ohoyo moma, nicha im vlla vhleha aiena ka yukachi mvv, na wehpoa yo vak moma, micha vlvhpoa chipunta moma, micha im ilayak moma aiena ka ishi tok.

10. Micha in tvmaha holihta puta aiasha yatuk moma, micha i holihta moma ka luak isht hukmit tahli tok.

11. Mihmvv hatak, micha nan vlvhpoa aiena, na wehpoa moma, micha nan vlvhpoa moma ishi tok.

12. Micha yuka vhleha hash micha vlvhpoa na wehpoa yash micha nampoa yash, Moses micha naholitompa isht otta Eleasa micha Israel im vlla vhleha okla moma aiena ka sht im onvt, binah Moab yakni matali ya yvmmv Chatan vilika micha Cheliko bilika talaia ka isht ona tok.

13. Mihma Moses micha naholitompa isht vtta Eleasa, micha okla moma i holitopa vhleha aiena kvt binah hā ko-cha afamvt ia tok.

14. Mihma Moses vt tvshka chipota i pehlichī vhleha hā micha tahlepa sipokni puta i kvpitvni vhleha, micha tahlepa puta i kvpitvni vhleha aiena kvt tvnvp ayvt vla tuk a i nukli-bishla tok.

15. Mihmvt Moses vt, Ohoyo moma hvsh okchalinchī tuk oh cho?

16. Yakeh! ilvppa puta kak osh Balaam vt i miha na, Is-lael im vlla vhleha Pio pulla kā Chihowah ishit i yoshoba tok; micha ililli okpulo vt Chihowah im okla moma ai ititakla yā itoyula tok.

17. Yvmohmi hoka, himak a vlla vhleha nakni moma kā hvshbashke, micha ohoyo hvv iba tvshki cha hatak ithana tuk moma aiena kā hvshbashke.

18. Amba ohoyo-vlla moma, iba tvshki cha hatak ithana tuk keyu kano, hvchimmi ha chī hosh okchalinchit hvsh ishashke.

19. Micha bina hā kucha hvsh aiasha na nitak untuklashke; kvna hosh hatak vbi tukmvt, micha kvna hosh illi yā haleli tukmvt, hvchishno, micha hvchī yuka aiena kvt, nitak ont isht atuchina, micha nitak ont isht untuklo kā hvsh ile kashoffashke.

20. Micha hvchī nafohka moma, micha nahakshup osh toba, micha issi kosoma hishī yosh toba moma, micha iti yosh nana toba moma kā hvsh kashoffashke, im achi tok.

21. Mihma naholitompa isht vtta Eleasa vt hatak tvnvp aya tvnvp ia tuk a, Ilvppak osh nan vhpisa mak o Chihowah yvt Moses a im apesa tuk mak oke.

22. Peh tuli lakna, micha tuli hvta, asonak lakna, tuli, asonak hvta micha naki,

23. Nana hoh kia lua he keyukma, luak o hvsh hlopullechikma kashofa hi oke; yohmi kia filvmmichi oka yā ishit kashofa hi oke: micha lua hinla moma kā oka yak o hvsh hlopullecha hi oke.

24. Micha nitak ont isht untuklokma hvchī nafohka yā

hush achefa cha hvchi kashofa hi oke ; yohmi ha yosh binah hā ant hvsh chukowa hi oke, im'achi tok.

25. Mihma Chihowah yvt Moses ā im anumpulit,

26. Chishno, micha naholitompa isht vtta Eleasa, micha okla moma iki ishahli vhleha aienvt, hatak, micha nan vllhpoa nawehpoa tuk holhtina kā hvsh ishashke.

27. Micha na wehpoa kashapa tuklo ita kvshvplit, tvnvp ilonochit tvnvp ia tuk, micha okla moma kā hvsh im ita-kashvblashke.

28. Hatak tvnvp aya puta tvnvp ia tuk ā noshkobo atobbi Chihowah immi ya chī hō hvsh onochashke ; hatak puta kash, micha wak puta kash, micha issuba nashoba puta kash, micha chukfi puta kash aiena kā tahlepa tahlapikma shilombish achvfa,

29. Im iklvna hvsh ai ishi cha, Chitokaka i walit im issa chī hō, naholitompa isht vtta Eleasa yā hvsh imashke.

30. Mikmut Israel im vlla vhleha im iklvna yā hatak puta kash, micha wak puta kash, micha issuba nashoba puta kash, micha nan vllhpoba chipunta kash micha nan vllhpoba ilaiyuka moma kash pokoli tahlapikma, achvfa hō ai ishit Lefait vhleha, yvmmvt Chihowah in tabenakel nan isht ai ahanta kā apistikeli chatuk ā hvsh imashke, im achi tok.

31. Mihma Chihowah yvt Moses ā im apesa tuk mak o Moses micha naholitompa isht vtta Eleasa ita tuklo kvv yvmihchi tok.

32. Mihma nawehpoa tvnvp aya hatak vhleha hvv yuka-chi tuk atampa mak osh chukfi tahlepa sipokni bat tahlepa hannali, tahlepa sipokni pokoli untuklo, micha tahlepa sipokni tahlapi tok,

33. Micha wak tahlepa sipokni pokoli untuklo akucha tuklo tok,

34. Micha isuba nashoba tahlepa sipokni pokoli hannali akucha achvfa tok,

35. Micha iba tvshkit hatak ā ithana tuk keyu moma kvv ohoyo tahlepa sipokni pokoli tuchina akucha tuklo tok.

36. Micha iklvna kvv, yvmmvt kohchvt tvnvp ia tuk i kashapa holhtina kvv chukfi tahlepa sipokni bat tahlepa tu-

china, micha tahlepa sipokni pokoli tuchina akucha untuklo, micha tahlepa tahlapi tok.

37. Micha noskobo Chihowah im atobbi vt chukfi tahlepa hannali, micha pokoli untuklo akucha tahlapi tok.

38. Mikma wak vt tahlepa sipokni pokoli tuchina akucha hannali tok; ymma noshkobo Chihowah im atobbi akohcha kvt pokoli untuklo akucha tuklo tok.

39. Mikma issuba nashoba yvt tahlepa sipokni pokoli tuchina micha tahlepa tahlapi tok; ymma noshkobo Chihowah im atobbi vt akohcha kvt pokoli hannali akucha achvfa tok.

40. Mikma hatak ohoyo hvt tahlepa sipokni auahannali tok; ymma noshkobo Chihowah im atobbi vt akohcha kvt ohoyo pokoli tuchina akucha tuklo tok.

41. Mihma Chihowah yvt Moses a im apesa tuk mak o Moses vt noshkobo atobbi yash, ymmvt Chihowah i walit im issa yatuk o naholitompa isht vta Eleasa ya ima tok.

42. Mihma Israel im vlla vhleha im iklvna, ymma Moses vt hatak tanampi tuk ash im ita kashvbi tok.

43. Yohmi ka okla moma ka im iklvna kvt chukfi tahlepa sipokni bat tahlepa tuchina micha tahlepa sipokni pokoli tuchina akucha untuklo, micha tahlepa tahlapi tok,

44. Micha wak tahlepa sipokni pokoli tuchina akucha hannali tok,

45. Micha isuba nashoba tahlepa sipokni pokoli tuchina micha tahlepa tahlapi tok,

46. Micha hatak ohoyo tahlepa sipokni auahannali tok.

47. Israel im vlla vhleha im iklvna ka Moses vt, hatak micha nan vhpoba aiena pokoli tahlapiakma achvfa ho ai ishi cha Lefait vhleha, ymmvt Chihowah in tabenakel nan isht aiahanta apistikeli yatuk o Chihowah yvt Moses a im apesa tuk mak o ima tok.

48. Mihma okla tahlepa sipokni puta i nan vlhtoka vhleha, micha tahlepa sipokni puta i kvpitvni vhleha, micha tahlepa puta i kvpitvni vhleha aiena kvt Moses a bilika im ona tok.

49. Micha Moses a, Chin tishu vhleha hvt tynvp aya ha-

tak vhleha e pehlichu tuk aiyukali holhtina ka il ishi ma, hatak achufa kia iksho kut ikshoshke.

50. Yumohmi hatuk osh Chihowah isht aiokpuchi isht elvshke, pim ishilombish isht atobbi Chihowah itikba il ai ikba chi hosh hatak il aiyukali kut nana il ishi tuk, tvli lakna isht shema, itatakvli, micha shakba abeha, chvnaha, micha haksobish atakali chvnaha, micha tvli lakna inochi aiena ka isht e lvshke, im achi tok,

51. Mihma Moses micha naholitompa isht vta Eleasa ita tuklo kut tvli lakna isht il akshema moma ka im ishi tok.

52. Michu tvli lakna im issa, tahlepa sipokni puta i kvpitvni vhleha, micha tahlepa puta i kvpitvni vhleha aiena kut Chihowah im issa tuk moma kut shekel tahlepa sipokni auahhannali micha tahlepa untuklo pokoli tahlapi tok.

53. Tvnvp aya hatak puta kut nawehpoa ya ilap aiyukali kut ishi tok okvt.

54. Mihma Moses micha naholitompa isht vta Eleasa ita tuklo kut tvli lakna yash, tahlepa sipokni puta i kvpitvni vhleha, micha tahlepa puta i kvpitvni vhleha ha im ai ishi cha, Israel im vlla vhleha isht ithana bilia hosh Chihowah itikba itoyula chi ho okla moma in tabenakel a ont fohki tok.

CHAPTA XXXII.

YOHMI ma Luben im vlla vhleha, micha Kat im vlla vhleha hut wak im apakna chinto fehna tuk atuk osh Chaasa yakni micha Kiliat yakni ya pisa ma, yakeh, yummut wak aiasha ya achukma tok.

2. Yohmi mut Kat im vlla vhleha, micha Luben im vlla vhleha hut Moses micha naholitompa isht vta Eleasa, micha okla moma i holitopa vhleha aiena kash im ona cha.

3. Ataloh, micha Tibon, micha Chaasa, micha Nimlah, micha Heshbon, micha Elealah, micha Shebam, micha Nebo, micha Beon.

4. Israel okla moma itikba ya Chihowah yvt issot a kan-

chi tok yakni pulla kut wak i yakni achukma hoke, mihma huchin tishu vhleha hut wak im ashvshke,

5. Okla achi mut, yumohmi hoka chim isht i kana ya, e chi ai ahaiyuchi tuk ma, yakni ilvppak o chin tishu vhleha i yakni ya chi ho ibbak fohkashke, micha Chatan a chik pi hlopullecho kashke, im achi tok.

6. Mihma Moses vt Kat im vlla vhleha, micha Luben im vlla vhleha, Huch itibapishi vhleha hut tonvp ia na, lumvt ilvppa hvsh chieya chi cho?

7. Micha nanta katiohmi ho Israel im vlla vhleha hut yakni Chihowah yut ima tok a chukowa he tuk o chuktsch hvsh illechi cho?

8. Huch iki vhleha hut yakni ya pisa chi ho Katesh-bania vttvt pila li ma, yakohmi tok.

9. Eshkol okfa ha ona cha yakni ya pisa mut, Israel im vlla vhleha chukvsh'a illechi na, yakni Chihowah ima tok a ik chukowo tok.

10. Atuk o mih makinli ma Chihowah im ai i nukkilli vt libbi mut, anumpa kullo anumpulit,

11. Afummi pokoli tuklo ishtivt vba maya hosh Echip yakni ya kohchut minti tok vt, hatak achvfa kia, anumpa kullo anumpulit, Ebleham, Aisaak, micha Chekob a im issa li tok yakni ya pisa chi keyu pulla hoke; aioklvhut vm antia tuk keyu hokvt,

12. Kenesait Chefvnnch ushi Kaleb, micha Nvn ushi Choshua ak illa hi oke; yummak okuto aioklvhut Chihowah im antia tuk okvt, achi tok.

13. Micha Chihowah im ai i nukkilli vt libbi mut yakni haiaka itvnowvchi na afummi pokoli ushta ma, ai unchololi yumma moma Chihowah itikba nan ik achukmo yumihechi tuk vt taha tok.

14. Atuk o yakeh! huch iki vhleha vlhtobvt, Chihowah im ai i nukkilli vt Israel a i sanalit libbit isht i shalit isht ia chi ho hatak nanashvchi ai iti shali hvsh wakaiyvshke.

15. Hvsh iakaiya tuk vt hvsh i filvmmikma, himakma anonti yakni haiaka ya akancha chi hoke; mikma okla ilvppa moma ka vbit hvsh tahla chi hoke, im achi tok.

ihma okla hash ot bilika, im ona cha, Pi nan vhlpoa e chukfi-holihta, micha pim vlla vhleha aiasha he holihta iluppa il ai ikba chi hoke.

Imba pishno vto na halupa pim vlhtaiyaha hosh a vlla vhleha itikba e mahaya cha, aiasha chi ka nashke: mikma pim vlla vhleha hvt yakni ya okla ulla kak o tumaha aholihta puta ho aiasha chi hoke. Israel im vlla vhleha moma kv̄t i yakni aiyukali kv̄t o'kisha hokvno, falamvt pin chuka ela he keyu hoke. Chatan tennvp yvmma, micha tikba pilla hokvno i il ibai isha he keyu; pi yakni vt Chatan ola tnnhi akohcha ka pilla kak o pin talaia hokvt, im achi

lihma Moses vt, Nana iluppa hvsh yvmihchi hokmvt, a hvchim vlhtaiyaha cha Chihowah itikba ya tnnvp mvt.

ficha hvsh moma kv̄t na halupa hvchim vlhtaiyaha tan a hlopullit Chihowah itikba ya hvsh ia na, in aleha ha itikba a tihlelit kocha wehltit tahlíkma.

fikma yakni vt Chihowah itikba ya ai i nutaka, yohhimmak a yo Chihowah itikba ya micha Israel itikanashvchi vt onvtola keyu hosh hvsh falamashke, yakni iluppv̄t Chihowah itikba ya hvchi yakni ya a.

Imba hvsh yvmohma he keyukmvt, yakeh! Chiya hvsh i yoshobvshke, yohmi ka oh ithana na hvsh vt hvchi ahayucha chi hoke. i

Hvchim vlla tumaha holihta hvsh im ikbashke; hvchin chukfi ha holihta hvsh im ikbashke; micha ih ha kohcha tuk mak osh hvsh yvmihchashke, im a.

Mihma Kat im vlla vhleha, micha Luben im vlla hvt Moses a im anumpulit, A shabli hvt anumpulit o chin tishu vhleha hvt yvmihcha chi hoke.

Pim vlla vhleha, pin tekchi vhleha, pi nanvhlpoa chinicha pi wak moma aiena kv̄t Kiliat tumaha holihta mmak o aiasha chi hoke.

27. Amba a shahli hvt achi tuk mak o, chin tishu vhleha hatak moma kv̄t tanampa ch̄i kv̄t na halupa im vl̄taha hosh hlopullit Chihowah itikba ya tanampit ia ch̄i hoke, im achi tok.

28. Yohmi ho yv̄mma pulla ka Moses vt naholitompa isht v̄tta Eleasa, micha Nvn ushi Choshua, micha Israel im vlla vhleha ap ehlich̄i puta īki vhleha i shahli aiena ka im apesa tok.

29. Michā Moses vt, Kat im vlla vhleha, micha Luben im vlla vhleha aiena hatak puta kv̄t na halupa im vl̄taha hosh hv̄chi awant Chatan a hlopullit Chihowah itikba tv̄nvp ia na, yakni vt hv̄chi tikba ya nutaka hokma; yohmikma ai ahanta ch̄i ka Kiliat yakni ak o hv̄sh ima hi oke.

30. Amba nahalupa im vl̄taha hosh hv̄chi awant hlopulla he keyukma, Kenaan yakni ak o hv̄ch ibai asha hi oke, im achi tok.

31. Mihma Kat im vlla vhleha, micha Luben im vlla vhleha aiena kv̄t afalaminchit, Chihowah yvt in tishu vhleha ha im achi tuk mak o e yvmihcha ch̄i hok̄e.

32. Na halupa pim vl̄taha hosh hlopullit Chihowah itikba ayvt Kenaan yakni ya e chukowa ch̄i hoke; yohmi hosh yakni il isha ch̄i kv̄t Chatan ola in tv̄nvp ak osh pimmi ha ch̄i hoke, achi tok.

33. Mihma Moses vt, Kat im vlla vhleha, micha Luben im vlla vhleha, micha Chosef ushi Manasseh ap ehlich̄i ikl̄v̄na aiena ka, Amolait okla i m̄iko Sihon im ap ehlich̄ika, micha Bashan i m̄iko Ok im ap ehlich̄ika, yakni yash, micha im ai v̄hli tv̄maha holihta puta ai iti eshi, micha yakni kucha apakfoyupa tv̄maha holihta puta ka ima tok.

34. Mihma Kat im vlla vhleha hvt Tibon micha Ataloh, micha Aloe,

35. Michā Atloh, Shofan, micha Chaasa, micha Chok-behab,

36. Michā Belh-nimbah, micha Belh-halan tv̄maha holihta, micha chukfi i holihta aiena ai ikbi tok.

37. Mihma Luben im vlla vhleha hvt Heshbon^m micha Elealah micha Kichalh-chealim,

38. Micha Nebo, micha Baal-meon (hohchifo inla hochifo hosh) micha Shibmah aiena ka ikbi tok: micha tumaha holihta ikbi tuk vt hohchifo inla ima tok.

39. Mihma Manasseh ushi Maki im vlla vhleha hvt Kiliat a ona cha ishi tok; micha Amolait vt ymma asha tuk a im ai ishi tok.

40. Mihma Moses vt Kiliat a Manasseh ushi Maki ya ima na, abinili tok.

41. Mihma Manasseh ushi Chai vt ivt in tumaha ushi puta ka ishi cha Hafolh-Chai hochifo tok.

42. Mihma Nobah hvt ivt Kenalh, micha in chuka lokoli aiena ishi cha, ilap hohchifo kak o ahochifochit Nobah hochifo tok.

CHAPTA XXXIII.

ISLAEL im vlla vhleha Echip yakni ya okla moma kvt Moses micha Alon ita tuklo kvt pehliechi ho kohchvt itvnowvt aya tuk vt ilvppa puta kak atok.

2. Mihma Chihowah yvt im apesa mak o, Moses vt kohchvt nowvt itvnowa tok a holissochi tok: yohmi kvt ilvppa puta kak osh kohchvt itvnowa kvt ai itvnowa tok mak oke.

3. Mihmvt hvshi vmmona, micha hvshi vmmona kvt nitak ont ishit auahlahapi ma, Lameses a asht ia tok; vbanvblit ont ia yatuk a onna ma, Israel im vlla vhleha hvt Echip okla moma kvt pisa ho ibbak kullo hosh kohchvt ia tok.

4. Echip okla hvt im vlla vttahpi moma, Chihowah yvt issot i kanchi na hohpit tahli tuk atuk okvt: micha Chihowah yvt i naholbvt toba puta kak kia napalvmmi onochi tok.

5. Mihma Israel im vlla vhleha hvt Lameses a kanvlli mvt Sukkolh a abinachi tok.

6. Atuk osh Sukkolh a kanvlli mvt, Ehlam, yummvt yakni haiaka vhli talaia ka abinachi tok.

7. Atuk osh Ehlam a kanvlli mvt fullotvt anonti Pi-hahiloh, yummvt Baal-sefon itikba talaia ka ona tok, micha Miktol itikba yak o binachi tok.

8. Atuk osh Pi-hahilolh itikba asht ia mvt okhvta iklvna hlopulli cha yakni haiaka pit chukowvt Ehlam yakni haiaka nitak tuchina a nowa yo ona tok, micha Malah ya binachi tok.

9. Atuk osh Malah ya kanvlli mvt Elim a ona tok, mihma Elim a kuli auhtuklo kvv hiohmaya tok, mihma pam iti pokoli untuklo kvv hinli tok, mihma yummak o binachi tok.

10. Atuk osh Elim a asht kanvlli mvt okhvta Homma bilika binachi tok.

11. Atuk osh okhvta Homma ya asht kanvlli mvt Sin yakni haiaka ya binachi tok.

12. Atuk osh yakni haiaka Sin a asht ia mvt Tofkah ya binachi tok.

13. Atuk osh Tofkah ya asht ia mvt, Alush a binachi tok.

14. Atuk osh Alush a asht ia mvt, Lefitim, yumma okla oka ishka hi vt iksho ho binachi tok.

15. Atuk osh Lefitim a asht ia mvt, yakni haiaka Sinai ya binachi tok.

16. Atuk osh yakni haiaka Sinai ya asht ia mvt, Kiblolh-hattaafah ya binachi tok.

17. Atuk osh Kiblolh-hattaafah ya asht ia mvt, Haselolh a binachi tok.

18. Atuk osh Haselolh a asht ia mvt, Lilhmah ya binachi tok.

19. Atuk osh Lilhmah ya asht ia mvt, Limmon-pales a binachi tok.

20. Atuk osh Limmon-pales a asht ia mvt, Libnah ya binachi tok.

21. Atuk osh Libnah ya asht ia mvt, Lissah ya binachi tok.

22. Atuk osh Lissah ya asht ia mvt, Kehelalhah ya binachi tok.

23. Atuk osh Kehelalhah ya asht ia mvt, Shafa nvniha binachi tok.

24. Atuk osh Shafa nvniha asht ia mvt, Halatah ya binachi tok.

25. Atuk osh Halatah ya asht ia mvt, Makhelolh a bina-chi tok.

26. Atuk osh Makhelolh a asht ia mvt, Tahalh a binachi tok.

27. Atuk osh Tahalh a asht ia mvt, Talah ya binachi tok.

28. Atuk osh Talah ya asht ia mvt, Milhkah ya binachi tok.

29. Atuk osh Milhkah ya asht ivt, Hashmonah ya bina-chi tok.

30. Atuk osh Hashmonah asht ivt, Moselolh a binachi tok.

31. Atuk osh Moselolh a asht ivt, Bene-chaakan a bina-chi tok.

32. Atuk osh Bene-chaakan a asht ivt, Hol-hakitkat a binachi tok.

33. Atuk osh Hol-hakitkat a asht ivt, Chotbahlah ya binachi tok.

34. Atuk osh Chotbahlah ya asht ivt, Eblonah ha bina-chi tok.

35. Atuk osh Eblonah ha asht ivt, Esion-kaba ya binachi tok.

36. Atuk osh Esion-kaba ya asht ivt, Sin yakni haiaka, yummvt Katesh a binachi tok.

37. Atuk osh Katesh a asht kanvlli mvt, Ho nvniH Etom yakni vhli ya binachi tok.

38. Mihma naholitompa isht vtta Alon vt Ho nvniH ha Chihowah yvt im apesa ho oiya tok, Israel im vlla vhleha hvt Echip yakni ya kohcha tuk a afvmmi pokoli ushta ho hvshi ont ishit tahlapi nitak vmmona ma yummak o, ai illi tok.

39. Mihma Alon vt afvmmi tahlepa achvfa cha pokoli tuklo akucha tuchina hosh Ho nvniH ha ai illi tok.

40. Atuk o miko Alat Kenaanait, Kenaan yakni oka mahli pilla ahanta kvv, Israel im vlla vhleha hvt minti ka pit haklo tok.

41. Atuk o Ho nvniH ha asht ivt, Salmonah ha binachi tok.

42. Atuk osh Salmonah ha asht ivt, Punon a binachi tok.
43. Atuk osh Punon a asht ivt, Obolh a binachi tok.
44. Atuk osh Obolh a asht ivt, Iche-abalim Moab im ai v^hli ka binachi tok.
45. Atuk osh Iim a asht ivt, Tibon-kat a binachi tok.
46. Atuk osh Tibon-kat a asht ivt, Almon-tiblahlaim a binachi tok.
47. Atuk osh Almon-tiblahlaim a asht kanv^lli mvt, Nebo itikba Abalim nvⁿih chaha foka yak o binachi tok.
48. Atuk osh Abalim nvⁿih foka ya asht ia mvt, Chatan a Cheliko bilika Moab yakni matali ak o binachi tok.
49. Atuk osh Chatan bilika Belh-chesimolh a ashvt ia mvt, Moab yakni matali Abel-shittim a abinachi tok.
50. Atuk o Chihowah yvt Moses a Moab yakni matali Chatan bilika micha Cheliko bilika ya ai im anumpulit,
51. Israel im vlla v^hleha im anumpulit, Chatan a hlopulit Kenaan yakni ya ont hvsh chukowakmvt,
52. Yohmikmvt yakni yash okla aiasha tuk a hvchi tikba atihlelit hvsh kohchashke, micha i naholbvt toba puta moma ka okpvⁿit, bilvt akmot naholbvt toba puta ka okpvⁿit hvsh tahlashke, micha im achahaka puta akvchit hvsh vmohmichashke.
53. Micha okla aiasha tuk a yakni hvsh im ishi cha hvsh aiasha chi hoke, yakni ya hvsh isha chi ho hvchima li hatuk oka.
54. Micha yakni ya nashoeli hosh i yakni ya chi ho hvchin chuka achvfa v^hlpisa ho hvsh im ita kvsho lashke: micha laua i shahlikma yakni ya i shahlechit hvsh imashke, micha iklauokma yakni vt iklauo ho hvsh imashke; hatak i yakni aiyukali kv^t kanima itulakma yvmmak o i yakni ya chi hoke; hvch iki v^hleha ap^ehlichu v^hlpisa ho yakni ya hvsh isha chi hoke.
55. Amba yakni yash okla aiasha tuk a hvchi tikba hvchik kocha wehlo tuk ma; atukma yakohma hi oke, hvsh ashanchi tuk vt nahalupa yosh hvchi nishkin a shamv^lli ya hi oke, micha kv^ti chohmit hvchi naksi ya shimowoa ya yakni ya hvsh aiasha ka hvchilbvshala hi oke.

56. Micha yakohma hi oke, yvma i yvmihchi la he aiahni li tuk vt, hvchishno ya hvchi yvmihchi la hi oke, ish im achashke, im achi tok.

CHAPTA XXXIV.

MIHMA Chihowah yvt Moses a im anumpulit,
2. Israel im vlla vhleha ha im apesvt, Kenaan yakni ya ont hvsh chukowakmt, hvsh aiasha he vt ilvppak osh Kenaan yakni, micha aivhli fullota yakni hvsh ai isha chi mak oke,

3. Yohmikma hvchim oka mahli kashapa kvv yakni haia-ka Sin ak o vttvt ia hosh Etom ai vhli ak o vhlit aya hi oke; micha oka mahli hvchim ai vhli vt okhuta hvpi hvshi akocha ka ont ai vhli fehna ak a hi oke,

4. Atuk osh hvchim ai vhli vt oka mahli ya vttvt fullota kvv Aklabbim atuya onakmt hlopullit Sin a ona hi oke: micha ont akohcha vt oka mahli ha vttvt ia hosh Katesh-bania ya onakmt, ont ayvt Hasa-atta ona cha, ont ayakmt Asmon a ona hi oke.

5. Atuk osh ai vhli vt Asmon a vttvt et fullotakmt Echip okhina ya ona hi oke, micha akohcha yvt okhuta yak a hi oke.

6. Mihma hvshi ai okatula ai vhli hokvto okhuta ak inli kak osh hvchim ai vhla hi oke: ilvppak osh hvshi ai okvula hvchim ai vhla hi oke.

7. Mihma ilvppak osh falvmmi hvchim ai vhla chi hoke: okhuta chito ya vttvt nvni Ho ya ona ka hvsh apesashke.

8. Ho nvni ha vttvt, Hamalh ont achukowa ont vhli ho hvchim ai vhli ya hvsh apesashke, micha ai vhli ont a kohcha kvv Setat ak o ona hi oke,

9. Micha ai vhli vt ont ayvt Siflon a ona hi oke, micha ont akohcha kvv Hasa-enan ak a hi oke: ilvppak osh falvmmi hvchim ai vhla hi oke.

10. Micha hvshi akochaka hvchim ai vhli ya Hasa-enan a vttvt ia hosh Shefam ont vhli ka hvsh apesashke.

11. Micha ai vhli vt Shefam vttvt okvtahvt ia hosh Ain hvshi akochaka in tvnnvp ayvt Liblah ya onashke ; mihmvt ai vhli vt okvtahvt iakmvt okhvta Chinneloh lapalika hvshi akochaka pilla kak o onashke.

12. Mikmvt ai vhli vt okvtahvt ivt Chatan a ona hi oke : mikma ont akohcha vt okhvta hvpi yak a'hi oke. Ilvppak osh ai vhlit apakfoyupa aiena kvt hvchi yakni ya chi hoke, ish im achashke, achi tok.

13. Mihma Moses vt Islael im vlla vhleha ha im apesvt, Yakni ilvppak o na shoeli hosh hvsh abinila chi ho apehlichu hvsh chakkali cha iklvna aiena kak o hvchima he Chihowah yvt apesa tuk oke,

14. Luben apehlichu im vlla vhleha vto iki vhleha in chuka achvfa vllhpisa hosh, micha Kat apehlichu im vlla vhleha iki vhleha in chuka achvfa vllhpisa hosh i yakni ya ishi tuk oka ; mikma Manasseh apehlichu iklvna aiena kvt i yakni ishi tuk oka,

15. Apehlichu tuklo, micha apehlichu iklvna kvt i yakni ya Chatan ola in tvnnvp hvshi akochaka pilla, Cheliko bilika hvshi akochaka ak o ai ishi tuk oke, im achi tok.

16. Mihma Chihowah yvt Moses a im anumpulit,

17. Hatak ilvppa puta hohchifo kak osh yakni ya hvchim ita kvshkola chi hoke : naholitompa isht vtta Eleasa, micha Nvn ushi Choshua ita tuklo kak a'chi hoke.

18. Micha apehlichu puta ka holitopa achvfa ho hvsh atokoli na ai isha he vllpesa vllhpisa ho yakni yash ita kvshkolashke.

19. Micha hatak vhleha hohchifo hvt ilvppak oke ; Chutah apehlichika Chefvnnesh ushi Kaleb ak a hi oke.

20. Simeon im vlla vhleha apehlichika Ammihvt ushi Shemuel ak a hi oke.

21. Benchamin apehlichika Chislon ushi Elitat ak a hi oke.

22. Mihma Tan apehlichika ai achvfa holitopa Chokli ushi Bukki ak a hi oke.

23. Chosef im vlla vhleha ai achvfa holitopa Manasseh im vlla vhleha apehlichika Efot ushi Hanniel ak a hi oke.

24. Mihma Eflaim im vlla vhleha ap ehlichika aiachvfa holitopa vt Shiftan ushi Kemuel ak a hi oke.

25. Mikma Sebulon im vlla vhleha ap ehlichika aiachvfa holitopa vt Panak ushi Elisafan ak a hi oke.

26. Mikma Issaka im vlla vhleha ap ehlichika aiachvfa holitopa yvt Assan ushi Paltiel ak a hi oke.

27. Mihma Asha im vlla vhleha ap ehlichika aiachvfa holitopa vt Shelomi ushi Ahihvt ak a hi oke.

28. Mihma Naftali im vlla vhleha ap ehlichika aiachvfa holitopa vt Ammihvt ushi Petahel ak a hi oke.

29. Ilvppa puta kak osh Islael im vlla vhleha ha Kenaan yakni ya im ita kvshkola chi ho Chihowah hv apesa tuk mak oke.

CHAPTA XXXV.

MIHMA Chihowah yvt Moses a Moab yakni matali Chatan bilika, micha Cheliko bilika ya ai im anumpulit,

2. Islael im vlla vhleha hv Lefait vhleha hv aiasha chi ka ai isha he vhpesa yakni ya tvnaha holehta puta ka isht ima he, ish im apesashke; micha Lefait vhleha ha tvnaha holihta puta a bilika fullota ka hvsh imashke.

3. Micha tvnaha holihta puta aiasha chi kv im ashashke; mikma a bilika puta ka i wak, im ilayak micha i nan vhpoma aiena kv aiashashke.

4. Micha tvnaha holihta puta bilika apakfoyupa Lefait vhleha hvsh ima chi kv holihta ya hiki vt kocha pilla ia hosh kubit tahlepa sipokni achvfa banot apakfoyupa chi hoke.

5. Mikma tvnaha holihta yvma vttvt kocha ia kv hvshi akochaka in tvnnvp, kubit tahlepa sipokni tuklo, micha oka mahli in tvnnvp vt kubit tahlepa sipokni tuklo, micha hvshi ai okatula in tvnnvp vt kubit tahlepa sipokni tuklo, micha falvmmi in tvnnvp vt kubit tahlepa sipokni tuklo ho hvsh apesashke; mikma tvnaha holihta yvt ai iklvna hikiashke: ilvppak osh in tvnaha holihta ya im a bilika a puta yashke.

6. Micha Lefait vhleha ha tumaha holihta puta hvsh ima ka tumaha holihta a hla kofi yvt hannalashke, yvmmak oka hatak bika'vbi yvt om malela hi yo hvsh im apesashke : mi-cha ymma tumaha holihta pokoli ushta akucha tuklo ho hvsh im aienvchashke.

7. Yohmi ho Lefait vhleha ha tumaha holihta hvsh ima moma kut pokoli ushta akucha untuchina hi oke, yvmmak oka abilika fullota aiena ho hvsh imashke.

8. Micha tumaha holihta puta hvsh ima kut Islael im vlla vhleha i yakni ak o hvsh im ai ishashke : in lauakma, im ai ishit laua ho hvsh imashke ; amba ik in lauokma im ai ishit ik lauo ho hvsh imashke : moma kut ai isha he vhpesa ya ishi kak osh vhpisa ho Lefait vhleha ha tumaha holihta ya imashke, im achi tok.

9. Mihma Chihowah yvt Moses a im anumpulit,

10. Islael im vlla vhleha im anumpulit, Chatan a hlopulit Kenaan yakni ya ont hvsh chukowakmut,

11. Yohmikmut tumaha holihta, yvmmt tumaha holihta ahlakofi ya chi ho hvsh apesashke ; mikma hatak nana hosh ik nukta hlo hosh kvna ha vbikmut, yvmmak o nan vbi vt pit mallelashke.

12. Mikma yvmmt il aiokha hvsh im ahlakoffit aiokchaya tumaha holihta puta hashke ; yvmohmi na hatak vbi vt okla moma itikba hiki vt nan ik im vhpiso kisha kut ik illo kashke.

13. Micha tumaha holihta puta hvsh ima chi kut tumaha holihta hannali kut hvsh ahlakofi ya chi hoke.

14. Chatan ola in tvnvp a tumaha holihta tuchina ho hvsh imashke, miha Kenaan yakni ya tumaha holihta tuchina ho hvsh imashke, yvmmt ahlakofi tumaha holihta yashke.

15. Tumaha holihta hannali ilppak osh Islael im vlla vhleha, miha okla inla, miha nowvt aya tuk osh takla ahanta aiena ka ahlakofi ya chi hoke : yvmohmi ka kvna hosh ik nukta hlo hosh hatak vbikmut yvmmak o malelit onashke.

16. Atuk o tvli ishit toksvli yo isht isso na illikma, yvmmt hatak vbi yoke : hatak vbi vt illi pullashke.

17. Micha tvi y_o pila hosh isso na isht illa he v_lhpesa tuk o illikma, hatak vbi yoke; hatak vbi vt illi pulla hi oke.

18. Keyukmvt iti, ibbak isht itibi yosh isht illa he v_lhpesa h_o isht isso na illikma, hatak vbi yoke: hatak vbi vt illi pullashke.

19. Issish hlatapa k_a il aiokha hvt ilap akinli hosh hatak vbi yash vbashke: itafamakmvt vbashke.

20. Amba i nukkilli hosh ishit bahli na illi, keyukmvt in luma tuk osh pit ishit bahli na illi;

21. Keyukmvt i nukkilli hosh ibbak isht isso na, illikma, isso tuk vt illi pullashke; hatak vbi yokvt; issish hlatapa tuk il aiokha yvt afamakmvt hatak vbi yash vbashke.

22. Amba i nukkilli keyu hosh yakosi itin takla h_o ishit bahli, keyukmvt im aiehchi tuk keyu hosh nana kia pit om pila,

23. Keyukmvt tvi yosh hatak isht illa he v_lhpesa h_o p_isa keyu hosh pit om pila na illikma, mikma in t_unvp atuk keyukma, micha hotopali b_unna hatuk keyukma:

24. Yohmikma okla moma kv_t hatak vbi micha im issish hlatapa il aiokha ita tuklo nan v_lhpisa ilvppak o iakaiya hosh nan im apesashke:

25. Micha okla moma kv_t hatak vbi yash issish hlatapa il aiokha ibbak ash akohchit hlakoffichashke, micha okla moma kv_t t_umaha holihta ai okchaya malelit ai ona tuk, falvmminchit fohkashke: mikma y_umma ahanta na naholitompa isht v_tta moma ishahli bila holitopa ahama tuk vt illashke.

26. Yohmi tuk kia hatak vbi yash osh nitak kaniohmi h_o in t_umaha holihta aiokchaya malelit ona tuk vt kocha aya hokma,

27. Atuk o issish hlatapa il aiokha yvt in t_umaha holihta aiokchaya kocha ya ai ahayuchi cha, issish hlatapa il aiokha yvt hatak vbi yash vbi kia: issish hlatvbi kv_t im v_lhpisa he keyu hoke.

28. In t_umaha holihta aiokchaya anukaka ahanta na, naholitompa isht v_tta moma i shahli vt illi ha yak a hi atuk

oka: amba naholitompa isht vtta moma i shahli vt illi ha-yokmyno, hatak vbi vt falamvt i yakni ya ona hi oke.

29. Yvmohmi hoka, ilvppa puta kak osh nan vlhpisa isht apesa yosh hvchi aionchuloli puta hlopulli ka hvsh aiasha moma ka itoyula chi hoke.

30. Kena hosh hatak vbikmvt nishkin pisa itih pulla ho hatak vbi vt illa hi oke: amba witness achvfa hosh hatak nana ho i sanalit atokoli na illa he keyu hoke.

31. Micha hatak vbi vt illa he vlhpesa ka im ilhfiopak a nan aivlli hvsh isha he keyu hoke: amba illi pulla hi oke.

32. Micha malelit tumaha holihta aiokchaya ont chukowa tuk, nan aivlli hvsh ishi na, naholitompa isht vtta yvt ik illo kisha ho anonti i yakni ai vtta chi hosh vla he keyu hoke.

33. Yvmohmi hosh yakni hvsh aiasha kvv hvchik litehlo kashke: issish yvmmak osh yakni ya litehli hoka: micha yakni vt issish on hlatapa tuk vt kashofa he keyu, amba hlatvbi tuk im issish ak o ishit kashofa hi oke.

34. Yvmohmi hoka yakni hvsh aiasha chi, micha ai ahanta li ya hvchik litehlo kashke: Uno, Chitokaka sia hvv Israel im vlla vhleha takla ahanta li hoka, ish im achashke, im achi tok.

CHAPTA XXXVI.

MIHMA Chosef ushi vhleha in chuka achvfa puta ka ai-achvfa Manasseh ushi Maki ushi Kileat im vlla vhleha in chuka achvfa puta iki ishahli vhleha hvv bilika ona cha, Moses, micha holitopa vhleha, Israel im vlla vhleha iki i shahli vhleha itikba anumpulit,

2. Micha a shahli hvv Israel im vlla vhleha i yakni ya chi ho, yakni ya na shoeli hosh ima he ya Chihowah yvt im apesa tok oke; micha a shahli hvv il itibapishi Selofehat i yakni yatuk a ushetik vhleha hak o ima hi a Chihowah yvt apesa tok.

3. Atuk o Israel im vlla vhleha ap ehlich i inla ushi kani-ma ho auwayakma, i yakni yash piki vhleha i yakni ya ai ishi cha, ishi tuk ash ap ehlich i i yakni ak o ibafohka hi oke;

yohmi hosh nashoelit il ishi tuk, pī yakni yash pim ai isha hi oke.

4. Micha Israel im vlla vhleha in chubili vt vlakma, i yakni yash, ishi tuk ash ap ehlich i yakni ya ibafohka chi hoke; yvmohmi hō i yakni yash pīki vhleha im ap ehlich i hā im ai isha hi oke, im achi tok.

5. Mihma Moses vt Chihowah im anumpa hatuk mak o Israel im vlla vhleha hā im apesvt, Chosef ushi vhleha ap ehlich i hut vlpesa hō achishke.

6. Nana ilvppak o Selofehat ushetik vhleha pulla kā Chihowah hut apesvshke, kvna hō vlpesa ahnikmvt auwayashke: yohmi kia iki ap ehlich i chuka achvfa yak o auwayashke.

7. Yvmohmi hō Israel im vlla vhleha i yakni vt kanvllit ap ehlich i achvfa vttvt ap ehlich i inla onvt ik mahayo kashke: Israel im vlla vhleha hut ilap iki vhleha ap ehlich i ai yukali kak o ibafoyuka chi hoka.

8. Mihma ushetik ai yukali kv Israel im vlla vhleha ap ehlich i kanima hō yakni ai ishi tuk mvt, ilap iki ap ehlich i achvfa ya aiauwaya hi oke; yvmohmikma Israel im vlla vhleha hatak puta kv iki vhleha i yakni ai yukali hō ai isha hi oke.

9. Micha i yakni vt ap ehlich i achvfa vttvt ap ehlich i inla onvt mahaya he keyu hoke; amba Israel im vlla vhleha ap ehlich i ai yukali kv ilap i yakni ak inli hō ibafoyuka hi oke, achi tok.

10. Chihowah yvt Moses a im apesa tuk mak o, Selofehat ushetik vhleha hut yvmihchi tok.

11. Mahlah, Tisah micha Hoklah micha Milkah micha Noah, Selofehat ushetik vhleha hut iki itibapishi ushi vhleha hō auwaya tok okvt:

12. Micha Chosef ushi Manasseh ushi vhleha chuka achvfa vhleha ai auwaya tok, micha iki in chuka achvfa ap ehlich i ak o i yakni vt ibafoyuka moma tok.

13. Nan vlpisa, micha ai vlpiesvt im apesvt yvmihchi ilvppa puta kak o Chihowah yvt Moses a tohnot Moab yakni matali Chatan bilika, micha Cheliko bilika ya Israel im vlla vhleha hā ai im apesa tok oke.



TUTELONOMI HOLISSO.



MOSES I HOLISSO ISHT TAHLAPI KUT TUTELONOMI HOHCHIFO HOKE.

CHAPTA I

ANUMPA iluppa puta kak o Moses vt Israel moma ka Chatan ola in tunvp, yakni patali, yakni haiaka okhuta humma ichapaka ya, Palan micha Tofel, micha Laban, micha Haselolh, micha Tisahab iti takla ya ai im anumpohenli tok.

2. Holeb a vttvt Sei nvni h a ont ia hosh Katesh-banea ona ka nitak auahchufa ka anowa yoke.

3. Atuk o yakohmi tok; afvmmi ont ishit pokoli ushta, hvshi ont ishit auahachufa, nitak vmmona ma, Moses vt Israel im vlla vhleha h a, Chihowah yvt nanvlhpisa imma ima tuk mak o, moma ka im anumpuli tok.

4. Amolait okla i miko Sihon Heshbon ai vta tok, micha Bashan i miko Ok Etlei talaia Ashtalolh vta yo vbi ha yvt:

5. Chatan ola in tunvp Moab yakni ya, Moses vt nan vlhpisa iluppa ai im anumpulit ishtivt,

6. Pin Chitokaka Chihowah yvt Holeb a a pim anumpulit, Nvni iluppa hvsh ahanta tok a hopaki kut vlhpeshke.

7. Hvsh fullota cha, itvnowvt ayvt, Amolait okla i nvni, micha bilika taloha moma, yakni patali, micha nvni foka, micha okfa, micha okamahli, micha okhuta lapalika aiena, Kananait okla i yakni, micha Lebanon aiena ka onvt okhina chito Eufalates okhina ya hvsh onashke.

8. Yakeh, yakni ya hvchi tikba talali lishke; chukowvt yakni ya Chihowah yvt hvchiki vhleha Eblaham, micha Aisaak, micha Chekob, micha im ishtiaka iakaiyvt mihinti aiena ka anumpa kvllo anumpulit, ima tok a hvsh ishashke, achi tok oke, achi tok.

9. Mihmut nitak yvmma hvchim anumpulit, Uno ak bano kvv hvchi laue la he keyushke, achi li tok.

10. Hvchin Chitokaka Chihowah yvt hvchi apaknvchi tuk oke; atuk o yakeh, hvchi apakna kvv himak nitak a vba fochik puta ka hvsh chohmishke.

11. Hvchiki vhleha in Chitokaka Chihowah yvt himak a hvsh kaniohmi ka laua kvv tahlepa sipokni hoh kia i shahli ha hvch ikbashke; yvmihcha he hvchi miha tok mak osh, hvchi yupalashke.

12. Katiohmi kak osh vno ak bano kvv nan isht hvsh atakvma, micha na hvchi weki, micha hvsh itachowa aiena ka shaiyali la hinla cho?

13. Hatak hopoyuksa, nan ithana hvchim apelihchi vt ithana hoka, hvsh ishi na, hvchi pehlichha he a ikbi lashke, achi li tok.

14. Mikma hvchishno ak osh afalaminchit, Nana ish anumpuli ka e yvmihchikmut pim achukma hinlvshke, hvsh svm achi tok.

15. Yohmi ho hvchim apelihchi puta ka i shahli vhleha hatak hopoyuksa, ithana vhleha ha ishi lish, hvchi noshkoboka puta ikbit tahlepa sipokni puta i kvpotvni, micha tahlepa puta i kvpotvni, micha pokoli tahlapi puta i kvpotvni, micha pokoli puta i kvpotvni hvchim ikbi li tok: micha hvchim apelihchi puta ai itin takla ya nan vltoka puta ka ikbi li tok oke.

16. Michha nitak yvmma hvchi nan apesa vhleha ha atokolit i mihvt, Hvchitibapishi vhleha itin takla nan iti kaniohmi ya hvsh im ahaponaklashke; micha hatak puta, micha itibapishi nan iti kaniohmi, micha ckla inla takla asha tuk aiena ka ai vhlpiesa ho hvsh im apesaashke.

17. Nan apesa kvv, hatak yohmi hoka, ish ahna he keyu hoke: amba chipunta kak kia hochito ka iti lauechit hvsh i haponaklashke; hatak nashuka ya hvchik i nukshopo kashke; nan im apesa yvt Chitokaka immi hoka; atuk osh nana kvv hvchi kvvlo fehnakmut, isht hvsh svm ala na, vno ak osh haponaklo lashke, im achi li tok.

18. Micha nitak yvmma nana moma hvsh yvmohma chi ka hvchim apesa li tok.

19. Atuk o Holeb a ashvt il ia mvt, yakni haiaka chito, micha palvmmi, hina takla Amolait okla i nvni h a hvsh a pisa chash pin Chitokaka Chihowah yvt pim apesa tuk mak o mominchit e hlopulli tok; mihmvt Katesh-banea ya ela tok.

20. Mihma Amolait okla i nvni h, yvmmak oka pin Chitokaka Chihowah yvt pima tuk mak o hvshlvshke, hvchim achi li tok.

21. Yakeh, Chin Chitokaka Chihowah yvt yakni yash chi tikba talalishke: hvchi ke vhleha in Chitokaka Chihowah yvt chim achi tuk mak o, i vt ishi: chi nukshopa na, micha chi chukvsh vt ik ello kashke, chim achi li tok.

22. Mihma hvsh moma kv a bilika hvshla tok; micha, Hatak ak o pi tikba e pilakma, yvmmak osh yakni ya pim ahopokoyot tahli cha, hina kanima ho il ia hinla, micha tvmaha holihta kanima ho il ona chi ka, anonti anumpa ishit pim vlashke, hvsh achi tok.

23. Mihma nana hvsh achi ka vm vlpesa tok; mihmvt hatak hvsh auahtuklo, apchlich i achvfakma achvvt ia ho ishe li tok.

24. Mihma fullotvt nvni h a ia tok; atuk osh okfa Eshkol a ona cha, ahopokoyot tahli tok.

25. Micha yakni nana awaya ai ishit ibbak a ishit pim va mvt, anonti anumpa isht pim vlt, Yakni achukma pin Chitokaka Chihowah yvt pimvshke, achi tok.

26. Yohmi hak inli kia hvsh ia he keyu tok; amba hvchin Chitokaka Chihowah im anumpa h a hvsh kobvffi tok.

27. Mihmvt hvchi bina puta ashvt na mihvt anumpulit, Chihowah yvt pi nukkilli kak osh Echip yakni ya pi kohchit pisht va cha, Amolait ibbak a pi fohki na, vbit pi tahla chi ha tuk oke.

28. Katima hak o il ia chi cho? pitibapishi vhleha hv, Okla hatak hochito, micha chaha kv pi shahli hoke; tvmaha holihta vt hochito, micha aholihta kv shutik a ona

hoke; micha Anakim ushi vhleha ha yvmma il apisa tuk oke, achit pi chukvsh a iellichishke, hvsh achi tok.

29. Yohmi ma, Hvsh i komunta na, micha yvmmak o hvsh i nukshopa na,

30. Hvchin Chitokaka Chihowah ak osh hvchi tikba ivt hvsh pisa ho, Echip a hvchim a yvmihchi tok moma ka chohmit hvchim itiba chi hoke.

31. Micha yakni haiaka hvsh ataya moma ka, hatak osh ushi shoyuli ka chohmit, hvchin Chitokaka Chihowah yvt kaniohmit chi shoyuli ho pihisvt iluppa hvshla tuk oke.

32. Yohmi kia nana iluppa hvchin Chitokaka Chihowah ya hvsh i yimmi tok keyu hoke.

33. Yvmmak osh hina ya hvchi tikba aya tok, micha binah hvsh ahilecha chi ka hoyot hvchim ahayuchi tok; ninak ma, hvsh atia chi ka hvchim anola chi kv luak a tok; atuk osh nitak hoshonti ha tok.

34. Mihma Chihowah yvt hvchim anumpa ola ka haklo cha, nukhobela mvt, anumpa kullo anumpulit,

35. Hatak iluppa puta aionchuloli haksi iluppa ai achufa tuk vt achufa kia iki vhleha ima la he, mihvt anumpa kullo anumpule li tok, yakni achukma iluppa pisa chi keyu pulla hoke,

36. Chevnnneh ushi Kaleb ak illa chi hoke: yvmmvt pisa hi oke: yvmmak osh yakni anowa tuk a ima la hi oke, micha yvmma im vlla puta ka ima la hi oke: Chihowah ya aioklvhut im antia tuk oka, achi tok.

37. Micha Chihowah yvt hvchishno pulla kak o a nukowa cha, yvmma ish chukowa he keyu, ak inli.

38. Amba Nvn ushi Choshua chi tikba hikia kak osh yvmma chukowa chi hoke; ish ai i yimitvchashke, yvmmak osh Israel a abinilicha chi hoke, vm achi tok.

39. Mikma hvchin chipunta vhleha yvmmak osh wehpoa chi, hvsh achi tok vto, micha hvchim vlla yvmmvt nitak yvmmvt nan achukma micha ik achukmo aiena ka ik ithano tok, yvmmak oketo yvmma chukowa chi hoke; yvmma ima la chi hoke, mikma binila chi hoke.

40. Amba hvchishno vto fullotvt yakni haiaka Okhvta humma ak o aitenowvt hvsh iashke, achi tok.

41. Yohmi ma afalaminchit hvs svm achi mvt, Chihowah ya il i yoshoba tuk oke; pin Chitokaka Chihowah yvt nana moma pim achi tuk mak o il ia cha, il itibashke, hvs svm achi tok, Atuk osh hatak hvsh moma kut in tvnvp na halupa ayukali hvsh il apakshvnnichi mvt, nvni bokko hvsh ia chi kut hvchim vltaha tok.

42. Mihma Chihowah yvt vm achi mvt, Hvsh ia ná, mi-cha hvsh itibi ná, hvchiba foka li keyu hoke; keyukmvt hvchin tvnvp vhleha hā itikba hvchi akakoha na, ish im achashke, vm achi tok.

43. Yohmi hō hvchim anumpule li tok; yohmi ma hvsh haponakla he keyu tok; amba Chihowah im anumpa hā i filvmmi hvsh i sanali cha, ilapunlvut nvni foka hvshla tok.

44. Mihma Amolait vhleha nvni foka yvmma asha tuk vt kohchvt hvchi sanali cha hvchi tihlelit foishki chohmi tok; micha Sei ya hvchibit Homah ya hvchishtona tok.

45. Mihma hvsh falama cha, Chihowah itikba ya hvsh yahaya tok; yohmi kia Chihowah yvt hvchim anumpa hā hakla he keyu tok; micha hvchi haponakla he keyu tok.

46. Yohmi hō Katesh a hvsh aiasha na nitak laua kut, yvmma hvsh aiasha atok mak atok.

CHAPTER II.

YUMOHMI hō e fullota cha, Chihowah yvt vm anumpuli tuk mak o; yakni haiaka pilla, Okhvta humma aitenowvt il ia tok: mihmvt nitak laua nvni Sei ya il apakfoypa tok.

2. Mihma Chihowah yvt vm anumpulit,

3. Nvni ilvppa hvsh apakfoypa tok a hopaki kut vhpeshke: falvmmi pilla hō hvsh fullotashke.

4. Micha okla hā im apesvt, Hvsh itibapishi vhleha Esau im vlla vhleha Sei aiasha kā im aivhli ont hvsh hlopulla chi

hoke; mikma hvshi nukshopa chi hoke; yvmohmi hoka, ahah, hvsh il ai ahni fehnashke.

5. Micha hvsh in tanampi na, i yakni peh iyi potta ahabli achofa chohmi kia, hvchima la chi keyu hoka; nvnih Sei ya Esau vt aiasha he a ima li hatuk oka.

6. Ilimpa ya tuli holisso ya isht hvsh in chumpa hosh hvsh impa chi hoke; micha oka aiena ka tuli holisso ya isht hvsh in chumpa hosh hvsh ishka chi hoke, achi tok.

7. Hvchin Chitokaka Chihowah yvt chibbak na hvsh toksuli puta ka na hvchi yukpali tuk oka: yakni haiaka chito ilvppa hlopullit hvsh itvnohowa ka ithana hoke; afummi pokoli ushta ilvppak ash chin Chitokaka Chihowah yvt chiba foyuka tuk oke: nana ik chim iksho kit iksho tuk oke, achi tok.

8. Atuk osh il itibapishi vhleha Esau im vlla vhleha, yvm-mvt Sei ya asha ka issvt ant il ivt, Elalh micha Esion-kaba vttvt aiia, yakni patali hlopulli ya il ona mvt, e fullota cha, Moab yakni haiaka hina ya ont il ia tok.

9. Mihma Chihowah yvt vm achi mvt, Moabait vhleha ha ish ilbvshali na, micha in tanampi hosh ish itibi na: chi yakni ya chi ho, i yakni a chima la he keyu hoka; Lot im vlla vhleha hvv i yakni ya chi ho Ah ya ima li tuk oka.

10. Chashpo ma, yvmmak o Emim vhleha hosh okla chito, micha laua, micha chaha kvv Anakim ak o chohmi hosh aiasha tok.

11. Yvmmak kia Anakim ak inli chohmit hatak chaha hohchifo tok; amba Moabait vhleha hvv Emim hochifo tok.

12. Holim vhleha hoh kia chashpo ka Sei ya asha beka tok; yohmi tok kia Esau im vlla vhleha ak osh itikba ya ai ishit kanchi ha yvt, iakaiya tok; micha Israel vt yakni aiasha Chihowah yvt ima tuk a yvmihinchi tuk a chohmichi cha vltobvt aiasha tok.

13. Himak a hvsh wakaya cha, bok ushi Selet a hvsh hlopullashke, achi li tok; mihma bok ushi Selet a e hlopulli tok.

14. Mihma Katesh-banea ashvt e minti tok, vttvt bok ushi Selet a e hlopulli tok, ant vhli ka iti takla kvv, afummi pokoli tuchina akucha untuchina tok; polaka hatak

tuvp aya ai iti shali moma kut Chihowah yut anumpa kullo im anumpuli tuk mak o, okla itin takla ya akohchvt ont taiyaha tok.

15. Chihowah yut okla chito ai iti takla ai ishit kahanchi na, ont moshola chi ka ibbak vt i sanali ho mvhli ha tuk oka.

16. Yohmi ho yakohmi tok, hatak tuv p aya moma kut, okla ai iti takla ya kohchvt ont mosholit illit taiyaha ma,

17. Chihowah yut vm anumpulit,

18. Himak nitak a Moab im ai vhli Ah ya hvsh hlopulla chi hoke.

19. Atuk osh Ammon im vlla vhleha ha ichapa ka, bilika ish onakmvt ish ilbvshala he keyu, micha ish ataklvmma he keyu, Ammon im vlla vhleha i yakni a binila he a chima la he keyu hoka; Lot im vlla vhleha i yakni ya chi ho ima li tuk okvt, achi tok.

20. Yvmmak kia hatak chaha i yakni hohchifo tok; nitak chashpo ka hatak chaha yut yvmmak o aiasha tok. Mihma Ammonait vhleha hv t Samsvmmim okla yoke, achi tok.

21. Okla chito, micha laua, micha chaha kut Anakim ak o chohmi tok; yohmi tuk kia Chihowah yut itikba ya ai ishit kanchi tok; mihma iakaiya cha, vltobvt aiasha tok.

22. Holim vhleha hash Esau im vlla vhleha hv t Sei aiasha tuk itikba ya ai ishit kanchi ma, yvmmak inli chohmichi tok; mikma okla iakaiya cha, vltobvt aiasha tuk vt himak nitak a ant ai vli hoke.

23. Mihma Afim vhleha yvmmvt Haselim a aiashvt Assa ont vli tuk a, Kaftolim yvmmvt Kafto ashvt kohcha tuk vt ai ishit kanchi cha, vltobvt aiasha tok.

24. Hvsh wakaya cha nowvt ivt Anon okhina ya hvsh hlopullashke, yakeh, Amolait Sihon Heshbon i miko, micha i yakni ya chibbak fohki lishke; abinilit ish wakayashke, itibi yak o ish i kvlashke.

25. Himak nitak a oklushi puta shutik nutaka aiasha kut, chi annowa ka haklo puta ka chi komunta, micha chi nuk.

shopa onochit ishtia likma, chishno pulla kak o wwnihinchi cha, komihincha chi hoke, achi tok.

26. Mihma anumpa shali vhleha ha Katemolh yakni haia-ka ya akohchit Heshbon i miko Sihon a anumpa iti nanaiya ya pit i pilvt.

27. Chi yakni ya ak hlopulli, is svm ahni, hina ak o aya la chi hoke, ishtimpakimma, micha vlftebekimma pit fullota la he keyu hoke.

28. Upa la chi ka tvi holisso vlhtoba ho ilhpak is sv-mashke; ishko la chi ho tvi holisso vlhtoba ho oka is sv-mashke, peh aka hikia hosh chi yakni ya hlopulli lashke.

29. (Esau im vlla vhleha, yvmmt Sei aiasha kv, micha Moabait vhleha Ah aiasha kv si yvmihchi tuk oka;) yv-mohmi na, Chatan a hlopullit pin Chitokaka Chihowah yvt yakni pima tok a ona lashke, achi li tok.

30. Yohmi tuk kia Heshbon i miko Sihon vt ant ik hlopulli, ik pim ahno tok; Chin Chitokaka Chihowah yvt imi shilombish a kullochi tok, micha chukvsh a kullochi tok oka; yvmmt chibbak a fohka chi kak atok, himak nitak kia yvmohmishke.

31. Mihma Chihowah yvt, yakeh, Sihon micha i yakni ya chitikba a chimvt isht ia lishke, a binilit ish wakayashke; fohmi cha, i yakni ya ish ishashke, vm achi tok.

32. Yohmi ma Sihon micha im okla moma aiena kv pi analit, pitiba chi hosh kohchvt Chahas ak o vla tok.

33. Mihma pin Chitokaka Chihowah yvt pi tikba ya pibbak a fohki tok; mihma ymma micha ushi vhleha, micha im okla moma aiena ka issot e kanchi tok.

34. Mich a nitak ymma in tmaha holihta puta moma ka il ishi cha, tmaha holihta puta hatak, micha ohoyo, micha vlla aiena ka ishit kanchit il vmohmichi tok; achvfa kia kil apoancho tok.

35. Peh nan vlhpoa ak illa ho, na wehpoa il il aieshi tok; micha tmaha holihta il ishi ha tuk a na wehpoa aiena ak a tok.

36. Aloe yvmmt Anon okhina ont alaka, micha tmaha holihta yvmmt okhina bilika a talala ka vtvt ia hosh Ki-

eat ont vhlí ká, tvmaha holihta achvfa kia kullo kv̄t pí hahli tok keyushke; pin Chitokaka Chihówah yvt momin-
hit pibbak á fohki tok.

37. Peh Ammon im vlla vhleha í yakni, micha okhiná
Hhabbak atalaia kanima yoh kia, micha nv̄nih foka tvmaha
holihta puta ká, micha nana hó pin Chitokaka Chihowah
vt pim alv̄mmi tuk ma, chik ona tok.

CHAPTA III.

YOHMI ma e fullota cha, Bashan hina ia kak o il ia tok
mihma Bashan í miko Ok yv̄mma, micha im okla
noma aiena kv̄t pí sanalit pitiba chí hosh, kohchvt Etlei ya
la tok.

2. Mihma Chihowah yvt, Ish í nukshopa na, yv̄mma
micha im okla moma, micha í yakni ya chibbak fohki la chí
hoke; mikma Amolait vhleha, yv̄mmvt Heshbon aiasha tuk
miko Sihon á ish yvmihchi tuk vt ish chohmicha chí
hoke, vm achi tok.

3. Yohmi hosh pin Chitokaka Chihowah yvt Bashan í
miko Ok ak kia micha im okla moma ká pibbak fohki tok;
atuk o issot e kanchi na, í hlakofi kv̄t iksho tok.

4. Micha nitak yv̄mma in tvmaha holihta moma ká il
shi tok; tvmaha holihta kil im esho tuk achvfa kia iksho
ok, Bashan í miko Ok im apéhlichika Akob aivhli fullota
noma ká tvmaha holihta pokoli hannali tok.

5. Tvmaha ilv̄ppa puta kv̄t holihta chaha isht aholihta
hosh holihta okhissa, micha im okhowatkv̄chi yokma, tv-
naha ushi ik aholihto laua fehna tok.

6. Micha Heshbon í miko Sihon a tok á chohmichit ishit
kanchit, il vmohmichi tok, tvmaha holihta puta hatak, micha
ohoyo, micha vlla vhleha aiena ká ishit kanchit il vmohmi-
chi tok.

7. Amba nanv̄lhpoa moma, micha tvmaha holihta puta
aa welhpoa yó il il ai ishi tok.

8. Micha nitak yv̄mma Amolait okla í miko tuklo ká í

yakni Chatan ola in twnvp Anon okhina vttvt ia hosh nvniH Hemon ont vhli ka ibbak a akohchit il im ishi tok;

9. Hemon yvmma Sitionian vhleha hvH Silion achikma, Amolait vhleha hvH Shen achi chatuk;

10. Yakni patali tumaha holihta moma, micha Kileat moma, micha Bashan moma, Bashan vttta Ok im apehlichika, in tumaha holihta Salkah micha Etlei ont vhli tuk a il ishi tok.

11. Hatak chaha vhleha asha hatuk a Bashan i miko Ok ak bano hosh okchayvt ahanta tok; yakeh, in topa hvH tuli topa hatok; Ammon im vlla vhleha aiasha Labbah hikja keyu cho? hatak i kubit vlpisa hosh falaia kvH kubit chak-kali tok, micha auahtha kvH kubit ushta tok.

12. Mihma yakni ilvppa nitak yvmma, Aloe yvmmvt Anon okhina bilika talaia ka vttvt ia hosh Kileat nvniH iklvna vhli kvH in tumaha holihta puta aiena il ishi tuk a Lubenait vhleha, micha Katait vhleha aiena kak o ima li tok.

13. Mikma Kileat atampa ka, micha Bashan moma, yvmmvt Ok im apehlichika ya Manasseh ishtatiaka iklvna ya ima li tok; Akob aivhli moma, Bashan aiena moma, yvmmvt hatak chaha yakni hohchifo ha tok.

14. Manasseh ushi Chai vt Akob yakni moma Cheshuli micha Maakahli ont vhli ka ishi cha, ilap hohchifo ya aho-chifochit Bashan-hafolh-Chai, achi tok, himak nitak a moma hoke.

15. Mihma Kileat a Maki ak o ima li tok.

16. Lubenait vhleha micha Katait vhleha ha, Kileat a vttvt ia hosh Anon okhina ont vhli okfa iklvna, micha aivhli Chabbak okhina yvmmvt Ammon im vlla vhleha im aivhli ya ont vhli;

17. Micha yakni patali, micha Chatan, micha im aivhli Chinnelelh a vttvt ia hosh yakni patali okhvta, hvpi okhvta, Ashtolh-piskah nvniH nuta hvshi akochaka imma ont vhli ka ima li tok.

18. Micha nitak yvmma hvchim anumpohonli li mvt, hvchin Chitokaka Chihowah yvt yakni ilvppa hvsh binila chi ka, hvchima tuk oke; twnvp aya hinla moma kvH, nahalupa

huchim vlhtaha hosh, hvchitibapishi vhleha Israel im vlla vhleha ha itikba hvsh hlopulla chi hoke.

19. Amba hvchi tekchi vhleha, micha hvchim vlla vhleha, micha hvchi nanvlhpoa (nanvlhpoa hvchin laua ka ithana li hoka) aiena kut hvchin tumaha holihta puta hvchima li tuk a asha na,

20. Chihowah yvt hvchishno a hvchi yvmihchi tuk vt chohmichit, hvchitibapishi vhleha ha fohvchashke: micha yvmmak kia yakni ya hvchin Chitokaka Chihowah yvt Chatan mish-tunnv a ai ima tuk a abinilashke: yohmikma hvchima li tuk hvchi yakni a hatak aiyukali kut falamvt hvsh onashke, hvchim achi li tok.

21. Micha nitak yvmmak inli ka Choshua ya im anumpulit, Chin Chitokaka Chihowah yvt miko tuklo ilvppa kaniohmichi tuk moma ka, chi nishkin vt pisvshke; apeliichika puta kanima yo ish hlopullikma Chihowah yvt yvmihcha hi oke.

22. Hvsh i nukshopa he keyu: Chin Chitokaka Chihowah yvmmak osh chim itiba chi hoke, chim achi li tok.

23. Micha nitak yvmma Chihowah ya im asilhhvt,

24. Chitokaka Chihowah ma, a chi chito, micha chibbak akullo ka chin tishu ha im otvninchit ish wakaya tuk oke: Chitokaka nanta hak osh vba ahantakmut, keyukmut yakni ahanta kut a chi kullo ka yvmohmit, ish a toksvli ya yvmihcha hinla hotuma?

25. Chim asilhha lishke, ak hlopulli cha, yakni achukma yvmmut Chatan mish tunnvp talaia ka, nnih aiokli, micha Lebanon yvmma ak pesa, achi li tuk.

26. Yohmi kia Chihowah yvt hvchishno ak a tuk pulla mak o, a nokowa cha, a haponakla he keyu tok: micha Chihowah yvt, Ik chim vlhpesa, himakma nana ilvppa isht chik svm anumpulo kashke.

27. Oiyvt, Piskah pakuaka ya ish onashke, micha hvshi aiokatula pilla, micha falvmmi pilla, micha oka mahli pilla, micha hvshi akochaka pilla pit ish hopokoyashke, micha chi nishkin a isht ish pisashke: amba Chatan ilvppa ish hlopulla chi keyu hokvt.

28. Yohmi kia Choshua ya atokolit im anumpulit, aiyi-mitvchit, ish hlampkochashke; yummak osh okla ilvppa itikba tanvbli cha, yakni ish pisa chi ka a binilicha chi hoke, um achi tok.

29. Yohmi ho Belhpeo ichapaka okfa hak o il aiasha tok.

CHAPTA IV.

YUMOHMI hoka Israel ma, himak a nan vlpisa, micha aivlhpiesa yvmihinchi hvchim avvchi li ka hvsh yvmihcha chi kv, hvsh haklashke; yvmohmi hosh hvchi okchaya cha, hvchiki vhleha in Chitokaka Chihowah yvt yakni chima tok a chukowvt hvsh a binilashke.

2. Anumpa hvchim apesa li tuk a hvsh ibafohka he keyu, micha hvsh ola taklvcha he keyu; yvmohmi hosh hvchin Chitokaka Chihowah i nan vlpisa puta hvchim apesa li tuk a hvsh holitoblashke.

3. Baal-peo pulla ho Chihowah yvt kaniohmichi tuk a hvchi nishkin vt pisa tuk oke; chin Chitokaka Chihowah yvt hatak Baal-peo iakaiya tuk moma ka hvch itin takla ya ai ishit kanchi tuk oka.

4. Amba hvchin Chitokaka Chihowah ya hvsh asitia tok vto hvsh moyuma kv himak nitak a hvchi okchayvshke.

5. Yakeh, yakni yumma hvsh ia kv, hvsh binilikmvt, hvsh yvmihcha chi ho, an Chitokaka Chihowah yvt um apesa tuk mak o, chohmit, nan vlpisa, micha aivlhpiesa yvmihchi puta ka hvchim avvchi li tuk oke.

6. Yvmohmi hoka hvsh holitobli cha, hvsh yvmihchashke; ilvppak osh oklushi puta nan vlpisa ilvppa hahaklokmvt, Oklushi chito ilvppvt okla hopoyuksa, micha nan ithana ghli yoke, chi acha he, itikba ya hvsh apoyuksa, micha na hvsh ithaiyana hokvt.

7. Oklushi nanta hak osh holitopa kv yakohmi hotuma? yumma in Chitokaka yvt pin Chitokaka Chihowah ya nana moma ka il im asilhha chatuk a i bilinchi hv chohmi hotuma?

8. Micha oklushi nanta hak osh holitopa kvt yakohmi cha, nan vlhpisa, micha aivlhpiesa yvmihchi aiena kvt vlhpesa fehna, nan vlhpisa ilvppa moma himak nitak a chi tikba hilechi li ka chohmi kvt in tonla hotuma?

9. Peh ahah, hvsh il ahni cha, hvchimi shilombish a achu-nanchit hvsh ieshashke, keyukmut, nana puta hvchi nishkin vt pisa tuk vt hvchim ahaksi na, micha chi okchaya nitak moma ka hvchi chukvsh a akohchvt knia na: amba chiso puta, micha chiso ha ushi puta ka ish im avchashke.

10. Micha Holeb a hvchin Chitokaka Chihowah itikba ya hvsh hieli tok nitak fehna ka hvsh ithanashke; Chihowah yvt vm achi mvt, Okla ha is svm ai itunahlashke, mikma vm anumpa ha haklochi lashke, yohmi ho nitak moma okchayvt yakni paknaka aiasha takla kvt, a nukwia he osh ithana cha, im vlla vhleha ha im avchashke, achi tok.

11. Mihma bilika onvt, nvnihi nutaka ya hvsh hieli tok; mihma nvnihi hvt luak ishit lua hosh shutik iklvna ona ma, okhlili, hoshonti, micha okhlili sukko aiena tok.

12. Mihma Chihowah yvt luak iklvna et a hvchim anum-puli tok; anumpa ola hokvno hvsh haklo tok, yohmi kia na holba ka hvchik peso tok; peh ola kak illa ho hvsh haklo tok.

13. Micha i nan itim apesa hvsh yvmihcha chi ho hvchim apesa tok, nan vlhpisa pokoli ka hvchim anoli tuk oke; micha tuli patvssa tuklo ho ai o holissochi tok.

14. Mihma nitak yvmma nan vlhpisa, micha aivlhpesa yvmihinchichi ya yakni yvmma onvt hvsh a binilikmut hvsh yvmihcha he yo hvchim avuchi la chi ka, Chihowah yvt vm apesa tok.

15. Yvmohmi hoka, ahah, hvsh ibai ahni fehnashke; nitak yvmma Chihowah yvt Holeb a luak iklvna ho et hvchim ai anumpuli ma, na holba nana kia hvsh pisa tok keyu hokvt;

16. Keyukmut hvsh il okpni cha, tvhvt na holbvt toba ikbit na pisa kaniohmi, nakni, keyukmut, tek nana kia holba;

17. Nampoia yakni paknaka aiasha holba, hushi sanachi asha helit vba itanowa holba,

18. Nana kia yakni pakna om balahanli holba, nvni nana kia yakni nutaka oka ai itanowa holba ya hvchik bo kashke;

19. Micha keyukmut, hvchi nishkin a shutik pilla aka chakalichi cha, hvshi micha hvshi ninak aya, micha fochik puta, vba nana moma fehna ka hvsh pisakmut, yummak oka chin Chitokaka Chihowah yvt oklushi puta vba moma nuta ka im ita kashvli tok a, yoshoba cha aiokpuchit hvsh im antia na.

20. Amba Chihowah yvt hvchishno ya hvch ishi cha, tuli abila Echip fehna ka hvchi kohchi kv, okla immi ha chi ha tok o, himak nitak a hvsh yvmohmishke.

21. Micha Chihowah yvt hvchishno ak a tuk pulla mak o, a nukhobela cha, anumpa kullo anumpulit, Chatan a ak hlo-pullo ka he, micha yakni achukma ymma hvchi yakni ya chi ho chin Chitokaka Chihowah yvt hvchima tok a ak chukowo ka chi miha tok,

22. Amba yakni iloppak o a vlla chi hoke, Chatan a hlo-pulli la he keyu hoke; amba hvchishno vto hvsh hlopulli cha, yakni achukma ymma hvsh iesha chi hoke.

23. Ahah, hvsh il alnashke; keyukmut nan itim apesa ymma hvchin Chitokaka Chihowah yvt hvch itim apesa tok a hvchim a haksi cha, tvhlt na holbt toba, keyukmut nana kia holba ymma chin Chitokaka Chihowah yvt hvchim olubi tok a hvsh ikbi na,

24. Chin Chitokaka Chihowah yvt luak na hushmit tahli, Chitokaka nuktagahla yoka.

25. Hvchim vlla vhleha hv, micha vlla vhleha hash im vlla vhleha hv hvchim asha cha, yakni ya hvsh asha hopa-kit taiyahakmut, hvsh il okpvnit tvhlt na holbt toba, keyukmut nana kia holba hvsh ikbi cha, chin Chitokaka Chihowah itikba ya nana ik achukmo ka yvmohmit hvsh nokowchikmut;

26. Yakni ya hvsh isha chi hosh Chatan a hvsh hlopulla chi kv, chekusi a chukillissvt, hvsh vmohma he ya; himak nitak a vba yakni, micha yakni aiena kv hvchi atokola chi

ho pit hoyo lishke ; nitak falaiachit, hvsh o aiasha he keyu, amba mosholit, hvsh vmohma hi oke.

27. Mikma Chihowah yvt oklushi puta ka a hvchi ita fimma hi oke : mikma Chihowah ik ithano okla ai iti takla yvmma Chihowah yvt hvch isht aya ka holhtina kvk ik lauo hosh hvsh aiasha hi oke.

28. Mikmt yvmma na holba puta hatak ibbak osh toksvli tuk, iti, micha tvli, na pisa he keyu, micha hakla he keyu, micha impa he keyu. micha huwa he keyu aiena yak o hvsh im antia hi oke.

29. Yohmi tuk kia yvmma ashvt chin Chihowah Chitokaka ya ish hoyokmt, chi chukvsh a mominchit, micha chi shilombish a mominchit hvsh hoyokmt, hvsh ahayucha hi oke.

30. Chilbrshakmt nitak ishtaiopi fehna ka nana ilvppa puta kvk hvchi onvtolakmt, falamvt chin Chitokaka Chihowah ya ish im ona cha, im anumpa ha ish im antiakma :

31. (Chin Chitokaka Chihowah yvt nan i nukhaklo Chitokaka yokvt) chi kancha he keyu hoke, micha ishit chi vmohmicha he keyu hoke, micha hvchiki vhlaha ha anum-pa kvllo im il onochit nan itim apesa tuk vt im a haksa he keyu hoke.

32. Himak a nitak ant ia tok, yvmmvt chi tikba ya tuk, Chitokaka yvt hatak ikbit yakni paknaka ya o hilechi tok, nitak vhlit mihinti ka ish a ponaklashke ; micha shutik in tvnnp achufa vttvt ia hosh in tvnnp ont vhlia ka ish ap-naklashke, nana chito ilvppa chiyuhmi kvk aiasha tok oh cho ? keyukmt nana ilvppa chiyuhmi ka haklo tok oh cho ?

33. Okla hv himonna kia hvsh haklo tuk a chohmit Chitokaka yvt luak iklonna ho et im anumpohonli na, haklo mt okchaya tuk oh cho ?

34. Ak cho ? Chitokaka yvt oklushi achufa ho oklushi inla iklonna a kohchit il isha chikmt im onvt imomaka pisvt, nan isht atokowa, micha na fehna, micha tvnnp, micha ibbak kvllo hosh, micha shakba ashatapvk nan isht nukhlakanha chinto, hvchin Chitokaka Chihowah yvt hvchi

nishkin itikba Echip a hvchi yvmihchi tok, chiyuhmichi tok oh cho?

35. Hvchishno vto Chihowah ak osh Chitokaka yoke, hvsh ithaiyana chi ho hvchi haiakvchi tok; yvmma inla kv iksho hoke.

36. Micha hvsh ithaiyana chi hosh im anumpa ha vba pit a chi haklochi tuk oke: micha yakni paknaka in luak chito chi pesvchi tuk oke; mihma im anumpa luak iklonna minti ka ish haklo tuk oke.

37. Micha hvchiki vhleha ha holitobli ha tuk osh yvmma iakaiya im isht atiaka atokoli tok: micha isht im aiahli kvlo hosh itikba ya Echip a a kohchit chisht aya tok;

38. Oklushi hochito micha kvlo kv hvchi shahli ho i yakni vt hvchimmi ha chi ho hvch isht chukovchi mv, hvchi tikba tihlelit a kohchi tok a himak nitak a yvmohmi hoke.

39. Yvmohmi hoka, himak nitak a ish ithaiyanashke, micha chi chukvsh a isht ish anukfillashke; Chihowah ak osh vba yakni, micha nutaka yakni aiena ka yvmmak osh Chitokaka yoke, inla kv iksho hoke.

40. Yvmohmi hoka i nanvhpisa bilia, micha im anumpa puta himak nitak a chim anumpohonli li puta ka ish ieshashke: yvmohmi ho chishno micha chim vlla vhleha et chi akaiya aiena kv chim achukmakvt mahayashke; micha chin Chitokaka Chihowah yvt yakni chima tok a ish aiasha kv nitak ish falaiachi na, biliashke, achi tok.

41. Yvmohmi ma, Moses vt Chatan ola in tvnvp hvshi akochaka pilla ha vmaha holihta tuchina ho iti filvmmichi tok;

42. Yvmmak o hatak bika vbi yvmvt ik nuktahlo hosh chashpo ka i nukkilli chatuk keyu hosh in chuka a bilika hatak o vbikmv, yvmma malelit ona chi ha tok; micha malelit vmaha holihta puta ilvpa achvfa ka onakmv okchaya he a tok.

43. Hohchifo kv Bese, yakni haiaka talaia, Lubenait vhleha i yakni patali a talaia; micha Katait vhleha i yakni

Kiliat talaia Lamolh; micha Manassait vhleha i yakni Bahan talaia, Kolan aiena kak atok.

44. Micha nan vllhpisa ilvppak o Moses vt Israel im vlla hleha ha itikba takalichi tok.

45. Micha nan isht atokowa, micha nan vllhpisa bilia, miha anumpa ilvppa puta aiena kak o Moses vt Israel im vlla hleha hv Echip yakni ya kohcha ha ya im anumpuli tok.

46. Moses micha Israel im vlla vhleha aiena kv Echip yakni ya kohcha ha yvt issot kanchi tok, Amolait i miko shon, yvmmvt Heshbon a aivtta tok, i yakni Belh-peo ichaaka bachaya okfa Chatan ola in tvnnvp ak a tok:

47. Micha i yakni micha Bashan i miko Ok i yakni aiena binili tok, Amolait i miko tuklo, yvmmvt Chatan ola in vnnvp hvshi akochaka pilla ho aiasha tok.

48. Aloe yvmmvt Anon okhina ontalaka bilika talaia ka rtvt ia hosh Sion nvnih yvmmvt Hemon a ont vhli,

49. Micha Chatan ola in tvnnvp hvshi akochaka pilla yakni patali moma, okhvta yakni patali Piskah kvli puta nutaka ont vhli tok a abinili tok.

CHAPTA V.

MIHMA Moses vt Israel moma ka hoyo cha, Israel ma, nan vllhpisa bilia puta, micha aivllhpiesa yvmihinchi puta hvsh haklo ho, himak nitak a anumpohonli li ka hvsh haklashke; yvmohmi hosh hvsh ithana cha, ieshit hvsh yvmihinchashke.

2. Pin Chitokaka Chihowah yvt pishno ak o Holeb a nan a pitim apihisa tok oke.

3. Chihowah yvt piki vhleha ilvppa nan itim apihisa tok keyu; amba pishno ya pishno fehna kak a tok o, himak nitak a pi okchaya hosh momvt ilvppa il aiashvshke.

4. Chihowah yvt nashuka iti sanali hosh nvnih ha luak ikonna et hvchim ai anumpohonlit,

5. (Luak pulla kak o hvchi nukshopa cha, nvnih ha hvsh oiya he keyu ma, vno ak osh nitak yvamma Chihowah mi-

cha, hvchishno ya hvch itin takla hikiyt Chihowah im anum-pa ha hvchim anghonli li tok oke,)

6. Uno ak osh chin Chitokaka Chihowah sia hosh, Echip yakni, micha aboha a yuka chi pehlichit a kohchi li tok oke.

7. Sa tikba ya Chitokaka inla yvt ik chim ikaho kashke.

8. In chuwt na holbut toba, micha nana kia, vba yakni asha, keyukmut nutaka yakni asha, keyukmut yakni nutaka oka aiasha ymma holba kia chik ik bo kashke.

9. Aka pit ish im akachunola he keyu, micha ish im antia he keyu: Chitokaka chin Chihowah sia hut, Chitokaka nuktaghla sia hosh, iki vhleha nan ashvchi yash im vlla vhleha hut ai iti shali ont isht atuchina, micha ont isht ai ushta kia a nukkilli ka im aya li hoke.

10. Micha tahlepa sipokni hoh kia sa holitobli cha, vm anumpa ha vm antihya ya i nukhaklo li hoke.

11. Yvmakfokalechit chin Chitokaka Chihowah hohchifo ka ish hochifa he keyu hoke; hohchifo ha yvmakfokalechit hochifo tukma nan ik ashacho, Chihowah yvt ahna he keyu hoka.

12. Chitokaka chin Chihowah chim achi tuk mak o, nitak hullo nitak a holitoblit ish hullochashke.

13. Nitak hannali ho ish toksvli cha, chi na pilesa moma ka ish yvmihchashke.

14. Amba nitak isht untuklo hokuto Chitokaka chin Chihowah i nitak hullo yoke: yvmak okvno chishno, micha chiso, micha chiso tek, micha hatak chin tishu, micha ohoyo chin tishu, micha chi wak toksvli, micha chim issnba nashoba, micha chi nan vllpoa nana kia, micha hatak ik ithano yosh chi holihta okhissa chi hikia kia na pilesa nana kia yvmihcha he keyu; yvmohmi ho hatak chin tishu, micha ohoyo chin tishu aiena kut chishno ak inli chohmit fohashke.

15. Micha chishno yak kia Echip yakni ya tishu chia ha tok, atuk o Chitokaka chin Chihowah yvt ibbak kullo, micha shakba ashatapa hosh ymma chi kohchi tok a ish ithaiyanashke: yvmohmi hatuk osh Chitokaka chin Chihowah yvt nitak hullo nitak a ish holitobla he a chim apesa tok oke.

16. Chitokaka chin Chihowah yvt chim achi tuk mak o,

hiki, micha chishki ya ish holitoblashke; yvmohmi ho akni Chitokaka chin Chihowah yvt chima tok a ish aianta he a nitak vt chin lauashke, micha chim ai achukakashke.

17. Kuna kia ish bi ná,

18. Micha kuna kia ish itin lumaka ná,

19. Micha ish hukopa ná,

20. Micha chin chuka a bilika hatak ahanta ka anumpa hli keyu ka isht chik atokolo kashke.

21. Micha chin chuka a bilika hatak tekchi ya ish ahni a, micha chin chuka a bilika hatak in chuka, im osapa, keyukmut in tishu hatak, keyukmut in tishu ohoyo, i wak okvli, im issuba nashoba, keyukma nana kia chin chuka a bilika hatak immi hokma, hvchik im anushkunno kashke, shanchi tok.

22. Anumpa ilvppa puta kak o Chihowah yvt chim okla noma ka nvniha ha, luak, micha hoshonti, micha okhlili sukko ka ai iklvna chitoli hosh et ai im anumpohonli tok; mihmut himakma ik achakalo tok, Mihmut tvli patvssa tuklo ho ai oholissochi cha, svbbak fohki tok.

23. Atuk o yakohmi tok ai okhlilika iklvna ya et ai anumpa na ish haklo mut, (nvniha hvv luak ishit lua tuk oka,) yohmi ma hvchim avehlichika noshkoboka vhleha, micha hvchim asvnonchi vhleha aiena kvv a bilika hvshla tok.

24. Micha, Yakeh, pin Chitokaka Chihowah yvt im aholitopa, micha nan isht im aiahli ataha iksho pi pesvchi hoke; mikma luak iklvna ya im anumpa ha il a hahaklo tukoke; Chitokaka yvt hatak a im anumpuli kia okchaya hinla ka himak nitak a e pisvshke.

25. Yvmohmi hoka nanta katiohmi ho himak a pilla hinla cho? luak chito ilvppvt hukmit pi tahla chi hoke. Himak ma Chitokaka pin Chihowah im anumpa ha e haklokmvt pilla chi hoke.

26. Hatak nipi moma ka kvta hosh Chihowah okchaya yosh luak iklvna et ai anumpohonli na haklo pishno chohmi mut okchaya chatuk atuma?

27. Chishno ak osh bilika ish ona cha, Chitokaka pin

Chihowah yvt nana achi moma ka ish haklashke; micha Chitokaka pin Chihowah yvt nana chim achi moma ka ish pim anumpulashke; mikma e haklo cha, e yvmihchashke, hvs svm achi tok.

28. Mihma Chihowah yvt chim anumpa hvs svm anum-puli ka haklo tok; micha Chihowah yvt, Okla ilvppvt anum-pulit chim anumpuli ha haklo lishke: nana moma achi kvv vlpesa bano ho achishke.

29. Chukvsh vt yakohmi nukfoyuka tuk okbano, yohmi hosh a nukwia cha, vm anumpa vlpisa moma ka ieshi na, bilia cha, yvmma mihcha im vlla vhleha aiena kvv im ai achukma na, biliakbano ahnit vm achi tok.

30. Ia cha, anonti hvchi bina im aiyukali hvsh onashke, ont ish im achashke,

31. Amba chishno vto a bilika ilvppa ish hikiakma, anumpa moma micha nan vlpisa bilia, aivlpiesa yvmihinchichi puta ka chim anumpohonli likma, yvmmak oka ish im avchikma aiasha chi ka, yakni ima li tok a aiashvt yvmihinchashke, im achi tok.

32. Yvmohmi hoka, Chitokaka hvchin Chihowah yvt hvchim apesa tuk mak o hvsh ithaiyana cha, hvsh yvmihinchashke; fullotvt naksika isht impakimma, micha vlvfbekimma pit hvsh fullota he keyu hoke.

33. I hina puta Chitokaka hvchin Chihowah yvt hvchim apihisa tuk mak o hvsh ai itanowa cha, hvchi okchayashke, micha hvchim ai achukmashke, micha yakni hvsh aiasha chi ka, hvsh aiasha kvv nitak vt hvchi falaiashke, achi tok.

CHAPTER VI.

YOHMI ka anumpa puta, micha nan vlpisa bilia puta, micha ai vlpiesa yvmihinchichi ilvppa puta hvchim vlvcha he, Chitokaka hvchin Chihowah yvt anumpohonli na, yakni hvsh aiasha chi hosh hvsh ia kvv hvsh a yvmihinchichi kak a tok oke.

2. Chitokaka hvchin Chihowah ya ish i nukwia cha, i

nan vhlpisa bilia moma ka, micha im anumpa chim anum-pohonli li ka, chishno micha chiso, micha chiso ha iso aiena kvv chi okchayvt ish ahanta nitak moma kvv ish ieshi cha, chi nitak vt falaiashke.

3. Yvmohmi hoka Israel ma, ish haiyaklashke, micha ithaiyanvt, ish yvmihchashke; yvmohmi hosh chiki vhleha ha in Chitokaka Chihowah yvt achit, im issa tok mak o, yakni pishukchi micha foebila ayanahanli ya aiasha apaknvt isht i shahli fehnvt hvsh mahayashke.

4. Israel ma, hvsh haklashke, Chitokaka pin Chihowah yvt Chihowah achvfa hoke.

5. Yohmi ka Chitokaka chin Chihowah ya chi chukvsh a mominchit, micha chi shilombish ma mominchit, mjcha chi kvvlo ya mominchit ishit ish holitoblashke,

6. Mikma anumpa ilvppa himak nitak a chim anumpo-honli li kvv, chi chukvsh a foyukashke.

7. Yohmi ka chim vlla vhleha ha achunanchit ish im avchashke; micha chin chuka ish binilikmvt, micha hina takla ish ayakmvt, micha ish itoyulakmvt, micha ish waka-yakmvt isht ish anumpohonlashke.

8. Micha nan isht atokowa yo chibbak a isht ish, a tak chashke, micha bita hosh chi nishkin itin takla takali ka chin chiyuhmashke.

9. Micha chin chuka tonik puta ka micha chi holihta ok-hissa puta ka ish ai o holissochashke.

10. Atukma yakohma hi oke, Chitokaka chin Chihowah yvt yakni ya chiki vhleha Eblaham, micha Aisak, micha Chekob aiena ka anumpa il onochit im issa tuk vt chisht onakmvt, tmaha holihta ho chito, micha hochukma aiokli ish ikbi tok keyu yo,

11. Micha ish alotoli tuk keyu aboha puta nana achukma moma alota, micha ish kulli tuk keyu ho kvli hofobi kula, micha ish hokchi tuk keyu ho, pakvpi ahollokchi, micha alif jti puta aiena hvchima na aivvt chikaiyakmvt;

12. Yvmohmikmvt ahah, ish ahnashke, keyukmvt Chihowah ak osh Echip yakni, micha aboha a yuka pehlichit chi kuchi tuk a chim ahaksa hinla hoke.

13. Chin Chitokaka Chihowah ya ish i nukwia cha, ish im antiaashke, micha yvmma hochifot anumpa kullo il onochit ish anumpulashke.

14. Naholbut toba puta, okla hvchi apakfoyupa aiasha ka i naholbut toba puta ka iakaiyvt hvsh ia he keyu hoke.

15. Chin Chitokaka Chihowah yvt Chitokaka nuktahta yosh hvchi takla ahanta hoka; keyukmvt, chin Chitokaka Chihowah im ai inukkilli vt chi sanalit libbi na, yakni pakna ya ai okpuloka hvchi taha yoba ná.

16. Massah ya ai imoma ka hvsh pisa tuk a chohmit, hvchin Chitokaka Chihowah ya imomaka chik peso kashke.

17. Hvchin Chitokaka Chihowah im anumpa vhlpisa puta, micha i nan isht atokoli puta micha i nan vhlpisa bilia aiena chim anumpuli tuk a achunanchi hosh hvsh ieshashke.

18. Micha Chihowah itikba ya nana ai vhlpiesa micha achukma kak o ish yvmihchashke; yohmi hosh hvchim achukmakashke, micha yohmi hosh Chihowah yvt chiki vhleha ha anumpa kullo ilonochit im issa tok yakni achukma ya chukowvt ish abinilashke,

19. Chihowah yvt anumpuli tok mak osh, chin tvnvp vhleha moma ka chi tikba akochit kanchashke.

20. Atuk o nitak inla vla ha ya, chiso hvv chim ponaklot, iban isht atokowa micha nan vhlpisa bilia, micha ai vhlpiesa yvmihinchi ilvppa puta aiena pin Chitokaka Chihowah yvt pim apesa tok, nanta ho miha hoh cho? achikma,

21. Yvmohmikma, chiso hash, Echip yakni a Falaoh i yuka hosh il aiasha tok; atuk o Chihowah yvt ibbak kullo hosh Echip a apelichit pi kohchi tok.

22. Micha Chihowah yvt nan isht atokowa, micha na fehna chinto micha palvmmi ho, Echip, micha Falaoh, micha in chuka achufa moma aiena ka e pisa ho onochit otvnihinchi tok.

23. Micha piki vhleha ha anumpa kullo im ilonohonchi tuk mak osh, pisht vla cha, yakni ya pima chi hosh yvmma pi pehliehit pi kohchi tok.

24. Micha Chihowah yvt pim apesvt, nan vhlpisa bilia ilvppa moma e yvmihcha he ishit pim aiachukmaka na bilia

chi kvt, pin Chitokaka Chihowah ya il i nukshoyupa he a, achi tok; yohmi hosh pi okchalinya he a tok o himak nitak a ayumohmi hoke.

25. Mikma iluppa puta moma ka pi miha tok mak o, ithanvt e yvmihinchikmvt, pim ai vllpiesaka ya chi hatok oke, ish im achashke.

CHAPTA VII.

CHIN Chitokaka Chihowah yvt ish a binila chi hosh ish ia ka yakni ya chishtona cha, oklushi laua, Hittait, micha Kikashait, micha Amolait micha Kananait, micha Peli-sait, micha Hifait, micha Chebusait, oklushi untuklo hochito, micha kullo kvt, chishno ya chi shahli ho chi tikba ya akoh-chit kanchikmvt;

2. Michā chin Chitokaka Chihowah yvt chi tikba ya chib-bak fohkikma, issot ish kanchi, mosholichit ish kanchit ish vmohmichashke, nan ish itim apesa he keyu, micha ish i nukhakla he keyu hoke;

3. Michā ish itauwaya he keyu; chiso tek a ushi ya ish i bohla he keyu, micha ushetik a im ai ishit chiso ha ish ima he keyu hoke.

4. Chiso hv si akaiya ya tuk a fullolichi na, na holbvt toba puta inla yak o ai okpvcha chi hoke; yohmi ho Chihowah im ai i nukkilli vt chi sanalit libbi cha, yakosi itin takla kia ishit chi kancha hi oke.

5. Amba yakohmichi hosh hvsh yvmihcha hi oke: im alta puta hoka okpvnit hvsh tahli cha, im in chuwt naholbvt toba puta ka chanlit hvsh kinahlichashke, micha im iti lokoli puta hoka chanlit hvsh kinahlichī cha, im i chuwt naholbvt toba puta ka luak ishit hukmit hvsh tashashke.

6. Chin Chitokaka Chihowah ya im okla holitopa chia hoka; chin Chitokaka Chihowah yvt okla moma yakni pak-naka aiasha ka i shahlit immi atokowa chia ha chi ho atokolit chishi tok.

7. Laua kvt okla inla ya hvsh i shahli kak o, Chihowah

yvt hvchihullot hvchi atokoli tok keyu; okla laua kvv okla moma ka hvchik lauwo ke tuk oka.

8. Amba Chihowah yvt hvchi hullo kak a tok, micha hvchiki vhleha anumpa kvllo im ilonochi tok vt ghlichia he ahni pulla kak osh, ibbak kvllo hosh pehlichit hvchi kohchi tok oke; micha hatak yuka hosh aboha hvsh aiasha tuk a Echip i miko Falaoh ibbak a kohchit hvchi okchalinchi tuk oke.

9. Yvmohmi hoka ish ithaiyana, Chihowah chin Chitokaka ak osh Chitokaka, micha Chitokaka aighlichia vt holitobli cha, im anumpa ha ieszikma, nan itim apesa, micha nan isht i nukhaklo ya ai iti shali tahlepa sipokni hoh kia im iesha hi oke.

10. Mich a i nukkilli puta ka pisanchi hosh im atobbi cha, ishit kancha hi oke: i nukkilli tuk a i svlaha he keyu, pisanchi hosh im atobba hi oke.

11. Yvmohmi hoka anumpa vlhpisa puta, nan vlhpisa bilia, ai vlhpiesa yvmihinchia, himak nitak a chi miha li ka ish ieshi cha, ish yvmihinchashke.

12. Yvmohmi kak o yakohma hi oke, aivlhpiesa yvmihinchia iluppa puta ka haklot hvsh ieshi cha, hvsh yvmihinchikma, chin Chitokaka Chihowah yvt chiki vhleha anumpa kvllo im ilonochi tok vt nan itim apesa, micha isht i nukhaklo aiena ka hvchim iesha hi oke.

13. Mich a chi holitobla hi oke, micha chi yukpala hi oke, micha chi apaknvcha hi oke; micha chim oshvto awaya, micha chi yakni awaya, chim onush, micha chim oka paki, micha chi bila, chi wak awaya, micha chi nanvlhpoa chipunta puta aiena ka, yakni yo chima he yash chiki vhleha ha anumpa kvllo im ilonochi tok vt a na chi yukpa lashke.

14. Na yukpa kvv okla moma ka ish i shahla hi oke: a hvchiti takla ka nakni yokma, tek okma, nana kia, micha hvchi nan vlhpoa ai iti takla ka ushi iksho vt iksho ka hi oke.

15. Mikma Chihowah yvt abeka puta moma ka chim ai ishit kancha hi oke; micha Echip nan ililli okpulo, yvma ish ithana ka chi onocha he keyu hoke; amba chi nukkilli moma kak o onocha hi oke.

16. Micha okla moma chin Chitokaka Chihowah yvt chibbak fohki tuk moma ka mosholichit ish vmohmichashke; chi nishkin vt i nukhakla he keyu, micha i naholbvt toba puta ka ish im antia he keyu hoke; yummak okvt ishit chi nukpullichi ya hi oka.

17. Chi chukvsh anukaka, Oklushi puta iluppa laua kvv a shahli hoka: katiohmi li kak osh kanalichi la hinla cho? ish achikmvt,

18. Ish i nukshopa he keyu hoke; amba chin Chitokaka Chihowah yvt Falaoh, micha Echip moma ka i kaniohmichi tok a ish ithaiyana fehna,chi hoke;

19. Imomaka pisa puta chi nishkin vt pisa tok, micha nan isht atokowa puta, nan isht a fehna puta, micha ibbak kvllo, micha shakba ashatapa hosh chin Chitokaka Chihowah yvt ishit chi pehlichit kohcha tok a ish ithaiyanashke: yumma chi yuhmi hosh chin Chitokaka Chihowah yvt okla ish i nukshopa puta ka yvmihcha hi oke.

20. Micha chin Chitokaka Chihowah yvt fohkul a i pilakma, hlakoffi tuk, micha chim ile luhmi tuk vt moshola hi oke.

21. Ish i nukshopa he keyu: chin Chitokaka Chihowah yvt Chitokaka kvllo, micha palvmmi hosh hvchi takla ahan-ta hoka.

22. Micha chin Chitokaka Chihowah yvt oklushi yumma puta ka kanomosichit, micha kanomosichi hosh ishit kancha chi hoke: himona achvfa tahlit ish mosholicha he keyu, yakni haiaka nampo hvt apakvvt chi sanala hinla hoke.

23. Yohmi kia chin Chitokaka Chihowah yvt chibbak fohka chi hoke; micha okpulot taha chinto ho yvmihchit ishit kanchi na, ont moshola chi hoke.

24. Micha i miko vhleha ha chibbak fohkikma, shutik nutaka ya hohchifo ha mosholichit ish kancha chi hoke: hatak nana kia chi tikba ya hikia he keyu ho, ish mosholicha hi oke.

25. I na holbvt toba, in chuvvt toba puta ka luak ishit hukmit hvsh tahlashke: tvli hvta, micha tvli lakna aiena alapali ka ish ahna he keyu, micha ish il ai isha he keyu,

ish yohmi cha, ishit ish yoshoba na; chin Chitokaka Chihowah nan i yuwala yoka.

26. Micha nan i yuwala ya chim aboha isht ish ona he keyu hoke; ish yohmi na kalakshi yummak inli ish chohmi na: amba shitilemtv ish kaiyanchi cha, yuwalvt ish vmohmicha hi oka, na kalakshi yoka.

CHAPTA VIII.

ANUMPA vlpisa puta himak nitak a chim anumpo-honli li ka ithaiyanvt ish yvmihchashke, yvmohmi hosh hvchi okchayashke, micha hvsh apakna cha, Chihowah yvt hvchiki vhleha ha anumpa kvllo im il onochi tok a yakni yash chukowvt hvsh binilashke.

2. Mikmtv chukvsh akanlosecha chi hosh, micha im anumpa ha ish iesha chi hokma, keyu hokma, nana ka chi chukvsh foyuka ka akostininha chi hosh, imomaka chi pesvt afvmmi pokoli ushta ilvppa yakni haiaka hina hlopulli moma ka chin Chitokaka Chihowah yvt chisht aya tuk a ish ithaiyanashke.

3. Micha chi chukvsh akanlusechit chi hohchvfochi mvt, ish ithana tuk keyu ho, micha chiki vhleha hvv ithana tuk keyu ho, manna ya chipihinta tok; yohmi kvv prska ak illa ho hatak vt okchaya he keyu, amba Chihowah im anumpa itih ha akohoncha puta kak o hatak vt isht okchaya ka, Chihowah yvt chithvnancha chi ha tok.

4. Afvmmi pokoli ushta ilvppa chi na fohka yvt chin taha tok keyu, micha chiyi yvt shatali tok keyushke.

5. Micha hatak osh ushi ya na hotopa onochi cha tuk a chohmi hosh chin Chitokaka Chihowah yvt na hotopa chi onochi tok a, chi chukvsh isht anukfillit ish pihisashke.

6. Yvmohmi hoka chin Chitokaka Chihowah im anumpa vlpisa puta ish ieshi cha, i hina puta ka anghowa cha, ish i nukwiashke.

7. Chin Chitokaka Chihowah yvt yakni achukma, yakni

bok-ushi aiasha, kuli puta, micha oka hofobi puta aiena kvt okfa, micha nvnih puta ka atohomba;

8. Yakni onush aiasha, micha bali, micha pakvpi, micha fik iti, micha pomkilanit aiasha; yakni alif bila micha foe-bila aiasha;

9. Yakni yvmma puska ish aivpa kvt chim atikkonofa nana kia ik chim iksho ka he keyu yoke; yakni yvmma tvli vt tvli yoke; mikma i nvnih puta ka asonak lakna ish a kulla hinla ho isht chisht ona hi oke.

10. Ish impa cha, chi kaiyakmvt, yvmohmikmvt, chin Chitokaka Chihowah yvt yakni achukma chima tok oka ish holitoblichashke.

11. Ahah, ish ahni cha, chin Chitokaka Chihowah ya im anumpa vhlpisa puta, micha im ai vhlpiesa yvmihinch, micha i nanvhlpisa bilia, himak nitak a chim anumpohonli li ka chik ieszot ik chim a hakso kashke.

12. Keyu hosh ish impa cha, chi kaiyakmvt, micha aboha hochukma ish ikbi cha, ish aiashakmvt,

13. Mich a nanvhlpoa chin hochito, micha nanvhlpoa chin chipunta aiena kvt chim apaknakmvt, micha chin tvli huta, micha chin tvli holisso lakna vt chim apaknakmvt, micha nana chim asha tuk moma kvt chim apaknakmvt,

14. Yvmohmikmvt chi chukvsh ilefehnvchi cha, chin Chitokaka Chihowah yvmmak osh Echip yakni akohchvt aboha yuka ai ishit chi kohchi tuk, a chim a haks a hi oke.

15. Yvmmak osh yakni haiaka chito, micha palvmmi, micha sinti chilita, micha shvshi nokoa, halambia achi aia-sha, micha achahto, oka ik ai ishko ya pehlichit chi hlo-pullichit tok oke; yvmmak osh tvli chito tasonak chohmi ya oka ya a chi kohchi tok oke.

16. Yvmmak osh yakni haiaka ya chiki vhleha hvt ithana tuk keyu ho manna ya chipeta kvt, chi chukvsh a akanlose-chi, micha imoma ka chi pesa cha, ont chim ishtaiopikma, chim achukmala chi hosh yvmihchi ma;

17. Mihma chi chukvsh anukaka, Uno sa kvllo, micha vbbak kvllo hosh ishit holitopa ilvppa isht vma tok oke, ish achi yoba na,

18. Amba chin Chitokaka Chihowah ya ish ithaiyanashke : yummak osh holitopa ish aiesha chi ka, nan isht aighli. chima kvt, nan itim apesa yummak oka chiki vhleha ha anumpa kullo im ilonochi tok a himak nitak a yvmohmi hoka ai ghlichha chi kak atok.

19. Atukma yakohma hi oke, chin Chitokaka Chihowah ya peh chim ahaksikmvt, micha na holbvt toba inla puta iakaiyvt ish itvnowakmvt, micha im antiyt ish aiokpvcchikmvt, ont ish moshola he ya himak nitak a atokolit chim anoli lishke.

20. Oklushi puta ka Chihowah yvt chi tikba ai ishit kanchi tok a chohmit ont ish moshola chi hoke ; chin Chitokaka Chihowah im anumpa ish im antia he tuk keyu hoke. im achi tok.

CHAPTER IX.

ISLAEL ma, ish haklashke, himak nitak a oklushi hochito, micha kullo kvt chi shahli, tumaha holihta hochito, micha a holihta kvt shutik ont vhli ho, chukowvt ish isha chi hosh Chatan a ish hlopullachishke.

2. Okla hochito, micha chaha, Anakim im vlla vhleha yummak oka ish ithana, micha yummak oka, Kuta hosh Anakim im vlla vhleha ha itikba hikia hinla cho? achi ka ish hoklo chatuk oka.

3. Yvmohmi hoka himak nitak a chin Chitokaka Chihowah yummak osh chi tikba hlopullit ia hoke ; luak na hukmit tahli chiyuhmit ishit kancha chi hoke, micha chi tikba ya aka isht ona chi hoke. Yvmohmi hoka Chihowah yvt chim achi tuk mak o, tihlelit ish kocha wehli cha, chekosi ishit ish kancha hi oke.

4. Chin Chitokaka Chihowah yvt chi tikba ya ishit kanchi ha ya, chi chukvsh anukaka ya anumpulit, Ai vlhpiesa li pulla kak o yakni ilvppa a binili la chi ho, Chihowah yvt vsht ula tuk oke ; chik acho kashke ; amba oklushi ilvppa puta haksi kak o, Chihowah yvt chi tikba a tihlelit kocha weli hoke.

5. Ish ai vhlpiesa, micha chi chukvsh vt ai vhlpiesa kak osh i yakni ya ishit a binilit ish ia keyu; amba oklushi iloppa puta haksi kak o, micha anumpa kvllo ya chiki vhleha Eblaham, Aisak, micha Chekob aiena im il onochi tok anumpa ha aiahlichia chi hosh chin Chitokaka Chihowah yvt chi tikba a tihlelit kocha weli hoke.

6. Yomohmi hoka chin Chitokaka Chihowah yvt yakni achukma iloppa ish a binila chi ho chima kv, chi ai vhlpiesa kak o keyu ka ish ithaiyanashke; okla ikunla kvllo chia hoka.

7. Yakni haiaka ya chin Chitokaka Chihowah im ai i nukkilli ya ish nokovvchi tok vt, ish ithaiyana cha, ik chim a hakso kashke; Echip yakni ya kohchvt ish minti tok, nitak yumma vttvt mihintit iloppa hvshla tuk ant vhli ka Chihowah ya isanalit hvsh i filghvmmi tuk oke.

8. Holeb ak kia, Chihowah im ai i nukkilli ya hvsh nokovvchi tok; yohmi na Chihowah yvt nuklibisha cha, ishit hvchi kancha chi ha tok.

9. Tuli patvssa tuklo nan itim apesa tuli patvssa tuklo Chihowah yvt chitim apesa tuk fehna ka ishe la chi hosh, nvniha ha oiya li mv; yohmi cha, nvniha ha nitak pokoli ushta, micha ninak pokoli ushta ho anta li tok; pvska ya ak po, micha oka ya ak ishko tok.

10. Mihma tuli patvssa tuklo ka Chitokaka ibbak ushi yosh a holissochi ya, Chihowah yvt svbbak fohki tok; mihma itvnaha chitot aiasha nitak o, Chihowah yvt nvniha ha luak ikvnna et ai anumpohonli tuk mak o, anumpa hv moma hosh ai o holisso tok.

11. Atuk o yakohmi tok, nitak pokoli ushta, micha ninak pokoli ushta kv ont taha ma, Chihowah yvt tuli patvssa tuklo, nan itim apesa tuli patvssa fehna kash vma tok.

12. Mihma Chihowah yvt, Wakaya cha tushpvt iloppa vttvt ish akowashke; chim okla Echip a pehlichit ish kohcha kash osh ile litehlishke; chekosi i miha li kash hina ya kohchvt fullotvt naksika ivshke; bilvt aknot na holvt toba ikbishke, im achi tok.

13. Micha Chihowah yvt *vm* anumpulit, Okla ilvppa pisa lishke; mihma yakeh, okla ikunla kvlo yoke.

14. Is svssa na, ishit kanchi lashke; micha hohchifo ha shutik nutaka ya a kashofit kanchi lashke. Micha chishno ak o oklushi kvlo, micha chito aiena kv ymma i shahli ho a chikbi lashke, achi tok.

15. Yohmi ho fullota li mvt, nvni hā akowa li tok; mihma nvni hvt luak ishit luhwa tok; mihma nana itim apesa tvi patvssa tuklo kv subbak tuklo ka alhto tok.

16. Atuk osh pisa li ma, yakeh, chin Chitokaka Chihowah ya i sanalit, yoshobvt, wak ushi bilvt akmot toba hvsh ikbi tuk a tok: Chihowah yvt hvchi miha tuk a chekosi hina ya kohchvt fullotvt naksika ya hvsh ia tuk a tok.

17. Mihma tvi patvssa tuklo subbak alhto kash hvsh pisa ho hvchi tikba ya ishit aka pila lish, kobalichi li tok.

18. Micha vmmona tuk a chohmit Chihowah itikba ya nitak pokoli ushta micha ninak pokoli ushta ho aka itoyula li tok: hvchi yoshoba moma ishit a hvchi yoshobvt Chihowah itikba ya hvchi haksi fehvshke; im ai i nukkilli ya hvsh nokowvchi ha tuk oka, paska ya ak po, micha oka ya ak ishko tok.

19. (Im ai i nukkilli micha nuklibisha lvshpa ho Chihowah yvt ishit nuklibisha cha, hvchi sanalit ishit hvchi kancha chi kak a sa nukshopa tuk okvt.) Yohmi tuk kia nitak yummak kia Chihowah yvt a haponaklo tok.

20. Micha Chihowah yvt Alon ak kia im i nuklibisha fehna cha, ishit kancha chin tok: mihma Alon ak kia nitak ymma isht anumpule li tok.

21. Micha na hvsh ashvchi, wak ushi hvsh bi tuk ash ishi lish, luak ishit hukmi li mvt, botolit, boshullichit, lipibichit, lukfi pushi chi yvmihchi li tok; micha pushi yash bok ushi nvni et okvtahaka oka hlatvbi li tok.

22. Micha Tabelah, micha Massah, micha Kiblolh-hattafah ya ia Chihowah im ai i nukkilli ya hvsh anokowvchi tok.

23. Micha Chihowah yvt Katesh banea ya vttvt hvchi pelvt, oh ia cha, yakni hvchima li tok a, oh binili, achi tok;

yohmi ma, chin Chitokaka Chihowah im anumpa ha i filvmit hvsh i sanali tok; micha hvsh i yimma he keyukmvt, im anumpa ha hvsh i haponakla he keyu tok.

24. Hvch ithana li tok aivhlit mihinti ka Chihowah ya i sanalit, hvah i filahvmmi chatuk oke.

25. Yvmohmi ma vmmona ka, aka itola li tuk a chohmit, Chihowah itikba ya nitak pokoli ushta, micha ninak pokoli ushta ho aka itoyula li tok; Chihowah yvt ishit hvchi kancha chi, miha ha tok oka.

26. Yvmohmi ha tuk o Chihowah ya im ilbvshvt, Chitokaka Chihowah ma, chim okla, micha chimmi, yvmmak oka a chi holitopa pulla hosh ish okchalinchu tuk; micha chibbak kullo hosh pehlichit Echip a ish kohcha tuk okvt, ishit chik kancho kashke.

27. Chin tishu vhleha Eblaham, micha Aisak, micha Chekob aiena ka ish ithaiyanashke; okla ilvppa chukvsh ilapunla, micha a haksi, micha aiashvchi aiena kano chik peso kashke.

28. Yvmohmikma yakni apehlichit ish pi kohchi tok vt, Chihowah yvt yakni im issa tok vt isht ona he keyu ha tuk osh, micha i nukkilli ha tuk osh, yakni haiaka ai vbit tahla chi hosh pehlichit kohcha tuk oke, achi yoba na.

29. Yohmi kia chim okla hoke, micha chimmi hosh nan isht chim aighli kullo, micha chi shakba kullo ashatapa hosh pehlichit ish kohchi tuk oke, ahanchi li tok: im achi tok.

CHAPTA X.

NITAK yvmma Chihowah yvt, Tvli patvssa tuklo vmmona kash chohmi ho ish tvhli cha, vm vlvv nvnih ha ish oiyashke, micha iti o itombi holitopa ya ish ikbashke.

2. Mikma tvli patvssa tuklo vmmona ish kobvffi chash, anumpa a foka kash o tvli patvssa tuklo ka ai o holissochi lashke; mikma itombi holitopa ya ish fohkashke, vm achi tok.

3. Mihma abittim iti yo itombi holitopa ikbi li mvt, tvli

patvssa tuklo vmmona kash chohmi hō tvhli lish nvni hā oiya li mvt, tvli patvssa tuklo kvv subbak foyuka tok.

4. Mihma vmmona holisso tuk chohmi, nan vlvhisa pokoli Chihowah yvt nvni hā luak iklvna okla itvna nitak ma, auct hvchim anumpuli tuk vt tvli patvssa tuklo kq ai o holissochi tok; micha Chihowah yvt vma tok.

5. Mihma fullota li mvt, nvni hā akowa li mvt, patvssa tuklo kash itombi holitopa ikbi li tuk ash osh fohki li tok; atuk o Chihowah yvt vm anumpuli tuk mak o, yvmmak o kaiyaha hoke.

6. Mihma Islael im vlla vhleha hvv Chaakan im vlla vhleha hā immi Beeloh q asht ia mvt, Mosela yq ona tok; yvmmak o Alon vt illi tok, micha yvmmak o ahollohpi tok; mihma ushi Eleasa ak osh vlvhvt naholitopa isht ai vta ya isht ahanta tok.

7. Yvmma asht ia mvt, Kutkotah yq ona tok; atuk osh Kutkotah yq asht ia mvt, okhina puta aiasha yakni Chotbalh q ona tok.

8. Nitak yvmma Chihowah yvt Lefai apvlichika Chihowah nan itim apesa afohka itombi holitopa shola chi hō, Chihowah itikba yq hiel cha, nan isht im ahanta chi, micha yvmma hochifot, anumpa yvkvli isht onohoncha chi hō, filvmmihvchi hō himak nitak q yvmohmi hoke.

9. Yvmohmi ha tuk o, Lefai vt itivpishi vhleha iba fohkvv akashapa, micha ai isha he vlvhesa vt ik im iksho hoke; chin Chitokaka Chihowah yvt achit im issa tok mak o, Chihowah ak osh ai ishi vlvhesa immi yoke.

10. Mihma nvni hā vmmona tok q chohmit, nitak pokoli ushta, micha ninak pokoli ushta hō ahanta li tok; mihma Chihowah yvt nitak yvmmak kia q haponaklo cha, Chihowah yvt isht ik chi kancho tok.

11. Michā Chihowah yvt, Wakaya cha, okla hā itikba ia, yvmohmikma ima la chi hosh iki vhleha hā anumpa kvvlo im ilonochit, anumpule li tok q iba chukowa cha, yakni ya ish ashke.

12. Yohmi kq himak q Islael ma, nanta hō chin Chitokaka Chihowah yvt chim ahoyo cho? amba chin Chitokaka

Chihowah ya i nukwiwt, i hina moma ka anohowa, micha holitoblit, micha chin Chitokaka Chihowah ya chukvsh ai okluhvt, micha chi shilombish ai okluhvt isht ish im antia ho.

13. Chihowah im anumpa, micha i nan vllhpisa bilia puta chishno ak inli isht chim ai achukma he o, himak nitak a chi miha li ka holitoblit ish iesha he ak keyu cho?

14. Yakeh, shutik, micha shutik puta i shutik vt, micha yakni ak kia nana moma ymma aiasha aiena kut chin Chitokaka Chihowah ya immi hoke.

15. Peh Chihowah yvt chiki vhleha ha holitobli kut im achukma tok; micha im ishtiaka pit iakaiya aiena ka okla moma ka im aiyachit atokolit ishi tok o, himak nitak a yvmohmi hoke.

16. Yvmohmi kak o hvchi chukvsh tikba hakshup a hvsh tvbli cha, himakma ikunla hvchik kullo kashke.

17. Hvchin Chitokaka Chihowah yvt na holbvt toba puta in Chitokaka, micha Chihowah in Chihowah, Chitokaka holitopa, kullo, micha palvmmi yosh yvmvvt hatak yohmi hoka, ahni keyu, na hvlbina ishi keyu hoke.

18. Iki illi, micha i hatak illi nan im vllhpisa ka im ahli-chi kut, micha okla inla ya ilhpak, micha na fohka ya ima kut im achukma hoke,

19. Yvmohmi hoka okla inla ya hvsh holitoblashke, Echip yakni ya okla inla yosh hvsh aiasha tok ak inli hokvt.

20. Chin Chitokaka Chihowah ya ish i nukwiashke; yvmmak o ish im antiashke, micha yvmmak o ish asitiashke, micha yvmmak o hochifo hosh anumpa kullo ish ilonochashke.

21. Yvmmak osh ishit chi anohowa hi oke, micha chin Chitokaka yoke; yvmmak osh na chito, micha palvmmi puta chi nishkin vt pisa tuk iluppa puta ka chi yvmjhinchi tuk oke.

22. Chiki vhleha hv hatak pokoli untuklo hosh Echip a itvpehvt ona tok; atuk o himak a chin Chitokaka Chihowah yvt chi apaknvchi kut shutik fochik ak o chi chohmichishke.

CAPTA XL

YUMOHMI hoka chin Chitokaka Chihowah ya ish holitobli cha, chi miha tok a, micha i nan vhlpisa bilia, micha im ai vhlpiesa yvmihinchi, micha im anumpa aiena ka ish ieshi na, biliashke.

2. Micha himak nitak a hvsh ithaiyanashke; hvchim vlla vhleha ha im anumpule li keyu hoka; yummak osh hvchin Chitokaka Chihowah yvt na hotopa onohonchi tuk, im aholitopa, ibbak a kullo, micha shakba ashatapa,

3. Micha i na fehna, micha i nan yvmihinchi Echip ai iklvna, Echip i miko Falaoh, micha i yakni moma ka onohonchi tok a;

4. Micha Echip in tvshka chipota, micha im iasuba puta micha tvnvp, im iti chanvlli puta ka, kaniohmichi tok a; hvchi hliolit aya ma, okhvta humma ya oka tamovchi tok, micha Chihowah yvt ishit kanchi tok a himak nitak a yvmihinchi hoke;

5. Micha yakni haiaka mihintit ilvppa hvsh la ka antvlli ka hvchi kaniohmichi tuk a,

6. Micha Luben ushi Eliab ushi tuklo Tahlan, micha Abilam akaniohmichi tok a yakni vt itakpashali cha, yumma micha in chuka achvfa puta, micha i bina puta, micha i na chokushpa puta ishi tuk puta Israel moma ai itin takla ishit nanvbli tok a puta ka ik ithano ki tok, micha ik peso ha tok oka;

7. Yohmi kia nana isht aiahanta chinto fehna moma ka Chihowah yvt yvmihinchi tuk a hvchi nishkin vt pivshke.

8. Yumohmi hoka anumpa ha himak nitak a hvchim anumpohonli li ka hvsh ieshashke; yumohmi hosh hvsh kullo cha, yakni hvsh isha chi hosh yumma pilla ia kvv ont chukovvt hvsh ishashke.

9. Yumohmi hosh Chihowah yvt hvchiki vhleha, micha im isht atiaka aiena ka ima chi hosh, anumpa kullo im ilonochi tok a nitak hvchi falaia yakni yash pishukchi, micha foe-bila ayanahanli yakni ya hvsh ai ahashwashke.

10. Yakni ya ish isha chi hosh, yvmma pilla ish ia kv, Echip yakni ish a minti tok, yvmmak oka chi na nihi ish hokchi tuk mvt, haiyukpolo osapushi chohmichit, chiyi ak o oka isht ish o hlali beka tok a chohmi keyu ho ish ia hoka;

11. Amba yakni hvsh isha chi hosh, yvmma hvsh ia kv, nvnih, micha okfa, aiena aiasha yosh shutik vt et ai umba oka ak o ishi hoke.

12. Chin Chitokaka Chihowah yvt anukfilli yakni yoke; chin Chitokaka Chihowah i holhponayo yvt onvtoyula na, bilia, afvmmi ishtia vmmuna tukmvt afvmmi ont taha ka ont vhli hoke.

13. Atukma yakohma hi oke, achunanchit vm anumpa himak nitak a hvchim anumpohonli li ka hvsh haiyaklo, hvchin Chitokaka Chihowah ya hvsh holitobli, micha hvchi chukvsh a mominchit, micha hvchimi shilombish ma mominchit hvsh im antiakma,

14. Yvmohmikma hvchi yakni im umba ont ai vlpiesakma, vmmuna umba, micha ont ishtaiopi umba ya hvchima la hi oke; mikma hvchim onush, micha hvchim okapaki, micha hvchi bila aiena ka hoyot hvsh ashacha hi oke.

15. Michi chi nan vlpoa yvt vpa chi ka, yvmohmi na, hvsh impa cha, micha hvchi kaiya chi ka hvchim osapa puta hoka hvshuk et hvchi pila la hi oke.

16. Ahah, hvsh ahni na, hvchi chukvsh vt hvchi haksichi na, fullotvt na holbvt toba inla puta hvsh im antia cha, hvchik aiokpacho kashke.

17. Yvmohmikma Chihowah im ai i nukkilli vt hvchi sanalit libbikmvt, shutik a okshitakma, umba kv iksho ka he, mikma yakni vt i nan waya puta ka ik a wayo ka hi oke: mikma chekosi Chihowah yvt yakni hvchima tuk a hvsh a mosholi na.

18. Yvmohmi hoka vm anumpa ilvppa puta ka hvchi chukvsh, micha hvchimi shilombish a fohkit hvsh ieshashke, micha nan isht atokowa yo hvchibbak ishit hvsh takchi na, hvchi nishkin itin takla ya bita hosh on talaia ka hvchin chohmashke.

19. Micha yumma hvchim aboha hvsh a binilikmtv isht hvsh anumpohonlashke; micha hina takla hvsh ayakmtv, hvsh itoyulakmtv, micha hvsh wakayakmtv, hvchim vlla vhleha h₂ hvsh im abahanchashke.

20. Micha chin chuka in tonik puta k₂, micha ch₁ holihta okhissa puta k₂ ish ai o holissochashke.

21. Yumohmi k₂ hvch₁ nitak, micha hvchim vlla vhleha h₂ i nitak vt, Chihowah yvt hvch₁ki vhleha h₂ ima ch₁ hosh anumpa kullo im ilonochi tok a yakni y₂ hvchim ai apakna kv₁, shutik nitak vt yakni in takali kak inli h₂ chiyuhmashke.

22. Anumpa ilvppa puta moma hvchim anumpohonli li k₂ achunanchit hvsh ieshi cha, yvmihchit hvchin Chitokaka Chihowah y₂ holitoblit, i hina puta moma k₂ ai itunowa cha, hvsh im antiakma;

23. Yumohmikma Chihowah yvt oklushi ilvppa puta moma k₂ hvchi tikba a tihlelit, kocha welikma, oklushi puta hochito, micha kullo kv₁ hvch₁ishahi y₂ hvsh isha ch₁ hoke.

24. Kanima moma hvch iyi putta yvt anohowa kv₁ hvchimmi ha ch₁ hoke; yakni haiaka, micha Lebanon vttvt okhina Eufiates okhina vttvt ia hosh okh₁ta ont vhli fehna ont vhli kak osh hvchim ai vhli ya ch₁ hoke.

25. Hatak nana kia hvchi tikba y₂ hikia he keyu ka ch₁ hoke; hvchin Chitokaka Chihowah yvt hvchim achi tuk mak osh, yakni hvsh anohowa moma k₂ hvch₁ nukshopa, micha hvch₁ komunta aiena k₂ onocha ch₁ hoke.

26. Yakeh, himak nitak a nan isht yukpa, micha nan isht kalakshi y₂ hvchi tikba takalechi lishke.

27. Nan ishit yukpa, hvchin Chitokaka Chihowah im anumpa himak nitak a hvchim anumpohonli li k₂ hvsh im antiakmtv;

28. Micha ishit kalakshi, hvchin Chitokaka Chihowah im anumpa himak nitak a hvchim anumpohonli li k₂ hvchik im antio hosh, hina y₂ kohchvt naksika pit hvsh fullota cha, na holbvt toba inla puta hvsh ithana tok keyu kv₁, iakaiyvt hvsh iakma.

29. Atukma yakohma hi oke; yakni y₂ ish isha ch₁ hosh,

yvmma ish ia ka chin Chitokaka Chihowah yvt chisht onak-
ma, Kelisim nvni h₂ anumpa yukpali ish onochikmvt, Ebal
nvni h₂ anumpa kalakshichi ish onocha hi oke.

30. Yvmmvt Chatan misha tvnnvp, hvshi pit ai okatula
pilla, Kananait okla yvmmvt Kilkal ichapaka yakni shahbi
asha ya i yakni Moleh yakni patali bilika hieli keyu cho?

31. Chihowah yvt hvchima tok a yakni ya hvsh isha chi
hosh, Chatan a hvsh hlopulla chi hokvt; micha hvsh ishik-
mvt hvsh ai ahashwa chi hoke.

32. Mikmvt nan vllhpisa bilia moma, micha ai vllhpiesa
yvmihinch i himak nitak a hvchi tikba ya takalichi ka ithai-
yanvt hvsh yvmihchashke.

CHAPTA, XII.

NANVLLHPISA bilia, micha aivllhpiesa yvmihinch i ilvp-
pa puta ka chiki vhleha in Chitokaka Chihowah yvt
yakni ya ish isha chi h₂ chima tok a okchayvt yakni pak-
naka hvsh ahashwa nitak moma kv ithaiyanvt hvsh yvmih-
chashke.

2. Oklushi puta hvsh ishi puta kv, nvni chaha paknaka,
micha nvni paknaka, micha iti okchamali nuta puta ka, i
na holvt toba puta aiokpvchit aiasha tuk moma ka ieshit
kanchit hvsh vmohmicha hi oke.

3. Mich a im alta puta ka hvsh kinahlich a hi oke, micha
in tonik puta ka kobahlichit, im iti lokoli puta ka luak ishit
hvsh hukma hi oke; micha i naholvt toba puta in chuvt
na holvt toba ya chanlit hvsh akakohli cha, i hohchifo puta
ka yvmma ai ishit hvsh kancha hi oke.

4. Hvchin Chitokaka Chihowah ya hvsh i yvmihcha he
keyu hoke.

5. Amba hvchin Chitokaka Chihowah ak osh kanima h₂
hvchim apchlich i puta moma ka ai atokolit, hohchifo h₂
a bohlikma, ai ahanta ak o hvsh hoya chi hoke; micha yvm-
mak o ish ona chi hoke,

6. Mich a yvmmak o nahukmit isht hvsh aiokpvchi, micha

nan vbit isht hvsh aiokpvchi, micha ishit hvchi pokoli, micha pit i walit isht aiokpvchi chibbak foyuka ka, micha anumpa hvsh ilonochi, micha ilap ahnit isht hvsh aiokpvchi, micha hvchi nan vlpoha hochito, micha hvchi nan vlpoha chipinta chelahpi puta aiena a puta ka isht hvsh ona hi oke.

7. Micha yvmak o hvchin Chitokaka Chihowah itikba ya hvsh ai impa hi oke; hvchishno, micha hvchin chuka achyfa hvsh aiena kut nana moma ka hvchibbak onochit ishit hvsh ahanta na, Chihowah yvt hvchi yukpali tuk a hvchi yukpashke.

8. Himak nitak a nana ilvppa il akaniohmi ka, hatak moma kut ilap anukfilli kut vlpesa ahni ka iakaiya ka hvsh yvmohma he keyu hoke.

9. Afoha micha aiasha he vlpesa hvchin Chitokaka Chihowah yvt hvchima tok a hvchik ono kisha hokvt.

10. Amba Chatan a hvsh hlopulli cha, hvchin Chitokaka Chihowah yvt hvchima yakni ya hvsh aiashakmut, hvchin tvnvp puta apakfoypvt aiasha moma ka i hlakofichit hvchi fohvchi na, achukma ho hvsh aiashakma.

11. Yvmohmikma hvchin Chitokaka Chihowah yvt yvmak o i hohchifo aiahanta chi ka atokola chi hoke; yvmak o nana moma chim ahanchi li tuk mak o, na hukmit ishit hvsh aiokpvchi, micha nan vbit isht hvsh aiokpvchi, ishit hvchi pokoli, micha i walit isht aiokpvchi hvchibbak foyuka aiena, micha achukma i shahli moma, anumpa il onochit Chihowah ya hvsh im ilonochi tuk a puta aiena ka isht hvsh la hi oke,

12. Mikmut hvchishno, micha hvchiso vhleha, micha hvchiso tek vhleha, micha hvchin tishu hatak vhleha, micha hvchin tishu ohoyo vhleha, micha Lefait vhleha hvchi holihta okhissa anukaka hikia aiena kut, i kashapa micha aiisha he vlpesa vt hvchim ai iti takla ya ik im iksho hoka; awant hvchin Chitokaka Chihowah itikba ya na hvchi yukpashke.

13. Ahah ish il ahnashke, yvmohmi hosh kanima moma ish pisakmut na hukmit isht ish aiokpvchi ya chik ai im isso kashke :

14. Amba chim apelihchi puta ka achufa ho kanima ho Chihowah yvt atokolikma, yvmmak o na hukmit isht ish aiokpuchi a ish ai im issa chi hoke, micha yvmmak o chi miha li tuk moma ka ish ai yvmihcha chi hoke.

15. Yohmi kia nana ho chi chukvsh vt bvnakmvt, chi holihta okhissa anukaka moma ka, chin Chitokaka Chihowah yvt nan isht yukpali chima tuk mak o, ai vbit nipi ish pashke: ik kashofa micha kashofa aiena kut issi holba nakni, micha issi nakni chohmi ka ai vpa hinla hoke.

16. Peh issish ano hvsh pa he keyu, oka chohmichit, aka hvsh hlatvbla hi oke.

17. Chim onush isht pokoli, micha chim oka paki ishit pokoli, micha chi bila ishit pokoli, micha chi nan vhlpoa hochito vttahpi, micha chi nanvhlpoa chipunta vttahpi, micha anumpa ilonochi ish ilonochi tok, micha ilap ahnt nan im issa, keyukmvt pit i walit im issa chibbak foyuka aiena ka chi holihta okhissa anukaka ya ish aivpa he keyu hoke.

18. Amba chin Chitokaka Chihowah ak osh kanima ho ai atokolikma, chishno, micha chiso, micha chiso tek, micha chin tishu hatak, micha chin tishu ohoyo, micha Lefait chi holihta okhissa anukaka ahanta aiena kut, chin Chitokaka Chihowah itikba ish ai impa hi oke; micha nana ho chibbak isht ish ishi moma chin Chitokaka Chihowah itikba na, chi yukpashke.

19. Ahah ish il ahni cha, yakni paknaka ish ahanta moma kut Lefait vhleha ha chik kancho kashke.

20. Chin Chitokaka Chihowah yvt achit chim issa tuk mak osh, chim aivhli ya chitolikma, nipi ya vpa lashke, ish achikmvt, (chi chukvsh vt nipi vpa bvnna ha tuk osh,) nipi nana ho chi chukvsh vt bvnakmvt ish pa hinla hoke.

21. Chin Chitokaka Chihowah yvt kanima ho yvmmak o hohchifo ha a bohla chi hosh atokoli tuk vt chi hopaki fehnakmvt, yohmikmvt, chi nan vhlpoa hochito, micha chi nan vhlpo chipunta aiena Chihowah yvt chima tuk a chi miha li tuk mak o, nana ho chi chukvsh vt bvnakmvt chi holihta okhissa anukaka yak o ish ai vpashke.

22. Issi holba nakni, micha issi nakni vpa chatuk mak o,

chohmichit ish pashke, ik kashofa, micha kashofa aiena kut iti lauet ai vpa hi oke.

23. Peh issish ano chikpo pullashke; issish ak osh isht okchaya yoke; isht ai okchaya ya nipi aieninchit ish pa he keyu hoke.

24. Ish pa he keyu; oka chohmichit aka ish hlatvbla hi oke.

25. Ish pa he keyu hoke; yvmohmi hosh Chihowah itikba ya aivlhpiesa ho ish yvmohmikmut, chishno, micha chim vlla vhleha et chi akaiya aiena kut chim achukmashke.

26. Peh na chi hullochi chim asha, micha anumpa ishi lonochi ak illa ho ish ishi cha, Chihowah yvt kanima yo ai atokoli tukma ish ia hi oke.

27. Micha na hukmit isht ish aiokpvchi nipi, micha issish aiena ka chin Chitokaka Chihowah im alta ya onochit ish im issa hi oke: micha nan vbit isht ish aiokpvchi issish vt chin Chitokaka Chihowah im alta ya o hlatapakma, nipi yano ish pa hi oke.

28. Yohmi ahnit ish anukfilli cha, anumpa ilvppa moma chi miha li ka ish haklashke; yvmohmi hosh chishno, micha chim vlla chi akaiya aiena kut chin Chitokaka Chihowah itikba ya achukma ho micha ai vlhpiesa ho ish yvmihchikmut achukma hosh ish mahaya na biliashke.

29. Ish isha chi hosh ish ia ka chin Chitokaka Chihowah yvt oklushi puta kash chi tikba ai ishit kanchi na, ish vlhtoba cha, i yakni ya ish ashakmut;

30. Ahah ish il ahnashke, yvmohmi hosh chi tikba ai ishit kanchi ha ya iakaiyvt isht ik chi yushobo kashke, micha i naholbvt toba puta ka ponaklot, Oklushi ilvppa puta kut i naholbvt toba puta ka katiohmit im antia tuk oh cho? vno ak kia yvmmak o yvmihchi la chi hoke, chik acho kashke.

31. Chin Chitokaka Chihowah ya ish yvmihcha he keyu; Chihowah yvt i yuwala puta moma, micha shitilema ya, i naholbvt toba i yvmihchi tuk oke; ushi vhleha micha ushetik vhleha aiena ka i naholbvt toba luak isht i hukmi fehna tuk oke.

32. Nana hō hvchim ahanchi li tukma, ithaiyanvt ish yv-mihchashke: ish iba fohka he keyu, micha ish ola taklvcha he keyu hoke, achi tok.

CHAPTA XIII.

HUCHIM ai iti takla hopaii yosh, keyukmvt, na holhpokuna ya holhpokuna yosh wakayvt hikia cha, nan isht atokowa, keyukmvt, na fehna yō chī haiakvchikma.

2. Atuk o nan isht atokowa, keyukmvt na fehna ishit chim anumpuli tuk vt ont aiahlikma, yvmmak oka ish ithana chatuk keyu ka, Naholbvt toba inla iakaiyvt iloh iashke, micha iloh im antiashke, achikma,

3. Hopaii yvmma, micha na holhpokuna holhpokuna yvmma im anumpa ha ish haponakla he keyu; hvchi chukvsh a mominchit, micha hvchimi shilombish ma mominchi hosh hvchin Chitokaka Chihowah ya ishit hvsh holitoblikma, nanakma, isht akostinincha chī hosh imoma ka hvchi pisa hoke.

4. Hvchin Chitokaka Chihowah ya iakaiyvt hvsh itvno-washke, micha i nukwiut im anumpa ha holitoblit, im anumpa ha hvsh im antiut, in toksahanlit hvsh asitiashke.

5. Mikma hopaii yvmmvt, micha holhpokuna holhpokuna yvmmvt illashke; hvchin Chitokaka Chihowah yvmmak osh Echip yakni ya apehlichit hvchi kohchi tok; micha yvmmak osh aboha ayuka ha a hvchi hlakofichi tok a, i filvmmichit hvchisht ia chī hosh, hina hvsh ai itvnowa chī hō hvchin Chitokaka Chihowah yvt hvchī miha tok a nak-sika pit hvchi tobli bvna hosh anumpuli ha tuk oka. Yv-mohmi hosh hvchim ai iti takla ya nan ik achukmo ka isht hvsh kanchashke.

6. Chitibapishi chishki ya ushi yokmá, keyukmvt chiso yokmá, keyukmvt chisotek okmá, keyukmvt chi tekchi chi apotoa tuk ak okmá, keyukmvt chī kana yosh chimi shilombish ak inli chiyuhmi tuk okmá, nana hosh lumvt chi haksichit, yvmmak oka hvchishno, micha hvchiki vhle-

ha aiena kvt ithana tok keyu kia, Kilia cha, naholbvt toba inla,

7. Yvmmvt okla hvchi apakfopvt aiasha, hvchi bilika hokma, keyukmvt hvchi hopaki hokma, yakni ataha ka in tvnnvp vttvt ia hosh in tvnnvp ont vhli ka aiasha ka i na naholbvt toba kiloh aiokpvchi, achikma,

8. Ulhpesa, chik im ahno kashke, micha chik i haponaklo kashke: micha chi nishkin vt ik i nukhaklo kashke, ish apoacha he keyu, micha ish luhma he keyu hoke.

9. Amba ish bi pulla hi oke: illichi ka tikbanli hosh chishno ak osh chibbak a ish onocha hi oke; mikma i himmak a yo okla moma kvt ibbak onocha hi oke.

10. Tvli o isht ish boli na, illashke; chin Chitokaka Chihowah yvmak osh Echip yakni, micha aboha a yuka ha apelhichit chi kohchi tok a i filvmmichit chi tobli bvna tuk okvt.

11. Mikma Israel moma kvt haklo cha, nukshopakmvt, himmakma yoshuba fehna ilvppa chohmi kvt a hvch iti takla ya ik a yvmohmho kashke.

12. Chin tvmaha holihta kanima ka yvmak oka ish ai asha chi ka chin Chitokaka Chihowah yvt chima tok a ish haklo ho achi kvt,

13. Hatak kaniohmi kvt Belial im vlla vhleha hv hvchi kohchvt ia cha, in tvmaha holihta okla hash pehlichit isht ivt, Naholbvt toba inla puta hvsh ithana tuk keyu ya ia cha, kiloh aiokpvchi, achishke, achikma,

14. Yohmikma ish ponaklo cha, silhhit, micha achunan-chit ish asilhvcha hi oke; atuk o, yakeh, na yuwala yvma chohmi hvchi ai iti takla ya yvmihchi tuk vt ahlikma, micha nana kvt ai ghli fehnakma;

15. Tvmaaha holihta yash okla aiasha ka bvshpo falaia ishit fahamvt, ishit kanchit hvsh vmohmichi pullashke; micha anukaka nana aiasha moma ka, micha nanvlhpoba yvma aiasha ka bvshpo falaia isht hvsh kanchashke.

16. Michi na wehpoa moma ka tvmaaha holihta iti takla ai itvnowa iklvna hvsh itvnahli cha, tvmaaha holihta, micha na wehpoa aiena kash ant isht aiopi moma ka chin Chitoka-

ka Chihowah itikba ya luak isht hvsh hukmashke; micha chiffikot chieya na biliashke; anonti ikba he keyu hoke.

17. Mikma nana achufa nana kia kullakshi yash osh chibak a foyuka he keyu hoke: yvmohmi ho Chihowah yvt chiki vhleha ha anumpa kvlo im il onochi tok mak osh, ai im i nukkilli libbi ka shvnaiachi cha, chi nukhaklot heh chi ahni cha,

18. Chin Chitokaka Chihowah im anumpa ha ish hapo-naklo cha, im anumpa moma ka himak nitak a chi miha li ka ieshit chin Chitokaka Chihowah itikba ya, aivlhpiesa kak o ish yvmihchikma, chi apaknvchashke, achi tok.

CHAPTA XIV.

HUCHIN Chitokaka Chihowah im vlla hvchia hoke; illi pulla kak o hvsh ile bvshla he keyu, micha hvchi nishkin iti takla ya hvsh yushmilalicha he keyu hoke.

2. Chin Chitokaka Chihowah ya i holitopa okla chia hokvt; micha oklushi puta yakni paknaka aiasha moma ka i shahlechit im okla hosh inla fehna chia ha chi ho Chihowah yvt chi atokoli tok oke.

3. Nana yuwala ya ish pa he keyu hoke.

4. Nampoai ilvppa puta ka hvsh pa hi oke: wak, chukfi, micha issi kosoma.

5. Issa nakni, micha issi tek, micha issi humma, micha issi kosoma nukshopa, micha issi antilop achi, micha issi kasel achi, micha issi shammi achi.

6. Michai nampoai moma hosh iyi akchush a iti filvmmichit pahlvllichi mvt, iyi akchush tuklochi cha, hvshuk vpa tuk vt, falaminchit kohchit hopasa puta kvv nampoai ai itin takla asha ka yvmmak o hvsh pa hi oke.

7. Yohmi kia ilvppa puta kak osh hvshuk vpa tuk vt kohchit hopasa kia, micha iyi akchush pahlata ya iti filvminchi ak inli kia; yvmmak o hvsh aivpa he keyu hoke: kamel, micha putta kitta, micha chukfi holba, chohmi ka; yvmmvv hvshuk vpa kohchit hopasa kia, iyi akchush a iti

filummichi keyu hoka; yvmohmi hokvt hvchin litiha ya hi oke.

8. Mikma shukha yvt iyi akchush a iti filummichi hakinli kia, hvshuk vpa tuk vt kohchit hopasa keyu hokvt, hvchin litiha ya hi oke; nipi ya hvsh pa he keyu, micha ymma nipi illi ya hvsh potola he keyu hoke.

9. Ilvppa puta kak osh oka aiasha ya hvsh pa hi oke; sanahchi im asha, micha hakshup fachowa im asha aiena kak o hvsh pa hi oke.

10. Micha nana hosh sanahchi ik im iksho, micha hakshup fachowa ik im iksho ka hvsh pa he keyu hoke; hvchin litiha ya hi oke.

11. Hushi kashofa puta moma ka hvsh pashke.

12. Yohmi kia ilvppa puta kak o hvsh pa he keyu hoke; ossi micha ossifilachi, micha ospila.

13. Micha kileti, micha kait, micha fulta itiakaiya achvfa puta,

14. Micha fula chito ai iti akaiya ai achvfa puta.

15. Micha opa, micha oksupafohli, micha kuku, micha na hokli hak achi, ai iti akaiya achvfa,

16. Micha opa iskitini, micha opa chito, micha okak,

17. Micha chilantakoba, micha kie ossi, micha komolant,

18. Micha istak, micha itikushayaiya ai iti akaiya achvfa, micha lapwin, micha halambisha,

19. Micha na balahanli hvv heli puta kvv hvchin litiha ha chi hoke, vpa he keyu hoke.

20. Amba hushi kashofa puta hokvno hvsh pa hi oke,

21. Naha hosh ilap ak inli hosh illi tuk ano hvsh pa he keyu: okla inla yosh chi holihta okhissa hikia kak o ish ema na, vpa hi oke; keyukmvt okla inla yo ish i kancha hi oke; chin Chitokaka Chihowah ya alitiha ik im iksho yosh im okla hvchia hokvt. Issi kosoma ushi ya ishki i pishukchi ya isht ish hona he keyu hoke.

22. Osapa yvt chi na nihi ya afvmmi hosh ont afvmmikma, nawayahanchi ka ishit pokoli ho ahli hosh ish onohunchashke.

23. Kanima ho hohchifo a bohla chi hosh atokolikma,

yvmmak o chim onush, micha chim oka-paki, micha chi bila ishit pokoli, micha chi nan vlhpoa hochito, micha chi nan vlhpoa chipunta ushi vtta ahpi puta aiena ka chin Chitokaka Chihowah itikba ya ish ai vpashke; yvmohmi hosh chin Chitokaka Chihowah ya i nukwia bilia ka ish ithanashke.

24. Atuk o hina vt chi falaia fehna cha, isht ish ia he keyukmvt, micha chin Chitokaka Chihowah yvt hohchifo ha yvmmak o a bohla chi hosh atokoli tuk vt chi hopaki fehnakmvt, chin Chitokaka Chihowah yvt na chi yukpa li mvt;

25. Yohmikmvt tvli holisso isht ish itatoba cha, tvli holisso yash takchit, chibbak ish foyuki cha, chin Chitokaka Chihowah yvt ai atokoli tuk a ish ona hi oke.

26. Micha chimi shilombish vt nana ho bvnnakmvt, wak okma keyukmvt chukfi, keyukmvt okapaki, keyukmvt nan ishko kvllo, keyukmvt chimi shilombish vt nana ho bvnnakmvt, yvmmak o Chihowah chin Chitokaka itikba ya chishno micha chin chuka achvfa aiena kvv na yukvvt imvvt hvsh mghaya hi oke.

27. Micha Lefait vt chi holihta okhissa anykaka aiasha ha ish kancha he keyu; yvmvvt chin takla i kashapa yvt ai isha he ai vlhpiesa yvt ik im iksho hoke.

28. Afummi ont a tuchina kvv ont taha ma, afummi yvmmak inli ho, chi nawaya ishit pokoli moma ka isht ish kohchi cha, chi holihta okhissa anykaka ish ashacha hi oke.

29. Mikma Lefait vt (yvmvvt i kashapa, micha ai isha he vlhpesa yvt chiba fokvt ik im iksho hokvt) micha okla inla, micha iki iksho, micha i hatak illi, chi holihta okhissa anykaka aiasha aiena kvv vla cha, vpvvt fihopashke; yvmohmi ho chin Chitokaka Chihowah yvt chibbak na toksahanli moma isht ish ahanta ka chi yukpalashke, achi tok.

CHAPTA XV.

AFUMMI untuklo kvv ont taha ai yukalikma, nan i hotofi ya ish apesa hi oke.

2. Micha nan i hotofi yvt yakohma hi oke : nan ahekvchi aiukali hosh in chuka a bilika hatak a, nana kia im pota tuk vt i hotofa hi oke ; in chuka abilika hatak, keyukmt, itibapishi ha i hoya he keyu, Chihowah i hotofa hohchifo hoka.

3. Okla inla yano ish i hoya hi oke ; amba chimmi ha tuk a chitibapishi hvt ishi ka chibbak vt i hotofa hi oke :

4. Ilbusha yvt huch itin takla ya iksho hok mak illa hi oke, ish ai isha he vhpesa yosh ish ai isha chi ho, chin Chitokaka Chihowah yvt yakni chima tok a Chihowah yvt chi yukpali fehna chi hoke.

5. Peh chin Chitokaka Chihowah im anumpa achukmat haponaklot, anumpa ilvppa puta moma himak nitak a chim anumpohonli li ka ithaiyanvt ish yvmihchikma.

6. Chin Chitokaka Chihowah yvt chim achi tuk mak osh, chi yukpali hoka : mikma oklushi laua ho ish impota hi oke ; yohmi kia chishno vto ish pota he keyu, micha oklushi laua ho ish i mika hi oke ; amba chishno ano chi mika he keyu.

7. Chitibapishi vhleha aiachufa, hatak vt ilbusha hosh huch itin takla chi holihta okhissa moma anukaka chin Chitokaka Chihowah yvt yakni chima tuk a ahantakma, chi chukvsh a ish i kvlocha he keyu, micha chitibapishi ilbusha ya chibbak a ish i pohloma he keyu hoke.

8. Amba chibbak a auatvchi hosh ish i wakvmmi cha, nana bvna tuk yvma kaniohmi bvna ka laua kv im vhpesa ho ish im pota hi oke.

9. Ahah ish ai ahni na, Afvmmi isht untuklo afvmmi ai i hotofa he vt olanlosishke, achi, imanukfila hvt chi chukvsh okpulo ya ik chukowo kashke ; micha chi holhponayo hvt ik achukmot, chitibapishi ha i sanali cha, nana kia chik emokma, chi sanalit Chihowah ya im payakma nan ashvchi chi toba na.

10. Ish ima pulla hi oke, micha ish emakmt, chi chukvsh vt nukhakla he keyu : nana ilvppa pulla kak o, nan ish toksvli puta moma, micha nana moma ho chibbak isht ish ishikma chin Chitokaka Chihowah yvt na chi yukpala hi oke.

11. Yakni yash ilbusha yvt ik ai iksho ka he keyu hoke : yvmohmi kak o chitibapishi ha ilbusha ya, micha nana ik im iksho yakni yash chim ai asha ka chibbak a auatvchit ish i wakumma hi oke, chim achi lishke.

12. Atuk o chitibapishi Heblu hatak, keyukmvt Heblu ohoyo ha chi kanchi tuk o, afvmmi hannali ho chin toksvlikma, afvmmi ont isht untuklokma, pilla ho chim ai ia he a, ish im ahnashke.

13. Micha pilla ho ish kohchichikmvt, ibbak bieka hosh ik ia, ish im ahna he keyu hoke.

14. Laua achukma ho chi nan vlhpoa chipunta, micha chim a nihechi, micha chi paki abusha aiena ka ai ishit ish im atahla hi oke : chin Chitokaka Chihowah yvt nan isht chi yukpali tuk a ai ishit ish ima hi oke.

15. Micha hatak yuka hosh Echip yakni ya ish ahanta tuk o, chin Chitokaka Chihowah yvt falvmminchit chi hlakofichi tok a ish ithaiyanashke : yvmohmi kak o himak nitak a nana ilvppa mihvt chim ahanchi lishke.

16. Atukma yakohma hi oke, chishno micha chin chuka achvfa holitobli ha tuk osh, micha chi takla ahanta kv im achukma ha tuk osh, chissot ia la he keyu, chim achikma,

17. Yohmikma chofak ish ishi cha, haksobish a hlopullichit, okhissa ya ish anvhlichia hi oke : micha chin tishu bilia ya hi oke. Micha chin tishu ohoyo ha ish yvmihchi ak inla hi oke.

18. Pilla ho ik ia, ish im ahnikmvt chi kvullo, ahoba he keyu ; afvmmi hannali ho chin toksvli kv, ilhtono tishu ha inolhmi tuklo ka holitopa tuk vt chim iti laui tuk oke : micha chin Chitokaka Chihowah yvt nana moma ka ish yvmihchikma, chi yukpala hi oke.

19. Chi nan vlhpoa hochito, micha chi nan vlhpoa chipunta aiena ka vttahpi nakni puta ka chin Chitokaka Chihowah ya ish i hullocha hi oke : vttahpi chi wak hobvk a isht ish toksvla he keyu, micha chin chukfi vlhpoa vttahpi hishi ya ish ma he keyu hoke.

20. Afvmmi hosh ont afvmmikma kanima ho Chihowah yvt atokolikma, yvmak o chishno, micha chin chuka achvfa

aiena kvt chin Chitokaka Chihowah itikba ya ish ai vpa hi oke.

21. Atuk o ik ai ono kvt takali cha, hanali okpulo, keyukmut nishkin lupa, keyukmut ik ai onot ik achukmo nana hosh takalikma, chin Chitokaka Chihowah ya vbit isht ish ai okpvcha he keyu hoke.

22. Chi holihta okhissa anukaka yak o ish ai vpa hi oke: hatak ik kashofo, micha kashofa aiena kvt iti lauit issi, micha lapitta chohmichit ish pa hi oke.

23. Peh issish ano chik po ka hi oke, oka chohmihchit aka ish hlatvbla hi oke, achi tok.

CHAPTA XVI.

HUSHI Abib a ish ithaiyana cha, chin Chitokaka Chihowah ya vbanvblit ontia isht ish im ieshashke: hvshi Abib ak o chin Chitokaka Chihowah yvt ninak o Echip a ap ehlichit chi kohchi tok oke.

2. Chihowah yvt kanima ho ai atokolit hohchifo a bohlikma, yvmmak o chi nan vlpoha chipunta, micha chi nan vlpoha hochito aiena ka ai ishit vbanvblit ontia ya vbit chin Chitokaka Chihowah ya isht ish ai okpvchashke.

3 Pvska shatvmmi ya aieninchit ish pa he keyu; nitak untuklo ho pvska ik shatvmmo, ilbvsha pvska pulla ka aieninchit ish pa hi oke; (anukwaya hosh Echip yakni ya kohchvt ish minti tok okvt:) yvmohmi hosh chi okchaya nitak moma kvt Echip yakni ya kohchvt ish minti tok nitak a ish ithaiyanashke.

4. Hvsh aiasha fullota moma ka pvska shatvmmi nana kia ik a haiako ho nitak untuklashke; micha nitak vmmona opiaka vbit isht ish aiokpvchi nipi vt ninak a itonla na onna he keyu.

5. Chi holihta okhissa kanima kia chin Chitokaka Chihowah yvt chima ka anukaka ya vbanvblit ontia ai vbit isht ish aiokpvcha he keyu hoke.

6. Amba chin Chitokaka Chihowah yak oah kanima ho

atokolit hohchifo a bohlikma, yummak o opiakma hvshi vt okatula ho Echip a a kohchvt ish minti tok ont vlhpiesakma, vbanvblit ontia ya isht ish aiokpvcha hi oke.

7. Mikmvt chin Chitokaka Chihowah yvt kanima ho ai atokolikma ish ai apushli cha, ish pa hi oke: atuk osh onahinlikma falamvt chi bina ha ish ona hi oke.

8. Nitak hannali ho pvsha ik shatvmmo ya ish pa hi oke; atuk osh nitak isht untuklo hokvto chin Chitokaka Chihowah im itvna holiropa ya hi oke: yummak oka na toksuli nana kia ish yvmihcha he keyu.

9. Nitak hullo untuklo ho ish hotihna hi oke; nitak kaniohmi ho onush a ishit bvsha ya ishit bvshlit, isht ish ia mak inli hosh, nitak hullo untuklo ka hotihvvt isht ish iashke.

10. Micha nitak hullo puta impvchi ya chin Chitokaka Chihowah ya isht ish aiashakmvt, chin Chitokaka Chihowah yvt na chi yukpali tuk pulla mak o ilap ahnit chibbak foyuka im issa ya aieninchit chin Chitokaka Chihowah ya ish imashke.

11. Micha chin Chitokaka Chihowah itikba ya, chishno micha chiso, micha chiso tek, micha chin tishu hatak, micha chin tishu ohoyo, micha Lefait vt chi holihta okhissa anuka aiasha, micha okla inla, micha iki iksho, micha ohoyo vlhtakla hvch itin takla aiasha aiena kv, kanima ho chin Chitokaka Chihowah yvt hohchifo a bohla chi hosh ai atokoli tukma, yumma a yukvvt ish aiashashke.

12. Micha Echip a hatak yuka hosh ish aiahanta tuk vt ish ithaiyanashke: micha nan vlhpisa bilia ilvppa puta ka ithaiyanvt, ish yvmihchashke.

13. Chim onush micha chi paki ya hoyot ish tahli ha yvt, tabenakel ai impvchi ya nitak untuklo ho isht ish aiasha hi oke.

14. Micha chim impvchi ya nan isht chi yukpashke, chishno, micha chiso, micha chiso tek, micha chin tishu hatak, micha chin tishu ohoyo, micha Lefait, micha okla inla, micha iki iksho, micha ohoyo vlhtakla chi holihta okhissa anuka aiasha aiena kv na yukpashke:

15. Chihowah ak osh kanima hō ai atokolikma, chin Chitokaka Chihowah yā nitak untuklo hō impvchi holitopa isht ish im aiashashke: na chī waya moma, micha chibbak na toksghanli tuk moma kq chin Chitokaka Chihowah yvt na chi yukpala chī hoka; yvmohmi hoka na chi yukpa pulla hi oke.

16. Kanima hō ai atokoli tukma, nakni chim asha moma kv̄t chin Chitokaka Chihowah yā afv̄m̄mi achvfakma, hituchina hq̄ itikba yā im itvnaha hi oke: pvska ik shatv̄mmo impvchi, micha nitak hullo puta impvchi, micha tabenakel ai impvchi: micha ibbak bieka hosh Chihowah itikba yā ona he keyu hoke:

17. Chin Chitokaka Chihowah yvt nan ishit yukpali chima tuk pulla mak o, hatak puta kv̄t ai ima he vlhpiesa puta kv̄t imashke.

18. Chim apelhlichī puta hlopulli, chī holihta okhissa chin Chitokaka Chihowah yvt chima tok q̄ nan apesa v̄hleha, micha nan v̄lhtoka v̄hleha aiena kq̄ ish ikbashke; mikma okla hq̄ nan vlhpisa aivlhpiesa hō im apihisa hi oke,

19. Aivlhpiesa vlhpisa kq̄ ish shanaiyacha he keyu: hahatak yohmi hoka, ish ahna he keyu, micha nahvlbina ish isha he keyu; na hvlbina hv̄t hopoyuksa nishkin q̄ lvplichī hoke; micha aivlhpiesa im anumpa hq̄ shanaiyvchi hoke.

20. Aivlhpiesa bieka kak o ish iakaiya hi oke; yvmohmi hosh chin Chitokaka Chihowah yvt yakni chima kq̄ chī okchaya cha ieshit ish aiasha hi oke.

21. Chin Chitokaka Chihowah im alta bilika yv̄mma ish ikba chī kv̄t itilokoli nana kia ish hokcha he keyu.

22. Michā na holbv̄t toba nana kia chin Chitokaka Chihowa yvt shitilema kq̄ ish hilecha he keyu, (achi tok.)

CHAPTA XVII.

WAK hobvk nana kia, keyukmvt chukfi vt ik ai ono, keyukmvt pisa ik achukmo aiena vbit, chin Chitoka-

ka Chihowah ya isht ish aiokpvcha he keyu: yummak okvt chin Chitokaka Chihowah ya nan isht i yuwala yoka.

2. Hvch itin takla chi holihta okhissa, chin Chitokaka, Chihowah yvt chihima aiachvfona anukaka ya hatak okma, keyukmvt ohoyo hokma nana hosh chin Chitokaka Chihowa itikba ya nan itim apesa ya vbanvbli cha yoshuba yumihihi tuk,

3. Micha ivt na holbut toba inla, hvshi, keyukmvt hvsh ninak aya, keyukmvt vba nana puta, yummak oka miha li tuk keyu ho im antia tuk, micha aiokpvchi tuk osh haiakakma;

4. Atuk o chim annoa cha, ish haklo mvt, achukmalit ish asilhvchi tuk, atuk o yakeh, ahli ho micha nana kvt atokowa ka na yuwala yumma chiyuhmi kvt Israel a yvmohmi tuk achinikma;

5. Yohmikma hatak, keyukmvt ohoyo yummvt na yoshuba yumma yumihihi kash, hatak yumma, keyukmvt ohoyo yumma pulla ka chi holihta okhissa ya isht ish ona cha, vli ishit ish boli na, illa hi oke.

6. Witnes tuklo, keyukmvt tuchina kanima hosh anoli ho, illa he vhpesa kvt illashke, amba witnes achvfa hosh anoli ho, illa he keyu hoke.

7. Uba chi kvt witnes puta ibbak ak osh tikba onvtola hi oke, i himmak a yak o okla moma ibbak vt onvtola hi oke; Yvmohmi hosh nana ik achukmo hvch itin takla itoyula hash ishit hvsh kancha hi oke.

8. Issish hlatapa tuk o issish hlatapa chi, anumpa iti onochi, micha iti fahama puta, anumpa ishit itachowa puta nana kvt chi kullo fehna ho ish im apesa chi, chi holihta okhissa anukaka ya isht chim vlakma, ish wakaya cha, chin Chitokaka Chihowah ak osh ai atokoli tukma yummak o ish onashke.

9. Micha naholitompa isht asha vhleha, Lefait vhleha, micha nan apesa aiena nitak yumma asha tuk a ish im ona cha, ish im asilhha hi oke; mikma yummak osh nan vhpisa anumpa hoka chim anola hi oke.

10. Micha kanima ho chin Chitokaka Chihowah ak osh

ai atokoli tuk a asha yosh anumpa chim anoli tuk mak o, ish yvmihcha hi oke; micha nana chim anoli tuk mak o moma ka ithaiyanvt ish yvmihinchashke,

11. Nan vlpisa anumpa apesvt chim avuchi tuk mak o, micha anumpa vlpisa chim anoli tuk mak o ish yvmihchashke: anumpa vlpisa chim otvninchi tuk a fullotvt isht impakma, keyukmvt vlfvubekimma ish ia he keyu hoke.

12. Mikma hatak kvna hosh ilapunla cha, naholitompa isht vtta yvt chin Chitokaka Chihowah itikba ya hikivt, yummak o nan isht ai ahanta ka ik i haponaklo, keyukmvt nan apesa yo ik i haponaklokmt, hatak yummvt illi pulla hi oke; micha Israel a nan ik achukmo ya ishit ish kancha hi oke.

13. Mikma okla moma kv haklokmt nukshopa cha, himmakma nana ka ilapunlv ik yvmihecho ka hi oke.

14. Chin Chitokaka Chihowah yvt yakni chima tok a ish onakmvt, ish ishi cha ish aiashakmvt, Oklushi inla puta si apakfoyupa aiasha ka chohmit sa pehlich chi ka, miko ikbit binilichi lashke, ish achikmvt,

15. Ik kaniohmi hoh kia kanima ho chin Chitokaka Chihowah ak hosh atokolikma, chi pehliecha chi ka, miko ikbit ish binilicha hi oke, chitibapishi vhleha aiachvfa ho chi pehlihchi miko ikbit ish binilicha hi oke, chitibapishi keyu, okla inla yo chi pehliechi ikbit ish binilicha he keyu hoke.

16. Yohmi kia issuba ha apaknvchit il ai asha he keyu; micha issuba ha apaknvcha chi kak osh okla ha falvminchit Echip a pila he keyu hoke; Chihowah yvt Himak a pilla ha ymma pilla ka falamvt ish ia he keyu chim achi tok oka.

17. Micha chukvsh vt fullotvt naksika ik aiyo ka chi, ohoyo ha hullocha hi oke; vttahpi chi wak hobvk a isht ish toksula he keyu, micha chin chukfi vlpoa vttahpi hishi ya ish ma he keyu hoke.

18. Atuk osh yakohma hi oke; im apehliechika miko im ai om binili holitompa ya om binilikmvt, nan vlpisa ilvpt na holitompa isht vtta Lefait vhleha itikba itoyula ka akochit hobachit holisso ha a fohkit a holissochashke.

19. Mikma iba itoyulashke, mihma okchayvt ahanta he nitak moma ka yvmma ai itim anumpohonlashke; yvmohmi hosh Chitokaka in Chihowah ya i nukwia he, micha nan vlpisa ilvppa anumpa puta, micha anumpa vlpisa bilia ilvppa puta aiena ka yvmihinja chi hosh ithaiya na hi oke.

20. Yvmohmi hosh chukvsh vt vba takalit itibapishi vhleha ha ik i shahlo, micha anumpa hash naksika pit fullo-tvt ishtimpakimma, keyukmvt vlfvbekeimma ik aiyo kashke: yvmohmi hosh Israel ai itin takla ya, yvmma micha im. villa vhleha aiena im aplehlichika ieshi nitak falaiachashke. (achi tok.)

CHAPTA XVIII.

NAHOLITOMPA isht vta vhleha, Lefait vhleha, Lefait aplehlichika moma aiena kut Israel a takla akashapa, micha aiisha he vlpesa ya isha he keyu; luak ishit hukmit, Chihowah im issa, micha im ai isha he vlpesa aiena kak o vpa hi oke.

2. Yvmohmi hokvt itibapishi vhleha itin takla ya yakni ik im iksho ka hi oke, im achi tuk mak osh, Chihowah ak o ai isha he vlpesa yoke.

3. Micha okla ha im ai ishi kut, wak okma, keyukmvt chukfi hokma nana ho vbit isht aiokpuchi im issakmvt, naholitompa isht vta ya fulup, itisupi tuklo micha takoba aiena kak o ima hi oke, mikma ilvpak osh naholitompa isht vta yvt immi ha hi oke.

4. Micha onush chi waya vmmona, chim oka-paki, micha chi bila, micha chin chukfi hishi vlmo vmmona aiena ka ish ima hi oke.

5. Chihowah hohchifo pulla ho hikvt nan isht im ahanta chi ho, yvmma, micha ushi vhleha aiena kut bilia chi ho, chim aplehlichika moma ka akohchit chin Chitokaka Chihowah yvt atokoli tuk oke.

6. Yohmi ka Lefait osh Israel a fullota moma holihta okhissa kanima ai vta tuk osh kohchvt vlakma, micha ka-

nima ho Chihowah yvt ai atokoli tuk a, im anukfila okluht bunna hosh vlakmt,

7. Yohmikmt itibapishi vhleha Lefait vhleha hvt Chihowah itikba ya hieli kvt yvmihchi ka chohmit in Chitokaka Chihowah hohchifo pulla ho nan isht ahanta hi oke.

8. In tikba im ilayak kunia tuk vlbi ka, ishikmt, vpa chi kvt tikba asha, i kvshkoa chohmi ka isha hi oke.

9. Chin Chitokaka Chihowah yvt yakni chima tok a ish onakmt, oklushi ymma puta a yvmihchi nan isht ywala ya hobachit yvmihcha chi ka ish ithvna he keyu.

10. A hvchi takla ka, ushi, keyukmt, ushetik a luak hlo-pullichu keyukmt, nan ithana ilahobi keyukmt, nitak nan isht ithana ilahobi, keyukmt, atulwvchi, keyukmt ohoyo isht ahullo,

11. Keyukmt shimohvchi, keyukmt, nana aholhkunna i ponaklo, keyukmt, nakni nan ishtahullo, keyukmt, hatak illi itim anumpulit nan anoli nana kia ik ai iksho ka hi oke.

12. Nana ilvppa puta yvmihchi moma ka Chihowah yvt nan ishit ywala yoke : micha nan ishit ywala ilvppa pulla kak o, Chihowah yvt chi tikba ya akocha wehli tuk oka.

13. Chin Chitokaka Chihowah ya ish im ahlashke.

14. Oklushi ilvppa ish isha chi puta kvt, nitak nan isht ithana ilahobi, micha nan ithanvt anoli ilahobi puta ka i haponaklo tuk oka : yohmi kia chishno ano chin Chitokaka Chihowah yvt ish yvmihcha he ya ik chim ahno tuk oke.

15. Chin Chitokaka Chihowah yvt a hvch itin takla hvsh itibapishi vhleha ai achvfa yosh vno chohmi ho, Hopaii chi hilecha chi hoke ; yvmak o ish i haponakla hi oke.

16. Holeb a itvnavt ish aiasha nitak mvt, chin Chitokaka Chihowah ya ish im ahni moma kvt, An Chitokaka Chihowah itih ha anonti ak haklo kashke, micha himakma luak chito ilvppa ak peso kashke, yvmohmi hosh ik svllo kashke, ish achi tok.

17. Mihma Chihowah yvt, Anumpuli kvt, vlvpesa ho anumpulishke, vm achi tok.

18. Itibapishi vhleha im itin takla ya, Hopaii chishno chohmi ho i hilechi la hi oke, micha vm anumpa ha itih ha

fohkalikma, im apesa li tuk mak o, moma ho im anumpula hi oke;

19. Atukma yakohma hi oke, kvna hosh sa hohchifo pulla ho anumpulikma yummvt im anumpa ha hakla he keyukma im a hoyo la hi oke.

20. Amba hopaii vt sa hohchifo pulla ho, yvmma anum-pula chi im apesa li tuk keyu ho, Anumpule lih mihakmvt, keyukmvt, naholvt toba hohchifo pulla ho anumpulikmvt, hopaii yvmma fehna kvv illa hi oke.

21. Yohmi ka chi chukvsh anukaka, Katiohmi kak osh anumpa Chihowah yvt anumpuli tuk keyu ka il akostinin-cha chi cho? ish achikma,

22. Hopaii vt Chihowah hohchifo pulla ka anumpuli tuk-ma, nana kvv ik yvmohmo, micha ik aiahlokmt, yvmmak osh nana Chihowah yvt anumpuli tuk keyu; amba hopaii vt ile yimmit anumpuli tuk a hi oke; yvmma hvsh i nuk-shopa he keyu hoke, (achi tok)

CHAPTA XIX. .

OKLUSHI puta ka chin Chitokaka Chihowah yvt i yak-ni ya chima tuk vt ai ishit kanchikma, vltobvt in to-maha holihta puta, micha in chuka puta ish aiashakmvt,

2. Ish ai asha chi ho chin Chitokaka Chihowah yvt chi-ma ka chi yakni iklvna tomaha holihta tuchina ho ish ilai atokola hi oke.

3. Hina ish ilai ikba hi oke: micha chi yakni aivhli ish aiasha chi ho, chin Chitokaka Chihowah yvt chima tuk a kvshkoa tuchina ho ish ita kvshkola hi oke: yohmikma ha-tak bika vbi puta kvv yvmmak o pit malela hi oke.

4. Hatak vbi vt okchaya chi hosh yvmma pit maleli kvv yakohma hi oke: Kvna hosh ik akostinincho hosh, yvmmak oka chashpo ka i nukkilli chatuk keyu hosh, chuka a bilika hatak o vbi;

5. Yohmi kvv hatak osh chuka a bilika hatak o ita tuklo-cha iti chanla chi hosh iti anukaka ya itonachi mvt, iti chan-

lit kinvffa chj hosh, iskifa ya ibbak ishit fahama na, noshko-bo vt vpi ya shufa cha, chuka a bilika hatak ash onvtola na, illi; yohmikma tvmaha holihta ilvppa puta ai achvfa ka malelit ona cha, okchaya hi oke.

6. Issish hlatapa tuk a il aiokha hvt chukvsh lvshpa moma hosh, hina vt falaia ha tuk o, hatak vbi yash hliolit sakki cha, vbi yoba na, chashpo i nukkilli ha tuk keyu hokvt, illa he vlpesa keyu kia,

7. Yvmohmi hoka tvmaha holihta tuchina ho ila filvmmichit ish atokola chj ka chj miha lishke.

8. Atuk o chin Chitokaka Chihowah yvt chiki vhleha ha anumpa kullo il onochit im issa tuk mak osh, chim aivhli ya chitoli cha, chiki vhleha ha im issa tok yakni moma ka chimakma,

9. Um anumpa puta ilvppa himak nitak a chim ahanchi li ka holitoblit ish yvmihinchit, chin Chitokaka Chihowah ya ish holitobli cha, i hina puta ka ish anghowa na biliakmvt: tuchina ilvppak ash, himakma tvmaha holihta tuchina ho ish il ibafokhashke,

10. Yvmohmi ho chj yakni ya chimmi ha chj ho chin Chitokaka Chihowah yvt chima tok a, nan ashvchi keyu issish vt ik ahlatapo kashke: micha yohmi ho issish vt ik chi onvtolo kashke.

11. Yohmi kia hatak nana hosh chuka a bilika hatak a i nukkilli cha, im aiehchit itonla tuk osh, i sanalit wakaya cha, isht illa he vlpesa ho fahama na, illi ma, malelit tvmaha holihta ilvppa puta kash achvfa ka onakma:

12. Yohmikma in tvmaha holihta im asvnonchi vhleha hvt pit hoyot, ont ishtvla cha, issish hlatapa tuk a aiokha ya ibbak fohkashke, yohmi na illashke.

13. Chi nishkin vt ik i nukhgklo kashke; amba nan okponi keyu issish hlatvbi ya Israel a ai ishit ish kanchashke, yvmohmi ho aivlpesvt chj mahayashke.

14. Yakni a binilit ish iesha chj chin Chitokaka Chihowah yvt chima tok, chj yakni ya chin chuka abilika i yakni alhpisa, yvmvt nitak chashpo ma, a hilechi ha tok a ish kanvllicha he keyu.

15. Witnes achvfa hokvt hatak osh yoshuba tok, keyuk-mvt nan ashvchi tuk nan ashvchi nana hō ashvchi tuk g i analit hikia he keyu; witnes tuklo nana itih hō keyukmvt, witnes tuchina nana itih hok mak o nana kv̄t isht aiahla hi oke.

16. Witnes ik ghlo yosh hatak nana kia i sanalit nan ik achukmo anola chi hosh wakayvt hikiakma;

17. Yohmikma hatak ita chowa kash osh ita tuklo hosh Chihowah itikba, na holitompa isht asha, micha nan apesa vhleha aiena kv̄t nitak yv̄mma aiasha tuk g itikba hie la hi oke.

18. Mikma nan apesa vhleha hv̄t achukmalit asilhhvcha hi oke: a tuk o, yakeh, witnes vt witnes ik ghlo yosh anum-pa ik ghlo ya itibapishi ha isht i sanalit anoli tukma,

19. Yohmikma itibapishi ha nana yvmihcha he im anuk-fila tuk g ilap ak o chohmit ish yvmihcha hi oke: yohmi hosh a hv̄ch iti takla ya nan ik achukmo ka isht ish kancha hi oke.

20. Mikma inla aiasha yvt haklo cha, nukshopakmvt, himmakma nan ik achukmo yohmi ka a hv̄ch iti takla ya ik yvmihcho kashke.

21. Michā chi nishkin vt ik i nukhaklo kashke: amba im ilhfiopek atukma im ilhfiopek ashke, nishkin atukma nishkin ashke, noti yatukma noti yashke, ibbak atukma ib-bak ashke, iyi yatukma iyi yashke. (achi tok)

CHAPTA XX.

TANAMPIT kohchvt ish ia tuk osh, issuba puta, micha tv̄nvp iti chunaha puta, micha okla lana kv̄t chi shahli hō, ish pisakmvt chik i nukshopo kashke: chin Chitokaka Chihowah (yv̄mmak) osh Echip yakni ya apchlichit chi koh-chi tok vt chiba foyuka hoka.

2. Atukma yakohma hi oke; itibit bilika hv̄sh onakma, naholitompa isht v̄tta yvt bilika onvt okla ha im anumpula hi oke.

3. Micha Israel ma, hvsh haklashke; himak nitak a hvchin tunvp a hvsh itiba chi hosh bilika hvsh onashke: hvchi chukvsh vt ik ello kashke; hvchi nukshopa na, micha hvchi wvnihinchi na, micha yvmma pulla kak o ik hvchi nukhla-kancho kashke.

4. Hvchin Chitokaka Chihowah ak osh hvchin tunvp a hvchim itibit, hvchi okchalinda chi hosh hvchi awant ia hoka im acha hi oke.

5. Mikma nan vltoka vhleha hvv okla ha im anumpulit, Hatak nanta hosh chuka himmona ikbi tuk osh ik hullocho kisha cho? falamvt in chuka iashke: keyukmvt itin tanampi kvv illi na, hatak inla hosh hullochi na.

6. Mikma hatak nanta hosh pakvpi a hollokchi ya hokchi tuk osh waya ka ik aiapo kisha cho? yvmmak okvt falamvt in chuka iashke, keyukmvt itin tanampi kvv illi na, hatak inla hosh ai vpa na.

7. Mikma hatak nanta hosh ohoyo itim vlvpoa tuk osh, ik esho kisha tuk oh cho? yvmmak okvt falamvt in chuka iashke, keyukmvt itin tanampi kvv illi na, hatak inla hosh ishi na, achashke.

8. Mikmvt vltoka vhleha hvv achakalichit okla ha im anumpulit, Hatak nanta hosh nukshopa, micha chukvsh elli cho? yvmmak okvt falamvt in chuka iashke, keyukma chukvsh elli ka chohmit itibapishi vhleha hvv chukvsh elli na, acha hi oke.

9. Atukma yakohma hi oke, nan vltoka vhleha hvv okla ha im anumpulit ont tahlikmvt, okla ha pehlichia chi ka tvshka chipota i kapotvni vhleha okla atokola hi oke.

10. Tvamaha holihta ish itiba chi hosh bilika ish onakmvt iti nanaiya anumpa ish im anumpula hi oke,

11. Atukma yakohma hi oke, iti nanaiya anumpa falama chima cha, chin tiwikma, yohmikma yakohma hi oke, yvmma aiasha tuk okla moma kvv chi nutaka cha, chin toksvla hi oke.

12. Amba chiti nanaiya he keyukma, amba chin tanampi pulla kak o ahnikma, abinachit ish apakfoyupa hi oke.

13. Atuk o chin Chitokaka Chihowah yvv chibbak foh-

kikma, nakni yumma moma ka bvlhpo fālaia ishit fahamvt ish kanchashke.

14. Amba ohoyo micha vlla, micha nan vllpoba, micha nana hosh tumaha holihta ya aiasha kv̄t moma, na wehpoa puta moma fehna ka ish isha hi oke; chin tv̄nvp v̄hleha i na wehpoa yummak oka chin Chitokaka Chihowah yvt chima tuk oka, ish ai vpa hi oke.

15. Ilvppak o tumaha holihta chi hopaki fehna puta ok-lushi ilvppak inli in tumaha holihta aiachvfa keyu puta ka ish yvmihchashke.

16. Amba okla ilvppa in tumaha holihta puta chi yakni ya chi ka, chin Chitokaka Chihowah yvt chima tok ano, nana hosh fiopa kv̄t ashakma ish okchalinha he keyu hoke.

17. Amba ishit kanchit ish vmohmicha'hi oke: yummvt Hittait, micha Amolait, micha Kananait, micha Pelissait, Hifait, micha Chebusait aiena ka, chin Chitokaka Chihowah yvt chi miha tuk mak o ish yvmihcha hi oke.

18. Yvmohmi hosh nan ashvchi ishit yuwala i naholvt toba i yvmihchi chatuk vt ik hvchik hanancho ho: yohmik-mvt hvchin Chitokaka Chihowah ya hvchik i yoshobo kashke.

19. Tumaha holihta ya abinachit ish aiasha tok hopaki cha, in tanampit ish isha chi kv̄t, iti ya iskifa ishit chanlit ish okpv̄na he keyu, ish ai vpa hinla hokvt (osapa iti aiasha kv̄t hatak aiokchaya yoka:) abinanchit ish aiasha chanlit akakohlit isht ish i sanala he keyu hoke.

20. Peh iti ai vpa chatuk keyu puta ish ithana kak illa hosh okpv̄nit chanlit ish akakohla hi oke: tumaha holihta yosh chin tanampikma, aiatukko holihta ish ikbi cha, ish im aiya hi oke. (achi tok.)

CHAPTA XXI.

YAKNI ish ai isha chi ho chin Chitokaka Chihowah yvt chima tok a achvfa hosh illi cha, osapa ai itonlv̄t hai-akakma, micha kv̄na hosh vbi tuk a ik ithanokma,

2. Yohmikma chim asvnonchi vhleha, micha chi nan apesa vhleha aiena kut kohchvt ia cha, illi itola kash hiki vt ia hosh tmaha holihta puta apakfoyupa ka onvt apesa hi oke.

3. Yohmikma yakohma hi oke, hatak illi yash et i bilika tmaha holihta ak osh tmaha holihta yvmma im asvnonchi vhleha fehna kut wak tek himmita ishit toksvli chatuk keyu, micha ikunla abanvt nana shali chatuk keyu ka ish ashke.

4. Michi tmaha holihta yvmma im asvnonchi vhleha hut wak tek himmita yash oka akinafa okfa nana awaya keyu, micha ahollokechi keyu yo isht ona cha, wak tek himmita yash ikunla ya okfa yvmma a chanlit tvblashke.

5. Mikma na holihtoma isht asha vhleha, Lefai ushi vhleha hut bilika onvt (yvmmak osh nan isht im ahanta he, micha hochifot aiokpghancha he, chin Chitokaka Chihowah yvt atokoli tok oka,) yvmmak ash im anumpa ho anumpa itachowa puta, micha isso tok moma aiena ka nana kut vhlpesa hi oke.

6. Mikma tmaha holihta hatak illi tuk et i bilika, yvmma im asvnonchi vhleha moma kut okfa yvmma wak tek himmita noshkobo atupa tuk ash paknaka ya ibbak ai achefa hi oke.

7. Michi afalaminchit, Isish ilvppa pibbak ak osh hlatv-bli tuk keyu, micha pi nishkin vt pisa tuk keyu.

8. Chihowah ma, chim okla Israel a falvmminchit ish chumpa tuk vt ish i nukhaglashke, micha chim okla Israel apelhichi a nan okpvni tuk keyu isish hlatapa ya chik onochi kashke, acha hi oke. Mikma issish hlatapa tuk vt i kashofa hi oke.

9. Yvmohmi hosh Chihowah itikba ya ai vhlpiesa ish yvmihinchikmvt, nan okpvni tuk keyu issish hlatapa ya ishit ish kanchashke.

10. Hvchin tvnvp a in tanampit kohchvt ish ia tuk a, chin Chitokaka Chihowah yvt chibbak a fohki na, yukachit ish ishi tuk osh,

11. Atuk osh yuka vhleha ha ohoyo pisa ai okli kut ibafoyuka na, ish pisa cha, itauwaya chi bunnakmvt,

12. Yohmikmut ishit chin chuka isht ish ona hi oke; mikma noshkobo ha vmo cha, ibbak ushi akchush a vma hi oke.

13. Mikmut yuka i nafohka ya shufi cha, chin chuka ya ahantvt iki, micha ishki ya ishit yahaya na, hvshi achvfa vhpiesashke; atuk o i himmak a yo ish iba chukowa cha, i hatak ish tobakma, chi tekchi toba hi oke.

14. Atukma yakohma hi oke, chik ahnincho hokmut kanima ho ia bvnnaik ia, ish im ahna hi oke; amba tvli holiasso isht ish chumpa he keyu pulla; vhpoyak nan aivlbi ish ikba he keyu, ish hofahyali hatuk okvt.

15. Hatak osh tekchi in tuklo cha, achvfa kv i holitopa mut, achvfa kano ik ahnincho; atuk o holitopa yash osh, micha ik ahnincho yash osh ita tuklot vlla im ashakma, atuk o ik ahnincho ushi yash osh ushi vta ahpi yokma,

16. Yohmikma yakohma hi oke, ushi vhleha nana im asha tuk vt imakmut holitopa ushi atuk a, ik ahnincho ushi ak osh vta ahpi yo mvhli tuk a, tikba vta ahpi ikba he keyu.

17. Amba ik ahnincho yash ushi ak o nan im asha moma kash osh kvshkoa tuklo ho ima cha, yummak osh vta ahpi ya anolashke; yummak osh imi hlampko ishtia vmmona yokvt, vta ahpi ai isha he vhpesa vt immi hoke.

18. Hatak osh ushi vt chukvsh ilapunla, micha anumpa i kobvffi shahli yosh im anta kv, iki micha ishki im anumpa ha i haponakla he keyu, micha fvmmi kia, im anumpa ha haponakla he keyukma;

19. Yohmikma iki, micha ishki ita tuklo kv halvllit ishi cha, aivtta holihta okhissa, micha in tvamaha holihta im asvnonchi vhleha itikba ya isht im onashke.

20. Micha in tvamaha holihta im asvnonchi vhleha, Piso ilvppvt chukvsh ilapunla, micha pim antia he keyu, pim anumpa ha im antia he keyushke, isikopa micha okishko shahli yoke, im acha hi oke.

21. Mikma in tvamaha holihta hatak moma kv tvli ishit boli na illa hi oke: yvmohmi hosh ahvchi iti takla nan ik achukmo ka ishit ish kanchashke, mikma Israel moma kv haklokmut nukshopashke.

22. Micha hatak vt isht illa he vhpesa hō nan ashvchi yvmihchi cha, illa chī vhpesa na, iti ish in takalichi tukma;

23. Nipi vt iti yā takali na ont onna he keyu, ik kaniohmi kia nitak yvmmak inli hō ish hohpi pullashke; (iti yō atakali hokvto Chitokaka a kallakshi hoka,) yvmohmi hō chī yakni ya chī hō chin Chitokaka Chihowah yvt chima tok vt ik liteho kashke, (achi tok.)

CHAPTA XXII.

CHITIBAPISHI i wak toksvli, keyukmut in chukfi vhpōa yvt kvnia na, ish pisakmut, i filvmmmit ish luma he keyu; ik kaniohmi kia falvmmminchit chitibapishi a isht ish im ona pullashke.

2. Atuk o chitibapishi hut chī bilika keyu, keyukmut chik ithano yohmit, yvmohmikmut chin chuka isht ish ona na, chim ahanta tuk o, chitibapishi vt hoyot aya hi oke: mikma falvmmminchit ish ima hi oke.

3. Im issuba nashoba yā ish yvmihchikmut, i nafohka yā ish yvmihcha hi oke: micha na kvnia puta chitibapishi vt i kvnia tuk o ish ahayuchikmut ish yvmihchi ak inla hi oke, ish luma he keyu hoke.

4. Chitibapishi im issuba nashoba, keyukmut i wak toksvli hina takla aka itula tuk osh itonla na, ish pisa mut, i filvmmmit ish luma he keyu: yvma apelvchit anonti ish wakayvchi pulla hi oke.

5. Ohoyo hut hatak immi hā fohka he keyu, mikma hatak ak kia ohoyo i nafohka yā fohka he keyu hoke: yvma yvmohmi moma kvt chin Chitokaka Chihowah nan isht yuwala yoka.

6. Hina takla iti hikia hō, keyukmut aka yō hushi im vhpichik vt chi tikba talaia yobakmá, hofvllichi yokmá lubonchi yokmá, nana hō ishki vt hofvlli yash, keyukmut lubonchi on ashakma, ishki yō ushi aieninchit ish isha he keyu hoke.

7. Amba ik kaniohmi kia ishki yā ish hikvchi cha, ushi

ya ish isha hi oke: yvmohmi hosh chim achukma cha, chi nitak a ish falaiachashke.

8. Chuka himona yo ish ikbikmut, chin chuka paknaka ya aholihta ish ikbashke: yvmohmi ho hatak nana kia yvma aka ont itula ma, issish a chin chuka ya isht chik oncho pullashke,

9. Pakvpi chim ahollokchi ya na nihi ilaiyukali ho ish ahokcha he keyu: ish yohmi na, chi na nihi ish hokchi tuk waya kut, micha pakvpi chim ahollokchi a waya kut ik achukmo na.

10. Wak toksuli ya issuba nashoba itapotolit yakni ish patvficha he keyu hoke.

11. Nafohka ilaiyukali chukfi hishi tvnna, micha linen chohmi ka himona achvfa ish fohka he keyu hoke.

12. Chim anchi ya ish il anchi vt chukbi ushta ka i poshota ish ikbashke.

13. Hatak kuna hosh ohoyo itauwaya tuk osh iba chukowa mut shitilema,

14. Micha na mihachit isht anumpula he anumpa onochit anumpa ik achukmo ka hohchifo ha onochi cha, Ohoyo ilvpa ishi li tuk osh im ona li mut, ohoyo himita keyu ha pisa lishke, achikma;

15. Mikma ohoyo hash iki, micha ishki ita tuklo kut ohoyo himita yvt hatak haleli yatuk keyu ishtatokowa ya tmaha holihta im asvnonchi vhleha ha isht im onvt holihta okhissa ya isht im onashke.

16. Mikmut ohoyo himita iki vt im asvnonchi vhleha ha, Svso tek vt hatak ilvppa tekchi ya chi ho ima li tuk ak o shitilemvshke.

17. Micha yakeh, na mihachit isht anumpula he anumpa onochit, chiso tek vt ohoyo himita ya tuk keyu ho pisa lishke, achishke; atuk o, yohmi kia svso tek vt hatak haleli ya tuk keyu isht otvni ilvppak oke, achashke. Mikmut tmaha holihta im asvnonchi vhleha itikba ya nantvna yash patalashke.

18. Mikma tmaha holihta yvma im asvnonchi vhleha hash osh hatak yvmak ash ishi cha na hotopa onocha hi oke.

19. Micha tuli huta shekel tahlepa achofa ho i hoyo cha, ohoyo himita yash iki ya imashke: Israel ohoyo himita hatak haleli keyu ho hohchifo ik achukmo onochi hokvt; mikma tekchi yashke; okchayvt ahanta nitak takla kv kancha he keyu.

20. Amba nana ilvppvt ahli ha tuk ma, atuk o ohoyo himita vt hatak haleli ya tuk keyu isht atokowa vt ik im ik-shokma,

21. Yohmikma ohoyo himita yash iki in chuka okhissa ya isht onakma, in tumaha holihta yash hatak vhleha hv tuli ishit boli na, illashke; iki in chuka ya haui tobvt ahan-ta cha, Israel i yakni ya nana makali ya yvmihchi hokvt: yvmohmi hosh nan ik achukmo ka hvch itin takla ai ishit ish kanchashke.

22. Hatak vt ohoyo i hatak asha yo iba tvshki na, pisakma, ita tuklo hosh illashke; ohoyo iba tvshki tuk hatak ash: micha ohoyo hash ita tuklot illashke: yohmi hosh nan ik achukmo ya Israel a ai ishit ish kanchashke.

23. Ohoyo himita hatak haleli keyu hosh hatak im vlhpoa tuk osh tumaha holihta anta na, hatak vt pisa cha, iba tvshki tukma;

24. Yohmikma kohchit tumaha holihta, okhissa yvmma ita tuklo ka ishit hvsh ona cha, tuli ishit boli na, illashke; ohoyo hv tumaha holihta anta hok akosh ik payo tuk okvt: mikma hatak vt in chuka a bilika hatak tekchi ya hofahyali hokvt: yvmohmi hosh nan ik achukmo ka hvch iti takla ya ai ishit ish kanchashke.

25. Amba hatak vt ohoyo himita yosh inla im vlhpoa yosh osapa anta na, ahayuchi cha, ai issvt iba tvshkikmvt, hatak ash illa hosh illa hi oke.

26. Amba ohoyo himita ano nana ish kaniohmicha he keyu; ohoyo himita vt nan ashvchi isht illa he vlhpesa kv atokoli keyu hoke: hatak osh in chuka a bilika hatak a i s-nali cha, hikia cha, vbi chatuk a nana ilvppa yvmmak inli chohmi hoka.

27. Osapa anta na pisa ma, inla im vlhpoa ohoyo himita kash osh paya tuk, mihma hlakoficha he vt ikaho tuk oka.

28. Hatak osh ohoyo himita hatak haleli keyu hosh inla im vllhpoa keyu hō pisa mvt, hoklit ishi cha, iba tvshki tuk osh haiakakma,

29. Yohmikma iba tvshki tuk hatak ash osh ohoyo himita iki ya tuk shekel pokoli tahlapi hō imakma, tekchi ya hi oke, hofahyali tuk okvt, okchayvt ahanta kv̄t kancha he keyu hoke.

30. Hatak okvt iki tekchi ya isha he keyu, micha iki im anchi a wakumma he keyu hoke. (achi tok)

CHAPTA XXIII.

TULI i kvhla, keyukmvt im a lumaka tupa yokvt Chihowah im okla moma itvnaha ka iba chukowa he keyu hoke.

2. Iki iksho vt Chihowah im okla moma itvnaha ka iba chukowa he keyu hoke; ai iti shali ont ishit pokoli ont vhlī takla kv̄t Chihowah im okla moma itvnaha ka iba chukowa he keyu hoke.

3. Ammonait, keyukmvt Moabait vt Chihowah im okla moma itvnaha ka iba chukowa he keyu; ai iti shali ont ishit pokoli ont vhlī takla hokvt Chihowah im okla moma itvnaha ka ik iba chukowo bilia hi oke.

4. Echip a kohchvt hvsh minti ma hina takla ya pska micha oka aiena isht ik hvchi afamo tok oka; micha Mesopotamia Pehlu minti Beo ushi Balaam vt kallakshichi anumpa hvchi onocha chi hō tohno tok okvt.

5. Yohmi kia chin Chitokaka Chihowah yvt Balaam a i haponakla he keyu tok; amba chin Chitokaka Chihowah yvt chi holitobli hatuk okvt anumpa hallakshichi yash filim mit na yukupali chim ikbi tok.

6. Chi okchaya nitak moma ka im iti nanaiya, micha nana kv̄t im aiahli achukmvt mahaya he a chik i hohoyo hō bilia hi oke.

7. Etomait a ish shitilema he keyu, chitibapishi hoka; Echip okla ha ish shitilema he keyu, hatak ik ithano yosh i yakni a ish aiasha tok okvt.

8. Yummak q vlla a toba hokvto ai iti shali ont atuchi-nakmvt, Chihowah im okla moma itvnaha ka iba chukowa hi oke.

9. Tvshka chipota in tunvp a itibit ish iakma, nana okpu-lo moma ka chik ahalaiyo kashke.

10. Hatak kvna kia hvch itin takla ya na liteha ninak a yohmi yoba cha, litihakmvt binah ha kohcha ia hi oke, bi-nah anukaka ya ant ikchukowo ka hi oke.

11. Yohmi tuk kia yakohma hi oke, opivt tahakma, oka isht il achefa hi oke; atuk osh hvshi vt okatulakma anonti binah ha ant chukowashke.

12. Micha binah kohcha ya ai vtta vt chin talaia cha, yummak q kohchvt ish onashke,

13. Micha chi na haluppa ha patvssa ish aienchashke: atuk osh yakohma hi oke: kohchvt ish ia cha, ish ile nukta-lala chikmvt, yakni isht ish kullashke; atukmvt ish filema cha, chi a kohcha kash ish ompohomashke.

14. Chin Chitokaka Chihowah yvt chi okchalincha chi hosh, micha chi tikba chin tunvp a a chim issa chi hosh, hvch itin takla chi binah anghowa hoka; yvmohmi hoka chi binah hvt kashofashke; yvmohmi ho naliteha hvt chi a takali na, ik peso hosh chi filvmmmit ik aiyo kashke.

15. Tishu hvt impushnayo ya i maleli cha, chim vlakma, falvmminchit impushnayo ibbak a ish fohka he keyu.

16. Chi takla ahanta hi oke, hvch itin takla kanima ho atokolikmvt chi holihta okhissa puta achvfa kanima ho ah-nikmvt, yvma fehna ak a hi oke; ish ilbvshala he keyu hoke.

17. Israel ushetik vhleha ha havit iksho kashke, micha Israel ushi vhleha Sotomait vt iksho kashke.

18. Anumpa il onochi ya havi isht vlhtoba, keyukmvt ofi isht vlhtoba ya chin Chitokaka Chihowah im aboha ya isht ish ona he keyu; iluppa ita tuklo kvv chin Chitokaka Chihowah ishit yuwala yoka.

19. Chitibapishi nana ish im pota kvv chelichi ish i hoyu he keyu, tvli holisso chelichi, ilhpak chelichi, migha nana hoh kia chelicha chi hosh im pota ya chelichi a ish i hoyu he keyu.

20. Okla inla hano impotvt ish chelicha hinla hoke: amba chitibapishi hano impotvt ish chelicha he keyu: yvmoh-ni ho yakni ish isha chi hosh ishia kut yvmma ish ai asht nana ho chibbak isht ish ishi moma ka chin Chitokaka Chihowah yvt na chiyukpalashke.

21. Chin Chitokaka Chihowah ya anumpa ilonochi ish im ilonochi tukmvt, atobbi kut ish svlaha he keyu; chin Chitokaka Chihowah yvt chi hoyo pulla hi oka, micha na ish ashvchi ya hinla hoke.

22. Amba anumpa ilonochi chik ilonocho tuk okmvt na ish ashvcha he keyu hoke.

23. Nana kut chitih ha a kohcha tuk a ilap ahnit im issa fehna ka, chin Chitokaka Chihowah anumpa ish im ilonochi tuk vt chitih ha mihvt isht ish im issa tuk a holitoblit ish ai ahlichia hi oke.

24. Chin chuka a bilika i pakvpi ahollokchi ish onakmvt, chishno ish ahni hosh paki vptv chi kaiyashke: yohmi kia nana chim aivlhto ya ish apitta he keyu hoke.

25. Chin chuka abilika im onush hikia ya ish iba chukowakmvt, noshkobo ya chibbak isht ish tvtulashke: yohmi kia chin chuka abilika hatak im onush hikia ya ishit bvsha ya ish o wiela he keyu hoke. (achi tok.)

CHAPTA XXIV.

HATAK osh ohoyo ishi cha, itauwaya tuk osh, atuk osh yakohmikma, aliteha kaniohmi kia takali ha tuk a ahayuchi cha, ik ahninchokmvt, yohmikmvt iti mokofa holisso yo i holissochit ibbak fohki cha, in chuka ya kohchichashke.

2. Atuk o in chuka ya kohchvt iakmvt, hatak inla tekchi toba hinla ak inli hoke.

3. Atuk o i hatak ishtaiopi kash osh shitilema mvt, iti mokofa holisso i holissochit ibbak fohki cha, in chuka ya kohchit chvffichikma, keyukmvt i hatak ishtaiopi vt tekchi ya chi hosh ishi kash osh illikma;

4. I hatak tikba chuffichi tok vt anonti tekchi ya chi hq liteha ha ya hokvno isha he keyu: yummak okvt Chihowah itikba ya nan ishit yuwala yoka: mikma chi yakni ya chi hq chin Chitokaka Chihowah yvt chima tok a ish yoshobli-cha he keyu.

5. Hatak vt tekchi himonna yo ishi tukmut kohchvt ta-nampit ia he keyu, micha anumpa nana kia vlhtokoha he keyu: nana atakluma ikshot afummit in chuka ahanta cha, tekchi ishi tuk vt yukpalashke.

6. Hatak nana kia tanchi afotoha nutaka itola, keyukmut paknaka itola ish atonichit isha he keyu, hatak im ilhfiopak o isht atonichi ha hinla ishi hokvt.

7. Hatak osh itibapishi vhleha Israel im vlla vhleha ai-achvfa yo hukopvt na kvnia ikbi, keyukmut kanchi, yohmik-mvt hukopa yummut illashke, micha nana ik achukmo ka a hvch iti takla ya ai ishit ish kanchashke.

8. Leplosi ililli okpulo ya ahah ish ahnashke, micha naholitompa isht asha vhleha Lefait vhleha hvv nana moma ka hvchim avvchi tuk mak o, achukmalit ithaiyanvt ish yumih-chashke: yummak ash o i miha li tuk mak o ithaiyanvt ish yumihchashke.

9. Echip a kohchvt ish minti ha ya hina takla chin Chitokaka Chihowah yvt Miliam a kaniohmichi tok a ish ithai-yanashke.

10. Chitibapishi ha nan^aish impota tuk vt isht atonichi ya im aboha ont chukowvt ish isha he keyu.

11. Kocha ish hikia na, ish impota kash hatak ak osh isht atonichi ya kohchvt kocha ya isht chim vla hi oke.

12. Michi hatak ash osh ilbvsha yokma, nan isht atonichi yash ishit chi nusa he keyu hoke.

13. Ik kaniohmi kia nan isht atonichi yash hvshi vt okat-lakma, anonti ish imashke; yvmohmi hq im anchi ak inli hq anchit nusa hinla cha, anumpa yukpali chi onuchashke; mikma chin Chitokaka Chihowah itikba ya isht ai vlhpiesa yvt chim vlhpisashke,

14. Ilhtohni tishu vhleha hvv chitibapishi vhleha immi yosh keyukmut, okla inla immi yosh chi holihta okhissa

anukaka chi hikia yvt nan ik im iksho hosh ilbvshakma ish ilbvshala he keyu hoke.

15. Nitak ont im vlhpesakma asitubi tuk a ish ima hi oke; micha hvshi vt ont okatula he keyu, ilbvsha hatuk osh chukvsh vt onvtoyula hoka, keyukma chi sanalit Chihowah pit i pahya na, nan ashvchi chin toba na.

16. Ulla vhleha ya tuk mak o, iki vhleha hvv illa he keyu, mikma iki vhleha hatuk mak o, ushi vhleha hvv illa he keyu ak inli; hatak puta kvv ilap nan ashvchi tuk mak osh illa he.

17. Okla inla micha vlla vlhtakla iki iksho aiena ka ai vlhpiesa i yvmihchi ka ish shanaiyvcha he keyu; micha ohoyo vlhtakla i nafohka ya isht atonichi ish im isha he keyu hoke.

18. Amba Echip a hatak yuka hosh hvsh aiasha tuk o chin Chitokaka Chihowah yvt falvmminehit chumpvt yvmak o chi kohchi tok o ish ithaiyanashke; yvmohmi ha tuk o nana ilvppa ish yvmihcha chi ho chi miha lishke.

19. Chim osapa ya na waya hvshlit ish kvvchi tuk osh, sita achvfa ka chim ahaksi na, osapa itonla tukma, hoyot chik aiyo kashke; okla inla vlla iki illi, micha ohoyo vlhtakla aiena kak o immi ha hi oke: yvmohmi ho nana moma chibbak vt toksvlikma chin Chitokaka Chihowah chi yukpa lashke.

20. Chim alif iti ya ish bolikmvt, anonti naksish a vlbitelit ish bola he keyu; okla inla vlla iki illi, micha ohoyo vlhtakla aiena kak o immi ha hi oke.

21. Pakupi chim ahollokchi paki ish aivmokmvt, himmakma ish vlvlla he keyu; okla inla vlla iki illi, micha ohoyo vlhtakla aiena kak o immi ha hi oke.

22. Micha Echip yakni ya hatak yuka hosh hvsh aiasha tuk vt, hvsh ithaiyanashke: yvmohmi ha tuk osh nana ilvppa hvsh yvmihcha he ya hvchi miha lishke (achi tok.)

CHAPTA XXV.

HATAK vt anumpa itachowa nan apesa vhleha hvt nan im apesa chi hō, nan ai vhlpisa ya vlakma, aivlhpiesa yano i kashofi cha, yoshuba tuk a anumpa onucha hi oke.

2. Atukma yakohma hi oke, hatak yoshuba tuk vt boa he vhlpesakma, pisa hō ishtakanumi tuk a itvlhpisa hō holhtina kaniohmi kut aka itola cha, onvtola chi kō nan apesa vt apesashke.

3. Fahama pokoli ushta hō ima hinla; micha vbanvpa he keyu; keyukma ilvppa vbanvblichit fahama laua ishit boli hokma, chitibapishi hvt nan isht ik chim ahobo na.

4. Waktoksuli vt onush a nihechikma, ibichilu fohka ish fohka he keyu.

5. Itibapishi vhleha hvt itapihvt asha tuk o, achufa kut illi mvt, vlla ik im ikshokma illi yash tekchi ya tuk vt nak-sika hatak inla yō auwaya he keyu; i hatak itibapishi ak osh iba chukowvt itauwaya cha, i hatak itibapishi nana akaniohma he vhlpesa kak o i yvmihchashke.

6. Atukma yakohma hi oke; vtta ahpi ishikma itibapishi hohchifo illi tuk a vltobvt hikiashke: yvmohmi hō hohchifo kut Israel a ik mosholo kashke.

7. Atuk o hatak ash osh itibapishi tekchi yash ishi ik-bvnnokma, yohmikma itibapishi tekchi vt holihta okhissa ya onvt im asvnonchi vhleha hā im ona cha, A hatak itibapishi hvt itibapishi hohchifo hā ikbit Israel a ai i hilechi ik bvn-noshke; a hatak itibapishi nana akaniohma he vhlpesa kō yvmihchi ik bvn-noshke, achashke.

8. Yohmikma in tumaha holihta im asvnonchi vhleha hvt hoyo cha, im anumpulashke; mikma kvllot hikia cha, ishi ik sa bvn-noshke, achikma,

9. Yohmikma itibapishi tekchi ash osh im asvnonchi ai itin takla hō bilika ona cha, iyi shulush honlo tuk a i shufi cha, nashuka ya on tofashke, micha afalaminchit, Itibapishi

10. Mikma hohchifo kvf Israel a; shulush i shufa in
ohuka, achashke.

12. Yohmikma ibbak a ish tvblashke; chi nishkin vt i
nukhakla he keyu.

14. Chim aboha ya isht vllpisa ilaiyukali, chito, micha
iskitini aiena kut chim aiasha keyu kashke.

16. Nana yakohmi ka yumihchi moma kut, micha aivhpiea keyu yumihchi moma kut chin Chitokaka Chihowah nan isht yuwala yoka.

18. Hina takla yash chi afama cha, olbul aya ya, olbul aya ik kullo fehna moma ka chi hoyvblit chi kota ma, chi fahama tok; micha Chitokaka ya ik i nukshopo tok.

19. Yvmohmi hoka yakohma hi oke, yakni yash a binilit ish iesha chi ho chin Chitokaka Chihowah yut chima tok a, chin twnp puta füllota ka chin Chitokaka Chihowah yut chi fohvchikma, shutik nutaka ya Amalek isht ithana ya kashofit ish kanchashke, ik chim ahakso kashke. (achi tok.)

ATUKMA yakohma hi oke, chi yakni ya chi ho chin Chitokaka Chihowah yut yakni chima tok a ish ona cha, yummak o abinilit ish aishakmut,

2. Yakni awaya ummona moma chi yakni chin Chitokaka Chihowah yvt chima tok a ish ai ishi cha isht ayvt, kishi ish fohkikmvt, kanima ho chin Chitokaka Chihowah yvt aiato-kolit hohchifo ha a bohla he ahnikma, yvmma isht ish onashke.

3. Micha naholitompa isht vtta vt nitak yvmma anta tuk a im ona cha, Himak nitak a Chihowah yvt yakni pima chi hosh piki vhleha ha anumpa kvlo il im onochi tok a vla li kv, chin Chitokaka Chihowah ya im anohonli lishke, ish im acha hi oke.

4. Mihma naholitompa isht vtta yvt kishi chibbak fohka kash ishi cha chin Chitokaka Chihowah im alta itikba ya talala hi oke.

5. Mikma chin Chitokaka Chihowah itikba ya ish anum-pulit, Aki vt Silian illa hosi a tok; atuk osh kanomosi hosh aiitvpehvt Echip a ona cha, yvmmak o aiasha tok, micha yvmmak o aiashvt oklushi chito, kvlo, micha laua aiena toba tok.

6. Mihma Echip okla hv na ik achukmo ka pi yvmih-chit, pilbvshali cha, yuka kvlo pi onuchi tok.

7. Mihma piki vhleha in Chitokaka Chihowah ya il i pa-haya ma, Chihowah yvt pi haponaklo mvt, pilbvsha ka, mi-cha pim atoksvli ka, micha pissikkopali ka pihisa tok.

8. Micha Chihowah yvt ibbak kvlo hosh, micha shakba ashatapa hosh, micha palvmmi chito hosh micha nan ishta-tokowa, micha na fehna yvmihinchit pi pehlichit Echip a kohchi tok.

9. Atuk osh ilvppa pisht vlvshke, micha yakni ilvppa, yakni pishukchi, micha foe-bila aiena kvt ayanghanli ilvppa fehna ka pimvshke.

10. Atuk o himak a yakeh, Chihowah ma, is soma tok a yakni yash awaya ummona ka isht chim vla lishke, ish acha hi oke; micha chin Chitokaka Chihowah itikba ya ish tala-lashke, micha chin Chitokaka Chihowah itikba ya ish ai-okpvchashke.

11. Micha nana achukma puta chin Chitokaka Chihowah yvt chima tok a micha chin chuka achvfa, chishno, micha

Lefait, micha okla ik ithano chi takla aiasha ka ima tuk a isht ish aiynkpashke,

12. Afummi ont isht atuchina yummak osh ishit pokoli ishi afummi hoka, na chi waya ishit pokoli moma ka ishit pokoli ya apesut chim vlhtaha cha, chi holihta okhissa angkaka ya impvt kaiyvt aiasha chi ka Lefait, okla inla, vlla iki illi, micha ohoyo vlhtakla aiena ka ish emakmt,

13. Yohmikmt chin Chitokaka Chihowah itikba ya, Na hullochi yash an chuka ya ishit kohcha lishke, micha chim anumpa moma is sum apihisa tuk mak o, Lefait, micha okla inla, vlla iki illi, micha ohoyo vlhtakla aiena ka ima lishke; chim anumpa ha ak vbanvbloshke, micha ik sumahakoshke,

14. Yaya li moma kvv ak po tuk oke; micha nana achvfa kia na liteha isht ikbi li tuk keyu, micha nana achvfa kia illi ya ima li tuk keyu hoke; amba an Chitokaka Chihowah im anumpa ha haiyaklo li mvt, nana is sum apesa tuk moma ka yvmihchi li tuk oke.

15. Ish aiahanta holitopa, vba aholitopa ya binilit aka et ish hopokoyashke, micha chim okla Israel, micha yakni ilvppa piki vhleha ha anumpa kvvlo ish im ilonochi tok mak osh, yakni pishukchi micha foe-bila aiena kvv ayanahanli ya ish pima tok vt na yukpali ish onochashke, ish achashke.

16. Himak nitak a nanvlhpisa bilia, micha aivlhpiesa ish yvmihinchchi hi, chin Chitokaka Chihowah yvt chim apesvshke; yvmohmi hoka chukvsh aioklvht, micha chimi shilombish aioklvht ieshit ish yvmihinchashke.

17. Himak nitak a Chihowah ak osh chin Chitokaka ya chi, micha i hina ak o ish ai itvnova chi, micha i nanvlhpisa bilia, micha im anumpa micha aivlhpiesa yvmihinchchi aiena ka ish iesha chi, micha im anumpa ha ish i haponakla chi, ahli hosh ish mihvshke.

18. Mikma mihvt chim issa tok mak osh himak nitak a, Chihowah yvt im okla ila chia ha chi hi ahli hosh mihvshke; mikma im anumpa moma ka holitoblit ish ieshikma;

19. Anumpuli tuk mak osh, chi chahvchit, ahninchit isht anumpuli ya micha hohchifo ha, micha holitopvt vmmona ka, oklushi puta moma ka yummak oka ikbi tok vt i shahle-

chi yə chishno ak o chi jhikbi ha tuk oke; yvmohmi ho chin Chitokaka Chihowah yə okla i holitopa chia ha chi ha tok, im ahanchi tok.

CHAPTA XXVII. ●

MICHA Moses vt Israel im asvononchi vhleha aienvt okla hə im anumpulit, Anumpa moma himak nitak a hvchim anumpohonli li kə hvsh ieshashke.

2. Atuk osh yakohma hi oke, Chatan a vbanvblit chin Chitokaka Chihowah yvt yakni chima tok a hvsh ona, nitak mvt, tvi hochito ish hiohlichy cha, isht vllhplosa yə isht ish apoluslashke.

3. Micha chiki vhleha in Chitokaka Chihowah yvt mihvt im issa tuk mak osh, chin Chitokaka Chihowah yvt yakni chima tok; yvmmt yakni pishukchi, micha foe-bila aiena kv ayanghanli yə ish chukowa chi hosh ish vbanvblikmvt, nan vllhpisa ilvppa moma anumpa hə ish ai o holissochashke.

4. Yvmohmi hoka yakohma hi oke: Chatan a hvsh vbanvblikmvt, himak nitak a Ebal nvni hə a hvchi miha li kə, tvi puta ilvppa hvsh hiohlichy cha, isht vllhplosa isht ish apoluslashke.

5. Micha yvmak o chin Chitokaka Chihowah yə alta tvi alta yo ish im ikbashke; tvi ishit plesa nana kia ish o wiela he keyu,

6. Chin Chitokaka Chihowah yə tvi kaniohmi tuk vt moma yo alta isht ish im ikbashke; micha hukmit im issa onochit chin Chitokaka Chihowah yə ish im issa hi oke,

7. Micha iti nanaiyvchit im issa ish im issakmvt, yvmak o ish impa cha, chin Chitokaka Chihowah itikba yə na yukvt ish aiashashke.

8. Micha haiaka achukma fehna ho nan vllhpisa ilvppa anumpa moma kə tvi yash ish ai o holissochashke, im achi tok.

9. Mihmt Moses micha naholitoblit isht asha, Lefait vhleha aiena kv Israel moma kə im anumpulit, Ahah ish

ahni cha ish haklashke, Israel ma, Himak nitak a chin Chitokaka Chihowah ya im okla ish tobvshke.

10. Yvmohmi hoka chin Chitokaka Chihowah im anum-pa ha i haponaklot, im anumpa vllhpisa, micha nan vllhpisa bilia himak nitak a chi miha li ka ish yvmihinchashke, achi tok.

11. Micha Moses vt mih nitak ak inli ho okla atokolit i mihvt,

12. Chatan hvsh vbanvbli tukma ilvppa puta, Simeon, Lefai, micha Chuta, micha Issaka, micha Chosif, micha Benchamin aiena kak osh nvni Kelisim paknaka ya hieli cha, okla ha na yukpali anumpa onochashke,

13. Mikma ilvppa puta, Luben, micha Kat, micha Asha, micha Sebulun, Tan, micha Naftali aiena kak osh Ebal nvni paknaka hieli cha, kallakshichi anumpa onochashke,

14. Mihma Lefai vhleha hv Israel hatak vhleha moma ka im anumpulit anumpa chitoli hosh,

15. Hatak nana hosh tvhlt naholvt toba, keyukmvt bilvt akmot naholvt toba, Chihowah nan isht yuwala, hatak nan ikbi imponna ibbak osh atahli yo ikbi cha, alumaka hilechikmvt, kallakshashke: mikma okla moma kv, Amen, achashke;

16. Kvna hosh iki keyukmvt ishki ya ik ahobalokmvt kallakshashke, mikma okla moma kv, Amen, achashke.

17. Kvna hosh in chuka abilika hatak i yakni vllhpisa ya kanvllchikmvt, kallakshashke: mikma okla moma kv Amen, achashke.

18. Kvna hosh nishkin lva ya i hina kohchichikmvt kallakshashke: mikma okla moma kv, Amen, achashke.

19. Kvna hosh okla inla, vlla iki illi, micha ohoyo vllhtakla aiena nan im apesa kv shanaiyvchikmvt, kallakshashke: mikma okla moma kv, Amen, achashke.

20. Kvna hosh iki tekchi ya iba tvshki kv iki im anchi ya wakvmmi hokvt, kallakshashke; mikma okla moma kv, Amen, achashke.

21. Kvna hosh vllhpoa kaniohmi hoh kia iba tvshkikmvt, kallakshashke: mikma okla moma kv, Amen, achashke.

22. Kuna hosh in tek, iki ushetik, keyukmvt ishki ushetik a iba tvshkikmvt kallakshashke, mikma okla moma kut, Amen, achashke.

23. Kuna hosh ipochi ohoyo iba tvshkikmvt kallakshashke: mikma okla moma kut, Amen, achashke.

24. Kuna hosh in chuka abilika hatak a luma hosh fahamamvt kallakshashke: mikma okla moma kut, Amen, achashke.

25. Kuna hosh hatak nan okpvi keyu ho vba chi hosh nahabenamvt kallakshashke; mikma okla moma kut, Amen, achaske.

26. Kuna hosh nan vlpisa ilvppa anumpa moma ka iakaiyvt ik yvmihchokmvt kallakshashke: mikma okla moma kut, Amen, achashke. (achi tok)

CHAPTA XXVIII.

ATUKMA yakohma hi oke, chin Chitokaka Chihowah im anumpa ha achunanchit ish i haponaklo cha, im anumpa moma ka himak nitak a chi miha li ka ithaiyanvt ish yvmihinchikma, chin Chitokaka Chihowah yvt oklushi moma yakni paknaka ai asha ka i shahlechit a chaha ka chi binilicha hi oke.

2. Mikma chin Chitokaka Chihowah im anumpa ha ish i haponaklokma, na yukpali ilvppa puta moma kut chi sakki cha chi onvtoyula hi oke.

3. Tumaha holihta ya na yukpvt a chi onvtoyula hi oke, osapa na yukpa vt chi onvtoyula hi oke,

4. Chi haknip a toba tuk, micha chi yakni a waya tuk, micha chi nanvlhpoba a waya tuk, micha chi wak tek a waya tuk, micha chin chukfi aya puta aiena kut na yukpa hi oke.

5. Chi kishi micha tapvshi chim a yamvska yvt na yukpashke.

6. Ant ish chukowakmvt na chi yukpa hi oke, micha ish kohchakmvt na chi yukpa hi oke.

7. Chin tunvp chi sanalit wakaya vhleha hā chin Chitokaka Chihowah yvt chi nashuka itikba akakohvcha hi oke; hina achvfa hō minti tuk kia, hina untūklo hō chi tikba yihlepa hi oke.

8. Chihowah yvt chim vllhpoyak ai itola chuka, micha nana hō chibbak a isht ish ishikma, na isht yukpali chi onucha hi oke; micha chin Chitokaka Chihowah yvt yakni a chima tok vt a chi yukpa la hi oke.

9. Chihowah yvt anumpa kullo chim ilonohonchi tok mak osh, chin Chitokaka ya im anumpa ish ieshi cha, i hina ya ish itanowakma, im okla i holitopa kullo hosh chikba hi oke.

10. Mikma okla moma yakni paknaka aiasha kv Chihowah hohchifo ak o ishit chi hohchifo kā ithaiyana hi oke; micha chi nukshopa hi oke.

11. Yakni ya chima chi hosh chiki vhleha hā anumpa kullo im ilonochi tok vt, Chihowah yvt chim vllhpoyak, chi haknip a toba, micha chi nan vllhpoba a waya, micha chi yakni a waya aiena kā a chi lauacha hi oke.

12. Chihowah yvt im vllhpoyak achukma vba ya chin tiwi cha, ont ai vllhpiesakma, yakni ya chim umbvcha he, micha chibbak nan toksahanli tuk moma kā na chi yukpala hi oke; mikma oklushi laua kā ish impota cha, chishno chik poto ka hi oke.

13. Micha Chihowah yvt noshkobo ak o chikba hi oke, micha hasimbish ak a he keyu: paknaka ak o ish bieka, ish nutaka he keyu hoke, chin Chitokaka Chihowah im anumpa hā himak nitak a chim anumpohonli li kā i haponaklot ithaiyanvt ish yvmihinchikmvt,

14. Himak nitak a chim anumpohonli li tuk a anumpa kanima kia, i filvmmmit naksi kā ishtimpakimma, keyukmvt vllhfubekimma, kanima kia ivt naholbvt toba iakaiyvt ish aiokpvcha he keyu hoke.

15. Amba yakohma hi oke, chin Chitokaka Chihowah im anumpa hā ish i haponakla he keyukma, im anumpa moma, micha i nan vllhpisa bilia himak nitak a chim anumpohonli li kā ithaiyanvt ish yvmihcha he keyukma, na kallakshi iluppa puta kv chi onvtula hi oke, micha chi sakka hi oke.

16. Tumaha holihta ya a chi kallaksha hi oke, micha osapa ya a chi kallaksha hi oke.

17. Chi kishi hut micha ta pushi chim ayamuska yut kallaksha hi oke.

18. Chi haknip a toba tuk, micha chi yakni a waya tuk, micha chi wak tek a waya tuk, micha chin chukfi vllhpoa aya puta aiena kut kallaksha hi oke.

19. Ant ish chukowakmut chi kallaksha hi oke, micha kohchut ish iakmut, chi kallaksha hi oke.

20. Chihowah yut nana moma yvmihcha chi ho chibbak isht ish ishikma, nan isht kallakshi, micha ishit chukvsh okpulo, micha nahotupa puta et chi onghonchi na, aiokpulo kut chi taha hi oke, micha tushput ont ish moshola hi oke; nana ish akaniohmi kut okpulo hosh is sa kanchi tuk oka.

21. Chihowah yut ililli okpulo ya chi atakalichikma, yakni ish isha chi kash osh ymma ont a chi taha hi oke.

22. Chihowah yut tahat ishit yvna, micha yvna, micha nipi lua, micha nipi lua atampa, micha bushpo falaia, micha bushshi, micha shummit toshbi aiena ka isht chissa hi oke; mikma chi akaiya na, ont ish moshola hi oke.

23. Mikma chi shutik vt chi noshkobo paknaka talaia kut asonak lakna ya hi oke; mikma yakni vt chiyi nutaka talaia kut teli ya hi oke.

24. Chihowah yut chi yakni ai umba ka hituk micha lukfi pushi chohmicha hi oke; vba ya mintit chi onvtohonlakma chi taha hi oke,

25. Chihowah yut chin tunvp vhleha itikba ya a chi akahvcha hi oke; hina achvfa ho vt ish i sanali tukmut, itikba ya hina untuklo ho ish yihlepa hi oke; mikma apelihika puta yakni paknaka aiasha moma ka chisht ona hi oke.

26. Michi chi haknip vt vba hushi moma, micha nampos puta yakni aiasha ka im ilhpak toba hi oke, mikma hatak nana kia mahlolit tiblela he keyu hoke.

27. Chihowah yut Echip hichi a, micha isht asha bla-

chowa, micha hlachowa fathanli, micha wvshko aiena ka isht chissokma chi hlakofa he keyu ka hi oke.

28. Chihowah yvt tasimbo, micha nishkin lupa, micha chukvsh okokko, ahni aiena ka isht chissa hi oke.

29. Mikma hvshi tvbokoli hoh kia posholit ish hikikia hi oke, nishkin lupa vt aiokhlileka ya na posholit hikikia kak o ish chohmi cha nana ish a kaniohmi kvv chim aighla he keyu; peh chilbvshalit, chi wehpohonli na bilia; mikma hatak nana kia chi okchalinja he keyu hoke.

30. Ohoyo ish itim vhpova tukma hatak inla hosh iba tvshka hi oke, chuka ish ikbi tukmvv yvmma ish ai vta he keyu, pakuvi ahollokchi ish hokchi tukmvv yvmma paki a ish ai vma he keyu hoke:

31. Chi wak toksvli ya ish pisa ho chi tikba ai vba he, mikma yvmma ish ai vpa he keyu hoke; chim issuba hakso-bish falaia ya afvrt chi tikba ai isha hi oke, mikma chi falama hv keyu ka hi oke; chin chukfi ha chin tvvvp a ima hi oke, hlakoficha he vt ik chim iksho ka hi oke.

32. Chiso vhleha micha chiso tek vhleha aiena ka okla inla ho ima hi oke, mikma chi nishkin vt pisa bvvvvt taha hosh, anukfilli na biliat illa hi oke, mikma kvvlo kvv chibbak a ik foyuko ka hi oke.

33. Yakni nana a chi waya, micha na ish toksvli tuk mo-ma ka oklushi chik ithano hosh vvvvvt tahla hi oke; micha peh ilbvsha micha litovvt ish bilia hi oke.

34. Yvmohmi ho chi nishkin vt pisa ka ish pisa kak osh chi tasimba hi oke.

35. Chihowah yvt chiyikvlaha ya, micha chiyi ya hichi chi hotopa fehna, micha vta keyu ho isht chissokma, chiyi putta vvvvt ia hosh chi noshkobo tabokaka ont vha hi oke.

36. Chihowah yvt oklushi ya chishno, micha chiki vhleha aiena kvv ithana tok keyu ho, chishno micha chi miko chi pehlichia he o ish hilechi tuk a aiena ka chisht im ona hi oke; mikma yvmmak o naholvvt toba inla ití, micha tvli aiena ka ish aiokpvcha hi oke.

37. Chihowah yvt oklushi moma itin takla chishtia ka

yummak o okokko, isht ahni nana achi, micha isht anum-puli yo ish ita nowa hi oke.

38. Osapa ya pehna laua ho isht ish ia tukmvt, kanomosi ho ish hoyu hi oke; hawa yvt tahla chi hoka.

39. Pakupi ahollokehi ya ish hokehi cha, ish apoksia cha hi oke; yohmi kia oka paki ya ish ishka he keyu, micha paki ya ish ma he keyu hoke: shushi vt vpa hi oke.

40. Chim ai vli moma ka alif iti vt chim aiasha hi oke, yohmi kia bila ya isht ish il ai ahmma he keyu hoke: chim alif vni vt chilofa hi oke.

41. Chiso vheha micha chiso tek vheha ha ish tobacha hi oke; yohmi kia ish aiyukpa he keyu, yuka tobacha kunia hi oke.

42. Chim iti puta ka micha chi yakni a waya puta ka hawa yvt tahla hi oke,

43. Okla inla chitin takla ahanta kut wakayvt chi shahlit chaha fehna hi oke; mikma akanlosi fehna ish ona hi oke.

44. Chimpota hi oke, mikma ish impota he keyu hoke: noshkobo ya hi oke, mihma chishno vto hasimbish chia ya hi oke

45. Michu na kallakshi ilvpa puta moma kut chi onvtula hi oke; micha chiakaiyvt chi sahakki na, ont chi taha hi oke; chin Chitokaka Chihowah im anumpa ha haponaklot, im anumpa vhpisa, micha i nan vhpisa bilia chi miha tok a chik holitoblo tok oka.

46. Michu nan isht atokowa, micha okokko, isht ahni aiena kut chishno micha chim isht atiaka aiena ka onvtoyula na bilia hi oke,

47. Napa moma apakna atuk mak o, na yukvt chukvsh yukpa hosh chin Chitokaka Chihowah ya chik im antio tuk okvt,

48. Yumohmi hokvt chin tnvvp vheha yummak oka Chihowah yvt chi sanali et pila chi ka hohchvfo hosh, micha itukshila hosh, micha nipi bano, micha nana puta moma ka bvna hosh, ish im antia chi hoke; mikma vli ikunla abana yo chikunla abanalikma ont chi taha hi oke.

49. Chihowah yvt oklusi chi sanalichit, yakni hopaki,

yakni ont a taha ka shinimpa kut ossi hika choyuhmi, oklushi yumma im anumpa ha ish ithana keyu ho isht vla hi oke.

50. Oklushi pisa chilita hosh, yummak okut sipokni yoka, ahna he keyu, micha vlla yoh kia i nukhakla he keyu hoke.

51. Michi chi wak awaya, michi chi yakni awaya aiena ka ai ihimpa na, chi taha hi oke; michi yummot onush, oka paki, michi bila, wak tek, michi chin chukfi isht achakut ia yoh kia ik chim ashanchi ho ont chitaha hi oke.

52. Michi chi holihta okhissa puta ka abinanchit fullota na, a chin chaha ka puta, michi holihta chaha puta yummak o ish anukchieto chatuk vt, chi yakni hlopulli moma ka aka itula hi oke; michi chi yakni chin Chitokaka Chihowah yut chima tok hlopulli moma ka chi holihta okhissa puta ka abinanchi hi oke.

53. Michi chin tunv puta kut abinanchit chilvshali na, chi hohchvokmut chi haknip atoba ak inli, chiso vhleha, chisotek vhleha nipi chin Chitokaka Chihowah yut chima tok a ish pa hi oke,

54. Yumohmi ho hatak vt ahah ahnit, ile holitobli hosh chi takla ahanta chatuk kia itibapishi ha, michi tekchi i holitopa tuk a, michi im vlla vhleha atampa ashachi tuk vt i holhponayo ik achukmot pisa hi oke.

55. Yumohmi cha, im vlla vhleha nipi vpa kut, yumma kanima kia ipeta he keyu hoke: chi holihta okhissa moma ka chin tunv vt abinanchit, a fullota cha, chilvshalit abinanchit fullota ha tuk o nana kut ik chim iksho ha tuk okut.

56. Ohoyo ahah ahnit ile holitobli hosh, chi takla ahanta kut, ile holitoblit ahah ahni kut iyi putta ya aka ishit hula he keyu tuk kia, i hatak i holitopa a tuk a, michi ushi a tuk, michi ushetik a tuk,

57. Michi vlla yosh iyi itin takla ya minti tuk, michi im vlla vhleha shoyuli tuk i holhponayo ik achukmot pisa hi oke: michi chin tunv vt chi holihta okhissa puta ka a chilvshalikma, abinanchit a fullotvt atikkonofikma nana moma bunna hosh lumvt vpa hi oke.

58. Nan vhpisa ilvppa anumpa moma holisso ilvppa aho-

lisso ka ithaiyanvt ish yvmihinchu hosh, hohchifo holitopa i nukwia he vhlpiessa chin chitokaka Chihowah ilvppa hvchik i nukwiokma;

59. Yohmikma Chihowah yvt nan isht chim ilbvsha palvmmi, chim isht atiaka nan isht i palvmmi chinto, micha hopaki ho yvmohmi, micha abeka palvmmi hopaki ho yvmohmi ya chi onocha hi oke.

60. Micha Echip illilli okpulo ish i nukshopa chatuk a moma chi onocha hi oke; mikma chi atakala hi oke.

61. Micha nan abeka puta, micha napalvmmi puta nan vhlpiessa ilvppa aholisso ha atakali keyu aiena ka Chihowah yvt chi onohonchikma, chi taha hi oke.

62. Mikma apakna kvv vba fochik oka ish chiyuhmi tuk oh kia, holhtina kanomosi hosh ish ahomba hi oke; chin Chitokaka Chihowah anumpa ha ish i haponakla he keyu hokvt.

63. Atukma yakohma hi oke, Chihowah yvt nana achukma kak o chi yvmihchi cha, chi apaknvchi kvv im achukma tuk vt, anonti chi tahlit ont chi mosholichi kvv, im achukma hi oke; mikma yakni yvmma ish isha chi hosh ish ia ka, ai isht chi kancha hi oke.

64. Micha Chihowah yvt okla moma ka aiyokomvt, yakni a taha ka achvfa vttvt ia hosh, in tvnnvp ont vlli chi fimma hi oke; micha yvmmak o naholvtv toba inla chishno, micha chiki vhleha aiena kvv ish ithana tuk keyu, iti, micha tvli aiena yo ish im antia hi oke.

65. Micha oklushi yvmma puta ai iti takla ya anuktala ya ish ahayucha he keyu; micha chiyi pvvta yvt afoha pisa he keyu hoke: amba Chihowah yvt yvmmak oka chukvsh vvmihinchu micha nishkin elli, micha im anukfila nukhaklo chima hi oke.

66. Mikma chim ilhfiopak a ai isht chi nukhtaklakla hi oke, micha nitak, micha ninak moma ka chi nukshopa cha, ai okchaya fehna chi chik ahno ka hi oke.

67. Chi chukvsh nukshopa ishit chi nukshopakmvt, micha chi nishkin pisa ish pihisakmvt, onnahinlikma, Chihowah yvt vhlpiessa ahni, Opiakbano, ish acha hi oke; atuk osh

opiakma, Chihowah yvt vlpesa ahni, Onnahinlikbano, ish acha hi oke,

68. Mikma Chihowah yvt anonti Echip yummak oka hi-na ya isht chim anumpule li mvt, Anonti ish pisa he keyu hoka, achi li tok a peni hochito apittvt chisht ona hi oke: mikma yummak oka ohoyo yuka micha hatak yuka ikbit chin tenvp chi kancha hi oke, mikma hatak nana kia ik chi chumpo ka hi oke, (achi tok.)

CHAPTA XXIX.

ILUPPA puta kak osh nan itim apesa anumpa ho Holeb a nan ai itim apesa tok vt asha na, Chihowah yvt Moses a tohno na, Israel im vlla vhleha ha Moab yakni ya ai itim apesa tok mak oke.

2. Mihma Moses vt Israel moma ka hoyo cha, im anum-pulit, Echip yakni chi tikba ya Falaoh, micha in tishu vhleha moma aiena, micha i yakni moma aiena ka Chihowah yvt kaniohmichi tok moma ka hvsh pisa ha tuk oke.

3. Nan isht imomaka pisa hochito, micha nan isht atokewa, micha na fehna hochito yvma aiena ka chi nishkin vt pisa ha tuk oke.

4. Yohmi kia Chihowah yvt chukvsh nan isht akostinin-chi, micha nishkin isht pisa, micha haksobish isht haponaklo ya ik hvchimo tok, himak nitak ant vlishke.

5. Mikma afvmmi pokoli ushta ho yakni haiaka ya hvchi pehlichit aya li tuk oke; micha nafohka hvsh foyuka kut tahvt ishtia keyu, mikma shulush chiyi isht ish holo kut tahvt isht ik aiyo tuk oke.

6. Pvska hvchik po, micha oka paki, micha nan ishko homi nana kia hvsh ishko tuk keyushke; yvmohmi hosh vno ak osh hvchin Chitokaka Chihowah sia ka hvsh tt-haiyana chi hatuk oke

7. Atuk osh ilvppa hvsh la ma, Heshbon i, miko Sihon, micha Bashan i miko Ok ita tuklo kut kohchvt pi sanalit pitibi tok; mikma issot e kanchi tok.

8. Mihmut i yakni ya il ishi cha, Lubenait micha Katait, micha Manasseh apelichi iklvna aiena kut i yakni ya chi ho il ima tok.

9. Yumohmi hoka anumpa nan itim apesa iluppa hvsh ieszhi cha, hvsh yvmihchashke; yvmohmi hosh nana hvsh yvmihinchhi moma kut hvchim aighli hvchim achukmashke.

10. Himak nitak a hvsh moma kut hvchin Chitokaka Chihowah itikba ya hvsh hielishke, hvchim apelhichi puta i kvpotvni vhleha, hvchim asvnonchi vhleha, micha na hvchim vltoka vhleha Israel hatak vhleha moma aiena,

11. Hvchim vlla vhleha, hvchi tekchi vhleha, micha chim okla inla vhleha hosh chi binah ha aiasha ya aienvt iti chin chanli vttvt ia hosh, oka chim ochi ont vthi ya aienvt hvsh hielv kut;

12. Chin Chitokaka Chihowah ya nan itim apesa, micha im anumpa kvllo anumpulit, himak nitak a chin Chitokaka Chihowah yvt chitim apihisa ka ish itim apesa chi ha tuk oke.

13. Yumohmi ho himak nitak a nana hvchi miha tok mak o, micha chiki vhleha Eblaham micha Aisak, micha Chekob aiena ka anumpa kvllo im il onochi tok mak osh, kvllochit im okla hvch ikbi cha, hvchin Chitokaka chi ha tok.

14. Michav hvchishno ak bano ho nan itim apesa iluppa, micha anumpa kvllo anumpuli iluppa hvchitim apesa li keyu.

15. Amba himak nitak a pi apelv pin Chitokaka Chihowah itikba hielv, micha himak nitak a pi apelv ik hinlo aiena hoke.

16. Echip yakni ya kaniohmit il aiasha tok, micha oklushi puta kaniohmit hlopullit il itvnowa tok a hvsh ithana.

17. Michav nan isht a yuwala, micha i naholvt toba puta, iti micha tvli, micha tvli hvta, micha tvli lakna aiena kut im ai itin takla ya aiasha ho hvsh pisa tok okvt.

18. Keyukma hvch itin takla ya hatak, keyukmut ohoyo, keyukmut chuka achufa, keyukmut apelhichi himak nitak a pin Chitokaka Chihowah ya chukvsh i filvmmi cha, oklushi iluppa puta i naholvt toba puta ka ona cha im antia yoba na, keyukma chukvsh homi cha, nan isht yuwala waya chi kut, akshish hvch itin takla ya itoyula na,

19. Atuk osh yakohmi na, kallakshichi anumpa ilvppa haklokmvt, ilap chukvsh vt na ile yukpalit anumpa il onochit, Sa chukvsh vm anukfila hosh itukshila ya oka haksi akaieninchi hoh kia nana kvv vm achukma chi hoka, achi yoba na:

20. Chihowah yvt apoancha he keyu hoke; amba Chihowah im ai i nukkilli, micha i nuktahta yvt hatak yvmma i sanalit shobohonla hi oke; mikma kallakshichi anumpa moma holisso ilvppa aholisso tuk vt onvtoyula he; mikma Chihowah yvt hohchifo ha shutik nutaka ya a kashofit kancha hi oke.

21. Micha Chihowah yvt yvmma Israel apelhichi puta moma ka ila filvmmichit, nana ik achukmo ak o isht onvt, nan vlvhisa holisso ilvppa nan itim apesa ya kallakshichi anumpa hvv takali tuk mak o yvmihcha hi oke.

22. Yvmohmi ho hvchim vlla vhleha ai iti shali vt hvch iakaiyvt aiasha he vt, micha okla inla yakni hopaki minti aiena kvv, yakni vt na palummi onvtola tuk, micha abeka ilaiyuka puta Chihowah yvt onochi tuk a pisa ka,

23. Mihma yakni yvmma moma kvv hituk lakna, micha hvpi, micha lvhva, nana ahollokchi keyu, micha nana awaya keyu, micha hvshuk nana kia ai offo keyu, okpulot taha kvv, Sotom micha Komolah, Atmah micha Seboim aiena okpulot taha tok mak o, yvmmak oka Chihowah yvt nukhobela hosh, micha im ai i nukkilli vt libbi hosh okpunit tahli tok choyuhmi ka pisa mak osh, acha hi oke.

24. Oklushi moma kak kia, Nanta katiohmi ho Chihowah yvt yakni ilvppa yvmihchi tuk oh cho? nanta katiohmi ho nuklibisha chito lvshpa kvv yakohmi hoh cho? okla acha hi oke.

25. Yohmikma hatak puta kvv, In Chitokaka Chihowah yvt nan itim apesa iki vhleha ha Echip yakni ya pehlichit kohcha mvt, itim apesa tok a kobvffit kanchi kak oke,

26. Ivt, naholbvt toba inla, naholbvt toba puta ithana tuk keyu, micha ima tuk keyu ka im antia cha ai okpvchi tak oke.

27. Mikma Chihowah im ai i nukkilli vt yakni ilvppa i

sanalit libbi cha, kallakshichi anumpa moma holisso iluppa a holisso tuk a onohonchi tuk oke.

28. Micha Chihowah yvt nuklibisha, micha im ai i nukkihi vt libbi kak osh, micha nukkillit shitlema kak osh teh-lit i yakni ya kohchi tuk osh yakni inla yo pit kanchi tok a himak nitak a yvmohmi hoke, acha hi oke,

29. Na luma puta hokvt pin Chitokaka Chihowah immi hoke; amba nana ka otvnichi tok okuto pishno, micha pim-lla vhleha aiena immi bilia he a tok; yvmohmi hosh nan vhpisa iluppa anumpa moma ka e yvmihcha chi ha tok oke. (achi tok.)

CHAPTA XXX.

ATUKMA yakohma hi oke; nana iluppa puta moma na yukpali, micha nan isht kallakshi chi tikba takalichi li kvt chi onvtoyula cha, oklushi puta itin takla chin Chitokaka Chihowah yvt chi tihleli tuk a hieli ont ish anukfilli,

2. Micha chin Chitokaka Chihowah ya falamvt ish im ona cha, chishno, micha chim vlla vhleha aienvt chi chukvsh mominchit, micha chimi shilombish mominchit himak nitak a nana moma chim ahanchi li tuk mak o, yvmohmit im anumpa ha ish im antiakma;

3. Yohmikma chin Chitokaka Chihowah yvt chi nukhak-lokmvt, falama cha, chi yuka tuk a chi falvminchi cha, ok-lushi moma chin Chitokaka Chihowah yvt pit chi fimmi tuk vt, a hoyot chitvnala hi oke.

4. Chimmi ha tihlelit shutik a tahaka pilla isht ik ona tuk oh kia, yvmmak o chin Chitokaka Chihowah yvt ont a hoyot chitvnala he, micha yvmmak o ont chisht vla hi oke,

5. Micha chin Chitokaka Chihowah yvt, yakni chiki vhle-ha hvt a binili tuk a chisht vla na, ish a binila hi oke; mi-cha nana achukma chi yvmihchikmvt, chi apaknvchi kv- chiki vhleha ha tok a i shahlicha hi oke.

6. Mikma chin Chitokaka Chihowah yvt chi chukvsh, mi-cha chim vlla vhleha chukvsh aiena ka hakshup tvbli na, chin Chitokaka Chihowah ya chi chukvsh mominchit micha

chimi shilombish a mominchit isht ish holitobli cha chi okchaya hi oke,

7. Mikmut chin Chitokaka Chihowah yvt chin tnnvp puta micha chi nukkillit chilbvshali tuk puta kak o kalakshichi ilvppa puta ka onocha hi oke.

8. Mikma ish falama cha, Chihowah im anumpa ha ish im antiakmut, im anumpa moma himak nitak a chi miha hi ka ish yvmihcha hi oke.

9. Mikma chin Chitokaka Chihowah yvt na toksvli puta chibbak isht ish ishi ka, chi haknip a toba micha chi wak a toba micha chi yakni a toba aiena ka achukma ho anukfillit, chin lauacha hi oke: Chihowah yvt chiki vhleha anukfilli mut, yukpa tok mak osh, anonti achukma ho chi anukfillit yukpa chi hoke,

10. Chin Chitokaka Chihowah ya im anumpa ha ish i haponaklo cha, im anumpa vlpisa, micha i nan vlpisa bilia, nan vlpisa holisso ilvppa aholisso tuk a ish ieshikma, micha falamvt chi chukvsh a mominchit, micha chimi shilombish a mominchi hosh ish im onakma,

11. Anumpa ilvppa himak nitak a chim anumpohonli hi kut chin luma keyu; micha chi hopaki keyu hoka;

12. Uba yakni ak o itonla tuk o, Kuta hosh vba yakni ya pim ia cha, ont isht pim vla na, e haklo cha e yvmihcha chi cho? ish acha he o keyu hoka,

13. Micha okhuta mish tnnvp ak o itonla tuk o, Kuta hosh okhuta ha pit pi hlopulli cha, ont isht pim vla na, e haklo cha e yvmihcha chi cho? ish acha he o keyu hoka,

14. Amba ish yvmihcha chi kut anumpa het chi bilinchhi fehnvt, chitih, micha chi chukvsh a foyuka hoke.

15. Yakeh, himak nitak a okchaya micha achukma, filt micha nan ik achukmo aiena ka chi tikba takalichi lishke,

16. Yohmi hosh himak nitak a chin Chitokaka Chihowah ya ish holitobli cha, i hina ya ish ai itvnovvt, im anumpa, micha i nan vlpisa bilia, micha im aivlhpesa yvmihinchhi ya ish ieshi cha, chi okchayvt ish apaknvcha he o chi miha lishke: mikma chin Chitokaka Chihowah yvt yakni ya ish isha chi hosh yvmpa pilla ish ia ka a chi yukpala hi oke,

17. Amba chi chukvah vt filvmmi, yohmi hosh ish i ha-ponakla he keyu; amba naksika ia cha, naholbvt toba puta aiokpvchi, micha ish im antiakma;

18. Himak nitak a anumpa ahli mak o hvch illi pulla he: micha yakni a ish isha chi hosh, Chatan a hlopullit, yvmma pilla ish ia kvv hvchi nitak a hvsh falaiacha he keyu ka hvchi miha lishke.

19. Ai okchaya micha ai illi, aiyukpa micha akalakshi aiena ka hvchi tikba takalichi li ka, vba micha yakni aiena kvv himak nitak a hvchi atokolit holissocha chi ka hoyo lishke; yvmohmi hoka ai okchaya ak o ish atokolashke: yvmohmi hosh hvchishno micha chim isht atiaka yvt okchayashke,

20. Yvmohmi hosh chin Chitokaka Chihowah ya ish holioblashke, micha yvmohmi hosh im anumpa ha ish im antiashe, micha yvmohmi hosh hvsh asitiashe, (yvmmak osh chi ai okchaya, micha nitak isht chi falaia yoke;) yvmohmi hosh Chihowah yvt chiki vheha Eblaham, Aisak, micha Chekob aiena ka ima chi hosh anumpa kvvlo im il onochi tok a, yakni ya ish aiashashke, (achi tok.)

CHAPTA XXXI.

MIHMA Moses vt anumpa ilvppa puta kak o Israel mo-ma ka ont im anumpuli tok.

2. Mich a himak nitak a afvmmi tahlepa cha, pokoli tuklo li hoke; himakma kuhchvt ivt, ant chukowa la he keyu hoke; micha Chihowah yvt Chatan ilvppa ish hlopulla he keyu, a miha ha tuk oke;

3. Chin Chitokaka Chihowah ak osh chi tikba ivt hlopulli cha oklushi ilvppa puta ka chi tikba ai isht kancha chi hoke, mikma ish isha chi hoke: mikma Chihowah yvt achi tuk mak o, Choshua yvmmak osh chi tikba ivt hlopulla chi hoke.

4. Mikma Chihowah yvt Amolait i miko tuklo Sihon, mi-cha Ok, micha i yakni aiena yvmmak oka ishit kanchi tuk vt chohmicha chi hoke.

5. Micha Chihowah yvt anumpa vllhpisa moma hvchi miha li tuk mak o, hvsh yvmihcha chi ho, hvchi tikba hvchima chi hoke,

6. Hvchi kvlashke, micha hvsh aiyimitashke, hvsh i nukshopa na; chin Chitokaka Chihowah yummak osh chi auwant ia hoka, ik chim ai ghlo ka he keyu, micha chi kancha he keyu hoke, achi tok.

7. Mihmut Moses vt Choshua ya hoyo cha, Israel moma kvt pisa ho, Ish kvlashke; micha ish aiyimitashke; okla ilvppa pehlichit, Chihowah yvt iki vhleha ha yakni ya ima chi hosh anumpa kullo im ilonochi tok a ish onashke; micha ish a binilicha chi hoke,

8. Mikma Chihowah yummak osh chi tikba ia hoke, yummak osh chiba foyuka chi hoke; ik chim ai ghlo ka he keyu, micha chi kancha he keyu hoka; ik chi nukshopo kashke, micha ik chi nukhlakancho kashke, im achi tok,

9. Mihmut Moses vt nan vllhpisa ilvppa holissochi cha, Lefai ushi vhleha naholitompa isht asha Chihowah nan itim apesa a fohka itombi holitopa sholi tuk a, micha Israel im asvnonchi moma ka ibbak fohki tok.

10. Micha Moses vt i mihvt, Afummi untuklo kvt ont taha aiyukali i hotofa afummi chukvsh nuktaiyala ya tabenakel ai impvchi,

11. Israel moma kvt chin Chitokaka Chihowah itikba hvsh hiela chi hosh, kanima ho ai atokoli tuk o, vlakma, Israel moma kvt haklo ho nan vllhpisa ilvppa itikba ish ai itim anumpula hi oke.

12. Okla, hatak, ohoyo, micha vlla vhleha, micha okla inla yosh chi holihta okhissa anykaka chim ahanta aiena ka hoyot ish itvnashke; yvmohmi hosh haklashke, micha yvmohmi hosh ithvnashke, micha hvchin Chitokaka Chihowah ya i nukwia cha nan vllhpisa ilvppa anumpa moma ka ithaiyanvt yvmihchashke.

13. Mikma im vlla vhleha nana ka ithana tuk keyu kvt, haklo cha, hvchin Chitokaka Chihowah ya okchayvt yakni ya hvsh isha chi hosh Chatan a hlopullit, yumma pilla hvsh ia kvt hvsh aiasha ka ithaiyanvt i nukwiashe, achi tok.

14. Mihma Chihowah yvt Moses a, Yakeh, chilla chi chi nitak vt mihintishke: Choshua ya hoyo cha, okla moma in tabenakel a hvsh hieli na, anumpa ima lashke, im achi tok. Mihma Moses micha Choshua vt ia cha, okla moma in tabenakel a hieli tok.

15. Mihma Chihowah yvt tabenakel a hoshonti tonik afoyukvt haiaka tok: mihma hoshonti tonik vt tabenakel okhissa paknaka hikia tok.

16. Mihma Chihowah yvt Moses a, Chiki vhleha ha takla chi nusa chi hoke; mikma okla ilvppvt, takla aiasha chi hosh, yumma ia kv wakaya cha, hauit yakni yash okla inla i naholvt toba puta ka iakaiyvt itonowa chi hoka; micha sa kanchikmut, nana itim apesa li tuk a kobuffa hi oke.

17. Yohmikma nitak yumma vm ai i nukkilli vt i sanalit libba hi oke; micha kanchi likmut, sa nashuka ya in luhmi likma, okpulot taha hi oke; micha nan ik achukmo, micha ishtatakuma laua kv onvtoyula hi oke; yohmi cha nitak yumma, Nan ik achukmo ilvppa puta kv pin Chitokaka osh pitakla anta keyu kak o pi onvtola keyu cho? acha hi oke,

18. Mikma fullotvt naholvt toba inla asitvt nan ik achukmo moma toksuli tuk pulla kak o, nitak yumma sa nashuka ya luhmi li pulla hi oke.

19. Yumohmi hoka himak a taloa ilvppa ish holissochi cha, Israel im vlla vhleha ha ish im avchashke; itih ho ish fohkashke; yumohmi na, taloa ilvppvt Israel im vlla vhleha ha i sanalit a witnes ak ashke.

20. Iki vhleha ha anumpa kullo im ilonochi li tuk vt yakni pishukchi, micha foe-bila ayonghanli ya peblichit isht ona li tuk o; impa tuk osh kaiyvt taha cha, niakmut; fullotvt naholvt toba inla iakaiyvt im antiakmut sa nokowvchi cha, a nan itim apesa ya kobuffa hi oke,

21. Atukma yakohma hi oke, nan ik achukmo, micha ai-atakلامoa laua hosh onvtolakma, taloa ilvppvt witnes mak osh i sanalit atokolashke; im ishtatia ka itih ha foyuka ka im ahaksa chi keyu hoke; himak a fehna kak kia anumpa kullo im ilonochi li tuk vt yakni ya isht ak ono kisha ka im

anukfila hut kaniohmit itvnowa ka ithana li hoka, im achi tok.

22. Yvmohmi ma Moses vt mih nitak ak inli ho taloa ilvppa holissochi cha, Israel im vlla vhleha ha im avuchi tok.

23. Mihma Nvn ushi Choshua ya anumpa invt, chi kvl-lashke, micha chi aiyimitashke, anumpa kvlllo im ilonochi li tok mak o Israel im vlla vhleha ha pehlichit yakni ya isht ish chukowa chi hoke; mikma chibafoyuka la chi hoke, achi tok.

24. Atuk o yakohmi tok, Moses vt nan vllhpisa ilvppa anumpa ha holisso ha atakalichit tahli na ont taiyaha ma,

25. Moses vt Lefait vhleha Chihowah nan itim apesa afohka itombi holitopa sholi ya tuk a i mihvt,

26. Nan vllhpisa holisso ilvppa ishi cha, hvchin Chitokaka Chihowah nan itim apesa afohka itombi holitopa anukaka hvsh bohlashke; yvmohmi ho witnes chi sanalit yvmma itoyulashke.

27. Ish ile filvmmichi, micha chikunla kvlllo ka ithana li hoke; yakeh, himak nitak a si okchayvt hvchi takla anta li moma ka Chihowah ya i filvmmi hvchi shahli fehnvshke; a svlli ha yok mak heno i shahli fehna chi keyu cho?

28. Hvchim apehlichu puta im asvnonchi, micha hvchi nan vlhtoka puta ka hvs svv itvnahli na, anumpa ilvppa puta ka haksobish a haklochi lashke; micha vba, micha yakni vt i sanalit holisso takalicha chi ka hoyo lashke.

29. Svlli ha ma il okpvnit hvsh kaiyanchi cha, hina nana hvchi miha li tuk a pit hvsh filema chi: atuk o nitak ont ishtaiopikma, Chihowah itikba ya nan ik achukmo ka yvmi-hinchit hvchibbak isht hvsh toksvilit, hvsh nokovuchi kak o nana ik achukmo kvv hvchi onvtola chi ka ithana li hoka, im achi tok;

30. Mihmvt Moses vt Israel okla moma ka haklochit taloa ilvppa anumpa ha im anumpohonli na ont taiyaha tok.

CAPTA XXXII

UBA puta ma, hush haklashke, mikma anumpule lashke, mikma yakni ma, svtih anumpa ha ish haklashke.

2. Um anumpa hvt umba chiyuhmit itola chi hoke, micha tm anumpa hvt fichak chiyuhmit chilofa chi hoke, okshimihinchi yosh haiyukpulo waloha onvtola kak o chiyuhmi, micha umba hosh hushuk onvtola kak o chiyuhmi hoke.

3. Chihowah hohchifo kak o anoli la chi hokvt; pin Chitokaka yo isht a holitopa ya hush imashke.

4. Yvmmak osh tuli chito ak oke; nan isht ai ahanta yvt vltaha hoke; nan im a kaniohmi puta kv aiulhpiesa hoke; Chitokaka ai ahli, micha nan ashvchi iksho: aiulhpiesa, micha vhpesa yoke.

5. Il okpni tuk oke; litelit takali kv im vlla vhleha liteli yo keyu; ai itishali nan ashvchi, micha shana Iowa vhleha ak oke.

6. Okla im anukfila iksho, micha ik hopoyukso ma; yvmohmi hosh Chihowah ya hush im atobbi cho? chiki yosh chi chumpa tuk keyu cho? chikbi cha kvullochit chi hilechi tuk keyu cho?

7. Nitak chashpo a tok a ish ithaiyanashke, micha ai iti shali lana afvmmi puta ka ish anukfillashke; chiki ya ish i ponaklashke, chi pisvcha hinla hoke, mikmtv chim asvnonchi ma yvmmak okvt chim anola hinla hoke,

8. Chaha Moma i Shahli vt oklushi puta ka i yakni ya chi ho ita kvshkoli tok, Alam ushi vhleha ha ita filvmmichi mv, Isael im vlla vhleha holhtina ha tuk mak o, okla im ai vlli ya apesa tok.

9. Chihowah immi hato im okla hak oke: im ai isha he vhpesa yvt Chekob ak oke.

10. Yakni chokushmi foka yo, micha yakni haiaka achukillissa, nampoa a voha ai ahayuchi tok; fullota hosh ilauelit

isht aya tok: im avvchi tok, ilap nishkin lumbo ak o im itilaut ieshi tok.

11. Qssi yosh im vlpichik a koyohlit, ushi ya paknaka hlopohvchit, sanahchi ashatablit ishi sanahchi ya ishit shaiyali chatuk ak o chiyuhmit,

12. Chihowah ak illa hosh ilauei tok: mihma okla inla i naholbvt toba vt ik ibafoyuko tok.

13. Osapa nan awaya ka ai vpa chi kak o, yakni achahaka ya om binilichi tok; micha tvi chito foe-bila yo, micha tasonak tvi chito bila yo a shukvchi tok.

14. Wak i pishukchi nia, micha chukfi i pishukchi, chukfushi nia aiena, micha Bashan aivlhpoa chukfi nakni, micha issi-kosoma yosh haiyihchi nia aiena, micha onush aiena ho ish impvchi tok: mihma paki okchi ahli issish chohmi ka ish ishko tok.

15. Yohmi tuk kia Cheshulon vt niwt taha mvt, hvhli tok: chi niwt tahvshke, chi chitot tahvshke, nia yosh ishit chi ompoholmoshke: yohmi mvt ikbi tok Chitokaka ya kanchi tok, micha aiokchaya tvi chito yosh ik ahobalo tok.

16. Okla inla i naholbvt toba ishit nuktahlali mvt, na yuwala ya ishit nukowvchi tok.

17. Shilombish okpulo ak o nan vbit isht aiokpvchi tok, Chihowah ak a tok keyu; naholbvt toba ithana ya tuk keyu, naholbvt toba himona, himona yosh hikia tuk hvchiki vhleha hv i nukshopa tok keyu ya tuk oke.

18. Tvi chito chi tobachi tok ano chik anukfilloshe, micha chikbi tok Chitokaka ano issvt ish kanchishke.

19. Atuk o Chihowah yvt pisa mvt shitilema tok; ushi vhleha micha ushetik vhleha hv nokowvchi ha tuk oka.

20. Michas nashuka ya in luhmi lashke: ishtaiopi kaniohmi na pisa lashke: ai itishali ila filimmi fehna, micha aiyimmi ka iksho vlla vhleha hoka.

21. Chihowah keyu ka ishit sa nuktahlali tuk oke; i na makali ya ishit sa nokowvchi tuk oke. Atuk o vno vt okla keyu yo ishit nuktahlali la chi hoke; oklushi im anukfila iksho yo ishit nokowvchi la chi hoke.

22. Sa nokowa ma luak vt libbi kv hukmit aiokpuloka

aka pilla ishtona chi: micha yakni, nan awaya ai ona ka hukmit tabli cha, nvni chaha puta in tola puta ka luak ti-kelicha chi hoke.

23. Nana ik achukmo ka o fohobli la chi hoka, vm oski naki ya a tahli la chi hoke.

24. Hochvfo ho ishit lua he, micha naluachi lvshpa yo micha okpulot taha homi ho ishit taha hi oke: micha nam-poa noti, micha lukfi pushi sinti im isht illi aiena ka on ti-hleli la hi oke.

25. Kocha ya bvshpo falaia, micha anukaka ya komunta yosh hatak himita, micha ohoyo himita hatak ik halelo, mi-cha pishi hatak noshkobo tohbi aiena ka vbit tahla hi oke.

26. Ita fimmit achukbeli ya isht ona lashke; ithaiyana ka hatak ai itin takla ya ai issvchi lashke, achi li tuk oke.

27. In tvnvp vhleha nukhobela ha tuk micha i sanali vhleha hut kaniohmi kvv inla fehna, micha pibbak vt cha-hvshke, Chihowah ak osh ilvppa moma ka yvmihchi tuk keyu hoke, acha he ak o, ik sa nukwio tuk okmvt.

28. Oklushi ahopoyuksa kvv ik im iksho, micha nana ithana anukfoka keyu hokvt.

29. Hopoyuksa tuk okbano, ilvppa ithana tuk okbano, im isht aiopa he vt anukfilli tuk okbano.

30. Katiohmi kak osh achvfa kia tahlepa sipokni hoh kia tihlela he tuk keyu? micha tuklokmtv tahlepa sipokni po-koli kia tihlela he tuk keyu? in Tvli chito yak osh kanchi tuk keyukma: micha Chihowah ak osh im okshita tuk keyukma?

31. In tvli chito vt pin Tvli chito ya chohmi keyu hoka; pin tvnvp vhleha ak inli kvv nan apesa hoka.

32. I pakvpi vt Sotom i pakvpi, micha Komolah osapa ak o ai achvfa chohmi hoka; i paki vt basunlvsh paki yoke, in lokoli vt homi hoke.

33. Im oka paki vt sinti vt isht illichi, micha asp vt isht illichi isht ilbvshali yoke.

34. Ilvppvt vm vltahvt an toyula keyu cho? micha vm ilayak takla ashanvt itoyula keyu cho?

35. Il aiokhvt hotopali, micha falmmainchit im atobbi vt

vmmi hoke: ont aivlhpesakma iyi yvt shakalolla hi oke; nan isht im aiokpuloka chi nitak vt olanlosi hoke: micha nana onvtola chi kvt tushpa hoke.

36. Chihowah yvt im okla ha nan im apesa chi hoka; micha isht akvillo vt i kvnia, micha im okshilita kvt iksho, micha hlakofi kvt iksho ma, pisa kak osh, in tishu vhleha ha ishit i nukhakla hi oke.

37. Michā, I naholbvt toba puta, in tvli chito anukchieto tuk.

38. Yvmmak osh i nan vbit isht aiokpvchi nia vpa tuk, micha ishko im issa oka paki yo im ishko tuk muto? Wakaya cha chi apelashke, micha chi okchalinchi yashke, acha hi oke.

39. Himak a pisá, vno, vno fehna kak osh mih sia hoke, yohmi ka naholbvt toba yvt svba foyuka keyu hoke: vbe li, micha okchalinchi li hoke; hotopali li, micha hlakofiche li hoke; mikma kvna hosh subbak a akolchit hlakoficha he vt iksho hoke.

40. Subbak a vba pit weli lish, Okchayvt ahanta li bilia yoke, achi li hoke.

41. Am bvshpo falaia shohkauali ya halupvchi likmvt, micha subbak a nana apesa isht eshi likmvt, an tvnvp vhleha ha il aiokhvt na hotopali onochi la chi hoke: micha a nukkilli puta ka im atobbi la chi hoke.

42. Um oski naki ya issish a ishit fihobli la hi oke: mikma a bvshpo falaia yvt nipi ya tahla hi oke, micha yvmvt in tvnvp a il ai okha ishtia vmmona ma illi tuk issish, micha yuka tuk ak a hi oke.

43. Oklushi puta ma, im okla takla hvchi yukpashke: in tishu vhleha im issish atuk a ilai okha chi, micha i sanali vhleha ha ilai okhvt nahotopa onocha chi; micha i yakni micha im okla ha i nukhakla hi oka, achi tok.

44. Mihma Moses micha Nvn ushi Choshua vt vla cha, okla hvv hakla ho taloa ilvppa anumpa moma ka anumpo-honli tok.

45. Mihmvt Moses vt anumpa ilvppa mominchit Islael moma ka im anumpuli tuk vt ont tahli tok.

46. Micha anumpa moma himak nitak a hvch iti takla ya ai atokoli li ka hvchi chukvsh a hvsh onochashke, micha hvchim vlla vhleha hvv nan vlpisa iluppa anumpa moma ka ithanvt yvmihcha chi ka hvsh i mihashke.

47. Nan ik ahobo hvchi nana keyu hoka; hvchim ilhfiopak okvt; nana ilvppak o yakni hvsh isha chi hosh Chatan hvsh hlopullit, yvmma hvsh ia kvv nitak ishit hvchi falaia chi hoke, achi tok.

48. Nitak yvmmak inli ma, Chihowah yvt Moses a im anumpulit,

49. Nvnih chaha Abalim iluppa oiyvt Nebo bokko, yvm-mvt Moab yakni hikia, Cheliko ichapaka ya ish onashke; micha Kenan yakni Israel im vlla vhleha hak osh i yakni ya chi hv ima li tuk a ish pisashke.

50. Micha chitibapishi Alon vt Ho nvnih ha ai illi cha, im okla ha ibafohka tok a, chohmit nvnih yvmma pit ish oiya kvv chilli cha chim okla ha ish iba fohka chi hoke.

51. Yakni haiaka Sin Melibah-Katesh oka ya Israel im vlla vhleha ha ai iti takla ya a sanalit ish vbanvli tok okvt, Israel im vlla vhleha ai iti takla ya chik sa holitoblo tok okvt.

52. Yohmi kia yakni vt chi tikba talaia na ish pisa chi hoke; yohmi kia yakni Israel im vlla vhleha ima li tok a yvmma ivt ish ona he keyu hoke, achi tok.

CHAPTA XXXIII.

MICHA nan isht yukpali Chitokaka im antia hatak Moses vt ik illo kisha mvt, Israel im vlla vhleha ha isht yukpali tok.

2. Micha Chihowah yvt Sinai a minti tok, micha Sei yak o i wakaya tok, Palan nvnih hak o atohwikelit et a kohcha tok: micha saint vhleha tahlepa sipokni pokoli hv pehlichit vla tok: ibbak isht impakimma ya nan vlpisa libbi vt vttvt ia tok.

3. Ahli, okla ha i holitopa tok, imi saint vhleha moma kvv chibbak foyuka hoke, micha chiya ituma chieya tok: moma kvv chim anumpa ha ai isha hi oke.

4. Moses vt nan vllhpisa pim apesa tok, Chekob okla moma immi ha chi im aivlhpiesa.

5. Micha okla i noshkoboka vhleha, micha Israel im apelhichi puta kvit iti hoyot itvnaha ma, Cheshulvn a mikot ahanta tok.

6. Luben vt ik okchaya cha, ik illo kashke; micha hatak vt ik i kanomoso kashke.

7. Mikma ilvppak osh Chutah nan isht aiyukpa yoke, micha Chutah vt anumpohonlikmvt, Chihowah ma, im anumpa ha ish haklo cha, im okla ha isht ish im onashke; ibbak ak inli kvit im vllhpeshashke; apela chia hosh in tvnvp vhleha ha ish i hlakofichashke, achi tok.

8. Micha Lefai ano Chin Hlvmmim, micha chim Ulim ak osh chi holitopa takla yashke, yummak oka Massa ya ai i momaka ish pisa tok; micha yumma Melibah oka ya ish iti kullo tok.

9. Yummak osh iki, micha ishki ya pisa li tuk keyn, im achi tok: micha itibapishi vhleha ha ik ithano, micha im vlla vhleha hak inli kash mih yoh ik acho tok: chi nan vllhpisa ha ithaiyana cha, chi nan itim apesa ieshi ha tuk okvt.

10. Nana chim ai vllhpiesa yvmihinchi ak o Chekob a im abvcha chi, micha chi nan vllhpisa Israel a im abvcha hi oke; na balama ya chi tikba talalikmvt, mominchit hukmit isht aiokpvchi ya chim alta ya onocha hi oke.

11. Chihowah ma, im ilayak a ish yukpalashke, micha ibbak toksuli tuk a ish im aiokpvchashke; i sanalit wakayvt hikia, micha i nukkilli puta aiena in chvshwa ya nvhlit ish hlopullichi na, anonti ik wakayo kashke, achi tok.

12. Micha Benchamin ano, Chihowah i holitopa vt achukmaka bilika ai ahanta hi oke, micha CHIHOWAH yvt nitak moma ompohoma hi oke; mikma tajchi itin takla ya ahanta hi oke, achi tok.

13. Micha Chosef ano, I yakni vto Chihowah yvt yukpali ashke, micha vba nan achukma puta, micha fichak, micha oka hofobi yakni nutaka et a tobohonli kak o,

14. Micha na waya holitopa puta hvshi vt tobahanchi ya,

micha nana holitopa puta hvshi ninak aya vt tobahanchi puta kak o,

15. Micha chaspo atok nvni chaha puta nan i shahli kak o; micha nvni hikia na bilia puta nana holitopa aiasha kak o,

16. Micha yakni ya na holitopa aiasha, micha isht alotowa aiena kak o, micha bufaha ya ahanta tok vt aiokpanchi kak o, holitopashke, nan isht yukpali vt Chosef noshkobo ha, micha itibapishi ha ila filvmmi tok noshkobo paknaka ya onvtolashke.

17. Im aholitopa yvt i wak nakni vttahpi ak o chohmi hoke, micha in lvpih vt yunikon lvpih ak o chohmi hoke; yvmmak o okla ha ishit toblit yakni atahaka ya isht ona hi oke; micha yvmmvt Eflaim in tahlepa sipokni pokoli yoke, micha yvmmvt Manasseh in tahlepa sipokni yoke achi tok.

18. Micha Sebulon ano, Sebulon ma, Kohchvt ish iakmvt chi yukpashke; mikma Issaka yvt chi binah antvt chi yukpashke, achi tok.

19. Okla ha i howvt nvni ha isht ona hi oke; yvmmak o aiulhpiesa nan vbit isht aiokpuchi ai im issa hi oke; okhuta hochito nan aiapakna, micha naholitopa luma shinuk aiasha ka shuka hi okvt, achi tok.

20. Mikmvt Kat ano, Kat a chitolichi hokvt, holitopashke; koi chito chiyuhmi hosh ahanta cha, shakba, noshkobo tabokaka aiena ka hlilichi tuk oke.

21. Micha vmmona ka yvmmak o nan vlhpisa ima yvt binilichi ha tuk oka, ila tahli tok; micha okla i noshkoboka apehvt vla tok; Chihowah im vlhpiesa, micha Israel a aiulhpiesa i yvmihinch i ya aighilichi tok, achi tok.

22. Mikmvt Tan ano, Tan vt Koi chito ushi yoke; Bashan a vttvt tolubla hi oke, achi tok.

23. Mikmvt Naftali ano, Naftali ma, im isht ikana ishit fihopa, micha Chihowah ishit yukpali isht alotowa yoke; hvshi ai okatula, micha oka mahli ya ish ishashke, achi tok.

24. Mikmvt Asha ano, Asha yvt vlla vhleha ishit yukpashke; itibapishi vhleha hv aiokpanchit ishit yukpashke, mikma iy i ya bila yo a hilechashke.

25. Chi shulush vt tuli, micha asonak lakna yashke; chim i hlampko vt chi nitak puta ka chohmashke.

26. Cheshulvn in Chitokaka yummak okvt chi apela kut vba aya im aholitopa vba ya chohmi kut iksho hoke, achi tok.

27. Chitokaka ahanta bilia ak osh ish aiatuko yoke; shakba ataba iksho yak osh nuta talaiuvshke; micha tvnvp a chi tikba ya kocha pit tobla chi hoke, micha, Ishit kanchi, acha chi hoke.

28. Yohmikma Israel vt ilap bano hosh ai achukmaka ho ahanta chi hoke; Chekob i kvli ak osh yakni onush, micha oka paki ya onvtoyula chi hoke; micha i shutik vt fichak o akvcha chi hoke.

29. Israel ma na chi yukpashke, kuta hosh Chitokaka okchalnchi chishno ya chohmi cho? okla ma, yummak osh chin tilehpa chi apela, micha yummak osh bushpo falaia ishit chi a holitopa mak oke: chin tvnvp vhleha hvv chi holabi atuk o pisa chi hoke, mikma im achahaka puta ish ahvhlcha chi hoke, (achi tok.)

CHAPTA XXXIV.

MIHMA Moses vt Moab yakni patali ya vttvt Nebo nunih chaha Piskah paknaka, yummvt Cheliko ichapaka ya ona tok; mihma Chihowah yvt Kileat yakni moma Tan ont vhli ka,

2. Micha Naftali moma, micha Eflaim, micha Manasseh yakni, micha Chutah yakni moma okhvta ont vhli fehna,

3. Micha oka-mahli, micha Cheliko okfa yakni patali pam iti tumaha holihta Soa ont vhli ka pisachi tok.

4. Micha Chihowah yvt, Yakni iluppak o Eblaham Aisak, micha Chekob aiena ka anumpa kvllo im ilonochit, chim ishtatiaka ya ima la hi yoke, achi li tok mak oke: chi nishkin ishit chi pisachi lishke, yohmi kia pit hlopullit yumma ish ia he keyu hoke.

5. Yohmi hosh Chihowah im anumpa hatuk mak o,

Chihowah in tishu Moses vt Moab yakni yummak o ai illi tok.

6. Mihma Moab yakni Belhpeo ichapaka okfa ho ahohpi tok; yohmi kia im a hollohpi ya kva ik ithano ho himak nitak ant ai vhli hoke.

7. Yohmi ka Moses vt illi mvt, afvmmi tahlepa achvfa cha pokoli tuklo tok; nishkin vt illi keyu, micha nipi kullo kut tahvt isht ik ayo tok.

8. Mihma Israel im vlla vhleha hut Moab yakni patali Moses a ai ishit yaiya na, nitak pokoli tuchina tok; atuk o Moses a ishit nishkin okchi mintit, ishit yayvt aiasha tuk nitak vt ont taha tok.

9. Mihma Nun ushi Choshua hopoyuksa shilombish a alo-towa tok; Moses vt ibbak a onochi tuk a tuk oka: mihma Israel im vlla vhleha hut i haponaklo cha, Chihowah yvt Moses a tohno tok mak o, yumihiuchi tok.

10. Yohmi ka ola i himmak minti ka Moses a chiyuhmi, yummak oka Chihowah yvt nashuka iti sanalit ithana tok a chiyuhmi kut hopai vt wakayvt ik hikiyo chatuk oke.

11. Yohmi kut nan isht atokowa puta, micha nana afehna puta, yummak oka Echip yakni Falaoh, micha in tishu vhleha moma, micha i yakni moma aiena ka onochit yumihi-cha chi ka Chihowah yvt tohno tok.

12. Michi ibbak kullo moma yumma, micha napalvmmi chinto yumma, Israel moma kut pisa ho Moses vt haiakvchi tok, (achi tok.)









3 2044 038 478 392

A

BIBLE. O.T. Pentateuch.
Choctaw. 1867.

The Books of Genesis,
Exodus, Leviticus,...

BS
345
.C6323
1867

